


Anut san bilaluŋ
foun



The New Testament in the Takia Language of Papua New Guinea

Anut san bilalun foun
The New Testament in the Takia Language of Papua New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d

Contents

Matyu	1
Mak	53
Luk	86
Jon	136
Aposel	175
Rom	222
1 Korint	247
2 Korint	272
Galesia	288
Efesus	297
Filipai	305
Kolosi	311
1 Tesalonaika	317
2 Tesalonaika	322
1 Timoti	325
2 Timoti	331
Taitus	336
Filemon	339
Hibru	341
Jems	357
1 Pita	363
2 Pita	369
1 Jon	373
2 Jon	378
3 Jon	379
Jud	380
Revelesen	382

Matyu

Jesus anen tubun bagen

Luk 3:23-38

¹ Yanjak e irig ipalu den in Jesus Kristus san tubun bagen a. Jesus in Dawid lo ilasa ya, agod Dawid man in Abraham lo ilasa ya.

²⁻⁵ Abraham log ipalug Kin Dawid lo man, tubun bagen san yanjak igo iri a: Abraham, Aisak, Jakob, Juda in tein muroun dida. Aria, Juda man Peres in Serah da tamadi, agod uraru an tinadi Tamar. Aria, Peres, Hesron, Ram, Aminadab, Nason, Salmon, Boas (Boas tinan Rahab), Obed (inanan tinan Rut), agod Jesi. Aria, Jesi man Kin Dawid taman.

⁶⁻¹¹ Dawid log ipalug saen Babilon san kin yu yabisag Jerusalem daon ipani dugo, Juda adi ikudai go Babilon na subanek tamolpein igo won diau go ante dumado na yan san saen lo man, tubun bagen sad yanjak igo iri a: Dawid, Solomon (in tinan man, pein nek a imug Uraya inane ya), Rehoboam, Abijah, Asa, Jehosafat, Jehoram, Usia, Jotam, Ahas, Hese kaya, Manassei, Amon, Josaya, agod Jehoyakin in tein muroun dida.

¹²⁻¹⁶ Aria, Juda adi Babilon na dumado yan san saen ibiseig ipalug, Jesus ilasa yan san saen lo man, tubun bagen sad yanjak igo iri a: Jehoyakin, Sealtiel, Serubabel, Abiud, Eliakim, Asor, Sadok, Akim, Eliud, Eliasar, Matan, Jakob, agod Josef nek a Maria inane ama ya. Maria nek a Jesus igansi a, in tamol nek a Kristus tabol dama ya.

¹⁷ Aria, Abraham log ipalug Dawid ilasa yan tubun 14 lo dar igile ya. Anteg, Dawid log ipalug Juda adi Babilon na dumado yan san saen lo, tubun 14 taida lo dar igile ya. Aria, anteg tubun 14 taida lo dar igile gug Kristus ilasag malan ipuk a.

Kristus ilasa ya

Luk 2:1-7

¹⁸ Aria, Jesus Kristus dugo ilasa amaiak san dal man igo ya. Maria tinan taman in Josef inane san nien dupani, ago yak man Josef pein an da gamugo dien dugo, Awan

Urgun san dabai iganeg Maria luan anda yan tamolpein fidian dile dulon a.

¹⁹ Agog in iwon Josef man tamol itaot ago yan lo in pein an malak malak miai ipani man imoi, agog pasak nam pein an ibiseip isol yau o ilo sou ago igane ya.

²⁰ Saen in san ilo sou ago igane man, yen dugo Tubun ak san enel njonamin lo san na ilasag irupeig ibol, "Josef, Dawid nanun, Maria on iwo yak ninen o ilo ta gidigheid na wa, fun dugo, nanuk Maria tinan lo man Awan Urgun san dabai lo ilasa la ya.

²¹ In nanuk tamol ak igansi wa, ago dop on yan Jesus ubol a, fun dugo, in in san tamolpein inaned aupasek san ai wadan an lo patud ipasi wa."

²² Mel an fidian dilasa yan san fun man igo ya, wagam Anut ru fulalek profet ta awan lo ibol ilasa yan gamu nunon fo tusuda ya.

²³ In ibol, "Pein baras ta kitek tamol ta da dutor man tia yak, tinan lo nanuk tamol ak ta ilasa wa. Ago dop yan Imanuel dubol a." (Yanjak Imanuel fun man igo: "Anut id da tumado da.")

²⁴ Agog saen Josef nion lo imasa man Tubun ak san enel awan irig, Maria iwon on inane san panu na diaug iwon on ida dumado se ya.

²⁵ Ak man saen inane ya man kitek iwon on ida dien man tia ya, agog yang pein an nanuk tamol luan lo yan igansi a. Agog Josef nanuk an yan Jesus ibol a.

2

Manau tamol Jesus dile wo dupalu ya

¹ Jesus Betlehem na ilasa, Betlehem man tan tubun Judea na yen da. Saen an lo Herod in kin imado se ya. Saen Jesus ilasa man manau tamol adi ad ilasa dak lo yak Jerusalem na dupalug gidigheid dusumi-aen se ya,

² "Nanuk a ilasa amaiak dugo mi ak i? In murnap Juda adi sad kin imado wa. Ilasa yan man malon a, man dugo, in san patui ad ilasa dak ate fun iganeg ided do mile ya, an lo man ubou an mile wo mupalu ya."

³ Saen kin Herod in sad ninen ago ilon man ilo sou ifini saian, ago dugo tamolpein

Jerusalem na dam sisem ilo sou gidigheid dijane se ya.

⁴ Agog Herod pris gurman adi, agod kurbiaen san girek manau adi dida itumanai go isumianaig ibol, “Aben dugo amaiak lo Kristus ilasa wak i?”

⁵ Ago dugo dubol, “Inj aben Betlehem o Judea na amaiak ate ilasa wa. Man dugo, wagam ru fulalek san profet ta igireg ibol,

⁶ ‘O Betlehem, tan Judea na, on Judea san gugoi gurman lulunad lo panu kawan ak on tia ya.

Man dugo, mitep on lo gurman ta ilasa wa. Gurman an niasag tamolpein Isrel itir-nai a.’ ”

⁷ Murnag Herod pasak nam manau tamol adi igiaig dupalug isumianai, “Saen dugon lo patui fun iganeg ided ak i?”

⁸ Agog Betlehem na idinaig diau o dugo ago ibol, “Aup nanuk an ninen o aban ale wo uyanan a. Saen ale dop ru ananep apalup, abol nalon dop, nai dam naup ubou an nile wa.”

⁹⁻¹⁰ Saen kin san ninen dulon go itout man fun diganeg Betlehem na diau a. Ago dugo patui a ad ilasa dak lo dile yan, afon ilasa dag dile ya. Saen patui an dile man ilod uyanan geig go uyad isusa ya. Agog patui an imug naod na yang, nanuk ab a lo yen dak ate gug, ab fufo ago ided dugo yen se ya.

¹¹ Agog ab an ate dilasag diladug, nanuk tinan Maria da dumado dugo diliai man, ditakoksig ubou an dile ya. Ago gug melmel naod lak na lak na disini an, awad dupasi idug lou dupani a. Mel naon ibol gol, agod ubou san marasin ta yan frankensens dubol dan, agod marasin ta yan mirr dubol damaiak dupani a.

¹² Agog dumul man Herod san na ta diau na ya, man dugo, insad nion lo Herod san na ta diau na wo Anut geg ipidinai a. Ago yan lo dal senamo dinaneg sed naod na dumul diau a.

Disol go Egipta na diau a

¹³ Aria, saen dumul man Tubun ak san enel nionamin lo Josef san na ilasag irupe, “Masa kisaek on pe nanuk tinan da unal pe tan Egipta na ante asol pe au a. Aup ante amado dop saen isudap nai amul o nabol

dop amul. Man dugo, Herod nek nanuk an daon ipani wo aban ile da.”

¹⁴ Agog Josef imasa kisaek on go nanuk tinan da tidom lo inal go, ab dibiseig fun diganeg Egipta na diau a.

¹⁵ Diaug Egipta na dumado yau dugo Herod imat. Ago gug Egipta dibiseig Judea na dumul diau a. Ninen nek e ru fulalek san profet wagam ibol ago mi nunon ilasa ya. Tubun en ibol, “Egipta ilon lo naineg nanug nuwagin go tan en ibiseig ilasa ya.”

¹⁶ Saen Herod manau tamol dirawi ago ilon man, tinaen imumari geig a. Agog wagai tamol idinaig Betlehem na fidian mi lubanek diaup ante nanuk tamol ananar urarug isuda agog ananar urarug idu yan fidian dufu dumat o diau a. Man dugo, imug Herod manau tamol an isumianaig ibol, “Nal dugon lo patui an fun iganeg ided se yak i?” Ago dugo in ru naon durupeig dubol, “Ananar uraru yau la ya.”

¹⁷ Dal an lo ulon tamol yan Jeremaia wagam ninen a ibol ilasa yan nunon ilasa ya. In ibol,

¹⁸ “Kilagun ta panu Ramah lo dulon a, tina igane dugo tubun mi isasai se ya. An man Rasel nanun muroun ninedi wo tina yabi se ya.

Ilon dijane gug imoi, man dugo, inanen nanun muroun fidian dumat pasik a.”

Inj dumul ak man Nasaret na diau a

¹⁹ Aria saen Herod imat man, Tubun ak san enel Egipta na yang nionamin lo Josef san na ilasag irupeig ibol,

²⁰ “Masap nanuk tinan da unal pe tan Isrel na ante au a. Man dugo, tamol in dufuni imat o digane yan man gubak mi dumat la ya.”

²¹ Agog Josef imasag nanuk tinan da inal go tan Isrel na atna diau a.

²² Saen dumul diau man, Akilaus taman Herod aben inaneg kin imado se yan Josef ago ilon a. An ninen o Josef irer an lo provins Judea ante imado wo man imoi a. Agog afon nion lo Anut ru kagin ipanig Jerusalem na ta yau na wo ibol a. Ago tag Jerusalem irinanig Galili na yau a.

²³ Agog yang aben ta Nasaret dubol dak lo imado se ya. Ante afon ru ta wagam

Anut san ulonj tamol adi dubol an nuñon ilasa da ya. Nñinen an igo ibol, “Tamolpein inñ tamol an nñinen o Nasaret tamol dubol a.”

3

Jon suguek tamol Jesus san dal ikubine da

Mak 1:1-8; Luk 3:1-18; Jon 1:19-28

¹ Saen malak malak lo Jesus gamugo ilasa man, Jon suguek tamol dubol dan ipalug, Judea na tan kawan ak lo ru ifulale se ya.

² Inñ ru kuai te iganeg ibol, “Anñ ilom ibileksa wa, man dugo, Anut san kagin panek an sumeik ipanad la ya.”

³ Profet Aisaia tamol an nñinen o wagam mi igo ibol a, “Tamol ta san kilagun tan kawan ak lo iwaginñ go ibol,

Tubun en inñanen dal akubunep itaot yen a.”

⁴ Aria, Jon san biouñ tinin fo idiri man kamel san fufulun nam igane ya. Agod san let luan na man makau san sunulon nam igane, agod san anañ man sis tutubun agod nini* sad dubei bulbal bulbal dineg ilasa damaiak mi ile dop yani da.

⁵ Saen inñsan urat fun iganep ru ifulale se man, tamolpein wei mi Jerusalem nag Judea ilon lo fidian, you Jordan yen dugo giranen na aben an fidian dupalug ru du- lonj se ya.

⁶ Agog saen inñsan ru dulonj man aupasek digane na yan walal te dubol ilasa dugo, Jon you Jordan lo isuguai idu ya.

⁷ Ak gug saen inñ tamol wei mi Farisi agod Sadyusi ago inñ isuguai o naon na dupalug dilasa dugo yil a, agog ru dabai ipidinaig ibol, “Anñ mot nanun moroun! Enti Anut san tinñae saian mitep ilasa wan nñinen o ru kagin ipanañ dugo asol dak i?”

⁸ Anñ kagin mok a ilom ibilisa dak iri panig yen dan mi agane ilasa wa.

⁹ Anñ anñsem ilom lo igo ta abol na wa, ‘Abraham man manñ tamama, an manñ o idaisuda ya.’ Man dugo, nñai en nñurupaianñ itaot da, Anut ilon ibol tap man, pat e dien den ka inñiliaip ibilaip Abraham nanun muroun mok dilasa wa.

* **3:4:** Kuñobñjob

¹⁰ Pilagis ai dabin lo yen la ya. Ai fidian a nuñod uyan uyan ta ifu na dan, Anut itarep yai lo yabi yaup inanai yau a.

¹¹ “Nñai you lo mi anñ nñusuguanñ da, ago dop tamolpein naod na anñ ilom ibilisa yan kuai isi wa. Ak man tamol a nñai patug fo ipalu dan inñsan dabai nñaisag dabai irinñani geig a. Nñai man tamol gidad a, amaiak nñinen o inñsan sendal nñisini san o yanñag tia ya. Gug tamol en man Awan Urgun lo isuguanñ a, agod Urgun an san yai nam ifulananñ pe ikok alasa wa.

¹² Inñ banin lo kon gilek lo idirai san biouñ yabig imado da. Aben ate urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon anañ ab lo itumani wa. Ak man metmet adi man yai lo isuwari yau a. Agod tamol ta yai an igane imat san tia ya.”

Jon Jesus isugui a

Mak 1:9-11; Luk 3:21-22

¹³ Aria saen ta Jesus Galili ibiseig you Jordan lo Jon isugui wo yau a.

¹⁴ Ak man Jon ipadau go ibol, “Onñse amaiak nñai suguag a. Ata wo onñ nñusuguo wo ubol go nñaisag na palu i?”

¹⁵ Jesus ru naon irupeig ibol, “Gidad umoi dop ago ilasa wa. Id kagin itaot ak fidian tigane san an tigane itout o uyanan a.” Ago tag Jon awan mi iri a.

¹⁶ Agog Jon Jesus isugui a. Nekk saen a Jesus you ibiseig tan fo isuda man, kumaen panu san dalawan awan pasek go yen dugo, Anut san Ur muluk onñ idug, inñ kabunanñ fufo imasi dugo ile ya.

¹⁷ Agog kumaen panu lo waginñ ta inñinen idug, igo ibol dugo ilonj, “En man nñaineg Nanug, nñaineg bubeg mok, inñ nñinen o nñai ilog tubun mi uyanan da.”

4

Ur saian a Satan dubol dan Jesus bitinaek lo igane ya

Mak 1:12-13; Luk 4:1-13

¹ Aria, Jon Jesus isugui itout man, Urgun inñ Jesus iduduwig tan kawan ak lo yaup an lo Satan inñ bitinaek lo igane wa.

² Ante man Jesus sen anañ lo geg ipani a. Nal 40 ad tidom da anañ ta yani na ya,

ak ninjen o nal wadan ante man imatigen saian geig a.

³ Ago dugo ilo njanek san ur saiak an inſan na ilasag irupeig ibol, “Onj Anut Nanun tap, ubol dop pat en bret onj ibili wa.”

⁴ Ak man inſ ru naon irupeig ibol, “Girek ta buk lo igo ibol, tamol bret lo mi ta kumaen imado na da, tia, ru a fidian Anut awan lo ilasa dan lo mi inſ ka kumaen imado wa.”

⁵ An itout go Satan injaneg Jerusalem na diaug, lak na tempel san njudun fufo igunig itur a.

⁶ Ago dugo irupeig, “Onj Anut Nanun tap sokalik udu, man dugo, girek ta buk lo igo ibol,

‘Inſ inanen enjel irupidai dop kagin dupano wa.

Banid nam disawo wa, kabelan pat onj nje ifini banau.’ ”

⁷ Ago dugo Jesus ibol, “Girek ta buk lo dam igo ibol, onj mel ta gane tap lo Tubun en onjane Anut an bitinaek lo ta gane na wa.”

⁸ Agog afon Satan Jesus injaneg did lak na geig ak kabunan fufo igunig itur dugo tan en san aban fidian, agod injaned girager dam, ikubiai pani a.

⁹ Agog irupeig ibol, “Onj takoksip ubou ag ule tap man, njan mel e ule den fidian njanepano wa.”

¹⁰ Ak man Jesus ru naon irupeig ibol, “O Satan sen lasa wau! Man dugo, girek ta buk lo igo ibol, ‘Onj Tubun en onjane Anut mi ubou an ule wa. Inſen mi ninjen o bigabeg urat gane wa.’ ”

¹¹ Ago ibol dugo Satan ibiseig yau a. Agog enjel dudug kagin dupani a.

Jesus inanen ru fulalek san urat fun igane ya

Mak 1:14-15; Luk 4:14-15

¹² Aria, Jon dusubanig subanek ab lo digane ya. Saen Jesus ninjen an ilon man aben an ibiseig Galili na yau a.

¹³ Inſinanen panu Nasaret ibiseig, yang Kaperniam na imado ya. Taun an you tilianek ta, you uyanan ak man, yanjan You Galili dubol dan, sinjiren na yen da. Distrik an gugoi uraru a yanjad Sebulun agod Naf-tali amaiak sad tan.

¹⁴ Dal amaiak lo awak aban ta profet Aisaia ibol an nunon ilasa ya. Inſ ibol,

¹⁵ “Tan Sebulun agod tan Naftali, you tilianek sinjiren na yan, you Jordan aen ate,

tan Galili gob wei mi ante dumado dan, tan an ninjen o njanol da.

¹⁶ Aban an san tamolpein a tidom tubun lo dumado dan,

lilaman tubun ak dile ya.

Agod ensauta a materſ san miriau lo dumado dan,

ilalanſ inſad na ilasa ya.”

¹⁷ Nek saen an lo Jesus fun iganeg ru ifulaleg ibol, “Ilom abilisa, man dugo, Anut san kagin panek man anſam na ipalu sumeik la ya.”

Jesus inſan megeloum malmalan ak igiai a

Mak 1:16-20; Luk 5:1-11

¹⁸ Jesus You Galili gigin irig itor dugo tamol ta tein da yil a. Tamol an imug yanjan Saimon, agod yanjan ta dam Pita dubol da. Agod tein Andru. Uraru an iy njanal, ago yan lo injaned dob you lo dubal idu dugo, Jesus ipalu ya.

¹⁹ Agog irupidai, “Nai njeig abag ari gup tamol anjal san manjan njanepitananjan a.”

²⁰ Agog dob dubal yen dugo njan aban diri kisaek onj a.

²¹ Jesus you aen gigin irig isuda yau man afon tamol ta tein da yil a, Jems Sebedi nanun agod tein bakanan ak yanjan Jon, uraru an wog fo tamad Sebedi da dob duwei se ya. An dam urarum igiai a.

²² Agog urarum wog fo dudu kisaek onj go tamad dibiseig Jesus njan aban diri a.

Jesus ru ifulale dugo tamolpein subam ifu ak ikubuniai a

Luk 6:17-19

²³ Aria Jesus aben Galili ilon lo fidian itiliani pasik go sad ubou ab ilon lo manjan ipitananjan dugo, Anut injanen kagin panek an san bilalun dam malak malak ifulale se ya. Saen an lo tamolpein ilod lo subam naon funfun fidian agod njan banid ikikai an ikubuniai idu se ya.

²⁴ Ago tag ninjen inſ ninjen o ifurak yang tan Siria ilon lo inſan yanjan tubun geig ilasa ya. Ago yan lo tamolpein fidian subam amad da yan dinjal go san na dupalu ya. Tamolpein madaid gidigidad tinid lo, agod

subam naon funfun, tamolpein ur saiak saiak ilod lo yen dan, a saen wei mi kurbarib ifu dan, agod tamolpein njied banidi imat ak an fidian dusu dupalu ya, agog inj ikubuniaid idu pasik a.

²⁵ Agog tamolpein wei mi geig njien aban duri na ya. Galili na dipalug, provins a Ten-Taun* dubol dan te, Jerusalem na, Judea na, agod aben you Jordan aen ate dam fidian inj dile wo dupalu se ya.

5

Jesus Anut san kagin panek an ninjen o ru ifulale ya

Luk 6:20-23

¹ Aria, saen Jesus tamolpein dubuluwi dugo ago ile man, yang did giranjen na isuda yau a. Agog saen imasi an, injsan megeloum awan dulonj o san na dupalu ya.

² Agog awan isupanig fun iganeg ipitenjanai a. Agog ibol,

³ “Talpein enti njutun lo binawek ninjen katukan, an bar injaneg imado da.

Man dugo, Anut san kagin panek man injsan mok a.

⁴ Talpein enti tan en lo tinañ yabi dan, bar injaneg imado da.

Man dugo, Anut inj ilon injane dop ilon pasa ibol a.

⁵ Talpein enti mos kagin mi iri pani dan, bar injaneg imado da.

Man dugo, tan tilianek en san taman igo ilasa wa.

⁶ Talpein enti tamolpein fidian kagin itaot digane san ninjen o yaes isofutani dan, bar injaneg imado da.

Man dugo, injsan mala nouk an idaisuda wa.

⁷ Talpein enti aenta ilod imuñanai dan, bar injaneg imado da.

Man dugo, Anut dam talpein an injanen ilo muñanek ipani wa.

⁸ Talpein enti ilon lo ikokan imado dan, bar injaneg imado da.

Man dugo, inj Anut ile wa.

⁹ Talpein enti maror ipidinaig itor dan, bar dijaneg dumado da.

Man dugo, inj man Anut san nanun muroun mok ago dubol a.

¹⁰ Talpein enti kagin itaot ak ninjen o muruan ile dan, bar injaneg imado da.

Man dugo, Anut san kagin panek man injsan a.

¹¹ “Tamolpein anj naom dufute wak, muruan dupananj ak, agod anj ninjemi wo ru saiak saiak lo sewak digane wa. Man dugo, anj njaisag tamolpein ago yan ninjen o ago digane tap man, anj bar anjaneg amado da.

¹² Yousai lo amado dop ilom uyanan a, fun dugo, anjanem naon kumaen panu lo yen den tubun geig a. Man dugo, nek muruan naon kisaek mi tamolpein profet adi imug dumado yan dupidinai se ya.

Anj beig ilalanj da igo wonj a

Mak 9:50; Luk 4:34-35

¹³ “Tan en lo man anj nek ibol beig onj a. Ak gug beig san gigen itout tap, aria dugo wonj tamol ta san gigen an iganep beig onj ilasa da wak i? Beig an urat aman tia ya, an ninjen o tamolpein tan fo diabi yau dop fufo diau dumul pe duparfufari wa.

¹⁴ Anj tan en lo ilalanj onj amado da. Panu ta did fufo yen dan tamolpein dimiani san tia ya.

¹⁵ Nek ago mi tamol ta lam ibanip sareg paen na ta igane na da. Tia, lam an ab ilon lo isujanai dop ate ab ilon igane ilalanj da.

¹⁶ Nek dal kisaek an lo na agane dop tamolpein ilod lo anjsam midiad* an dile wa, an lo tamolpein anjsam kagin uyan uyan an kuai tem dile wa. Ago dop inj anjanem Tamam kumaen panu lo imado dan per dupani wa.

Jesus Moses san kubiaenj dabai ipani a

¹⁷ “Kabelan Moses san kubiaenj agod profet sad ru an njai njigane itout o njupalu abol banau. Njai mel uraru an njigane itout o ta njupalu na ya, tia, njai tinig lo injaned ru idaisuda wo njupalu ya.

¹⁸ Man dugo, njai rumok njurupaianj da, gamu yaup tan keit da itout san saen idu dop, samun kitekan ta kubiaenj ilon lo yen dan dupasi yaup itout san tia geig a. Tia, mel fidian kubiaenj lo man nek ago yen yaup, nek ru fidian digire yan sad nuñon ilasa wa.

* 4:25: Dekapolis * 5:16: Mididan

¹⁹ Aria, talpein enti a kubiaen tusan ak ta ipilali dugo tamolpein aenta ago mi digane wo ipitejanai dan, talpein an kumaen panu lo yanjan tia wa. Gug talpein enti a kubiaen fidian iri ipani dugo tamolpein aenta kubiaen an fidian diri wo ipitejanai dan, in yanjan kumaen panu na man tubun geig a.

²⁰ Alon uyan a, man dugo, naj itaot nurupaian da, an gidad maeg aganep ananem kagin itaot an, kubiaen girek manau adi, agod Fasidi adi dam, sad kagin itaot ak irinani wa. Tia tap, an Anut san kagin panek lo aladu san man tia geig a.

Jesus tinjae saian san ai wadan ninjen ipitejanai a

²¹ “Ru kubiaen a Anut anjam tubum bagem irupidai an alon a. Ru an ibol, ‘On tamol ta funi imat na wa. Talpein ta tamol ifuni imat tap, isol yau san tia ya, tia, in mok mitep Anut san sumiaek lo itur a.’

²² Ak man naj nurupaian da, an ananem turam ninjemi wo ilom wananan dan, kagin an dam saian geig a. Man dugo, talpein enti a tein lo tinjae saiak igane dan, in dam Anut san sumiaek lo itur a. Agod talpein ta tein pilapil ru saian ak ipani tap, Juda sad kot malan te yak lo itur a. Agod talpein ta tein ipeip ‘on njineo’ ibol tap, in Ades san yai lo idu yau a.

²³ Fun an ninjen o, saen on Anut ilo uyan pani wo mel ta alta san yai fo mari san ninjen o sini palu dop, tei mel ta ninjen on lo ilon saian an ilo sou tap,

²⁴ onane ilo uyan san mel an alta naon na wabi idu dop, umul waup tei da bubem kisaek gup, umul palup onane mel an sinip marip Anut ilo uyan pani wa.

²⁵ Saen on kot ab naon na wau dop, tamol a injiliog kot lo wau o dan, dabai ganep ida njinen an dal te mi akubune kisaek on gup aup alasa wa. Kabelan kot lo alasa dop, tamol an tulek tamol† banin lo iginiop, in on ai katuk banid lo iganep, subanek ab lo dibilio waup, dusubano banau.

²⁶ Naj rumok nurupaio da, on nek ago mado yaup naon dugo dupano yan udad pasik a.

Jeit kagin san pitejanek

† 5:25: Jas

²⁷ “An ru kubiaen e dubol en alon a, ‘On jeit kagin ta gane na wa.’

²⁸ Ak man naj igo nurupaian da, tamol ta pein ta ilep ninjen o ilo masa lo malan isi tap, in ilo sou lo da jeit kagin digane la ya.

²⁹ On mala iganep kagin saiak lo udu tap, mala an fure ilasap biliau a. Gidad, an uyan a, an man on tini san boi ta mi ideg yau a, kabelan on tini fidian mi Ades lo idu banau.

³⁰ Agod saen on bani won ak boi iganep aupasek lo udu tap, an dam tutep biliau a. Gidad, an man on tini san boi kisaek o lian bisei a, kabelan an iganep on tini fidian mi Ades lo yau banau.

Jesus iwo kudi san manau ipidinai
Mat 19:9; Mak 10:11-12; Luk 16:18

³¹ “Ru kubiaen e dubol en dam alon a, ‘Tamol ta iwon pein ak ikudi wo ilon ibol tap, nug banin diabi an itout san girek iwon pein ak an ipani wa.’

³² Ak man naj igo nurupaian da, tamol ta insan pein ikudi san fun man kisaek o lian a, pein an jeit kagin igane la ya, nek an mi a. Saen pein an jeit kagin ta igane na yak gug iwon ikudi tap, in iganep pein an jeit san pein ago ilasa ya. Man dugo, insan pein an tamol foun ak injane tap man, da jeit digane wa. Ago dop tamol sen ta pein a iwon ikudi an injane tap, in dam pein an da jeit kagin digane ya.

Jesus ru dabai panek san ipitejanai a

³³ “Afon ru a Moses san kubiaen tubud baged irupidai an an alon a, ‘Saen onsigane njinen dabai pani wo dop, njinen nunjon aman tia yak lo dabai pani wo ago ta gane na wa. Tia, onane njinen Anut malan lo uri uyanan an mi gane wa.’

³⁴ Ak man naj igo nurupaian da, on mel ta san yanjan lo onsa ru dabai pani wo ta gane na wa. On kumaen panu yanjan patep lo onane ru dabai ta pani na wa, man dugo, aben ante Anut san badim yen da.

³⁵ Agod tan san yanjan patep lo onane ru dabai ta pani na wa, man dugo, tan en man aben Anut san njen ate yaes ibal da. Jerusalem san yanjan patep lo ago gane wan njinen o umoi a, man dugo, aben an man Kinj tubun amaiak san panu malan te ya.

³⁶ Taidam, oŋ kabuŋa dam san yaŋan patep lo oŋsa ru dabai ta pani na wa, man dugo, oŋ gumura roun ta ganep milkouk boi bilkas boi ilasa san tia ya.

³⁷ Nek 'awok' ubol a, tia dop, 'tia' ubol a, an mi idaisuda ya. Oŋ mel ta suguan taida gane tap, kagin an san fun man, ilo sou saiak a ilo lo yen damaiak lo ilasa ya.

Jesus naon pani san maŋau ipidinai

Luk 6:29-30

³⁸ "An mel e kubiaen ibol en alon a, 'Malak ta in oŋ mala san a, agod luok ta in oŋ luo san a, agodo naon pani wa.'

³⁹ Ak man ŋai igo ŋurupaian da, oŋ tamol a saian an ta wabiani na wa. Tia, saen talpein ta kudaŋa won ak igufte tap, ŋas ak dam bilisa dop dam igufte wa.

⁴⁰ Agod saen muruan ta ninen o talpein ta kot lo inilio waup ante tulek tamol irupaio, 'oŋane siot pani.' Ago tap, siot mi ta pani na wa, tia, mel suguan taidam pani wa.

⁴¹ Agod saen yu san tamol ta inanen biouŋ sinip kilomita kisaek wau wo isoduduno tap, sinip kilomita uraru wau pani wa.

⁴² Agod saen talpein ta mel an tia dop bunawi wo ibol tap, pani wa. Agod saen talpein ta oŋsa na gubun igane wo dop ta umoi na wa.

Idsad ager bubed tupidinai a

Luk 6:27-28,32-36

⁴³ "An mel e kubiaen ibol en alon a, 'Oŋane tura murou ilo pidinai a, ak gug oŋane ager adi ninedi wo man siai gane wa.'

⁴⁴ Ak man ŋai igo ŋurupaian da, anjanem ager adi dam bubem apidinai a. Agod ensauta a muruan dupanan dan ninedi wo Anut san na agudani wa.

⁴⁵ An lo dop an man Tamam kumaen panu lo imado dan inŋsan nanun muroun mok ago amado wa. Man dugo, inŋsen mi inanen ad igane ilasa dugo tamol uyan, agod tamol saian ak sisem ilalan ipidinai da, agod ui iganep tamol sad kagin itaot, agod a sad kagin ta itaot na yan, sad na isi wa.

⁴⁶ Ak dugo, tamolpein a oŋ niŋe wo ilod dupano dan mi ilo pidinai tap, Anut naon uyan ak ta ipano wak i? Tia geig a. Man dugo, moni takis ŋilanal tamol adi dam, kagin nek ago mi digane na ya.

⁴⁷ Agod oŋ tura murou mi sad na adian ubol tap, oŋ kagin dugo uyan ak suguan taidam tamolpein aenta ta digane na yan gane di? Gob adi dam kagin nek ago mi digane na ya.

⁴⁸ Amaiak ninen o nek ibol oŋane Tama lak na yan itaotan igo won, oŋ dam itaota lasap mado wa.

6

Jesus pani san maŋau ipidinai a

¹ "Kagin gane wo uyan a, oŋane kagin uyan uyan man tamolpein naod na gane dop lo dilio wo ago ta gane na wa. Oŋ ago gane tap, Tama kumaen panu lo imado dan naon ta ipano na wa.

² Fun an ninen o, saen oŋ talpein enti mel aman tia yan mel ta pani wo ilo ibol tap, talpein ta imug mi dinip yaup dugo gane wo dan ninen o tour ta iwi na wa. Tamol balek uraru san kagin diri dan man, ubou ab lo, agod dal te dam, tamolpein dil o kagin naok ago yak digane na ya. ŋai rumok ŋurupaian da, tamol naok an inaned naon idaisuda mi diŋane la ya.

³ Ak man saen oŋ tamol filiad tia yak mel ta pidinai tap, oŋane bani ŋas an biabi a bani won ak nam gane dan ilon o ta ulefuni na wa.

⁴ An lo dop mianuk lo mi oŋsa binawek pidinai a. Ago dop lo oŋane Tama kagin a mianuk lo mi gane yan ile dop, naon ipano wa.

Jesus gudaneŋ ninen o ipitenanai a

Luk 11:2-4

⁵ "Agod saen oŋ gudani wo dop, tamol balek uraru san kagin diri dan, igo won ta gudani na wa. In ilod ibol dak ubou ab lo, agod dal titin gidigheid ate dam, dugudani wo dutur dop lo tamolpein diliai o digane da. ŋai rumok geig ŋurupaian da, in naon nek an mi diŋane wa.

⁶ Ak man saen oŋ gudani wo dop oŋane galuŋ lo ladup, dalawan futani gup, mianuk lo mi Anut enti a sen imianig imado dan san na gudani wa. Ago dop Tama enti a mel ta mianuk lo yen ak gug, in kuai te mi ile dan, naon ipano wa.

⁷ "Agod saen an agudani man, nek ibol gob adi igo ŋinŋen kawan ak ta afuti na wa.

Man dugo, inşad niñen wei mi dubol dan lo mi Anut kududon igure wak ago dubol a.

⁸ Nek ibol inş dugudani dak igo won ago ta agane na wa. Man ata wo? Gamugo onane Tama sumiani dop mel a niñen o umat pe sumiani wo dan inş ilon la ya.

⁹ Fun an niñen o an igo agudani wa.

O Bai, on did lo mado da.

Onane yanja gun migane da.

¹⁰ Onane kagin panek idu ipalu wa.

Onane awa mi muri mupani wa,
tan na nek ibol did lo digane dak ago mi a.

¹¹ Gamu nal en san anan panama wa.

¹² Manşama gubun on lo migane yan pasi yau a,

nek ibol aenta sad gubun man lo diganeg mupasi dak ago mi a.

¹³ Man kubianek lo madu san an lo ta giniana na wa.

Tia, Satan tuon lo patuma pasi wa.

¹⁴ Man dugo, an tamol ta sad aupasek apare idu tap, Tamam lak na yak anşiganem aupasek dam ipare idu wa.

¹⁵ Ak gug aenta sad aupasek ta apare idu na tap, Tamam anşam aupasek dam ta ipare idu na wa.

Jesus anan geg pani san niñen o manau ipidinai a

¹⁶ “Saen on gudane san dabai nane wo anan lo geg gane tap, nao san leil ta ganep saian na wa, nek ibol tamol balek uraru adi digane dak ago mi ta gane na wa. Inş naod diganep saian dop aenta dil dop dubol a, ‘inş anan tia ditor da.’ Nai rumok nşurupaian da, inşaned naon idaisuda mi diñane la ya.

¹⁷ Ak man saen on gudani wo anan lo geg gane tap, usug pe nao kubune wo uyan a.

¹⁸ Ago dop aenta on anan lo geg gane yan ta dulon na wa. Ago dop Tama mi ilio dop, inş mel mianuk lo ile dan, naon ipano wa.

Filian kumaen panu lo dien da

Luk 12:21,33-34; 11:34-36; 16:13

¹⁹ “An tan en lo filian tubun mok afuti wo urat maeg ta agane na wa. Fun dugo, ente man kadum diani wak, teirteir dam malad dusue wak, gumagam dam ab digilep diladup digam a.

²⁰ Ak man kumaen panu lo mi filian afuti wa. Aben an ate kadum ta diani na wak,

teirteir dam malad ta dusue na wak, agod gumagam dam ab digilep diladup ta digam na wa.

²¹ Man dugo, aben a onane filia ate yen dan, nek aben an mi lo onane ilo tini fidian dam antem yen a.

²² “Onane mala man tini san lilaman. Saen onane mala uyan tap, tini fidian mi igane ilalan a.

²³ Ak man saen on mala saian tap, tini fidian geig an tidom tubun da awan isa wa. Aria, saen lilaman on lo yan tidom tubun on tap, tidom tubun an bilkas geig a.

²⁴ “Tamol ta gurman uraru mi nal kisaek lo mi awad yabi san tia ya. Inş ago igane wo igane tap, inş kisaek o lian niñen o imat dop, turan ile sisaian a. Tia dop, kisaek o lian ilon ipani dop, turan patun ipani wa. Nek ago mi on Anut moni da sisem uri san tia ya.

Ilo ta muruan na wa

Luk 12:22-31

²⁵ “Nek an niñen o nşurupaian da, anşam madok niñen o ilom ta muruan na wa. Mel ani wan niñen o, mel aluk san agod bioun tinim san an niñedi wo ilom ta muruan na wa. Ak dugo, anan an mel tusan dugo nşutumi an mel tubun ak i? Aria, taida mi, bioun tinim san an mel tusan dugo tinimi mok an mel tubun ak i?

²⁶ An niñen o kuseñ eil, inş anan ta dupae na da, inş anan disinip anan ab lo ta dutumani na da, ak man Tamami kumaen panu lo amaiak inşaned anan ipidinai da. Ak dugo, Anut malan lo kuseñ mel tusan dugo an mel tubun geig ak i?

²⁷ Ak dugo, an lulunam lo talpein ta ilon weiwei dan lo nal taidam ka imado wak i?

²⁸ Agod an ata wo bioun direk san niñedi wo ilom muruan dak i? Garan san kakak dugo won disa dak ilom isou a. Kakak an urat ta digane na dak, agod inşaned bioun dam ta diwei na da.

²⁹ Ak man nai nşurupaian da, gidad Solomon damag siñakan ak dupani bo man, inşan leil man kakak an san leil igo tia ya.

³⁰ Aria, Anut garan san kakak san leil iganep siñakan ago dilasa dop, gidad gamu kumaedi dumado gup gabulop yai lo diabiau o tap, o an tamol ilo rumok amam

tusan a, ak dugo, an dam biouñ tinim fo ta idiri na wak i?

³¹ Amaiak niñen o ilom muruan pe ‘ata tani wak i?’ tia, ‘ata taluk ak i?’ tia, ‘ata tinid san biouñ on tidiri wak i?’ ago ta abol na wa.

³² Man dugo, gob adi mel an fidian abañan diabi dutor da. Agod ananem Tamami lak na imado dan mel dugo niñedi wo amat dan in fidian ilon pasik a.

³³ Gug imug mi man, inñsan kagin panek lo aladu san, agod inñsan kagin itaot an dam anane san niñen o maeg agane wa. Ago agane tap, mel an fidian dam anane wa.

³⁴ “Ak niñen o gabulo san niñen o ilom ta muruan na wa, man dugo, gabulo man inñsen niñen o mi ilon muruan a. Nal anen anen inñaned muruan anen anen idaisuda la ya.

7

Aenta bitinaek lo ta dirai na wa *Luk 6:37-38,41-42*

¹ “On aenta biai dudu wo bitinaek lo ta dirai na wa. On ago ta gane na tap, Anut dam on lo ago ta igane na wa.

² Man dugo, dal kisaek nek a lo, aenta bitinaek lo dirai dan, ago mi Anut on dam lo ago igane wa. Agod saen aenta sad madok bitinae ule man, tou dugo yan lo on aenta pidinai dan, tou nek kisaek an mi lo Anut onane madok dam ibitinae ile wa.

³ Dugo won go metmet samun ta tei malan lo ule gug onsigane mala lo ai lapan yen an ta kubiani na yak i?

⁴ En dugo won tei rupeip ubol, ‘Gane dop metmet samun a mala lo yan nupasi yau,’ dugo onsigane mala lo ai an nal fidian mi ago yen di?

⁵ On bale uraru ama ya, imug mi sigane mala lo ai lapan an pasi gup, lo abañ ka ule uyanan dop lo tei malan lo metmet samun an pasi yau a.

⁶ “Mel gun ak gown ta pidinai na wa. Ago gane tap, gown an didansap tini diburtiti kitiktik a. Nek ago mi onane koksai bor naod na ta ubal na wa. Ago gane tap, bor nried nam duparfufari wa.

Sumiaen, abañ ule, dalawan tuti *Luk 11:9-13*

* **7:13:** Ipinima

⁷ “Sumiaen dop Anut ipano wa, abañ ule dop ule wa. Dalawan tuti dop ipasi pano wa.

⁸ Man dugo, talpein a isumiaen dan inane wa, talpein a iban ile dan ile wa, agod talpein a iladu wo isumiaen dan, Anut dalawan ipasi pani wa.

⁹ “Enti an lulunam lo nanun bret o isumiaen dop pat ipani wak i?

¹⁰ Tia dop, iy o isumiaen dop mot wagai ak ipani wak i?

¹¹ Fun an niñen o gidad on tamol saia bo man, nanu murou mel uyan uyan ak pidinai o ulon a. An niñen o mel uyan uyan ak sapita taida dop on Tama kumaen panu lo yan tamolpein a dusumiani dan ipidinai ak i?

¹² Ak niñen o mel fidian lo kagin tamolpein aenta dukubiai pano wo ilo ibol dan, kagin nek an mi on dam imug mi kubiai pidinai a. Ago agane tap, kagin naok naok nek a kubiaen lo ibol an, agod profet sad ru kubiaen durupaian an dam ibulumai a.

Dalawan ipipiani aman *Luk 13:24*

¹³ “Dalawan ipipiani* aman an lo mi aladu wa. Man dugo, dalawan a pitininek aben lo yau an man tubun geig a, agod san dal dam nek ago mi a, agod tamolpein a dalawan amaiak lo diladu dan man wei kasik a.

¹⁴ Ak man dal a kumaen aben lo yau dan man ta pasauman na ya, agod san dalawan ipipiani aman a. An niñen o tamolpein kisaek kisaek mi dal amaiak dile da.

Ai ta nuñon an da *Luk 6:43-44; 13:25-27*

¹⁵ “Profet sewak an niñedi wo kagin agane wa. In tinidi sipsip sunulon nam dubuluwi dop lo mos nam ansam na dupalu wa, ak man tinidi ilon lo man in nek ibol gown kasik yai ided geig ak igo won a.

¹⁶ Inñsad urat nuñon digane ilasa dan te gup sad bunud lo ale alon ak in tamol naok ago ya. Ak dugo, ka tamolpein ai dudurun anda yak lo anar nuñon diñane wak i? Tia, nom lo fud nuñon diñane wak i? Tia geig a.

¹⁷ Fun an niñen o saen ai ta uyan tap, san nuñon ifu ilasa man dam uyan mi a. Ak

man saen ai ta saian tap, san nujon dam saian a.

¹⁸ Ai uyan ak lo nujon saian ak ilasa san tia ya, agod ai saian ak lo nujon uyan ak ilasa san dam tia ya.

¹⁹ Saen ai ta nujon ta ifu uyan na tap, ai an ditare idup dubal yai fo isuda wa.

²⁰ Nek dal an lo mi sad naok naok dugo sad kagin lo igane ilasa dan te, in tamol naok dugo yan an ale alon a.

²¹ “Tamolpein a naj durupaiag pe ‘O Tubun ak, O Tubun ak’ igo dubol dan lulunad lo, aenta Anut san kagin panek lo diladu san tia ya. Tia, tamolpein nek a najisag Tamag kumaen panu na imado dan san ilon dugo yen dugo durid amaiak mi diladu wa.

²² Nal an lo tamolpein wei mi durupaiag pe dubol a, ‘O Tubun en, O Tubun en, man on yan lo profet ru mabol ilasa ya, on yan lo ur saiak saiak tamol ilod lo mukudai diau a, agod on yan lo dam urat dababai anda yan wei mi migane na yan ta ulon na i?’

²³ Ak gug naj nurupidaip nabol a, ‘Nai nal fidian an ta nalon na ya. An kulob saiak saiak san tamolpein, abisawag pe sen alasa!’

Ab bek ta san kankan milaen in ab bek ta san kankan njeo ak da

Luk 6:47-49

²⁴ “Ak njen o talpein a najisag ru ilon pe awag kagin ipani dan, in nek ibol manau tamol ab yabi wo dugo bag san gib kuror mi yabig, pat nam bag fun isueg sakar ak igo won a.

²⁵ Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a.

²⁶ Ak man talpein ru e nabol den ilon gug awag kagin ta ipani na dan, in man nek ibol njeo tamol igo ya, inanen ab yabi wo dugo gib ta yabi nag, lul fufu mi yabi ak igo won a.

²⁷ Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitininek man saian geig a.”

²⁸ Saen Jesus tamolpein sad na mel e fidian ibol se yen igane itout man, in san dal

dugo lo manau ipidinai man dileg maladi ifure idu ya.

²⁹ Fun dugo, in nek ibol insad kubiaen san girek manau adi igo won manau ta ipidinai se na ya, tia, tamol tubun yan an anda yak on ipitenanai se ya.

8

Tamol ta tinin lepra yafutani a

Mak 1:40-45; Luk 5:12-16

¹ Saen Jesus did an fo idu dugo tamolpein wei mi njen aban diri se ya.

² Ago dugo tamol ta tinin lepra yafutani an ipalug Jesus naon na turun isaluwig irupe, “O Tubun ak, on ilo ibol tap, naj kubuniag pe tinig ikok ilasa da wa.”

³ Agog Jesus banin iwateg isupurig ibol, “Ubol agom naj ilog ago yen da, ikok lasa.” Agog tamol an tinin ikok ilasa kisaek on a.

⁴ Ago dugo Jesus irupeig ibol, “Kagin gane, kulob ilasa yen njen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan nanep Anut yai gane pani. An lo dop tamolpein dulon ak onane subam itout a.”

Rom yu gurman san ilo rumok

Luk 7:1-10

⁵ Jesus Kaperniam na yang saen iladu wo dugo Rom san yu gurman ta insan na ipalug binawek ipani wo imosiai a.

⁶ Ago dugo irupeig ibol, “O Tubun en, najisag urat tamol ta subam ifunig ab lo yen da. Njen banin imat dugo madai tubun kasik lo yen da.”

⁷ Agog ru naon irupeig ibol, “Nai npupalup njukubune wa.”

⁸ Ak gug yu gurman an ru naon irupeig ibol, “O Tubun en, on najisag ab lo ladu san man naj yanag tia ya. Ru mi ubol dop lo najisag urat tamol uyan isusa da wa.

⁹ Man dugo, nek onse ago mi, naj dam tamol aenta waged lo urat njigane da, agod najisag yu tamol adi paeg na dumado da. Saen naj yu tamol ta ‘wau’ nabol tap, in yau a. Tia, ta ‘palu’ nabol dop in ipalu wa. Tia, najisag biabi nilanal ta ‘igo gane’ nabol dop, in igane wa.”

¹⁰ Jesus ru an ilon man, irut saian geig a. Agog idansag tamolpein a njen aban diri

se yan irupidai, “Rumok geig njurupaian da, tamol ta ilo rumok naok igo yak aman da Isrel ilon lo nile man tia ya.

¹¹ Njai njurupaian da, tamolpein wei mi ad ilasa dak ate, agod ad idiau dak ate dam dupalup Abraham, Aisak, agod Jakob dida dutumanip, Anut san kagin panek aben ante sisem dumasip, soubul san anan diani wa.

¹² Ak man Anut inisan kagin panek aben san tamolpein injal pe yabiaup patun fo dilasa dop tidom tubun lo mi dumado yau a. Aben ante man tamolpein tinañ digane dop madai lo luod dugurmi wa.”

¹³ Agog Jesus yu gurman an irupeï, “Waup, nek ibol on ilo rumok ama da ago mi, njai dam nek ago mi nigané wa.” Saen Jesus ago ibol go itout man, biabi njanal an uyan isusa kisaek on a.

Jesus tamolpein wei mi ikubuniaig uyan dilasa ya

Mak 1:29-34; Luk 4:38-41

¹⁴ Pita raon subam ifunig tinin dam wananan go, gadab fo insiganen ab lo diganeg yen se ya. Saen Jesus ab an lo iladu man, peïn an yen dugo ile tag

¹⁵ banin iwateg peïn an banin yabi a. Agog peïn an tinin ibubarum kisaek on dugo subam an ibisei a. Agog imasa itur go anan ikubuneg Jesus kagin ipani a.

¹⁶ Aria, saen gurai isi dugo, tamolpein a tinid ur saian saian amad da yan dijal dupalu ya. Ago dugo Jesus ru ta dabai anda yak lo ur saian an fidian ikudai diau a, agog tamolpein subam amad da yan dam ikubuniaig uyan dilasa pasik a.

¹⁷ Jesus kulob a igane yan lo awak aban ta profet Aisaia ibol an nunon ilasa ya, “Inj idsad muruan injal go inanen tinin nam idsad subam isini a.”

Jesus awan tiri san muruan

Luk 9:57-62

¹⁸ Saen Jesus tamolpein wei mok dubuluwi dugo yil an, inanen megeloum adi wog nam you aen ate diau wo irupidai a.

¹⁹ Agog kubiaen san girek manau ta sinjiren na ipalug irupeï, “O Girek Manau, on dugon te wau o dan, njai dam ate tau a.”

²⁰ Gug Jesus ru naon irupeï ibol, “Goun kasik inj wur amad da ya, anakanak dam

wur amad da ya, gug Tamol Nanun ninen o man aben ta ate kabunan igansip njon yabi san o man tia ya.”

²¹ Agog tamol ta inj njien aban iri an irupeï ibol, “O Tubun en, umoi dop njaup, tamag nisare gup.”

²² Ak man Jesus irupeï ibol, “Njeg aban uri wa. Tamolpein a njutudi imat la yan bisawai dop insiganed tubabun ka disiriai a.”

Jesus injinej dugo beig tim da dutokubol a Mak 4:35-41; Luk 8:22-25

²³ You lo dupalug Jesus imug wog lo isuda gug inanen megeloum murna disudag diyawai diau a.

²⁴ Agog you titinaem dumado dugo tim tubun ak ifure ya. Ago dugo you tubun geig imasag wog ilon lo iladu bo man Jesus njon yabi se ya.

²⁵ Agog diaug Jesus dufufunig dubol, “Tubun ak binawam, tadeg tau o sumeik da.”

²⁶ Agog irupidaig ibol, “O an tamol ilo rumok amam nanunan, ata wo arer dak i?” Agog imasa itur go tim tamun da ipidai man, tim ifure na yan itout dugo you malin idu geig a.

²⁷ Saen inisan megeloum ago dile man malad ifure idu dugo sed nug dusumianig dubol, “En so tamol ta igo yak i? Gidad you tim da dumasa yak dubo man awan dulon a.”

Jesus tamol uraru tinid ur saian saian anda yak ikubuniai a

Mak 5:1-20; Luk 8:26-39

²⁸ Jesus wog nam you aen ate ipalu dugo aban ta Gadarin tamolpein dumado dak ate disasau a. Aben ante tamol uraru tinid ur saian saian anda yak mutou aben lo dumado se ya. Uraru an yaided nunon a, an lo tamolpein ninedi wo tubun mi direr dugo aben ante ta diau na da. Saen Jesus sumeik ipidinai man mutou dibiseig diaug naon na dilasa ya.

²⁹ Ago dugo tubun mi disasai dugo duwagin go dubol, “O Anut Nanun, on mel ta man lo i? Dag inisan saen mok gamugo ilasa wo dugo, man imug madai tubun ak panama wo palu i?”

³⁰ Aria, in dumado dak ate kitekan asau man, bor malan tubun geig ak dunuaen se ya.

³¹ Agog ur saian saian an Jesus san na dumosiaig dubol, “Gidad on tamol uraru en ilod lo kudama tap, diramap maup bor malan tubun an tinid lo miladu wa.”

³² Agog in irupidaig ibol, “Au.” An lo man, ur saiak saiak dilasag diaug bor tinid ilon lo diladu ya. Ago yan lo bor fidian dumasag, dumaspalug diaug damab aen te dudug you duluk go dumat pasik a.

³³ Tamol bor kagin dupidinai dan disol go dumaspalu on panu lo diaug mel ilasa yan ninen o tamolpein durupidaig dulon a. Agod tamol a ur saiak saiak ditirni na yan mel dugo in lo ilasa yan dam ninen o dubol go dulon a.

³⁴ An lo man, panu an san tamolpein fidian direr go Jesus dile wo dupalu ya. Saen dupalug dile man inaned aben ibisei wo dusumiani a.

9

Jesus tamol njen banin ikikai ak ikubune ya

Mak 2:1-12; Luk 5:17-26

¹ Jesus wog fo isudag you ituteg aen ate siganen taun lo yau a.

² Ante tamol ta njen banin fidian ikikai aman ak kapal anda disinig Jesus san na dupalu ya. Agog saen Jesus inaned ilo rumok ile man, tamol an irupeig ibol, “O naj nanug, se ilo wabisa; naj onane aupasek fidian nusuas yau la ya.”

³ Ago dugo kubiaen san girek manau aenta in awan dulon man ilod lo mi dubol se, “Tamol an Anut lo ru kukok igane da.”

⁴ Ak man Jesus in kankan dugo digane se yan fidian ilon pasik an lo irupidaig ibol, “An ata wo ilo saiak saiak ilom lo agane dak i?”

⁵ Ata mel pasauman ak i? Aria, naj igo nabol, ‘Onane aupasek npasi yau wo?’ Tia, ‘Masap kapal wabisap utur o?’

⁶ Gug kulob e nigane en lo, naj Tamol Nanun, tan en lo Anut wagen lo aupasek ka npasi yau amaiak alon o ...” saen ago ibol man, tamol a njen banin ikikai aman ak irupeig, “On masa utur pe onane kapal njen onsigane na wau.”

⁷ Agog tamol an imasa itur go siganen ab lo yau a.

⁸ Aria, saen tamolpein a Jesus dubuluwi an kulob ago dile man, dirut saian go Anut yan diabisa ya, man dugo, in san dabai naok ago yan tamol ta ipanig, an lo tamol njen banin ikikai ak ikubune ya.

Jesus Matyu iwagi a

Mak 2:13-17; Luk 5:27-32

⁹ Jesus kitekan taida yang ab ta, ate moni njalan tamolpein sad na takis dinane dak ate ilasa ya. Ate man takis njalan tamol ta imasig imado dugo ile ya. Tamol an yan Matyu. Agog irupeig, “Nieg aban uri.” Agog Matyu imasag njen aban iri a.

¹⁰ Murnag saen Jesus Matyu san ab lo imasig imado dugo sisem anan diani man, takis njalan wei mok, agod tamolpein aenta wei mi a Farisi adi ninedi wo “aupasek tamol” dubol dan dam, dupalug dumasig Jesus inanen megeloum dida sisem anan diani a.

¹¹ Saen Farisi adi ago dile man Jesus san megeloum dusumianai, “En ata wo ansam girek manau takis njalan, agod aupasek tamolpein dida sisem anan diani dak i?”

¹² Ak man Jesus insad sumiaen ago ilon man irupidaig ibol, “Tamolpein a uyadi ak dokta san na ta diau na da, tia, tamolpein subam anda yak mi diau da.

¹³ Alasa aup girek en ilom isou uyan dop san fun alon mok a, ‘An ilo uyan apanag an njen yai agane panag o ilog ta ibol na ya, tia, an aenta ilom imunani o mi njamat da.’ Man dugo, naj tamolpein a itaot adi dubol dak njigai dupalu san njen o ta npalu na ya, tia, aupasek tamol adi mi njigai o npalu ya.”

Jon san megeloum anan san geg njen o dusumiaen a

Mak 2:18-22; Luk 5:33-39

¹⁴ Agog Jon san megeloum Jesus san na dupalug dusumiani, “Man agod Farisi dida nal kadi anan lo sema geg ipanama da, ago gug ata wo onsigane megeloum anan lo geg ta digane na dak i?”

¹⁵ Agog Jesus irupidaig ibol, “Tamol ta iwon da sad nug nanek san saen an ilom isou a. Ak dugo, saen tamol an inanen turan muroun dida dumado dan, wali diganep

lo ilo muruan amad da dumado wo ago digane waki? Tia geig. Gug nal ta ipalu dan te man, nug njanek san tamol an naon atna tia wa, nal an lo gup waliñ digane dop ilo muruan lo ditata wa.

¹⁶ “Tamol, yamel kilaken ta ikukuik* na yan irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop afon irasire dop daon ipani wa.

¹⁷ Agod tamol dam wain foun ak bilelek sunulon wagam ak lo ta diwali na da. Man dugo, ago digane tap, wain foun an iganep bilelek sunulon wagam an ikafut yaup ipuk dop, wain ikulmaek pe tan fo idu dop, bilelek sunulon dam daon ipani wa. Fun an ninen o in wain foun ak bilelek sunulon foun ak lo mi diwali da, ago dop bilelek sunulon an in wain da sisem ka uyanan mi dien yau a.”

Kubakan ta imat ak in pein ta subam anda yak da

Mak 5:21-43; Luk 8:40-56

¹⁸ Saen Jesus mel an sad na ibol ilasa dugo, gurman ta san na ipalug njen fun na turun isaluwig irupeig ibol, “Njanek nanug pein gamu na geig imat a, ak man on in san na palup bani kabunan fufo gane tap man, kumaen ilasa da wa.”

¹⁹ Ago tag Jesus imasag in anen megeloum dida njen aban dirig diau a.

²⁰ Gug saen dal durig diau man, pein ta subam anda imado se yan njen aban irig yau se ya. Pein an ananar 12 siganen dar tinin ilon lo yak ilasa se ya. Aria, in Jesus patun fo yaug sumeik man banin iwateg in san kulos bitinen isupuri a.

²¹ Man dugo, in imug mi siganen ilo sou lo ago ibol, “Nai banig in anen kulos mi nusupuri tap, in anen dabai ikubuniag a.”

²² Saen in anen kulos isupuri man, Jesus idansag ileg irupeig, “O nanug pein, ilo wabisa, on sigane ilo rumok nai lo yan ikubunio ya.” Ago ibol man pein an tinin nek saen ante mi uyan ilasa kisaek on a.

²³ Saen Jesus gurman an san ab ate ilasa man, ilon lo iladu ya. Ante man tamol suduk duwi dugo, tamolpein ditata wo

dutumani an, liliñan tubun mok diganeg dumado dugo yil a.

²⁴ Agog irupidaig ibol, “Alasa au, man dugo, pein baras an ta imat na ya. Tia, in njen yabi da.” Ago ibol man disel on dugo kukok an digane se ya.

²⁵ Ak man Jesus imug tumanek malan an ikudaig kuai te dilasa, agog pein baras an san galun lo iladug banin te yabi a. Saen yabi man pein baras an imasa ya.

²⁶ Agog kulob e igane yen san njen an dijaneg aben tubun an san titin fidian lo dubol itiliani a.

Jesus tamol malad itau agod tamol awan itau ak dam ikubuniai a

²⁷ Jesus aben an ibiseig yau dugo tamol uraru malad itau an njen aban duri se ya. In tubun mok disasai dugo duwagin se, “O Dawid Nanun, gidad ilo panama wo!”

²⁸ Saen Jesus ab ta lo iladu man, tamol uraru malad itau an ate san na dilasa ya. Ago tag irupidaig ibol, “Ak dugo, nai kulob e njigane san an ilom lo rumok ak i?” Go in durupeig, “Awo, O Tubun ak.”

²⁹ Agog Jesus uraru an maladi isupuri dugo ibol, “Ananem ilo rumok iri panim nek ago mi an o ilasa wa.”

³⁰ Agog maladi uyan ilasag aban dile uyan a. Ak gug Jesus ru dabai nam ru kagin igo irupidai, “Kagin agane wa, talpein ta kulob e ilasa yen dulon o ta arupidai na wa!”

³¹ Ak man dibiseig diaug njen an aben fidian distrik an ilon lo dubol ditiliani se ya.

³² Saen Jesus in anen megeloum dida ab an dibisei man, tamol awan itau ak ta dijaneg san na dupalu ya, man dugo, tamol an ur saiak ilon lo imado na ya.

³³ Jesus tamol an ilon lo ur saiak an ikudi man, tamol an njen kisaek on a. Agog tamolpein a dutumanig dumado dan kulob an dileg durut saian go dubol, “Mel tutubu naok ago yak imug mi Isrel na ta ilasa na ya.”

³⁴ Ak man Farisi adi dubol, “Ur saiak sad gurman in anen tuon nam ur saiak tamol tinid ilon lo yak ikudai da.”

Urat tamolpein wei an tia ya

* **9:16:** Ikukup isuda

³⁵ Jesus panu fidian agog taun fidian lo itilianig itor se ya. Inaned ubou ab fidian ilod lo ipitejanai go aben gidigheid lo Anut san kagin panek an san bilalun uyanan ak ninen o ibol ilasa se ya. Agod subam naok funfun an fidian dam ikubunia na ya.

³⁶ Saen tumanek ile man, ilon lo tubun mok imujanai a, man dugo, inanen malan lo goun kasik tamolpein an dirasisirai ak igo won a, agod tan fufo dudug dabai amad tia yak dien dak igo won a. Nek ibol sipsip sad muroun tia yak ago mi dumado se ya.

³⁷ Agog Jesus inanen megeloum irupidaig ibol, "Anan wei mi ibes pasik a, ak man sinek san tamol wei an tia ya.

³⁸ Amaiak ninen o anjanem gadin lo man, an sinek urat san muroun asumiani dop in ka sinek san tamol wei mok injal pe idinaip, anan dutumani wo, inanen abi lo diau a."

10

Jesus inanen megeloum urat digane wo manau ipidinai a

Mak 3:13-19; 6:7-13; Luk 6:12-16; 9:1-6

¹ Jesus inanen megeloum 12 an igiaig siniren na dupalug dabai ipidinai a. Ago yan lo in wagen lo ka ur saiak saiak tamolpein ilod lo dukudai diau a. Agod dam ka subam funfun dukubunia idu wa.

² Aposel 12 an yanadi igo ya, imug an Saimon, tamol an yanjan neinta Pita dubol dan, in tein Andru da. Tinin te Jems in Jon da Sebedi nanun muroun.

³ Filip, Bartolomiu, Tomas, Matyu tamolpein sad na moni takis isi dan, Jems Alfeus nanun, agod Tadaeus.

⁴ Saimon neinta in Rom san yu tamol sad ager, agod Judas Iskeriot tamol an murnag Jesus ager tamol banid lo igane yau a.

⁵ Jesus tamol 12 en idinaig ru dufulale wo diau a. In igo digane wo irupidai a, "An tamolpein Juda tia yak sad tan lo ta au na wak, agod taun dugon Samaria sadi dam lo ta au na wa.

⁶ Tia, sipsip a dideg diau san dumado dan Isrel sad warou lo dilasa yan sad na mi au a.

⁷ Atiliani ator dop igo abol ilasa wa, 'Anut san kagin panek ipalug sumeik la ya.'

⁸ Subam ifu an akubunia, dumat la yan afufunaip dumasa wa. A tinid lepra amad

da yan akubuniaip tinid afon uyan ilasa da wa. Agop ur saiak saiak tamolpein ilod lo yan akudai diau a. An naisag dabai sen kawan anane amaiak ninen o, tamolpein dam moni tia kawan akubunia a.

⁹ An moni dam ta asini na wa. Pat naon ibol gol boi ta silva boi ta kopa ago won anjanem let lo iyuk dan ta asini na wa.

¹⁰ Au wo dop turen san badam ta asini na wak, madid san kulos taidam ta asini na wak, sendal dam ta anane na wak, agod makud dam ta anane na wa. Man dugo, a sad na urat agane wo dan anan lo dibinawan san man uyan a.

¹¹ "Agog saen panu ta boi, tia taun ta boi lo aladu wo dop asumianai a. Ago dop enti tamol uyan an dubol alon gup, aup, tamol an da amado na gup, abisei dap, au a.

¹²⁻¹³ Agog saen san ab lo aladu wo dop, bar maror san an tamolpein ab an lo dumado dan ninedi wo agudani gup, aladu wa. Saen tamolpein an ilo uyan lo digian tap, bar an in da dumado wa. Ak man saen in ta digian o uyan na tap, bar an apasi anane da wa.

¹⁴ Ak gug saen tamolpein aban an ate patud dupanan boi, tia, an sam ninen ta dulon na tap, niem fo gufgaf afuni idu gup, ab boi, tia, aben boi, an abiseip au a.

¹⁵ Nai ru en rumok geig nurupaian da, saen nal a lo Anut tamolpein ibitinae san ilasa dop, aben an san tamolpein muruan tubun geig ak ipidinai a. Agod inaned wadan naon an taun Sodom in Gomora da sad wadan naon an irinani geig a.

¹⁶ Alon sinakan, nek ibol sipsip in goun kasik lulanad lo dutor dak igo won, nai an nidan pe tan en san tamolpein naod na au o da. Ago yak ninen o mot igo won aban ale wo uyanan a, gug anjanem turen lo nek muluk on mos kagin lo mi ator a.

Murnap muruan wei mi dilasa wa

Mat 24:9-14; Mak 13:9-13; Luk 21:12-19

¹⁷ "Tamol ninedi wo kagin agane wo uyanan a, man dugo, tamol an dusubanan dop dinilian pe inaned tumanek lo dibitinian o dugunan a, agod Juda sad ubou ab lo rasau nam dufunan a.

¹⁸ Tamolpein an nai nineg o dibian dop dirian on dinilian pe tamol gurman in kin

da naod na atur a. Ago yan lo in naod na, agod gob fidian naod na dam, ananem ilo rumok naj o kuai tem ka abol ilasa wa.

¹⁹ Aria, saen ager banid lo didirañ dop, ru dugo abol man ninen o ilom ta muruan na wa, ru naok dugo yak arupidai an dam ninen o ilom ta saian na wa. Man dugo, saen nek an lo ru a arupidai an Anut san Urgan ipanañ a.

²⁰ Man dugo, ru a ubol dan onsa mi tia ya. Tia, onane Bai Anut anen Ur, in sen mi on awa lo in inen da.

²¹ Tein ta in anen tein ager banid lo iganep dufuni imat a. Taman ta dam nanun muroun lo ago igane wa. Nanuk dam tinan taman patun ipidinaip ai katuk banid lo idiraip dufu dumat a.

²² Agod tamolpein fidian naj nineg o an lo siai digane wa. Ak gug enti a muruan en fidian lo itur sakar on yaup in anen wadan idu dop, naj talpein an in anep patun nupasi wa.

²³ Saen panu ta ante muruan dupano tap, usol pe panu turan ate wau a. Naj rumok nrupaian da, an panu fidian Isrel ilon lo yan ate gamugo au itout dop, naj, Tamol Nanun, namul nupalu wa.

²⁴ “Nanuk manau inane wo dan, in san girek manau ta irinani na da. Agod urat tamol dam in anen tirnek ta irinani na da.

²⁵ Nanuk a manau inane dan siganen girek manau igo won ilasa tap, an idaisuda ya. Agod urat tamol siganen tirnek igo won ilasa tap, an dam idaisuda ya. Ak dugo, ab muroun in Satan dubol dak ago tap man, sapta taida dop ab muroun an san gugoi lo uf ru dupidinai ak i?

Tamol Anut mi ninen o irer a

Luk 12:2-9

²⁶ “Amaiak ninen o an tamolpein naok ago yak ninedi wo ta arer na wa. Man dugo, mel fidian gamu dufutanig dien dan murnap walal te dilasa wa, agod mel fidian gamu mianuk lo didiraig dien dan dam, murnap Anut iganep id fidian talon a.

²⁷ Ru tidom tubun lo nrupaian dan, ad lo abol ilasa wa. Agod ru dugo kisikisik lo alon dan, ab fun fufo atur pe awam tubun mi abol ilasa dop fidian dulon a.

²⁸ Agod tamolpein a on tini dufuni imat gug, on nutu dufuni imat san ta idaisuda na yan ninedi wo ta urer na wa. Tia, gidad enti a on tini nutu sisem Ades lo daon ka ipidinai san dabai aman da yan ninen o mi urer a.

²⁹ Ak dugo, kusen uraru didaen san an sapita yak i? Nek toea kisaek o lian a. Ago bo man, onane Bai ilon ago ta yen na tap, kusen an dumat pe tan na dudu san tia ya.

³⁰ Nek gurma roun san sutek Anut ilon pasik a.

³¹ Amaiak ninen o urer umoi. Anut malan lo onane naon lak na geig a, naon an kusen wei mi sad naod irinani geig a.

³² “Talpein ta tamol naod na in naisag ago ibol tap, naj dam Tamag kumaen panu na yan naon na natur pe nabol ak in naisag a.

³³ Ak man talpein ta tamol naod na in naisag tia yak ago ibol tap, naj dam Tamag kumaen panu na yan naon na in naisag tia yak ago nabol a.

Jesus tan na ilasa yak san fun

Luk 12:51-53; 14:26-27

³⁴ Kabelan naj maror tan en lo niganen ilasa san nupalu yak ago ilom isou banau. Tia, naj muruan ale yau o an lulunam lo nupalu ya.

³⁵ Man dugo, naj nupalu san fun man igo ya,

‘nanuk dimasap tamadi lo siai digane wa, nek ago mi nanudi pein dimasap tinadi lo siai digane wa. Nek ago mi, nanuk pein dam dimasap iraodi lo siai digane wa.

³⁶ Tamol san ager mok man, siganen gugoi ilon lo mi a.’

³⁷ Talpein ta tinan taman ninedi wo tubun geig imat gug, naj o tubun mi ta imat na tap, talpein naok ago man in naisag talpein ilasa san an ta idaisuda na ya. Agod talpein ta nanun muroun ninedi wo tubun geig imat gug, naj o tubun mi ta imat na tap, talpein naok ago yan dam naisag talpein ilasa wo ta idaisuda na ya.

³⁸ Agod talpein siganen aigim fufo imat an isinip nieg aban ta iri na tap, in dam naisag talpein ilasa san ta idaisuda na ya.

³⁹ Talpein a siganen madok yabituani dan, madok mok a kumaen panu lo yan banin lo ideg yau a. Ak man talpein ta naj

ninɛg o siganen madok tan san an banin lo ibisei yau tap, madok yen yau san an injane wa.

Id aenta tibinawai tap, naon uyanan ak tinjane wa

Mak 9:41

⁴⁰“Talpein enti uyan ipanan tap, ɲai dam uyan ipanag da. Agod inj a uyan ipanag dan, a idinag go ɲupalu yan dam uyan ipani da.

⁴¹Talpein ta inj profet ta ilonɲ gug profet an uyan ipani tap, inj profet sad urat naon injane wa. Nek ago mi, talpein ta inj tamol itaot ak ta ilonɲ gug, tamol an uyan ipani tap, inj dam tamol itaot aman an san naon injane wa.

⁴²Agod talpein ta nanuk kititik luluɲad lo nanuk kisaek o lian, inj ɲaisag megeloum ago ilonɲ go, talpein an you bubarum kitek an mi nanuk an ipani tap, ɲai rumok ɲurupaianɲ da, kulob an san naon irinjan san tia geig a.”

11

Jesus inj Jon suguek san da

Luk 7:18-35

¹Saen Jesus injanen megeloum ru kagin irupidai itout man, inj aben an ibiseig yau a. Yaug aben an san taun gidigidad dien dan lo sad tamolpein ipitenjanai dop Anut san ru ifulale wo itor se ya.

²Aria, saen Jon subanek ab lo imado se man, Kristus urat naok naok igane dan ilonɲ, insiganen megeloum aenta idinaig ru disinig Jesus san na diau a.

³Ru sinek tamol an Jesus san na dilasag Jon wagen lo ago dubol dusumiani, “Tamol a ipalu san ninen o manɲ mala nouk mumado dan, onɲ tamol nek amaiak i? Tia, manɲ tamol sen ak ipalu san ninen o mala nouk mumado wak i?”

⁴Jesus ilonɲ go ru naon irupidai, “Amul aup mel dugo ale dugo, ru alonɲ na yan dam Jon arupeip ilonɲ a:

⁵malad itau ak afon abanɲ dile dugo, ɲied saian ak afon turenɲ diabi dugo, a tinid lepra amad da yan tinid siɲaokan dilasa ya. Kududod itau ak ɲinenɲ afon dulonɲ dugo, a dumat ak kumaen dumasag dumado dugo, agod tamolpein mel amad tia yak bilaluɲ uyanan ak ɲifulale pidinai dugo dulonɲ da.

⁶Agod talpein a ɲai o ilon ta saian na yan, inj Anut san bar injane wa.”

⁷Jon san megeloum dumul diau dugo, Jesus Jon ninen o tamolpein irupidai o fun iganeg igo ibol, “Saen an aben kawan talpein tia yak ate au an, an ata mel mok ale wo au ak i? Nag an tim ifurep war iwi yau imul dop ale wo au boi ak i?”

⁸Tia tap, ata wo au ak i? Nag an tamol ta tinin kulos naon lak na geig ak idiri amaiak ale wo au ak i? Tia, tamol a biounɲ naok ago yak didiri duman, inj kinɲ sad ab lo mi dumado da.

⁹Ak ninen o ata mel mok ale wo au ak i? Nag profet ale wo boi i? Awo, agod nek amaiak ninen o ɲurupaianɲ da, profet en man rumok inj profet a, ak gug urat subanɲan taidam da imado da,

¹⁰tamol nek emaiak ninen o girek e Anut san ru lo digire idug yen den, igo ibol, ‘Ule, ɲaisag ru sinek tamol ɲidinip, onɲ nao na imug mi yau a.

An lo man onɲsa dal ikubune wa.’

¹¹ɲai rumok ɲurupaianɲ da, tamol a pein tinɲaed lo dilasa yan luluɲad lo tamol ta kisaek Jon Suguek san irinjan man tia ya. Ago bo man, tamol ta Anut san kagin panek aben ilon lo yanɲan aman tia yan, fidian aenta paed na imado dan, inj Jon Suguek san an irinjan a.

¹²Saen Jon Suguek San kuai te ilasag yaug saen gamu tumado den lo, Anut san kagin panek aben an sen wagai ikubiani na ya, agod tamol wagai san amaiak silei nam aben an dinjane da.

¹³Man dugo, profet adi agod Moses san Kubiaenɲ dam profet ru lo dubol ilasag yaug saen Jon ilasa yan lo inaned urat itout a.

¹⁴Agod ɲinenɲ e ɲurupaianɲ en ilom lo rumok o ilom ago yen tap, profet Elaija Anut san buk lo inj ipalu wak ru ago ibol an man nek Jon ama ya.

¹⁵Tamol onɲ kududo ama da tap, ru an ulonɲ uyanan a.

¹⁶“Saen en san tamolpein inj naok dugo wonɲ ak i? Inɲ nek ibol nanuk kititik dadenɲ aben na dumasig dumado dugo nanuk aenta igo dubol digiai da,

¹⁷‘Man an atari wo dum muwi se ya, ak man an ta atari na ya.

Agod materj san saen an san bar mabi se ya,
gug an ilom saian dugo atata man tia ya.'

¹⁸ Man dugo, Jon ipalug anan tubun ak ta yani na dugo, you sakar ak dam ta iluk na ya, an ninen o ago dubol, 'in ur saiak aman da ya.'

¹⁹ Ago dugo Tamol Nanun dam ipalug anan tubun mi yani dugo you sakar dam iluk da, an ninen o ago dubol, 'Ale wo, tamol en tunjalek tamol, agod lukluk tamol, in man takis njalan agod aupasek adi dam sad turadi!' Ak man, kankan a milaen mok amaiak, inanen kagin naok naok an lo mi tamolpein malad lo man itaot geig an ago ikubiai pidinai a."

Taun funfun a sad tamolpein ilod ta dibili na yan muruan dile wa

Luk 10:13-15

²⁰ Agog Jesus taun ante in san kulob tubu yak wei mi igane se yan ibubunanai o fun igane ya, man dugo, taun an sad tamolpein ilod ta dibili na ya. Agog in igo ibol,

²¹ "O Korasin san tamolpein, muruan tubun geig ale wa; O Betsaida san tamolpein, an dam muruan tubun geig ale wa. Man dugo, kulob girager a naj an lulanam lo njigane se amaiak, wagam geig taun Tair agod Saidon dam ante njigane wo tap, taun uraru an sad tamolpein ilod ibilsag, mugun san kulos didirig, yai san utut fo dumasig dumado ya.

²² Amaiak ninen o naj an njurupaian da, saen Anut san bitinaek san nal ipalu wan lo, urat naon Anut an ipanan an naon senamo geig a, agod muruan an Tair in Saidon da sad urat naon an irinani geig a.

²³ Agod an Kaperniam tamolpein, sem yanam abisap timtaen lo isuda wak i? Tia mok, Anut in sen injilian pe au adu dop tan ilon lo aben yan an Ades dubol dan lo idiran pe amado wa. Man dugo, kulob girager a naj lulanam lo njigane yan taun Sodom ante ago mi njigane yak man, gamu taun an yen dop na wa.

²⁴ Amaiak ninen o naj an njurupaian da, saen Anut san bitinaek nal ipalu wan lo,

muruan Anut an sam na igane ilasa wo du-man, muruan a gubak mi Sodom san aben ante ilasa man irinani geig a."

An naj sinjireg na apalup yaes abal a

Luk 10:21-22

²⁵ Saen an lo Jesus ago ibol, "O Bai, on kumaen panu agod tan en dam sad Tubun ak, naj on ilo uyan njupano wo da, en ata wo? On melmel en mianaig an lo tamolpein a manau amad da yan, agod tamol kankan milaen amad da yak dam melmel en dulon san tia geig a. Ak gug tamolpein in nanuk kititik on dumado dan melmel en kubiai pidinaig dulon o uyanan a.

²⁶ Awo, Bai, onane ilobol man nek ago ya, an ninen o ilo uyan ak lo on ago gane.

²⁷ "Melmel fidian man njaineg Tamag in naj tuog lo idiri a. Tamol ta in Anut Nanun ta ilon na ya, nek Taman in sen mi a. Agod tamol ta in naj Tamag ta ilon na ya, nek njaisag mi, gug naj mi tia ya, tia, tamolpein a njaisag ilobol lo mi Tamag njukubiai pidinai o yan in dam ka dulon a.

²⁸ "An fidian urat dabai geig agane dugo ilom isali dan, agod muruan tubun mi asini dan, njaisag na apalu dop, naj an tinim yaes ibal uyanan san njupanan a.

²⁹ Njaisag urat ananep paen na sem ibian adu dop, naj lo manau anane wa. Man dugo, njaisag mi mos kagin lo njumado dugo maror njumado da. Ago dop an njutumi naj lo yaes ibal a."

³⁰ Man dugo, njaisag urat man muruan an tia ya, agod muruan a njupanan dan dam pasauman a.

12

Jesus man ubou nal yan an Sabat dubol dan san muroun

Mak 2:23-28; Luk 6:1-5

¹ Murnag Sabat nal* lo Jesus kon abi lo itor se ya. Ago dugo in san megeloum dimatigen, amaiak ninen o in kon nunon aenta dufunig fun diganeg diani a.

² In ago digane dugo Farisi adi dil a, ago tag Jesus durupeig ago dubol, "Ule, urat a Sabat nal lo tigane san ninen o id-sad kubiaen ipadau amaiak, gamu onane megeloum adi urat an digane da."

* **12:1:** Juda sad ubou nal yan an Sabat dubol dan man Sarare.

³ Ago man Jesus ru naon irupidaig igo ibol, “Nag mel e Dawid igane yen ta asuti na ak i? In inanen turan muroun dida kadag† san saen lo anan o dumat go,

⁴ Dawid Anut san ab lo iladug, bret a Anut naon na didirig dien an isinig, inanen yu tamol adi dida diani a. Bret an tamolpein fidian lo geg a, nek Anut san pris mi diani wa.

⁵ Nag an ru a Moses san kubiaen lo yen dan ta asuti na i? Sabat nal lo pris adi tempel lo urat diganep, saen an lo kubiaen a Sabat nal ninen o ibol dan dipilali bo man, muruan amad tia ya.

⁶ Aria, nai nurupaian da, tamol ta an lunjam lo imado dan in tempel irinani geig a.

⁷ Anut san ru igo ibol, ‘An ilo uyan apanag san yai agane wan ilog ta ibol na da, tia, an aenta ilom imunanai o mi namat da.’ Aria, an ru an san fun mok alon uyan tap man, an tamol e muruan amad tia yan ta abiai dudu na wa.

⁸ Man dugo, Tamol Nanun man insen Sabat nal an san muroun.”

Jesus tamol tuwon ikurnak yau an ikubuneya

Mak 3:1-6; Luk 6:6-11

⁹ Jesus aben an ibiseig yaug, taun ta sinjiren na ilasag, insad ubou ab lo iladu ya.

¹⁰ Tamol ta tuon ikikirig ikurnak yau ak ante imado ya. Ago dugo tamol aenta dal aban dilep lo Jesus ru dupani san ninen o dusumianig igo dubol, “Ak dugo, idsad kubiaen an iliad funad dop subam tamol ta ka ubou nal lo tukubune wak i?”

¹¹ Ago tag Jesus irupidaig ibol, “En dugo, tamol ta an lunjam lo in sipsip kisaek aman da ya, ak man sipsip an ubou nal lo gib lo idiau a, an ninen o tamol an inanen sipsip ta irae isuda na wak i? Man tia ya.

¹² Ubou nal lo sipsip tibinawi wo uyanan tap, sapta taida dop id ka ubou nal lo tamol ta tibinawi wak i?”

¹³ Agog Jesus tamol a tuon ikurnak an irupe, “Bani wate.” Ago man tamol an banin iwateg foun ikubune dag banin aenta igo mi uyan ilasa ya.

¹⁴ Ak man Farisi adi dumasag ubou ab dibiseig Jesus palan an dumari wo diaug

dutumani a. Dal dugo man lo Jesus daon dupani san ninen o dinjinen se ya.

Jesus in urat tamol Anut ipiliani a

¹⁵ Ak man Jesus kagin dugo digane wo dan ilon, an ninen o aben an ibiseig yau. Ago dugo in tamolpein wei kasik iraug dadi diau se ya, ago dugo a subam amad da yan fidian ikubuniaia.

¹⁶ Nal an lo dam in ru kagin ipidinaig ibol, “An nai enti mok an ninen o tamolpein ta arupidai na wa.”

¹⁷ Kagin nek amaiak lo, awak aban ta profet Aisaia ibol an nunon ilasa ya. In ago ibol,

¹⁸ “En man naisag urat tamol, naiseg mi nupiliani a, naiseg bubeg mok, in ninen o ilog bulbal da.

Nai naisag Ur in lo ngigane wa, agod dop in tamolpein aben fidian lo dumado dan sad na bitinaek Anut san nag ipalu dan ninen o ibol ilasa wa.

¹⁹ In maeg iganep lo ru ta ikubiai dop iwagin na wa.

Taun san dal lo inanen awan iwagin den ta dulon na wa.

²⁰ In war roun dabai an tia yak daon ta ipani na wa, agod lun ided on dan ta igane imat na wa.

Ago igane yau on dop, nal wadan lo man, tan en san tamolpein kot ipidinaian lo, kagin itaot an imug pe malan te ilasa wa.

²¹ Agod tamolpein a tan titin fidian lo dumado dan inanen yanjan ninen o tini ganei digane wa.”

In dubol ak Jesus in Satan san dabai lo tamolpein ikubuniaia se ya

Mak 3:20-30; Luk 11:14-23; 6:43-45

²² Saen an lo tamol ta in tinin lo ur saiak aman da yan Jesus sinjiren na dinjane dupalu ya. Tamol an in kududon agod malan dam itau a. Jesus ikubineg uyan isusa ya, agog tamol awan itau an ru ibol dugo, malan dam ka aban ile ya.

²³ An ninen o tamolpein fidian durut dugo ago dubol, “Dag tamol en man Dawid Nanun boi i?”

† 12:3: Pitol

24 Ak man saen Farisi adi n̄in̄en an duloŋ man ago dubol, “Tia, ur sisaiak sad gurman yaŋan Belsebul tabol damaiak, san dabai lo mi iŋ ur sisaiak ikudai diau da.”

25 Jesus iŋsad ilo sou ilon̄ dugo irupidaig ibol, “Kiŋ ta san kagin panek aben ilon lo man, iŋsan tamolpein sed itarpaleg malan ururu dilasap nug dufuni tap, kiŋ an san ager iŋsan na yu diŋane dupalup aben an daon̄ dupani wo man pasauman geig a. Agod taun ta boi, tia, warou ta boi, san tamolpein tarpalek uraru dilasap nug dufuni tap, taun an, warou an dam, sed ipitiŋinai dop ririan sad kagin fidian itout yau a.

26 Amaiak niŋen o Satan iŋsen mi sen ikudi yau tap, iŋsen lo yu yabisa da. Ago tap, en dugo won̄ pe iŋanen kagin panek aben an dabai yen yau ak i?

27 Taida mi, ŋai Belsebul tuon lo ur sisaiak ŋukudai diau dak an rumok tap, enti mok aŋ muroumi ibinawaig ur sisaiak dukudai diau dak i? Fun amaiak niŋen o aŋ muroumi iŋsed mi, kubianek tamol oŋ dilasap bitinaek lo didiraŋ a.

28 Ak man ŋai Anut san Urgun lo ur sisaiak ŋukudai diau dak ago tap, aŋ gidad aloŋ uyan a, Anut san kagin panek an siŋirem na ipalu la ya.

29 “Agod fon, en dugo won̄ pe tamol ta tamol dababai geig ak san melmel isini wo san ab lo iladu wak i? Dal ta tia ya. Iŋ gidad imug mi tamol dababai an rasau nam isubani gup, iŋ ka tamol an san ab lo iladup melmel isinip yau a.

30 “Talpein enti iŋ ŋai ta iganurag na dan, iŋ ŋai patun ipanag da. Agod talpein a ŋai da sisem anaŋ mutumani san urat ta migane na dan, ŋaisag urat iratitale da.

31 Amaiak niŋen o ŋurupaiaŋ da, aupasek fidian agod uf ru fidian dam a tamolpein digane dan, Anut aupasek an ka isuas yau pidinai a. Ak gug talpein iŋ Awan Urgun niŋen o uf ru igane tap, aupasek an Anut ta isuas yau na wa.

32 An niŋen o talpein ta iŋ Tamol Nanun niŋen o ru saiak ibol dan, Anut aupasek an ka isuas yau a. Ak gug talpein ta iŋ Awan Urgun niŋen o ru saiak ibol dan, saen e gamu yen den lo, agod saen foun ak a

murnap ilasa wan lo dam, Anut talpein an san muruan ta isuas yau na wa.

33 “Talpein ai uyan ak ipae tap, ai an san nuŋon uyan ak iŋane wa. Gug talpein ai saian ak ipae tap, nuŋon dam saian a. Man dugo, ai nuŋon lo mi ule dop, ai naok dugo yan ka ule ulon̄ a.

34 Aŋ mot wagai ak sad nanud muroudi! En dugo won̄ aŋ saian geig amado yan ru uyan ak ka abol ilasa wak i? Man tia geig a. Man ata wo? Kagin saian ak boi, uyan ak boi, tamol ilon iŋanefute yan iŋanep awan lo ibol ilasa wa.

35 Tamol uyan ak iŋ kagin uyan uyan ak tinin ilon lo itumanai an lo, kagin uyan uyan ak mi iŋal dop an idirai dilasa wa. Ak man tamol saian ak iŋ kagin saiak saiak tinin ilon lo itumanai an lo, kagin saian saian ak mi iŋal dop an idirai dilasa wa.

36 Ŋai ŋurupaiaŋ da, Anut tamolpein fidian bitinaek lo idirai san nal lo, tamol Anut naon na itur dop, ru kitek a fidian iŋsinan awan kagin ta ipani na dugo lo gubak mi iŋin̄eŋ se yan, niŋen o iŋ Anut naon na ru an naon ipani wa.

37 Man dugo, oŋsigane ru lo mi Anut oŋ tamol uyan ak ibol a, agod oŋsigane ru lo mi oŋ tamol saian ak ibol a.”

Jesus kulob girager igane wo dusumiani

a Mak 8:11-12; Luk 11:29-32

38 Agog kubiaen̄ san girek maŋau aenta, agod Farisi aenkadi dam Jesus durupeŋ, “Girek maŋau, maŋ iloma igo ya, oŋ gidad kulob girager ta ganep an lo kob igo won̄ oŋ Anut san ak ago kubiai panama wa.”

39 Ago gug Jesus iŋ ru naon irupidaig ibol, “Nek ibol tamol ta tamol aenta iwodi niŋedi wo ilon imasa dak igo won̄, tamolpein ensauta a kulob girager dile wo dusumianag dan man, anut sewak aenta niŋedi wo dumat dak igo won̄, iŋ aupasek tinadi a. An lo kulob girager ta ŋigane panaŋ dop ale san ago ta ŋigane na wa, nek profet Jona san kulob girager amaiak mi a.

40 Jona iŋ adian utol, tidom dam utol, iŋ iy tubun ak tiŋaen lo imado se ya, ago yak niŋen o, nek ago mi Tamol Nanun dam, adian utol tidom utol tan ilon lo imado wa.

⁴¹ Ninive san tamolpein man an gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi an ninemi wo ru dubol ilasa dop boum dupanan a. Man ata wo? Ninive adi Jona san ru ibol ilasa yan duloŋ go an lo ilod ibilisa ya; ak man tamol ta in Jona irinani geig an gamu imado da.

⁴² Kwin a saut lo ilasa yan man, an gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an an ninemi wo ru ibol ilasa dop boum ipanan a. Man ata wo? Kwin an in tan asau mok imado bo man, Solomon san kankan milaen amaiak ibol ilasa dop ilon o ipalu ya. Ago yak gug tamol ta dam in ente imado da, tamol an man Solomon irinani geig a.

Ur saiak fon imul yau da ya
Luk 11:24-26

⁴³ “Saen ur saiak ta tamol tinin lo yak dukudip ilasa yau man, aben igosan ak ate gidigidad ila iso wa. Ante aben ta yaes ibal san ile wo aban yabi wa, ak man aben an ta ile na wa.

⁴⁴ Ago dop ilon lo ibol, ‘Nai gidad namul pe ab gubak mi ate numado amaiak lo nau a.’ In imasap yau ak man, ab an kawan di ilon dam diriani dugo bala dupani la yan ile wa.

⁴⁵ Amaiak ninen o in imul yaup, ur saiadi geig ak 7 taidam inal a. Ur an kulob sisaiak digane san man in dirinani geig a. In sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a. Kagin nek amaiak tamolpein saiadi a gamu saen en lo dumado dan ilasa pidinai a.”

Enti in Jesus tinan di tein muroun ak i?
Mak 3:31-35; Luk 9:19-21

⁴⁶ Saen Jesus ab lo imado dugo tamolpein dida dinin se man, in sinan tinan in muroun dida dupalug kuai te dutur se ya. In Jesus da dukubiai o ilod ago yen a.

⁴⁷ Tamol ta irupe, “Ulon, onane tina, tei murou dida akubiai o kuai te dititiano da.”

⁴⁸ Ak man Jesus tamol an ru naon irupeig igo ibol, “Enti mok naisag tinag ak i? Agod enti mok naisag teig ak i?”

⁴⁹ Agog inanen megeloum banin nam iku-biaig ibol, “Naisag tinag di teig muroug man nek en mi a.

⁵⁰ Man ata wo, tamolpein ensauta a in nai Tamag kumaen panu lo yan ilon duri dupani dan, nek an mi naisag teig, lug di tinag muroug a.”

13

Tamol ai patun tan fufo iratitale yak san ru fanan

Mak 4:1-9; Luk 8:4-8

¹ Nal kisaek an lo mi Jesus ab ibiseig you aen te yang imasig imado se ya.

² Ak man tamolpein wei kasik dutumanig Jesus dubuluwi a. Ago tag Jesus wog lo isudag wog an kitek isuk ilasa ya. Agog Jesus imasig imado dugo, tamolpein dutumani an lon na dutur se ya.

³ Ante man Jesus ru fanan lo mel wei kasik ninedi wo irupidai se ya. Ru ta ago irupidaig ibol, “Saen ta lo tamol ta ai patun isinig abi lo ipae wo yau.

⁴ Yang sinanen abi lo man ai patun banin igane inawaig tan fufo iratitale idu se ya. Saen iratitale man, ai patun aenta dal fufo dudu dugo, anakanak dupalug diani itout a.

⁵ Agog ai patun aenta sagargar fufo dudu ya, tan ante man kuror an tia, ago man milaen tiag ai patun an balud isa ya, man dugo, tan mok an ta kuror na ya.

⁶ Ak man saen ad isuda man ai baludi an dukurnak diau a. Ai an dam dabidi tan lo ta idiau geig na, an lo dugos diau kisaek on a.

⁷ Ai patun aenta ud saian an lulunad lo dudu ya, agog sisem disag diau dugo, ud saian an ai uyan ak yafutani an lo nunon ta igane na ya.

⁸ Ak man ai patun aenta tan uyan ak fufo dudu man nunodi digane ya, aenkadi patudi 100 dilasa, aenta 60, aenta 30.

⁹ Tamol on kududo ama da tap, ru an ulon uyanan a.”

Jesus ru fanan ibol ak san fun

Mak 4:10-12; Luk 8:9-10

¹⁰ Agog murnag megeloum Jesus san na dupalug dusumiani, “On ata wo saen tamolpein manau pitenanai o dop ru fanan lo ninen dak i?”

11 Jesus ru naon irupidaig ibol, “Anut inſan kagin panek aben san melmel imi-anuk an san maſau ipanaſ a. Ak man in maſau an ta ipidinai na ya.

12 Man dugo, talpein a maſau anda yak man Anut in subaſan taidam ipani dop an lo in maſau idaisuda geig a. Ak man talpein a maſau aman tia yan, ata maſau kitekan in lo yen dan, Anut maſau an inſan na ipasi inane wa.

13 Nai inſad na ru faſan lo nſinſen dan san fun man igo ya.

‘In leil digane bo man, ilod ta itarpasi na da.

Kududod nam duloſ bo man, fun mok ta diſane na da.’

14 Rumok, in lo profet ru en Aisaia wagam ibol an nuſon ilasa ya:

‘Saen aſ ru aloſ man, ka aloſ oſ se ya, ak man san fun ta aſane na ya, agod saen abaſ ale man, malami ka yau oſ se ya, ak man ilom ta itarpasi na ya.

15 Man dugo, tamolpein en sad bubedi dabai geig dilasa ya, in kududodi ta duloſ uyan na ya, agod maladi ikilakil pasi a.

Tia tap, maladi nam in ka abaſ dile wak, kududodi nam ka duloſ ak, agod ilodi nam maſau ka diſane wa.

Ago dop an lo ilod ibilisa dop didaſap nſaisag na dupalu dop nukubunia i a.’

16 Ak man aſ malami bar diſane ya, man dugo, malami abaſ ka ile da, agod aſ kududomi dam bar diſane ya, man dugo, kududomi ka ilon da.

17 Nai ru rumok ak nſurupaian da, imug geig profet adi agod tamol itaot ak wei mi, mel e gamu aſ ale den dile wo mok dumat se ya, ak man in digane san tia ya. Agod ru e gamu aſ aloſ den duloſ o mok dumat se ya, ak man ta duloſ na ya.

Ru faſan an san fun

Mak 4:13-20; Luk 8:11-15

18 “Kududom agurep tamol ai patun tan fufo iratitale yak, san ru faſan san fun mok nſisafulale wo da.

19 Ai patun dal te dudu man nek ibol tamolpein Anut san kagin panek aben san ru duloſ dugo san fun ta diſane na yak igo

woſ a. An lo Satan ipalup ru a Anut tamolpein ilod lo ipaeg yen dan inane ipasi yau a.

20 Agod ai patun sagargar fufo dudu man, nek ibol tamolpein ru duloſ go ilod rumok kisaek oſ go, nſen o ilod uyanan a.

21 Ak man in dabidi man ta idiaug kuror na ya, ago yan lo sad ilo rumok an ilod lo ta yen milaen na ya. Saen Anut san ru nſen o muruan sad na ilasa boi, tia, kubianek ipalu tap, inaned ilo rumok dibisei kisaek oſ a.

22 Aria, ai patun ud luloſad lo dudu man, nek ibol tamolpein ru rumok an duloſ pe ilod lo rumok kisaek oſ dak igo ya. Ak man in tan en san madok nſen o ilo sou gidigidad mi digane da, agod in melmel wei mi amad da wo dumat da, an lo kagin uraru an Anut san ru ilod lo yen dan yafutani da. Ak nſen o ru amaiak nuſon aman tia ya.

23 Aria, ai patun tan uyanan fufo dudu man, nek ibol tamolpein ru rumok an duloſ go san fun dam duloſ ſiſaokan ak igo ya. Talpein nek amaiak mi nuſod ifu mok a, aenta nuſod 100, aenkadi 60, aenta 30, nuſodi ago ifu yau a.”

Ud san ru faſan

24 Jesus afon ru faſan taida naod na irupidaig igo ibol a, “Anut san kagin panek aben man igo ya. Tamol ta ſiganen abi lo yaug kon kubulan ipae ya.

25 Agod tidom lo saen inſan urat tamol dien dugo, san ager tamol ipalug kon ipae yan luloſad lo ud marasin ſaiak anda yak dam ipae idug, isol go yau a.

26 Agog kon isag nuſon dam didilan te dilasa ya, ak man, ud an dam luloſad lo dida diſa kisaek a.

27 Agog tamol an san urat tamol inſan na dilasag durupeig dubol, ‘Gurman, ai patun a oſ pae yan uyan a. En dugo woſ go ud dam dida diſa kisaek ak i?’

28 Inſad gurman an ru naon irupidaig ibol, ‘Naisag ager tamol kulob an igane ya.’ Ago tag duſumiani, ‘Ak dugo, maup ud an mubilana i idu wo umat di?’

29 Gug in ibol, ‘Man tia, kabelan aup kon dam abilana i banau.

30 Amoi dop urarum ka diſa diaup, nuſod tiſane san saen ante gup, nai urat tamol adi igo nſurupidai a. Ud an tu kisaek

kisaek atem imug mi atumanaip, yai fufu abibol dusudap dinani diau a. Ak gug kon man atumanaip n̄aisag anañ ab lo adiri wa.’”

*Ai patun kititikan kawan ak san ru fañan
Mak 4:30-32; Luk 13:18-19*

³¹ Jesus ru fañan taidam naod na igo irupidai, “Anut san kagin panek man igo ya. Tamol ta ai yañan mastet dubol dan patun in̄aneg siganen abi lo yaug ipae ya.

³² Ai patun an sen kawan kititikan a, ak man saen isa yau dop ai tinar igo woñ ilasa wa. Agop raen dam idirip ibalsarer dop kusen̄ ka ate wur dufuni wa.”

*Yis san ru fañan
Luk 13:20-21; Mak 4:33-34*

³³ In̄ ru fañan taidam irupidaig ibol, “Anut san kagin panek man igo ya. Pein ta yis kabelan in̄aneg plawa tubun geig da itumanig ikubuli kisaek, agog yis an plawa ilon lo ifurak yaug iganeg plawa fidian mi ikafut isuda ya.”

³⁴ Jesus melmel an fidian niñedi wo ru fañan lo tamolpein dutumani an irupidai a. In̄ ru itaot ta irupidai se na ya.

³⁵ In̄ ago igane yan lo awak aban ta profet ta ibol an nuñon ilasa ya.

“Nai awag isupani dop ru fañan lo mi n̄in̄in̄ a.

Melmel mianuk lo dien se yan, tan ilasag ipalug gamu en nek ago mi dien dan, niñedi wo n̄in̄in̄ dop tamolpein dulon̄ a.”

Jesus ud san ru fañan ifulale ya

³⁶ Saen Jesus tamolpein dutumani an ibisawaig ab ilon lo iladu man, in̄san megeloum san na dupalug ago dubol, “Ud a abi lo isa damaiak san fun ubol dop malon̄ a.”

³⁷ Agog Jesus ru naon irupidaig igo ibol, “Tamol a in̄ ai patun uyan ipae yan, Tamol Nanun naon in̄ane ya.

³⁸ Abi man, tan en naon in̄ane ya. Ai patun uyan man, tamolpein ensauta a Anut san kagin panek paen na dumado dan naod in̄ane ya. Agod ud saian an man, tamolpein ensauta a Satan nanun muroun amaiak naod in̄ane ya.

³⁹ Ager tamol enti ud ipae man Satan in̄sen, agod anañ tumanek san saen man,

saen gamu lo tumadog ilag san wadan lo amaiak naon in̄ane ya. Agod urat tamol enti anañ dutumani an man, en̄el adi naod in̄ane ya.

⁴⁰ Nek ibol ud saiak dutumani idup yai fo digansa inani yau dak igo woñ, saen gamu lo tumadog ilag san wadan lo nek ago mi ilasa wa.

⁴¹ Tamol Nanun mitep in̄san en̄el idiraip dudu wa. Agop in̄ mel fidian tamolpein idiri dop aupasek digane dan dibiaí ak, agod tamolpein fidian a sad turen̄ saian an dam dibiaip, dutumanai kisaek pe in̄san kagin panek aben patun fo diabibol dilasa wa.

⁴² Diabibol pe Ades san yai wananan geig an lo dudu wa. Aben ante man tamolpein tin̄an digane dop madai lo luod dugurmi wa.

⁴³ Agog Anut san tamolpein, in̄sad Bai san kagin panek aben lo man, ad ided dak ago woñ dided a. Tamol on̄ kududo ama da tap, ru an ulon̄ uyanan a.”

Filian naod lak na geig mianuk lo yen dan san ru fañan

⁴⁴ “Anut san kagin panek man igo ya. Tamol ta gib yabig mel naod lak na geig ak tan lo imianaig dien na ya. Agog tamol sen ak ta yaug walal ipanig afon ituanai da. Agog yousai lo yaug in̄san bioun̄ fidian moni in̄ane wo didaen̄ lo idiri yau a. Bioun̄ an san moni in̄aneg tan an muroun san na yaug tan an idad a.

⁴⁵ “Anut san kagin panek dam igo ya. Daden̄ tamol ta koksai siñaokan ak idad o aban̄ an ile se ya.

⁴⁶ Nal ta, koksai siñaokan geig ak ile, ago tag yaug in̄san bioun̄ fidian didaen̄ lo idirig an lo moni in̄aneg ate koksai an idad a.

Dob san ru fañan

⁴⁷ “Afon Anut san kagin panek an dam ibol dob on̄ a. Iy n̄ilanj̄al dob ta beig lo dubal pe iy funfun diñane wa.

⁴⁸ Saen dob an iy lo inawai man, lon̄ na dirae isuda wa. Agop iy naok naok atem sensen didiri wo dumasip dumado wa. Iy uyan ak senamo didiri dugo saian ak dam senamo didiri wa. Agop uyan ak in̄aned kulgou lo ditane idu dop, saian ak diabi yau a.

⁴⁹ Saen gamu tumado den san wadan ifutani dop nek ago mi ilasa wa. Enjel adi dudup tamolpein saiadi ak, uyadi ak da, sensen didirai idu wa. Agop saiadi ak diabibol diau dop

⁵⁰ Ades san yai wananan geig ak inanai a. Aben ante man tamolpein tinañ digane dop madai lo luod dugurmi wa.”

⁵¹ “Ak dugo, an mel fidian en alon uyanan ak i?” Agog durupe, “Awo, malon a.”

⁵² Agog Jesus irupidaig ibol, “Amaiak ninen o kubiaen san girek manau ensauta a Anut san kagin panek ninen o manau diñane yan man nek igo ya. Ab muroun ta filian aman da yak, in ka siganen bioun lo mel ta foun ak, agod wagam ak dam, iragursip tamolpein malad lo kuai te idiri wa.”

Profet inñsan muroun luluñad lo yanñan tia ya

Mak 6:1-6; Luk 4:16-30

⁵³ Saen Jesus ru fañan inñen itout man aben an ibisei a.

⁵⁴ Agog inññanen panu mok lo yaug ubou ab lo manau ipiteñanai se ya. Ak man Nasaret tamolpein saen inñsan ru dulon man durut saian a. Agog dubol, “Tamol en dugon te manau inñane yak i? Agod kulob dababai a igane idu dan san dabai dam dugon te inñane yak i?”

⁵⁵ In man nek kapenta kawan amaiak san nanun, tinañ Maria, agod tein moroun Jems, Josef, Saimon agod Judas.

⁵⁶ Agod lun moroun e dida tumado da! Amaiak ninen o tamol en dugon te mel a fidian igane dan san dabai inñane yak i?”

⁵⁷ Fun an ninen o naod ikafut go patud dupani a. Ago gug Jesus irupidaig ibol, “Panu fidian lo tamolpein profet ta yanñan diabisa wa, nek inññanen panu fun lo, agod inññanen dar lo man tia ya.”

⁵⁸ Nek an ninen o aben an lo kulob dabai anda wei mi ta igane na ya, man dugo, in ninen o ilodi ta rumok na ya.

14

Jon suguek san dufuni imat a

Mak 6:14-29; Luk 9:7-9

¹ Saen an lo Herod, provins Galili agod Perea sad tirnek tamol imado se ya. In

tamolpein sad ru Jesus ninen o dubol dugo ilon a.

² Agog inñanen urat tamol irupidaig ibol, “Tamol en man Jon suguek san. In mateñ aben lo yak imasa da ya, an lo man dabai tubun geig tinin ilon lo yen dugo lo urat igane da.”

³⁻⁴ Imug Herod in Herodias iwon igo inñane ya, ak man pein an inññanen tein Filip san iwon a. Ak ninen o Jon suguek san an ninen o Herod irupeig ibol, “On Herodias iwo igo won ñane amaiak ninen o kubiaen pilali a.” Fun an lo Herod inñanen ai katuk irupidaig Jon diabig, dusubanig, subanek ab lo digane yau a.

⁵ Herod ifuni imat o igane se ya, ak man doup adi niñedi wo irer a. Man dugo, inñsad ilo sou lo man Jon in profet ago dubol se ya.

⁶ Ak man saen Herod tinañ igansi ak san nal idu yan lo, Herodias nanun pein tamolpein ante yan naod na isaluwai ila iso se ya, an lo man Herod pein baras an ninen o ilon uyanan a.

⁷ An lo in ru dabai nam irupeig ata mel ninen o isumiani dop man, rumok geig ak mel an ka ipani san mi a.

⁸ Ago tag yaug tinañ, dal dugo ipani wak o isumiani a. Agog imul go Herod irupe, “Gamu geig Jon suguek san an kabuñan daeg lo ganep sini palup panag a!”

⁹ Kin Herod ilon muruan geig a, ak man ru dabai geig pein baras an Herod turan muroun naod na ipani an ninen o, inñanen yu tamol irupidaig nek pein an ibol ago mi digane ya.

¹⁰ Ago tag inñsan yu tamol diaug subanek ab lo Jon buron dutute ya.

¹¹ Agog kabuñan daeg lo disinig Herod san ab lo diaug pein baras an dupani a. Agog pein an afon inñaneg isini yaug tinañ ipani a.

¹² Agog Jon san megeloum dupalug tinin diñane diaug disare ya. Agog diaug mel ilasa yan Jesus durupeig ilon a.

Jesus tamol 5,000 ifutuwai a

Mak 6:30-44; Luk 9:10-17; Jon 6:1-14

¹³ Saen Jesus Jon san mateñ ilon man, wog fo isudag pasak nam aben ta yoitout yen dak ate yau a. Ak man saen aben a ate Jesus imug imado yak san tamolpein Jesus

ibisawai an duloŋ man, inaned panu anen anen dibiseig, loŋ na diaug ŋied nam Jesus dirig diau se ya.

¹⁴ Saen Jesus wog ibiseig idu man, tamolpein malan tubun geig ak dititianig dumado dugo yil a. Inŋ ilon ipidinai an lo talpein a subam amad da yak luluŋad lo yan ikubuniaid idu ya.

¹⁵ Ad idu yau dugo inŋsan megeloum dupalug durupeig dubol, “Aben en yoitout a, agod ad dam idu yau da, amaiak niŋen o oŋ tamolpein dinaip panu na diaup, anan didad pe diani wa.”

¹⁶ Agog Jesus ibol, “Gidad, aben en dibisei dumoi, ansem mi anan ta apidinaip diani wa.”

¹⁷ Ago gug inŋ Jesus durupeig dubol, “Man etna bret faiv o lian a, agod iy dam uraru o lian a!”

¹⁸ Agog inŋ ibol, “Igo asini apalu wa.”

¹⁹ Agog tamolpein dutumani an irupidai, “Ago gafurfur fo amasi.” Agog bret faiv inŋ iy uraru da yan isinig, malan keit lo isudag, bret iy da bar ipanig yafute idu se ya. Agog anan megeloum ipidinaig diaug tamolpein dupidinaid a.

²⁰ Fidian diani man luadi ipuk a. Diani itout man megeloum diaug samsamun disini wo ditiliani se ya. Samsamun disini an sareg 12 tutubu yak digane inawai a.

²¹ Tamol mi faiv tausen anan an diani a, taida mi pein wei mi, nanud muroudi dida anan an dam diani a.

Jesus you fufo itor a

Mak 6:45-52; Jon 6:15-21; Mak 6:53-56

²² Saen anan dianig itout man Jesus inanen megeloum wog fo dusudap aen ate imug diau wo irupidai a. Ago dugo inŋ kitekan ka imado dugo, tamolpein siganed ab lo dumul diau wo irupidai a.

²³ Saen tamolpein idinaig diau pasik man, inŋ sen mi did fo Taman san na igudani wo isuda ya. Agog saen ad idu yau man sen kisaek did fufo imado se ya.

²⁴ Saen an lo wog man you titinaem yen se ya. Agog tim ifure dugo you dam imasa man wog ifuni ila iso se ya, man dugo tim naon na yen se ya.

²⁵ Salso idug aban ipasti yau dugo, Jesus inanen megeloum sad na you fufo yau se ya.

²⁶ Ak man saen inanen megeloum ago dile man direr dudug dubol, “An man tamol ŋutun a!” Agog disasai dugo disuruwor se ya.

²⁷ Agog Jesus irupidai kisaek oŋ go ibol, “Dabai anane! Naiseg o, asuruwor amoi!”

²⁸ Agog Pita ru naon irupeig ibol, “O Tubun en, onse mok tap, ubol dop ŋai dam you fufo onsa na ŋupalu wa.”

²⁹ Agog Jesus ibol, “Palu!” An lo man Pita imasag wog lo yak ilasag fun iganeg you fufo mi yau se ya.

³⁰ Ak man malan yaug tim tubun ak ifure dugo ile man irer saian geig a. Agog fun iganeg you lo isarir idiau dugo iwagin, “Tubun en, binawag!”

³¹ Jesus banin iwate kisaek oŋ go yabi dugo isumiani, “Oŋ tamol ilo rumok ama kabelan, ata wo ilo weiwei ak i?”

³² Saen uraru an wog fo dusuda man, tim ifure yan itout kisaek oŋ a.

³³ Agog inŋsan megeloum turud disaluwig ubou an dile dugo dubol, “Rumok geig, oŋ Anut Nanun mok a!”

³⁴ Saen you dututeg tan yan an Genesaret dubol dak ate disasau man dusuda ya.

³⁵ Tamolpein ante Jesus naon dile da man, ru diganeg panu tan ante yan fidian sad na yau dugo, tamolpein subam amad da yak Jesus san na diŋal dupalu wo dubol a.

³⁶ Tamolpein subam ifu dan Jesus dusumiani dop inŋsan kulos bitinen an mi ka dusupuri wa. Ago dugo fidian a dusupuri an uyad isusa da ya.

15

Juda gurman sad balek uraru san kagin
Mak 7:1-23

¹ Agog Farisi inŋ kubiaen san girek manau da Jerusalem dibiseig Jesus san na diaug dusumianig igo dubol,

² “En ata wo onsa megeloum adi idsad tubud baged sad tamol kagin digansi an ta diri na dak i? Inŋ banidi ta dufulani na gup anan diani da.”

³ Ago tag Jesus ru naon irupidaig igo ibol, “Ata wo an siganem tamol kagin ari apani wo Anut san ru kubiaen patum apani dak i?”

⁴ Man dugo, wagam mi Anut ru kubiaen en igansi, 'Onane tina tama awad paen na mado dop kagin pidinai o uyan a.' Agod Anut ru kubiaen en taidam ibol, 'Ta in awan nam tinan taman saian ipidinai tap man, materj ile wa.'

⁵ Ak man anj abol, 'Tamol ta taman boi, tinan boi, ka igo irupej, mel ta ate naj ka njibinawo san man, naj mel an Anut njupani san njen njupani la ya. O kabel, an njen o naj mel an njupananj san tia ya.'

⁶ Tamol an ago ibol tap, ru kubiaen a in tinan taman kagin ipidinai o ago ibol an man, nunon an tia ya.' Ago man anjanem tamol kagin ari apani dan lo Anut anen ru nunon tia agane ilasa da.

⁷ Anj balem rararu a! Profet ru a Aisaia gubak mi anj njenmi wo ibol ilasa yan rumok geig a. Inj igo ibol,

⁸ 'Tamolpein en awadi nam yanag diabisa da,
ak man bubedi man asau geig yen da.'

⁹ Inj sen kawan naj ubou amag dile da,
man dugo, pitejanek a tamolpein durupidai dan man nek tamol siganed ilo sou mi a.' "

¹⁰ Agog Jesus tamolpein injsan na dutu-
mani wo igiai a. Dupalu dugo irupidaig
ibol, "En alonj dop anjane o uyanan a!"

¹¹ Ananj a tamol awan ilon lo iladu dan,
ilon ta nun igane na da. Tia, mel a tamol
awan lo ilasad amaiak ilon nun ipani da."

¹² Agog injanen megeloum adi sinjiren na
dupalug durupej, "Ak dugo, saen Farisi adi
njinej an dulonj man, onj niije wo ilod saian
an ulonj ak i?"

¹³ Jesus Farisi adi njinedi wo ru naon
megeloum irupidaig igo ibol, "Ai fidian naj
Tamag tan lo ta ipae na yan, ibilani yau a."

¹⁴ Abisawai, inj man unbek malad itapul
ak igo ya. Aria, tamol ta malan itapul
aman ak, turan ta dam malan itapul ak,
dal ikubiai pani wo banin te yabi tap man,
tamol uraru an dog lo diau dudu wa."

¹⁵ Ak man Pita irupeig ibol, "Ru mitilaen
a rupidai an fun fulale dop malonj a."

¹⁶ Agog Jesus ibol, "Anj dam nag manjau lo
katuk am mi ak i?"

¹⁷ Anj ta alonj o uyan na yak i? Mel a tamol
awan lo iladu dan ananj mi a, agop tinjaen

lo dam iladup dibej san dal lo yaup tinin
patun fo yak ate ilasa wa.

¹⁸ Ak man mel ta awan lo ilasa man sen-
amo geig a, man dugo, an njutun lo ilasa da,
agod mel amaiak mi tamol ilon nun ipani
da.

¹⁹ Man ata wo? Kagin naok naok igo
yan tamolpein sad njutud lo ilasa da: ilo
sou saian ak san kagin, tamol ifuni imat
dak, turan iwon ida dien dak, jeit kagin,
gumagam kagin, supalek ru agod uf ru
dam mi a.

²⁰ Mel naok amaiak tamol nun ipani wa.
Ak man tamol banin ta ifulani na gup ananj
yani dan, nun ta ipani na wa."

*Tan Kenan san pein ta Jesus o ilon rumok
a*

Mak 7:24-30

²¹ Agog Jesus aben an ibiseig gob adi sad
tan ate yaug, Taia inj Saidon da sad distrik
lo itilianig itor se ya.

²² Aria, gob pein ta tan Kenan dubol dan
ate imado dan isusag awan tubun ak lo
iwagin, "O Tubun ak, Dawid Nanun, ilo
imuñanag! Ur saian ta naj nanug pein itirni
dugo muruan ipani geig da."

²³ Ak man Jesus ru naon ta irupej na ya.
Agog injsan megeloum sinjiren na dupalug
dubol, "Onj pein an peip sen ilasa, man
dugo, inj manj irama dugo mibinawi wo
igiamada."

²⁴ Inj ru naon irupidai, "Anut naj Isrel san
sipsip dideg diaud amaiak mi njibinawai o
idinag a."

²⁵ Ak man pein an sinjiren na ipalug turun
isaluwig irupej, "O Tubun ak, binawag!"

²⁶ Inj ru naon irupeig igo ibol, "Nai nanuk
sad ananj njinanep goun diani wo naji yau
tap, an ta uyan na wa."

²⁷ Pein an ibol, "Awo, Tubun en ru rumok
ubol da. Ak gug goun dam injaned muroudi
sad awad aban tan na idu man ka diani
wa."

²⁸ Agog Jesus ru naon irupeig ibol, "O
pein, onjane ilo rumok an tubun geig a! Nek
onj ilo yen dak ago mi onj lo ilasa wa." Ago
ibol dugo pein an nanun pein uyan isusa
kisaek onj a.

²⁹ Agog Jesus aben an ibiseig You Galili
aen irig yau se ya. Agog yaug bubun ta fo
isudag ante imasig imado ya.

³⁰ Ago dugo tumanek malan tubun ak inſan na dupalu se ya. Tamolpein n̄ied ikael ak, a malad itapul ak, a banid ikael ak, a awad itau ak, agod aenta dam wei mi diŋal go dida dupalu se ya. Agog Jesus n̄ien fun na didiraig tinid ikubune dugo uyad isusa da ya.

³¹ An lo tamolpein dutumani an, saen tamolpein awad itau ak diŋiŋeŋ dugo, a n̄ied ikael ak uyad isusa dugo, a n̄ied ikikai ak ditiliani ditor dugo, agod a malad itapul ak afon aban̄ dile da dugo dil man, durut saian geig a. Ago dugo Isrel sad Anut yan̄an diabisa ya.

Jesus tamol 4,000 ifutuwai a
Mak 8:1-10

³² Agog Jesus inſan megeloum san na dupalu wo igiai a. Dupalug irupidaig ibol, “N̄ai tamolpein malan tubun en ilog imuŋanai da, man dugo, gamu nal utol yau la dugo in̄ n̄ai dida mumado ya, ak gug anan̄ ta diani san etna tia ya. Ak man dimatigen dop n̄idinaip diau man, ilog ta ibol na da, kabelan dal na yaes ifu dop malad itiliani banau.”

³³ Agog in̄anen megeloum durupeig dubol, “Man̄ dugon te anan̄ mile dop miŋanep lo tumanek tubun geig en ka mufutuwai ak i? Aben en yoitout a.”

³⁴ Jesus isumianai, “An̄ bret sapita yak i?”

In̄ dubol, “Bret seven dien da, agod iy kititik kisaek kisaek a.”

³⁵ Agog in̄ tamolpein tan na dumasi wo irupidai dugo

³⁶ bret seven in̄ iy da in̄aneg, Anut ilo uyan ipani gug yafuteg in̄anen megeloum ipidinaig, diaug tamolpein duwae pidinai a.

³⁷ Fidian anan̄ an dianig luad ipuk. Diani itout go megeloum dumasag anan̄ samsamun dutumanig sareg seven lo ditaneg awad isa ya.

³⁸ Tamolpein ensauta a anan̄ diani an sad sutek man tamol 4 tausen, agod pein nanuk man ta dusutai na ya.

³⁹ Jesus tamolpein siganed panu anen anen atem diau wo irupidaig, wog lo megeloum dida dusudag, panu Magadan* san tan tilianek lo diau a.

* 15:39: Magdala

16

Jesus kulob girager igane wo dududuwi a

Mak 8:11-13; Luk 12:54-56

¹ Farisi adi Sadyusi dida Jesus san na dupalug dusbani wo bitinaek lo digane ya. In̄ Anut san dabai nam kulob girager ta kob igo woŋ igane dop dile wo dusumiani a.

² In̄ ru naon irupidaig igo ibol, “Saen ad idu yau dop an̄ abol, ‘Gabulo dop malin ibalsi wa,’ man dugo, timtaen daran da.

³ Agod tidom lo mi dop abol, ‘Gamu ui isi wa,’ man dugo, timtaen daran an bilkas ak ituani a. An̄ ka keit san leil akubiani ale uyanan mok a, ak man an̄ kulob sensen a an̄siganem saen lo dilasa la yan, sad fud mok akubiani ale san an̄ ta idaisuda na ya.

⁴ Nek ibol tamol ta tamol aenta iwodi niŋedi wo ilon imasa dak igo woŋ, tamolpein ensauta a kulob girager dile wo dusumianag dan man, anut sewak aenta niŋedi wo dumat dak igo woŋ, in̄ aupasek tinadi a. An lo kulob girager ta n̄igane panan̄ dop ale san ago ta n̄igane na wa, nek Jona san kulob girager amaiak mi a.”

Farisi in̄ Sadyusi da sad yis
Mak 8:14-21

⁵ You tilianek dututeg you aen ate di-aug disasau man, in̄anen megeloum bret ta disini na yan ilod isou a.

⁶ Agog Jesus irupidai, “Kagin agane wa, Farisi in̄ Sadyusi da sad yis an niŋen o kagin agane wo uyanan a.”

⁷ Agog fun diganeg ilod lo mi diŋiŋeŋ yau imul se ya. “Ago ibol man fun dugo i? Nag id bret ta tisini na, amaiak niŋen o ago ibol boi.”

⁸ Jesus dugo dubol se man ilon̄, ago tag isumianai, “O an̄ tamol ilo rumok kabelan geig amam da ya, ata wo bret tia yan niŋen o an̄iŋeŋ dak i?”

⁹ An̄ an ta alon̄ uyan na di? Saen n̄ai bret faiv n̄afuteg ate tamol faiv tausen n̄ufutuwai an ilom in̄aon̄ ak i? Agod an̄ sareg sapta awad agane inawai an dam ilom ta isou na i?”

¹⁰ Tia, bret seven nam tamol 4 tausen n̄ufutuwai, agod sareg sapita awad agane inawai an dam ilom in̄aon̄ ak i?”

11 En dugo wonj go naj bret ninjen o ta ninjen na yan, ta alonj sinjaokan na yak i? Aria, afon kududom agurep kagin agane: Farisi inj Sadyusi da sad yis ninjen o sen alasa wa.”

12 Agog injanen megeloum dulonj ak inj yis bret ate digane dan ninjen o ru kagin ta ipidinai se na ya. Tia, pitejanek a Farisi inj Sadyusi da tamolpein durupidaid amaiak ninjen o ru kagin ipidinai se ya.

*Pita Jesus inj Kristus an kuai te ibola
Mak 8:27-30; Luk 9:18-21*

13 Saen Jesus injanen megeloum dida distrik a taun Sisaria Filipai sinjiren na yen dan te dilasa man, igo isumianai, “Tamol Nanun en enti mok ak i? Tamolpein inj ninjen o ru dugo dubol dak i?”

14 Agog dubol, “Aenkadi onj Jon suguek san ago dubol dugo, aenta onj Elaija dubol dugo, aenta onj dag Jeremaia boi, tia, onj profet ta a wagam dumado na yan lulunjad lo fon lasa boi ago dubol da.”

15 Agog Jesus isumianai, “Ak man ansem mi naj enti mok abol di?”

16 Agog Saimon Pita insan ru naon irupeyi, “Onj Kristus, onj Anut ipiliano ama ya, onj Anut a kumaen imado dan Nanun mok a.”

17 Jesus ru naon irupeig igo ibol, “Saimon, Jon nanun, onj bar ama da, man dugo manjau an tamol ta, ta ifulale dugo ulonj na ya, tia, manjau an itaot naj Tamag kumaen panu lo yan san na ilasa dugo ubol ilasa ya.

18 Agod naj jurupaio da, onj Pita, yanja san fun man pat. Pat tubun en fufo naisag midaen njususe wa. Agod matej san dabai an najneg midaen ibiai dudu san tia ya.

19 Naj Anut san kagin panek aben san ki njupano wa, agod ata mel tan en lo futani tap, kumaen panu na dam itau a, agod ata mel tan en lo pasi tap, kumaen panu na dam awan ipasi a.”

20 Agog Jesus injanen megeloum adi ru kubiaen dabai mok an ipidinai man, insen mi Kristus, an ago ta dubol ilasa na wa.

Jesus imat san nal sumeik ak ago irupidai a

Mak 8:31-9:1; Luk 9:22-27

21 Saen an lo yau man Jesus injanen megeloum adi kuai tem irupidai se ya, inj Jerusalem na yaup ante dop Juda sad

matu gurman adi, pris gurman adi, agod kubiaen san girek manjau adi saian dupani dop madai wei mi ile na gup dufuni imat a. Agop murnap nal utol lo Anut ifufunip kumaen imasa da wa.

22 Ago ibol go Pita Jesus yabig injaneg ida gigin na diaug san ru an ninjen o igo ibol, “Tubun en, tia geig a, kulob ago onj lo ta ilasa na wa!”

23 Agog Jesus idansag irupeyi, “Satan, naj patug fo sen lasa! Onj naj naog dal fou da, man dugo, ilo sou uri dan man Anut san tia ya, an man tamol san mi a.”

24 Agog Jesus injanen megeloum irupidaig ibol, “Talpein ta naj njeg aban iri wo imat tap, gidad insan mel an fidian ilon injaonj pe insiganen aigim isinip njeg aban mi iri wa.

25 Man ata wo? Talpein enti siganen madok kagin mi yabi sakar tap, injanen madok murna san an ibisei wa. Ak gug talpein enti naj ninjeg o siganen madok kagin ibisei tap, insiganen madok mok an ile dop injane wa.

26 Talpein ta tan en san madok lo malan imug dop, an lo tan en san filian fidian an san muroun ilasa wak gug, njutun ideg yau tap, nunon uyan ak dugo wonj igane ilasa wak i? Man tia geig a. Tia, mel dugo man, talpein ta Anut ipanip, an lo siganen njutun an idad injane dop daonj ta ile na wak i?

27 Man dugo, Tamol Nanun mitep Taman san girager an lo ipalu dop, injanen enjel adi dida dudu wa. Agop talpein fidian injaned urat dugo dugo digane na yan naon ipidinai a.

28 Rumok jurupaianj da, tamolpein aenta igo dutur dan gamugo dumat dop, Tamol Nanun amaiak Kinj igo wonj ipalu dop dile gup, murnap dumat a.”

17

*Jesus tinin ibilisag ad onj ided a
Mak 9:2-13; Luk 9:28-36*

1 Nal siks itout go, Jesus inj Pita, Jems agod tein Jon da injal go imug did lak na geig ak fo disudag ate insed mi dumado ya.

2 Agog ante Jesus tinin ibilisa dugo dile ya. Insan naon man ad onj ided se ya, agod san biouj tinin fo man ibilisag lilaman onj milkouk geig ilasa ya.

³ Ago dugo Moses in Elaija da megeloum naod na dilasag Jesus da dinjen dugo dil a.

⁴ Agog Pita imasa kisaek on go Jesus irupeig ibol, "Tubun en, nek uyanan geig man ente mumado da! On ilo ibol tap, lalai utol etna nabi wa, onsa kisaek, Mosen san kisaek, agod Elaijah san kisaek dam nususe wa."

⁵ Saen injen se man timtaen ta ided dak ipalug, ibuluwai dugo, njen ta timtaen an ilon lo yak ibol, "En man naineg Nanug mok, naineg bubeg mok, in njen o nai ilog tubun mi uyanan da. Awan alon!"

⁶ Saen megeloum utol an njen an dulon man, tubun mok direr go naodi tan fo ditakok dudug dumunamig dien se ya.

⁷ Ak man Jesus sad na ipalug isupuraig ibol, "Amasa, arer amoi."

⁸ Saen dufotsa man, tamol ta dile man tia ya, nek Jesus sen kisaek mi dile ya.

⁹ Saen did dibiseig dudu se man, Jesus ru dabai anda irupidaig ibol, "Mel gamu ale yan njen o aup tamolpein ta arupidai na wa, abol amoi dop Tamol Nanun maten aben lo Taman ipasi inane gup abol a."

¹⁰ Agog inanen megeloum utol dusumi-anig dubol, "En ata wo kubiaen san girek manau, Elaija imug ipalu dop Kristus murna ilasa wak ago dubol dak i?"

¹¹ Jesus ru naon irupidai, "Rumok, Elaija imug ipalu dop mel fidian ikubuniaip uyad dususa da wa.

¹² Ak man nai nurupaian da, Elaija imug ipalu la ya. In bo ilasa gug tamolpein in ta dile dulon na ya. Ago dugo insigane ilobol lo mi saian dupani se ya. Nek dal kisaek an lo mi in Tamol Nanun dam saian dupani wa."

¹³ Agog inanen megeloum dulon ak Jesus Elaija mok njen ta ibol na ya, tia, Jon suguek san amaiak njen o ibol na ya.

Jesus nanuk ta ur saiak anda yak ikubuneya

Mak 9:14-29; Luk 9:37-43a

¹⁴ Saen dumul go tamolpein a dutu-manig dumado se yan sad na dupalu man, tamol ta Jesus san na ipalug naon na turun isaluwig ibol,

¹⁵ "O Tubun ak, naineg nanug ilo imunan! Saen wei mok kurbarib* ifunig an lo madai tubun geig ile da. Saen aenta ilon inon dop yai lo idu dak, saen aenta dam you lo idu da.

¹⁶ Ak njen o onane megeloum sad na njenane nupalu yak man dukubune wo digane yak gug tia ya."

¹⁷ Jesus ru naon irupeig ibol, "An saen en san tamolpein man ilo rumok amam tia ya, agod ilom gidigheid aman a. Nal sapta nai an da tumado wak i? Nal sapta muruan a apanag yau an nisini wak i? Nanuk an igo anane apalu."

¹⁸ Agog Jesus in ur saian nanuk ilon lo yan ru dabai aman da nam ipei dugo, ur saian an nanuk ibiseig uyan isusa kisaek on a.

¹⁹ Murna gug megeloum adi pasak nam Jesus san na dupalug dusumiani, "En ata wo man ur saian an mukudi san tia yak i?"

²⁰ In ru naon igo irupidai, "Man dugo, an ilo rumok kabelan mok amam da ya. Nai ru rumok nurupaian da, gidad onane ilo rumok nek ibol ai patun tusan igo won tap, did en rupeip ubol, usuk onte wau, ago ubol dop yau a. Mel fidian on gane san tia yan ka gane wa."†

Jesus saen uraru in san maten njen o megeloum irupidai a

Mak 9:30-32; Luk 9:43b-45

²² Saen Jesus inanen megeloum adi dida Galili na turen diabi se man, irupidaig ibol, "Tamol Nanun in ager tamol banid lo digane yau o da.

²³ Agog dufuni imat a. Murnap nal utol itout gup, Anut ifufunip kumaen imasa da wa." Inanen megeloum ago dulon man, tubun mi ilod itau idu ya.

Jesus tempel san takis idad a

²⁴ Saen Jesus inanen megeloum dida Kaperniam na dupalu man, tempel san takis nilanal dupalug Pita dusumiani, "Dugo, onane girek manau tempel san takis idad o dak i?"

²⁵ Pita ru naon igo irupidai, "Awo."

Murnag Pita ab ilon lo ipalu dugo Jesus imug injen, "Saimon, tan en sad kin, enti sad na takis moni dinane dak i? Insigane

* 17:15: Lunalin † 17:20: Boi 21 Grik lo tia ya.

nanud muroudi sad na, tia, tamolpein gol ak sad na, aria, onsa ilo sou dugo yak i?"

²⁶ Agog Pita ibol, "Tamol gol ak sad na ya."

Ago ibol man Jesus irupe, "Ago tap nanud muroudi sad na takis moni ta digane na da."

²⁷ Ak man gidad ilodi ta tigane saian na wa. Ago yak niñen o you lo waup oul ubal idu. Iy malmalan wane dan rae isudap, awan pasi dop moni ate yen dan nane. Moni an nek idaisuda ya, onse niñe wo, agod ñai ñutug dam, ate tempel san takis udad a."

18

Enti Anut san kagin panek aben lo in malan te ya

Mak 9:33-37; Luk 9:46-48

¹ Saen an lo megeloum adi Jesus san na dupalug dusumiani, "Enti Anut san kagin panek aben lo yanjan malan te yak i?"

² Agog Jesus nanuk ta iwagig megeloum naod na igunig itur dugo

³ irupidaig ibol, "Ñai rumok geig ñurupaian da, an gidad sem ibilañsap nanuk en igo won alasa. Tia tap, Anut san kagin panek aben an lo aladu san tia geig a."

⁴ Amaiak niñen o talpein enti sen yabi idup nanuk en igo won ilasa dan, nek talpein amaiak Anut san kagin panek aben lo yanjan malan te ya.

⁵ "Talpein enti ñai yanag lo nanuk igo yan inane wo iyunani tap, ñai dam iniliag o iyunanag da."

⁶ Ak man nanuk ta ñai o ilon rumok dan, talpein ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir o man bo, uyan mok a. Man ata wo? An tia tap, ai wadan ñupani san man irinani geig a!

⁷ "Tan en san tamolpein ensauta a mel ta lo ilo rumok adi aupasek lo dudu wo dududuwai dan, naon muruan tubun geig ak diñane wa! Rumok, melmel ta tamolpein ilod diñanep lo au dupas dan, dilasa san dal tufutani san tia ya. Ak man talpein enti ilo ñanek an igane ilasa dan, naon saian geig ak inane wa!"

⁸ Amaiak niñen o on bani boi, tia, ñie boi, iganep aupasek lo udu tap, tutep wabi yau! Gidad ñie bani tia man ago madok yen yau san lo ladu man ta saian na ya, man dugo, kabelan ñie bani ama da yak ago diñilio dop yai pempem ided dan lo dubulo wau banau.

⁹ Agod on mala iganep au upas tap, mala an bilanip biliau a. Gidad mala kisaek o lian da ago madok yen yau san lo ka ladu wa. Kabelan mala uraru mi dop diñiliop Ades san yai lo dubulo wau banau.

Sipsip ideg yau ak san ru fanjan

Luk 15:3-7

¹⁰ "An gidad nanuk kititik ananem leil lo yanad tia yak ago ilom ta isou na wa. Man dugo, ñai ñurupaian da, inaned enel kumaen panu lo yan maladi pempem yau dop ñaineg Tamag kumaen panu lo imado dan naon dile da.*"

¹² "Ananem ilo sou dugo yak i? Sipsip muroun inanen sipsip 100 dida ditiliani da, ak man kisaek man naon tia ya. Sipsip muroun an dugo igane wak i? In sipsip 99 an ibisawaip, did luan te gafurfur dianid dumado dop yaup kisaek an aban an ile wa."

¹³ Sipsip naon tia yan ile tap, 99 a dumado dan niñedi wo ilon ta tubun mi uyan na wa. Tia, kisaek a naon tiag fon inaneg imul da yan niñen o man ilon tubun geig uyanan a."

¹⁴ Nek dal kisaek an lo mi, ananem Tamami kumaen panu na yan, nanuk kititik igo yan naod tiap dideg diau o ilon ago ta yen na da."

Tei ta on lo aupasek igane ya

¹⁵ "Saen Kris tei ta on lo aupasek igane tap, san na waup inñan aupasek an kibiai ile. Ak man nuñom uraru mi nug lo aninon a. Aria, on awa ilon tap man, on onane tei da ilom kisaek da wa."

¹⁶ Ak man awa ta ilon na tap, tamol kisaek boi, uraru boi, unal pe dida aup onane tei da aninon a. Dal an lo ru fidian a sisem abol dan, talpein nuñod uraru an ka dibinawo wa."

¹⁷ Aria, in onane tei uraru an awad ta ilon na tap, muruan an gidad Kris midaen naod na abol ilasa wa. Aria, Kris midaen dam

* **18:10:** Boi 11 Grik lo tia ya.

sad ru ta ilon na tap, tamol an gob igo won, tia, takis njalan tamol igo won, ago ale dop abiseip asau mi au.

18 “Nai ru rumok jurupaian da, an mel ta tan na yak afutani tap, kumaen panu na dam itau a, agod mel ta tan en lo apasi tap, kumaen panu na dam ipasi panan a.

19 “Agod afon jurupaian da, saen an nujom uraru mel ta ninen o kabunjam kisaek go agudani tap, nai Tamag kumaen panu na yan mel an igane panan a.

20 Man dugo, aben ta ate talpein uraru boi, utol boi, nai yanag lo dutumani dan, nai in dida mumado da.”

Urat tamol ilo munjanek aman tia yak san ru fanan

21 Agog Pita Jesus san na ipalug isumiani, “O Tubun ak, saen nai teig ta njaisag na mi aupasek igane tap, saen sapta mok inisan aupasek njupare idu pani wak i? Dag sutek yang 7 boi i?”

22 Jesus irupe, “Saen 7 man tia ya, tia, nai jurupaio da, saen 70 an seven taida batep, nek ago yen yau a.

23 “Amiak ninen o Anut san kagin panek man igo ya. Kin ta gubun[†] funfun a inisan urat tamol tinidi lo dien dan ikubunep itout o ilon ibol se ya.

24 Saen insad pani naon inane san urat an fun igane dugo, urat tamol kisaek dinaneg san na dupalu ya. Kin san gubun tamol an tinin lo yen dan man ten milion kina ago ya.

25 Ak man urat tamol an inisan gubun an isopasi san ta idaisuda na ya. Ago tag kin inanen urat tamol aenta irupidaig ibol, ‘urat tamol an bigabeg on didaen lo agane dop, tamol ta idad a. Inanen iwon, nanun muroun, agod sad melmel fidian dam nek ago mi agane wa. An lo dop san naon an njinanep ate inisan gubun ka nusopasi wa.’

26 “Urat tamol an kin naon na turun isoluwi idug ibol, ‘O Tubun ak, gidad bube panag dop onane gubun an fidian nusopasi wa.’

27 Agog kin ilon imunjanig san gubun an isopasig iganeg yau a.

28 “Agog urat tamol an ilasag yau man, tamol ta inisan urat kisaek gubak mi inisan

na gubun igane yan ile ya. Tamol an san gubun man 10 kina. Ile go buron yabig iratitale dugo inisan gubun ipani wo irupe a.

29 “Urat tamol an inisan urat kisaek an naon na turun isoluwi idug irupe, ‘Gidad bube panag dop onane gubun njupano wa.’

30 “Ak man tamol an imoi go subanek ab lo ibili iladu ya. Ago imado dop san gubun an ikubune itout gup ilasa wo ago igane ya.

31 Saen inisan urat kisaek aenta ago dile man, ilod saian geig go kin san na diaug mel fidian dile yan naon na dubol ilasa ya.

32 “Agog kin an urat tamol a kulob igane yan iwagig san na yau a. Yang iladu man kin ago irupe, ‘On tamol saia geig a, onsa gubun man ninen o bubeg njupano ya, man dugo, on nai sumianag a.

33 On gidad onsa urat kisaek an bube pani wa, nek nai dam on bubeg njupano ago mi a.’

34 Kin tinjan wananan geig a, ago yan lo urat tamol an dam subanek ab lo igane yau a. Ante man subanek ab san tirnek adi tinin malan dusue dop yaup, kin san gubun isopasi gup ilasa da wa.

35 “Aria, on bube fidian lo tei a on lo aupasek igane dan inisan aupasek ta pare idu na tap, man nai Tamag kumaen panu na yan in kagin nek ago mi on lo igane wa.”

19

Jesus pein tamol nug dibisei dak ninen o injinej a

Mak 10:1-12

1 Saen Jesus njinej en ibol itout man, distrik Galili ibiseig Judea na yau a. You Jordan ituteg Judea san aben titin ante iladug itilianig itor se ya.

2 Ago dugo tamolpein malan tubun ak njen aban diri dugo subam ad da yak ilod lo ikubunia se ya.

3 Agog Farisi aenkadi san na dupalug diabi wo bitinaek diganeg dusumiani, “Idaned kubiaen dugo ibol ak i? Mel ta ninen o, tia, mel dugo dugo yak ninen o, tamol ta inanen pein ka ibisei wak i?”

4 Jesus ru naon irupidaig ibol, “An dag girek en ta asuti na ya, ‘Fun lo mok Mel Niganag Tamol man tamol in pein da idirai a,’

† 18:23: Pani

⁵ agog ibol, 'Fun an niñen o tamol in tinan taman ibisawaip iwon inañep nug dupini dupini wa, an lo dop uraru an kisaek mi dilasa wa.'

⁶ An niñen o in uraru ago tia ya, in kisaek a, man dugo, Anut inñen mi itumanai a. Ak niñen o kabelan mel ta Anut itumanai an tamol itute banau."

⁷ Ago ibol tag Farisi dusumiani, "Agog ata wo kubiaen Moses igire yan igo ibol ak i? Tamol ta iwon ikudi wo ilon ago yen tap, aria, girek ta igirep, iwon ipani gup ikudip yau a. Girek an nug banin diabi amaiak itute san girek."

⁸ Jesus ru naon igo irupidai, "Moses iwomi akudai san awok ipanañ a, man dugo, an bubem dabai geig a. Ak man fun lo mok an san saen lo, kagin naok ago yak ta digane na ya.

⁹ Agod ru taida nurupaian da, tamol ta mel ta niñen o iwon ikudi yau dop, pein foun ak inane tap, tamol an jeit kagin igane ya. Aria, iwon imug ak a jeit kagin igane yan mi ka ikudip yau a."

¹⁰ Inanen megeloum dulon go durupe, "An ago pein tamol da lo ilasa tap, gidad nug diñane dumoi."

¹¹ Jesus ru naon irupidai, "Tamol nug ñanek lo dumoi dan san piteñanek man, fidian ilo uyan lo diñane san tia ya, ak man nek a Anut dabai ipidinai damaiak mi kagin an ka diñane wa.

¹² Tamol pein ta dusu na duman, fun senamo senamo ya. Aenta man nabud patun amad tia, ago tinad tiñan lo dilasa ya. Aenta man tamol nabud dupasi da. Aria, aenta man, Anut san kagin panek aben dabai dupani san niñen o pein ta dusu na da. Tamol ta piteñanek en awok ka ipani tap, inane wan uyanan geig a."

Nanuk diñal go dida Jesus san na dupalu ya

Mak 10:13-16; Luk 18:15-17

¹³ Agog tamolpein inñiganed nanuk diñal go Jesus banin kabunad fo iganep gadin lo bar ipidinai san niñen o inñan na dupalu se ya. Ak man inanen megeloum adi tamolpein ru dabai nam dupudai a.

¹⁴ Ago gug Jesus ibol, "Nanuk ñaisag na dupalu wo dop eilafu wak, abitudanai amoi.

Man dugo, Anut san kagin panek aben man nanuk igo yak sadi a."

¹⁵ Agog banin kabunad fufo iganeg aben an ibiseig yau a.

Pinein damag filian anda yak Jesus isumiani a

Mak 10:17-31; Luk 18:18-30

¹⁶ Aria, pinein damag ta Jesus san na ipalug isumiani, "O girek mañau, ata kulob uyan ak ñigane dop lo madok pempem yen san an ka ñiñane wak i?"

¹⁷ Jesus ru naon igo irupe, "Ata wo mel ta uyan an niñen o sumianag dak i? Nek Anut kisaek o lian an mi uyanan a. Madok uyan ak lo wau o ilo ibol tap, ru kubiaen girek lo dien dan kagin pidinai a."

¹⁸ Agog isumiaen, "Ru kubiaen dugoma-ia i?"

Jesus ru naon irupe, "On tamol ta funi imat na wak, jeit kagin ta gane na wak, ta ugam na wak, kot lo supalek ru ta ubol na wak,

¹⁹ tina tama awad paen na mado dop kagin pidinai o uyan ak, agod onse niñe wo umat dak ago mi aenta dam niñedi wo umat a."

²⁰ Pinein an irupeig ibol, "Ru kubiaen an fidian ñuri ñupani se ya. Ata mel taida niñen o katuk ag ak i?"

²¹ Jesus irupe, "On itaot mok lasa wo ilo yen tap, waup onsa mel an fidian didaen lo ganep moni ñane wa. Aria, moni an ñanep tamolpein mel ad tia yan pidinai a. Ago dop on kumaen panu lo filiama da wa. Ago gane gup palup ñieg aban uri wa."

²² Saen pinein an ru ago ilon man, ilon idug yau a, man dugo, in tan en lo melmel wei kasik aman da ya.

²³ Agog Jesus inanen megeloum irupidaig ibol, "Ñai rumok ñabol da, tamol filian anda man Anut san kagin panek lo iladu san man muruan geig a.

²⁴ Ñai fon nurupaian da, tamol filian anda yak Anut san kagin panek aben lo ka iladu an, rumok tap, aria, kamel dam si guburan tusan ak lo yau san man pasauman geig a."

²⁵ Saen inanen megeloum ago dulon man, malad ifure saian geig go dusumiani, "Mago tap, enti mok patu pasek ka inane wak i?"

²⁶ Jesus malan ti ibol go yil dugo irupidai, “Tamolpein kulob ago man in lo ta idaisuda na ya, ak gug Anut lo mel fidian man pasauman a.”

²⁷ Agog Pita ru naon ibol, “Ule, mel fidian mibiseig nje aban muri se ya, an lo ata naon igo mok minjane wak i?”

²⁸ Jesus irupidai, “Nai rumok nurupaian da, Anut mel fidian afon foun idirai dilasa san saen lo man, Tamol Nanun inanen badim girager anda yak fufo imasi wa. Ago dop an enti nje aban ari apani na yan dam badim 12 ak fufo amasip Isrel san gugoi 12 an abitiniai a.

²⁹ Agod talpein enti ab ibiseig, tia tein boi, lun boi, taman boi, tinan boi, nanun moroun boi, siganen tan boi, an nai yanag yabisa wo ibisei dop man, mel a ibisawai an san naon sutek yaup 100 irinani wa. Taida mi, nai madok pempem yen san an dam njupani wa.

³⁰ Ak man talpein wei mi gamu in sed malan te idirai dan, saen an lo man in yanad tia yak ago dilasa wa. Agod talpein wei mi in gamu yanad tia dumado dan, saen an lo malan te dilasa wa.

20

Wain abi san urat tamol adi

¹ “Anut san kagin panek man igo ya. Salso idug abi san muroun imasag didaen aben lo yaug urat tamol aenta ibiaip inanen wain abi ilon lo urat digane san.

² In urat tamol an dida urat naon dugo ipidinai an ninen o dukubiai se ya. Agog adian kiskisaek atem kina kiskisaek ipidinai o ago ibol a. Agog urat tamol an dulon go ninen an awok dupanig idinaig inanen abi lo diau a.

³ “Tidom lom, afon imasag didaen aben ante yaug ilasag, tamol ta kawan dutur dugo yil a.

⁴ Ago dugo irupidaig ibol, ‘An dam naisag wain abi lo aup urat agane. Ago dop murnap ananem urat naon dugo itaot atem njupana a.’ Ago tag diau a.

⁵ In afon, adian lo agod guraian lo mi, nek ago igane ya.

⁶ Guraian mok, auwa kisaek imug mi ad idiau an lo, afon imasag yaug tamol taidam urat ad tia kawan dutur dugo yil

a. Agog tamol an irupidaig ibol, ‘An ata wo ad milaen kawan atur amado dugo urat ta agane na dak i?’

⁷ In abi muroun ru naon durupeig dubol, ‘Tamol ta man ibiama man tia ya.’ Ago tag irupidai, ‘An dam gamu njaineg wain abi lo au a.’

⁸ “Aria, saen ad idiau dugo abi muroun in san urat gurman irupeig ibol, ‘Urat tamol giai dop sad urat naon anen anen atem udad a. Tamol a murna geig njanal an ate fun ganep, ipalup, yaup, imug ak ate itout a.’

⁹ Saen urat tamol a murna geig ibiai an dupalu man, anen anen atem kina kiskisaek urat san gurman ipidinai a.

¹⁰ An ninen o saen urat tamol a imug mi ibiai an dupalu man, in moni subunan taidam dinjane wak ago ilo sou digane se ya, ak man in dam nek kina kiskisaek mi dinjane ya.

¹¹ Inaned kina dinjane gug, abi muroun ninen o fun diganeg dunurnur se ya.

¹² In dubol, ‘Tamol e murna geig biai an auwa kisaek o lian urat digane ya, ak man on ago gane yan lo man in dida sisem mi milasa ya. Gug man urat san muruan ad milaen man mi misini se ya.’

¹³ “Ak man abi muroun tamol ta lulunad lo imado yan irupeig ibol, ‘Turag, nai on ta njiginio saian na da. Dugo, on kina kisaek o lian lo urat gane wo awok ta ubol na yak i?’

¹⁴ Onjane urat naon njanep wau. Tamol a murna geig njanal an, urat naon a njupano yan, nek ago mi in dam njupidinai o ilog yen a.

¹⁵ En dugo, nai siganeg moni lo dugo njigane wo dan, ago ka ta njigane na wak i? Tia, nai siganeg mel njuwae dan ninen o mala isi dak i?’

¹⁶ “Nek ago mi, talpein murna yan mitep imug dop, imug an murna wa.”

Jesus afon inanen materj sumeik ilasa dan ninen o ibol a

Mak 10:32-34; Luk 18:31-34

¹⁷ Jesus in Jerusalem na yau se ya, saen an lo inanen megeloum 12 an injal go dida gigin na diaug, irupidaig ago ibol,

¹⁸ “Alon uyan a, id Jerusalem na tau da. Ante man Tamol Nanun dinjanep pris gurman agod kubiaen san girek manau banid

lo digane wa. Inj malak malak bitinaek lo digane gup imat a.

¹⁹ Ago dop Juda tia yak banid lo diganep lo kukok aman digane gup, rasau nam du-funi nap, aigim fo dubali wa. Ago digane wak man, nal utol itout gup, Anut ifufunip afon kumaen imasa da wa.”

Jems inj Jon da sad tinad san sumiaen

Mak 10:35-45

²⁰ Agog Sebedi san nanun uraru amaiak tinadi da, Jesus naon na dupalu ya. Agog tinadi turun isaluwig mel ta ipani san ninjen o Jesus isumiani a.

²¹ Jesus pein an isumiani, “Ata mel ninjen o ilo ibol dak i?” Agog pein an naon irupeyi, “Ru ubol an lo naj nanug muroug e dumado den, murnap unjal pe onane kagin panek aben lo, onane badim fo sinjire na dumasip dumado wa. Neinta bani won ak lo dop, neinta nas ak lo gane wa.”

²² Agog Jesus, Jems inj Jon da irupidaig ibol, “Mel dugo mok ninjen o asumianag dan ta alon uyan na ya. Ak dugo, gab a naj lo naluk san an, an dam lo aluk anen idaisuda yak i?” Agog inj ru naon durupeig dubol, “Awo, man idaisuda ya.”

²³ Jesus irupidai, “Rumok, an najneg gab an lo aluk a. Ak man sinjireg na amasip amado, ta banig won ak lo, ta banig nas ak lo, aben a yanjan anda amaiak naj nupanan san ta idaisuda na ya. Tia, najneg Tamag insen mi tamol ta aben an ipidinai san ipilianai la ya, amaiak ninjen o aben uraru an inaned mi a.”

²⁴ Saen inanan megeloum 10 dumado yan ago dulong man, tamol uraru an ninjed wo tinjaed saian geig a.

²⁵ Ak man Jesus igiaig san na dupalug igo irupidai, “An alon ak, gob adi lulujad lo inaned gurman sed idiraip lak na mok disuda dop tamolpein ditirnai o digane wa. Agod inaned tutubu yan tamolpein kawan ak didiraip tuod paed na dumado wa.

²⁶ Ak gug an lulujam lo kagin ago yak ta mok ilasa na wa. Tia, talpein ta an lulujam lo yanak tubun ak inane wo ilon ibol tap, sen iganep ananem biabi nilanal on ilasa wa.

²⁷ Agod talpein ta an lulujam lo imug yau san ago ilon ibol tap, sen igane idup an

fidian mi wagem lo bigabeg igo won ilasa wa.

²⁸ Nek ibol Tamol Nanun insen igo won, tamolpein aenta binawek urat dupani wo ta ipalu na ya, tia, aenta ninjed wo binawek urat igane wo ipalu ya. Agod sen tinin fidian ibiseip an lo tamolpein wei mi siganen dar lo idad pe injal imul o dam ipalu ya.”

Jesus tamol uraru malad itau an ikubuniai a

Mak 10:46-52; Luk 18:35-43

²⁹ Saen Jesus inanan megeloum dida Jeriko dibisei man, tamolpein malan tubun ak njen aban diri a.

³⁰ Ante man tamol uraru maladi itau ak dal gigin na dumasig dumado ya. Saen Jesus irinani o igane dugo dulong man diwagin, “O Tubun ak, Dawid Nanun, ilo imunanama!”

³¹ Agog tamolpein an dububunanaig durupidai, “Awam itaup atokabol pe amado!” Ago tag tamol uraru an nen maeg nam duwagin dugo disasai, “O Tubun ak, Dawid Nanun, ilo imunanama!”

³² Jesus awad ago ilon man, ipartuanig igiaig irupidai, “Dugo njidiran o ilom ibol di?”

³³ Agog inj durupeig dubol, “O Tubun ak, man aban mile wo iloma ibol da.”

³⁴ Agog Jesus tubun mok ilon imunanaig maladi isupuri dugo gamu nam uraru an aban dile ya. Agog njen aban dirigitur se ya.

21

Jesus kin on Jerusalem na iladu ya

Mak 11:1; Luk 19:28-40; Jon 12:12-19

¹ Jesus inanan megeloum dida Jerusalem sumeik dupani dugo, Did Oliv sinjiren na panu ta yanjan Betfage dubol dan ate dilasa ya. Ago man Jesus megeloum uraru panu an ilon lo diau o idinai a.

² Inj ago irupidaig ibol, “An nunjom urarum panu o tile dan ante au a. Aup donki ta dususeg itur dak ante ale wa, inj nanun da sisem dutur da. Urarum kam apasip anjal pe naisag na apalu.

³ Tamol ta ru aman da dop, an igo arupeyi wa, ‘Tubun ak urat ipidinai a.’ Inj ago ilon dop, idinaip anjal pe apalu salti wa.”

⁴ Dal an lo man, awan aban ta profet ta ibol an nuñon ilasa ya. Ru an igo ibol,

⁵ “Ru en Saion san Nanun Pein* naod na ubol ilasa wa.

Ale, anjanem Kiñ gamu anñsam na ipalu da.

Tamol mos aman ak igo woñ ipalu da, doñki ta fufo na imasig imado da.

Doñki an foun ak fo na imasig imado dugo ipalu da.”

⁶ Agog megeloum uraru an diaug, Jesus ibol ak ago mi digane ya.

⁷ Diaug, doñki tinan in nanun da diñal go dupalu ya. Agog doñki an patun fufo kulos duruwarig, Jesus fo isudag imasig imado dugo diau a.

⁸ Agog tamolpein malan tubun geig an inñsiganed kulos milmilae ak dupasi dugo dal te duruwari se ya. Ago dugo aenkadi ai raen dututeg dal damag dupani dugo didiri se ya.

⁹ Tamolpein aenkadi, Jesus dida inug mi diau dugo, tamolpein aenta murna dupalu ya. In fidian mi igo dubol duwagin se ya, “Hosana,† Dawid Nanun, per mupano da! Tamol Anut yanjan lo ipalu den bar inane ya!

Hosana lak na geig!”

¹⁰ Saen Jesus Jerusalem na iladu man, tamolpein fidian ilod imasa dugo nug dusumiani se ya, “Tamol en enti ak i?”

¹¹ Ago dugo tamolpein a ida turen diabi se yan ago dubol, “En Jesus, emaiak in profet, distrik Galili ilon lo panu ta Nasaret san ak ipalu ya.”

Jesus tamol tempel san ar ilon lo didaen digane se yan ikudai a

Mak 11:15-19; Luk 19:45-48; Jon 2:13-22

¹² Jesus tempel san ar ilon lo iladug, aben ante didaen tamol, agod a melmel ta didad dan dam fidian ikudaig patun fo dilasa ya. Inñsad tebol fufo na moni dubulisa se yan, iratitaleg yabibol idu dugo, tamol aenta muluk didaen lo didirai se yan sad kalik dam yabibol yau a.

¹³ In igo ipidai, “Anut san buk lo ru en digire ya, ‘Ñaineñ ab man gudanek san

ago dubol a,’ ak man an agane ilasag ‘gumagam adi sad mianuk ab’ igo agane da.”

¹⁴ Jesus tempel lo imado dugo, malad itau agod ñied saian ak dam san na dupalu se ya, ago man in ikubunia dugo tinid siñaokan dilasa se ya.

¹⁵ Ak man pris gurman adi agod kubi-aen san girek manau dam in kulob girager igane se yan dile dugo, nanuk tempel san ar ilon lo yak igo duwagin, “Hosana Dawid Nanun, per mupano da!” Saen gurman adi ago dile man ilod saian dugo tinjad wananan a.

¹⁶ Ago tag Jesus dusumianig dubol, “Ru e dubol den ulon dak i?” Agog Jesus ru naon irupidai, “Awo, ñalon da. Nag an ru en ta asuti na yak i?”

‘On nanuk kititik agod nanuk su ate dam pilianai dop, per panek awad lo ilasa wa.’”

¹⁷ Agog in ibisawaig Jerusalem patun fo ilasag yaug tidom an lo Betani na ñion yabi a.

Jesus ibol dugo gurab ibun yau a
Mak 11:12-14; 20-24

¹⁸ Tidom lom mok Jesus imul go Jerusalem na yau, saen an lo dam in anan o imat.

¹⁹ Malan yaug dal gigin na ai gurab ta itur dugo ile, ago man sinjiren na geig yau. Ak man nuñon ta ile man tia ya. Roun kawan mi yen a. Ago tag in ai gurab an ago irupe, “On afon nuño ta ufu na wa. Tia geig a.” An lo man gurab an ibun yau kisaek on a.

²⁰ Inanen megeloum ago dile man durut geig dugo dubol, “En dugo woñ mok go gurab an ibun yau kisaek on ak i?”

²¹ Ago dugo Jesus ru naon igo irupidai, “Ñai rumok mi ñurupaian da, an ilom lo rumok dop, agod ilom uraru dam tia tap, an kulob e ñai gurab lo ñigane yak ago mi ka agane wa. An mi tia ya, tia, an did en arupe, on masap sokalik beig lo udu, ago dop mel a arupe an awam yabi wa.

²² Agod an ilom rumok aman da yak lo gudanek agane tap, mel fidian a ninedi wo gudanek agane dan ka anane wa.”

* **21:5:** Saion san Nanun Pein an ru fañan, in fun man ‘Jerusalem san tamolpein’ † **21:9:** Wagam mok ru en ‘hosana’ san fun man ‘on patuma pasi’ igo ya, murnag fun afon ibileksag, nek ibol ‘per mupano’ ago ilasa ya.

*In Jesus dusumiani, “Enti ipiliano ya?”
Mak 11:27-33; Luk 20:1-8*

²³ Jesus tempel lo iladug tamolpein manau ipitejanai se ya. Ago dugo pris gurman adi agod Isrel san gurman adi dam dupalug naon na dilasag dusumiani, “On kob en agod dabai dam dugon te njaneg lo melmel en gane dak i? Enti mok dabai en ipanog ate urat en gane wo ibol ak i?”

²⁴ Agog Jesus ru naon igo irupidai, “Nai dam mel ta ninen o nsumianaŋ o da. Ago dop an imug njasag sumianek an itaot arupaiaŋ tap, enti mok urat e njaneg den san dabai ipanag ak ka nabol pe alon a.

²⁵ Dugo ilom isou dak i? Jon san suguek man, dugon te kagin an inane yak i? An kumaen panu san mel, tia, tamol sad mi ak i?”

Agog in sed nug lo igo dinjanen se ya. “En kumaen panu san mel, ago tabol tap, in igo ibol isumianad a, ‘En ata wo an in ninen o ilom ta rumok na yak i?’

²⁶ Ak gug ‘En man tamol sad mel mi a,’ ago tabol tap, id o dugo ilasa wak i? Id tamolpein en ninedi wo tarer da, man dugo, insad ilo sou lo man Jon mi in profet, ago dubol da.”

²⁷ Ago yak ninen o Jesus ru naon durupeig dubol, “Man ta malon na ya.” An lo man Jesus irupidai, “Ago yak ninen o nai dam enti mok kob agod dabai ipanag an ta njanegaŋ na wa.”

Nanuk uraru tamad da sad ru mitilaen

²⁸ “An mel emaiak ninen o dugo won ilo sou agane di? Tamol ta nanun uraru a. In nanun matu ak san na yaug igo irupeŋ, ‘Nanug, on gamu waup wain abi lo urat gane wa.’

²⁹ Agog nanun ibol, ‘Nai namoi.’ Ak man murna gug ilon ibileksag abi lo yau a.

³⁰ Agod taman an nanun bakan ak san na yaug, ru naon kisaek ago mi irupeŋ a. Agog nanun an awan yabig ibol, ‘Awo Bai, nau o da.’ Ak gug in ta yau na ya.

³¹ Dugo ilom isou dak i? Nanuk uraru en, enti mok taman san ilobol iri ak i?” Ago man in dubol, “Nanuk matu ama ya.” Agog Jesus ago irupidai, “Nai rumok njanegaŋ da. Takis njanegaŋ, agod dal san pein adi, in

an dirinjanan go Anut san kagin panek aben lo diladu da, ak man an aladu wo amoi da.

³² Man ata wo? Jon imug an kagin itaot ak san dal ikubiaip ale wo, sam na ipalu ya. Ak man an ilom ta rumok na ya. Ak gug takis njanegaŋ tamol, agod dal san pein adi dam, in ilod lo rumok a. Gidad an ago ale bo man, ilom lo ta rumok na, agod ilom dam ta ibileksa na ya.”

*Abi san kagin panek adi san ru fanan
Mak 12:1-12; Luk 20:9-19*

³³ Jesus tamol tutubu yak ago irupidai, “Kududom agure dop ru fanan taidam njanegaŋ o da. Tamol ta in wain san abi yabig ar ifou a. Abi an ilon lo wain patun dupartitale san gib yabi a. Agod ab a ate abi titianek dumado san dam abi ilon lo yabi a. Agog tamol ta abi an kagin dupani san urat digane wo ipilianaig, banid lo igane ya. Aria, saen abi taman in urat an fidian igane itout man, imasag panu asau ak ate yau a.

³⁴ Aria, ai wain nunod ifu san saen sumeik ipani dugo, in insan biabi njanegaŋ idiraig inanan wain nunon disini wo diau a.

³⁵ Ak man urat tamol a abi lo dumado dan dumasag, tamol a abi muroun idinaig diau an muruan dupidinai a. Ta dufunig, neinta dufuni imat dugo, kisaek pat nam dufuni imat a.

³⁶ Murnag abi taman an urat tamol sen ak idiraig sad na diau a. In nunod kitek wei a, a gubak mi idiraig diau an dirinjanai a. Tamol abi lo urat digane yan dumasag urat tamol a diau an lo kulob gubak mi digane yak ago mi digane pidinai a.

³⁷ Murna geig abi taman nanun mok idinig yau dugo ilo sou lo igo ibol, ‘Urat tamol an njanegaŋ nanug mok an awan diabi wa.’

³⁸ “Tamol abi lo urat digane dan, malad yaug nanun ipalu dugo dile. Ago man in sed nug ru dupeig dubol, ‘Tamol en man taman san melmel fidian mi inane wo da. Ago yak ninen o id tufunip imat dop, inanan abi id tinane wa.’

³⁹ Ago dubol go diabig ar patun fo dubal idug dufunig imat a.

⁴⁰ “Ago yak ninen o an dugo won ilom isou dak i? Murnap, saen abi taman an

ipalu wan lo, inj tamol a abi lo urat digane na yan ninjedi wo dugo mok igane wak i?"

⁴¹ Inj ru naon igo durupe, "Abi taman inj tamol saiadi an daon saian geig ak ipidinai a. Ago dop wain san abi an tamol sen ta ipidinaip kagin dupani wa. Urat tamol foudi an, wain nunon ifu san saen lo, san nunon dinanep dutumanip disini dop dupani wa."

⁴² Ago tag Jesus ago ibol isumianai, "Nag an ru e girek lo yen den ta asuti na i? 'Pat nek a ab bek tamol adi dumoi dan, nek amaiak ab tinin fidian yabi sakar da.

An Anut sen ago igane ya, agod id malad lo en man sinjakaan geig a.'

⁴³ "Amiak ninjen o naj jurupaian da, Anut injsan kagin panek aben an, an tuom lo ipasi yau a. An lo dop tamolpein sen ak ta, inj Anut san kagin panek aben an san nunon mok digane ilasa dan, kagin panek aben an inj ipidinai a.

⁴⁴ Talpein ta inj pat en fo na yau idu dop man, sen ifuni ititale wa. Ak gug talpein ta pat en kabunan fufo idu dop, ifufari idu wa."

⁴⁵ Saen pris tutubu agod Farisi adi, Jesus ru fanan a ibol se yan dulon man, inj dulon uyanan ak Jesus inanen ru lo inj isiai se ya.

⁴⁶ Amiak ninjen o dal ta lo Jesus diabi wo maeg diganeg aban dile se ya. Ak man tamolpein malan tubun ak ninjedi wo direr, man dugo, tamolpein an sad ilo sou lo man Jesus inj profet, an ninjen o inj ta diabi na ya.

22

Nug iwon njilanjal san ananj tubun ak san ru mitilaen

Luk 14:15-24

¹ Agod afon, Jesus tamolpein an ru fanan lo irupidai a.

² "Anut san kagin panek man igo ya. Kin ta injsinan nanun tamol ak o nug njanek san soubul yabi a.

³ Inj imug mi tamol adi a injsan nug iwon san ananj diani wan nal dugon lo dupalu wo irupidai. Aria, ananj nal idu dugo injsinan urat tamol idiraig tamol an dil o diau a. Ago yak man inj dupalu wo dumoi a.

⁴ Agod afon inj urat tamol sen ak idiraig diau wo dugo, igo irupidai, 'Anj tamol a gubak mi njigai an sad na aup, igo arupidai a. Alonj uyan, naj ananj njukubune la ya. Makau tubun ak agod makau nanud tinid bulbal ak dam mafu la ya, mel fidian mukubuneg dien da. Anj soubul en lo apalu wa.'

⁵ "Urat tamol diaug tamol an ru durupidai a, ak man ru an dumoi go kagin ta dupani na yan lo, dufurak go gidigidad diau a. Ta injsinan abi lo yau dugo, ta yang injsinan bisnis urat igane se ya.

⁶ Aenta dumasag kinj san urat tamol duburoug ru saian ak lo dububunajanaig dufu dumat a.

⁷ An ninjen o kinj tinjaen tubun mi saian tag, injsinan yu tamol adi idiraig diaug, tamol a inanen urat tamol dufu dumat, amaiak dufu dumat dugo sad panu dam dumarig inani yau a.

⁸ "An itout go kinj an injsan urat tamol ago irupidai, 'Nug iwon njilanjal san ananj kubunek go yen da. Ak man tamol a naj imug njigai an, dupalu san inj ta idaisuda na ya.

⁹ Ago yak ninjen o amasap dal gigin fidian lo atur a, tamol fidian eil dop, agiaip nug njilanjal san ananj lo dupalu wo ago arupidai a.'

¹⁰ Inj ago ibol dugo, inanen urat tamol dumasag, dal gigin fidian atem dutur dugo, tamolpein uyadi agod saiadi ak dam dil dugo dutumanai se ya. Agog ananj tubun an lo dupalu ya. An lo man ab a ate soubul diani san an awan isa geig a.

¹¹ "Tamolpein dumasig dumado dugo kinj an yil o iladu ya. Inj iladug malan yau man, tamol ta nug njilanjal san kulos ta igane na yan ile ya.

¹² Agog naon na isusag isumiani, 'Turag, en dugog onj nug njanek san kulos ta gane na gug ente sadu yak i?' Agog tamol an ru ta ibol san tia ya.

¹³ "Ago tag kinj urat tamol adi sinjiren na dutur dan irupidaig ibol, 'Anj njen banin afoup, anjanep abili patun fo ilasa dop, abanj tidom tubun ak lo imado wa. Aben ante man tamolpein tinanj digane dop madai lo luod dugurmi wa.'

14 Man dugo, Anut in bo tamolpein wei kasik igiai da, ak gug tamolpein kisaek kisaek mi diladu san kob ipidinai a.”

Kaisa san takis njana

Mak 12:13-17; Luk 20:20-26

15 Agog Farisi adi diaug, Jesus san njen lo dal dugo diabi san njen o dutumanig dukubiai se ya.

16 In awad kisaek go, siganed megeloum aenkadi, Herod san tamol aenta dida didiraig, Jesus san na diau a. Tamol an Jesus durupeig dubol, “Girek manau, man malon ak on ru rumok san tamol. On tamolpein Anut san dal an njen o itaot mi pitejanai da. On tamol ta njen o urer san tia ya. Tia, on ru kisaek an mi tamol fidian lo ubol yau da. Gidad yanad da yak, di yanad tia yak dam mi a.

17 An njen o on ka mel en njen o rupaiama wa. Dugo, Kaisa takis moni tupani wan uyan ak i? Tia, saian ak i? On dugo ilo isou dak i?”

18 Ago yak man Jesus insad ilo sou saian an ilon dugo igo irupidaig ibol, “An balem rararu a, ata wo nai bitinaek lo aginiag o agane dak i?”

19 An moni a lo takis adad o dan kisaek akubiai dop nile wa.” Ago tag in moni ta disinig san na dupalug dupani a.

20 Jesus ibol isumianai, “Mitilaen agod yanak e fufo digire yan enti san ak i?”

21 Agog in dubol, “Kaisa san.” An njen o irupidai, “Mel ta Kaisa san tap, Kaisa apani wa, agod mel ta Anut san tap, Anut apani wa.”

22 Saen ru an dulon man durut saian geig a. Agog dibiseig diau a.

Sadyusi Jesus diabi wo bitinaek digane ya

Mak 12:18-27; Luk 20:27-40

23 Nal kisaek an lo Sadyusi aenta Jesus san na dupalu ya. Tamol nek an pris gurman adi sad warou, in tamol dumat pe murnap fon kumaen dumasa da wan njen o ilodi ta rumok na da. Agog Jesus igo dubol dusumiani,

24 “Girek manau, Moses gubak mi igo ibol a. ‘Tamol ta in nanuk aman tiag imat tap, gidad tein imasap iwon ka inane dop, an lo tein imat la yak aben lo nanuk idiri ilasa wa.’

25 Aria, gubak mi man tein muroun nunod 7 man lulanama lo dumado se ya. Matu ak pein inane imado nag imat, ak gug in nanuk aman tia ya. Ago yak njen o tein bakan ak imasag matu imat an san pein inane ya.

26 Tein bakan an dam tein san suos a inane, dumado yak man nanuk amad tiag tamol ak imat a. Tein muroun murna an dam nek ago mi, teidi sad suos an inane yak man, nanuk amad tia dumado nag, dumat a.

27 Tein an fidian mi nanuk amad tia dumat gug pein an dam imat a.

28 An njen o on ubol rupaiama wa. Saen tamolpein dumat pasik an afon kumaen dumasa tap, tamol an fidian ilod lo man, pein an enti iwon ak i? On ulon ak in fidian iwodi a.”

29 Ak gug Jesus ru naon irupidaig igo ibol, “An afurfi saian a. Man ata wo? Anut san ru girek lo yen dan, agod Anut san dabai dam an ta alon uyan na ya.

30 Saen tamol dumat pe dumasap kumaen panu na dutor dan, pein ta dusu na da, agod ante tamol ta pein nen ta dupani na da. Tia, in kumaen panu san enel igo won dumado da.

31 Agod taida mi, tamol dumat ak fon kumaen dumasa da wan njen o kududom agure. Nag an ru a Anut irupaian an ta asuti na yak i? In igo ibol,

32 ‘Nai man Abraham san Anut, nai dam Aisak san Anut, agod nai dam Jakob san Anut.’ Anut man in tamol a matej lo dumado dan sad Anut tia ya. Tia, in man tamol kumaed dumado dak sadi a.”

33 Saen tamolpein a Jesus dubuluwi dan insan pitejanek emaiak dulon man, in durut dugo ru an njen o nug lo inin ila iso se ya.

Kubiaen dugomaiak malan te yak i?

Mak 12:28-34; Luk 10:25-28

34 Saen Farisi, Jesus ru a ibol an lo Sadyusi awad yabituani an dulon man, naon na dutumani a.

35 Tamol ta in lulunad lo itur an, in kubiaen san ulon tamol, amaiak ru a Jesus ibol an ipipi wo igo isumiani a.

³⁶ “Girek mañau, kubiaen dugomaiak in malan te dugo, kubiaen aenta irinjanai geig ak i?”

³⁷ An ninjen o Jesus ago irupei, “On gidad Tubun en onjane Anut ninjen o umat a, on bube fidian lo, on njutu fidian lo, agod onjane ilo sou fidian lo ago gane wa.

³⁸ Kubiaen en tubun a, agod in malan te geig a.

³⁹ Kubiaen turan en dam nek ago mi a. Nek onse niñe wo umat dak ago mi, tamolpein aenta dam niñedi wo umat a.

⁴⁰ Kubiaen uraru en malan te yen da, Moses san kubiaen fidian, agod profet sad awak aban an dam, kubiaen uraru en paed na diyuk dien da.”

Kristus in enti nanun ak i?

Mak 12:35-37; Luk 20:41-44

⁴¹ Farisi adi dutumanig dumado dugo Jesus ibol go isumianai,

⁴² “An Kristus ninjen o dugo ilom isou di? In enti nanun ak i?” Ago man in durupei, “En man Dawid nanun.”

⁴³ Ago tag in irupidai, “Aria, en dugo won go, Kristus ninjen o, Dawid in sen mi Awan Urgan san dabai lo mi in inen dugo tamol an yanjan man, Tubun ak ibol ak i? In igo ibol,

⁴⁴ ‘Tubun en njaisag Tubun ak igo irupei, “On njai tuog won ak ate masip yaup, murna gup njai onsa ager adi njidiraip, on njie pae na dumado dop njie nam partuanai a.” ’

⁴⁵ Amaiak ninjen o Dawid in sen mi in Tubun ak ago ibol tap, en dugo won pe in Dawid nanun ak i?”

⁴⁶ Nal an log yau man, Jesus sumiaen subunan taidam dusumiani wan ninjen o direr se ya.

23

Jesus in Farisi agod girek mañau adi sad kagin sisaiak an kuai tem igane ilasa ya

Mak 12:38-39; Luk 11:43,46; 20:45-46

¹ Nal an lo Jesus in anen megeloum, agod tamolpein a dubuluwi an dam irupidaig ibol,

² “Kubiaen san girek mañau in Farisi dida Moses naon dinjane ya.

* **23:13:** Boi 14 Grik lo tia ya.

³ An ninjen o ata mel agane wo durupaian dan an kagin apani dop itaot mi agane wa. Ak gug kagin naok naok a digane damaiak an dam nek an ta ari apani na wa. Tia geig, man ata wo? In ru kagin wei mi dubol dak, gug in sed mi in siganed ru ta duri dupani na da.

⁴ In tu muruan ak dufou dugo, tamol yarod fo didirai da, ago yak gug in sed banid kurunen nam kitek diabip tamol dubunawai dop disini wo man dumoi da.

⁵ Mel fidian in digane duman, tamol dil o digane da. Awo, in gudanek san ariy didiri dugo, bala milmilae ak dam kulos bitinjen fo na digane da.

⁶ In soubul lo kalik malan te yak ninjen o dumat da, agod ubou ab lo dam nek ago mi a.

⁷ In panu titinae mi tamol ‘adian’ dupidinai o ilod yen da, agod tamol in niñedi wo ‘tamol tubun ak’ ago dubol an dam ninjen o dumat da.

⁸ Ak man, tamolpein aenta an gurman adi dubol ak ago ta digane na wa. Tia, tamol kisaek o lian man an sam gurman, agod an fidian man nug tein taon amado da.

⁹ Tan en lo talpein ta an tamam ak ago ta abol na wa. Man dugo, Tamol kisaek o lian in an tamam, amaiak kumaen panu lo imado da.

¹⁰ Agod tamolpein aenta in an girek mañau adi ak ago ta dubol na wa, man dugo, an girek mañau kisaek o lian am da ya, in Kristus.

¹¹ Tia, an lulunjam lo man, enti in malan te yan, an fidian sam urat tamol ago ilasap imado wa.

¹² Tamol in sen yanjan yabisa dan, in san yanjan an yau idu wa. Tamol in sen yabi idu dan, yanjak tubun ak inane wa.

Jesus saen 7 ru lo ibiai dudu ya

Mak 12:40; Luk 11:39-42,44,47-51; 20:47

¹³ “An kubiaen san girek mañau, Farisi dida man, muruan tubun geig ak ale wa. An tamol awam rararu amam mi a! Man ata wo? An tamolpein naod na Anut san kagin panek aben an san dalawan afutani

da. Ansem ta aladu na da, ago dugo tamolpein a diladu wo dan, nek amaiak an sad dal afou da.*

¹⁴ An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An pein suos sad ab agam da, agod gudanek milaen kasik, tamolpein dilian o agane da. Amaiak ninen o naon a anane wan nen tubun mi ilasa wa.

¹⁵ “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An wein abi dak, agod tan na dam ator dak, tamol ta kisaek o lian aban an ale dop, an lo aganep, Juda sad dal iri san tamol ago ilasa wa. Gug saen an tamol naok ago yak ale dop, nek ibol ansem Ades lo aup amado wak igo, in dam Ades lo yaup imado wan ninen o tubun geig irinanan a.

¹⁶ “An malam itapul amami a, muruan tubun geig ak anane wa. An tamol malad itapul an ak dal akubiai pidinai dak gug ansem mi malam itapul an a. An igo abol da, ‘Tamol ta insinan ru dabai ipani wo, tempel san yan an lo lak na geig ibol tap, insan promis Anut ipani an man kawan a. Ak gug in tempel san gol ilon lo yen dan san yan an lo lak na geig ibol tap, gidad promis a ibol ak ago mi iri wa.’

¹⁷ An mala tapul buraurau! Ata mel malan te yak i? Ak dugo, gol malan te yak i? Tia, tempel an san gol gun igane damaiak malan te yak i?

¹⁸ Taida mi an igo abol da, ‘Tamol ta insinan ru dabai ipani wo, alta san yan an lo lak na geig ibol tap, insan promis Anut ipani an man kawan a. Ak gug in lou panek a alta fufo yen dan san yan an lo lak na geig ibol tap, gidad promis a ibol ak ago mi iri wa.’

¹⁹ An malam itapul amami a! Ata mel malan te yak i? Ak dugo, lou panek an malan te yak i? Tia, alta a lou panek an gun igane damaiak malan te yak i?

²⁰ An ninen o tamol insinan ru dabai ipani wo alta san yan an lo lak na geig ibol tap, melmel a alta fufo na dien dan lo dam sinan ru dabai ipani da.

²¹ Nek ago mi, tamol in tempel san yan an lo lak na geig ibol tap, in tempel agod In a

ate imado dan sisem sad yan an lo lak na geig ibol da.

²² Agod tamol a sinan ru dabai ipani wo kumaen panu san yan an lo lak na geig ibol dan, Anut san badim lo, agod In a badim an fufo imasi dan lo dam, lak na geig ibol da.

²³ “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? Abi san pinapan kititik wei mi abitig malan 10 dilasa ya, agog malan kisaek Anut apani a. Ak man an kubiaen san ru malan te yak, nek ibol kot lo atarpasai uyanan dak, aenta ilom imunanai dak, agod ansganem ru aganuri dan, kagin naok naok ago yak ari san ninen o kagin ta apani na da. Kagin malan te yak agane wa, agod kubiaen san ru kagin kititik dam ta abisei na wa.

²⁴ An gurman adi, an malam itapul ami a! An tuor fufo na gubudai akudai da, gug ta alon dugo kamel atunali da!

²⁵ “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An gab in daeg da, tinid patud fo yak mi afulani da, ak man ilodi nun tinan a. An ilo sek san kagin, agod ilo masa san kagin abituani san ta idaisuda na ya, kagin sisaiak an an ida isuda geig a.

²⁶ On Farisi, on mala itapul an a! On imug gab ilon fulani uyan a, ago gup tinin patun fufo na yak dam ikok aman ilasa wa.

²⁷ “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An bem milkouk ak nam mutou san ab diabi ak igo won a. Kuai te man mutou an san leil sirjakaan mok a, ago gug ilon lo man tamol dumat ak sad tatumadi, in melmel nun amad da yak wei mi dam dida awa nag dien da.

²⁸ An dam nek ago mi amado da. Tamolpein malad lo ananem nao lalek man uyanan manon a, ak gug ilomi man, balek rararu san kagin in kubiaen pilalek kagin da awa nag yen da.

²⁹ “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An profet sad mutou san ab abi da,

nek ago mi tamol uyadi ak sad mutou dam bala apani da.

³⁰ Agod an igo abol, ‘Manj tubum bagem sad saen lo mumado yak man, manj in luad masap mibinawaip sisem profet ta mafu dumat na wa.’

³¹ Ru amaiak lo an sem ibianj adu da, man dugo, an kuai tem tamolpein akubiai pidinai dak ansem man, tamol ensauta a profet adi dufu dumat na yan, amaiak sad nanud muroud mi a.

³² Amaiak ninjen aup, kagin naok a tubum bagem digane se yan, ago mi aganep idaisuda wa. An lo dop kob a in ante dilasa yan anj dam ante alasa wa!

³³ “O anj mot adi, mot wagai ak sad nanud muroudi! En dugo wonj Anut anj Ades lo au o irupaianj an abiseip asol au ak i?”

³⁴ Fun amaiak ninjen o naj profet adi njidinai dugo, manjau tamol adi, agod girek manjau adi, dupalu dugo anjsam na dilasa da. Ago bo man anj aenta afu dumat a, aenkadi aigim fo abalai a, aenkadi sinam ubou ab ilod lo asukutai a. Aenkadi aku-daip taun an dibiseip taun sen ak lo diau a, kagin nek agom digane yau a.

³⁵ Fun an ninjen o, tamol uyadi fidian a tan en lo ager adi banid lo materj dile yan, kagin amaiak san ai wadan Anut ansem mi ipanaj a. An man anjsinam muruan mi a. An lo Abel imat ak san saen log ipalug kin Joas san saen lo, Sakarias inj Berekaia nanun tempel san galun gun ak, alta da titinje mi tubum bagemi dufunig imat a, kagin an san ai wadan man anjsiganem muruan mi a.

³⁶ Naj ru rumok ak njurupaianj da, kagin sisaiak fidian en sad naon saian ak tamolpein gamu dumado den sad na ilasa wa.

Jesus Jerusalem tamolpein ninjed wo ilon muruan a

Luk 13:34-35

³⁷ “O Jerusalem, Jerusalem, onj profet ufu dumat na ya, onj tamol a Anut idinaig onsa na dupalu na yan ufu wo pat ubal na ya! Saen sapta, nek ibol kurek tinan subarin roun paen na nanun ituanai o dak ago mi, naj onsa nanu murou njutumanai kagin njupidinai o, ilog tubun mi yen da. Ak gug anj amoi a.

³⁸ Ale, Anut anjanem tempel ibisei la ya, an lo anjanem ubou ab man kawan yen da.

³⁹ Man dugo, naj igo njurupaianj da, an fon naj ta aliag na wa. Tia, saen anj abol, ‘Tamol e Tubun ak yanjan lo ipalu den bar mupani da,’ an san saen lo mi afon naj aliag da wa.”

24

Saen e lo tumado den itout san kob
Mak 13:1-31; Luk 21:5-33

¹ Jesus tempel ibiseig yau dugo, inanen megeloum tempel san ab funfun naodi dugo yak dukubiai ile wo san na dupalu ya.

² Ak man in ru naon ago irupidai, “Anj mel en fidian mi ale yak i? Naj ru rumok ak njurupaianj da, ente man pat ta kisaek o lian pat sen ak tinin fufo na ta yen na wa. Tia, murnap tamol adi dupalup tempel en fidian daonj dupani wa, ago dop tempel san pat fidian dugufututep diabibol tan na dudu wa.”

³ Jesus Did Oliv fo imasi dugo inanen megeloum mianuk lo san na dupalug dubol, “Onj rupaiama wa, saen dugomaiak lo melmel en dilasa wak i? Mel dugomaiak imug ilasa dop, ate manj malonj ak, onj umul palu o di? Agod saen gamu e tumado den itout o di?”

⁴ Jesus ru naon ago irupidai a, “Anj kagin agane, kabelan tamol ta anj irawanj banau.

⁵ Tamol wei mi dupalup naj yanag dupatep dubol a, ‘Naiseg Kristus.’ Ago dop tamolpein wei kasik dirawai a.

⁶ Anj yu ager alonj ak, agod ru tim yu ager sensen yau onj an dam alonj a. Anj kagin agane wa, kabelan amasa saian banau, man dugo, mel an ilasa wak, ak gug nal wadan san saen man gamugo da.

⁷ Tamol malan ta yu diabisa dop, tamol malan ta yu naon injsad na digane imul a. Ago dop kinj ta injsan tamolpein dida yu diabisap, kinj sen ak ta inanen tamolpein dida nug dufuni wa. Agod aben sensen lo man kadag tubun mi idu dop kanaurig tubun ak gidigheid dilasa wa.

⁸ Nek ibol pein nanuk igansi wo dop madai ile dak ago wonj, melmel en fidian man, madai a nal wadan ilasa san amaiak ilasa wo fun igane da.

⁹ “Saen an lo gup anj dinilianj pe anjanem ager sad tuod lo didiranj dop madai tubun kasik dupanaj a, agod dam dufunanj amat a. Tamolpein tan titin fidian lo dumado

dan an lo siai digane wa. En ata wo? Nai yanag man an sam na yen la ya.

¹⁰ Nek saen an lo dop, tamolpein ilo rumok dubusei wa, ago dop teidi ager tuod lo didirai a. Nug lo ago digane dop siai dam digane wa.

¹¹ Ago dop profet sewak adi dumasap tamolpein wei mi dirawai a.

¹² Ago dop kagin sisaiak tubun mi ilasap ilod inanefute wa, an lo dop tamolpein wei kasik sad ilo panek kagin an kute ibol yaup ibubarum geig a.

¹³ Ak man, talpein enti in san ilo rumok yabi sakar dop, yaup inanen kumaen tan en san itout gup man, Anut talpein an patun ipasi wa.

¹⁴ Agod naineg tamolpein bilalun uyanan Anut anen kagin panek ninen o dubol ilasap, tamolpein tan titin fidian lo yan du lon a. Ago dop naineg ru rumok tamolpein fidian malad lo walal te ilasap yen a. Ante gup, nal wadan ilasa wa.

¹⁵ “Saen ilasa dop, mel ta tempel san aben gun ak lo duguni dop ale wa. Mel an gubak mi profet Daniel ninen o ibol a. Mel an Anut malan lo man iganan geig a, nek mel amaiak igane dop daon panek ilasa wa. (On ru e suti den ulon uyan o ta pasauman na yak man, maeg gane tap ka ulon ak boi.)

¹⁶ Nal an lo dop, tamolpein a Judea na dumado dan, dusol diaup did lulunad lo sed imianai a.

¹⁷ Talpein ab fufo na imado dan, imul idup inanen bioun isini wo ta iladu na wa, tia, itaot mi isol yau a.

¹⁸ Agod talpein abi lo imado dak dam, kulos madid san ak inane wo ta imul yau na wa.

¹⁹ O kabel, nal en san pein luam anda yak, agod an pein ananem nanuk su apidinai dan dam, nai ilog tubun mi imunanai da! Nal en man saian geig a.

²⁰ An gidad agudani wa, man dugo, kabelan an madid san saen lo, tia, ubou nal lo asol au banau.

²¹ Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa

man tia geig a, agod murna gup afon ta ilasa da na wa.

²² Anut saen en itutep katukan a, in ago ta igane na tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan ninedi wo ilon isou wa. Amaiak ninen o in saen an itutep katukan a.

²³ Saen ante talpein ta irupaian a, ‘Ale, Kristus ebe ya!’ Tia, ta ibol, ‘In obo imado da!’ Ago dubol tap, an ilom ta rumok na wa.

²⁴ Man dugo, kristus sewak, in profet sewak adi dida dilasa wa, ago dop in kulob girager tubun ak, agod mel naon senamo geig ak tamolpein malad lo dukubiaip dile wa. An lo dop in tamolpein a Anut ipilianai la yan dam dirawaip lo diau dudu wo ago maeg digane wa. Ago bo man dirawai san ta idaisuda na wa.

²⁵ Ale, mel en gamugo ilasa dugo nai imug an ninen o kuai tem nrupaian la ya.

²⁶ “Amaiak ninen o talpein ta an durupaian pe dubol, ‘Ale, in onte aben kawan talpein tia yak ate imado da!’ In ago dubol tap, an ante ta au na wa. Nag igo dubol, ‘Ale, ab on san galun ilon lo mok imado da!’ An ilom ta rumok na wa. Tia geig a.

²⁷ Man ata wo? Saen keit irafule dan, san lilaman aben o ad ilasa dak atep, aben o ad idiau dak ate yau dop, tamolpein fidian leil dupani wa. Nek ago mi, saen Tamol Nanun ipalu dan, kulob an san leil man naon kisaek a.

²⁸ Tamol sisanun dugon te yen dak ate bog dupalup dutumani wa.

²⁹ “Saen muruan tubun en itout dop, ad ta ided uyan na wa. Saen an lo ‘adian tidom on ilasa wa, ago dop kalam dam ta ided na wa.

Ante patui keit dibiseip dudu wa, agod Anut mel dabai a keit lo yan fidian imiriranai a.’

³⁰ “Saen an lo dop, Tamol Nanun san kob keit lo kuai isi wa, an lo dop tan en san tamolpein fidian tina aru digane wa. Ago dop in fidian Tamol Nanun keit lo timtaen titinaem kuai te ilasa dop, dabai agod girager tubun geig ak da ipalu dan, dile wa.

³¹ Ago dop enel ta tour iwip Tamol Nanun inanen enel adi idiraip dufurak diau a. Ante

dop inanen tamolpein a ipilianai an dutumanai a. In tim sukurun iwoiwo, agod tan tilianek fidian dam ante dijal dupalu wa.

³² “An gurab ninen o ilo sou agane wa, in manau ka ipanan a. Saen inisan raen you aman da dop, roun foun ak ilasa wa. An lo ale alon ak madid itout agod ad ilasa san saen sumeikan ipanan da.

³³ Amaiak ninen o, an murnap melmel fidian a dilasa dan ale dop, an alon ak Tamol Nanun ipalu wo dak, sumeik dalawan te itur da.

³⁴ Nai rumok nurupaian da, warou gamu en san tamolpein gamugo itout yau dop melmel en fidian dilasa wa.

³⁵ Rumok geig, keit in tan da murnap itout a, ak gug naisag ru man ta itout na wa.

Nal mok ante mel en ilasa wan id fidian tinan a

Mak 13:32-37; Luk 17:26-30,34-36

³⁶ “Ak gug talpein ta auwa dugo, agod nal dugon lo melmel en dilasa wan ta ilon na wa. Kumaen panu san enel adi agod Nanun dam ta dulon na ya. Bai sen mi ilon a.

³⁷ Kulob a Noa san saen lo digane yan, nek amaiak mi saen Tamol Nanun imul ipalu dop digane wa.

³⁸ Saen lom tubun ak ta ilasa na dugo, in anan diani dugo, you dam duluk dugo, nug dijanane dugo, pein niedi dupidinai dugo, yaug saen Noa wog tubun ak lo iladu ya.

³⁹ In ilo girek amad tia dumado dugo, lom tubun ak ilasa saltik on go tamolpein an fidian irianai diaug dumat pasik a. Nek ago mi, saen Tamol Nanun ipalu dop, tamolpein ta dulon na dop kulob an in lo ilasa saltik on a.

⁴⁰ Gidad tamol uraru abi lo dumado wa. Ago dop Anut tamol kisaek inane dop, kisaek ibiseip imado wa.

⁴¹ Pein uraru bret dukubune wo pat nam wit patun dibaltitale wa. Anut kisaek inane dop, turan ibiseip imado wa.

⁴² Amaiak ninen o malam ipuk pe amado wa. An ta alon na dak, nal dugomaiak lo ananem Tubun ak ipalu wa.

⁴³ An mel en ninen ilo sou agane wa. Ab taman in saen dugon lo gumagam tamol tidom lo ab igilep ilon lo iladu wan ilon tap, in nion ta yabi na wa. Tia, tawan igane

uyanan pe gumugam isadu san dal ifou wa.

⁴⁴ Ago yak ninen o an dam malam ipuk pe aban ale wa. Man dugo, saen a Tamol Nanun ipalu san an ta akubiani na dop, saen nek an lo in imul ipalu wa.

Urat tamol uyan ak in urat tamol saian ak da sad ru fanan

Luk 12:41-48

⁴⁵ “Amaiak ninen o mel en ninen o ilom isou wa. Ab taman ta inisan urat pinein a manau aman da yak, agod awan iri ipani dan, kob ipanig an lo in inanen urat pinein aenta itirnai san, agod anan diani san saen ante mi anan ipidinai da. Ak dugo, an lulum lo man, enti in urat pinein naok ago yak i?

⁴⁶ Saen ab muroun ipalup urat pinein an inisan urat igane uyanan dan ile tap, in lo uyan a.

⁴⁷ Nai rumok nurupaian da. Tamol tubun en inanen urat pinein emaiak kob ipanip, an lo inanen bioun fidian kagin ad igane wa.

⁴⁸ Ak man urat pinein an tamol saian tap, ilon lo igo ibol, ‘Naisag tamol tubun en ta ipalu kisaek on na da.’

⁴⁹ An ninen o fun iganep urat pinein aenta ifu isudap, lukluk tamol dida anan diani dop, you sakar ak duluk o kagin naok ago igane wa.

⁵⁰ Urat pinein an san gurman, nal dugon lo, agod auwa dam ta ilon na dop ipalu wa.

⁵¹ An lo dop tamol tubun en ipalu saltik on pe urat pinein an ibaltiti idu wa. Ago dop balek rararu san tamol luad te iganep dida dumado wa. Aben ante man tamolpein tinan digane dop madai lo luod dugurmi wa.

25

Pein baras nunod 10 ak sad ru mitilaen

¹ “Saen an lo, Anut san kagin panek man igo ya. Nug nanek san saen lo, pein baras 10 in sad lam dusulanaig duburoug diaug, ab a ate tamolpein dutumani dan te dilasa ya. Ante man kuai te dumasig tamol a inisan iwon inane wo ipalu dan dititianig dumado se ya.

² Pein baras nunod 5 man kankan ad tia ya, ago dugo 5 aenta man kankan ad da ya.

³Man dugo, pein baras kankan ad tia yak insiganed lam disinig dupalu yak gug, in gurenj ided san subunjan taidam ta dijaneg dupalu na ya.

⁴Ago man pein a kankan ad da yan gurenj ided san insiganed butol lo dililig lam da disinig dupalu ya.

⁵Tamol a iwon inane dan, in ta ipalu kisaek on na ya, amaiak ninen o pein fidian mi malad muruan dugo njonj diabi se ya.

⁶“Ak man tidom luak talpein ta igo iwaginj dugo dulonj a, ‘Ale, tamol, pein inane wo damaiak ipalu wo da! Amaiak ninen o apalup tau, dal te tile dop tinjanep ida tamul tupalu wa.’

⁷Ago man pein baras an fidian dumasag inaned lam dukubine idu ya.

⁸Agog pein kankan amad tia yan dumasag, pein kankan amad da yan igo durupidai, ‘Gidad anjam gurenj kitek apanama. Manjsama lam dumat o da.’

⁹“Ak gug pein kankan amad da yan ru naon durupidaig dubol, ‘Tia ya, gurenj e mabi den, id sisem ninjed o ta idaisuda na ya. Gidad amul aup anjsiganem gurenj foun ak didaen aben lo adad a.’

¹⁰“An ninen o pein kankan ad tia yan gurenj didad o dumul go diau a. In diau dugo tamol a iwon pein inane wan ipalu ya. Ante man pein a dititianig dumado se yan, dida nug njalan san ab an lo diladu dugo, tamol ante yan dalawan dufutani a.

¹¹“Murnag pein baras aenta dupalug igo dubol, ‘O tamol tubun ak, palup man dalawan pasi panama!’

¹²“Ak man in ru naon igo irupidai, ‘Njai rumok njurupaijan da, naj anj ta njalon na ya.’

¹³“Amaiak ninen o malam ipuk pe amado wa. Man dugo, nal dugo, agod auwa dugon lo Tamol Nanun imul ipalu wan ta alon na da.”

Urat pinein moni dijaneg yak sad ru mitilaen

Luk 19:11-27

¹⁴“Agod fon, murna dop Anut san kagin panek nek igo wa. Gurman ta turenj yabi wo dak ninen o inanen urat tamol igmaig dupalu ya. Agog naon na dilasa man inanen melmel an kagin dupani san tuod lo yabigitig ipidinai a.

¹⁵Inanen urat tamol kisaek kisaek insad kagin, agod dabai dam, ninen o ilon isou dugo moni yabigitig ipidinai a. Tamol ta 5,000 kina ipani dugo, ta 2,000 kina, ago dugo ta 1,000 kina ipani a. In ago igane itout go ibisawaig turenj yabigitig yau a.

¹⁶In yau dugo, tamol 5,000 kina inane yan yau kisaek on go, moni subunjan taida an fufo igane wo didaen urat igane se ya. Agog 5,000 kina subunjan taidam inane ya.

¹⁷Tamol a in 2,000 kina inane yan, in dam nek ago mi iganeg 2,000 kina taidam inane ya.

¹⁸Ak gug tamol a 1,000 kina inane yan, yaug tan gib yabigitig ilon lo moni an imianig yen a.

¹⁹“Saen milaen kasik yau la gug, gurman an imul ipalu ya. Saen ipalu man urat tamol an igmaig moni ipidinai amaiak ninen o, dida ru dukubuneg dijanen a.

²⁰Ago dugo tamol 5,000 kina inane yan, 5,000 kina subunjan anda isinig ipalug igo ibol, ‘Njaineg gurman, 5,000 kina e panag en ule, naj didaen urat njiganeg onane 5,000 kina subunjan taidam njiane ya.’

²¹“Inanen tubun ak igo irupej, ‘Onj urat tamol uyanan mok a, awag uri pani sinjakaan, onane urat dam kagin pani uyanan a. Onj melmel kititik e bani lo njigane emaiak kagin pidinai uyanan a, amaiak ninen o melmel tubun geig ak wei mi tirnai san njupano wa. Palup, naj da uyasusai tigane.’

²²“Tamol 2,000 kina inane yan dam ipalug ago ibol, ‘Njaineg gurman, onj 2,000 kina panag a. Ule, naj didaen urat njiganeg onane 2,000 kina taidam njiane ya.’

²³“Inanen tubun ak igo irupej, ‘Onj urat tamol uyanan mok a, awag uri pani sinjakaan, onane urat dam kagin pani uyanan a. Onj melmel kititik e bani lo njigane emaiak kagin pidinai uyanan a, amaiak ninen o melmel tubun geig ak wei mi tirnai san njupano wa. Palup, naj da uyasusai tigane.’

²⁴“Ak man tamol in 1,000 kina inane yan dam ipalug ago ibol, ‘Njaineg gurman, naj njalon ak man onj tamol silei a. Onj abi san urat tamol sad silali naon njane da.

²⁵ Amaiak ninjen o naj narer go, onjane 1,000 kina nisini najug tan nisareg njimiani a. Ule, onjane moni ebe ya, ka njane wa.'

²⁶ "Ak man injsan gurman ru naon igo irupej, 'Onj urat tamol saia geig a. Onj yalis tina ya. Onj ulonj ak, naj abi san urat tamol sad silali naon njijane da.'

²⁷ Fun an ninjen o najneg moni an moni ab san urat tamol pani ak man, inj ka urat ipani wa, an lo moni en san tim anda njane wa.'

²⁸ Agog gurman an injsan urat gurman irupeig ibol, 'Aria, tamol an san na 1,000 kina njanep, tamol a 10,000 kina aman da yan pani wa.'

²⁹ Ata wo? Talpein enti inj da yan, naj suguan taidam njupanip an lo inj idaisuda wa. Ak man, enti inj tinin lo tia agod, gidad inj kitek da bo man, injsan melmel an banin lo dupasi itout a.

³⁰ Urat tamol lou aman tia yan wabip ubal patun fo ilasap tidom tubun lo imado wa. Aben ante man tamolpein tinanj digane dop madai lo luod dugurmi wa.'

Tamol Nanun sipsip bilelek da itarpasai a

³¹ "Saen Tamol Nanun injanen girager aman da lo ipalu dop injanen enjel adi fidian dida dupalu wa. Ante injanen kinj san badim fo na imasip imado wa.

³² Ago dop inj tan titin fidian sad tamolpein itumanai dop naon na dutur a. Ante dop inj itarpasaip malan uraru lo idirai a, nek ibol titianek tamol sipsip sen idirai dop bilelek sen idirai dak ago mi a.

³³ An lo dop inj sipsip tuon won ak ate idiri dop, bilelek tuon naj ak ate idiri wa.

³⁴ "Agop Kinj tamolpein a tuon won ak ate dumado dan, igo irupidai, 'An najneg Bai san bar anjane ya. Apalup kagin panek aben e Anut fun lo mok tan igane ilasa wo dugo ikubuneg yen den anjane wa.'

³⁵ Enta wo? Gubak mi naj kadag lo njumado dugo ananj apanag a. You o njamat dugo you dam apanag a. Naj tamol gol ak gug anj anjiliag go anjsam ab lo tau a.

³⁶ Naj kulos amag tia yak gug, kulos apanag a. Naj subam amag da yak gug, kagin apanag se ya. Naj subanek lo njumado dugo, anj bubeg abisa wo apalug aliag a.'

³⁷ "Agod tamolpein itaotan ak ru naon igo durupej, 'O Tubun, saen dugon lo kadag ifuno dugo miliog, ananj mupano yak i? Tia, saen dugon te you o umat dugo you mupano yak i?'

³⁸ Saen dugon te tamol gol ak onj milio dugo minjilio ab lo tau ak i? Ago dugo saen dugon lo kulos ama tia dugo miliog kulos mupano yak i?'

³⁹ Saen dugon lo subam ifuno dugo milio boi, tia, subanek lo mado dugo maug milio yak i?'

⁴⁰ "Agop Kinj ru naon igo irupidaip ibol, 'Naj rumok njurupaianj da, kulob dugo naj teig e yanjan tia yen lo agane man, kulob ago agane yan, an naj lo dam ago agane ya.'

⁴¹ "Agop inj aenta tuon naj ak ate dumado dan igo irupidai, 'Anj tamolpein Anut san misilane am da ya, abisawag sen alasap, yai o ta imat na dan lo au a. Yai an man Satan injanen enjel adi dida lo idiraip diau o Anut ikubune pidinai lag yen da.'

⁴² Man ata wo? Gubak mi kadag naj ifunag dugo ananj ta apanag na ya. Naj you o njamat dugo you ta apanag na ya.

⁴³ Naj tamol gol ak gug, anj anjiliag go anjsam ab lo ta tau na ya. Naj kulos amag tia yak gug, anj kulos ta apanag na ya. Naj subam amag da subanek lo njumado dugo, aug ta aliag na ya.'

⁴⁴ "Agop inj dam ru naon igo durupej, 'O Tubun en, saen dugon lo kadag ifuno boi, tia, you o umat boi, tia, onj tamol gol ak onj boi, tia, onj kulos ama tia, subam ama dag, subanek lo mado dugo milio gug, manj kagin ta mupano na yak i?'

⁴⁵ Ante dop inj ru naon irupidaip ibol, 'Naj rumok njurupaianj da, kulob dugo naj teig e yanjan tia yak lo ta agane na yan, nek kulob an naj lo dam ta agane na ya.'

⁴⁶ Agop tamolpein an dibiseip diaup ai wadan saian geig saen fidian yen dan lo diladup ante pempem mi dumado wa. Ak man tamolpein itaotan ak kumaen pempem san dinjanep dumado wa."

26

Gurman adi Jesus dufuni imat o awad kisaek a
Mak 14:1-2; Luk 22:1-2; Jon 11:45-53

1 Jesus ru mitilaen en fidian ibol itout go inanen megeloum irupidaig ibol,

2 “An alon ak, Pasova san ad nanek idu san man nal uraru mi yen da. An lo dop Tamol Nanun ager banid lo diganep aigim fo dubali wa.”

3 Saen an lo pris tutubu, agod Isrel san tamol gurman adi, pris gurman yañan Kaiapas dubol dak san ab lo dutumani a.

4 In Jesus pasak nam dirawi nap diabip dufuni imat o dukubiai se ya.

5 Ak man in dubol, “Id tumanek gun ak san nal lo kulob en ta tigane na wa, kabelan tamolpein luluñad lo ager diabisa banau.”

*Pein ta Jesus kabuñan fo gureñ iwali a
Mak 14:3-9; Jon 12:1-8*

6 Jesus in Betani panu na imado dugo, tamol ta yañan Saimon tinin gubak mi lepra aman da yak inñan ab lo ida dumado ya.

7 Ago dugo pein ta gureñ, butol ta pat sinjaokan ak nam digane yak, isinig san na ipalu ya. Butol an ilon lo gureñ naon lak na geig ak awana ya. Jesus tebol sinjiren na imasi dugo pein an ipalug gureñ an kabuñan fufo na iwali a.

8 Saen inanen megeloum ago dile man, tinjaed saian go igo dubol pein an dusumi-ani, “Enta wo gureñ kawan bidani dak i?”

9 Gidad tubuseip, didaen lo tiganep moni naon tubun ak lo didad dop moni an tinjanep tamol filiad tia yak ka tupidinai a.”

10 Jesus inñad ninen an ilon go igo ibol irupidai, “Enta wo pein en muruan apani dak i? In man nai nineg o kulob sinjaokan geig ak igane ya.

11 Saen fidian tamolpein filiad tia yak an luluñam lo dida amado wa, ak gug nai man saen milaen an da ta tumado na wa.

12 Pein in nai tinig fufo gureñ iwali an, nek kagin an lo man in naisag sisanun mutou lo diginiag amaiak san dal ikubune da.

13 Nai ru rumok nurupaian da. Tan dugon te bilaluñ uyanan en dubol ilasa wan, ante dam kulob a pein en igane yan ninen o dubol ilasap, lo pein en ninen o ilo sou digane wa.”

*Judas Jesus gurman adi tuod lo igane wo
awad kisaek a
Mak 14:10-11; Luk 22:3-6*

14 Saen an lo, nuñod 12 amaiak luluñad lo, tamol kisaek yañan Judas Iskeriot amaiak pris tutubu yak sad na yau a.

15 Ante in igo ibol, “An ata mel ta nai apanag dop, nai Jesus tuom lo nigane wak i?” Ago man moni silva 30 an dupani a.

16 Agog Judas imasag, Jesus tamol tutubu yak tuod lo igane wo, dal an aban yabi se ya.

*Jesus megeloum dida soubul wadan di-
ani a*

*Mak 14:12-26; Luk 22:7-23; Jon 13:21-30;
1Kor 11:23-25*

17 Tumanek a yañan bret yis an tia yak san nal malan te yan lo, megeloum adi Jesus san na dupalug ago dubol, “Onsa ilo lo, man dugon te melmel mukubinep on ate tumanek an san anan wani wo rupaiana dak i?”

18 Ago dugo in ibol, “Aup Jerusalem na aladup tamol ta nai nalon ak naon na alasap, igo arupe, ‘Girek manau igo ibol a. Naisag saen ipalug sumeik la ya. Onsa ab lo naineg megeloum dida tumanek anan mani wo da.’ ”

19 Ago tag megeloum ru kagin Jesus irupidai an dirig, anan dukubune ya.

20 Gurai idu dugo Jesus tebol sinjiren na imasig, nuñod 12 an dida dumado ya.

21 In anan diani dugo igo ibol, “Nai rumok nurupaian da. An lulanam lo tamol kisaek, nai ager adi tuod lo iginiag nau a.”

22 An lo na ilod muruan geig dugo, anen anen dusumianig dubol, “O Tubun ak, nai i?”

23 Ago dugo in ru naon irupidaig ibol, “Tamol nek a daeg lo nai da sisem banima musomini dan, nek amaiak nai ibilag pe ager banid lo nilasa wa.

24 Tamol Nanun ru a in ninen o buk lo digire yan nek ago mi in lo ilasa wa. Ak gug tamol enti a Tamol Nanun iganep inanen ager adi sad tuod lo ilasa wan, rumok in muruan tubun kasik ak ile wa! Gidad tinar ta igansi na yak man, an uyan a.”

25 Agog Judas, tamol inñen Jesus ager tuod lo igane yan, igo ibol isumiani, “Girek manau, ak nai i?” Jesus irupeig ibol, “Awo, nek onse ubol la ya.”

26 Aria, in anan diani dugo Jesus bret inñaneg, Anut ilo uyan ru ipanig yafuteg,

inanen megeloum adi ipidinai dugo ibol, “An ananep ani, en man naineg tinig.”

²⁷ Agog in gab wain anda yak inaneg, Anut ilo uyan ipanig, ipidinai dugo ibol, “An fidian gab en lo aluk a.”

²⁸ En man naisag dar kontrak san, tamolpein wei mi inaned aupasek isasi san tinig lo yak ilasa wa.

²⁹ Nai nurupaian da, nai afon ai wain san nujon lo ta naluk na wa, ago yaup nal ilasa dan te gup, afon Tamag san kagin panek aben lo fon an da sisem taluk a.”

³⁰ In bar diabi itout gug kuai te dilasag Did Oliv ate diau a.

Jesus ibol, murnap Pita in nijen o itot a
Mak 14:27-31; Luk 22:31-34; Jon 13:36-

³¹ Agog ante Jesus in irupidaig ibol, “Gamutidom nek en lo, an fidian mi nai ninjeg o ilom idup yaup abisawag a. Man dugo, Anut san girek lo ru igo ibol, ‘Nai titianek tamol nufuni wa,

ago dop in san sipsip dusol pe gidigidad diau a.’

³² Ak man Anut nai ifufunag pe fon numasa gup, nai nirinanan pe imug mi Galili na nau a.”

³³ Pita ru naon igo irupe, “Gidad tamol fidian on nijen wo ilod idup dibisawo bo man, nai man tia ya.”

³⁴ Jesus ru naon igo ibol irupe, “Nai rumok nurupaio da, gamutidom nek en lo kurek ta ibob na dop, saen utol on nai ninjeg o utot a.”

³⁵ Agog Pita irupe, “Gidad, nai on da tamat bo man, nai on nijen wo ta natot na wa, tia geig a!” Ago dugo megeloum fidian dam nek ago mi dubol se ya.

Jesus abi Getsemani lo yaug igudani a
Mak 14:32-42; Luk 22:39-46

³⁶ Ago man Jesus in dida, aben ta yanjan Getsemani dubol dan ate diau a. Ante Jesus megeloum irupidai, “An ente amasip amado dop, nai onte nau njugudani wo da.”

³⁷ Agog in Pita agod Sebedi nanun uraru dida in al go diau a. Saen an lo in fun iganeg ilon ipapao dugo ilon dam muruan idu ya.

³⁸ An lo igo irupidai, “Nai ilog tubun mi muruan idu dugo namat o sumeik da. An gidad igo amado dop nai da sisem malad ipuk pe tumado wa.”

³⁹ Ago dugo in kitek ipar yaug, turun isoluwig, kabunan idug tan itutig, igo ibol imosiai, “O naineg Bai, idaisuda tap, gab en nai banig lo ka pasi yau a. Ak gug on nai ilog ta uri na wa, tia, onsigane ilo mi uri wa.”

⁴⁰ Agog in inanen megeloum adi sad na ipalug, njon diabi dugo yil a. An lo in Pita irupeig isumiani, “En dugo, an auwa kisaek nai da malad kumaen tumado san ta idaisuda na yak i?”

⁴¹ An malam kumaen amado dop amosiai a, man dugo, kabelan bitinaek ta ipalup ilom inanep ari banau. Nutum lo man awag yabi wo ilom ibol da, gug tinimi man dabai an tia ya.”

⁴² In afon imul yaug imosiaig igo ibol, “O naineg Bai, gab en ta irinagan na dop, gidad naluk a. Onane ilo nai o an, ago ka ilasa wa.”

⁴³ Saen imul ipalu man njon diabi dugo yil a, man dugo, maladi muruan geig a.

⁴⁴ An lo afon ibisawaig imosiai o imul yau a. Gudane naok gubak mi igane yan ago mi fon igane da ya.

⁴⁵ Imosiai itout go megeloum adi sad na ipalug igo irupidai, “An njon abi dugo yaes abal on dak i? Ale, naisag saen idu wo da, Tamol Nanun aupasek tamol tuod lo digane san saen idu la ya.

⁴⁶ Amasap, tau. Ale, tamol a palan ag imari amaiak ipalu da!”

Ager adi Jesus diabi a
Mak 14:43-50; Luk 22:47-53; Jon 18:3-12

⁴⁷ Saen Jesus inijen se man, Judas ipalu ya. In megeloum 12 ak lulunad lo aben anda ya. In ipalu dugo tumanek malan tubun ak dida, sabiri agod tok dam duburoug naon na dilasa ya. Pris tutubu agod Isrel sad gurman adi didinaig dupalu ya.

⁴⁸ Imug palan niganag tamol a in tuod lo igane san man, kob ta nijen o irupidai, “Tamol a nai musuk nupani dop ale dan, nek an Jesus, an tamol amaiak abi wa.”

⁴⁹ Aria, in Jesus san na ipalu kisaek on go ibol, “O girek manau, tidom uyan.” Ago ibol go musuk ipani a.

⁵⁰ Jesus ru naon igo irupe, “Turag, ilo yen dan ago gane.” Ago ibol go in Jesus sumeik dupanig diabi a.

⁵¹ Ago dugo tamol ta Jesus da dumado yan, inşinan sabiri igursig pris gurman an san urat pinein kududon aen ta ituteg tan na idu ya.

⁵² Ak gug Jesus irupei, “Onane sabiri gane imul a. Man dugo, tamol fidian a sabiri duburoup lo wagai digane dan, sabiri lo nam daon diñane wa.

⁵³ An dugo ilom isou di? Ak dugo, ñai Tamag ñusumiani dop, enel malan 12 agod suguan taidam wei kasik dida ipanag kisaek on o imoi ak i?

⁵⁴ Ak man ñai ago ñigane tap, en dugo won ru a Anut san buk lo, kulob gamu e ilasa wo ibol en, nuñon ilasa wak i?”

⁵⁵ Saen amaiak lo Jesus ager tamol an igo irupidai, “Enta wo an sabiri in ai tok da asinig aliag pe abiag o apalu yak i? Ak dugo, ñai wagai adi dida gabman mabi idu san gurman igo won an ago ilom isou di? Nal fidian ñai tempel aben lo ñumasi dugo tamolpein ñupiteñanai se ya, ak gug ñai ta abiag na ya.

⁵⁶ Ak man melmel en fidian ilasa san fun man, ru gubak mi profet adi digire yan gamu en nuñon ilasa ya.” Agog megeloum fidian mi Jesus dubuseig dusol go diau a.

Juda adi Jesus kot lo digane ya

Mak 14:53-65; Luk 22:54-55,63-71; Jon 18:13-14,19-24

⁵⁷ Tamol a Jesus diabi an, diñaneg pris gurman Kaiafas san ab lo diau a. Kubiaen san girek mañau, agod pris tutubu dida imug mi diaug ab ante dutumanig Jesus dititianig dumado se ya.

⁵⁸ Ak man Pita Jesus ñien aban irig yau ak gug, in kitek asau mi imado ya. In pris gurman san ar lo iladug ai katuk adi dida dumado ya. In ata mel ta Jesus niñen o ilasa dop ile wo malan igane se ya.

⁵⁹ Pris tutubu, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak, ate dufunip imat san dal ta dile wo dukubiai se ya.

⁶⁰ Ak man tamol wei mi sewak ru amad da yan naod na dilasa bo man, dal ta dile na ya. Ak gug murnag tamol uraru dupalug naod na dilasa ya,

⁶¹ in ago dubol, “Tamol en igo ibol a, ‘Ñai dabai amag da yak lo Anut san tempel ñurubep, nal utol lo mi foun ak ñabisa wa.’ ”

⁶² Ago man pris gurman imasag Jesus igo isumiani, “On ru naon ta ubol na wak i? Ru e on niñe wo tamol emaiak dubol den dugo yak i?”

⁶³ Ak man Jesus ru ta, ta ibol na ya, itokibol itur se ya.

Ago dugo pris gurman irupei, “Ñai Anut kumaen imado dan san yañan lo, on ñurupaio dak an niñen o, itaot mi rupaiama wa. On Kristus, Anut Nanun i? Rupaiamap malon.”

⁶⁴ Ago man Jesus igo ibol irupei, “Awo, nek onse ubol la ya. Ak man ñai an ñurupaian da, murna gup Tamol Nanun in Anut a dabai tubun geig anda yan tuon won ak ate imasi dop ale wa. Agod Tamol Nanun keit lo timtaen titiñam kuai tem ipalu wa, mel amaiak dam ale wa.”

⁶⁵ Agog pris gurman, ru an niñen o imasa saian go, inşan ilo muruan an kuai te iku-biai dile wo inñanen kulos irasireg igo ibol, “In Anut yañan malan isue ya. Gidad, tamol taidam, tamol en san kagin niñen o dubol ilasa san id ta tigiiai na wa. Man dugo, gamu geig inñanen ru lo Anut yañan malan isue yan anşemi alon a.

⁶⁶ Anşam ilo sou lo, tamol en dugo tigane wak i?”

Ago tag in ru naon igo durupei, “In mel saian geig ak igane, ak niñen o ka imat on a.”

⁶⁷ Ago man in Jesus naon fo na dulusu dugo banid nam dufuni na ya, agod aenta in kudanan dugufute dugo igo dubol,

⁶⁸ “Kristus, on gamu profet ru ubol a, tamol e ifuno den enti ak i?”

Pita Jesus niñen o itot a

Mak 14:66-72; Luk 22:56-62; Jon 18:15-18,25-27

⁶⁹ Aria, saen an lo Pita kot ab patun fo imasig imado dugo, urat pein ta siñiren na ipalug igo ibol, “On dam Jesus Galili san tamol amaiak da amado ator se ya.”

⁷⁰ Ak gug Pita tamol an fidian malad lo itot go igo ibol, “Ru on ubol dan ñai ta ñalon na ya.”

⁷¹ Murna gug yaug ar san dalawan te imado dugo, urat pein sen ak ta ileg, niñen

o tamolpein sumeik dumado yan fidian irupidai, “Tamol an in Jesus Nasaret san amaiak ida dumado dutor se ya.”

⁷² Ago man fon Pita itot go ru sakar nam irupidai, “Rumok geig naj tamol an ta njalon na ya!”

⁷³ Kitekan taidag tamolpein a dutur na yan Pita san na diaug durupeig dubol, “Rumok geig, on in sad kisaek a. Onane njen lo se kuai te ibulo lasa ya.”

⁷⁴ Agog fun iganeg sen imisilanig ibol, “Nai sewak njigane tap Anut ka imisilanag a! Nai tamol an ta njalon na ya!”

Saen ago ibol itout man, kurek ibob.

⁷⁵ Ago dugo Pita in Jesus ru ibol an ilon isou a, “Saen kurek gamugo ibob dop, saen utol naj njeg o utot a.” Ago man in kuai te ilasag tina nj tubun mi igane se ya.

27

*Jesus dijaneg ida Pailat san na diau a
Mak 15:1; Luk 23:1-2; Jon 18:28-32*

¹ Salso idu dugo pris tutubu adi, agod Isrel tamolpein sad gurman adi, dal dugon lo Jesus dufunip imat o nug lo dukubiaig ilod kisaek dilasa ya.

² Agog in Jesus rasau nam dusebanig dida diaug Rom san gurman Pailat tuon lo digane ya.

*Judas sen buron isuseg imat a
Apo 1:18-19*

³ Tamol Judas, nek emaiak Jesus ager adi tuod lo igane ya. In leil igane dugo Jesus pilapil ru lo diabi idug muruan lo digane ya. An lo man in ilon tubun mi geig imunani a, ago yan lo inanen aupasek njen sen ipasi wo moni patun silva 30 dupani an isinig imul yang ipidinai a.

⁴ In igo ibol, “Nai au njapas a. Nai tamol a tuom lo njigane yan, in kulob saian ak ta igane man tia ya, ak gug an afunip imat o da.”

Ak man in dubol, “En man mansama mel tia ya, onane ilo saian mi a.”

⁵ An lo man, Judas moni patun silva 30 dupani an, tempel san ar lo yabibol idu dugo, aben an ibiseig yang sen buron isuseg imat a.

⁶ Pris tutubu adi moni an dijaneg igo dubol, “Moni en man tamol dufuni imat ak

san naon, an dar idad a. An lo id moni en tempel san moni da tutumani san njen o idsad kubiaen ipadau a.”

⁷ Amaiak njen o in awad dutumanig moni an urat dupani wo ilo sou digane ya. Ago man tamol bod niganag, in san tan titin ta didad a, an lo dop ante in ka tamolpein gol ak sad sisanud disiriai a.

⁸ Ago yak njen o, tan titin nek an yanan man igo ya, “Dar san tan” ago dubol a. Gamu en dam tamolpein in yanak nek an mi dubol da.

⁹ Saen pris tutubu adi in tan titin an yanak amaiak dupate man, ru ta profet Jeremaia ibol ilasa yan nunon ilasa ya. In igo ibol, “In moni patun 30 silva ak dijaneg ya. An man in san daden san naon. Isrel san tamol aenkadi, tamol an in didad san naon amaiak digansi a.

¹⁰ Moni an dijaneg, lo tamol bod niganag san tan titin didad a, nek ibol Tubun en ru kagin naj ipanag ak nek ago mi digane ya.”

*Jesus Pailat san sumiaek lo dugunig itur a
Mak 15:2; Luk 23:3-5,13-25; Jon 18:33–19:16*

¹¹ Jesus gabman gurman naon na dugunig itur dugo, ago isumiani, “On Juda sad kin ak i?”

Ago dugo Jesus ibol, “Awo, nek onse ubol la ya.”

¹² Ak gug saen pris tutubu adi agod Juda sad gurman adi in Jesus ru dupani man, in ru naon ta ibol man tia ya.

¹³ Ago yak njen o Pailat irupeig isumiani, “On ru fidian dupano den kududo lo ta ulon na yak i?”

¹⁴ Ak man Jesus ru naon ta Pailat irupeiman tia ya, gidad ru wei mi dupani bo man ru naon ta irupidai na ya. An njen o Pailat irut go ilo sou wei mi igane se ya.

¹⁵ Aria, anajar fidian, Pasova san saen lo, gabman gurman subanek tamol kisaek o lian yanan dupate dop, ipasip kawan imado wa. Kagin nek an san nal idu ya.

¹⁶ Saen an lo man tamol ta yanan Barabas in subanek lo imado ya. Tamol emaiak in man saian geig an tamolpein fidian mi dulon fufei a.

¹⁷ Amaiak njen o saen tamolpein dutumani itout man, Pailat igo ibol isumianai,

“En dugo won ilom isou di? Enti n̄ubuseip an̄sam na imul o? N̄ai Barabas n̄ubusei wo, tia, Jesus e Kristus dubol damaiak n̄ubuseip imul o?”

¹⁸ Man dugo, in̄ ilon̄ uyan ak man, tamol an in̄ mala sek lo Jesus dijaneg kot lo dupalu ya.

¹⁹ Mel taida mi, saen Pailat in̄ tulek tamol san kalik fo imasig imado dugo, in̄san pein san na ru igane ipalug igo ibol, “On̄ mel ta tamol e itaot aman en nin̄en o ta gane na wa. Man ata wo? Gamu na n̄ai n̄ion̄amin ta lo n̄ile dugo in̄ nin̄en o madai wei mi ifunag na ya.”

²⁰ Ak gug pris tutubu agod Juda sad tamol gurman adi, tamolpein malan an ilod dijaneg ya. In̄ tamolpein an dududuwaig Pailat dusumianig Barabas ipasi pidinai dop, Jesus daon̄ ipani wo ago dubol se ya.

²¹ An nin̄en o Pailat fon ibol isumianai, “An̄ tamol uraru en luluñad lo enti n̄upasi wo amat di?”

Ago man duwagin̄ dugo igo dubol, “Nek Barabas mi a.”

²² Agog Pailat ibol isumianai, “An̄sam ilo sou lo, Jesus e Kristus dubol den nin̄en o n̄ai dugo n̄igane wak i?”

Ago man fidian mi duwagin̄ dugo dubol, “Aigim fo bali wa!”

²³ Gug in̄ ibol, “Ata mel o? In̄ ata mel saian ak igane yak i?”

Ago bo man in̄ awad tubun mi duwagin̄ go disasai, “Aigim fo bali wa!”

²⁴ Pailat in̄ sen ikubiani man, in̄san ru ta idaisuda na dugo, ager tubun ak ilasa wo da. Amaiak nin̄en o in̄ you in̄janeg, tamolpein malad lo banin ifulani a. Ago dugo in̄ igo ibol, “Tamol en imat dop man n̄aisag muruan tia ya. An man an̄siganem mel mi a.”

²⁵ Agog tamolpein fidian ru naon durupeig igo dubol, “Ai wadan en man man̄sigama, agod nanum murouma dida lo, ka yen a!”

²⁶ Agog saen ante man in̄ Barabas ibiseig sad na yau dugo, Jesus ipidinaig rasau nam dufuni a. Dufuni itout go Jesus aigim fo dibali wo yu tamol tuod lo igane yau a.

*Yu tamol adi Jesus kukok an digane ya
Mak 15:16-20; Jon 19:2-3*

²⁷ Agog gabman gurman san yu tamol adi, Jesus dijaneg gabman san ab lo diau a. Ante man in̄ Pailat san yu tamol fidian mi dupalu wo digiai a. Aria, dupalug naon na dutumani a.

²⁸ Jesus tinin fo kulos dupasi dugo, yamel daran ak ta nam kin̄ san kob igo won̄ tinin dubuluwi a.

²⁹ Ago dugo in̄ kam dudurun aman da yak, kin̄ san kitikat* igo won̄ ditiladeg, Jesus kabuñan fo na digane ya. Makud ta dijaneg tuon won̄ ak ate diganeg kin̄ igo won̄ yabi a. Ago dugo naon na turud disoluwig, kukok an digane dugo igo dubol, “Per o, Juda sad Kin̄!”

³⁰ Agog tinin fo dulusu se ya, ago dugo makud a banin lo yabi an dijaneg ate kabuñan te dufuni se ya.

³¹ Saen kukok an digane itout man, yamel daran tinin fo yan dupasi dugo, in̄siganen kulos digane pani a. Agog aigim fo dubali wo dijaneg diau a.

Jesus aigim fo dubali a

Mak 15:21-32; Luk 23:26-43; Jon 19:17-27

³² In̄ Jesus dida turen̄ diabig diau dugo, yu tamol adi dal te tan Sairini san tamol ta, yan̄an Saimon dubol dan dile ya. Agog Saimon an disodudunig Jesus san aigim isini a.

³³ In̄ diaug aben ta, yan̄an Golgota dubol dak, ate dilasa ya. Yan̄ak an san fun igo ya, “Kabuñan tatu san aben.”

³⁴ Aben ante dilasag, marasin gigen ta wain da dukubulig, Jesus iluk dop lo madai yabi idu wo dupani a, agog kitek iluk ak man ikubiani ile tag, ta iluk na ya.

³⁵ Agog yu tamol adi Jesus aigim fo dubali la gug, in̄sed nug ilon lo in̄san bioun̄ diabititi san nin̄en o satu lo dukok se ya.

³⁶ Dukok itout man, dumasig dititianig dumado se ya.

³⁷ Ru ate kot dupani amaiak ai lapan fo digireg, aigim kabuñan fufo na dubali a. Ru en san sutek lo man igo ya, “En Jesus, Juda sad Kin̄.”

³⁸ Jesus giran̄en na man ager tamol gumagam digane na yak urarum aigim fo

* 27:29: Katkat

dubalai a. Ta tuon won ak ate dusunani dugo, ta tuon nas ak ate dusunani a.

³⁹ Tamolpein diau dumul dop niŋen o ru kukok dubol dugo, kabunad dukupari pani se ya.

⁴⁰ Ago dugo igo dubol se ya, “Onj tamol amaiak tempel subarip, nal utol lo mi foun wabisap guni wak ubol a, an niŋen o onj se ka patu pasi wa! Onj Anut Nanun mok tap, aigim biseip udu.”

⁴¹ Nek ago mi pris tutubun adi, kubiaen san girek manau adi, agod Juda sad gurman adi dam, inj kukok an digane dugo igo dubol se ya,

⁴² “Inj tamol aenta patud ipasi na yak gug, inŋsen patun ipasi san man tia ya. Inj Isrel sad Kin, an niŋen o inj aigim ibiseip idu dop, an lo na id ilod rumok a.

⁴³ Inj Anut niŋen o ilon rumok da, aria, Anut tamol en niŋen o imat mok tap, gamu geig en Anut mi ka ibinawi wa. Ak gug Anut inj o imat mok di? Man dugo, inj ibol ak, ‘Njai man Anut Nanun a.’ ”

⁴⁴ Dal kisaek mi lo gumagam tamol uraru Jesus giranen na aigim fo dusunanai an dam ru kukok wei mi tinin fo digane se ya.

Jesus imat a

Mak 15:33-41; Luk 23:44-49; Jon 19:28-30

⁴⁵ Ad mitilaen 12 kilok an lo, tidom tubun tan an fidian yafutani geig go yang 3 kilok gurai isi a.

⁴⁶ Saen kitek 3 kilok sumeik ipani dugo, Jesus awan tubun mi iwagin dugo ibol, “Eli, Eli, lama sabaktani?” Ru en fun igo ya, “Naisag Anut, naisag Anut, ata wo naj bisawag ak i?”

⁴⁷ Tamol aenta sumeikan dutur man du- lon go dubol, “Tamol en man Elaija iwagi da.”

⁴⁸ Ago dugo yu tamol ta ririan mi imas- palug yang, mel ta beig san titalin igo won ak inaneg, wain gigen an lo isominig, den luon ate isueg, Jesus iluk o awan te igane ya.

⁴⁹ Ak man aenta dubol, “Ale funi won dop, Elaija ipalup ibinawi dop tile wa.”

⁵⁰ Jesus afon awan tubun mi iwagin dugo, inanen ur tinin lo yak ibiseig yau dugo imat a.

⁵¹ Saen nek amaiak lo mi, yamel tubun tempel lo iyuk yen an, o lak na fun iganeg imasireig yang tan na idug uraru dilasa ya. Saen an tan isuruwor dugo pat tutubu yak sed igile yau se ya.

⁵² Ago dugo mutou san aben dam awad ikasap dugo, tamolpein gun ak wei mi gubak mi dumat la yan sad sisanudi fon kumaen dumasa ya.

⁵³ Inj mutou dubusei a. Murnag saen Je- sus imasa yan lo Jerusalem na diaug diladu dugo tamolpein wei mi dil a.

⁵⁴ Yu gurman inanen yu tamol dida Jesus dititianig dumado na yan, tan isuruwor dugo melmel dilasa yan ago dil man, tubun mi direr se ya. An niŋen o yu gurman an ibol, “Rumok geig, en man Anut Nanun.”

⁵⁵ Pein wei mi dumado na yan dam, asau mi dutur dugo leil digane se ya. Pein ama- iak saen Jesus Galili ibiseig turen yabi dugo dubunawi wo njen aban diri se ya.

⁵⁶ Lulanad lo pein kisaek ta man taun Magdala san Maria, agod turan man Maria sen ta, Jems inj Joses da tinadi, agod ta man Sebedi nanun uraru amaiak tinadi.

Jesus san sisanun pat san gib lo digane ya

Mak 15:42-47; Luk 23:50-56; Jon 19:38-42

⁵⁷ Ad idiau o sumeik dugo, taun Ari- matea san moni tamol ta yan an Josef ipalu ya. Inj dam Jesus san megeloum mi a.

⁵⁸ Inj Pailat san na yang Jesus san sisanun inane wo isumiani. Inanen yu tamol adi ru dabai anda yak ipidinaig diaug Jesus san sisanun dijaneg Josef dupani a.

⁵⁹ Josef sisanun an isini yang, yamel foun ikok aman geig ak nam ifou ya.

⁶⁰ Agog inŋsinanen mutou foun ak lo igane ya. Mutou an man pat san gib, Josef inŋsen gubak mi tamol irupidai dugo diabi a. Agog Josef pat muruan tinan ak ta ibili ipalug mutou awan ate ibalfutani a. Agog aben an ibiseig yau a.

⁶¹ Taun Magdala san Maria, inj Maria ta da mutou an fun na dumasig leil digane se ya.

Yu tamol adi mutou dititiani a

⁶² Nal a Soubul Kubunek San dubol dan itout la gug, nal tinin te yak lo, pris tutubu

adi agod Farisi adi diaug Pailat naon na dutumani a.

⁶³ Agog igo dubol durupeï, “O tamol tubu, ru ta sewak tamol en kumaen imado dugo ibol an mañ iloma isou da. In ibol, ‘Nal utol itout la gup, fon kumaen n̄umasa wa.’

⁶⁴ Amaiak niñen o, oñ gidad ubol dop yu tamol adi mutou fun na nal utol tawañ diganep dumado wa. Kabelan inanen megeloum adi sisanun gumagam aman diñane dop, mutou lo imasa la yak ago dubol tamolpein durupidai banau. Ago dop man in̄sad ru sewak foun en, in̄siganen ru sewak gubak mi ibol an iriñani banau.”

⁶⁵ An niñen o Pailat irupidai, “An yu tamol añañ dop, arupidaip mutou fun na tawañ digane wo uyanan a. Mutou kagin apani dop dugo agane wo ilom ibol tap ago ka agane wa.”

⁶⁶ Ago man diaug mutou dufutani wo uyanan a. Agog in̄ gib awan san pat amaiak fo na kob ta digane ya. An lo tamol ta pat an ibili tap kob an malan isue wa. Ago dugo yu tamol didiraig mutou kagin dupanig dumado se ya.

28

Jesus fon kumaen imasa ya

Mak 16:1-10; Luk 24:1-12; Jon 20:1-10

¹ Aria, ubou san nal Sabat dubol dan* itout go nal patun fo, ubou turan san nal malmalan,† tidom lom geig Maria Magdala san pein, in̄ Maria turan da mutou dile wo diau a.

² Ago dugo kanaurig tubun ak ilasa ya. Man dugo, Tubun ak san en̄el ta in̄ kumaen panu ibiseig idug, pat a mutou awan ifutani an ibilig fufo na imasig imado se ya.

³ En̄el an san leil man ibol weil irakilawi dak san leil ago mi a, agod in̄san kulos milkouk kasik man ibol ais igo woñ a.

⁴ Ago man yu tamol adi, in̄ niñen o durut direr se yan lo dusuruwor go tan fufo na dudug tamol dumat ak igo woñ dien se ya.

⁵ Ago dugo en̄el pein uraru an igo irupidai, “An ta arer na wa. N̄ai n̄aloñ ak an uraru mi Jesus ale wo apalu ya, tamol nek a aigim fo dubali ama ya.

⁶ In̄ ete ta yen na da, in̄ imasa la ya, nek ibol imug irupaian̄ ak ago mi a. Apalup yen ak aben ka ale wa.

⁷ Ago dop ririan aup in̄anen megeloum igo arupidai a. ‘In̄ mutou ibiseig imasa la ya. Ago man in̄ imug mi Galili na yau dop an̄ n̄ien aban ari wa, an̄ aben ante gup in̄ ale wa.’ Aria, bilalun̄ n̄upanan̄ o n̄upalu yan n̄urupaian̄ itout a.”

⁸ Pein uraru an direr geig ak gug, in̄ uyasusai tubun mi digane ya. Ago man in̄ ririan mi mutou dubuseig dumaspalu oñ in̄san megeloum durupidai o diau se ya.

⁹ Dal dirig diau dugo Jesus naod na ilasag ibol, “Tidom lom mi!” Agog pein an sin̄iren na diaug n̄ien diabig ubou an dile ya.

¹⁰ Ago dugo Jesus uraru an igo irupidai, “An ta arer na wa, an̄ aup n̄ai teig muroug arupidaip Galili na diau a. In̄ aben ante gup n̄ai diliag a.”

Yu tamol adi sad ru

¹¹ Pein uraru an turen̄ diabi dugo, yu tamol adi mutou kagin dupani se yan, taun ilon lo diaug diladug melmel ilasa yan, niñen o pris tutubu yan durupidai a.

¹² Amaiak niñen o pris tutubu yan in̄ Juda sad gurman adi dida dutumani dugo nug lo dukubiaig an lo ru dufuni a. Agog moni patun silva an idaisuda mi yu tamol an dupidinai a. An lo awad dufutani wo ago digane ya.

¹³ Ago dugo in̄ igo dubol durupidai, “An tamolpein igo arupidai a. ‘Tidom lo mañ maen oñ dugo, in̄san megeloum adi pasak nam dupalug sisanun an gumagam an digane ya.’

¹⁴ Agod gabman gurman ru en̄ ilon̄ tap, mañ ida ru ka mukubune wa, ago dop an muruan am tia wa.”

¹⁵ Ak niñen o yu tamol adi, moni an diñane dugo, gurman adi dubol ak ago mi digane ya. An niñen o ru amaiak Juda adi lulun̄ad lo ifurak yau a, an lo Juda adi ru nek an mi dubol dugo ipalug gamu da mi a.

Ru kagin tubun geig ak Jesus id irupaiaid a

Mak 16:14-18; Luk 24:36-49; Jon 20:19-23; Apo 1:6-8

* 28:1: Sarere † 28:1: Sande

¹⁶ Aria, megeloum nuᵛod 11 an, Galili na diau wo tureᵛ diabig dutor nag, did ta gubak mi Jesus niᵛen o ibol an siᵛiren na dilasa ya.

¹⁷ Ante saen iᵛ dile man, ubou an dile yak gug, aenta Jesus niᵛen o ilod uraru a.

¹⁸ Agog Jesus iᵛ sumeik mi ipalug igo irupidai, “Anut dabai fidian mi, kumaen panu san, agod tan en san dam, lo melmel fidian ᵛitirnai o ipanag a.

¹⁹ Ago yak niᵛen o, aᵛ gidad aup an lo tamolpein a tan fidian lo dumado dan, ᵛaisag megeloum adirai dilasa wa. Ago dop aᵛ Bai yaᵛan lo, Nanun yaᵛan lo, Awan Urgun yaᵛan lo afulanai a.

²⁰ Ru kagin fidian ᵛai aᵛ ᵛurupaianᵛ amaiak iᵛ duri dupani uyanan o apiteᵛanai a. Agod en ale, ᵛai pempem mi aᵛ da tumado da, ago mi yaup saen en itout a.”

Mak

*Suguek san Jon Jesus san dal ikubune ya
Mat 3:1-12; Luk 3:1-18; Jon 1:19-20*

¹ Dal en bilaluŋ uyanan Jesus Kristus Anut Nanun niŋen o fun igane ya.

² Nek profet Aisaia wagam iŋanen buk lo igo igire,

“Ale. Naisag bilaluŋ tamol ŋidinip, oŋ nao na imug yau a.

Tamol an oŋane dal ikubune pano wa.”

³ “Tamol ta san awan, tan kawan tamolpein an tia yak ate tubun mi iwagiŋ dugo igo ibol:

‘An gidad Tubun en san dal akubune wa, iŋanen dal turenŋ yabi san akubune dop itaot mok ilasa wa.’”

⁴ Agog Jon ipalug, tan kawan tamolpein an tia yak ate tamolpein isuguai dugo ilod dibilisap suguek diŋane dop an lo iŋaned aupasek fidian Anut ipasi wan san ru man ifulale pidinai se ya.

⁵ Aria, tamolpein a fidian Judea provins lo dumado dan, agod Jerusalem tamolpein wei mi dam Jon san ru duloŋ o diaug iŋsan na dilasa ya. Ante man iŋaned aupasek fidian mi walal te dubol ilasag, Jon dida you Jordan lo dudug isuguai idu ya.

⁶ Aria, Jon iŋsan yamel man kamel fufulun lo duwei ak igane ya. Let man makau suŋulon nam digane an luan te iyati a. Iŋanen anaŋ man sis, agod garaŋ san niniu mi yani se ya. In tamol kawan ak ago woŋ itor se ya.

⁷ Iŋanen bilaluŋ ru tamolpein naod na ibol ilasa man igo ya. “Murnap tamol ta ŋai patug fo ipalu wa, tamol an san dabai ŋaisag iriŋani geig a. Njai man iŋanen sendal ŋupasi san turug ŋusoluwip ŋitakoksi dop san kam ŋusupasi wo ta idaisuda na ya.

⁸ Njai anŋ you lo mi ŋusuguanŋ a. Ak gug tamol en man Awan Urgun lo isuguanŋ a.”

*Jon Jesus isugui agod Satan ibitinae ya
Mat 3:13-17; Luk 3:21-22*

⁹ Saen an lo Jesus panu yaŋan Nasaret Galili distrik lo yan ibiseig, you Jordan ate Jon san na yau a. Atna Jon Jesus isugui a.

¹⁰ Nek saen a Jesus you ibiseig kuai te isuda man, kumaen panu san dalawan pasek go yen dugo, Anut san Ur muluk oŋ idug, in kabuŋan fufo imasi dugo ile ya.

¹¹ Agog kumaen panu lo wagiŋ ta idug igo ibol dugo ilonŋ, “Oŋ man ŋaineŋ Nanug, ŋaineŋ bubeg mok, oŋ niŋe wo ilog tubun mi uyanan da.”

*Satan Jesus naon ikubiani a
Mat 4:1-11; Luk 4:1-13*

¹² Agog gamu nam Urgun iduduwig tan kawan ak lo yau a.

¹³ In aben ante nal kitek milaen mi, ad 40 tidom 40 sen imado dugo Satan ipalug, bitinaek lo igane ya. Aben ante mel kasik ak dam dumado na ya. Aria, Satan san bitinaek fidian itout go eŋel adi dupalug Jesus kagin dupani a.

*Jesus iŋsan megeloum malmalan ak igiai a
Mat 4:12-22; Luk 4:14-15; 5:1-11; Jon 1:35-42*

¹⁴ Aria, kiŋ Herod Jon yabig isubani dugug, Jesus yaug Galili distrik lo ilasag, ante Anut san bilaluŋ uyan ak walal te ibol ilasag tamolpein duloŋ se ya.

¹⁵ In igo ibol, “Nal ilasa la ya, Anut san kagin panek an san saen sumeik a. Man niŋen o an ilom ibilisa dop bilaluŋ uyan ŋurupaian dan ilom lo rumok a.”

¹⁶ Jesus You Galili san aen gigin fo itor dugo tamol ta tein da yil a. Tamol an imug yaŋan Saimon, in tein Andru da. Uraru an iy ŋalajaŋ, ago yan lo iŋaned dob you lo dubal idu dugo, Jesus ipalu ya.

¹⁷ Agog irupidai, “Njai ŋieg abag ari gup tamol aŋal san ŋipiteŋanaŋ a.”

¹⁸ Agog dob dubal yen dugo ŋien aban diri kisaek oŋ a.

¹⁹ Agog Jesus you aen gigin irig kitek isuda yau man, Jems Sebedi nanun an tein bakan ak Jon da yil a. Tamol uraru an wog fo iy dob duwei se ya.

²⁰ Agog Jesus uraru mi igiai kisaek oŋ go tamadi Sebedi wog fo tamol ibiai an dida dumado dugo dibisawaig Jesus ŋien aban dirig diau a.

*Jesus tamol tinin lo ur saiak ikudig yau a
Luk 4:31-37*

21 Agog diaug, panu tubun yanan Kaper-niam atna dilasa ya. Ubou nal, Sabat dubol dan lo, Jesus ubou ab ta lo iladug tamolpein ipitejanai o fun igane.

22 Ago dugo ru an dulong go durut saian. Man dugo, in nek ibol insiganed kubaien san girek manau adi dupitejanai na yak on ago ta ipitejanai na ya. Tia, in tamol yanan tubun anda yak on ago ipitejanai se ya.

23 Aria, Jesus ru ibol dugo, ubou ab an lo tamol ta ur saiak ta aman da yak dam ate imado ya.

24 In awan tubun mi iwagin go ibol, "Jesus, on Nasaret tamol, on mansama na ata mel gane wo palu yak i? Nag on man daon panama wo palu i? Nai on nalon uyanan a, on Anut san gun tamol."

25 Ak man Jesus ru dabai nam igo irupe, "On awa itau. Tamol en biseip lasa wau!"

26 Agog an lo ur saiak an tamol an yabig, ikirnan isuruwor go in itarfuni a. Agog ur saiak an awan tubun mi isasai dugo ibiseig ilasa yau a.

27 Man ninen o tamolpein an fidian durut saian mok a, an lo insed nug lo dininen se ya, agog igo dubol, "En so mel ta yak i? Nag pitejanek foun ak boi? Insan ru dabai tubun aman da ya. In ka ur sisaiak ru kagin ipidinai dop in awan dulong pe dilasa diau a."

28 An lo ninen Jesus ninen o yan ririan ifufurak go panu fidian Galili distrik ilon lo yak ate yau a.

Jesus tamolpein subam amad da yak ikubune idu ya

Mat 8:14-17; Luk 4:38-41

29 In ubou ab an dibiseig Jems Jon da dinjal go dida Saimon in Andru da sad ab lo diau a.

30 Pita raon subam ifunig tinin wananan go, gadab fo insiganen ab lo diganeg yen a. Man ninen o pein an ninen o Jesus durupeig ilon a.

31 Agog Jesus yaug, pein an banin yabig itur o ibinawi a. Gamu nam subam an ibiseig pein an imasa kisaek on go anan ikubune pidinai a.

32 Gurai isig ad idiau dugo, tamolpein fidian subam amad da, agod a ur saian saian amad da yan dam, dinjal go dupalu ya.

33 Panu tubun an san tamolpein wei kasik ab san dalawan sinjiren na dutumanig dumado se ya.

34 Ago man Jesus tamolpein wei mi subam funfun amad da yan ikubuniai dugo ur saiak wei mi dam tinid lo ikudai diau a. Ak man in ur saiak adi ninen o dininen san ninen o ipadau a, man ata wo, ur adi amaiak Jesus enti mok an dulong fufei a.

Jesus aben tamolpein tia yak ate Anut lo igudani a

Luk 4:42-44

35 Tidom lom mok, saen ad gamugo ilasa dugo, Jesus imasag ab an ibiseig aben ta yoitout ak lo yau a. Ante man Anut ninen o igudani se ya.

36 Ak gug Saimon in turan dida dumado yan, Jesus abanan dile wo njen aban dirigit diau a.

37 Saen in dile man durupeig dubol, "Fid-ian mi on dilio wo abana diabi da."

38 Ak man Jesus awad yabig ibol, "Id panu aenta sinjired na dien dan lo tau a. An lo ate dam nai ru ka nfulale pidinai a. Man ata wo, urat nek en njigane wo nilasa ya."

39 An lo man in Galili distrik ilon lo turen yabi se ya, sad ubou ab fidian lo ru ibol ilasa dugo ur sisaiak tamolpein tinidi lo yan dam ikudaig dilasa diau a.

Tamol ta tinin lepra yafutani a

Mat 8:1-4; Luk 5:12-16

40 Nal ta man tamol ta tinin lepra yafu-tani an ipalug isumiani wo turun isoluwig irupe, "On ilo ibol tap, nai kubuniag pe tinig uyan ilasa da wa."

41 Agog Jesus ilon tubun mi imunan tag banin iwateg yabig ibol, "Ubol agom nai ilog ago yen da, uya lasa."

42 Agog lepra ibiseig yau dugo tamol an tinin uyan ilasa kisaek on a.

43 Agog Jesus tamol an ru dabai nam ru kagin irupe. In ririan idinig yau o ninen o igo ibol.

44 "Kagin gane, kulob ilasa yen ninen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol an nanep Anut yai gane pani. An lo dop tamolpein dulong ak onane subam itout a."

⁴⁵ Gug tamol an yaug, mel en Jesus igane an niñen o ibol itilani se ya, an lo ru an panu panu lo yau a. Man niñen o Jesus in fon panu tutubu yak lo walal te iladu san tia ya. Amaiak niñen o in aben tamolpein tia yak ante mi imado dugo tamolpein banjen fidian lo yan inñsan na dupalu se ya.

2

Jesus tamol subam anda yak tinin iganeg uyan a

Mat 9:1-8; Luk 5:17-26

¹ Nal wei tiag Jesus fon imul panu Kaper-niam na ipalu ya. Agog tamolpein Jesus ante imado dan niñen ru duloñ a.

² An lo tamolpein wei mi inñsinan ab lo dupalug dutumani a. Ab an ilon lo nug dusupini dugo patun fo dam ab dalawan sijiren na aben tia ya. Ago dugo Jesus Anut san ru ifulaleg duloñ se ya.

³ Ago dugo tamol iwoiwo in tamol ta nien banin fidian itubabun ak kapal anda Jesus giranjen na disinig dupalu wo digane ya.

⁴ Ak man tamolpein mi dal dufutani an lo in diau san dal tia geig a. Ago tag ab patun fo tet fo disidag diaug, ab aten lak na katik* nam gubak mi digane an fo digansi a. Ago yen dugug mutunuk ta fuñ fufo diganeg diabigigeg gug mutunuk an lo tamol kapal anda yan duyuweg, Jesus imado dugo naon na digane idu ya.

⁵ Agog saen Jesus inñaned ilo rumok ile man tamol an irupeig ibol, “Naineg nanug, ñai onjane aupasek fidian nusuas yau la ya.”

⁶ Aria, ate man kubiaen san girek manjau aenta dumado ya. Inñsan ru ibol en duloñ go an lo ilod igo weiwei se ya.

⁷ “En ata wo ru naon ago ibol ak i? In Anut lo ru kukok igane da! Ak dugo, tamol ta in ka aupasek isasi yau ak i? Tia geig, kulob an Anut san mi a.”

⁸ Gamu nam Jesus ilon lo, tamol an kankan dugoma digane se yan ilon uyanan a. Ago tag in igo irupidai, “An ata wo ilo wei igo agane dak i?”

⁹ Dugomaiak pasauman ak i? Njai ñabol, ‘Onjane aupasek ñupasi yau o?’ Tia, ñabol, ‘Onj masap kapal ñanep utor a?’

* 2:4: Foi

¹⁰ Ak gug kulob e ñiganep an lo ñai, Tamol Nanun, tan en lo Anut wagen lo aupasek ka ñupasi yau amaiak alon o ...” ago ibol go tamol a nien banin tubabun aman irupeï,

¹¹ “On masa utur pe onjane kapal ñanep sinjane ab lo wau.”

¹² Agog tamolpein malad lo man, tamol an imasa kisaek on go san kapal yabisag isinig kuai te ilasa ya. An lo man in fidian durut saian mok dugo Anut yanjan diabisa dugo dubol, “Man kulob ta naok igo yak gubak mi mileu man tia geig a!”

Jesus in Livai iwagi a

Mat 9:9-13; Luk 5:27-32

¹³ Murnag Jesus fon yaug you tilianek san lon na itor dugo tamolpein malan tubun mok dutumanig Jesus dubuluwig manjau ipidinai se ya.

¹⁴ Jesus you aen gigin irig isuda yaug ab ta, ate tamolpein sad na moni takis diñane dak ate ilasa man, takis ñilanjat tamol ta imasig imado dugo ile ya. Tamol an yanjan Livai, Alfeus nanun. Agog irupeï, “Ñieg aban uri.” Agog Livai imasa go nien aban iri a.

¹⁵ Murnag saen Jesus Livai san ab lo imasig imado dugo sisem anañ diani man, takis ñilanjat wei mok agod “aupasek tamol” wei mi dam, dupalug dumasig Jesus inñanen megeloum dida anañ diani a. Man dugo, tamolpein a nien aban diri se yan wei mok a.

¹⁶ Kubiaen san girek manjau adi luluñad lo ensauta a in dam Farisi adi amaiak mel en Jesus megeloum dida digane dan dile dugo inñsan megeloum adi igo dusumianai, “En ata wo tamol en takis ñilanjat tamol adi agod aupasek tamolpein dida sisem anañ diani dak i?”

¹⁷ Ak man Jesus inñsad sumianek ilon go irupidaig ibol, “Tamolpein a tinidi uyan an dokta san na ta diau na da, tia, tamolpein subam anda yak mi ago digane da. Njai tamolpein itaot adi ago dubol dak ñigiaip dupalu san niñen o ta ñupalu na ya, tia, aupasek tamol anami ñigiaï o ñupalu ya.”

Anañ lo geg digane an niñen o Jesus dusumiani a

Mat 9:14-17; Luk 5:33-39

¹⁸ Aria, nal ta lo suguek san Jon inſan megeloum adi agod Farisi adi dam inſ anan lo geg diganeg dumado se ya. Tamolpein ta Jesus san na dupalug dusumiaen, “Jon san megeloum agod Farisi adi dida nal kadi anan lo sed geg ipidinai da, ago gug ata wo onſinane megeloum anan lo geg ta digane na dak i?”

¹⁹ Agog Jesus awad yabig igo ibol, “Tamol ta iwon da sad nug naneſ san saen an ilom isou a. Ak dugo, saen tamol an inſanen turan muroun dida dumado dop, anan lo geg digane wak i? Tia ya. Saen inſ dida dumado dan waliſ digane san tia geig a.

²⁰ Gug nal ta ipalu dan te gup, Anut inſ nug naneſ san tamol an ipasi yau pidinai a, nal an lo man waliſ digane wa.”

²¹ “Tamol ta yamel kilaken ta ikukuik na yan ta irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop fon irasire dop daonſ ipani wa.

²² Agod tamol dam wain foun ak bilelek suſulon wagam ak lo ta diwali na da. Man dugo, ago digane tap, wain foun an iganep bilelek suſulon wagam an ikafut yaup ipuk dop, wain ikulmaek pe tan fo idu dop, bilelek suſulon dam daonſ ipani wa. Fun an ninen o inſ wain foun ak bilelek suſulon foun ak lo mi diwali da.”

Ubou nal san Tamol Tubun a *Mat 12:1-8; Luk 6:1-5*

²³ Ubou nal ta lo Jesus kon san abi ilon lo itor se ya. Ago dugo inſan megeloum inſ kon aenta dufunig fun diganeg diani se ya.

²⁴ Gug Farisi adi dil tag Jesus durupeſ, “Ule, en ata wo kagin a Sabat nal lo tigane san ninen o idsad kubiaenſ ipadau amaiak gamu onſane megeloum adi digane dak i?”

²⁵ Ago man Jesus inſad awa biek ru naon irupidaig ibol, “Nag mel e Dawid igane yen ta asuti na i? Dawid inſ turan muroun dida kadag san saen lo dimatigen dugo anan lo katuk amadi a.

²⁶ Mel en wagam mi saen Abiatar inſ pris gurman imado dugo ilasa ya. Aria, Dawid Anut san ab lo iladug, bret a Anut naon na didirig dien an inſaneg yani a. Ak man bret an inſ lo geg a, nek Anut san pris inſ mi ka

diani wa. Ago bo man inſ dam inſanen yu tamol adi bret aenta iwae pidinaig diani a.”

²⁷ Agog Jesus fon irupidaig igo ibol, “Tamol inſ ubou nal san mel, ago Anut ta igane na ya, tia geig. Ubou nal man tamol san mel, nek ago mi igane ya.

²⁸ Fun amaiak ninen o, Tamol Nanun man ubou nal an dam inſan muroun a.”

3

Sabat nal lo Jesus tamol ta banin saian ak ikubune ya

Mat 12:9-14; Luk 6:6-11

¹ Nal sen ta lo Jesus ubou ab lo iladu ya. Tamol ta tuon ikurnjak yau ak ante imado ya.

² Tamol aenta ate dumado dan inſ Jesus tinin fo ru digane wo dal abanſ dile se ya. An ninen o inſ maladi ti ibol dugo Jesus ata mel igane wo dak dile san tawanſ an digane se ya. Inſ tamol e banin ikurnjak yau en Sabat nal lo ikubune tap, an ninen o boum dupani wa.

³ Aria, Jesus tamol e banin saian en irupeſ, “Onſ masap, titiſaem utur.”

⁴ Agog Jesus tamol en isumianai, “Kubiaenſ dugo ibol ak i? Ubou nal lo, id ka kagin uyan ak tigane wo? Tia, kagin saian ak tigane wak i? Patu pasek tupani wo? Tia, tufuni imat ak i?” Ago man inſ fidian tok dubol go dumado ya.

⁵ Jesus yil ilubanai dugo niſedi wo tiſaen wananan idu dugo ilon tubun geig ipapao se ya, man dugo, inſ bubedi man dabai geig a. Agog Jesus tamol en irupeſ ago ibol, “Onſane bani itaot wate.” Agog inſ banin iwateg, uyan ilasa kisaek onſ a.

⁶ Agog Farisi adi kuai te dilasag silei nam inſ kinſ Herod san warou adi dida sisem fun diganeg palanſ an dumari a. Inſ dugo wonſ Jesus daonſ dupani wak o nug lo dukubiai ila iso se ya.

Tamolpein doup tubun Jesus san na diau a

Mat 12:15-16; Luk 6:17-19

⁷⁻⁸ Agog Jesus inſanen megeloum dida dugursig you saltek san lonſ na dudu diau a. Ago dugo Galili tamolpein malan tubun Jesus nien aban fo diau a. Tamolpein tan titin wei mi kulob naok naok Jesus igane na yan

ninjen o dulonj an lo inſigned panu panu dibiseig inſan na dupalu ya. Tan Judea adi wei mi dam dutumanig Jesus dirig diau a. Tamolpein malan tubun, Jerusalem na yak, Idumea provins lo yak, you Jordan aen ate yak, Taia inj Saidon da sad lonj na yan dam dususag dutumani a.

⁹ Agog Jesus inſan megeloum adi irup-idaig, inj gidad wog ta dijanep, sumeikan dususep yen dop fo isuda wo ibol. Man dugo, tumanek tubun mok inj dubuluwi se ya, kabelan inj tinin dupini saian banau.

¹⁰ Man dugo, inj imug mi tamolpein wei mi ikubuniaia. An lo tamolpein a subam ad da yak fidian dususag dubuluwig Jesus tinin kitek diabi dile wo inj lo dututou se ya.

¹¹ Agod saen ur saiak saiak talpein tinid lo yan Jesus dile man, talpein an Jesus naon na turud dusoluwig awad tubun mi diwaginj go dubol, “Onj Anut Nanun mok.”

¹² Ak gug Jesus inj ru kagin dabai geig ipidinaig ago ibol, “Anj njai enti mok an ninjen o tamolpein ta arupidai na wa.”

*Jesus megeloum 12 ipilianai a
Mat 10:1-4; Luk 6:12-16*

¹³ Jesus tan bubun ta ate isidag, tamol adi dugomaiak inſan dilasa wo ilon yen an igiaig dususag inſan na dilasa ya.

¹⁴⁻¹⁵ Agog inj tamol 12 ipilianaig, inj dida megeloum adi igo wonj dumado dutor na ya. Murnap idiraip diau dop ru dufu-lale wa, agod inj dam ur sisaiak tamolpein tinidi lo yan dukudaip diau san dabai amad da ya.

¹⁶⁻¹⁹ Aria, megeloum 12 e itarpasai en yanadi igo ya. Ta Saimon, inj Jesus yanjan foun ak Pita ipate. Ta Jems, inj tein Jon da, nunod urarum Sebedi nanun muroun, uraru en Jesus yanadi foun ak Boargenes ipate ya, (yanak an fun man weil fufu tamol.) Ta Andru, ta Filip, ta Bartolomiu, ta Matyu, ta Tomas, ta Jems inj Alfeus nanun, ta Tadeus, ta Saimon inj ru wagai san tamol, agod Judas inj man panu Keriot san tamol, emaiak murnag inj Jesus ninjen o palanj imarig ager tamol banid lo igane ya.

*Jesus Beelsebub ida urat digane dak ago
dubol a
Mat 12:22-32; Luk 11:14-23; 12:10*

²⁰ Aria, Jesus turan ta san ab lo iladu dugo tamolpein wei geig dupalug fon dutumani a. Inj injanen megeloum adi dida dusupinai se yan lo ananj diani san tia geig a.

²¹ Saen Jesus muroun muroun inj mel emaiak ninjen o dulonj man, dumasa saian go sad panu dibiseig Jesus diabi wo dupalu ya. Man ata wo? Inj dubol, “Inj burau ifuni da.”

²² Agod kubiaenj san girek manjau en-sauta a Jerusalem na dupalu yan inj dam igo ibol, “Tamol en tinin ilon lo man ur saiak Beelsebub anda ya. Inj ur sisaiak sad gurman injanen dabai nam ur saiak aenta tamolpein ilod lo yan ikudaig diau da.”

²³ Ago tag Jesus igiaig inſan na dupalug ru mitilaen funfun nam irupidai dulonj se ya. “En dugo wonj pe Satan inj ka sen ikudip yau ak i? An ago igane san tia geig a!”

²⁴ Kinj san kagin panek aben lo, inſan tamolpein sed itarpalaip malan uraru dilasap nug dufuni tap, kinj an san kagin panek aben an dabai itur san tia geig a.

²⁵ Agod warou kisaek san tamolpein inj tarpalek uraru dilasap nug dufuni tap man, warou an dam dabai itur san tia wa.

²⁶ Agod Satan inj sen yu iganep an lo inj muroun muroun sed itarpalai tap, aria, inj dabai itur san tia dop injanen dabai itout a.

²⁷ Ak man tamol ta inj tamol dababai geig ak ta san melmel isini wo injanen ab lo iladu san tia ya. Tia geig a. Inj gidad imug mi tamol dababai an rasau nam isubani gup, inj ka tamol an san ab lo iladup melmel isinip yau a.

²⁸ Njai rumok nrupaianj da, aupasek fidian agod nao futek ru fidian dam tamolpein digane dan Anut ka isuas yau a.

²⁹ Ak gug talpein ta inj Awan Urgun naon ifute tap, aupasek an Anut ta isuas yau na wa. Tia, injanen aupasek emaiak pempem mi yen yau a.”

³⁰ Jesus ago irupidai a, man ata wo, tamol amaiak imug mi inj ninjen o, “Tamol en ur saiak aman da yak,” ago dubol a.

*Jesus tinan agod tein muroun
Mat 12:46-50; Luk 8:19-21*

³¹ Saen nek an lo Jesus sinan tinan inj tein muroun dida dupalug kuai te dumado ya.

Ago dugo tamol ta didinig ab ilon lo yaup Jesus kuai te ilasa wo irupei a.

³² Ago dugo tamolpein wei kasik Jesus siniren na dumasig dubuluwig dumado se ya. Ago dugo aenta in durupeig dubol, “Ulon ak, onane tina tei murou dam kuai te dutur da, on insad na wau o digio da.”

³³ Ak man Jesus awad yabig ibol, “Ensauta mok nasag tinag muroug, teig muroug ak i?”

³⁴ Ago dugo malan yang tamolpein giranen na dumado dan yil go ibol, “Naisag tinag di teig muroug nek en mi a!”

³⁵ Tamolpein ensauta a nai Tamag ku-maen panu lo yan ilon duri dupani dan, nek anami nasag teig, lug di tinag muroug a.”

4

Anan kubulan bilabal tamol san ru fajan *Mat 13:1-9; Luk 8:4-8*

¹ Murnag Jesus Galili san you tilianek ate yang lon na imado dugo afon fun iganeg tamolpein ipitenanai se ya. Agog tamolpein wei mi insan na dususag dutumani itilani a. Saen an lo doup tubun mok. Ago tag Jesus wog lo isudag imasig imado dugo tamolpein fidian dutumani man lon na ditur se ya.

² Ante man Jesus ru fajan lo mel wei mi ninen o irupidai se ya. Ru ta ago irupidaig ibol,

³ “Alon. Saen ta lo tamol ta ai patun isinig abi lo ipae wo yau.

⁴ Yang sinanen abi lo man ai patun banin igane inawaig tan fufo iratitale se ya. Saen ratitale man, ai patun aenta dal fufo dudu ya, agog anakanak dupalug diani itout a.

⁵ Ai patun aenta tan pat anda yak fufo dudu, tan ate man kuror an tia, agog milaen tiag ai patun an balud isa, man dugo, tan an kuror an tia ya.

⁶ Ak man saen ad isuda man ai baludi an dukurnak diau a. Ai an dam dabidi tan lo ta idiau geig na, an lo dukurnak diau kisaek on a.

⁷ Ai patun aenta ud saian an lulunad lo dudu, agog sisem disag diau dugo ud saian an ai uyan ak yafutani an lo nunon ta igane na ya.

⁸ Ak man ai patun aenta tan uyan ak fufo dudu man nunod digane, kadi patudi 30 dilasa, aenta 60, aenta 100.”

⁹ Agog igo ibol, “Tamol on kududo ama da tap, ru an ulon uyanan a.”

Jesus ru fajan san fun ifulale ya *Mat 13:10-17; Luk 8:9-10*

¹⁰ Saen Jesus sen kisaek imado dugo, inanen megeloum 12 agod tamolpein aenta dida diaug, Jesus ru fajan ibol ilasa amaiak ninen o dusumiani a.

¹¹ Agog igo ibol irupidai, “Anut san kagin panek an san melmel imianuk an fidian ipanan a. An lo an mel en fidian ilom itarpasi san ninen o alon uyanan a. Ak man tamolpein patun fo dumado dan, in bo ru fajan dulon ak gug, ru an san fun mok ta dulon na ya.

¹² An lo man, ‘In bo malad pempem yau a, ak man ilod ta itarpasi na wa, agod kududod nam dulon bo man, fun mok ta dulon na wa. Tia dop, nag in ilod ibilisa dop sed itilianaip Anut insad aupasek isuas yau a.’ ”

Ru fajan an san fun *Mat 13:18-23; Luk 8:11-15*

¹³ Agog Jesus irupidai, “Ak dugo, an ru fajan en ninen o ilom ta itarpasi na yak i? Ago tap, en dugo won pe an ru fajan aenta fidian dam alon fufei wak i?”

¹⁴ Tamol ai patun iratitale den, in Anut san ru ipae da.

¹⁵ Tamolpein aenkadi man ai patun dal te yak ago ya. Ate Anut san ru dipae da. Saen ru an dulon ibol ak, Satan ipalup silei nam ru an ilod lo ipasi inane yau da.

¹⁶ Aenta man ibol ai patun tan sagar ak fo idu igo ya, nek anami ru dulon dop yousai amad da ilod lo rumok kisaek on a.

¹⁷ Ak gug in dabit tia yak ninen o saen kitekan ka dutur gup, muruan ilasa boi, tia, dukudai dop madai dinane boi, an lo dop ririan dibilanip dudu wa. Nek ago mi insad ilo rumok itout yau a.

¹⁸ Aenta man ud lulunad lo idu ya. Enami ru dulon pe ilod lo rumok a.

¹⁹ Ak gug tan en san ilo weiwei, agod filian san mala bulbal di mel aenta sad ilo

masa dam, disaurip itilanip ru an ipapao da. Ago dop ru an nujon ta ilasa na wa.

²⁰ Aria, ai patun tan uyanan fufo idu man, tamolpein ru rumok an dulon pe san fun dam dulon sinjakaan a. Talpein an in mok nujon ifu wa, aenta nujon 30, aenkadi 60, aenta 100, nujon ago ifu wa.”

Lam san ru fanjan

Luk 8:16-18

²¹ Agog Jesus ru fanjan taidam igo ibol a. “Ak dugo, an lam asulani dop, ab ilon lo daeg paen na boi, tia, sareg paen na boi, aguni itur dak i? Tia geig a. Aben lak na yak ate asujanani wa.

²² Man dugo Anut ilon igo ya, mel fidian gamu mianuk lo yen den, murnap walal te ilasa wa. Agod mel ta dutuani an, nal idu dop ad lo ilasa wa.

²³ Tamol on kududo ama da tap, ru an ulon uyanan a.”

²⁴ Agog Jesus fon irupidaig igo ibol a. “An gidad ru e alon den ninen o kankan anane wo uyanan a. Man ata wo? Tou sapita an tamolpein aenta apidinai dan, tou nek ago yak nam Anut mel ipanaj a, agod mel taidam itumani panaj a.

²⁵ Talpein ta melmel aenta da yan, Anut taidam ipani wa. Ak gug talpein ta in melmel tia, mel kititik a aman da yan, an dam Anut in banin lo ipasi yau a.”

Ai patun isa dan san ru fanjan

²⁶ Jesus fon igo ibol, “Anut san kagin panek man igo ya. Tamol ta anaj patun tan lo iratitale ya.

²⁷ Tidom ad, gidad tamol an yen boi, tia, imasap itor boi, ai patun an balun isap tubun ilasa wa, ak man dal dugo won mel en ka ilasa man in ta ilon na wa.

²⁸ Tan sen mi iganep balun isap, roun iganep yau dop boban ilasap, rugun iganep, nujon ifu wa.

²⁹ Ak man tamol en saen anaj isulot idu yan ile man, bubarek inane, yaup, anaj inane wa. Ata wo, anaj nane san nal idu ya.”

Ai patun kititik aman kawan ak san ru fanjan

Mat 13:31-32,34; Luk 13:18-19

³⁰ Fon igo ibol, “Anut san kagin panek ninen o ata ru man ate tou nabip alon ak i? Ata lo nututanip nabol pe ilom itarpasi fufei wak i?

³¹ Tamol ta ai yanjan mastet dubol dan patun inane siganen abi lo yaug ipae ya. Ai an san patun man kititik aman kawan, tan lo pae wa.

³² Ago bo man, saen paep isa den yaup ai tinan on ilasa dop an lo ai aenta irinani a, agop raen dam idirip ibalsarer dop kusen ka ate wur dufuni wa.”

³³ Jesus in ru fanjan nek ago yak wei mi lo Anut san ru irupidaig dulon se ya. Ru sapita dulon go ilod itarpasi wo uyan an mi iri panim, nek ago ibol idu se ya.

³⁴ In pempem tamolpein malad lo mi ru fanjan funfun nam ibol ilasa na ya. Ak man saen in san megeloum adi dida sed kisaek dumado dugo, ru fanjan an fidian sad fun mok in kuai te ifulale idu dugo dulon a.

Jesus tim beig da irupidaig tok dubol a

Mat 8:23-27; Luk 8:22-25

³⁵ Nal kisaek an lo gurai isi dugo, Jesus inane megeloum adi irupidai, “Id wog nam you aen ate tau a.”

³⁶ Man ninen o megeloum adi doup dibi-sawaig, wog lo disuda ya. Saen Jesus in wog lo isuda man dinane ida diyawaig diau a. Wog aenta dam sisem diau se ya.

³⁷ Agog tim tubun ak ifure ya. Ago dugo you tubun geig imasag ibalsinig wog ilon lo iladu se yan lo wog isarir o igane ya.

³⁸ Ago gug Jesus man in wog taen te kalik iganeg yen padal a. Ago tag megeloum adi diaug dufufunig durupe, “Girek manau, id tumayau o tator da. On ata wo idsed o ilo ta isou na dak i!”

³⁹ Agog Jesus imasag, tim tamun da ipidaig igo ibol, “Itout! Tokabol!” Agog tim ifure na yan itout dugo you malin idu geig a.

⁴⁰ Ago gug Jesus in san megeloum adi irupidaig ibol, “An ata wo tubun mi arer dak i? Ak dugo, an nen gamugo ilo rumok aman da i?”

⁴¹ Jesus ago ibol dubo man in dumasa saian dugo tubun kasik direr se ya. Ago dugo in sed nug dusumiani, “Tamol en enti mok i? Gidad tim tamun da dumasa yak dubo man awan dulon a.”

5

Jesus tamol ta ur sisaiak anda ikubune ya

Mat 8:28-34; Luk 8:26-39

¹ Aria, in̄ wog nam you aen ate diaug, Gerasin sad aban̄ lo disasau a.

² Saen Jesus wog an ibisei man, tamol ta mutou ibiseig ipalu ya. Tamol en ur saiak aman da ya.

³ In̄ mutou funfun lo imado na ya. Tamol aenta fon dusbani san, sein nam dam ta idaisuda geig na ya.

⁴ Saen wei mi banin ain didirig rasau sakar kasik ak nam n̄ien banin dusbani a. Gug saen fidian in̄ rasau lubun̄ an ain dam ituteg isubari idu ya. Tamol an in̄san dabai san fun man senamo geig a, tamol diabi anen tia ya.

⁵ Nal fidian, tidom ad, mutou ilod lo, tan bubun fo dam isasai iwagin̄ dugo pat luon anda yak nam tinin ititale na ya.

⁶ Aria, tamol en asau mi Jesus ile man, imaspalug yaug san na ilasag naon na turun isoluwi a.

⁷ Agog awan tubun mi isasai dugo igo ibol, “Jesus, Anut lak na geig ak Nanun, on̄ mel ta n̄ai lo i? On̄ ru lak na geig ak nam Anut malan lo rupeip ubol, madai tubun geig ta panag na wa.”

⁸ In̄ Jesus ago isumiani a, man dugo, Jesus in̄ imug mi ur an irupei la yak igo ya, “On̄ ur saiak, tamol en biseip lasa wau!”

⁹ Aria, agog Jesus ur saiak an isumiani, “On̄ yan̄a enti ak i?”

Agog in̄ awan yabig igo ibol, “N̄ai yan̄ag Legen,* man dugo, man̄ wei kasik a.”

¹⁰ Agog in̄ afon mi Jesus ilon in̄ane on̄ se, agop Jesus ikudai dop idiraip aben an ta dibisei na wo isumiani se ya.

¹¹ Aria, kitek asau tan bubun luan te man, bor malan tubun geig ak dunuaen̄ se ya.

¹² An n̄ien o ur sisaiak adi Jesus san na dumosiaig ago dubol, “On̄ kudamap bor an lulun̄ad lo mau. Ulefunamap bor ilod lo ka miladu wa.”

¹³ An lo Jesus awok ibol tag, ur sisaiak adi dilasag diaug bor tinidi ilon lo diladu ya. Agog bor an fidian mi, sad sutek 2,000 igo

yak, in̄ dumasag damab aen te dumaspalu dudug you duluk go dumat pasik a.

¹⁴ Tamol bor kagin dupidinai den disol go dumaspalu on̄ diaug, mel ilasa yan n̄ien o tamolpein panu tubun ak lo yan, agod a gidigheid dumado dan, durupidaig dulon̄ a. An lo man tamolpein in̄ mel dugo mok ilasa amaiak dile wo dupalu ya.

¹⁵ Saen Jesus san na dilasa man, tamol imug mi ur sisaiak anda yan dileg durut dugo direr saian geig a. Man ata wo, gamu tamol en idagom dugo kankan uyan uyan aman da, ago dugo yamel sen ipulaug imasig imado dugo dile ya.

¹⁶ Agod tamolpein a in̄siganed malad nam mel a ilasa dugo dile yan, in̄ tamolpein dupalu yan mel dugo mok ilasa yan durupidaig dulon̄ a. Ago dugo mel dugo ilasa yan tamol lo agod bor lo dam, durupidaig dulon̄ a.

¹⁷ Man n̄ien o tamolpein an fidian awad dutumanig Jesus in̄aned aben ibiseip yau o ago dumosiai se ya.

¹⁸ Saen Jesus wog lo isuda dugo tamol e Jesus ikubune yan ida diau o maeg iganeg isumiani se ya.

¹⁹ Gug Jesus awan ta yabi nag igo ibol irupei, “On̄sigane murou sad na waup, Tubun en ilo mun̄anek sapita ipano, agod sapita ibinawo dam ubol idu dop dulon̄ a.”

²⁰ Ago tag tamol an yaug, distrik a yan̄an TenTaun dubol dan ilon lo turen̄ yabi on̄ dugo, mel fidian Jesus in̄ lo igane an tamolpein naod na ibol idu se ya. Ago dugo a fidian in̄anen ru dulon̄ an durut saian geig a.

Pein bakan ta imat agod pein ta subam anda ya

Mat 9:18-26; Luk 8:40-56

²¹ Aria, saen Jesus in̄anen megeloum adi dida tan an dibiseig, wog nam you aen ate afon diau a. Saen lon̄ na disasau man, tamolpein wei mi dupalug dutumani dugo doup tubun ak Jesus dubuluwi a. Jesus in̄ you sin̄iren na imado se ya.

²² Ago dugo ubou ab ta san titianek tamol adi lulun̄ad lo tamol ta yan̄an Jairus in̄ Jesus san na yau a. In̄ Jesus ile tag naon na turun isoluwi a.

* 5:9: Yan̄ak Legen fun man sawar tubun a.

²³ Ilo munjanek ru lo isumianig igo ibol, “Naineg nanug pein imat o da. On palu, bani in tinin fufo na ganep, afon uyan ilasa dop kumaen imado wa.”

²⁴ An lo Jesus imasag in da diau a.

Diau on dugo tamolpein malan tubun an Jesus nien aban diri dugo Jesus dusupini se ya.

²⁵ Aria, aben ante man pein ta tinin ilon lo subam anda, nek nal milaen mi dar tinin lo ilasa se, anaŋar 12 ago imado se ya.

²⁶ Inanen moni samun fidian dokta tinid fo ikukule yau pasik, gug subam an ta digane itout na ya. Tia, subam an yau tubun dugo madai tubun geig ifuni yau on se ya.

²⁷⁻²⁸ In imug mi ru Jesus ninen o ilon dugo ilon igo isou, “Nai banig nek Jesus san kulos milaen ak nusupuri nile gup, tinig fon uyan ilasa wa.” Ago tag in tamolpein a Jesus diri an luad isag Jesus patun fo irig yaug san kulos bitinen te yabi ile ya.

²⁹ Ago dugo saen nek an lo mi inanen dar tinin ilon lo yan igos a. Ago dugo in ilon lo sen ikubiani ak Jesus inanen subam igane itout a.

³⁰ Ago dugo Jesus dam ilon lo sen ikubiani kisaek on ak dabai inanen tinin lo yan kuai te ilasa ya. Ago tag doup lulanad lo idanŋag isumianaig ibol, “Enti niasag kulos isupuri ak i?”

³¹ Saen inanen megeloum adi ru en dulon man, awan diabig igo dubol, “On ule yak, tamolpein wei mi on dusupino futano da, ago bo man on ka ubol ‘Enti nai ibiag ak i?’ ”

³² Ak man Jesus naon idanŋa idanŋla dugo talpein enti mok ile wo malan yau se ya.

³³ Agog pein an, mel e in o ilasa yen ilon on go Jesus san na ipalu ya. In irer dugo isuruwor se ya, ago dugo naon na turun isoluwig mel fidian ilasa yan kuai te irupei a.

³⁴ Agog Jesus igo ibol irupei, “Nanug pein, onsigane ilo rumok iginiog uyan lasa ya. On ka ilo maror lo wau a, agod onane subam itout yau geig a.”

³⁵ Ago dugo Jesus ru an ibol yau on di imado dugo, tamol ta Jairus san ab lo yak ru diganeg Jairus san na yaug ago dubol durupe, “Onane nanu pein imat la ya. Gidad, girek manau aen ta utog na wa.”

³⁶ Ak gug Jesus inŋsad ru an patun ipanig, Jairus irupe, “On urer umoi. Nek ilo lo rumok mi wa.”

³⁷ Agog Jesus tamolpein fidian nien aban diri wan o imoi a, nek Pita, Jems agod in tein Jon, nunod utol anami in dida diau a.

³⁸ Diaug, ubou ab gurman san ab ate dilasa dugo Jesus malan yaug tamolpein tinan mugurun tubun kasik diganeg dumado dugo yil a.

³⁹ Saen ab ilon lo iladu man, irupidaig ibol, “An ata wo tinan aru agane dugo liliŋan dam tubun geig agane dak i? Nanuk en ta imat na ya. Tia, in nion mi yabi da.”

⁴⁰ Ago ibol man disel go kukok an digane ya.

Gug Jesus tamolpein fidian ab ilon lo yan ikudaig, patun fo dilasa diau dugo, nanuk an tinan taman, agod megeloum a in da dumado yan, inal go dida galun a nanuk yen dan lo diladu ya.

⁴¹ Jesus pein bakan an banin te yabig, Arameik ru lo igo ibol, “Talita koum!” Ru an fun man “Pein bakan nŋrupaio da, masa!”

⁴² Ago ibol dugo gamu nam nanuk pein an imasag itor. In pein bakan, inŋsan anaŋar 12 a. Aria, in kulob an dile man durut saian geig a.

⁴³ Agog Jesus nanuk tinan taman an kudod yabig irupidai, “Ru mel en ninen o tamolpein aenta ta arupidai na wa!” Agog nanuk an anaŋ dupanip yani wo irupidai a.

6

Profet ta yanŋan aman tia ya

Mat 13:53-58; Luk 4:16-30

¹ Aria, Jesus in megeloum adi dida panu an dubuseig inŋsinan panu Nasaret na dumul diau a.

² Ubou nal idu dugo Jesus siganed ubou ab lo iladug tamolpein naod na Anut san ru ifulale pidinai se ya. Tamolpein wei mi inŋsan ru dulon go durut saian a. Agog nug dusumiani ila iso dugo igo dubol se, “Aben dugon te mok tamol en mel en fidian inane yak i? Manau e in lo yen den dugon te inane yak i? Ale, kulob e banin nam igane na yen man tubun geig a!

³ Ak man tamol en talon uyanan a, en ab bek tamol amaiak i? En Maria san nanun a. Inanen tein muroun man Jems, Joses, Judas agod Saimon. Inanen lun muroun id luluḡad lo dumado da.” An lo in Jesus saian dupani a.

⁴ Gug Jesus igo ibol irupidai, “Profet ta tamolpein aenta sad malad lo yaḡan aman tia yak ago ta itor na da. Tia geig a. Ak gug nek inḡinan panu lo, inḡinan muroun muroun luluḡad lo, agod inḡinan ab lo dam, atna mi in yaḡan aman tia ya.”

⁵ Man niḡen o Jesus ante kulob dabai anda yak ta igane san ta idaisuda na ya. Nek talpein kisaek kisaek subam amad da yak tinid fo banin iganeg ikubuniaia.

⁶ Ago dugo in tamolpein ilo rumok amad tia yan niḡen o irut saian geig a.

Jesus megeloum 12 idinaig panu panu diau a

Mat 10:5-15; Luk 9:1-6

Agog Jesus inḡiganen panu ibiseig gidigidad yang panu panu itor dugo tamolpein ipiteḡanai se ya.

⁷ Agog Jesus inanen megeloum 12 inḡsan na dupalu wo igiai a. Dususag Jesus tamol adi emaiak in wagen lo ur saiak adi tamolpein tinidi ilon lo yak dukudaip diau san dabai ipidinai a. Agog itarpasaig fun iganeg uraru uraru mi idinaig diau a.

⁸ In gamugo diau dugo kududod yabig irupidaig in gidad turen yabek san biouḡ ta disini na wa, nek makud mi a. Ak man latamad tia, badam tia, moni inḡsad let lo dam tia, ago turen diabi wa.

⁹ In ka sendal njed fo didiri wa, ak man yamel taidam titired lo didiri san geg ipidinai a.

¹⁰ Agog in ibol irupidai, “An aben dugon te ab ta lo aladu wan, ate mi ab an san tamolpein dida amado yau nap panu an abisei wa.

¹¹ Agod panu ta ate ta diḡilian uyan dop anḡsam ru dam dulon o dumoi tap, saen abisawai o dop, niemi apiltip san guḡgaf panu an ate idu dop dile wa. An man kob ta murnap inaned ilo rumok tia yak san naon in mok diḡane wak igo ya.”

¹² Ru an ibol itout dugo megeloum adi nuḡod uraru urarum dufufurak go diau a. In panu panu ate tamolpein igo durupidai

se ya. “An ananem saian an fidian patum apanip ilom ibilisa wa.”

¹³ Agod in ur sisaiak tamolpein tinid lo yan wei mi dukudaig diau se ya. Ago dugo guren kitek nam tamolpein wei mi subam amad da yan tinid fo dububunig lo dukubuniaia.

Herod in Jon suguek san ifuni imat a
Mat 14:1-12; Luk 9:7-9

¹⁴ Kiḡ Herod in melmel e Jesus san megeloum adi digane se yan niḡen o ilon a. Man dugo, nal an lo man Jesus san yaḡak tamolpein malad lo tubun geig ilasa la ya. Ta dubol, “Suguek san Jon in tamolpein dumat la yak luluḡad lo fon imasag kumaen imado da, nek fun amaiak niḡen o dabai funfun en tinin ilon lo urat digane da.”

¹⁵ Gug aenta dubol, “En man Elaija.” Agod aenkadi dubol, “In man profet ta mi a, nek ibol profet adi wagam san igo mi a.”

¹⁶ Ak man saen Herod in Jesus ata kulob igane idu se yan san ru ilon man igo ibol, “Jon man bo buron niḡartig imat la yak gug fon kumaen imasa da ya.”

¹⁷ In ago ibol a, man dugo, imug mi in yu tamol adi idinaig Jon diabi wo diau a. Nien banin dusebanig subanek ab lo digane ya. Man ata wo? Herod inanen tein Filip san iwon, yaḡan Herodias, ilo uyan ipani san niḡen o in Jon subanek ab lo igane ya. Imug mi Herod pein en inḡsan tein banin na inaneg in da nug diḡane ya.

¹⁸ Gug Jon in Herod ru en irupeia, “Onḡsigane tei san iwon da ator tap, on kubiaen ta uri pani na da.”

¹⁹ Amaiak niḡen o Herodias tiḡaen saian go Jon lo siai iganeg imado na ya. In Jon ifuni imat o ilon tubun mi yen a, ak gug inḡsen mi ago igane san ida ta isuda na ya.

²⁰ Man dugo, Herod Jon niḡen o tubun mi irer se ya. In ilon ak Jon in tamol itaot di gun a, an niḡen o talpein ta Jon muruan ipani san niḡen o iparfutani fufei na ya. Nal wei mi in Jon da diḡiḡen go Herod ilo uyan lo inanen ru ilon se ya. Ak gug ilon weiwei dugo ru fun ilon uyan san tia ya.

²¹ Nal ta idu man dal ta Herodias idinaip Jon dufuni imat san an ilasa ya. Nal a Herod san tinan gubak mi igansi an san saen ilasa ya, an lo Herod soubul igane ya.

In ru iganeg inanen gabman gurman adi, yu tamol unbiek adi, agod tamol adi malan te yak Galili distrik lo yan, fidian dupalup anan diani wa.

²² Aria, anan diani dugo Herodias nanun pein iladug naod na isuluwai se ya. Herod inanen turan dida dile dugo malad bulbal dugo ilod tubun mi uyan a. Man ninen o kin Herod nanuk pein an irupe, "On mel dugon ninen o ilo ibol tap, on ka sumianag dop naj nupano wa."

²³ Agog ru lak na geig nam inanen ru dabai ipanig ibol, "On ata mel ninen o sumianag, gidad naisag kagin panek aben nibitip wadan nupano san sumianag a, naj ka nupano mok a."

²⁴ Agog pein baras an yaug, tinan isumiani, "Nai ata mel ipanag o nsumiani waki?"

Agog tinan awan yabig ibol, "Suguek san Jon san kabunan."

²⁵ Agog pein baras an ririan yaug kin san na ilasag irupeig ibol, "Nai ilog man on gamu nam ru ganep suguek san Jon in san kabunan daeg fo diganep disini dupalup dupanag a."

²⁶ Herod ru an ilon go ilon muruan tubun mok a. Ak man ru lak na geig an gubak mi ibol ilasa la ya, agod inanen turan adi malad lo in san awak aban ipani an ninen o dam, awan ibilisa wo ilon ta yen na ya.

²⁷ Ago tag in ririan yu tamol ta talpein ifuni imat san an idinig yaup suguek san Jon buron itartip isini ipalu wo ibol a. An lo yu tamol an yaug, subanek ab ilon lo Jon buron itartig,

²⁸ kabunan daeg lo iganeg isini ipalug pein baras an ipani a. Agog in isini yaug tinan Herodias ipani a.

²⁹ Saen Jon san megeloum adi mel en dulon man, dupalug tubabun dinaneg disini diaug mutou lo digane ya.

Jesus tamol 5,000 ifutuwai a

Mat 14:13-21; Luk 9:10-17; Jon 6:1-14

³⁰ Aria, saen Jesus san megeloum adi turen diabis itout go dumul diaug Jesus dida dutumanig kulob funfun digane, agod pitenanek a tamolpein durupidai an da, naon na dubol idu ya.

³¹ Ago dugo nal an lo man tamolpein wei geig Jesus megeloum adi dida sad na diau dumul on dugo in dunuai anen tia ya. Man ninen o Jesus in megeloum adi irupidai, "Id tumasap, aben ta tamolpein an tia yak ate taup, idsed kisaek dop kitek yaes tabal a."

³² Ago ibol tag wog lo disidag, aben ta yoitout tamolpein an tia yak ate yaes dubal o diau a.

³³ Ak man tamolpein panu fidian lo yan malad yaug dil dulon, ago yan lo wei mi dumasag njed nam dumaspalu on you dubanig, dumug diau silatik on go, lon a Jesus inanen megeloum adi dida disasau wo yan ate dilasa ya.

³⁴ Saen Jesus wog ibiseig lon na idu man, doup malan tubun an afon yil a. Agog in ilon imunanai a, man ata wo, tamolpein an nek ibol sipsip titianek tamol amad tia yak igo won a. Ago tag imasig imado dugo mel wei mi ipitenanai se ya.

³⁵ Ru dulon dugo yaug gurai isi dugo, in san megeloum adi san na dupalug ago dubol, "Aben en yoitout a, ad dam idu yau la ya.

³⁶ Man ninen o tamolpein en dinaip dufurak pe gidigid diaup aben sijired na yan san panu te anan didad pe diani."

³⁷ Ak man Jesus awad yabig igo ibol, "An mel ta apidinaip diani."

Agog in dubol, "Man tamolpein ago yak bret madad pe mufutai san ta idaisuda na ya. Man fidian kalam 8 urat miganep* moni idaisuda minane gup, bret idaisuda mi madad a."

³⁸ Agog Jesus isumianai, "An bret sapita da yak i? Aup ale."

Agog diaug dileg dumul dupalug durupe, "Kafen, agod iy uraru a."

³⁹ Agog Jesus tamolpein an irupidai, "An sem ibitan pe warou wei mi alasap gafur-fur fo amasip amado."

⁴⁰ Ago tag in sed ibitaig doup kitek wei mi dilasa, aenta talpein 50, aenta 100, ago dumasig dumado se ya.

⁴¹ Agog Jesus bret kafen agod iy uraru an inaneg, kumaen panu banen lo malan yabisag, ilo uyan ru Anut ipanig bret an yafute idug megeloum adi ipidinai a.

* **6:37:** Grik sad moni lo man, 200 denari.

Agog inanen megeloum dirjaneg tamolpein duwae pidinai a. Nek ago mi iy uraru an igile kititik go megeloum ipidinaig diaug tamolpein dupidinai a.

⁴² Ago dugo in fidian mi bret an diani dugo fidian luad ipuk.

⁴³ Aria, dunuai itout gug, megeloum adi dumasag, ananj wadan ta diani na yan dutumanig, sareg 12 anua.

⁴⁴ Tamol a dunuai an dusutai man 5,000 a.

*Jesus in you aten fo itor a
Mat 14:22-33; Jon 6:15-21*

⁴⁵ Aria, saen ananj dianig itout man, Jesus inanen megeloum adi gugurut ipidinaig, in wog lo disidap you aen ate panu yanjan Betsaida na dumug diau wo irupidai a. Ago dugo in sen man imadop, tamolpein an fidian idiraip dufurak in signed na dumul diau wo, ago irupidai a.

⁴⁶ Saen tamolpein idinaig diau pasik man, in sen mi did fo Taman san na igudani wo isuda ya.

⁴⁷ Saen tidom idu man, wog an mayau na iyawai se ya, ago dugo Jesus in tan na sen kisaek imado ya.

⁴⁸ In malan yang megeloum adi maeg diganeg dufulani dugo yaes ifu dugo yil a. Man dugo, tim tubun ifure dugo naod yabi se ya. Saen salso idu man, in you aten fufo sad na yau a. In irinjanai o ilon yen manon a.

⁴⁹ Ak man saen inanen megeloum adi Jesus you aten fufo itor dugo dile man, in tamol ntun ta dile ago dubol dugo disasai a.

⁵⁰ Man dugo, in fidian Jesus ago dile an lo tubun mi direr dugo dusuruwor se ya. Ak man Jesus irupidaig ibol, "Dabai anane, en naiseg, arer amoi!"

⁵¹ Agog yang wog fo isudag dida dumado dugo tim ifure yan itout a. Megeloum adi ago dileg durut saian dugo ilod weiwei geig a.

⁵² Ata wo? Jesus enti mok an dulon uyanan an ninen o ilod itau a, in bret lo kulob igane an dile yak gug kulob an kankan Jesus ninen o ta ipidinai uyan na ya.

*Jesus Genesaret na subam adi wei mi ikubuniaia
Mat 14:34-36*

⁵³ Aria, saen Jesus megeloum adi dida you aen ate dupalu man, tan titin yanjan Genesaret dubol dan ate lon na disasau a.

⁵⁴ In wog lo dudu dugo aben an san tamolpein malad yang ririan Jesus dile dulon a.

⁵⁵ An ninen o dumasag dumasalu on gidigheid diau dugo ru duwae se ya. Agog tamolpein wei mi in talpein subam amad da yak kapal fo dien dan dusug aben dugon te Jesus imado den ate dinjal diau se ya.

⁵⁶ Ago dugo aben dugon te Jesus yang ilasa yan, taun tubun ak boi, tia panu tubun ak boi, tia, kititik ak boi, ate in subam adi kapal fo dusug didaen aben lo didiraisig dien se ya. An lo Jesus sumeik isusa dop dusumianip inanen yamel bitinen mi ka diabi dile wa. Agog talpein a diabi dile yan fidian mi, Jesus ikubuniaig uyad isusa ya.

7

Mel ikokan, agod ta ikok na ya

Mat 15:1-9

¹ Aria, saen Farisi adi, kubiaen san girek manau aenta dida Jerusalem na dupalu man, Jesus dulubanig,

² Jesus san megeloum aenta, banid nun anda yak dida ananj diani se yan dil a. Inaned tamol kagin igo ibol, in banid dufulanip ikok ilasa gup ananj ka diani wa.

³ (Man dugo, inaned kagin igo ya. Farisi adi, agod Juda adi fidian mi dam, in imug mi banid dufulani gup ananj diani wa. In ta dufulani na tap, in dida ananj ta diani na wa. Dal an lo in tubud baged sad tamol kagin diri dupani na yan ago mi in dam duri da.

⁴ Agod saen didaen aben dibiseip signed ab lo diau duman, in ananj ta diani na wa, tia, in dusug pe tinid ikok gup ananj diani wa. Tamol kagin aenta wei kasik dam in kagin dupani da. Nek ibol gab fulanek, bod daeg fulanek, agod mel san kapen sensen bras nam digane yan, mel igo yan fidian ninedi wo tamol kagin yen da.)

⁵ Aria, Farisi adi in kubiaen san girek manau adi dida awad dutumanig Jesus dusumiani, "En ata wo onane megeloum adi in tubud baged sad tamol kagin iri

panim ago ta dutor dumado na dak i? Inaned banid ikok tia yak ate anan diani da.”

⁶ Ago tag Jesus irupidaig ibol, “Aisaia in profet ru itaot mok an balek uraru adi ninemi wo ibol ilasa ya. Girek igire yan igo ya,

‘Tamolpein en awadi nam yanag diabisa da,
ak man bubedi man asau geig naj lo yen da.

⁷ In sen kawan naj ubou ag dile da,
man dugo, pitejanek a tamolpein durupidai dan man nek tamol in siganed ilo sou mi a.’

⁸ Ru kubiaen Anut gubak mi ipanan an, absukali dugo tamol kagin an mi abi dabai da.”

⁹ Agog in fon irupidaig igo ibol, “An lunam lo kagin igo yak yen da. An ru kubiaen Anut ibol an gigin na agansi, an lo an siganem tamol kagin ari apani da. Agod an ilom lo kagin en uyanan geig ago abol da!

¹⁰ Gubak mi Moses igo ibol, ‘Onane tina tama awad paen na mado dop kagin pidinai o uyanan a.’ Agod, “Ta in awan nam tinan taman imisilanai tap man, dufuni imat a.’

¹¹ Ak man an abol, ‘Tamol ta taman boi, tinan boi, igo irupe, mel ta ate naj ka njabinawo san ninen o man Korban’ (ru an fun man, Anut mel an njen njupani la ya), ‘an ninen o man, o kabel, naj mel an njupanan san tia ya.’

¹² An lo tamol an fon binawek ta tinan taman ninedi wo igane pidinai san an ta adefuni na wa.

¹³ Dal emaiak lo, ananem tamol kagin tamolpein duri dupani wo abol den lo mi, an aganeg Anut san ru an nunon tia ya. Agod mel wei mi taidam naok nek ago yak agane da.”

Jesus ata mel tamol ilon lo nun ipani wan ninen o ibol ilasa ya

Mat 15:10-20

¹⁴ Agog Jesus in fon tamolpein fidian sinjiren na dupalu wo igiai a. Dupalug, ru ago ibol irupidai, “An fidian kududom agurep, ru en njabol dop, alon fufei wa.

¹⁵⁻¹⁶ Tamol ta mel kuai tep tinan lo yau dan nun ta ipani na da. Tia, mel tinan

lop awan lo ilasa damaiak tamol ilon nun ipani da.”

¹⁷ Jesus tamolpein tumanek an ibisawaig ab lo iladu man, inanen megeloum adi ru fanan en ninen o dusumiani a.

¹⁸ Agog in isumianaig ibol, “Ak dugo, an dam an alon san tia i? An ta ale na yak, mel ta tamol tinin kuai fo yak, tamol ilon yaup iganep nun ilasa san tia yan alon ak i?

¹⁹ Man dugo, mel an buben lo ta yau na ya, tia, tinan lo yaug dubei san dal irig ilasag itout yau a.” (Jesus ru emaiak ibol an lo anan fidian nuaen san uyan ak ago ibol a.)

²⁰ Agog ibol on, “Mel a tamol ilon lo yen dugo kuai te dilasad amaiak tamol ilon nun ipani da.

²¹ Man ata wo? Mel naok naok emaiak tamol ilon lo dien den, in buben mok ilon lo yak kuai te dilasa da, kankan saiak, jeit kagin, gumagam kagin, tamol ifuni imat dak, turan iwon ida dien dak,

²² mala sek kagin, nun kagin, siai kagin, uf ru, se pitiano i kagin, agod burau kagin.

²³ Mel saiadi emaiak fidian talpein ilon lo yak kuai te dilasa da, nek mel amaiak mi talpein an ilon nun ipani da.”

Gob pein ta san ilo rumok

Mat 15:21-28

²⁴ Ago gug Jesus imasag, aben an ibiseig, gob adi sad taun tubun ak uraru, Tair Saidon da sad lubanek lo yaug, ab ta lo isidag, ante kitekan yaes ibal a, ate tamolpein ta san turen dulon man imoi a. Ago bo man in mianuk lo imado san tia ya.

²⁵ Pein ta inanen nanun pein ur saiak anda yak in ru tim Jesus ante imado dan ilon a. Ririan imasag Jesus san na ipalug, naon na turun isoluwi a.

²⁶ Pein en man Grik, agod distrik tubun ate imado dan Siria provins, agod titin ta dugon te tinan igansi an aben ta lon sinjiren na yan Fonesia dubol da. Aria, Jesus naon na turun isoluwig, Jesus in nanun pein tinin lo ur saiak ikudip yau wo ilo munanek ru lo isumiani a.

²⁷ In pein an irupe, “Umoi dop, nanuk ata diani wo dumat dan malmalan diani wa. Man nanuk adi sad anan minanep gown adi diani wo sad na mabal tap, an ta uyan na wa.”

²⁸ Ak man pein an awan yabig igo ibol, “Awo, tamol Tubun en ubol mok da. Gug goun dam badim paen na dumado dop, nanuk sad awad aban idu man ka diani wa.”

²⁹ Ago tag Jesus ibol, “Ru en rupaiag ak ninen o ka wau a. Ur saian an onane nanu pein tinin lo yak ibiseig yau la ya.”

³⁰ Agog in sinan ab lo yang nanun pein gadab fo yen dugo ile, agod ur saiak dam ibiseig yau a.

Jesus tamol ta kududon awan da itau ak ikubune ya

³¹ Aria, Jesus fon imasag, Tair lubanek ibiseig, isidag yang, taun tubun ak yanjan Saidon ante ilasa ya. Agog aben an ibiseig, imul idug yang “TenTaun”^{*} lubanek lo ilasag, You Galili siniren na isusa ya.

³² Ante man tamol ta kududon ipakuk agod balen muruan ak dinaneg Jesus san na dupalug, banin tamol an tinin fo igane wo dusumiani a.

³³ Agog Jesus tamol an inaneg, ida tamolpein malan tubun an dibisawaig gigin na nunod uraru diau a. Ante gug Jesus insen banin kikoun tamol an kududon ane-naim lo isousoug sen banin fo ilusug, ate tamol an balen yabi ile ya.

³⁴ Agog Jesus naon yabisag malan lak na isida dugo yaes yabituani gug tamol an irupei, “Efata.” (Ru an fun man: upuk.)

³⁵ Ago ibol go tamol an kududon uyan ilasag balen dam pasauman go ru ilon go ininon uyanan se ya.

³⁶ Jesus ru dabai anda nam mel a dile yan tamolpein aenta ta durupidai na wo ibol. Ak man urat wei kasik igane yan lo urat an san ru dam tubun mi dininon ila iso se ya.

³⁷ Ru an dulon go durut saian geig a. In igo dubol, “Tamol en mel fidian igane man uyanan geig ak mi a. In iganeg tamol ta kududon ipakuk an ru ilon ak, agod tamol ta awan itau an ru ibol a.”

8

Jesus tamolpein 4,000 ifutuwai a *Mat 15:32-39*

¹ Saen an lo tamolpein malan tubun mok fon Jesus san na dutumani a. Dumado

^{*} 7:31: Dekapolis

dugo inaned anan latamad diani pasik a. Ago tag, Jesus inanen megeloum adi dupalu wo igiai a. Agog dupalug dilasa dugo Jesus irupidai,

² “Nai tumanek tubun en ilog imunanai da, man dugo, gamu nal utol yau la dugo in niai da mumado na ya, ak gug anan ta diani san etna tia ya.

³ Nai in nidinaip dimatigen on insiganed na diau tap, dal na rei ifu dop malad itilani wa. Agod aenta dal asau geig dupalu ya.”

⁴ Inanen megeloum adi awan diabig dubol, “Aben yoitout en lo tamol ta, ka dugot na bret idaisuda inanep lo tamolpein en ifutai ak i?”

⁵ Agog Jesus isumianai, “An anan bret sapita yen di?”

Agog dubol, “Bret seven mi a.”

⁶ Agog Jesus tamolpein an tan na dumasi wo irupidai a. Agog in bret seven an inaneg, Anut ilo uyan ru ipanig, yafututeg, megeloum adi tamolpein duwae pidinai o ipidinai a. Agog diaug bret duwae ya.

⁷ Iy kititik kadi in dida dien a. An lo Jesus iy an inaneg, Anut ilo uyan ru ipanig, megeloum adi irupidaig iy en dam tamolpein duwae pidinai o diau a.

⁸ Aria, tamolpein anan an dianig idaisuda geig a. Diani itout gug megeloum adi dumasag anan samsamun dutumanig sareg seven lo ditaneg awad isa ya.

⁹ In tamol adi a dumado yan dusutai man 4,000 igo ya. Agog didinaig dumul diau a.

¹⁰ Agog Jesus megeloum adi dida wog lo disidag, Dalmanuta distrik ante diau a.

Jesus kulob girager ta igane wo dusumiani a

Mat 16:1-4

¹¹ Ante man Farisi adi dupalug Jesus dusumiani wo fun digane ya. In ilod man Jesus bitinaek lo digane wo ago yen se ya. Amaiak ninen o in kulob kumaen panu san ta kob igo won igane dop dile wo dusumiani a.

¹² Jesus insad ru an ilon go insen nutun ilon lo yaes yabitanig igo ibol, “Ata wo an tamolpein gamu e amado den kulob girager ta kob igo won niganeg dop ale wo

ilom yen dak i? Njai ru rumok njurupaian da, kob naok igo yan naji ta njuapanan na wa.”

¹³ Agog in ibisawaig, megeloum adi dida fon wog lo disidag, diaug, tan aen ate dilasa ya.

Farisi adi in Herod da sad yis

Mat 16:5-12

¹⁴ Aria, megeloum adi ilod injaon go bret ta disini na ya, wog lo man bret kisaek o lian yen a.

¹⁵ Jesus ru kagin ipidinaig ibol, “Kagin agane, Farisi sad yis, agod Herod san dam ninen o kagin agane uyanan a.”

¹⁶ Megeloum adi ru an dulon go in sed mi ru an san fun mok kuai dupani wo nug lo dinjnen ila iso se ya. Agog dubol, “In ago ibol man fun, man bret amama tia ya.”

¹⁷ Jesus megeloum adi dugo dubol se man ilon, ago tag isumianai, “Ata wo an bret amam tia yak ninen o nug lo akubiai dak i? Ak dugo, an nen ta ale alon na yak i? Ak dugo, an kankan amam tia i?”

¹⁸ An malam da ya, ak gug an ta ale geig na da. Nek ago an kududom da ya, ak gug an ta alon geig na da. Mel en ilom injaon ak i?”

¹⁹ Saen naji bret kafenda nafututeg tamol 5,000 nufutuwai an, an sareg sapita lo anan samukan atane yak i?”

In awan diabig dubol, “Sareg 12.”

²⁰ “Agod saen naji bret seven nafututeg tamol 4,000 nufutuwai an, an sareg sapita lo anan samukan atane yak i?”

Agog dubol, “Seven.”

²¹ Agog in ibol, “An gamugo alon uyan dak i?”

Jesus Betsaida na tamol malan itau ak ikubuneya

²² Jesus in megeloum adi dida panu yan Betsaida ante diaug dilasa ya. Ante tamolpein ta in tamol ta malan itau ak dinaneg dida Jesus san na dupalu ya. In Jesus banin nam tamol an tinin yabi ile wo dugudani a.

²³ Agog Jesus in tamol an banin te yabig, ida panu an dibisei a. Agog Jesus tamol an malan fo ilusug banin tamol an tinin fo iganeg isumiani, “On gamu aban ka ule dak i?”

²⁴ Agog tamol an malan yabisag ibol, “Awo, naji tamol neil da, ak man malag lo ai ditiliani dak igo mi a.”

²⁵ Agog Jesus afon banin malan fo igane ya. An lo tamol an malan tubun mi ipuk go uyan isusag mel fidian ile fufei a.

²⁶ Agog Jesus tamol an sinan ab lo yau o idinig irupe, “On itaot sigane ab lo wau, panu lo ta ladu na wa.”

Jesus in Kristus an, Pita kuai te ibol a

Mat 16:13-20; Luk 9:18-21

²⁷ Agog Jesus in san megeloum adi dida panu an dibiseig dal dinaneg panu kititik taun Sisaria Filipai lubanek lo dien dan ate diau a. Dal te turen diabi dugo in san megeloum isumianai, “Tamol adi in naji enti mok ago dubol di?”

²⁸ Agog in durupe, “Aenkadi on Suguek san Jon ago dubol dak, aenta on Elaija dubol dak, aenta on profet ta ago dubol da.”

²⁹ In isumianai, “Ak man ansem naji enti mok ago abol di?”

Pita awan yabig ibol, “On Kristus.”

³⁰ Agog Jesus ru kagin ipidinaig ibol, “Njai enti, aenta ta arupidaip dulon na wa.”

Jesus imat san nal sumeik ak ago irupidai a

Mat 16:21-23; Luk 9:22

³¹ Saen an lo Jesus fun iganeg in anen megeloum adi ipitenanai man, Tamol Nanun in madai wei mi ifuni wa, agod ubou san matu adi, pris gurman adi, agod kubi-aen san girek manau adi in fidian Tamol Nanun patud dupani wa. Ago dop in dufuni imat a. Ak gug nal utol gup in fon imasap kumaen imado da wa.

³² Jesus ru an kuai te ibol irupidai a. Ago tag Pita in aneg ida gigin na diaug ru dabi nam Jesus ipei a.

³³ Ak gug Jesus idansag Pita patun ipani dugo naon megeloum aenta ipidinai dugo Pita ipei ibol, “Satan, on patug fo lasa wau! Man dugo, on Anut san ilo girek ta uri pani na da, tia, on tamol adi sad ilo girek an mi uri pani da.”

Idsiganed aigim tisinip Jesus njen aban tiri wa

Mat 16:24-28; Luk 9:23-27

³⁴ Agog Jesus tamolpein igiaig, inſan megeloum adi dam kisaek mi dutumanig, igo ibol irupidai, “Talpein ta n̄ai n̄ieg aban iri wo ilon ibol duman, in̄ gidad sen yabi idup in̄sinan aigim isinip n̄ieg aban iri wa.

³⁵ Man ata wo? Ta in̄sinan madok iganep uyan ilasa wo ilon ibol tap, in̄sinan madok mok an ideg yau a. Ak man ta in̄sinan madok n̄ai n̄ieg o, agod bilaluŋ uyanan ak niŋen o ibisei tap, in̄anen madok mok patun ipasi dop yen yau a.

³⁶ Man dugo, talpein ta tan en san filian fidian mi in̄ane dop, in̄anen naon man in̄sinan madok mok malan isue tap, en dugo woŋ pe uyan ak i?

³⁷ Ak dugo, in̄ ata mel tan en san, in̄anen madok nuŋon ak in̄ane imul san ka ipani wak i? Mel ta igo yak yen man tia geig a.

³⁸ Tamolpein ensauta gamu dumado den aupasek agod kagin sisaiak san saen lo dumado da. Talpein ta saen en lo n̄aisag ru niŋen o miai ifuni tap, saen n̄aineg eŋel gun agod Tamag san girager da n̄upalu dop, n̄ai nek ago mi talpein an niŋen o miai ifunag a.”

9

¹ Agog in̄ ru ibateg igo ibol irupidai, “Rumok n̄urupaian̄ da, aenta ebo dutur den gamugo dumat dop, Anut san kagin panek an dabai aman da ipalu dop dile wa.”

Jesus tinin ibilisag ilalan̄ a
Mat 17:1-13; Luk 9:28-36

² Aria, nal 6 yau la gug Jesus in̄ megeloum utol, Pita, Jems in̄ tein Jon ago in̄al go dida did tubun ak ta ate disida diaug sed dumado se ya. Ante dumado dugo Jesus in̄ malad lo tinin ibilisag ilalan̄ idu dugo dile ya.

³ Ago dugo in̄anen yamel isapudadeg milkouk nuŋon geig ilasa ya. Milkouk an talpein ta tan en lo yamel marasin nam ifulanip ago ilasa san tia yak ago ya.

⁴ Ago dugo malad lo dam Moses in̄ Elaija da dilasag, Jesus dida dutur go diŋiŋeŋ se yan megeloum dil a.

⁵ Agog Pita Jesus irupeig ibol, “Girek maŋau, nek uyanan geig maŋ dam e mumado da! On̄ ubol tap, lalai utol ente mabi

wa, on̄ane kisaek, Moses anen kisaek, agod Elaija anen kisaek dam mususe wa.”

⁶ (In̄ fidian tubun mi direr dugo dusuruwor se yan lo, Pita ru dugo ibol an ta ilon̄ uyan na ya.)

⁷ Agog timtaen* ta idug yafutanai dugo awak ta timtaen an ilon lo ilasag ago ibol, “En man n̄aineg Nanug, n̄ai bubeg mok a. Awan alon̄!”

⁸ Ago dulon̄ dugo malad yau imul silatik on̄ dugo aban̄ dile itililani se yak gug tamol aenta ta dil na ya, nek Jesus mi sen kisaek siŋired na itur se ya.

⁹ Saen Jesus megeloum dida did an dibi-seig dumul dudu dugo, Jesus ru dabai anda ipidinai a. “An̄ aup mel e ale yan niŋen o tamolpein aenta ta arupidai na wa. Amoi dop Tamol Nanun imat pe mutou lo fon imasap kumaen imado dop, saen an lo mel e ale yen ka abol ilasa wa.”

¹⁰ Ago tag in̄ ru mel en niŋen o in̄anen ilo girek lo dutueg yen a, ak man in̄sed nug lo diŋiŋeŋ se ya. In̄ nug lo dusumiaen̄ ila iso, “Ru e mutou lo fon imasa wo ibol en fun mok dugo yak i?”

¹¹ Agog in̄ Jesus dusumianig igo dubol, “En ata wo kubiaen̄ san girek maŋau adi in̄ Elaija imug ipalu gup ak ago dubol di?”

¹² Jesus awad yabig ibol, “En man ru rumok a, Elaija imug ipalup, mel fidian ikubuniaip imug dien ago mi dilasa wa. Ak man ata wo ru en digire yak i? Tamol Nanun tubun mi mada isini dop patud dupani wa.

¹³ Ak gug n̄ai n̄urupaian̄ da, Elaija ipalu la ya. Ago dugo in̄siganed ilobol lo saian dupani se ya, nek ibol girek ta in̄ niŋen o ibol ak ago mi ilasa ya.”

Jesus pinein ta ur saiak aman da yak ikubune ya
Mat 17:14-21; Luk 9:37-43a

¹⁴ Saen Jesus in̄ megeloum utol an dida dumul go megeloum aenta sad na dilasa man, tamolpein malan tubun ak dutumanig dumado dugo dil a. Ago dugo kubiaen̄ san girek maŋau aenkadi megeloum adi dida ru lo nug diabi dugo dil a.

* 9:7: Kakao

15 Agog tamolpein fidian saen Jesus dile man durut saian go ririan dumasalu on Jesus san na dupalug ilo uyan lo duyunani.

16 Agog Jesus tamolpein isumianai a, “An kubiaek dugomaiak nug lo anjnen ila iso di?”

17 Agog doup an lulunad lo tamol ta awan yabig igo ibol, “Girek manau, njaineg nanug ur saiak anda yak onsa na njisini njupalu ya. Man dugo, ur saian en iganeg awan itau a.

18 Aben tata lo itor dop, ur ifunip ibili idu dop, awan lo subalbal ilasap, luon igurmip tinin ikikaip ti ibol yen da. Man njnen o naj onsa megeloum adi ur saiak an dukudi wo njusumianai, ago bo man inj digane san tia ya.”

19 In ru naon irupidaig igo ibol, “An ilo rumok amam tia, nal sapta naj an da tumado wak i? Nal sapta muruan apanag dan njininip yau ak i? Nanuk an igo anjane apalu.”

20 In pinein an dijane dupalu ya. Saen ur saian inj Jesus ile man, silei nam pinein an ifunig itarfunig ibili yau idug, tan na idududuruk dugo itububuluk yau imul dugo subalbal awan lo ilasa se ya.

21 Jesus pinein an taman isumiani, “Nal sapita kagin an inj tinin lo ilasa yak i?”

Taman awan yabig ibol, “Saen inj nanuk tusan lo mi kagin en iganeg ipalu ya.

22 Nal wei mi ur saiak en ifunig daon ipani dop yai lo, agod you lo ibili idup ifuni imat o igane se ya. Isop on idaisudap mel ta inj lo gane tap, ilo imujanama dop binawama.”

23 Agog Jesus taman irupe, “Ru e ‘Isop on idaisudap mel ta inj lo gane tap’ ubol en ata wo ago ubol ak i? Talpein ilo rumok aman da man, inj o mel fidian mi ka ilasa wa.”

24 Ago dugo taman ririan iwagin go ibol, “Nai ilog lo rumok. Nai binawag dop njaisag ilog yau imul dan naji idu!”

25 Saen Jesus tamolpein wei tinan dumasalu on dutumani se yan yil man, inj ur saiak an ru sakar nam ipeig igo ibol, “On ur saiak awa tau san agod kududo itau san, naj ru kubiaen njupano da, biseip sen lasa, fon umul tinin ilon lo ta ladu na wa.”

26 Agog ur saiak an isasai saian dugo nanuk an tan fo itarfuni saian geig a, ago gug ibiseig yau a. Pinein an tan fo tubabun

igo won yen, ago tag tamolpein wei mi dubol, “Inj imat mok a.”

27 Gug Jesus banin yabig irae dugo, pinein an imasag itur a.

28 Saen Jesus ab lo iladu man, megeloum adi dida sed kisaek dumado dugo Jesus dusumiani, “En ata wo man ur saiak mukudi san ta idaisuda na yak i?”

29 In ru naon irupidai, “Gudanek lo mi an ur saiak naok igo yak ka akudi wa.”

Jesus saen uraru inj san mater njnen o megeloum irupidai a

Mat 17:22-23; Luk 9:43b-45

30 Aria, Jesus injanen megeloum adi dida aben an dibiseig, turenj diabig diaug distrik Galili titinjaem diau se. Saen ante diau man Jesus tamolpein aenta dulon o man imoi a.

31 Ata wo? Injanen megeloum adi ipitenjanai se ya. Agog irupidai, “Tamol Nanun injanen ager adi sad banid lo digane wa. Inj dufuni imat, agop nal utol yau gup, afon imasa da wa.”

32 Ak man megeloum adi ru an san fun ta dulon uyan na ya. Taida mi, inj Jesus dusumiani wo direr se ya.

Enti inj talpein malan te ya

Mat 18:1-5; Luk 9:46-48

33 In Kaperniam na dilasa ya. Saen inj ab ilon lo dumado dugo, Jesus isumianai, “Dal na ansem ata mel njnen o nug lo akubiai yau imul se yak i?”

34 Ak man inj dutokubol dumado se ya. Man ata wo? Inj dal na diau dugo inj sed lulunad lo enti inj tubun geig ak njnen o dukubiai yau imul se ya.

35 Ago tag Jesus imasi dugo, megeloum 12 an dupalu wo igiai a. Saen naon na dupalu man irupidai, “Talpein ta inj yanjan tubun ilasa wo ilon ibol tap, inj gidad sen igane murna yau a, agod dam inj gidad tamolpein fidian sad biabi njilanjil ilasa wa.”

36 Agog inj nanuk nanun ta injaneg, megeloum adi lulunad lo igunig itur a. Agog banin nam yabig ikubiaig igo irupidai,

37 “Talpein enti nanuk igo yak ta naj yanag lo injanep iyunani tap, naj dam injiliag go iyunanag da. Agod talpein enti naj injiliag duman, naj mi tia ya, tia, Enti naj idinag go njupalu yan dam injaneg iyunani da.”

Tamol ta id niñed o ager ta imado na dan, id turad a

Luk 9:49-50

³⁸ Jon Jesus irupeig ibol, “Girek manau, tamol ta in on yanja ibol dugo ate ur sisaiak ikudai se dugo mile ya. Ago tag man in kulob ago igane yau o mupadau a, man dugo, in id lo tia ya.”

³⁹ Jesus irupe, “An in abituani amoi. Man ata wo? Talpein enti nai yanag lo kulob dababai anda yak ta igane man, in ririan ru saian nai niñeg o ibol ilasa san tia ya.

⁴⁰ Man dugo, talpein enti in id o ager ta imado na dan man id turad a.

⁴¹ An lo nai nurupaian da, talpein enti in, an Kristus san ak niñen o you kitek gab lo iganeg aluk o ipanaj dan, inanen naon ibisei san tia geig a.”

Mel ta tamolpein aupasek digane wo iduduwai san ru

Mat 18:6-9; Luk 17:1-2

⁴² “Agod talpein ta nanuk igo yak nai o ilon rumok dak ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir yau man bo uyan mok a. Man ata wo, an tia tap, ai wadan nai in nupani wan irinani geig a.

⁴³⁻⁴⁴ Ulon. On bani turan aupasek lo udu san iginio tap, tutep ubal yau! Ago dop on bani tia madok kumaen yen san lo ladu wo tap, an ta saian na ya. Man dugo, kabelan bani uraru mi diñiliop Ades lo yai pempem ided dan lo dubulo wau banau.

⁴⁵⁻⁴⁶ Agod on nie turan aupasek lo udu san iginio tap, tutep ubal yau! On gidad nie tia madok kumaen yen san lo ladu wo tap, an ta saian na ya. Man dugo, kabelan nie uraru mi diñiliop Ades lo dubulo wau banau.

⁴⁷ Agod on mala turan iginio au upas tap, mala an bilanip biliau a. Mala kisaek ama da madok kumaen yen san lo ka ladu wa. Kabelan mala uraru mi diñiliop Ades san yai lo dubulo wau banau.

⁴⁸ Aben ante man,
‘injad kadum ta dumat na wa,
agod yai imat san tia geig a.’

⁴⁹ Nek ibol saen Anut yai digane pani man beig dam alta fufo digane yak igo won,

Anut tamolpein fidian yai tinid fufo igane wa.

⁵⁰ Beig man biabi uyanan anda ya. Ak gug beig san gigen itout tap, aria dugo won tamol ta san gigen an iganep beig on ilasa da wak i? Amaiak niñen o an nugnug lo beig amam da ya, agod nug lo maror amam da amado wa.”

10

Nug naneke dututep itout san ru

Mat 19:1-12; Luk 16:18

¹ Go Jesus imasag, panu Kaperniam ibiseig, you Jordan ituteg, titin ta Judea distrik a you an aen ate yen dan lo yau a. Ante tamolpein wei mi fon inisan na dutumani a. Agod Jesus in fon inisan kagin iri panim ipitejanai se ya.

² Ago dugo Farisi aenta dususag dusebanani wo igo dusebani, “Idaned kubiaen dugo ibol ak i? Mel ta niñen o tamol ta inisan pein ka ibisei ak i?”

³ In awad yabi, “Ru kubiaen dugomaiak Moses ipanaj ak i?”

⁴ In dubol, “Moses uyan ipani a, tamol ta iwon ikudi wo tap, nug banin diabi amaiak itute san girek ta igirep, iwon ipani gup ikudi yau a.”

⁵ Agog Jesus ru naon igo irupidai, “An bubem pat on an niñen o Moses ru kubiaen en igire panaj a.

⁶ Ak gug fun mok lo Anut man ‘tamol in pein da idirai a.

⁷ Fun an niñen o tamol in tinan taman ibisawaip iwon inanep nug dupini dupini wa,

⁸ an lo dop uraru an kisaek mi dilasa wa.’ Amaiak niñen o in uraru ago tia ya, in man kisaek a, man dugo Anut in sen mi itumanai a.

⁹ Ak niñen o kabelan melmel a Anut itumanai an tamol ta itute banau.”

¹⁰ Saen megeloum adi Jesus dida ab ilon lo dumado man, ru en niñen o Jesus dusebani a.

¹¹ In ru naon igo irupidai a, “Tamol ta iwon ikudi yau dop pein sen ak inane tap, iwon imug ak malan lo man tamol en pein foun an da jeit digane da.

¹² Agod pein dam iwon tamol ikudi yau dop tamol sen ta inane tap, pein en dam in jeit kagin igane da.”

*Jesus in nanuk injal a**Mat 19:13-15; Luk 18:15-17*

13 Nal tag tamolpein injsigned nanuk kititik dijal go Jesus san na dupalug an lo banin nam ibiai ile wa. Ak man injanen megeloum adi dipidai se ya.

14 Saen Jesus yil man tinjaen saian go igo irupidai, “Nanuk adi njasag na dupalu wo dop eilafu wa, akudai amoi. Man dugo, Anut san kagin panek aben man nanuk ago yak sadi a.

15 Nai rumok nujon nurupaian da. Talpein enti nanuk igo won Anut san kagin panek inane tap, in Anut san kagin panek aben ilon lo ka iladu wa. Ak gug in nanuk on ilasa wo imoi tap, iladu san tia geig a.”

16 Agog in nanuk adi injal go ilataig, banin kabunad fo iganeg bar ipidinai a.

*Pinein damag filian anda yak Jesus isumiani a**Mat 19:16-30; Luk 18:18-30*

17 Jesus turen yabi wo dugo, pinein damag ta imaspalu on injsan na ipalug naon na turun isoluwig isumiani, “Girek manau on uya mok a, ata kubol njigane dop lo madok pempem yen yau san ka njigane wak i?”

18 Jesus ru naon ibol, “On ata wo nai uyag ak ubol di? Anut sen kisaek mi uyan aman a.

19 On Anut san kubiaen fidian ulon pasi a: on ta funi imat umoi, jeit kagin umoi, ugam umoi, supalek ru ubol umoi, talpein ta rawip lo san melmel unjal umoi, agod on tina tama awad uri pani wa.”

20 In ibol, “Girek manau, nai nanuk log ipalug gamu en kubiaen an fidian njiri njupani na ya.”

21 Jesus tamol an malan ti ibol ile dugo buben tubun mi ipani a. Ago dugo ru en irupei a, “On mel taida ninen o mi katuka mado da. Umul waup, melmel a on da yan udad pe moni nanep, tamolpein mel ad tia ak wae pidinai a. Ago dop kumaen panu lo filia senamo geig ilasap yen a. Ago gup palup njieg aban uri wa.”

22 Tamol an ru an ilon dugo ilon idug ilon ipapaog ibiseig yau a. Man dugo, in tamol filian tubun anda ya.

23 Agog Jesus idansag malan yang megeloum adi yil dugo irupidai, “Tamolpein ensauta a filian tubun amad da yan, Anut san kagin panek aben ilon lo diladu san muruan kasik a!”

24 Injanen megeloum adi ru an dulon go durut saian a. Ak gug Jesus fon ibol, “O nanug muroug, talpein Anut san kagin panek aben lo isadu san man muruan geig a!”

25 Tamol filian anda yak Anut san kagin panek aben lo ka iladu wak, an rumok tap, aria kamel ta si gubaran lo yau san man pasauman geig a.”

26 Ru an dulon go nen durut saian a. Ago tag in sed nug ilon lo dijinon se ya, “Mago tap, enti mok patu pasek ka inane wak i?”

27 Jesus malan ti ibol go yil dugo irupidai, “Tamolpein mel en digane san ta idaisuda na ya, ak gug Anut lo mel ago man ta muruan na ya, ata wo, in lo mel fidian man pasauman a.”

28 Agog Pita ibol irupei, “Ule man on nie aban muri wo mel fidian mibisei a!”

29 Agog Jesus igo ibol, “Nai ru rumok nurupaian da, talpein enti ab ibiseig, tia tein boi, tia lun boi, tia taman boi, tia tinan boi, tia nanun muroun boi, tia siganen tan boi, an nai yanag yabisa wo ibisei dop man,

30 tan en lo Anut naon uyanan geig ipani wa. Gidad talpein an malan lo melmel a ibisawai an sinjakan geig, injanen naon san melmel man nal 100 irinani wa. An lo naon ago yak inane wa. An man ab, tein taon, lun, tinan, taman, nanuk adi, abi dam fidian foun ak wei di wei mok inane wa. Ago gug dida madai di muruan funfun dam inane wa. Agod murnap mel fidian foun dilasa san saen lo man, in kumaen pempem mi yen san an dam inane wa.

31 Ak man talpein wei mi gamu in malan te dan nal an lo man talpein kawan ak ago dilasa wa. Agod talpein wei mi in tamol kawan igo dumado dan nal an lo malan te dilasa wa.”

*Jesus imat pe imasa da wak fon ipitenanai da**Mat 20:17-19; Luk 18:31-34*

32 Aria, Jesus injanen megeloum adi dida Jerusalem dal dijaneg, diau dugo Jesus imug yau se ya. In ilon Jerusalem na diau

wo ago yen an ninjen o megeloum adi durut saian geig a, agod tamolpein a njen aban diri dan in dida Jerusalem na diau san ninjen o tubun mi direr se ya. Saen an lo Jesus fon inanen megeloum adi injal go gigin na diaug in mel dugo in lo ilasa wan ninjen o irupidai a.

³³ In ibol, “Aloñ uyanan, id Jerusalem na tau da. Ante man Tamol Nanun dinanep pris gurman adi agod kubiaen san girek manau adi banid lo digane wa. In imat san ru ago duguni wa. Ago dop Juda tia yak sad banid lo digane dop lo

³⁴ kukok aman diganep, dusulanip, lubum nam dufunip murna gup dufuni imat a. Ago digane wak man nal utol gup fon imasa dap kumaen imado da wa.”

Jems in Jon da sad sumiaen
Mat 20:20-28

³⁵ Agog Sebedi nanun uraru an, Jems in Jon da, in dususag Jesus dusumianig igo dubol, “Girek manau, man iloma man, mel ninjen dugo musumiano wo dak ago ka gane panama wa.”

³⁶ Ago tag Jesus isumianai, “Ata mel naj nigane panan o ilom ibol di?”

³⁷ Agog in durupe, “Ru gunip, onane girager san saen idu dop, man onane badim fo on sinjire na mumado wa, kisaek on bani won ak lo dop, kisaek on bani nas ak lo wa.”

³⁸ Ak man Jesus awad yabig irupidai, “Ata mel ninjen o asumianag dan ninjen o anan da. Ak dugo, gab a lo naj naluk amaiak lo aluk o an idaisuda yak i? Tia, suguek a naj ituanag amaiak dam an ituanan dop man, an idaisuda yak i?”

³⁹ In ru naon durupe, “Awo, man idaisuda ya.”

Agog Jesus irupidai, “Rumok, gab a lo naj naluk amaiak lo an aluk a, agod suguek a naj ituanag amaiak dam an ituanan a.

⁴⁰ Ak man an naj sinjireg na amado wa, ta banig won ak lo dop, ta banig nas ak lo, aben uraru amaiak naisag mi nupanan san ta idaisuda na ya. Tia, naisag Tamag insen mi tamol ta aben an ipidinai san ninjen o ipilianai la ya, amaiak ninjen o aben uraru an insadi mi a.”

⁴¹ Saen inanen megeloum 10 aenkadi mel an dulon man, Jems in Jon da ninjed wo tinjaed saian a.

⁴² Ago tag Jesus megeloum igiaig insan na dupalu ya. Dutumani dugo ibol, “An aloñ ak gob adi luluñad lo tamol a insed gurman dubol dan, sad dabai tamolpein a paed na dumado dan dukubiai pidinai da. Ago dugo in luluñad lo tamol a yanad ad da yan diganep tamolpein kawan ak inaned tuod paen na dumado wa.

⁴³ Ak gug an luluñam lo kagin ago yak ta ilasa na wa. Talpein ta an luluñam lo in yan tubun ak inane wo ilon ibol tap, sen iganep ananem biabi nilanjal on ilasa wa.

⁴⁴ Agod talpein ta an luluñam lo in imug yau wo ilon ibol tap, sen igane idup an fidian ananem bigabeg urat igane panan san ilasa wa.

⁴⁵ Nek dal kisaek an lo Tamol Nanun insen mi, aenta in o binawek urat dupani wo ta ipalu na ya, tia, aenta ninjed wo binawek urat ipidinai o ipalu ya, agod dam sen ibiseip an lo tamolpein wei mi injal san ninjen o ipalu ya.”

Jesus Bartimeus malan yafute ya
Mat 20:29-34; Luk 18:35-43

⁴⁶ Aria, Jesus in megeloum adi dida turen diabig Jeriko na dilasa. Saen in tamolpein malan tubun ak dida taun an dibisei man, tamol ta yan Bartimeus (an man Timeus san nanun) dal giran na imasig moni dupani wo iwagin se ya. In man tamol malan itau a.

⁴⁷ Saen in Jesus Nasaret san tamol dal ante ipalu dan ago ilon man, awan tubun mi iwagin go ibol, “Jesus, Dawid Nanun, ilo imuñanag!”

⁴⁸ Tamolpein wei mi dububunanig, dubol, “Awa itaup tokubol mado!” Ak man in nen tubun mi isasai, “Dawid Nanun, ilo imuñanag!”

⁴⁹ Jesus yau on dugo wagin an ilon tag, itur dugo tamolpein dubuluwi an irupidai, “An awagi.”

Ago tag in tamol malan itau an duwagig dubol, “Ilo wabisap, masa, in igio da.”

⁵⁰ Man ninjen o in ririan san yamel madid san ak iragali ibal go imasag, Jesus san na ipalu ya.

⁵¹ Jesus isumiani, “Onj ata mel njai onj o njigane wo ilo ibol di?”

Agog mala itau tamol an ru naon irupe, “Tubun en, njai abanj njele wo njamat da.”

⁵² Agog Jesus irupeig ibol, “Wau. Onjane ilo rumok iginiog uya isusa ya.” Gamu nam malan uyan ilasag abanj ile kisaek onj a. Agog dal im Jesus njien aban irig yau a.

11

Jesus Kinj onj Jerusalem na iladu ya

Mat 21:1-11; Luk 19:28-40; Jon 12:12-19

¹ Jesus injsan megeloum dida Jerusalem sumeik dupanig, Did Oliv sinjiren na panu uraru ta yanad Betfage in Betani da dubol dan ate disusa ya. Ago man Jesus injanen megeloum uraru ta idinaig

² irupidaig ibol, “Anj urarum panu o malad yaug tile dan ate au. Aup aladu dop donki foun ak ta dususeg imado dak ale wa. Donki an fufo talpein ta imasi man tia ya. Kam apasip anjanep njaisag na apalu wa.

³ Tamol ta irupaian, ‘Anj ata wo ago agane dak i?’ ago ibol tap, anj igo arupe, wa, ‘Donki en Tubun ak ibunawi san urat aman da ya. Milaen tiap inj ririan fon iganep imul ipalu wa.’”

⁴ Aria, megeloum uraru an diaug, donki foun ak ab san dalawan ate dususeg kuai te dal na itur dugo dile ya. Agog kam dusopasi a.

⁵ Ago dugo tamol aenta sumeik dutur an igo dusumianai, “Ata wo anj donki an kam apasi di?”

⁶ Agog uraru an ru Jesus ibol ago mi durupidai a. Ago tag tamol an dilfu dugo donki dinjaneg dida diau a.

⁷ Diaug, Jesus san na dilasag, injsad yamel milaen ak diragalig, donki patun fufo duruwari a. An itout go Jesus fufo imasig dida diau a.

⁸ Agog tamolpein wei kasik injsiganed yamel milae milae yak diragali dugo dal te na duruwari se ya. Ago dugo aenkadi garan lo ai raen dututeg dal te na bala didiri se ya.

⁹ Tamolpein aenkadi, Jesus dida imug mi diau dugo, tamolpein aenta murna dupalu se ya, inj fidian mi igo dubol duwagin se na ya,

“Hosana!
Tamol e Tubun ak yanjan lo ipalu den, Anut san bar injane ya!

¹⁰ Manj tubuma bagema Dawid san kagin panek gamu ipalu dan, bar injane wa!
Aben lak na geig an lo per dupano wa!”

¹¹ Agog Jesus Jerusalem na iladug yaug, tempel san sep lo iladu ya. Agog abanj ile itilanig mel ante dien dan fidian yil se ya. Gurai idu la yan ninjen o tempel lubanek ibiseig kuai te ilasag megeloum adi dida dumul go Betani na diau a.

Jesus ai gurab imisilani a

Mat 21:18-19

¹² Dien go tidom lom saen Betani dibisei man, Jesus imatigen.

¹³ Agog malan yaug, asau mi ai gurab ta ile ya. Gurab an roun mutunol tinan. Ago tag yaug sumeik go nunjon abanj an ile, ak man nunjon an tia, roun kawan mi a. Man dugo, nunjon ifu san nal gamugo da.

¹⁴ Ago tag Jesus ai an ipeig ibol, “Talpein ta onj nunjo fon ta yani na wa.” Jesus ago ibol dugo megeloum adi awan dulonj a.

Jesus tamol tempel san ar ilon lo didaen digane se yan ikudai a

Mat 21:12-17; Luk 19:45-48; Jon 2:13-22

¹⁵ Jesus imul Jerusalem na yaug, tempel san sep ilon lo iladug, aben ante daden tamol adi, agod a melmel moni nam didad se yan dam fidian ikudaig kuai te dilasa ya. Injsad tebol fufo moni dubulsa se yan, iratitalaig yabibol idu dugo, tamol aenta muluk didad se yan sad kalik dam iratitale idu ya.

¹⁶ Agog tamolpein tempel san tom ilon lo melmel disini diau wo man ninjen o ipadau a.

¹⁷ Agog ipitenjanaig kududod yabig igo ibol, “Ru e Anut san buk lo digire man, ‘Njaisag ab en gudanek san ago dubol a, ante man tan fidian san tamolpein ka dugudani wa.’

Ak man anj agane ilasag ‘gumagam adi sad mianuk ab’ igo yen da.”

¹⁸ Pris gurman adi agod kubiaen san girek manjau adi ru an dulonj a. Ago tag dal ta ate Jesus daonj dupani san ninjen o abanj diabi se ya. Inj itaot dufuni imat san tia ya, man dugo, inj ninjen o direr. Inj dulonj

ak tamolpein malan tubun inſan pitejanek duloſ dugo an niſen o fidian durut saian a.

¹⁹ Aria, saen ad idu yau man Jesus inanen megeloum adi dida Jerusalem dibi-seig diau a.

*Ai gurab a Jesus imisilani an ibun a
Mat 21:20-22*

²⁰ Dien go tidom lom mi fon turenſ diabi dugo ai gurab a nor Jesus ipei funi an dile ya. Ai an dabin ateg yaug ulun na man ibun idu ya.

²¹ Pita ru a Jesus nor ibol an ilon isoug irupeſ, “Tubun en, ule. Ai gurab oſ misi-lani an ibun idu ya!”

²² Jesus ru naon irupidaig igo ibol, “Anſ Anut lo ilo rumok amam da amado wa.

²³ Nai rumok nſurupaianſ da, talpein ta inſ ka did en igo irupeſ, ‘Oſ masap, se ibulo beig lo waup udu.’ Ago dop ilon ta uraru na dop, ru a ibol an nuſon ilasa wak ago ilon lo rumok nuſon tap, ibol ago mi inſan na ka ago ilasa wa.

²⁴ Amaiak niſen o nai nſurupaianſ da, oſ gudanek lo mel ta wo Anut sumiani dop, inſ mel an ipano la yak igo wonſ ago ilo lo rumok a. Ago gane tap, mel an oſ da wa.

²⁵⁻²⁶ Agod saen oſ utur oſ Anut gudani dan man, talpein ta ida ru ama da tap, mal-malan ilo lo saian an sasi pani wa. Agop oſane Tama kumaen panu lo yan inſ dam oſane saian an isasi pano wa.”

*Inſ Jesus dusumiani, Enti kob ipano ya?
Mat 21:23-27; Luk 20:1-8*

²⁷ Agog fon Jerusalem na dilasag, Jesus tempel san tom ilon lo yaug itor dugo, pris gurman, kubiaenſ san girek maſau adi, agod tamol tutubu yak adi inſan na dupalu ya.

²⁸ Agog dusumiani, “Oſ kob en dabai da dugon te nſaneg lo mel en gane dak i? Enti mok dabai en ipanog ate urat en gane wo ibol ak i?”

²⁹ Jesus awad yabig igo ibol, “Nai dam mel ta niſen o anſ nſusumiananſ o da. Ago dop anſ imug nſaisag sumianek an itaot arupaiaſ tap, enti mok inſ urat e nſigane den san dabai ipanag an ka nſabol pe alonſ a.

³⁰ En dugo ilom isou di? Jon san suguek man, kagin an dugon te inſane yak i? An

kumaen panu san mel, tia, an tamol sad mi ak i? Abol nſalonſ!”

³¹ Agog inſsed nugnug lo igo dinſenſ se ya. “En man kumaen panu san mel, ago tabol tap, inſ igo ibol isumianad a, ‘En ata wo anſ inſ niſen o ilom ta rumok na i?’

³² Ak gug ‘En man tamol sad mel mi a,’ ago tabol tap, id o dugo ilasa wak i?” (Tamol tutubu emaiak tamolpein kawan ak niſedi wo tarer na ya, ata wo, tamolpein kawan ak sad ilo sou lo man, Jon mi inſ profet.)

³³ Man niſen o inſ igo dubol durupeſ, “Maſ ta malonſ na ya.”

Ago tag Jesus ibol, “Ago yak niſen o nai dam enti dabai en ipanag go ate urat e nſigane den ta nſurupaianſ na wa.”

12

*Abi san kagin panek adi sad ru faſan
Mat 21:33-46; Luk 20:9-19*

¹ Kubiaek an itout gug, Jesus ru faſan lo kubiaenſ tamol adi naod na igo ibol ilasa, “Tamol ta inſ ai wain san abi yabig ar ifou ya. Abi an ilon lo wain patun dupartitale dop dupipi san gib yabi a. Agod inſ ab dam abi ilon lo yabi a. Agog inſ tamol ta abi an kagin dupani san ipilianaig, abi an banid lo idiri a. Aria, saen abi taman inſ urat an fidian igane itout man, imasag tan asau ak ate yau a.

² Saen ai wain nuſon ifu san nal idu man, inſ inanen biabi nſilanſal ta idinig inanen wain nuſon aenta isini ipalu wo yau a.

³ Ak man urat tamol a abi lo dumado dan dumasag, tamol an diabig dufunig digane imul go banin kawan yau a.

⁴ Ago tag abi taman fon urat pinein sen ta idinig yau a. Ak man dumasag kabuſan ate dufunig tinin malan dusue saian a.

⁵ Aria, urat pinein sen ta idinig yau a. Agog dufuni imat a. Nek ago mi, inſ urat pinein aenkadi wei mi idinaig diau a. Gug abi kagin panek adi aenta dufu dugo aenkadi dufu dumat a.

⁶ “Ago igane yaug tamol an talpein kisaek o lian idinip yau san imado. Agod talpein an inſiganen nanun mok niſen o tubun mi imat da. Wadan lo nanun en idinig yau a, man dugo, abi taman ilo sou

igane man, 'In njaineg nanuk awan kagin dupani wa.'

⁷ "Ak man tamol abi lo urat digane dan, in sed nug lo igo dubol, 'Tamol e ipalu yen man taman san melmel fidian mi inane wo da. Ago yak ninen o id tufunip imat dop, in san abi id tinane wa.'

⁸ Ago dubol go dumasag diabig dufunig imat go tubabun dubal go ar patun fo ilasa ya.

⁹ "Aria, abi taman dugo igane wak i? In abi lo yaup abi kagin panek adi daon ipidinaip abi an banid na ipasip urat tamol senamo yak banid lo igane wa.

¹⁰ Nag an ru e girek lo yen den ta asuti na i?

'Pat nek a ab bek tamol adi dumoi dan, nek amaiak ab tinin fidian yabi sakar da.

¹¹ Anut sen ago igane ya, agod id malad lo en man sinjakaan geig a.' "

¹² Agog tamol tutubu yan an dal ta Jesus diabi san maeg diganeg aban dile se ya. Man dugo, in dulon ak Jesus inanen ru lo in isiai se ya. Ak man ta dusbani na ya, ata wo, tamolpein malan tubun dutumani an ninedi wo direr, ago yak ninen o Jesus dibiseig diau a.

Kaisa san takis njalan

Mat 22:15-22; Luk 20:20-26

¹³ Agog tamol tutubui adi in Farisi aenta agod Herod san tamol aenta dam didinaig, Jesus san na diau a. In Jesus dibitinae dop siganen ru lo diabi wo ilod yen ak atem diau a.

¹⁴ Aria, in Jesus san na dilasag durupe, "Girek manau, man malon ak on ru rumok san tamol. On tamol senamo yak on nibe wo ilod isou dan ninen o ta urer na da. Man dugo, gidad yanad amad da yak, tia yak dam, ninedi wo on ilo ta weiwei na da. Fun an lo on tamolpein Anut san dal an ninen o ru rumok nam itaot mi pitejanai da. Id Kaisa takis moni tupani wan uyan ak i? Tia, saian ak i? Idsad kubiaen mel en ninen o dugo ibol dan ubol malon.

¹⁵ Id ka tadad ak i? Tia, tia yak i? Itaot rupaiama."

Ak man Jesus tamol adi an balek rararu san kagin lo dubol an ilon uyanan a. An

ninen o in isumianaig ibol, "An ata wo bitinaek lo aginiag dak i? An moni ta asini apalup njile."

¹⁶ Agog moni ta disinig san na dupalug dupani a. Agog isumianai, "Mitilaen e fufo yanak digire yen enti san ak i?"

Agog awan diabig dubol, "Kaisa san."

¹⁷ Ago tag Jesus ibol irupidai, "An ninen o an mel ta Kaisa san tap, Kaisa apani wa, agod mel ta Anut san tap, Anut apani wa."

Ru an dulon go durut saian geig a.

Sadyusi adi Jesus diabi wo bitinaek lo digane ya

Mat 22:23-33; Luk 20:27-40

¹⁸ Agog Sadyusi adi maten lo kumaen masa san tia ago ilod isou dan sumiaen kisaek da Jesus san na dupalu ya.

¹⁹ "Girek manau, Moses gubak mi id o igo igire ya. Tamol ta in nanuk aman tia yak imat go pein ak ibiseig imado tap, gidad tein imasap iwon ka inane an lo tein imat la yan wagen lo nanuk idirai dilasa wa.

²⁰ Aria, gubak mi man tein muroun nunod 7 man lulunama lo dumado ya. Matu ak pein inane imado nag imat, ak gug in nanuk aman tia ya.

²¹ Ago yak ninen o tein imasag matu imat an san pein inane ya. Tein bakan ak dam nanuk aman tia agog imat a, tein fon taidam in dam nek ago mi,

²² nek ago mi yang nunod 7 ante itout a. Tamol an fidian nanuk amad tia ya. Wadan lo man pein an dam imat a.

²³ Saen tamolpein dumat la yan fon kumaen dumasa tap, tamol an ilod lo pein an enti mok iwon ak i? On ulon ak in fidian iwodi a."

²⁴ Agog Jesus awad yabig ibol, "An afurfi saian geig a. Man ata wo? Anut san ru girek lo yen agod Anut san dabai dam an ta alon uyan na ya.

²⁵ Saen tamol dumat pe dumasap kumaen panu na diau dop, pein ta dusu na wa, agod ante tamol man pein njied ta dupani na da. Tia, in kumaen panu san enel igo won dumado wa.

²⁶ Agod taida mi, tamol dumat ak fon kumaen dumasa wan ninen o an kududom agure. Nag an ru a Anut irupaian an ta

asuti na yak i? Inj igo ibol, ‘Nai man Abraham san Anut, nai dam Aisak san Anut, agod nai dam Jakob san Anut.’

²⁷ Anut man inj tamol dumat ak sad Anut tia ya. Tia, inj man tamol kumaed dumado dak sadi a. Rumok nunon, an afurfi saian geig a!”

Kubiaen dugomaiak malan te yak i?

Mat 22:34-40; Luk 10:25-28

²⁸ Kubiaen san girek manau ta ipalug Jesus Sadyusi dida ru lo nug diabi yau imul dugo ilon a. Ru naon sinjakaan Jesus irupidai an ilon tag, inj dam Jesus isumianig ibol, “Kubiaen dugomaiak malan te yak i?”

²⁹ Jesus awan yabig igo ibol, “Kubiaen malan te yak nek en: ‘O Isrel adi, kudu-dom agure wa. Idsad Anut man Tubun en kisaek o lian a.’

³⁰ Tubun en onane Anut ninen o umat a, onane bube fidian lo, onane njutu fidian lo, onane ilo sou fidian lo, agod onane dabai fidian lo ago gane wa.’

³¹ Kubiaen turan man igo ya. ‘Onj nek ibol onse niye wo umat dak ago mi tamolpein aenta dam ninedi wo umat a.’ Kubiaen ta inj kubiaen uraru en irinjanai man tia ya.”

³² Agog kubiaen tamol an igo ibol, “Girek manau, onj ubol uyanan ak, Anut inj kisaek o lian, agod inj sen kisaek mi imado da, tubud taida man tia ya, ru an rumok nunon.

³³ Agod talpein ta inj buben fidian lo, injanen ilo sou fidian lo, injanen dabai fidian lo yak Anut ninen o imat, agod injanen tamolpein aenta nek ibol injen ninen o imat dak onj, ago mi ninedi wo imat a. Kagin naok ago yak, yai niganag mudan Anut ipani san fidian mi irinjanai geig a.”

³⁴ Saen Jesus tamol an ru naon manau anda ipani an ile ilon man, inj tamol an irupe, “Onj Anut san kagin panek ate asau mi ta mado na da.” Ru an itout go Jesus san ager adi sumiaek taida dusumiani wo fidian direr a.

Kristus inj enti nanun ak i?

Mat 22:41-46; Luk 20:41-44

³⁵ Jesus tempel san tumanek aben ilon lo tamolpein ipitenjanai dugo sumianek ta ipidinai a. “En dugo wonj go kubiaen san

girek manau adi, Kristus inj Dawid nanun an dubol na yak i?

³⁶ Dawid injen mi, Awan Urgan iduduwi dugo igo ibol:

‘Tubun en njaisag Tubun ak igo irupe,

“Onj nai tuog won ak ate masip mado,

murna gup nai onsa ager adi njidiraip,

onj nie pae na dumado dop nie nam partuanai a.”’

³⁷ Amaiak ninen o Dawid injen mi tamol an Tubun ak ibol tap, en dugo wonj pe inj Dawid nanun ak i?”

Tamolpein malan tubun ante dumado dan injan ru dulonj dugo ilod bulbal se ya.

Kubiaen san girek manau inj kagin saiak digane na ya

Mat 23:1-36; Luk 20:45-47

³⁸ Jesus pitenjanek ipidinai dugo irupidai, “Kubiaen san girek manau adi ninedi wo kagin agane wa. Inj kulos milae milae sinjakaan ak didirip diaup didaen aben lo dutor dop aenkadi ilo uyan ru dupidinai o ago ilod yen da.

³⁹ Agod ubou ab lo kalik malan te tamol tutubu ate dumasi dan inj ate dumado da. Agod soubul lo dam nek ago mi digane dop, tamolpein inj kagin dupidinai o ago digane da. Inj se pitianoi kagin naok naok igo yan ninen o tubun mi dumat da.

⁴⁰ Inj pein suos sad ab digam da. Agod gudane milae milae kasik digane da, ak man an sen kawan digane da, man dugo, tamolpein dil o ilod yen da. Tamol naok ago man Anut san bitinaek nal lo naon saian geig a dijane wan tamolpein aenta sad naon irinjanai geig a.”

Pein suos san lou panek tusan

Luk 21:1-4

⁴¹ Aria, tempel san tom ilon lo aben titin ta yen dugo ate moni san kunup yen a. Ate Jesus kunup an kitek sinjiren na imasig imado dugo tamolpein wei mi dupalu dop moni kunup lo dubal dugo yil se ya. A filiad amad da yan wei mi moni tubun mi dubal se ya.

⁴² Agog pein suos filian aman tia yan inj dam ipalug pat bras uraru o lian an kunup lo ibal a. Naon man tusan a.

⁴³ Jesus injanen megeloum igiaig san na dupalug irupidaig ibol, “Nai rumok

ņurupaian da. Moni e pein suos filian aman tia kunup lo ibal en, tamolpein fidian sad moni dubal an irinani geig a.

⁴⁴ Man dugo, aenkadi inaned filiad tubun ak lo moni samun dijaneg dubal a. Ak gug pein filian aman tia yan mel fidian lo katuk aman bo man, moni sapita in da yan fidian mi ibal a. An lo sen aben ipitig itout a.”

13

Jesus tempel daon dupani wak ninen o ibola

Mat 24:1-2; Luk 21:5-6

¹ Saen Jesus tempel ibisei wo dugo megeloum ta igo ibol, “Girek manau, ule, tempel san pat tintinan nunon a, in san naon man sinjakaan geig a!”

² Ak man in ru naon igo irupidai, “An ab tintinan en eil aki? Nai ru rumok ņurupaian da, ente man pat ta kisaek sen ta tinin fufo ta yen na wa. Tia, fidian mi tamol adi dugufututep diabibol tan na dudu wa.”

Nal wadan ilasa san kob funfun

Mat 10:17-22; 24:3-14; Luk 21:7-19

³ Jesus Did Oliv fo imasig imado se ya. Did a ate imado yan did tempel fufo itur dan san turan, titinjaem tan ikilokan ak yen da. Agog Pita, Jems, Jon di Andru da ago mianuk lo san na dupalug dusumianig igo dubol.

⁴ “On rupaiana, saen dugomaiak lo melmel en dilasa wak i? Kob dugomaiak imug mi ilasa dop ate man malon ak, melmel en fidian dilasa wak i?”

⁵ Agog Jesus awa biek ru igo irupidai a. “An kagin agane wa, kabelan tamol ta an irawan banau.

⁶ Tamol wei mi dupalup nai yanag dupatep dubol a, ‘Nai nek emaiak Kristus.’ Ago dop tamolpein wei kasik dirawai a.

⁷ An yu ager alon ak, agod san ru tim dam alon a. Ago dop kagin agane wa, kabelan amasa saian banau, man dugo, mel en man ka ilasa wak, gug nal wadan san saen man gamugo da.

⁸ Tamol malan ta lo yu diabisap, tamol malan ta lo yu ager digane wa. Ago dop kin ta in san tamolpein dida yu diabisap, kin sen ta in anen tamolpein dida nug dufuni

wa. Agod aben sensen lo man kadag* tubun mi idu dop kanaurig tubun ak gidigid dilasa wa. Nek ibol pein nanuk igansi wo dop madai ile dak igo won, melmel en fidian man, madai a nal wadan ilasa san amaiak ilasa wo fun igane da.”

⁹ “An gidad tawan aganep amado wa. In an dibian pe ansganem panu lo ager adi banid lo didiran pe kot lo atur a. Juda adi sad ubou ab gidigid dien dan lo an tinimi dugufutute wa. An nai naog ananep kin adi agod gabman gurman adi naod na atur a, an nai nineg o abol dop dulon a.

¹⁰ Agod naineg bilalun uyanan en imug tamolpein warou adi tan tilianek fidian lo dubol ilasa dop dulon a.

¹¹ Saen in an dibian pe kot lo dida au dop, ru dugomaiak abol ak ninen o ilom ta weiwei na wa. Tia, nek ru dugo Anut saen an lo ipano an mi arupidai a, man dugo, ansem ta abol na da, tia, Awan Urgan in awam lo ibol ilasa da.

¹² “Tein ta in tein san ager adi banid lo iganep dufuni imat a. Taman ta dam nanun muroun sad ager banid lo idiraip daon dupidinai a. Nanuk dumasap tinad tamad lo siai diganep ager banid lo didiraip dufu dumat a.

¹³ Tan en san tamolpein fidian an lo siai digane wa, en ata wo, nai yanag man an sam na yen la ya. Ak man, talpein in anen ilo rumok yabi sakar yaup, saen in anen kumaen tan en lo itout ak ate dop, Anut talpein an patun ipasi wa.

Murnap mel ta saian geig ak ilasa wa

Mat 24:15-28; Luk 21:20-24

¹⁴ “Saen ilasa dop, mel ta tempel san aben gun ak lo dugunip, mel an ate itur san tia yak ate itur dop ale wa. Mel an gubak mi profet Daniel ninen o ibol a. Mel an Anut malan lo man iganan geig a, nek mel amaiak igane dop daon panek ilasa wa. (On ru e suti den ulon uyan o ta pasauman na yak man, maeg gane tap ka ulon ak boi.) Nal an lo dop, tamolpein a Judea na dumado dan, dusol diaup did lulunad lo sed imianai a.

¹⁵ Talpein ab fufo na imado dan, imul idup ab lo in anen bioun isini wo ta iladu na wa, tia, itaot mi isol yau a.

* 13:8: Futol

¹⁶ Agod talpein abi lo imado dak dam, gidad imug mi yamel madid san ak inane wo ta imul yau na wa.

¹⁷ O kabel, nal en san pein adi an luam am da, agod an pein an sam nanuk su apidinai dan dam, nai ilog tubun mi imunanaj da! Nal en man saian geig a.

¹⁸ An gidad agudani dop, mel en madid san saen lo ta ilasa na wa.

¹⁹ Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa man tia geig a, agod murnap fon ta ilasa da na wa.

²⁰ Anut saen en itutep katukan a, in ago ta igane na tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan ninedi wo ilon isou wa. Amaiak ninen o in saen an itutep katukan a.

²¹ Nal en lo talpein ta an irupaian pe ibol, 'Ale, Kristus ente imado da!' tia, 'In onte imado da!' ago ibol dop, an ilom ta rumok na wa.

²² Man dugo, kristus sewak ak in profet sewak adi dida dilasa wa, ago dop in kulob girager ak, agod mel naon senamo geig ak tamolpein malad lo dukubiaip dile wa. An lo dop idaisuda tap, in tamolpein a Anut ipilianai la yan dirawaip lo diau dudu wo ago maeg digane wa.

²³ Amaiak ninen o an tawan aganep amado wa. Mel en gamugo ilasa dugo nai imug mi mel emaiak ninen o kuai tem jurupaian la ya."

Murnap Tamol Nanun tan na imul ipalu wa

Mat 24:29-31; Luk 21:25-28

²⁴ "Saen en san muruan tubun ak itout la gup,

'ad ta ided uyan na wa, an lo dop adian tidom on ilasa dop kalam ta ided na wa.

²⁵ Ante dop patui keit dibiseip dudu wa, agod Anut in mel dababai keit lo yak imiriranai a.' "

²⁶ "Saen an lo dop, tamolpein in Tamol Nanun keit san timtaen fufo na itur dop dabai agod girager tubun geig aman da yak lo ipalu dak dile wa.

²⁷ Ago dop Tamol Nanun inanen enel adi idiraip dufufurak diau a. Ante dop inanen tamolpein kob ipidinai an dutumanai a. In tim sukurun iwoiwo an lo nap dinaj dupalu wa, ago mi yaup tan gigin itout ak ate wa."

Ai gurab san ru fanan

Mat 24:32-35; Luk 21:29-33

²⁸ "An ai gurab lo ilo sou agane wa, in manau ka ipanan a. Saen in san raen you aman da, agod roun foun ilasa dop, an alon ak madid itout go ad ilasa san saen sumeik ipani da.

²⁹ Amaiak ninen o, an murnap melmel fidian e dilasa den, ale dop, an alon ak Tamol Nanun in ipalug sumeik, dalawan ante itur da.

³⁰ Nai rumok jurupaian da. Warou gamu en san tamolpein gamugo itout yau dop melmel en fidian dilasa wa.

³¹ Keit in tan da in murnap itout a, ak gug naisag ru man ta itout na wa."

Nal mok mel en ilasa wan id fidian ninen o tijaon a

Mat 24:36-44

³² "Ak gug talpein ta melmel an ninedi wo nal dugo di auwa dugo dam dilasa san o ta ilon na ya. Kumaen panu san enel adi ta dulon na yak, agod Nanun sen dam ta ilon na ya. Bai in sen mi ilon a.

³³ Amaiak ninen o an tawan agane wa. An malam ipuk on amado wa. An ta alon na yak nal dugo lo ananem Tubun ak ipalu wa.

³⁴ En man igo ya. Tamol ta in tan asau ak ate yau o dugo inanen urat biabi urat pinein banid lo iganep, anen anen in signed urat ipidinai a. Ago dop dalawan titianek tamol irupe, 'On nai namul nupalu san ninen o tawan ganep mado wa.'

³⁵ "Amaiak ninen o an tawan aganep amado wa, man dugo, nal mok lo ab taman imul ipalu wak an ta alon na ya. Gurai lo boi, tidom tubun lo boi, kurek ibob san saen lo boi, tidom lom mi boi, an anan da.

³⁶ In ririan imul ipalu dop, an kabelan nion abip amado dop ilian banau.

³⁷ Ru e nai jurupaian den, ru kisaek mi tamolpein fidian jurupidai da: 'Tawan aganep amado!'

14

Gurman adi Jesus dufuni imat o awad dutumani a

Mat 26:1-5; Luk 22:1-2; Jon 11:45-53

¹ Tumanek tubun ak yañan Pasova dubol dan san saen idu san, nal uraru o lian yen da. An itout gup, tumanek aenta yañan Bret Yis Aman Tia ak San Soubul dubol dan ilasa wa. Pris gurman adi agod kubiaen san girek manau adi in dal ta pasak nam ate Jesus diabip dufuni imat san ninjen o aban diabi se ya.

² Agog dubol, “Soubul nal tutubu e ilasa den lo ta tigane na wa, kabelan tamolpein dile dop dumasap ager diganep aben daon dupani banau.”

Pein ta Betani na guren Jesus kabunan fufo ikulmaek a

Mat 26:6-13; Jon 12:1-8

³ Jesus in Betani panu na imado dugo, tamol ta yañan Saimon tinin lepra aman da yak san ab lo ida dumado se ya. In tebol giranjen na imasig imado dugo inuai se ya. Ago dugo pein ta in guren, pat butol alabasta nam digane yan sinjakan ak, isinig san na ipalu ya. Butol an ilon lo guren naon lak na geig ak, yañan nard dubol dan, awan isa. Aria, Jesus anan yani dugo pein an ilasag, butol buron ibalsinig guren an kabunan fufo na iwali idu ya.

⁴ Saen aenta ate dumado yan mel ago dile man, tinjed saian go nug lo dubol ila iso se, “En ata wo on guren kawan bidani dak i?”

⁵ Gidad tubuseip, tamol didad pe moni tubun mi lo tinjane wa. Tamol ta ananjar kisaek urat igane dak san naon, moni nek ago yak ka tinjane wa. Ago dop tamol filiad tia yak ka tupidinai a.” Agog ru dabai nam pein an dupei a.

⁶ Ak man Jesus ibol irupidai, “An pein en abisei! En ata wo muruan apani dak i? In man naj ninjeg o kulob sinjakan geig ak igane ya.

⁷ Saen fidian tamolpein filiad tia yak dida amado da, agod an ka ananem ilobol lo abinawai a, ak gug naj man saen milaen an da ta tumado na wa.

⁸ In mel kabelan igane wo idaisuda yan ago igane ya. In naj tinig fufo guren iwali

an lo man, in naisag sisanug mutou lo digane wak san dal ikubune ya.

⁹ Naj ru rumok nurupaian da. Tan dugon te bilalun uyanan en dubol ilasa wan, ante dam kulob e pein emaiak igane yen ninjen o dubol ilasap, lo pein en ninjen o ilo sou digane wa.”

Judas Jesus ager adi banid lo igane san promis ipidinai a

Mat 26:14-16; Luk 22:3-6

¹⁰ Agog Jesus san megeloum 12 an ilon lo tamol kisaek, yañan Judas Iskeriot, imasag pris gurman adi sad na yang, Jesus ager adi banid lo igane wo ilon ago ibol dan irupidai a.

¹¹ Ru an dulon go ilod uyanan a, ago tag in moni dupani wo ru dufuni a. Amaiak ninjen o nal an log ipalu, dal uyan ak ta ilep ate Jesus banid lo igane san ninjen o aban yabi se ya.

Jesus saen wadan megeloum dida anan diani a

Mat 26:17-25; Luk 22:7-14,21-23; Jon 13:21-30

¹² Bret yis aman tia yak san soubul gun, in san nal malmalan lo, megeloum adi Jesus san na dupalu ya. Nal an san saen lo man Isrel adi Pasova san sipsip nanun dufu dumat san a. Megeloum Jesus san na dilasag dusumianig dubol, “Onsa ilo lo, dugon te maup melmel mukubinep on ate Pasova san anan wani wo ubol dak i?”

¹³ An lo Jesus megeloum nunod uraru itarpasaig igo irupidai, “An aup taun tubun ak lo aladu wa. Ante man tamol ta you kapen anda isini ipalu dop ilian a. Ago dop njen aban ari wa.

¹⁴ Ab dugon te iladu wan, an dam ilon lo asudap, ab taman igo abol arupe, ‘Girek Manau igo isumiaen a, galun dugomaiak lo, ate najneg megeloum dida Pasova anan mani wak i?”

¹⁵ Agop galun tubun a ab fufo yen dan, agod ilon lo mel fidian dukubune lag idaisuda yen dan ikubiai panan a. Ante idsad anan akubune wa.”

¹⁶ Megeloum uraru an dal diabig taun tubun ak lo diau a. Ante mel fidian Jesus ibol ago mi dile ya, agog Pasova san anan dukubune ya.

17 Gurai idu dugo Jesus inanen megeloum 12 dida dupalu ya.

18 Saen in sisem tebol giranen na dumasiq anan diani dugo, Jesus igo ibol, "Nai rumok nurupaian da, tamol ta ete nai da anan tani tumado den, in nai ager adi banid lo iginiag nau a."

19 Ru an dulon go ilod muruan idu ya. Agog insed kisaek kisaek Jesus dusumianig dubol se, "Dugo nai tia i?" Ago ago dubol yau se ya.

20 Jesus ru naon ibol, "Tamol en man megeloum 12 lulunam lo imado da. Tamol nek a bret inanep daeg san tuor lo nai da sisem banima idu dan, nek amaiak nai ibilag pe ager banid lo nau a."

21 Tamol Nanun in nek ibol ru buk lo in ninen o digire an, nek ago mi yau da. Ak gug tamol enti a Tamol Nanun iganep inanen ager adi sad tuod lo yau an, rumok in muruan tubun kasik ak ile wa! An lo gidad tamol an san tinan ta igansi na tap, an in o uyanan mok a."

Jesus in bret agod wain da inaneg megeloum ipidinai a

Mat 26:26-30; Luk 22:14-20; 1Kor 11:23-25

22 Aria, in anan diani dugo Jesus bret inaneg, Anut ilo uyan ru ipanig yafuteg, inanen megeloum ipidinai dugo ibol, "An anane, en man naisag tinig."

23 Agog wain gab inaneg, Anut ilo uyan ipanig, iwa pidinaig, in fidian lo duluk a.

24 Agog in irupidaig ibol, "En man kontrak san dar, tamolpein wei mi sad aupasek isuas o nuwali idu wa."

25 Nai rumok nurupaian da, nai fon ai wain san nunon lo ta naluk na wa, ago yaup nal amaiak ante nai fon an da Anut san kagin panek aben lo taluk la gup ilasa wa."

26 Agog in Isrel san bar ta diabig itout go galun an dibiseig Did Oliv fo na disuda diau a.

Jesus Pita in ninen o itot ak ago ibol a

Mat 26:31-35; Luk 22:31-34; Jon 13:36-38

27 Diau dugo Jesus inanen megeloum adi ru igo irupidai, "Gamutidom nek en lo, an fidian mi nai nineg o ilom idu yaup

abisawag a. Man dugo, Anut san girek lo ru igo ibol,

'Nai titianek tamol nufuni wa,

agop insan sipsip adi dusol gidigidad diau a.'

28 Ak man Anut nai ibiagsap fon numasa la gup, nai an naom na imug mi Galili na nau a."

29 Pita irupeig ibol, "Tamol fidian in bo on ninen wo ilod idup dubusawo wak gug, nai man tia wa!"

30 Jesus awan yabig ibol, "Nai rumok nurupaio da, gamu tidom nek en lo kurek saen uraru gamugo ibob dop, nal utol on nai utot a."

31 Ak man Pita ru dabai ak nam irupeig, "Gidad, nai on da tamat bo man, nai on ninen wo ta natot na wa, tia geig a!" Ago dugo megeloum fidian mi nek ago mi dubol se ya.

Jesus Getsemani na igudani a

Mat 26:36-46; Luk 22:39-46

32 Ago man Jesus in dida, aben ta yanang Getsemani dubol dan ate diau a. Ante in megeloum adi irupidai, "An ente amasip amado dop, nai titin onte nau gudaneq niganen wo da."

33 Agog in Pita, Jems agod Jon dida inal go diau a. Saen an lo in fun iganeg ilon ipapao* dugo ilon dam muruan idu se ya.

34 An lo igo irupidai, "Nai ilog tubun mi muruan dugo namat o sumeik da. An gidad ete nai da malad ipuk pe tumado wa."

35 Ago dugo in ipar kitek ilag, sen ibilig tan fo idug yen dugo Anut igudani man, isop Anut ilon tap, nal en san muruan ka ipasi pani wa.

36 In igo ibol, "Bai, nai Tamag, on mel fidian ka gane wo idaisuda ya. On gab en nai banig lo ka pasi wa. Ak gug on naisag ilog ta uri na wa, tia, on man onsina ilo mi uri wa."

37 Agog in inanen megeloum adi sad na ipalug, malan yaug dien dugo yil a. An lo in Pita irupeig isumiani, "Saimon, en dugo, on nion wabi di? On auwa kisaek nai da malad ipuk pe tumado san ta idaisuda na yak i?"

38 On mala ipuk dop mosiai a, man dugo, kabelan mel ta ikubiano san ipalup ilio

* 14:33: Ilon itau

banau. Rumok, ilo ibol dak gug tini dabai ama tia ya.”

³⁹ Inj saen uraru imul yaug ago mi imosiai a.

⁴⁰ Saen imul ipalu man njon diabi dugo yil da ya, man dugo, malad muruan geig a. Inj ata ru durupei san ta dulon na ya.

⁴¹ Saen utol imosiai itout gug, megeloum adi fon sad na ipalug igo irupidai, “Anj njon abi dugo yaes abal yau dak i? An nek a! Ale, naisag saen idu wo da, Tamol Nanun aupasek tamol adi tuod lo digane san saen idu la ya.

⁴² Amasap, tau o da. Ale, tamol enti a naj ager tuod lo isodudunag san man sumeik ipanad la ya!”

Ager tamol adi Jesus diabi a

Mat 26:47-56; Luk 22:47-53; Jon 18:3-12

⁴³ Jesus injinjen go imado dugo Judas ipalu ya. Inj megeloum nunod 12 ak lulunad lo mi aben aman da ya. Inj ipalu dugo ida tumanek malan tubun ak inj sabiri agod tok dam duburoug naon na dilasa ya. Pris tutubu yak, kubiaen san girek manau adi, agod Isrel adi sad tamol gurman didinaig dupalu ya.

⁴⁴ Imug mi palan niganag tamol a inj tuod lo igane san man, kob ta dam ninjen o igo irupidai, “Tamol a naj musuk nupani dop ale wan, nek an Jesus, an tamol amaiak abip yu tamol adi dulubanip dinanep dida diau a.”

⁴⁵ Aria, inj Jesus san na ipalu kisaek on go ibol, “O girek manau” Ago ibol go musuk ipani a.

⁴⁶ Agog inj Jesus duparsikawig diabig dusebani a.

⁴⁷ An lo man tamol ta inj Jesus sinjren na itur an, sinan sabiri igursi go pris gurman san urat pinein ifunig, kududon ituteg idu ya.

⁴⁸ Jesus injanen ager adi irupidaig ibol, “En ata wo an sabiri inj ai tok da asinig aliag pe abiag o apalu yak i? Ak dugo, naj man wagai adi gabman mabi idu san gurman igo won ago ilom isou di? Nal fidian naj tempel aben lo numasi dugo nupitenanai se ya, ak gug an naj ta abiag na ya.

⁴⁹ Ak man melmel en fidian ilasa san fun man, ru gubak mi Anut san buk lo digire yan gamu en nunon ilasa wa.”

⁵⁰ Agog megeloum adi fidian mi Jesus dubuseig dusol go diau a.

⁵¹ Pinein ta, tinin yamel ta itabug on, Jesus njen aban iri se ya. Saen Jesus san ager adi pinein en dile man, diabi wo duparsikawi a. Insan yamel diabi a, gug inj yamel iragalig, banid lo ikisaluk ilasag,

⁵² yamel banid lo ibiseig taen kawan isol go yau a.

Jesus pris gurman naon na ru lo itur a
Mat 26:57-68; Luk 22:54-55,63-71; Jon 18:13-14,19-24

⁵³ Tamol adi Jesus diabi an, dinaneg pris gurman san ab lo diau a. Ante man kubiaen san girek manau adi, pris tutubui adi agod Isrel san gurman adi dutumani lag malan digane se ya.

⁵⁴ Ak man Pita inj Jesus njen aban irig diau ak gug, inj kitek asau mi imado ya. Inj pris gurman san ar lo iladug ai katuk adi dida dumado ya. Tidom an madid ninjen o yai lo tinid isue dugo dumado se ya.

⁵⁵ Pris tutubui adi, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak tap, ate dufunip imat san dal ta dile wo dukubiai na ya.

⁵⁶ Ak man tamol wei mi sewak ru amad da yan naod na dilasa bo man, dal ta dile man tia ya, man dugo, ru ta naon kisaek dubol ilasa man tia ya.

⁵⁷ Agog tamol aenta dutur man Jesus tinin lo dusupaleg igo dubol,

⁵⁸ “Man ru igo ibol dugo malon a. ‘Nai tempel e tamol banid nam dususe yen nurubep, nal utol lo mi foun ak nabisa wa, an man tamol banid nam ta dususe na ya.’ ”

⁵⁹ Gug dal sensen lo dam ru an dubol se ya, ru naon kisaek tia ya.

⁶⁰ Ago dugo pris gurman inj naod na itur dugo igo ibol Jesus isumiani, “On ru naon ta ubol san tia yak i? Ru e on nje wo tamol emaiak dubol den dugo yak i?”

⁶¹ Ak man Jesus ru ta ibol man tia ya, itokubol itur se ya.

Agog pris gurman fon Jesus isumiani, “Dugo, on Kristus, Anut Nanun i?”

⁶² Ago man Jesus igo ibol irupe, “Awo, naj mi Kristus. Anj murna gup Tamol Nanun inj Dabai Tubun Geig ak san banin

won ak ate imasi dop ale wa. Agod Tamol Nanun keit san timtaen fufo na imado dop ipalu wa, mel amaiak dam ale wa.”

⁶³ Agog pris gurman, ru an ninjen o imasa saian go injanen kulos irasireg igo ibol, “Gidad, tamol taidam, tamol en san kagin ninjen o dubol ilasa san id ta tigi ai na wa.

⁶⁴ Man dugo, gamu geig injanen ru lo Anut yanan irube idu yan ansem aloŋ a. Ansam ilo sou lo, dugo won id tamol en ninjen o tigane wak i?”

In fidian dubol ak, tamol en mel saian geig ak igane, an ninjen o ka imat on a.

⁶⁵ Ago man in Jesus naon fo na dulusu se ya. Aenta Jesus yamel nam malan dufoug banid nam dufuni dugo naon dugufute on dugo igo dubol se, “Profet ru ubol ilasa!” Ago dugo yu tamol adi tinin dusue ditare se ya.

Pita Jesus ninjen o itot a

Mat 26:69-75; Luk 22:56-62; Jon 18:15-18,25-27

⁶⁶ Aria, Pita in ab patun fo ar ilon lo imado dugo, pris gurman san urat pein ta sijiren na ipalu ya.

⁶⁷ Saen Pita yai giranjen na tinin isue dugo ile man, malan ti ibol go irupe i, “On dam Nasaret tamol amaiak ida amado na ya.”

⁶⁸ Ago dugo Pita ru a pein ibol an ninjen o itot go igo ibol, “Ru on ubol dan nai ta nalon na ya, nai mel en ninjen o njanen geig a.” Ago ibol go yaug ar san dalawan te imado.

⁶⁹ Murna gug dalawan te imado dugo, urat pein an fon ileg ninjen o tamolpein sumeik dumado yan fidian irupidai, “Tamol en in lulanad lo imado se ya.”

⁷⁰ Pita fon itot a.

Saen kitekan go tamol adi sumeik dutur an Pita durupeig dubol, “Rumok geig, on in lulanad lo mado da, man ata wo, on Galili tamol.”

⁷¹ Agog Pita in Anut misilane k ru ka ipani wan ninjen o ru naok ago yan lo, fun iganeg sen imisilanig igo ibol, “Nai tamol en ninjen o abol den ta nalon na ya.”

⁷² In ru ibol itout dugo, kurek saen uraru ibob kisaek on a. Ago dugo Pita in Jesus ru ibol an ilon isou a, “Kurek gamugo saen uraru ibob dop, saen utol nai ta ulon na

yak ubol a.” Ago man in ilon ipapaog tinan tubun mi igane se ya.

15

Jesus dijaneg, Pailat san na diau a

Mat 27:1-2,11-14; Luk 23:1-5; Jon 18:28-

38

¹ Salso idu dugo pris tutubui adi, Isrel tamolpein sad gurman adi, kubiaen san girek manau adi, agod injaned Sanhedrin kaunsil fidian mi mel dugomaiak digane wo awad kisaek a. Agog Jesus banin dusubanig, dijaneg, diaug Pailat banin lo digane ya.

² Pailat Jesus isumiani, “On Juda sad kin ak i?”

Jesus ru naon irupe i, “Awo, onse nek ubol a.”

³ Agog pris gurman adi ru wei kasik Jesus tinin dusupaleg dubol se ya.

⁴ Amaiak ninjen o Pailat irupeig isumiani, “Ulon, in ru sapita wei mi dupano da. Ak dugo, on ru naon ta ubol san tia yak i?”

⁵ Ak man Jesus ru naon ta Pailat irupe i man tia ya, an ninjen o Pailat ilo sou wei mi igane se ya.

Pailat Jesus aigim fo dibali wo ibol a

Mat 27:15-26; Luk 23:13-25; Jon 18:39-19:16

⁶ Aria, ananar fidian, tumanek gun an san saen lo mi, injaned tamol kagin igo ya. Gabman san tamol malan te yak, subanek tamol kisaek o lian amaiak tamolpein yanan dupate dop, ipasip kawan imado wa.

⁷ Saen an lo man tamol ta yanan Barabas in wagai tamol aenta dida subanek lo dumado ya. Wagai tamol emaiak Rom gabman malan dusue wo dumasag ager diganeg tamol aenta dufu dumat a.

⁸ Aria, tamolpein dutumanig dutur den Pailat san na duparsikawig dusumiani man, kagin a gubak mi iri na yan gamu en dam iri wa.

⁹ Agog Pailat doup tubun adi isumianaig ibol, “An ilom dugo ibol di? Juda sad kin nubuseip anjam na imul o?”

¹⁰ In ilon uyan ak man, tamol adi an in turak susai lo mi Jesus dijaneg kot lo dupalu ya.

11 Ak gug pris tutubui adi tamolpein dududuwai dugo ilod diabisa dop, in Pailat duwagin pe Barabas ipasi wo dubol a.

12 Agog Pailat ibol isumianai, “Ago yak ninen o anjam ilo sou lo, Jesus e an Kristus abol den ninen o naj dugo njigane wak i?”

13 Agog in disasai, “Aigim fo bali wa!”

14 Pailat isumianai da, “An ata mel o? In ata mel saian ak igane yak i?”

Ak man in awad tubun mi geig disasai, “Aigim fo bali wa!”

15 Man ninen o Pailat doup tubun an ilo uyan ipidinai o ilon ago ibol ak ninen o, in Barabas insad na ipasi a. Agog ru iganeg Jesus diabig rasau nam dufuni a. Dufunig itout go inanen yu tamol adi banid lo aigim fo dibali wo igane ya.

Yu tamol adi Jesus kukok aman digane ya

Mat 27:27-31; Jon 19:2-3

16 Agog gabman malan te yan san yu tamol adi, Jesus dijaneg gabman san ab lo diau a. Ante man in Pailat san yu sawar fidian mi dupalu wo digiai a. Dupalug Jesus san na dutumanig dubuluwi a.

17 In yamel daran ak ta tinin fo na ditabug pani a. Ago dugo in kam dudurun aman da yak, kin san kitikat igo won ditiladeg, Jesus kabunan fo na disisi idu ya.

18 Agog in kukok aman digane dugo igo dubol, “Per o, Juda sad Kin!”

19 Agog tinin fo dulusu se ya, ago dugo makud dijaneg ate kabunan te dufuni idu se ya. Ago dugo naon na turud disoluwig, yanjan diabisa dugo kukok aman digane se ya.

20 Saen kukok aman digane itout man, yamel dupasig tinin fo insiganen kulos digane pani a. Agog aigim fo dibali wo dijaneg diau a.

Jesus aigim fo dibali a

Mat 27:32-44; Luk 23:26-43; Jon 19:17-27

21 Jesus dijaneg turen diabig diau dugo, yu tamol adi dal na taun Sairini san tamol, yanjan Saimon, dile ya. In man Aleksanda in Rufus da sad tamad, aban lubanek ibiseig dal Jerusalem na yau ante Jesus irinani wo itor dugo, yu tamol adi dile ya. In disodudunig Jesus san aigim isini a.

22 In diaug aben ta lo dilasa, yanjan Golgota. Yanjak an fun igo ya, “Kabunjak tatu san aben.”

23 Aben ante dilasag, marasin yanjan mirr dubol dan wain da dukubulig Jesus iluk o dupani a, ak gug in ta iluk na ya.

24 Agog in Jesus aigim fo dibali a. In dibali itout go insed nug ilon lo insan kulos dibititip anen anen kulos dijaneg wo ate satu dukok se ya.

25 Ad mitilaen 9 kilok, saen an lo Jesus aigim fo dibali a.

26 Ru ate kot dupani an, aigim fufo na dubali a. Ru en san sutek man, En Juda sad Kin.

27-28 Agog Jesus giranen na man, gumagam tamol wagai amad da yak nunod uraru in dam aigim fo dubalaig dusanai a. Insad aigim man turan tuon won ak ate dugo, turan tuon nas ak ate duguni a.

29 Inanen ager adi diau dumul dugo nao futek ru wei mi tinin fo dubal dugo, kabunjad dukupari pani na ya. In dubol a, “On man tamol amaiak tempel ratitale idup, fon ad utol lo wabisa wo ubol a!”

30 Aria, se patu ipaso wa, gamu en aigim biseip tan na udu wa!”

31 Nek ago mi pris tutubui adi, kubiaen san girek manau adi dam, sed lulunjad lo kukok an digane se ya. In dubol se, “In tamol aenta patud ipasi na yak gug, sen patun ipasi san man tia ya!”

32 En man Kristus, Isrel sad Kin. An ninen o in aigim ibiseip idu dop, an lo id tile dop ka ilod lo rumok a.” Dal kisaek mi lo tamol uraru a Jesus dida aigim fo dusanai an dam nao futek ru wei mi tinin fo dukulmaek se ya.

Jesus imat a

Mat 27:45-56; Luk 23:44-49; Jon 19:28-30

33 Ad mitilaen 12 kilok an lo, tidom tubun tan yafutani geig go yaug 3 kilok gurai isi a.

34 Saen kitek 3 kilok sumeik ipani dugo, Jesus awan tubun mi iwagin dugo ibol, “Eli, Eli, lama sabaktani?” Ru en fun igo ya, “Naisag Anut, naisag Anut, en ata wo naj bisawag ak i?”

35 Tamol aenta sumeikan dutur dan, ru en dulon go ago dubol, “Alon, tamol en man Elaija iwagi da.”

³⁶ Ago dugo yu tamol ta in imaspalu yau silatik on go, mel ta beig san titalin igo won ak inaneg, wain gigen an lo isominig, dumadum ate ifoug, Jesus awan te isou isudag iluk o iwate ya. Agog in ibol, “Amoi dop id tile gup, nap Elaija ipalup aigim lo ipasip idu wo ipalu wak boi, nap tia boi.”

³⁷ Agog Jesus awan tubun mi iwagin go yaes ibal itout go imat a.

³⁸ Saen nek amaiak lo mi, yamel tubun ak tempel lo iyuk yen an, o lak na fun iganeg imasireg yaug tan na idu ya, agog uraru dilasa ya.

³⁹ Saen yu tamol sad gurman Jesus naon na itur an, Jesus wagin dugo ilon, agod dal dugomaiak lo imat man, in ibol, “Rumok geig, en man Anut Nanun!”

⁴⁰ Pein adi aenta ate dumado se yan, asau mi dutur dugo leil digane ya. Lulunad lo pein kisaek ta man taun Magdala san Maria, agod ta man Maria, Jems a bakan ak dubol dan in Joses da tinadi, agod Salome.

⁴¹ Pein adi an saen Jesus Galili ilon lo turen yabi dugo dubunawi wo njen aban diri na ya. Pein aenta wei mi dam in Jesus dida Jerusalem na dupalu yan luad disa dugo leil digane se ya.

Jesus san tubabun pat gubaran lo digane ya

Mat 27:57-61; Luk 23:50-56; Jon 19:38-42

⁴² Nal amaiak man yan an Kubunek Nal dubol da. (Nal tinin te ubou san nal.) Amaiak ninen o saen gurai idu dugo,

⁴³ Josef Arimatea san tamol, in man Juda sad Sanhedrin kaunsil lulunad lo tamol kisaek a, agod in dam Anut san kagin panek ilasa wo malan igane se ya. In sen ilon yabisag Pailat san na yaug Jesus san tubabun ipani wo isumiani a.

⁴⁴ Saen Pailat Jesus imat la yan ilon man, irut saian. Yu tamol sad gurman ipalu wo iwagi a. In ilasa dugo Pailat isumiani, “Dugo, Jesus imat la yak i? Tia, gamugo di?”

⁴⁵ Yu tamol gurman an Jesus imat la yan irupe i a. Ago yak ninen o Pailat Josef Jesus san tubabun ipani a.

⁴⁶ Josef yaug yamel ikokan foun geig ak idad a, agog yaug Jesus san sisanun aigim fo ipasig, yamel an ate ibuluwig, isinig yau a. Agog mutou foun ak lo igane ya. Mutou

an man pat san gib, gubak mi pat lo diabi a. Aria, Jesus san sisanun pat gib an ilon lo yen dugo, Josef pat muruan tinan ak ta ibili ipalug mutou awan ate ibalfutani a.

⁴⁷ Ago dugo Maria, Magdala pein, agod Maria ta Joses tinan, nunod urarum Jesus dugon te digansig yen den leil dupani a.

16

Jesus fon kumaen imasa da ya

Mat 28:1-8; Luk 24:1-12; Jon 20:1-10

¹⁻² Aria, ubou nal Sabat dubol dan itout go nal murna, ubou turan san nal malmalan ak, san salso sumeik idu se ya. Saen an lo taun Magdala san Maria, Maria ta in Jems tinan, agod Salome, in marasin uyan ak ate sisanun tinid dububuni wan dinane diaug ate Jesus san sisanun dububuni wo mutou fun na diau a.

³ Turen diabi dugo in nug dusumiani, “Enti mok pat tubun a mutou awan te yan ibilip yau panad ak i?”

⁴ Mutou fun na dilasag malad diabisa man, pat tubun an dubulig yaug, gigin na yen dugo dile ya.

⁵ Saen pat gubaran ilon lo diladu man, malad yaug pinein ta yamel milkouk di milae ak igane yan dile ya. In pat gubaran titin won ak lo imasig imado se ya. Dile man durut go direr saian geig a.

⁶ Agog in irupidai, “An arut arer amoi. An Jesus Nasaret san tamol aigim fo dibali amaiak aban an abi da. In kumaen imasa ya! In ete man tia ya. Apalup, aben e diganeg yen en ale.

⁷ Ago yak ninen o amul aup, inanen megeloum adi, Pita dida, bilalun en arupidai a, ‘In imug mi Galili na yau dop an apalu wa. Onte gup ale wa, nek ibol in sen gubak mi irupidai ak ago ya.’ ”

⁸ Agog pein utol an dusuruwor dugo ilod ibarkikaruk saian geig a. An ninen o pat gubaran dibiseig kuai te dilasag dusol go diau a. In ru ta tamolpein aenta lo mel an ninen o ta dubol ilasa na ya, man dugo, in direr geig a.

Magdala san Maria Jesus ile ya

Mat 28:9-10; Jon 20:11-18

⁹ Aria, Jesus imasa yak san nal man, ubou turan san nal malmalan ama ya.

Saen an lo in imug mi Magdala san pein Maria, naon na kuai isi dugo ile ya. Wagam mi Jesus ur sisaiak 7 pein an tinin lo iku-daig diau ak ama ya.

¹⁰ Pein an yaug, tamolpein a gubak mi Jesus dida turenj diabi na yan, ilod ipapao dugo ditata on se yan in sad na ilasag mel dugo ilasa yan ninen o irupidai a.

¹¹ Ak gug saen Jesus kumaen imado dugo Maria ile man, ru ibol an ninen o ilod rumok man tia ya.

*Megeloum uraru dal te Jesus dile ya
Luk 24:13-35*

¹² Murnag tamol uraru gubak mi Jesus njen aban diri na yan, Jerusalem lubanek ilon lo turenj diabi se ya. Dal im diau dugo, Jesus naod na ilasa man naon tinin sen geig, agog dida diau se ya.

¹³ Tamol uraru emaiak dumul diaug aenta durupidai a, ak gug in tamol uraru an dam ilod lo ta rumok na ya.

*Jesus megeloum murnap ata digane wak
ninen o irupidai a*

Mat 28:16-20; Luk 24:13-53; Jon 20:19-23; Apo 1:6-8

¹⁴ Murna gug saen megeloum 11 anan dunuai man, Jesus kuai isi dugo dile ya. Jesus ipidai a, man dugo, in ilo rumok amad tia ya, agod ilod dabai geig ak on in tamolpein a Jesus kumaen imasa gug dile yan, in sad ru ilod lo rumok an ninen o dumoi a.

¹⁵ Jesus irupidai, “An amasap, tan fidian lo ator dop, tamolpein fidian mi ante dumado dan bilalun uyanan en afulalep dulon a.

¹⁶ Ensauta a ilod lo rumok pe suguek dinane dan patu pasek dinane wa. Ak gug ensauta a ilod ta rumok na yan kot lo diau dudup dideg diau a.

¹⁷ Agod kulob naok igo yan man, tamolpein a nai o ilod rumok dan dida diau a. In nai yanag lo ur sisaiak adi dukudaip diau ak, in muroun ru sensen ak dinanep ate dinin a.

¹⁸ In sed banid nam mot wagai ak duburou a. In marasin saiak ta tamol ifuni imat san ka duluk a, gug ta dumat na wa. Agod inaned banid subam adi tinid fo diganep uyadi da wa.”

*Jesus kumaen panu na isuda yau a
Luk 24:50-53; Apo 1:9-11*

¹⁹ Tubun ak Jesus ru an fidian irupidai itout man, Anut in inaneg isuda yaug kumaen panu na ilasa ya. Ante man in Anut san aben malan te banin won ak lo imasig imado da.

²⁰ Agog inanen megeloum adi dufurak go, gidigheid diaug inanen ru dubol ilasa na ya. Agod Tubun en in sen in dida urat digane se ya, ago dugo kulob funfun kob aman da idiri dilasa yan lo tamolpein dile man, inanen ru man ru rumok a.

Luk

Luk girek en Tiofilas san na igane yau a

¹ O tamol tubun en Tiofilas, tamol wei mi melmel a man lulunama lo nunon dilasa yan ninedi wo digire la ya.

² Melmel nek an, tamolpein a sed malad lo dil an durupaiamag malon a. Tamolpein en gubak mi ru en kagin dupani uyan se ya, agod ru dugo durupaiama na yan, ru nek an mi migire idu ya.

³ Naiseg mi melmel an fidian, fun lo dilasag ipalu yan nupupi nile ya. An ninen o naisag ilo sou lo mel en uyanan a, nai gamu mel en fidian tet mi ka ngire pano wa.

⁴ An lo dop melmel a dipitenano yan sad fudi mok on ulon sinjakan a, agod mel amaiak fidian rumok an dam ulon a.

Jon ilasa wak ninen enel ta Sakaraia irupeia

⁵ Saen Herod in Judea provins sad kin imado dugo, pris ta dam imado se ya, yan Sakaraia. In pris biatitek lulunad lo a yan Abaija dubol dan san tamol ta. In Aron san gugoi lo ilasa ya, iwon Elisabet dam in Aron san dar lo ilasa ya.

⁶ Tamol an iwon da Anut malan lo itaot a, ago dugo in Tubun ak san kubiaen agod ru kagin an fidian duri dupani se ya, agod talpein ta inaned kagin an ninen o ru ta ibol san tia ya.

⁷ Ak man in nanuk amad tia ya. Man dugo, Elisabet in pein niganig, taida mi, uraru an mel saiak digane la ya.

⁸ Biatitek a lo, saen tamol dumado se yan tempel lo urat disini dugo, Sakaraia dida urat digane se ya. Nal ta lo in Anut naon na pris urat igane se ya.

⁹ Aria, pris sad kagin lo, inanen urat kisaek adi dipiliani a. An lo in Anut san tempel lo iladup, ante alta san yai fo yaikas mumalum iwen sinjakan dan igane wo, kob dupani a.

¹⁰ Aria, yaikas an igane san saen ilasa dugo, tempel lo iladug ago igane se ya, ago dugo tempel patun fo tamolpein a ubou dile wo dutumani an gadin digane se ya.

¹¹ Saen nek an lo Tubun en san enel Sakaraia naon na ilasag, yaikas mumalum iwen dak san alta giranen won ak lo itur a.

¹² Saen Sakaraia enel an ile man, irut saian geig go irer a.

¹³ Ak man enel an irupeig ibol, "Sakaraia, on urer umoi. Anut onsa gudanek ilon ya. On iwo Elisabet nanuk tamol ak ta igansi wa, ago dop yan Jon ubol a.

¹⁴ In on ilo bulbal ipano dop on ilu uyanan geig a. Agod tamolpein wei kasik in ilasa yan ninen o yousai digane wa.

¹⁵ Man dugo, in Tubun en malan lo tamol tubun ak imado wa. In wain, ayu naon sensen ak dam ta iluk na wa. Agod saen tinan igansi man, in Awan Urgun inane tinin inane futep pempem ago imado wa.

¹⁶ In Isrel lulunad lo tamolpein wei kasik in ilaip, dida fon dumul pe insad Tubun ak Anut san na diau a.

¹⁷ In Tubun ak naon na imug pe dal ikubune wa. Elaija san ur lo, agod Elaija san dabai lo dam ago igane wa. In idiraip nanuk tamad dida ilod ibilisap, nug ninen o dumat a, agod tamol silei ak ilod ibilisap, tamolpein itaot ak sad kankan milaen ak dinane wa. An lo dop insan urat an lo in tamolpein ikubuniaip, Tubun ak ipalu wo malad diganep dumado wa."

¹⁸ Ago tag Sakaraia enel an isumiani, "Nai iwog da mel saiak migane ya. Dugo won pe ru ubol an nunon nalon ak i?"

¹⁹ Agog enel an ru naon irupeig ibol, "Nai Gabriel. Nai Anut naon na natur da. Anut sen nai idinag go, ru uyanan en nrupaio wo nupalu ya.

²⁰ Ak man on naisag ru en ilo lo ta rumok na yak ninen on awa itaup mado wa. Ago mado yaup ru an nunon ilasa gup, awa ipuk pe, nibe wa. Naineg ru inanen saen fo mi nunon ilasa wa."

²¹ Ago dugo tamolpein a kuai te Sakaraia dititianig dumado dan, ilo sou wei kasik digane dugo dubol, "Ata mel mok igane dugo saen milaen kasik imado di?"

²² Murnag tempel lo kuai te ilasa man, tamolpein ru irupidai san tia ya. Ago tag in dulon ak, Sakaraia tempel lo malan nutun ile yan lo, ininon san tia yak ninen o, banin nam toutou igane se ya.

²³ Aria, inĵ urat isini san saen itout go inĵiganen ab lo imul yau a.

²⁴ Murnag iwon Elisabet luan anda ya. An ninĵen o kalam 5 ab lo imianuk imado se ya.

²⁵ Ago dugo ibol, “Tubun en mel en igane panag a. Gamu inĵ ilon ipanag a, agod nĵaisag miai tamolpein naod na ipasi yau a.”

Jesus ilasa san ninĵen o enĵel ta Maria irupeĵi a

²⁶ Elisabet luan andag kalam 6 yau dugo, Anut enĵel Gebriel idinig, Galili provins lo taun ta yaĵan Nasaret, atna yau.

²⁷ Inĵ pein baras itaot ak ta san na yau a. Pein an yaĵan Maria. King Dawid malan kubulan ta yaĵan Josef dubol dan nĵien du-pani a.

²⁸ Gebriel inĵsan na yaug ibol, “Ilo uyan dop mado. Anut ipitiano dak, inĵ ilon ipano dak, inĵ onĵ da amado da.”

²⁹ Maria ru an ilonĵ go ilon weiwei dugo ilon lo ibol, “Ilo uyan ru naok ago yan fun dugo mok ak i?”

³⁰ Ago tag enĵel irupeĵig ibol, “Maria, onĵ urer umoi. Anut onĵ o ilon uyan da.

³¹ Onĵ lua ama dap, nanuk tamol ak gan-sip yaĵan Jesus ubol a.

³² Inĵ tamol tubun ak imado dop, Anut lak na geig an Nanun dubol a. Agop, Anut iganep inĵ kinĵ ilasap, tubun bagen Dawid imado yak ago mi imado wa.

³³ Inĵ Isrel tamolpein pempem mi itirnaip imado wa. Inĵsan kagin panek wadan an itout san tia ya.”

³⁴ Ago tag Maria enĵel isumianig ibol, “Nĵai tamol da gamugo mator da, an lo mel an dugo woĵ ilasa wak i?”

³⁵ Enĵel an ru naon irupeĵi, “Awan Urgun onĵ lo idup, Anut lak na yan san dabai onĵ ituano wa. An ninĵen o nanuk a mitep gansi wan gun a, agod tamolpein inĵ Anut Nanun dubol a.

³⁶ Ulonĵ. Onĵ nibi Elisabet pein saiak bo man, inĵ dam luan anda ya. Imug inĵ niganig dubol na ya. Gug gamu inĵ luan andad kalam 6 ibisei la ya.

³⁷ Man dugo, Anut inĵ lo man mel fidian pasauman a, ta muruan man tia ya.”

³⁸ Ago tag Maria ru naon irupeĵi, “Nĵai Tubun en san urat pein mi a. Ago yak ninĵen

o ubol dan ago nĵai lo ka ilasa wa.” Agog enĵel an Maria ibiseig yau a.

Maria Elisabet ile wo yau a

³⁹ Saen an lo, Maria biounĵ ikubuneg, Judea Provins lo panu ta tan bubun titinĵae ak ate ririan yau a.

⁴⁰ Yaug, Sakaraia san ab ilon lo iladug, Elisabet ilo uyan ru irupeĵi a.

⁴¹ Saen Elisabet Maria san ilo uyan ru ilonĵ man, inĵanen nanuk tinĵaen lo isokalik a, ago dugo Urgun ilon inĵanefuteg,

⁴² awan tubun mi ibol, “Onĵ pein fidian lulunĵad lo Anut san bar nĵaneg mado da. Nanuk a onĵ gansi wan inĵ dam Anut san bar inĵaneg imado da!

⁴³ Nĵaineg Tamol Tubun ak tinan ilon ipanag go, nĵai iliag o ipalu ya. Ata wo bar an ipanag ak i?

⁴⁴ Ulonĵ, saen onĵ nĵai rupaiag man tinĵaeg lo nanuk youn anda isokalik a.

⁴⁵ Onĵ bar ama da mado da, man dugo, mel a Tubun en irupaio yan nunĵon ilasa wan ilo lo rumok go awan wabi a.”

Maria san bar

⁴⁶ Agog Maria ibol:

“Nĵai nĵutug Anut yaĵan yabisa da,

⁴⁷ agod nĵaineg ur Anut enti patug ipasi wan lo youn isa da.

⁴⁸ Man dugo, nĵai pein kawan, yaĵag tia ya. Gug inĵ nĵai o ilon isou a.

Gamu en, agod nal murnai san fidian, tamolpein fidian nĵai ninĵeg o ago dubol a, ‘Pein en bar inĵaneg imado da.’

⁴⁹ Man dugo, Enti a dabai fidian anda yan, mel tubun geig ak nĵai o igane ya.

Rumok, inĵ yaĵan gun a.

⁵⁰ Inĵanen ilo munĵanek, tamolpein ensauta a inĵ o direr dan ituanaĵi da,

tamolpein e gamu dumado den ituanaĵi da, agod malad kubulan a mur-nap dilasa wan dam mi a.

⁵¹ Inĵ tuon nam kulob dabdabai ak idiri dugo teil a,

Tamol sed bubed lo tutubu dubol dugo yaĵad diabisa dan irubai diau a.

⁵² Kinĵ dabdabai an ibiai dudu dugo, tamolpein a yaĵad tia yan ibiaisa ya.

⁵³ A dumatigen dan melmel uyan uyan ak nam ifutuwaig inĵ luad ipuk a.

Ago dugo a filiad anda yan idinaig sen dilasag banid kawan diau a.

⁵⁴ Inanen urat tamol Isrel ibinawai a, inanen ilo muñanek ikubiai pidinai an ilon ta inañ na ya.

⁵⁵ Tia, ilo muñanek an in Abraham inanen malan kubulan dadi pempem ikubi-aip dile dop na wa, nek ibol tubud baged wagam irupidai ak ago mi a.”

⁵⁶ Aria, Maria Elisabet da kalam utol dumado gug, fon imul go sen naon na yau a.

Elisabet Jon igansi a

⁵⁷ Elisabet nanuk igansi san nal idaisudag, nanuk tamol ak igansi a.

⁵⁸ Tubun en Elisabet ilon imuñani an muroun muroun duloñ go in dam youdi isa se ya.

⁵⁹ Nanuk igansig nal 8 yau dugo, nanuk tinin sunulon dutute wo, taman waian diganep Sakaraia dubol o dupalu ya.

⁶⁰ Ak man tinan imoig ru igo ibol, “Tia, yañan Jon tabol a.”

⁶¹ Agog in durupeig dubol, “Ak man on murou murou luluñad lo yañak ta ago man tia ya.”

⁶² Agog in banid nam Sakaraia toutou dupanig, nanuk yañan ipate wo dusumiani a.

⁶³ Ago tag Sakaraia banin nam toutou igane dugo tafel (slet) dupanig, fo nanuk yañan igire: “In yañan Jon.” Agog in fidian durut saian a.

⁶⁴ Gamu nam Sakaraia awan ipuk go fun iganeg ininon dugo, Anut yañan yabisa ya.

⁶⁵ Agog ab susumeik an abañ ago dileg, durut saian a. Ru an Judea ilon lo panu panu tamolpein fidian duloñ go, kubol en ninen o dininon se ya.

⁶⁶ Tamolpein a fidian ru a duloñ an ilod weiweig nug dusumiani, “Ak dugo, nanuk an san madok murnap dugo wak i?” In kuai tem dile yak Anut anen tuon dabai nanuk an da ya.

Sakaraia san bar

⁶⁷ Awan Urgan Jon taman Sakaraia ilon inañefuteg, in profet ru en ibol a,

⁶⁸ “Id Tubun en per tupani wa, in mi Isrel san Anut.

In ipalug inñsan tamolpein yil go idad inñal a.

⁶⁹ In tamol dabai ak ta, id patud ipasi san igane ilasa ya.

Tamol en man, inñsan urat tamol Dawid san dar lo ilasa ya.

⁷⁰ Wagam na mok inñsan profet gun adi awad lo ru en ibol:

⁷¹ In idsad ager banid lo ipasad inñiliad a. Agod tamol a id lo siai digane dan tuod lo dam ipasad inñiliad a.

⁷² In idsad tubud baged ilo muñanek ikubiai pidinai a.

Ago dugo inñsan kontrak gun an ninen o ilon isou a.

⁷³ In idsad tubud baged Abraham ru promis en irupeig ibol:

⁷⁴ Id ager tuod lo ipasad pe id ilo urer tiap, inñsan urat tigane wa.

⁷⁵ Id saen fidian tan e lo tumado den lo, in naon na kagin gun ak lo, agod kagin itaot ak lo dam ago tigane wa.

⁷⁶ O ñai nanug, on Anut lak na geig ak san profet dubol a.

Man dugo, on umug pe Tubun en san dal kubune pani wa.

⁷⁷ Inanen tamolpein patu pasek ka dinane wan, on mañau en pidinai a,

Anut inañed aupasek isuas pidinai dan lo patud ipasi san duloñ fufei a.

⁷⁸ Idsad Anut inanen ilo muñanek lo ago igane ya.

Inñsan ilo muñanek lo, in Nanun ad isuda dak igo won kumaen panu nap idsad na ipalu wa.

⁷⁹ Agop inanen lilaman tamolpein a tidom tubun lo dumado dan, agod maten san mirau lo dumado dan dam, tinid isapudade wa.

Agop maror san dal ikubiai panad pe fo tator a.”

⁸⁰ Nanuk an italbusig inanen nñutun lo dabai inañeg imado se ya. Aria, in aben kawan ak lo imado yaug, inñsan saen fog Isrel tamolpein malad lo kuai te ilasa ya.

2

Maria Jesus igansi a

Mat 1:18-25

¹ Saen an lo Rom gabman gurman Kaisa Ogastas kubiaen ta igane ya. Tamolpein a

tan fidian lo Rom gabman paen na dumado dan, yanadi buk lo digire wo ibol.

² (Yanja kubunek en malmalan a, saen Kwirinias in Siria san gurman imado yan lo ilasa ya.)

³ Agog tamolpein fidian insiganed fun panu lo yanad dukubune wo diau a.

⁴ An ninen o Josef dam Galili distrik lo panu ta yanjan Nasaret ibiseig, Judea na panu ta yanjan Betlehem dubol dan te yau a. Aben an Kin Dawid san panu fun. Josef in Dawid malan kubulan, amaiak ninen o in ante yau a.

⁵ Josef in Maria njen dupani ak ninen o inanege ida diau a. Saen an lo Maria in luan anda la ya.

⁶ Betlehem na mi dumado dugo, Maria nanuk igansi san saen idu ya.

⁷ Agog nanuk matu tamol ak igansig, yamel nam ibuluwig, makau ab lo makau sad anan nuaen san kunup* lo iganeg yen a. Man dugo, lou ab lo dusumiai ak man aben fidian awan isa la ya.

Enel sipsip titianek tamol adi sad na ilasa ya

⁸ Tidom lo panu gigin te sipsip sad titianek tamol kuai te sipsip kagin dupidinai dugo,

⁹ Anut san enel ta sad na ilasa ya. Anut san lilaman aban isapudade yan dileg durer dugo dusuruwor saian geig a.

¹⁰ Ak gug enel an irupidaig ibol, "Arer amoi. Nai ru uyan ak njurupaian o njupalu ya. Tamolpein fidian mitep ilodi uyanan geig a.

¹¹ Tidom nek en lo Dawid san panu lo anjam patu pasek tamol ilasa ya. In man Kristus, ananem Tubun a.

¹² In ale san kob igo ya, au gup nanuk an yamel nam dubuluwig, makau sad anan nuaen kunup lo yen dop ale wa."

¹³ Ago ibol man, gamu nam Anut san yu doup enel adi malan wei mi kuai disig, enel malan te yan ida Anut per dupani se ya. Ago dugo igo dubol,

¹⁴ "Aben lak na geig ak lo, Anut girager anda yanjan mabisa da.

Ago dugo tan na, tamolpein ensauta a Anut ilon ipidinai dan, inanen maror ipidinai a."

Sipsip titianek Jesus dile wo diau a

¹⁵ Saen enel fidian mi dumul go kumaen panu na diau man, sipsip sad titianek tamol an sed nug durupe, "Betlehem na taup, mel e ninen o Tubun en irupiad en tile wa."

¹⁶ Agog ririan diaug, Josef in Maria da dil dugo, nanuk an dam makau sad anan nuaen kunup lo yen dugo dile ya.

¹⁷ In nanuk dile la gug, ru a nanuk an ninen o enel irupidai an dijaneg panu susumeik an lo tamolpein durupidai se ya.

¹⁸ Ago dugo fidian a ru an dulon man, durut saian go ilod weiwei se ya.

¹⁹ Gug Maria ru an fidian ilon lo igane ya, ago gug saen wei mi mel an fidian ilon isoug kankan igane se ya.

²⁰ Agog sipsip titianek tamol an dumul go sipsip sad na diau se yan, Anut yanjan diabisa dugo per dupani a. Man dugo, nek enel irupidai ak ago, mel a fidian ilasa yan, agod ru a fidian dulon an dam, itaot ilasa dugo dile ya.

Jesus yanjan digane ya

²¹ Nanuk ilasag nal 8 yau dugo, nanuk tinin sunulon dututeg, yanjan Jesus dubol. Maria gamugo luan anda dugo yanak an enel ipalug Maria irupe ak fom dupate ya.

Simion in Ana da Jesus tempel lo dile ya

²² Moses san kubiaen ago ibol, pein enti nanuk igansip nal 40 yau dop in fon ikok ilasa da wa. Aria, Maria malan iganeg nal 40 yau itout go, Josef Maria da Jesus dijaneg Jerusalem na diau a. Ante in Jesus dijanep Tubun en dupani wo diau a.

²³ Man dugo, Tubun en san kubiaen lo ru igo digire ya, "Nanuk matu ak fidian man inaned tinad tamad dijal diaup Tubun en dupani wa, an lo dop saen fidian Tubun en wagen lo gun dutor a."

²⁴ Kubiaen an ibol, "muluk uraru, tia tap, anakanak nanun uraru muluk on ak Anut yai gane pani wa." Aria, Josef in Maria da kubiaen an dirig yai niganag naok an digane ya.

* 2:7: Daeg tubun ak

²⁵ Aria, tamol ta Jerusalem na imado yan yaŋan Simion. Inj tamol itaot, agod Anut awan paen na imado ya. Anut Isrel tamolpein ibinawai san saen ilasa wo, malan iganeg imado se ya. Inj lo dam Urgun imado ya.

²⁶ Gubak mi Awan Urgun irupeig ilonj ak, inj gamugo imat dop Anut anen Kristus ile wa.

²⁷ Aria, gamu Awan Urgun iduduwig an lo tempel san ar lo iladu ya. Saen an lo Josef, Maria da Jesus diabig ru kagin a kubiaen irupidai an duri dupani wo dupalu ya.

²⁸ Agog Simion Jesus ileg sinjiren na yaug ilatig Anut per ipanig igo ibol,

²⁹ “Tubun en, oŋane promis ru gubak mi ubol paiag an gamu nuŋon gane ya. Ago yak ninen o rupaiaig pe ŋai oŋane urat tamol tan en ŋibiseip, maror lo mi ŋau a.

³⁰ Man dugo, ŋaiseg malag nam oŋane patun pasek tamol ŋile ya.

³¹ Tamolpein fidian malad lo oŋ tamol en gane ilasa ya.

³² Inj sul oŋ ilasap imado dop gob adi ru inj ninen o dulonj pe ilod ilalaŋ a, agod inj lo oŋane Isrel tamolpein yaŋak tubun ak diŋane wa.”

³³ Nanuk an tinan taman ru e Simion ibol en dulonj go durut saian a.

³⁴ Agog Simion bar ipidinaig Maria irupeig ibol, “Anut gubak mi ilon igo yen a, nanuk en Isrel tamolpein luluŋad lo, wei mi dudu diau dop, aenta wei mi dam ibi-aisa wa. Agod tamolpein wei mi nanuk an dile saian dop inj ninen o ru saian ak amad da wa.

³⁵ Inj tamolpein sad kankan imianuk an kuai te iganep fidian dile wa. Agod sabiri ta luon ak oŋane ŋutu isue wa.”

³⁶ Aria, profet pein ta, yaŋan Ana, inj dam tempel lo imado ya. Inj Fanuel nanun pein, Asa san gugoi lo ilasa ya. Inj mel saiak geig a. Anaŋar 7 tamol ida dumado yau gug tamol imat a.

³⁷ Agog pein suos imado yaug san anaŋar 84. Inj tempel san tumanek aben ta ibisei na da. Tidom ad Anut yaŋan yabisa dugo igudani da. Saen aenta anaŋ geg iganep gudanek mi igane da.

³⁸ Aria, Simion pein tamol an ru irupidai dugo, saen nek an lo Ana ipalug, inj dam Anut yaŋan yabisag, nanuk an ninen o Jerusalem tamolpein ensauta a Anut ibinawai o malad diganeg dumado se yan irupidai a.

Josef Maria da Nasaret na dumul diau a

³⁹ Jesus tinan taman mel fidian Anut san kubiaen ibol ago mi digane itout go fon dumul, Galili provins lo injsiganed panu Nasaret na diau a.

⁴⁰ Agog nanuk italbusig tubun go, tinin dam dabai dugo kankan milaen ak inj lo awan isa geig a. Ago dugo Anut ilon tubun mi ipani na ya.

Jesus inj pinein foun tempel lo yau a

⁴¹ Jesus tinan taman inj anaŋar fidian, saen Pasova san ad nanek ilasa dan lo, Jerusalem na tumanek tubun an lo diau na ya.

⁴² Aria, Jesus san anaŋar 12 dugo diŋaneg Jerusalem na diaug injaned kagin yen ago mi duri a.

⁴³ Murnag Pasova ad nanek itout go fon dumul injsiganed na diau se ya. Jesus inj Jerusalem na imado yan, injanen tinan taman ta dulonj na ya.

⁴⁴ Inj ilod lo Jesus tamolpein aenta luluŋad lo dadi diau dak dubol. An ninen o adian kisaek dutor se ya. Agog gurai idu yan, turad muroud luluŋad lo Jesus abanjan diabi a.

⁴⁵ Gug kitek dile man tia tag Jerusalem na abanjan diabi wo dumul a.

⁴⁶ Nal utol abanjan diabi ak gug, inj ta dile na ya. Ago gug tempel lo diladug dile ya. Inj Juda sad girek maŋau luluŋad lo imasig, ru a dubol na yan ilonj dugo, isumianai se ya.

⁴⁷ Ago dugo fidian inŋsan ŋinen, maŋau, agod ru naon a irupidai an dulonj go, durut saian geig a.

⁴⁸ Tinan taman abanjan ago dile man dam durut saian go tinan irupeig ibol, “Bai, oŋ ata wo maŋ igo giniama yak i? ŋai oŋ tama da iloma muruan kasik dugo, oŋ abanjan mabi se ya.”

⁴⁹ Ago tag Jesus ibol go isumianai, “An ata wo ŋai abanjan abi se yak i? ŋai tamag san ab lo ŋumado dak, an an ta alonj na yak i?”

⁵⁰ Ak man ru e irupidai den fun mok ta duloŋ na ya.

⁵¹ Agog Jesus tinan taman dida dumul Nasaret na diaug, pempem awad paen na mi imado se ya. Ak man tinan melmel fidian a ilasa na yan, ilon lo iganeg yen go kankan igane se ya.

⁵² Agog Jesus inanen tinin, agod inanen kankan ilon san dam italbusig tubun a. Anut, agod tamolpein dam in dipitiani na ya.

3

*Jon Suguek san in dal ikubune ya
Mat 3:1-12; Mak 1:1-8; Jon 1:19-28*

¹ Taibirias Kaisa ananar 15 Rom gabman kagin ipani dugo, Pontias Pailat Judea kagin ipani se ya. Ago dugo Herod Galili san tamol tubun geig, in tein Filip dam nek ago mi Iturea in Trakonaitis ida kagin ipidinai dugo, Laisenias provins Abilene kagin ipani se ya.

² Ago dugo Anas, Kaiafas da man pris gurman malan te ya. Saen an lo Anut anen ru Sakaraia nanun Jon, aben kawan tamol tia yak lo imado dugo san na yaug ilasa ya.

³ Agog Jon you Jordan giranen na aben fidian san tamolpein Anut san ru irupidai dugo itor se ya. Insan ru malan te man igo ibol, “Tamolpein ananem aupasek patum apanip, ilom abileksap, apalup suguek anane wa. Ago tap Anut ananem aupasek isuas panan a. Suguek man ananem ilom abilisa yan san kob.”

⁴ Nek imug profet Aisaia san buk lo girek ibol ago mi gamu ilasa ya. Girek ago ibol, “Tan kawan ak ate wagin ta ilasag ibol, ‘Tubun en inanen dal akubunep itaot yen a.’”

⁵ Tan ilokan an fidian atutumip awan isa wa.

Did tutubun an, agod bubun fidian agilep tan na idu wa.

Dal ikael ak aganep itaot a.

Dal gubog ak atutumip uyan da wa.

⁶ Ago dop tamolpein fidian in patu pasek tamol a Anut idinip ipalu wan dile wa.’”

⁷ Agog tamolpein wei kasik Jon san na suguek dinane wo dupalu dugo Jon naod ifuteg ipidai, “An mot nanun moroun! Enti

Anut san tinaj saian mitep ilasa wan ninen o ru kagin ipanaj dugo asol dak i?”

⁸ An ilom ibilisa dak iri panim, kagin an san nunon mok agane ilasa wa. An sinanem ilom lo igo ta abol na wa, ‘Abraham man man tamama ya, an man o idaisuda ya.’ Man dugo, naj en nrupaian itaot da, Anut ilon ibol tap man, pat e dien den ka inaj pe ibilisap Abraham nanun muroun mok on dilasa wa.

⁹ Pilagis ai dabin lo yen la ya. Ai fidian a nunod uyan uyan ta ifu na dan, Anut itarep yabi yaup inanai yau a.”

¹⁰ Tamolpein ru an duloŋ tag dusumiani, “Man dugo migane wak i?”

¹¹ Agog ru naon irupidaig ibol, “Ta in kulos uraru tap, neinta kulos aman tia yan ipani wa. Nek ago mi, ta in anan anda tap, in dam ago mi igane wa.”

¹² Agog takis njalan tamol dam suguek dinane wo dupalug Jon dusumiani, “Girek manau, man dam dugo migane wak i?”

¹³ Agog Jon irupidaig ibol, “An tamolpein arawai dop sad moni subunan kawan ak da ta anane na wa. Gabman sen ibol ago mi itaot anane wa.”

¹⁴ Ago dugo yu tamol aenta dam dusumiani, “Man dam, en dugo migane wak i?”

Agog ru naon irupidaig ibol, “An tamolpein afu dan lo banid na moni ta anane na wa. An ru sewak lo dam insad moni ta anane na wa. Ananem urat naon dupanaj dan mi an o idaisuda wak ninen ilom maror anda amado wa.”

¹⁵ Tamolpein fidian mala nouk lo Kristus dititiani se ya, an ninen o bused ilon lo Jon in Kristus mok ago dubol dugo ilod weiwei se ya.

¹⁶ Ago tag Jon irupidai, “Nai you lo mi an nrusuguan da. Ak man tamol a naj patug fo ipalu dan insan dabai naisag dabai irinani geig a. Nai man tamol kawan a, amaiak ninen o insan sendal san kam nupasi san o yanag tia ya. Gug tamol en man Awan Urgun lo isuguan a, agod Urgun an san yai nam ifulanaj a.

¹⁷ In banin lo kon gilek lo idirai san bioun yabig imado da. Aben ante urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon anan ab lo itumani wa. Ak

man metmet adi man yai lo yabi yau a. Agod tamol ta yai an igane imat san tia ya.”

¹⁸ Dal wei kasik lo Jon tamolpein bused yabisa san ru ibol dop lo Anut anen ru uyan ak ipidinai a.

¹⁹ Gug Jon gabman gurman Herod san naok naok saian an ifulale yaug, tein san pein inane an lo isuda tag, Herod tijaen saian go Jon subanek lo igane ya.

²⁰ Ago igane an lo inisiganen muruan a imugigane se yan muruan taidam ibate ya.

Jon Jesus isugui a

Mat 3:13-17; Mak 1:9-11

²¹ Aria, Jon subanek lo gamugo digane dugo mel en ilasa ya. Nal ta tamolpein fidian suguek diñane dugo Jesus dam ipalug suguek inane ya. Suguek inaneg itout go Anut igudani se ya. Saen nek an lo kumaen panu san dalawan ipasig yen dugo,

²² Anut san Ur muluk on idug, in kabunan fufo imasi a. Agog kumaen panu lo wagin ta idug, igo ibol “On ñaineg Nanug, ñaineg bubeg mok, on ñine wo ñai ilog tubun mi uyanan da.”

Jesus anen tubun bagen

Mat 1:1-17

²³ Jesus san ananar 30 dugo, urat fun igane ya. Tamolpein ilod lo in Josef nanun ago dubol se ya. Aria, yanak e irig ipalu den in Josef san tubun bagen a.

²⁴⁻³⁸ Eli, Matat, Livai, Melki, Janai, Josef, Matatias, Amos, Nahum, Esli, Nagai, Maat, Matatias, Semein, Josek, Joda, Joanan, Resa, Serababel, Sialtiel, Neri, Melki, Adi, Kosam, Elmadam, Er, Josua, Eliesa, Jorim, Matat, Livai, Simion, Juda, Josef, Jonam, Eliakim, Melea, Mena, Matata, Natan, Dawid, Jese, Obed, Boas, Sala, Nason, Aminadab, Admin, Arni, Ebron, Peres, Juda, Jakob, Aisak, Abraham, Tera, Nahor, Serug, Reu, Peleg, Eber, Sela, Kainan, Arfaksad, Sem, Noa, Lamek, Metusela, Enok, Jared, Mahalelel, Kainan, Enos, Set. Set man Adam nanun, agod Adam in Anut nanun.

4

Satan Jesus ikubiani a

Mat 4:4-11; Mak 1:12-13

¹ Jesus Urgun buben inanefuteg, you Jordan ibisei a. Agog Urgun iduduwig, tan kawan ak ate yau a.

² Nal 40 anan tia imado dugo Satan Jesus naon ikubiani se ya. Saen an lo in anan ta yani na ya, an ñinen o saen an itout man imatigen saian.

³ Satan igo irupeig ibol, “On Anut Nanun tap, ubol dop pat en bret on ibilisa wa.”

⁴ Jesus ru naon irupeig, “Girek e buk lo yen den igo ibol, tamol bret lo mi ta kumaen imado na da.”

⁵ Agog afon Satan Jesus inaneg did lak na yak kabunan fufo igunig itur dugo tan en san aban fidian ikubiai pani kisaek on a.

⁶ Agog irupeig ibol, “Inaned dabai a ule dan, agod mel a girager anda yak fidian ule dan dam ñaisag. Ak ñinen o tamol enti nupani wo ilog ibol tap, ka nupani wa.

⁷ An ñinen o on turu soluwig, ubou ag ule tap, ñai dabai nupanop, mel fidian ule dan on kagin pani wa.”

⁸ Ak man Jesus ru naon irupeig ibol, “Girek ta buk lo igo ibol, ‘On Tubun en onane Anut mi ubou an ule wa. Insen mi ñinen o bigabeg urat gane wa.’ ”

⁹ Agog fon Satan inaneg Jerusalem na diaug, lak na tempel san nudun fufo igunig itur go irupeig, “On Anut nanun tap, sokalik pe, tan na udu.

¹⁰ Man dugo, girek ta buk lo igo ibol, ‘In inanen enel irupidai dop kagin dupano wa.’ ”

¹¹ Banid nam disawo wa, kabelan pat on ñie ifni banau.’ ”

¹² Ago tag Jesus ibol, “Girek ta buk lo dam igo ibol, on mel ta gane tap lo Tubun en onane Anut an bitinaek lo ta gane na wa.”

¹³ Satan Jesus kubianek funfun lo igane tia tag ibiseig yau. Nal ta dop fon ile wa.

Nasaret na Jesus dile saian a

Mat 4:12-17; 13:53-58; Mak 1:14-15; 6:1-

6

¹⁴ Agog Jesus Urgun san dabai lo fon imul go Galili na yau. Agog yan an panu panu fidian lo yau se ya.

¹⁵ In panu panu sad ubou ab lo ipitenanai dugo tamolpein fidian yan an diabisa se ya.

¹⁶⁻¹⁷ Agog Jesus Nasaret na yau a. Wagan nanuk lo aben ante italbusi a. Inisiganen

kagin iri panig, Juda sad ubou leil nal Sabat dubol dan lo yang Nasaret adi sad ubou ab lo iladu ya. Agog Anut san ru isuti wo imasa yan, profet Aisaia san buk dupani a. Buk roun ifulaleg, ru en ileg isuti:

18 “Tubun en san Ur naji lo imado da.

Man dugo, naji tamolpein kawan filiad tia yan,
ru uyanan ak nurupidaip dulong o ipilianag a.

Inj naji idinag go nupalu man, tamolpein ru igo nurupidai a:

a Satan isubanai an naji ka nupasaip kuai te dilasa wa,
a malad itapul idu yan fon aban ka dile wa,

a tamolpein sen ak banid lo muruan dile dan, naji insad muruan njigane itout a.

19 Agod naji malak malak igo nurupidaip dulong ak,

ananar nek en Tubun ak injanen ilo panek ikubiai pidinai o da.”

20 Agog Jesus buk ifutanig, biabi njalan tamol ipani gug imasi a. Tamolpein fidian ubou ab lo dumado dan malad ti ibol go Jesus dile se ya.

21 Agog fun iganeg irupidai, “Ru nek e kududom ilon en gamu geig nunon ilasa ya.”

22 Agog inj fidian dupitiani se ya, insan ru dulong go inj njinej lo tamol ikawil an ak ago dubol go, durut saian dugo nug dusumiani se ya, “Dugo, an Josef nanun i?”

23 Agog Jesus irupidai, “Nai mel en njene o ilo uraru amag tia ya, an ru fanan en naji arupaiaj o da, ‘Dokta, onse ikubinio gup! Kulob girager funfun a onj Kaperniam na gane yan san ru malon a, gamu kulob naon kisaek onsigane fun panu lo dam gane wa.’”

24 Agog fon ru igo irupidai, “Nai rumok nurupaiaj da, profet man insiganen fun panu lo tamolpein inj dumoi da.

25 Mel en rumok a, profet Elaija san nal lo Isrel pein wei mi suos dumado ya. Saen an lo man daded tubun a. Ananar utol kalam 6 ui tia ya. Ago dugo kadag tubun aben fidian yabig yen se ya.

26 Ak man Anut Elaija idinig Isrel pein suos ta san na yau man tia ya. Tia, inj idinig

gob adi sad taun Saidon lubanek lo, panu Sarefat san pein suos ta san na yau a.

27 Agod profet Elaija san saen lo dam Isrel tamolpein wei kasik lepra amad da ya. Gug kisaek ta igane uyan man tia ya. Tia, gob adi a tan Siria lo dumado dan lulonad lo tamol kisaek yan an Neman, Elaija nek an mi ikubuneg uyan a.”

28 Tamolpein fidian ubou ab an lo ru en dulong go tinjaed tubun mi saian a.

29 Ago tag dumasag, Jesus dinjaneg, aen damon fo dibilip idu wo tan bubun fo disuda diau a.

30 Gug banid lo ikisaluk ilasag, tumanek malan an titinae mi imul go ilon ibol ak lo yau a.

*Jesus tamol ta tinin lo ur saian ikudi a
Mak 1:21-28*

31 Jesus Galili Provins lo panu Kaperniam na yau a. Atna Sabat nal lo yang tamolpein insad ubou ab lo manau ipitenanai se ya.

32 Injanen ru dulong man, tamol tubun yan an anda yak onj ipitenanai se yan njene o durut saian a.

33 Aria, ubou ab an lo tamol ta ur saian anda yak awan tubun mi iwagin go ibol,

34 “Onj Jesus Nasaret tamol, man dugo giniam wo palu yak i? Nag onj man daon panama wo palu boi a? Naji onj njalon a. Onj Anut san tamol gun a!”

35 Ak man Jesus ur saian an ipeig ibol, “Awa itaup, tamol an biseip lasa.” Agog ur saian tamol an tamolpein malad lo ibili idug, tamol an ibiseig ilasa ya. Gug ur saian tamol an tinin malan ta isue na ya.

36 Agog tamolpein fidian durut saian go, insed dinjinej dugo dubol, “Enso ru ta dabai anda ibol dugo ur saian saian awan dulong dugo dilasa diau di?”

37 An lo Jesus san yan an ifurak go panu panu yau.

*Jesus Pita raon ikubune ya
Mat 8:14-17; Mak 1:29-34*

38 Jesus ubou ab an ibiseig, Saimon san ab lo yau a. Saimon raon subam ifinig, tinin wananan tubun kasik ak njene o, Jesus ibinawi wo dusumiani a.

39 Ago tag giranen na yang, iyep go ru dabai nam subam an ikudi a. Gamu nam

subam an ibiseig, pein an imasa kisaek on go anan ikubune pidinai a.

⁴⁰ Gurai idu yan, tamolpein insad panu lo subam amad da yak dijal go, Jesus san na dupalu se ya. Agog in banin tinid fo iganeg, fidian uyadi isusa ya.

⁴¹ Ur saian saian dam tamolpein wei kasik dibisawai dugo duwagin, “On Anut Nanun.” Ago tag Jesus nao futek ru nam ipidai dugo awad lo dininjen san ipadau a, man dugo, in Kristus dulon a.

Jesus panu panu lo ru ibol se ya

Mak 1:35-39

⁴² Tidom lom mok Jesus panu an ibiseig, aben ta yoitout ak lo yau a. Ak man tamolpein Jesus ninjen o aban dile se ya. Saen in dile man, kabelan ibisawaip yau banau dupurani wo digane se ya.

⁴³ Ak man in irupidai, “Nai ru uyanan e Anut san kagin panek ninjen o yan, panu aenta lo dam nfulale wa. Urat nek an ninjen Anut idinag go nupalu ya.”

⁴⁴ Agog Judea ilon lo panu panu yaug inaned ubou ab lo Anut ru ifulale na ya.

5

Jesus megeloum injal o fun iganeg igiai a

Mat 4:18-22; Mak 1:16-20

¹ Nal ta Jesus Genesaret san you saltek aen te itur dugo tamolpein wei kasik Anut san ru dulon o dususag, nug tinin fo dutur se ya.

² Agog in malan yau nag, wog urarum lon ate dien dugo yil a. Wog muroudi man lon na dob dufulanai se ya.

³ Agog Jesus idug, wog ta lo isuda ya. An Saimon san wog. Agog Jesus Saimon irupei, “Wog kitek usoup tilasa.” Jesus wog fo imasig imado dugo tamolpein Anut san ru ipitenanai se ya.

⁴ Ipitenanaig itout man Saimon irupei, “Wog nanep lasa waup, bet ak lo gup tura murou dadi dob arae.”

⁵ Ago tag Saimon ru naon irupei, “Tubun en, tidom milaen man urat wagai mok migane se ya, ak gug iy ta kisaek minjane man tia ya. Ak man gamu on ubol ak ninjen o awa mabip dob ka mirae wa.”

⁶⁻⁷ Agog dob diraeg, iy wei kasik mok dob lo dusuda ya. Agog dob itout o igane

tag, turad muroud wog neinta lo yan dibinawai o banid nam toutou diganeg dupalu ya. Agog wog urarum iy didiri awad isag disarir o duton.

⁸ Saimon Pita aban ago ile tag Jesus naon na turun isaluwig ibol, “O Tubun en, nai tamol saiag. On nai bisawag pe wau.”

⁹ Iy wei mok dinjane an Pita turan dida dileg, durut saian ak ninjen o Pita ru an ibol a.

¹⁰ Saimon turan muroun, Sebedi nanun urarum, Jems in Jon da dam durut saian a.

Agog Jesus Saimon irupei, “Urer umoi. On gamu agod nal murnai san fidian on tamolpein dideg diau dan ago mok unjal a.”

¹¹ Agog wog urarum durau isudag melmel fidian diabi idug yen dugo Jesus njen aban duri diau na ya.

Jesus tamol lepra aman da yak ikubune ya

Mat 8:2-4; Mak 1:40-45

¹² Jesus panu tubun ak ta lo imado dugo, tamol ta tinin lepra yafutani an ipalu ya. In Jesus ileg njen fo turun isaluwi idug, imosiaig ibol, “O Tubun en, on ilo ibol tap, nai binawag pe fon tinig uyan ilasa da wa.”

¹³ Jesus ru an ilon go banin iwateg isupuri dugo irupei, “Ubol agom nai ilog ago yen da, on yua lasa.” Agog tamol an tinin uyan ilasa kisaek on a.

¹⁴ Ago dugo Jesus ru dabai nam irupeig ibol, “Kulob ilasa yen ninjen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan nanep Anut yai gane pani. An lo dop tamolpein dulon ak onane subam itout a.”

¹⁵ Jesus kulob igane yan san ru panu panu yaug, tamol wei kasik insan ru dulon o dususa se ya. Subam amad da yak ikubunia o dam dupalu se ya.

¹⁶ Ak man Jesus saen wei mi ibisawaig, aben yoitout ak ate yaug igudani se ya.

Jesus tamol ta njen banin tubabun ak ikubune ya

Mat 9:1-8; Mak 2:1-12

¹⁷ Jesus nal ta tamolpein ipitenanai dugo, Farisi in kubiaen san girek manau Judea provins lo, Galili Provins lo panu kititik an fidian, agod Jerusalem na yan dam dida

dumado ya. Anut san dabai Jesus san kubunek urat igane yan lo yen a.

¹⁸ Agog tamol ta njen banin fidian tubabun ak kapal anda Jesus san na disinig dupalu ya. Ab lo diladu wo digane ak man tamolpein wei kasik, an lo man diladu san ta isuda na ya.

¹⁹ Ago tag ab aten lak na yak fo disida ya. Agog ab aten an diabigigeg dugo kapal an duyuweg, Jesus tamolpein lulunjad lo imado dugo naon na idu ya.

²⁰ Jesus inşad ilo rumok ile tag tamol an irupe, "O turag, naj onjane aupasek fidian njupasi yau la ya."

²¹ Ago tag kubiaen san girek manau, in Farisi dadi kankan dijaneg ilod lo mi igo dusumiaen, "Tamol en so tamol ta yak i? Ru a ibol dan man Anut kukokan igane da. Tamol ta muruan pasek san dabai anda man tia ya, Anut mi in dabai anda ya."

²² Gug Jesus inşad ilo girek fidian ilonj pasi ak njen o ru naon igo ibol irupidai, "An ata wo kankan ago agane dak i?"

²³ Ata mel pasauman ak i? Aria, naj igo njabol, "Onjane aupasek njupasi yau wo?" Tia, "Masap kapal wabisap utur o?"

²⁴ Gug kulob e njigane en lo naj, Tamol Nanun, tan en lo Anut wagen lo aupasek ka njupasi yau amaiak alonj o ..." saen ago ibol man, tamol a njen banin itubabun an irupe, "On masa utur pe onjane kapal njanep onşigane na wau."

²⁵ Agog tamol an naod na imasa itur go, inşan kapal isinig, Anut yanjan yabisa dugo, siganen ab lo yau a.

²⁶ Tamolpein fidian durut saian geig go Anut yanjan diabisa ya. Ilod irut dugo tinid injanefuteg igo dubol, "Gamu man kulob senamo geig mok mile ya."

Jesus Livai iwagi a

Mat 9:9-13; Mak 2:13-17

²⁷ Ago gug Jesus ab an ibiseig yaug, takis njalanjal tamol, yanjan Livai, urat ab lo imado dugo ile ya. Agog Jesus irupe, "Njeg aban uri."

²⁸ Ago tag Livai mel fidian yabidug dien dugo, Jesus njen aban iri a.

²⁹ Livai Jesus njen o soubul tubun ak inşan ab lo igane ya. Doup lulunjad lo takis

njalanjal tamol wei kasik agod tamol aenta dam dususag, dida ananj diani se ya.

³⁰ An njen o Farisi, in Farisi sad kubiaen san girek manau dida Jesus san megeloum naod na duņurņur go dusumianai, "En ata wo anşam girek manau takis njalanjal, agod aupasek tamolpein dida sisem ananj diani dak i?"

³¹ Ago tag Jesus ru naon irupidaig ibol, "Tamolpein a uyadi ak dokta san na ta diau na wa, tia, tamolpein subam anda yak mi diau a."

³² Man dugo, naj tamolpein a itaot adi dubol dak njigiaip dupalu san njen o ta njupalu na ya, tia, aupasek tamol adi mi njigai o njupalu ya."

Kagin imug ak, foun ak da

Mat 9:14-17; Mak 2:18-22

³³ Tamolpein aenta Jesus igo dubol durupe, "Jon san urat pinein nal kadi ananj geg diganep, gudanek mi digane da. Farisi sad megeloum dam ago digane da. Gug onş megeloum man diani duluk onj da."

³⁴ Ago tag Jesus ru fanan en irupidai, "Ak dugo, tamol ta pein inane dop, turan muroun aenta dupalup, dida dumado dop ananj o waliņ igane wak i? Tia geig a. In youd isap, dida ilo uyan lo mi dumado wa."

³⁵ Gug murnap saen idu gup, tamol an dupasi wa. Nal an lo, in ananj waliņ digane wa."

³⁶ Agog Jesus ru fanan taidam irupidaig ibol, "Tamol ta in yamel kilaken foun ak ta irasirep ate kulos wagam ak san mutunuk ta iwei na da. Tamol ago igane tap, in yamel kilaken foun an daon ipani wa. Taida mi, yamel kilaken foun an in kulos wagam an ida naod kisaek tia ya."

³⁷ Agod tamol ta in wain foun ak inane, bilelek sunulon wagam ak lo ta iwali na da. In ago igane tap, wain foun an bilelek sunulon wagam an ikafut yaup ipuk pe, ikulmaek, tan na idup, bilelek sunulon dam daon ipani wa.

³⁸ Wain foun ak tap, bilelek sunulon foun ak lo iwali wa.

³⁹ Agod tamol wain wagam ak iluk dan wain foun ak imoi da. Ago dop ibol a, "Wagam en mi uyan a." "

6

Jesus man ubou nal yanjan Sabat dubol dan san muroun

Mat 12:1-8; Mak 2:23-28

¹ Ubou nal ta lo Jesus kon san abi ilon lo itor se ya. Ago dugo inſan megeloum dimatigen, an niſen o inſ kon nuſon aenta dufunig banid nam dufufari yau dugo nuſon diani se ya.

² Ak man Farisi aenta dubol, “Enta wo an urat a Sabat nal lo tigane san niſen o idsad kubiaen ipadau amaiak agane dak i?”

³ Ago man Jesus ru naon irupidaig igo ibol, “Nag mel e Dawid igane yen ta asuti na ak i? Inſ inſanen turan muroun dida kadag san saen lo anan o dumat go,

⁴ Dawid Anut san ab lo iladug, bret a Anut naon na didirig dien an isinig, inſanen yu tamol adi dida diani a. Bret an tamolpein fidian lo geg a, nek Anut san pris mi diani wa.”

⁵ Agog irupidai, “Tamol Nanun man inſen Sabat nal an muroun.”

Jesus Sabat nal lo tamol banin saian ak ikubuneya

Mat 12:9-14; Mak 3:1-6

⁶ Juda sad nal gun Sabat nal taidam lo Jesus ubou ab ta lo iladug, tamolpein Anut san ru ipitejanai se ya. Tamol ta banin saian ak dam saen an lo imado ya. Banin won ak ikurnjak a.

⁷ Kubiaen san girek manau inſ Farisi dida malad ti ibol dugo, Jesus leil dupani se ya. Jesus Sabat nal lo tamol ta ikubune dop dile wo malad digane da, man dugo, dal aban dilep lo Jesus ru dupani wo ilod ibol se ya.

⁸ Gug Jesus inſad ilodi an ilon tag, tamol banin saian an irupe, “On masap, titinae mi utur.” Ago tag imasag yaug titinae mi malad lo itur se ya.

⁹ Agog Jesus girek manau inſ Farisi dida isumianai, “Idsad kubiaen dugo ibol i? Id ubou nal lo kagin uyan ak tigane wo? Tia, kagin saian ak tigane wak i? Tamol ta tibinawi wo? Tia, ta daon tupani wak i?”

¹⁰ Agog Jesus tamol an fidian yil ilubanai ak gug ru naon tia tag, tamol an irupe, “Bani wate.” Tamol an ago iganeg, banin gamu nam uyan ilasa ya.

¹¹ Ak man inſ tinjaed tubun mi saian go, enso muruan ta Jesus dupani san niſen nug lo dinjen se ya.

Jesus aposel 12 ipilianai a

Mat 10:1-4; Mak 3:13-19

¹² Murnag nal ta lo Jesus igudani wo did fo yau a. Tidom milaen igudani dugo yaug salso idu.

¹³ Tidom lom inſanen megeloum igiaig dupalu ya, agog 12 ipilianaig yanjad aposel* ibol a.

¹⁴ Inſ yanjadi igo iri a: Saimon yanjan neinta Pita ibol, inſ tein Andru, Jems inſ Jon da, Filip inſ Batolomiu da,

¹⁵ Matyu inſ Tomas da, Jems, Alfias nanun, Saimon, yanjan neinta “Rom sad ager tamol” dubol da,

¹⁶ Judas, Jems nanun, agod Judas Iskeriot. Mitep tamol an Jesus ager banid lo igane wa.

Jesus inſ tamolpein wei mi ikubuniaig uyadi a

Mat 4:23-25; Mak 3:7-12

¹⁷ Murnag Jesus inſan megeloum dida dudug, tan aten fo dutur se ya. Tamolpein wei mi dususag Jesus fun na dutur dububani a. Agog tamolpein malan tubun, Judea provins lo, Jerusalem na, gob sad taun uraru Taia inſ Saidon da sad lon na yan dam dususag dutumani a.

¹⁸ Jesus san ru dulon dop, subam ad da yak dam ikubunia, o dupalu ya. Tamolpein ur saian ad da yan ikubunia se ya.

¹⁹ Dabai inſan na ipalug tamolpein ikubuniaig uyadi an lo, tamolpein wei kasik tinin dusupurip uyad dilasa wo sinjiren na dupalu se ya.

Bar inſ muruan da

Mat 5:1-12

²⁰ Jesus inſanen megeloum lo leil igane dugo ibol,

“An a mel amam tiag amado dan, bar anjaneg amado da.

Man dugo, Anut san kagin panek man anjanem mok a.

²¹ An a gamu amatigen dan, bar anjaneg amado da.

Man dugo, murnap an luam ipuk a.

* **6:13:** Yanjak an fun: Anut awan injanep wau.

Anj a gamu tinañ abi dan, bar aņaneg amado da.

Man dugo, murnap anj asel a.

22 Saen Tamol Nanun niņen o diliañ saian dop,

dukudañ dop, kukok am digane dop, aņanem yaņam saian ago dubol dan niņen o diabianañ dan, anj bar aņaneg amado da.”

23 “Saen an lo yousai lo asokalik dop ilo uyan am da amado, man dugo, aņanem naon a Anut ikubune lag kumaen panu na yen dan man tubun geig a. Nek muruan naon kisaek mi iņaned tubud baged profet adi a imug dumado yan dupidinañ se ya.”

24 “Gug anj filiam am da yan kagin agane wa.

Man dugo, tan en lo mi madok uyan ak aņane ya, murnai san tia ya.

25 Anj gamu luam ipuk dan kagin agane wa. Man dugo, anj murnap amatigen geig a.

Anj gamu asel dan kagin agane wa.

Man dugo, murnap anj ilom ipapao dop tinañ aru agane wa.

26 Anj a tamolpein yaņam diabisa dan kagin agane wa.

Man dugo, iņ tubud baged wagam profet sewak adi niņedi wo ago mok digane na ya.”

Ager ilod tupidinañ san kagin

Mat 5:38-48; 7:12

27 “Anj a njasag ru alonj dan njai igo nrupaianj da. Aņanem ager niņedi wo amat a. Ta iliañ saian tap, anj iņ ale uyan dop kagin uyan ak mi iņ o agane wa.

28 Ta imisilanañ tap, bar uyan ak mi apani wa. Ta naom ifute tap, iņ niņen o Anut agudani wa.

29 Ta kudaņam igufute tap, abilisap aenta dam ka igufute wa. Ta aņsam madid san kulos milaen ak iņane tap, alefuni dop siot dam ka iņane wa.

30 Ta aņsam mel ta wo igod tap, apani. Go ta aņsam mel iņane tap, mel an ipanañ imul o ta agudani na wa.

31 Kagin uyan ak anj lo digane wo amat dan, ago mi iņ lo agane wa.”

32 “Ak dugo, tamolpein a oņ niņe wo ilod dupano dan mi ilo pidinañ tap, Anut naon uyan ak ta ipano wak i? Tia geig a. Man

dugo, aupasek tamol adi dam kagin nek ago mi digane na ya.

33 Tia dugo, tamolpein a oņ dibinawo dak mi binawai tap, an lo dugo woņ naon ule wak i? Tamol saiadi ak dam ago digane da.

34 Tia dugo, oņ tamolpein a mel naon dupano wak alonj dan mi mel pidinañ tap, an lo dugo woņ naon ule wak i? Tamol saiadi ak dam nug mel dupani dop, naon dam ago mi diņane da.

35 Gidad. Aņanem ager ilom ipidinaip, kagin uyan ak mi iņ lo agane wa. Ta mel apani tap, naon ipanañ o ta abol na wa. Ago agane tap, murnap naon tubun ak aņane dop, Anut lak na yan nanun mok amado wa. Man dugo, Anut sen tamolpein a ilo uyan ru ta dupani na dan, agod a iņsed mi wo ilo sou digane dan dam, ilon ipidinañ da.

36 Ago yak niņen o nek ibol Bai Anut anj ilon imuņanañ dak ago mi, anj dam tamolpein aenta ilom imuņanañ a.”

Aenta abitiniañ san kagin

Mat 7:1-6

37 “Oņ tamolpein aenta bitinaek lo ta giniañ na wa, an lo dop Anut dam oņ bitinaek lo ta iginio na wa. Oņ muruan niņen o tamolpein aenta biañ dudu umoi, an lo dop Anut dam ta ibio udu na wa. Tia, iņsad aupasek ilo iņaonj a, an lo dop Anut dam oņane aupasek ilon iņaonj a.

38 Tamolpein mel pidinañ tap, Anut dam nek ago mi ipano wa. Tubun mi pidinañ tap, Anut dam tubun mi ipanop, awan isa wa. Tou sapta a pidinañ dan, tou naon kisaek mi nane wa.”

39 Agog Jesus ru faņan en ibol, “Tamol ta malan tia yak, mala tia neinta ka dal ikubiai pani wak i? Tia geig. Urarum gubog lo diau dudu wa.

40 Talpein a maņau iņane dan, iņsan girek maņau ta iriņani na da. Ak man saen maņau iņane itout dop maņau iņ lo awan isa man, iņsan girek maņau igo ilasap imado wa.”

41 “Dugo woņ go metmet samun ta tei malan lo ule gug oņsigane mala lo ai lapan yen an ta kubiani na yak i?

42 En dugo woņ tei rupeip ubol, ‘Gane dop metmet samun an mala lo yak nupasi yau,’ dugo oņsigane mala lo ai an nal fidian

mi ago yen di? On bale uraru ama, imug mi sigane mala lo ai lapan an pasi gup, lo aban ka ule uyanan dop, lo tei malan lo metmet samun an pasi yau a.”

Ai inanen nunon da sad ru fanan

Mat 7:16-18; 12:33-35

⁴³ “Ai uyan ak in nunon ta ifu saian na da. Nek ago mi ai saian ak dam nunon ta ifu uyan na da.

⁴⁴ Ai fidian nunod lo mi talon da. An ai uyan dugo an ai saian ak tabol da. Tamolpein ai gurab nunon yuk dudurun anda yak fo ta dinane na da. Wain nunon dam ai saian dudurun anda yak fo ta dinane na da.

⁴⁵ Tamol uyan ak in mel uyan uyan ak tinin ilon lo itumanai an lo kagin uyan uyan ak mi inal dop an idirai dilasa wa. Ak man tamol saian ak in mel saiak saiak tinin ilon lo itumanai an lo kagin saian saian ak mi inal dop an idirai dilasa wa. Man dugo, kagin saian ak boi, uyan ak boi, tamol ilon inane fute yan inane panawan lo ibol ilasa wa.”

Ab bek kankan milaen ak anda, agod ab bek kankan an tia ya

Mat 7:24-27

⁴⁶ “An ata wo nai nineg o ‘O Tubun en, O Tubun en’ abol dugug nai awag ta abi na di?”

⁴⁷ Tamol enti naisag na ipalug awag ilon go awag kagin ipani dan in fun igo:

⁴⁸ in nek ibol manau tamol ab yabi wo dugo bag san gib kuror mi yabig, pat nam bag fun isue sakar ak igo won a. Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a.

⁴⁹ Ak man talpein ru e nabol den ilon gug awag kagin ta ipani na dan, in man nek ibol nineno tamol igo ya, inanen ab yabi wo dugo gib ta yabi nag, lul fufo mi yabi ak igo won a. Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitinnek man saian geig a.”

7

Rom san yu gurman Jesus ilon lo rumok

a Mat 8:5-13

¹ Jesus ru en tamolpein irupidai itout go, imasag, Kaperniam na yau a.

² Atna Rom san yu gurman ta san urat pinein subam saiak ta inane gimat o sumeik a. Urat pinein an ninen o tubun mi imat da.

³ Agog Rom san yu gurman Jesus imado dan ilon tag, in juda matu gurman aenta idinaig diau a. Jesus durupeip ipalup, inanen urat pinein ikubunep uyan o ibol.

⁴ Ago tag in Jesus san na diaug, maeg nam dumosiaig durupeip, “On mel en gane pani san in idaisuda ya.

⁵ Man dugo, in idsad juda dar ninedi wo imat da, agod mansama ubou ab dam isuse panama ya.”

⁶ Ago tag Jesus awad yabig dida diau a.

Diaug ab fun na sumeik dugo Rom yu gurman an turan idinaig, dupalug, in awan aban Jesus durupeip, “O Tubun en, turen ifuno umoi. Naisag ab lo ladu san nai ta idaisuda na ya.

⁷ Agod onsa na nupalu san o dam yanag tia ya. Ru mi ubol dop lo naisag urat pinein uyan isusa da wa.

⁸ Man dugo, nek onse on nai dam tamol aenta waged lo urat ngane da, agod naisag yu tamol adi paeg na dumado da. Saen nai yu tamol ta ‘wau’ nabol tap, in yau a. Tia, tamol ta ‘palu’ nabol dop, in ipalu wa. Tia, naisag biabi nilanal nurupeip ‘en gane’ nabol dop, in ngane wa.”

⁹ Jesus ru an ilon man, irut saian geig a. Agog idansag tamolpein a nien aban diri se yan irupidai, “Rumok geig nurupeip da, tamol ilo rumok naok igo yak ta Isrel ilon lo nile man tia ya.”

¹⁰ Agog yu gurman inanen turan dumul go ab lo diau man, urat pinein an uyan isusag imado dugo dile ya.

Jesus pinein imat ak ta ifufunig kumaen imasa ya

¹¹ Murnag Jesus panu ta yanag Nein dubol dan te yau a. Insan megeloum, agod tamolpein wei mi mok dam dadi diau a.

¹² Panu an san dalawan sumeik dupani dugo, tubabun ta disinig dupalu se ya. Tamol imat an in pein suos ta nanun, nek ago kisaek o lian a. Panu an san tamolpein wei mi dam pein suos an dida dupalu se ya.

13 Saen Tubun en pein an ile man, ilon tubun mi imunani tag irupeï, "Tata umoi."

14 Ago dugo Jesus yang, kapal tubabun anda yan yabi man, tamol kapal disini an dupartuanig dutur. Agog Jesus tubabun an irupeï, "Pinein en, ñai ñurupaio da, oñ masa!"

15 Agog tamol imat an fon kumaen imasag fun iganeg ininon se ya. Jesus pinein an inaneg tinar ipani a.

16 Agog tamolpein fidian tubun mi durut go, Anut yan an diabisag, dubol, "Profet tubun ak ta id luluñad lo ilasa ya." In dubol, "Anut inanen tamolpein yil o ipalu ya."

17 Kulob e Jesus igane yen san ru Judea ilon lo ifurak go, aben an sad panu panu lo yang fidian dulon a.

Jon Suguek san Jesus ninen o ilon weiwei
a

Mat 11:2-19

18 Jon san megeloum kulob fidian Jesus igane se yan dile tag, Jon san na diaug durupeig ilon a.

19 Ago man Jon megeloum nunod urarum igiaig irupidai, "Aup, Tubun en igo asumiani wa. Tamol a ipalu san ninen o man malama migane dan, oñ tamol nek amaiak i? Tia, man tamol sen ta ipalu san ninen o mala nouk mumado wak i?"

20 Ru sinek tamol an Jesus san na dilasag Jon wagen lo ago dubol dusumiani, "Tamol a ipalu san ninen o man mala nouk mumado dan, oñ tamol nek amaiak i? Tia, man tamol sen ak ipalu san ninen o mala nouk mumado wak i?"

21 Saen nek an lo, Jesus subam adi wei mi ikubuniai dugo, a ur saian ad da yak ur saian ikudai diau dugo, a malad itapul ak idiraig fon aban dile se ya. Ago dugo ru sinek tamol adi kulob an fidian dile se ya.

22 Agog Jesus ru naon irupidai, "Amul aup mel dugo ale dugo, ru alon na yan dam Jon arupeip ilon a: malad itau ak afon aban dile dugo, ñied saian ak afon turen diabi dugo, a tinid lepra amad da yan tinid sinjakan dilasa ya. Kududod itau ak afon ru dulon dugo, a dumat ak kumaen dumasag dumado dugo, agod tamolpein mel amad tia yak bilalun uyanan ak ñufulale pidinai dugo dulon da.

23 Agod talpein a ñai o ilon ta saian na yan, in Anut san bar inane wa."

24 Jon san megeloum dumul diau dugug, Jesus Jon ninen o tamolpein irupidai o fun iganeg igo ibol, "Saen an aben kawan talpein tia yak ate au an, an ata mel mok ale wo au ak i? Nag an tim ifurep war iwi yau imul dop ale wo au boi ak i?"

25 Tia tap, ata wo au ak i? Nag an tamol ta tinin kulos naon lak na geig ak idiri amaiak ale wo au ak i? Tia, tamol a biouñ naok ago yak didiri duman, in kin sad ab lo mi dumado da.

26 Ak ninen o ata mel mok ale wo au ak i? Nag profet ale wo boi i? Awo, ñai nek amaiak ninen o ñurupaian da, profet en man rumok in profet a, ak gug in urat subanan taidam da imado da,

27 tamol nek emaiak ninen o girek e Anut san ru lo digire idug yen den, igo ibol, 'Ule, ñaisag ru sinek tamol ñidinip, oñ nao na imug pe yau a.

An lo onsa dal ikubune wa.'

28 Ñai rumok ñurupaian da, tamol a pein tinjed lo dilasa yan luluñad lo tamol ta kisaek Jon Suguek san irinani man tia ya. Ago bo man, tamol ta Anut san kagin panek aben ilon lo yan an tiag, aenta fidian paed na imado dan, in Jon Suguek san irinani geig a."

29 (Saen tamolpein kawan ak fidian, agod takis ñilanjat tamol dam, ru a Jesus ibol an dulon man, Anut san dal an mi dal rumok ak ninen o awok dupani a. Man dugo, tamolpein nek an Jon san suguek dinane ya.

30 Gug Farisi in kubiaen san girek manau dadi, dal uyan a Anut ikubiai pidinai an diabiani a. An ninen o suguek an ta dinane na ya.)

31 Agog Jesus fon ibol, "Saen en san tamolpein in naok dugo won ak i?"

32 In nek ibol nanuk kititik daden aben na dumasig dumado dugo nanuk aenta igo dubol digiai da,

'Man an atari wo dum muwi se ya, ak man an ta atari na ya.

Agod mater saen an san bar mabi se ya, gug an ilom saian dugo atata man amoi a.'

³³ Man dugo, Jon ipalug anan tubun ak ta yani na dugo, you sakar ak dam ta iluk na ya, an ninen o ago dubol, 'in ur saiak aman da ya.'

³⁴ Ago dugo Tamol Nanun dam ipalug anan tubun ak yani dugo you sakar ak dam iluk da, an ninen o ago dubol, 'Ale wo, tamol en tunalek tamol, agod lukluk san tamol. Ago dugo in mi takis nilanal, agod aupasek adi dam sad turadi!'

³⁵ Ak man, kankan a milaen mok amaiak, inanen kagin naok naok an lo mi tamolpein malad lo man itaot geig an ikubiai pidinai a."

Jesus Farisi tamol ta san ab lo yau a

³⁶ Farisi ta yan an Saimon dubol dan Jesus ida anan diani wo iwagi tag in san ab lo yaug, anan diani wo dumasi a.

³⁷ Panu an san aupasek pein ta Jesus Farisi dida dumado dan ilon tag guren, butol ta pat sijaokan ak nam digane yak, isinig san na ipalu ya.

³⁸ Pein an ab lo iladug, Jesus patun fo itur go itata dugo, malan turon Jesus nien fo idu se yan, gurman roun nam nien isasi se ya. Nien dam musuk ipanig, guren fo ikulmaek a.

³⁹ Agog Farisi tamol an ile dugo, ilon lo mi ibol, "Tamol en profet ak tap man pein en fun ilon a. Pein en aupasek tinan."

⁴⁰ Ago dugo Jesus Farisi an irupeig ibol, "Saimon, nai ru ta nurupaio wo da."

Ago tag Saimon awan yabig ibol, "Girek manau, ubol pe."

⁴¹ Agog Jesus ibol, "Tamol uraru moni tamol ta san na gubun digane ya. Ta san gubun tinin lo yen dan man 100 kina. Ago dugo ta san gubun 10 kina.

⁴² Murnag moni tamol an insad gubun dupani wo irupidai a, gug uraru an sad gubun dusupasi san ta idaisuda na ya. An ninen o ilon imunanaig sad gubun an ikubuneg itout a. On dugo ilo isou di? Tamol dugon, moni tamol an ninen o, nen tubun mi imat ak i?"

⁴³ Saimon ru naon irupeig, "Nai nabol, enti a insan muruan nen tubun an, nek ama ya."

Agog Jesus irupeig, "Onane kubianek an itaot a."

⁴⁴ Agog Jesus idansag, naon pein an ipanig Saimon irupeig, "Dugo, on kulob e

pein en igane yen ule yak i? Nai onsa ab lo niladu gug on you ta panag go lo njeg nufulani man tia ya. Gug in malan turon nam njeg ifulani dugo, gurman roun nam isasi panag a.

⁴⁵ On musuk ta panag man tia ya, ak gug pein en saen nai niladu yan fun iganeg ipalug njeg musuk ipani se ya.

⁴⁶ On nai gurmag fo guren ta kulmaek na ya. Gug pein en nai njeg fo guren mumalun uyanan ak ikulmaek idu ya.

⁴⁷ Ago yan ninen o nai nurupaio da. Pein en san aupasek wei mi bo man, nai aupasek an fidian nusuas pani la ya, man dugo, nai ninen o tubun mi imat da. Ak man tamol ta insan aupasek wei an tia nusuas pani tap, insan ilo uyan man nai o dam tusan mi a."

⁴⁸ Agog Jesus pein en irupeig, "Onane aupasek fidian nusuas pano ya."

⁴⁹ Tamol aenta anan diani wo dumasi an insed nug durupeig dubol, "En dugo, tamol en in mi ibol go, sen ilon nam aupasek ka ipare idu wak i?"

⁵⁰ Gug Jesus pein an irupeig, "Onane ilo rumok patu ipasi a. On maror lo mi wau."

8

Pein malan ta Jesus nien aban duri se ya

¹ Murnag Jesus panu panu lo, agod taun tubun ak lo Anut san kagin panek san ru ibol ilasa dugo itor se ya. Insan megeloum 12 an dam dida turen diabi se ya.

² Ago dugo pein aenta, inug subam ad da yak, ur saian tinid lo ipasi an dam nien fo dida diau se ya. Lulunad lo Magdala pein ta yan an Maria. (Inug tinin lo Jesus ur saian 7 ikudai a.)

³ Ta man Joana, Kusa iwon. Kusa man King Herod san ab titianek tamol. Ta man Susana. In pein aenta wei mi dam Jesus, insan megeloum dida insiganed melmel lo dibinawai dugo dutor se ya.

Anan kubulan san ru fanan Mat 13:1-9; Mak 4:1-9

⁴ Panu panu tamolpein Jesus san na dupalug, dutumani dugo Jesus ru fanan en irupidai,

⁵ "Saen ta lo tamol ta ai patun isinig abi lo ipae o yau a. In yaug sinanen abi lo man ai patun banin igane anuag tan fufo iratitaleg

idu se ya. Saen iratitale man, ai patun aenta dal fufo dudug tamolpein dupalug dupartitale dugo, anakanak dam dupalug diani itout a.

⁶ Agog ai patun aenta tan sagargar anda yak fufo idu ya. Saen ai patun an balud isa yak man, ririan dubun a, man dugo, tan an you an tia ya.

⁷ Ai patun aenta ud saiak lulunad lo dudu ya, agog sisem disa diau dugo ud saian an ai uyan ak yafutanai an lo dumat a.

⁸ Gug ai patun aenta tan uyan ak lo dudu yan disa uyan go tet mi nunod ifu uyan a, sad sutek 100 igo ya.”

Agog Jesus ru an ibol itout man, iwagin go igo ibol, “Tamol on kududo ama da tap, ru an ulon uyanan a.”

*Jesus ru fañan lo mi injinjan san fun
Mat 13:10-17; Mak 4:10-12*

⁹ Saen Jesus san megeloum ru en fun ninjen o dusumiani man,

¹⁰ igo ibol irupidai, “Anut inñsan kagin panek aben san melmel imianuk an san manau ipanan a. Ak man tamolpein aenta ru fañan fun tia yak mi dulon da. An lo man, In leil digane bo man, ilod ta itarpasi na da.

Agod kududod nam dulon bo man, fun mok ta diñane na da.’ ”

*Jesus ru fañan an fun ifulale ya
Mat 13:18-23; Mak 4:13-20*

¹¹ “Ru fañan en san fun igo ya: anan kubulan man Anut san ru.

¹² Anan kubulan dal te idu yan man nek ibol tamol ru dulon gug Satan ru bubed lo ipasi dak igo won a. Ago dop naj o ilod lo ta rumok na dop lo Anut patud ipasi san tia ya.

¹³ Anan kubulan tan sagargar anda yak fo idu yan man nek ibol tamol ru dulon dugo yousai lo ru an diñaneg ilod lo rumok a. Ak man tamol amaiak nek ibol ai dabi dabi an tia yak igo won, saen katukan mi ilod lo rumok a. Man dugo, kubianek ipalu san saen lo inaned ilo rumok dibisei kisaek on a.

¹⁴ Anan kubulan ud saian ak ilon lo dudu yan man nek ibol tamolpein ru rumok an dulon pe ilod lo rumok kisaek on dak igo ya. Ak man in tan en san madok ninjen

o ilo sou gidigheid mi digane da, agod in melmel wei mi amad da wo dumat da, an lo inñsad kagin uraru an Anut san ru in lo yan ituani da. Amaiak ninjen o nunod ta ifu na da.

¹⁵ Agod anan kubulan tan uyan ak lo idu yan man nek ibol tamol ru dulon dugo, in tamol mok san kagin lo ru an diabi dabaig, kagin dupani yang, gidad saen muruan dile bo man sad kagin an nunon ifu da.”

*Lam san ru fañan
Mak 4:21-25*

¹⁶ “Tamol ta in lam isulanip, bod boi, tia, sareg boi paen na ta igane na da. Tia, in pempem lak na isunanip, tamolpein a diladu dan ka dile wa.

¹⁷ Nek ago mi en ata mel imianuk yen dan murnap kuai isi wa. Agod mel a tamolpein naod na dimianig yen dan, kuai te ilasap id fidian tile wa.

¹⁸ Ago yak ninjen o ru e an alon den kagin apani wa. Ata wo? Talpein enti in mel ta da yan, Anut subunan taidam ipani wa. Ak man, enti in tinin lo mel ta tia ya, ak gug gidad in mel anda yak ibol da, ago bo man Anut inñsan melmel an fidian banin lo ipasi yaup itout a.”

*Jesus tinan in tein da Jesus dile wo diau a
Mat 12:46-50; Mak 3:31-35*

¹⁹ Jesus tein muroun in tinad da dile wo diau a. Ak man tamolpein wei kasik go dile san tia ya.

²⁰ Ago dugo tamol ta ipalug Jesus irupe, “On tina in tei murou dida dilio wo dupalu yak ab patun fo dutur da.”

²¹ Agog Jesus awan yabig ibol, “Tamolpein a Anut san ru dulon go kagin dupani dan, in naj tinag di naj teig a.”

*Jesus tim tamun da ipidaig dutokubol a
Mat 8:23-27; Mak 4:35-41*

²² Nal ta Jesus inñsan megeloum dida you saltek ak lo wog fo disida wo dugo irupidai, “Id gamu you aen ate tau a.” Agog wog dusoug diau a.

²³ Agog diyawai dugo dal na Jesus malan iyof go yen a. Agog tim tubun nunon ifureg, wog ilon lo you idug, isarir idu wo sumeik dugo,

²⁴ megeloum Jesus san na diaug dufunig durupei, “Tubun en, id tadeg tau o sumeik da.”

Agog Jesus imasag, tim tamun da ipidai, “Atokabol.” Agog gamu nam malin ibalsi a.

²⁵ Ago dugo Jesus megeloum ipidai, “Anjanem ilo rumok dugo i?”

In direr dugo durut saian man sed nug durupei, “Enso tamol ta, tim tamun da awan dulon go dutokubol ak i?”

Jesus tamol ur saian anda yak ikubuneya

Mat 8:28-34; Mak 5:1-20

²⁶ Murnag diyawai go you awan aen ate Gerasin sad tan lo diau a.

²⁷ Jesus wog ibiseig idu yan, tamol ta panu an san ipalu ya, in ur saian anda ya. Saen milaen mok tamol an kulos ta idiri na ya. Agog panu na dam ta imado se na ya. Tia, in tamol disiriai ak sad mutou fom imado se ya.

²⁸ Saen in Jesus ile yan awan tubun mi isasaig Jesus nien fun na yau idug ibol, “Jesus, Anut lak na yak nanun, on mel ta najai lo i? Najai on o namosiai da, madai tubun ak panag umoi!”

²⁹ Jesus gubak mi ur saiak tinin lo ilasa wo ru dabai nam irupei a, an ninen o ur saiak an ago ibol a. (Saen wei kasik ur saian an yabig tinin itirni se ya. An lo sein nam, agod kam dabai geig nam nien banin dusebanig imado dugo, titianek tamol dam tawan dutur se ya. Ak man saen fidian sein kam dam iburti idug isol go ur saiak ilon ibol dak lo tan yoitout ate yau na ya.)

³⁰ Aria, Jesus tamol an isumiani, “On yanenti?”

Agog irupei, “Nai yanag Wei Kasik” Man dugo, gubak mi ur saiak wei mi tinin ilon lo diladug dumado se ya.

³¹ Agog ur saian adi saen wei mi Jesus dugudanig dubol, “On diramap gib kuror fun tia ak lo madu wo ago rupaiama umoi.”

³² Aria, ante man bor malan tubun ak wei mi bubun an giranen na dupan di dutur se ya. Ago dugo ur saian adi an bor tinid lo diladu wo Jesus dugudani se ya. Ago man Jesus awok ibol go diau a.

³³ Agog ur saian adi tamol an dibiseig, bor tinid lo diladu ya. Agog bor malan

tubun an fidian mi ilod imasa saian go dumaspalu dudug, damab aen te dusokalik man, you awad lo yang dumat a.

³⁴ Bor an sad titianek tamol aban ago dile tag disol go diaug panu tubun ak lo, panu kitiktik lo tamolpein an fidian durupidai se ya.

³⁵ Tamolpein ru dulon go, in dam aban dile wo diau a. Dupalug, Jesus nien fun na tamol imug ur saian anda yan imasig, kulos idirig imado dugo dile ya. In itokubol go, kankan fidian uyan ak lo mi imado dugo dileg, durut saian a.

³⁶ Aenta malad nam aban dile yan, tamolpein naod na Jesus tamol an dugo wonj ikubuneya yan dubol se ya.

³⁷ Agog Gerasin tamolpein tubun mi direr tag Jesus imul yau wo dusumiani a. Ago tag Jesus wog lo isudag imul yau o da.

³⁸ Tamol a tinin lo ur saian ikudai an, Jesus ida diau o dabai igane yak man Jesus geg iganeg ibol,

³⁹ “Umul waup, onsigane panu na, Anut ikubunio an ninen o ru ubol dop dulon a.” Agog tamol an imul yang, panu ilon lo Jesus in ikubuneya yak san ru ibol dugo dulon se ya.

Kubakan ta imat ak in pein ta subam anda yak da

Mat 9:18-26; Mak 5:21-43

⁴⁰ Saen Jesus imul man, tamolpein malan tubun you aen ate malan digane yan duyunan a.

⁴¹ Ago dugo tamol ta yanjan Jairas ipalu ya. In ubou ab san gurman ta. In nanun pein kisaek o lian, san ananjar 12 an imat o sumeik ak ninen o, in Jesus nien fun na yau idug, ida in san ab lo diau wo isumiani a.

⁴² Jesus yau dugo tamolpein dupalug dubuluwi nunon.

⁴³ Lulunad lo pein ta ananjar 12 siganen dar tinin ilon lo yak ilasa se ya. In san moni samukan fidian dokta tinid lo ibisei gug ta kisaek pein en ikubuneg uyan man tia geig a.

⁴⁴ Doup lulunad lo mi Jesus patun fo ipalug san kulos bitinen te isupuri a. Agog gamu nam dar an igos a.

⁴⁵ Ago tag Jesus isumianaig ibol, “Enti najai isupurag aki?”

Fidian tia dubol go Pita ibol, “Tubun en, tamolpein wei kasik dubuluwo dugo tinid nam on dupuno da!”

46 Ak man Jesus ibol, “Talpein ta isupurag a, man dugo, naineg dabai aenta ibisawag dugo nai tinig lo njukubiani a.”

47 Pein an kuai tem ilon go, imunamuk pe imado san tia ya. Agog tubun mi isuruwor dugo, ipalug Jesus nien fun na isaluwi idug, tamolpein malad lo fun dugog Jesus isupurig, inisan subam an itout an ibol a.

48 Agog Jesus irupe, “O nanug pein, onsigane ilo rumok nai lo yan ikubunio ya. Maror lo wau.”

49 Jesus ago ibol dugo, tamol ta Jairas san ab lo yak ipalug, Jairas igo irupe, “On nanu pein imat la ya. Gidad on girek manau muruan taidam ta pani na wa. Ak ninen o ulefuni dop yau a.”

50 Jesus ago ilon tag Jairas irupe, “Urut umoi. Ilo lo rumok dop, nanu pein fon kumaen ilasa da wa.”

51 Saen ab lo ilasa yan Jesus tamolpein aenta ab lo diladu man imoi. In Pita, Jon, Jems agod nanuk tinan taman mi dida diladu ya.

52 Tamolpein fidian ab lo yan nanuk ninen o ilod saian dugo tinan aru digane se ya. Agog Jesus irupidai, “Atata amoi. Nanuk en ta imat pasi na ya. In nion yabi da.”

53 Ago ibol dugo disel go awan kukokan digane se ya. Man dugo, in dulon, nanuk an imat mok a.

54 Gug Jesus nanuk banin te yabig ibol, “O nanug, masa!”

55 Agog nanuk anen kumaen san ur imul ipalug fon kumaen imasa kisaek on a. Agog Jesus ibol dugo anan dupani a.

56 Nanuk tinan taman kulob ago dileg, durut saian geig a. Ak man Jesus kudod yabig ibol, “Kulob ale yan tamolpein aenta naod na ta mok abol na wa.”

9

*Jesus megeloum 12 idinaig bilalun diau a
Mat 10:1-15; Mak 6:7-13*

1 Jesus inisan megeloum 12 an itumanaig, ur saian dukudai dop subam dukubinai san dabai ipidinai a.

2 Agog idinaig diaup, Anut san kagin panek ninen o dubol ilasa dop subam adi dukubinai o ibol a.

3 Ago dugo Jesus irupidai, “An turen an lo, makud, badam, nion san bioun, anan, agod moni ta mok asini na wa. Siot subunan dam ta asini na wa.

4 Ab dugon lo digian tap, nek ante mi amado nap panu an abisei a.

5 Panu ta lo tamolpein an o ta dumat na tap, panu an abisei wo dop, niem san gufgaf apilti pidinai a. Agop lo dulon ak, in Anut san kagin panek dumoi a.”

6 Agog megeloum diaug, panu panu bilalun uyan ak dubol ilasa dugo, subam adi dam dukubinai se ya.

Herod isumiaen, Jesus in enti mok?

Mat 14:1-2; Mak 6:14-16

7 Herod Galili provins san gurman tubun an melmel fidian ilasa na yan ilon go ilon weiwei geig a. Man dugo, tamolpein aenta dubol, “Jon suguek san in fon kumaen imasa da ya.”

8 Aenta dubol, “Elaija boi, tia, profet wagam san ta fon kumaen imasa boi.”

9 Ago gug Herod ibol, “Nai Jon buron nitarti a. Ak gug tamol e melmel emaiak iganeg ru an nalon den, in enti?” Ago dugo in Jesus ile wo yaes tubun mi ifuni se ya.

Jesus tamolpein 5,000 ifutuwai a

2Kin 4:42-44; Mat 14:13-21; Mak 6:30-44; Jon 6:1-13

10 Inanen megeloum dumul dupalug Jesus naon na melmel fidian digane yan dubol idu ya. Agog megeloum an injal go pasak nam panu ta yan Betsaida dubol dan ate diau a.

11 Ak man tamolpein malan tubun mi Jesus dugo yau wo igane dan dulon tag, nien aban duri se ya. Ago tag igiaig dupalug, Anut san kagin panek ru ifulale pidinai dugo, aenta subam ad da yan ikubuniai se ya.

12 Gurai idu dugo megeloum 12 Jesus san na diaug, durupe, “On tamolpein dinaip, panu susumeik an lo, gidigheid diaup, sed ninedi wo anan o, nion aben o aban dile wa. Man dugo, aben en yoitout a.”

13 Ak man Jesus ru naon irupidai, “Ansem ka afutuwai a.”

Ago tag durupeï, “Mañ anañ tia ya. En iy uraru, agod bret kafen mi dien da. Dugo, mañ maup, doup tubun en niñedi wo anañ taida madad o?”

¹⁴ (Doup tubun dumado yan tamol kitek faiv tausen igo woñ a.)

Agog Jesus megeloum irupidai, “Tamolpein arupidaip, nuñod fifti malan kisaek kisaek lo mi dumado wa.”

¹⁵ Agog megeloum adi Jesus ibol ago diganeg, tamolpein durupidai dugo dumasi a.

¹⁶ Agog Jesus iy uraru, bret kafen an iñaneg, malan lak na isudag, Anut ilo uyan ipani gug bret yafuteg, megeloum ipidinaig duwae se ya.

¹⁷ Tamolpein fidian bret iy da dianig, luad ipuk go megeloum anañ wadan dutumanig sareg 12 digane anuai a.

*Pita, Jesus in Kristus an kuai te ibol a
Mat 16:13-20; Mak 8:27-30*

¹⁸ Nal ta Jesus sen kisaek igudanig imado dugo, iñanen megeloum dam susumeik dumado dugo isumianai, “Tamolpein ñai o enti dubol dak i?”

¹⁹ Agog ru naon durupeig dubol, “Aenta oñ suguek tamol Jon dubol da. Aenta dubol, oñ Elaija boi, tia, profet aenta wagam mi dumat na yan ta fon kumaen imasa ago dubol da.”

²⁰ Ago dugo megeloum isumianai, “Gug añsem mi ñai enti mok abol di?” Agog Pita ru naon igo irupeï, “Oñ Anut anen Kristus.”

Jesus murnap imat gup imasa da wak niñen o ibol a

Mat 16:21-28; Mak 8:31–9:1

²¹ Agog Jesus megeloum kududod yabig, ru dabai nam irupidaig ibol, “Tamolpein gidigheid naod na ru an ta abol na wa.”

²² Ru awan ibateg ibol, “Tamol Nanun muruan tubun ak wei mi ile wa. Pris gurman adi, Isrel matu gurman dida, agod kubiaen san girek mañau dam patud dupanip dile saian a. Agog dufuni imat a. Nal utol gib lo yen gup, fon kumaen imasa da wa.”

²³ Agog fidian irupidai, “Ta in ñai iganurag o tap, inñiganen ilo ibol patun ipanip, dal fidian lo siganen aigim isinip, ñieg aban iri wa.

²⁴ Ta inñinan tinin mi kagin ipani dan, ideg yau a. Gug ta ñai niñeg o siganen madok tan en lo yan ibisei dan, patu pasek iñane wa.

²⁵ Talpein ta tan en san madok lo malan imug dop, an lo tan en san filian fidian an san muroun ilasa wak gug, ñutun ideg yau, tia, daon iñane tap, an dugo woñ, sen niñen o nuñon uyan ak igane ilasa wak i? Man tia geig a.

²⁶ Tamol Nanun inñsan lilaman lo, Bai san lilaman lo, eñel gun adi sad lilaman lo ipalu wa. Ta in ñaisag ru yanag da o miai ifuni tap, saen Tamol Nanun imul dop, in dam tamol an niñen o miai ifuni wa.

²⁷ Ñai rumok ñurupaian da. Gamu añ aenta e atur den gamugo amat dop, Anut san kagin panek ale wa.”

*Jesus naon tinin ibilisa ya
Mat 17:1-8; Mak 9:2-8*

²⁸ Jesus ru an ibol go nal 8 yau dugo Pita, Jon, Jems ago inañ go did fo igudani wo dusuda ya.

²⁹ Jesus igudani dugo naon ibilisag, inñsan kulos dam ibilisag milkouk kasik.

³⁰⁻³¹ Ago dugo tamol uraru girager amad da dilasa ya. Tamol uraru an man Moses in Elaija da ya. Jesus mitep maten a Anut ilon yen dan lo Jerusalem na ile wan niñen o, Moses in Elaija da Jesus dida diñinjen se ya.

³² Pita turan muroun dida malad muruan se ya, ak gug malad ipuk go dumado dugo Jesus girager anda dile ya. Agod tamol uraru dam dutur dugo dil a.

³³ Moses in Elaija da fun diganeg diau dugo, Pita kankan an tia igo ibol, “Tubun en, uyanan geig a. Mañ lalai utol mabi wa. Oñane kisaek. Elaija an kisaek. Agod Moses an kisaek.”

³⁴ Ago ibol dugo timtaen ipalug, yafutanai dugo megeloum utol an direr saian mok a.

³⁵ Agog awan ta timtaen lo iwagin go ibol, “En ñaineg nanug, ñaineg Pilianek Tamol. Awan alon a.”

³⁶ Saen awan itau man Jesus sen kisaek itur dugo dile ya. Saen an megeloum abañ ago dile yan tamolpein naod na ta dubol na ya. Tia, inñsed ilod lo mi dutueg yen a.

Jesus pinein ta tinin lo ur saian ikudig yau a

Mat 17:14-20; Mak 9:14-29

³⁷ Murnag did dibiseig dudu dugo, tamolpein malan tubun ak ante dumado yan Jesus dile dugo san na dupalu ya.

³⁸ Doup an lulunad lo tamol ta iwagin go ibol, "Girek manau, naineg nanug e ule den ninen o ilo isou. Nai nanug en igo kisaek o lian a.

³⁹ Ur saian ta pempem yabi dop isasai da. Iganep bururau ifuni dop subulbal awan lo ilasa da. Nek ago mi pempem madai ipani dugo, daonj dam ipani da.

⁴⁰ Onsa megeloum ur saian an dukudi wo nsumianai gug in digane san tia ya."

⁴¹ Jesus ru naon irupeig ibol, "O an saen en san tamolpein, an ilo rumok amam tia ya, agod an ilom gidigidad amado da. Nal sapta nai an da tumado wak i? Nal sapta muruan a apanag on dan nisini wak i? Nanuk an igo anane apalu."

⁴² Nanuk ipalu dugo ur saian an nanuk itarfuni ibili idug, idududuruk dugo yen se ya. Gug Jesus ur saian an naon ifute ipeig pinein an ikubune ya. Agog pinein an inane taman ipani a.

⁴³ Tamolpein fidian Anut san dabai an dileg, durut saian a.

Jesus afon inanen mater ninen o ibol a

Mat 17:22-23; Mak 9:30-32

Saen tamolpein an Jesus kulob fidian e igane yen ninen o ilod weiwei man, Jesus in san megeloum igo irupidai,

⁴⁴ "Ru en alonj dop ilom isou uyanan. Tamol Nanun ager adi banid lo digane wa."

⁴⁵ Ak man megeloum ru an fun ta dulon na ya. Anut ru an fun mok imiani a, agod dulon san tia ya. Taida mi, megeloum adi Jesus ninen en isafulale pidinai o dusumi-ani san man direr a.

Enti in tubun a

Mat 18:1-5; Mak 9:33-40

⁴⁶ Megeloum insed mi nug dupeig dubol, "Id lulunad lo enti malan te yak i?"

⁴⁷ Jesus insad kankan ilonj go nanuk nanun ta inane giranen na igunig

⁴⁸ megeloum irupidai, "Talpein enti nai yanag lo nanuk igo yan inane wo iyunani tap, nai dam injiliag o iyunanag da. Agod

talpein a nai injiliag dan, Enti a nai idinag go nupalu yan dam inane da. Man dugo, talpein a an lulunam lo sen yabi idup murna geig an, in mi malan te ya."

⁴⁹ Jon Jesus irupeig, "Tubun en, manj tamol ta on yan a lo ur saian ikudai dugo mile ya. Tamol an mansama tia ya, an ninen o imoi o murupeig a."

⁵⁰ Agog Jesus irupeig, "Ago igane dop apadau amoi. Man dugo, ta ansam ager tia yan in idsad urat kisaek a."

Sameria aenta Jesus dumoi a

⁵¹ Jesus Anut san panu lo yau san saen sumeik dugo, in naon Jerusalem na ipanig turenj yabi se ya. In ru sinek tamol aenta idinaig dumug go

⁵² Sameria na panu ta lo dumado san aben dukubune dop ipalu wo diau a.

⁵³ Panu ta lo diladu yak gug, tamolpein panu an san dijiljai o dumoi. Man dugo, tamolpein dulon ak, Jesus Jerusalem na yau da.

⁵⁴ Saen Jems in Jon da aban ago dile tag Jesus durupeig, "Tubun en, ubol tap, mabol dop keit lo yai idup, panu en imarip inani yau a."

⁵⁵ Ak man Jesus idansag ru dabai nam ipidai a.

⁵⁶ Ago tag panu sen ta lo diau a.

Jesus njen aban diri san muruan

Mat 8:19-22

⁵⁷ Dal na diau dugo, tamol ta Jesus irupeig, "On dugo wau dan nai dam ante tau a."

⁵⁸ Ago tag Jesus ru naon irupeig, "Goun kasik in gib ad da ya. Anakanak in wur ad da ya. Gug Tamol Nanun man, in kabunan igansip yaes ibal san aben tia ya."

⁵⁹ Agog Jesus tamol sen ak ta irupeig, "Nieg aban uri."

Gug tamol an ibol, "Tubun en, umoi dop najup, tamag nisare gup."

⁶⁰ Ago tag Jesus ru naon irupeig ibol, "Tamolpein a insed nutudi lo dumat la yan bisawai dop, insiganed tubabun an ka disirjai idu wa. On waup, Anut san kagin panek ninen tamolpein naod na ubol ilasa dop dulon a."

⁶¹ Agog tamol taidam irupeig, "Tubun en, nai dam nie aban njiri wa. Ak man umoi

dop, n̄aup, tinag tamag teig taog banid n̄abi gup.”

⁶² Ago tag Jesus tamol an irupei, “Tamol ta urat igane dugo pempem patun na idan̄sa idan̄la won̄ dan, in̄ Anut san kagin panek san urat igane san ta idaisuda na ya.”

10

Jesus urat tamol 72 ipilianaig diau a

¹ Murnag Jesus urat tamol 72, panu panu lo diau o nūod uraru uraru ipilianaig, dumug diau se ya.

² In̄ gamugo turen̄ diabi dugo, ru kagin igo ibol irupidai, “Anan̄ nūon tubun mok ifu a. Gug urat tamol wei an tia ya. Ak nīnen o abi taman aguduani dop urat tamol taidam idinaip an̄ da aup, anan̄ nūon atu-mani wa.

³ Ago yak nīnen o au. Gamu n̄idinan̄ den man nek ibol sipsip nanudi goun kasik ak lulūad lo diau dak igo won̄ a.

⁴ Moni, badam, sendal ta asini na wa. Saen dal ari dan lo, enti ta naom na ilasa dop an̄ pasak ta agane na wa.”

⁵ “Ab ta ilon lo aladu wo dop, abol, ‘Maror am da amado.’

⁶ Tamol maror san ak imado tap, an̄anem maror in̄ lo yen a. Tia tap, an̄anem maror imul pe muroum sam na ipalu wa.

⁷ Ab dugon lo aladu dan, nek ante mi amado wa. Anan̄ you dupanan̄ dop ani aluk a. Man ata wo, urat tamol man in̄aned naon dījane san idaisuda ya. Ab sensen lo ta au na wa.

⁸ “Agod panu ta ilo uyan lo mi dījilian̄ tap, anan̄ digane panan̄ dan ani wa.

⁹ In̄sad subam adi akubuniaig dop, panu an san tamolpein dam arupidai, ‘Anut san kagin panek sumeik ipanan̄ la ya.’

¹⁰ Gug panu ta ate alasap, in̄ an̄ lo uyan tia tap, panu titīnaem mi alasap, abol,

¹¹ ‘An̄anem panu san gufgaf n̄iema fo isuda yen, gamu muroum sam na mipitili idu da. Alon̄ ak, Anut san kagin panek sumeik ipanan̄ la yak man an̄ amoi da.’

¹² N̄ai n̄urupaian̄ da, murnap nal wadan lo dop, rumok, Sodom adi fon mi muruan tubun mi dile wa. Gug muruan a panu an san tamolpein murnap dile wan, Sodom sad muruan an̄ irin̄ani geig a.”

Jesus panu aenta sad tamolpein ilod lo ta rumok na yan ru lo ibiai dudu ya

Mat 11:20-24

¹³ “O Korasin san tamolpein, muruan tubun geig ale wa; O Betsaida san tamolpein, an̄ dam muruan tubun geig ale wa. Man dugo, kulob girager a n̄ai an̄ lulūam lo n̄igane dan, wagam Tair in̄ Saidon da lulūad lo n̄igane tap, taun an san tamolpein wagam mi ilod ibilisa wa. Ago dop mugun̄ san kulos didirip, yai san utut fo dumasip dumado wa.

¹⁴ Ago man saen Anut san bitinaek san nal ipalu wan lo, an̄sam aupasek naon Anut ipanan̄ an senamo geig a. Muruan an Tair in̄ Saidon da sad muruan an̄ irin̄ani geig a.

¹⁵ Agod an̄ Kaperniam tamolpein, sem yan̄am abisap keit lo isuda wak i? Tia mok, Anut in̄sen in̄jilian̄ pe au adup tan ilon lo aben yan̄an Ades dubol dan lo idiran̄ pe amado wa.”

¹⁶ Agog Jesus in̄san urat tamol 72 fon irupidai, “Ta an̄ awam ilon̄ dan, n̄ai dam awag ilon̄ da. Go ta an̄ imoi dan, n̄ai dam imoi a. Go ta n̄ai imoi dan, Enti a n̄ai idinag go n̄upalu yan dam imoi a.” Agog diau a.

Anut in̄anen mel imianuk fidian tamol yan̄ad tia yan ikubiai pidinai a

¹⁷ Murnag tamol 72 an Jesus san na dumul dupalug, uyad isusag dubol, “Tubun en. Nek ur saiak saiak on̄ yan̄a mupate dan lo awama paen na dumado dugo awama diabi da!”

¹⁸ Agog Jesus ru naon irupidai, “N̄ai gubak mi Satan n̄ile dugo, nek ibol lak na weil irafule yak igo won̄, keit ibiseig idu ya.

¹⁹ Alon̄, n̄ai an̄ dabai n̄upanan̄ la ya. Ak nīnen o an̄ mot, lualiu da ka aparfufarai a. An̄anem ager Satan san dabai fidian an̄ ka abi idu wa, agod mel ta malam issue san tia ya.

²⁰ Gug an̄ ur saian saian awam diabi dan nīnen o ta uyam isusa na wa. Tia. Anut an̄anem yan̄am kumaen panu na igireg yen dan mi nīnen o uyam isusa wa.”

Jesus youn isag Anut per ipani a

Mat 11:25-27; 13:16-17

²¹ Saen an lo Jesus Urgun lo ilon imasag yousai tubun geig ak lo Anut irupei, “O Bai, tan keit da sad Tubun a, n̄ai ilo uyan

ru nupano da. Man dugo, mel en fidian tamolpein a kankan ad milaen an, agod a duloj dubol dan dam, minami pidinai a. Ak man onj mel an fidian tamol a yanjad tia yan kubiai pidinai a. O Bai, awo, ago gane san an onjane ilo, an ninjen o najai youg isa dugo ilo uyan nupano da.”

²² “Njai Tamag iginiag go mel fidian sad tamad njilasag njumado da. Tamol ta inj Anut Nanun ta ilonj na ya, nek Taman injsen mi a. Agod tamol ta inj najai Tamag ta ilonj na ya, nek njaiseg mi, agod tamol nek amaiak Nanun injsinan ilobol lo mi Taman ikubiai pani wa.”

²³ Agog Jesus idanjsag, megeloum pasak nam irupidaig ibol, “Mel gamu ale dan ninjen o ilom uyan.

²⁴ Man dugo, profet adi agod kinj adi wei kasik, mel e gamu anj ale den dile wo mok dumat se ya, ak man inj ta dile na ya. Agod ru e gamu anj alonj den duloj o mok dumat se ya, ak man ta duloj na ya.”

*Sameria tamol injanen ager ibinawi a
Luk 18:18-30*

²⁵ Kubiaen san girek manjau ta imasag Jesus ibitinae wo isumiani, “Girek manjau, najai dugo njiganep kumaen njane wak i?”

²⁶ Ago tag Jesus isumianig ibol, “Moses san kubiaen lo dugo digire yak i? Ata ru suti ak i?”

²⁷ Inj ru naon igo irupej, “Onj gidad Tubun en onjane Anut ninjen o umat a, onj bube fidian lo, njutu fidian lo, onjane ilo sou fidian lo, agod onjane dabai fidian lo ago gane wa. Agod, nek onjse niñe wo umat dak ago mi tamolpein aenta dam niñedi wo umat a.”

²⁸ Agog Jesus tamol an irupej, “Onjane ru naon itaot a. Nek ago mi gane tap, kumaen pempem san njane wa.”

²⁹ Ak man kubiaen san girek manjau an, tamolpein aenta malad lo injanen nao lalek an uyanan ilasa wo ilon ibol a. Ago yan ninjen o inj Jesus igo isumiani, “Tamol ninjen ubol an enti mok i?”

³⁰ Ago tag Jesus ru naon igo irupej ibol, “Tamol ta inj Jerusalem ibiseig Jeriko na yau dugo dal na gumagam tamol adi diabi a. Agog biouñ tinin fo yan dirasireg digam go, dufunig imat go tubabun yen dugo diau a.

³¹ Saen nek an lo pris ta dal an mi irig ipalu ya. Saen ipalu man tamol an imat go tubabun dal te yen dugo ile tag, dal gigin irig irinanjau a.

³² Livai san gugoi lo tamol taidam ipalug tamol an dal na yen dugo ile man, inj dam dal senamo injaneg yau a.

³³ Agog Sameria tamol ta dal an injaneg yau nag tamol an ile, ago man ilon tubun mi imuñani a.

³⁴ Ago tag wain inj gureñ da marasin onj injaneg nam tinin baob ifulanig ifou. Agog tamol an injsiganen donki fo igane isudag, injaneg lou ab ta lo diaug kaginan igane ya.

³⁵ Tidom lom mig kina uraru ab an san titianek tamol ipani dugo irupej, ‘Kaginan gane. Murnap njamul dop, melmel sapita inj tinin lo bisei an naon najai onj nupano wa.’ ”

³⁶ “Onj dugo ubol di? Tamol utol an lulunad lo enti injanen turan o imat ak i?”

³⁷ Ago tag kubiaen san girek manjau an ibol, “Tamol a ilon imuñani ama ya.”

Ago dugo Jesus irupej ibol, “Onj dam waup, nek ago mi gane wa.”

Jesus Marta inj Maria da sad na yau a

³⁸ Jesus injanen megeloum dida diaug panu ta ate dilasa ya. Atna pein ta yanjan Marta dubol dan Jesus iwagig injsan ab lo diau a.

³⁹ Marta tein ta yanjan Maria, inj Tubun en njien fun na imasig imado dugo, injsan ru ibol dugo ilonj se ya.

⁴⁰ Ago dugo Marta mi sen kisaek ananj biabi an iganeg yang, ilon saian tag ipalug Jesus irupej ibol, “Tubun en. Najai teig en ibisawag go seg mi urat en fidian njane dan ninjen dugo kankan gane dak i? Peip, ibunawag.”

⁴¹ Ago man Tubun en ru naon irupej, “O Marta! Onj mel wei mi niñedi wo ilo weiwei dugo ilo muruan da.

⁴² Gug onj mel kisaek malan te yak ninjen o kankan ta gane na da. Maria mel an ipilianig injane ya. Talpein ta mel an banin lo ipasi san tia ya.”

11

*Jesus megeloum gadinj digane wo ip-
iteñanai a
Mat 6:9-13; 7:7-11*

¹ Saen ta Jesus aben ta lo iguduanig itout an megeloum ta ipalug isumiani, “Tubun en, Jon inſan megeloum gudanek ipitejanai ak ago mi maſ dam pitejanama.”

² Ago tag Jesus irupidaig ibol, “An agudani wo tap, igo agod a:

‘Maſanema Bai, oſane yaſa gun. Oſane kagin panek ipalu.

³ Nal anek anek san anan panama.

⁴ Maſanema aupasek ilo inſaon.

Man dugo, aupasek a aenta maſ lo digane dan iloma inſaon da.

Bitinaek lo naoma ta urae na wa.’ ”

⁵ Agog Jesus gudanek ipitejanai yaug, ru mitilaen en irupidai, “Gamu tura ta san ab lo waup, tidom lak dalawan tutip, anan ta ipano wo gudanip ubol.

⁶ “Turag ta gamu nam nſaisag na ipalu yak man nſai anan amag tia ya.’

⁷ “Ago dop tura ab ilon lo ru naon irupaio, ‘Nſion saen go maen dak niſen o leiſ panama umoi. Dalawan itau a, pein nanuk fidian dien la ya. Nſai nſumasap mel ta nſupano san tia ya.’

⁸ Gug nſai nſurupaian da, gidad, oſsa tura bo man anan ta ipano na wa. Gug on gidad miai ifuno bo man maeg ganep sumiani on tap, melmel fidian niſen o ilo ibol dan ipano wa.”

⁹ “Ago yak niſen nſai nſurupaian da: Agudani dop, ipanan a. Aban abi dop, ale wa. Dalawan atuti dop, ipasi panan a.

¹⁰ Fidian dugudani dan diſane wa. Ta aban yabi dan ile wa. Ta dalawan ituti dan Anut ipasi pani wa.”

¹¹ “Dugo, an nanuk tamadi, nanum ta iy o igod dop, aben lo mot apandi?

¹² Tia. Kurek patun o ibol dop lualiu apandi? An dam tia ya.

¹³ An bo saiami a, ak gug nanum melmel niſedi wo dugod tap, mel uyan ak apidinai da. Nek ago mi Bai Anut dam tamol enti Urgan inſane wo igod tap ipandi wa.”

Tamolpein Jesus Belsebul san dabai lo urat igane dak ago dubol a

Mat 12:22-30; Mak 3:22-27

¹⁴ Nal ta Jesus tamol ta, ur saiak igane awan itau ak tinin lo ikudi a. Agog tamol an awan ipuk go inſeſ a. Ago man tamolpein wei mi ate dutur dan fidian durut saian a.

¹⁵ Ak man aenta dubol, “Ur sisaiak sad gurman yaſan Belsebul tabol damaiak san dabai lo mi in ur sisaiak ikudai diau da.”

¹⁶ Ago dugo aenta Jesus naon dukubiani wo kulob girager ta igane dop, dile wo dusumiani. An lo dop dulon ak, Anut sen idinig ipalu ya.

¹⁷ Gug Jesus inſad ilod ilon la yak niſen o irupidai, “Panu ta nug ditarpalep malan uraru dilasap, inſed ilod lo mi nug dufuni tap, in saen milaen ta dumado na wa. Gugoi ta ditarpalep sensen dutur o digane tap, inſad gugoi an yau idu wa.

¹⁸ Ago yak niſen o Satan inſen lo tarpalek igane dop, dugo won pe inſan kagin panek aben an dabai yen yau ak i? Nſai an nſabol dan man fun, nſai Belsebul dabai ipanag ak lo ur sisaiak nſukudai diau dak abol da.

¹⁹ Gug an rumok tap, anſiganem megeloum adi, enti san dabai nam ur saiak dukudai diau dak i? Fun amaiak niſen o anſiganem megeloum inſed mi, saen Anut san bitinaek nal ilasa dop, kubianek tamol on dilasap bitinaek lo didiran a.

²⁰ Ak man nſai Anut banin nam ur sisaiak nſukudai diau dak ago tap, an gidad alon uyanan a, Anut san kagin panek an inſirem na ipalu la ya.”

²¹ “Tamol ta dabai ak ager san biouſ tinin fo idirip ate inſanen ab melmel da kagin ipidinai tap, inſanen melmel an fidian itaot mi dien a.

²² Gug tamol ta nen dabai ak ipalup, yu in lo iganep itout tap, inſan ager san biouſ biouſ a ate inſanen tini ganei igane se yan fidian igam pe isini yau a, agop inſan furan fidian dam inſanep iwae yau a.

²³ “Talpein enti in nſai ta iganurag na dan, in patun ipanag da. Agod talpein a nſai da sisem anan mutumani san urat ta migane na dan, nſaisag urat iratitale da.”

Ur saiak dukudig yau an imul ipalu ya
Mat 12:43-45

²⁴ “Saen ur saiak ta tamol tinin lo yak dukudip yau tap, aben igosan ak ate gidigid ila iso wa. Ante aben ta yaes ibal san ile wo aban yabi wa, ak man aben an ta ile na wa. Ago dop ilon lo ibol, ‘Nſai gidad nſamul pe ab gubak mi ate nſumado amaiak lo nſau a.’

²⁵ Inj imasap yau ak man, ab an kawan di ilon dam diriani dugo mel fidian dukubuneg itaot dien dan ile wa.

²⁶ Amaiak ninjen o inj imul yaup, ur saiadi geig ak 7 taidam injal a. Ur an kulob sisaik digane san man inj dirinani geig a. Inj sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a.”

²⁷ Jesus ru ago ibol dugo, pein ta tamolpein lulunjad lo imasag iwagin go ibol, “Pein a iginiosig su ipano yan bar injaneg imado da.”

²⁸ Gug Jesus awan yabig ibol, “Tia. Enti Anut san ru ilon dugo kagin ipani dan mi bar injaneg imado da.”

Tamolpein kulob girager dile wo dusumiani a

Mat 12:38-42

²⁹ Tamolpein wei mi dususa se ya, ago dugo Jesus irupidai, “Saen gamu en san tamolpein man saiadi geig. Inj kulob girager ta kob igo wonj dile wo dusumianag da. Ak man Anut kulob girager ta tamolpein an ta ipidinai na wa, nek kob kisaek an mi ka dile wa, kob an man profet Jona san a.

³⁰ Man dugo, nek ibol Ninive adi malad lo Jona kob onj ilasag imado yak igo wonj, naiseg tamolpein saen en san injanen malan lo kob naon nek ago njilasap njumado wa.

³¹ Kwin a saut lo ilasa yan man, anj gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an anj ninemi wo ru ibol ilasa dop boum ipanaj a. Man ata wo? Kwin an inj tan asau mok imado bo man, Solomon san kankan milaen amaiak ibol ilasa dop ilonj o ipalu ya. Ago yak gug tamol ta dam inj ente imado da, tamol an man Solomon irinani geig a.

³² Ninive san tamolpein man anj gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi anj ninemi wo ru dubol ilasa dop boum dupanaj a. Man ata wo? Ninive adi Jona san ru ibol ilasa yan dulong go an lo ilod ibilisa ya; ak man tamol ta inj Jona irinani geig an gamu imado da.

Tinid san lilaman
Mat 5:14-16; 6:22-23

³³ Tamol ta inj lam ibanip ta imianip yen na da. Agod saregpaen na ta iganep yen na da. Tia, inj kuai te isujanip iyuk yen da. Ago dop tamolpein a ab lo diladu dan lilaman dile wa.

³⁴ Onjane mala man tini san lilaman. Saen onjane mala uyan tap, tini fidian geig an ilalaj da awan isa wa. Ak man saen onj mala saian tap, tini fidian geig an tidom tubun da awan isa wa.

³⁵ Ago yak ninjen o kagin agane. Kabelan lilaman a onj lo yan tidom tubun onj banau.

³⁶ Amaiak ninjen o anjanem tinim fidian an ilalaj dugo gigin ta lo tidom tubun ta yen na tap, aria, lilaman a anj lo yen dan awan isa wa, nek ibol lam ided dan onj tini fidian ilalaj da.”

Misilanek ru siks

Mat 23:1-36; Mak 12:38-40

³⁷ Saen Jesus injinaj go itout an Farisi ta iwagig injsan ab lo ananj diani wo diau a.

³⁸ Jesus Juda kagin irinanj, banin ta ifulani na dugo ananj diani wo dumasi a. Farisi an Jesus ago ileg, irut saian.

³⁹ Ago tag Tubun en Farisi an irupej, “Anj Farisi man gab daeg da tinid patud fo yak mi afulanai da. Gug ilom lo man mala sek, agod kagin saiak saiak mi awan isa ya.

⁴⁰ Anj Farisi njjeo tinami. Anut tinim igane dugo ilom dam igane ya. An lo ata wo ilom ta akubune na dak i?

⁴¹ Melmel a anjam gab daeg lo yan bigabeg adi apidinaip lo sed ibunawai tap, an tinim fidian Anut malan lo ikokan imado wa.”

⁴² “O Farisi, muruan tubun geig ak ale wa! Man dugo, anjanem abi san ananj melmel kititik an fidian atumanip, malan 10 ilasa gup malan kisaek atarpalep Anut apani da. Gug anj Anut san kubiaen malan te yak arinani da. Anj tamolpein kot lo ta atarpasai uyanan na dak, agod Anut ninjen o dam ta amat na da. Kagin malan te yak agane wa, agod kubiaen san ru kagin kititik dam ta abisei na wa.”

⁴³ “O Farisi, muruan tubun geig ak ale wa! Man dugo, anj ubou ab lo tamolpein malad lo kapal malan te yak fo amado wo agane da. Agod anj tamolpein malak malak yanjam diabisa wo agane da.”

⁴⁴ “An kagin agane! An man ibol tubabun gib lo imianuk yen dugo tamolpein ta dulon na dugo fufo diau dumul dugo sed nun ipidinai dak igo won a, ago man in an sinirem na dupalu yan lo Anut malan lo nun anda dilasag dumado da.”

⁴⁵ Agog kubiaen san girek manau ta Jesus irupe, “Girek manau, on ago ubol dan man dam paiama da.”

⁴⁶ Agog Jesus ru naon irupe, “O kubiaen san girek manau, an dam muruan tubun geig ak ale wa! Man dugo, an tamolpein kubiaen fidian kagin dupani wo abol da. An lo tamolpein muruan tubun kasik apidinai da. Gug insad muruan lo an banim ilap kitek ta abinawai na da.”

⁴⁷ “Rumok an muruan tubun geig ak anane wa! An profet adi dumat la yan sad mutou damag sinakan apani da, ak gug profet nek an ananem tubum bagem dufu dumat a.

⁴⁸ Kagin e agane den lo ansem kot ipan an da, man dugo, kagin a gubak mi digane na yan ninen o awok apidinai da. In profet adi dufu dumat se ya, agod an sad mutou akubune da.

⁴⁹ Amaiak ninen o In a tinin ilon lo Anut anen kankan milaen ak yen dan, igo ibol go irupaian, nai profet adi agod aposel adi nidinaip dupalu dop an sam na dilasa wa. Ago bo man an aenta afu dumat a, aenkadi muruan funfun dupidinai se ya.

⁵⁰ Fun an ninen o, profet fidian ager adi banid lo mater dile yan, kagin amaiak san ai wadan Anut ansem mi ipan an a. An man ansganem muruan mi a.

⁵¹ An lo Abel imat ak san saen log ipalug kin Joas san saen lo, Sakaraia in Berekaia nanun tempel san galun gun ak, alta da titinae mi tubum bagemi dufunig imat a, kagin an san ai wadan an tamolpein gamu dumado den sad na ilasap disini wa.”

⁵² “O kubiaen san girek manau, muruan tubun geig ale wa! An tamolpein manau dinane san ki an banid lo apasi yau a. An tamolpein a manau san ab lo diladu wo ilod ibol dan sad dal afutani da, agod ansem ta aladu na ya.”

⁵³ Jesus aben an ibisei dugo Farisi in kubiaen san girek manau dida tin aed tubun mi saian se ya. Ago man Jesus yau dugo

Farisi adi sumiaek funfun lo dusue se ya, ago dugo aten dusue dop melmel wei mi ninedi wo inin en dop dulon o digane se ya.

⁵⁴ Jesus ifurfi dop lo ru dupani wo malad digane se ya.

12

*Kagin sewak ak ninen o kagin agane wa
Mat 10:26-27; 16:6; Mak 8:15*

¹ Tamolpein wei kasik dutumanig, aben tia dugo nug tinin fo dutur se ya. Ago dugo Jesus imug megeloum ru kagin igo irupidai, “Farisi sad kagin sewak an ninen kagin agane wa. In bale uraru tinadi, awad ru ibol dugup nun on ta digane na da.

² Kagin fidian imianuk yen dan kuai isi wa. Kisaek ta imianuk yen san tia ya.

³ Ago yak ninen o ru ta tidom tubun lo an anin en dan ad lo tamolpein dulon a. Ru dugon nug kududon lo kisikisik ab san galun imianuk an lo abol dan, malak malak lo dam dulon a.

*Anut mi ninen o tarer a
Mat 10:28-31*

⁴ “Turag muroug, ru nurupaian da. An tamolpein tinim dufuni imat an ninen o arut amoi. Tinim mi ka dufuni imat a, ago gup nen dufuni san tia ya.

⁵ Nai tamol ninen o arer san nurupaian da. Anut mi ninen o arer a. In tamol tinin ifuni imat pe ntun dam ka ibal yai lo yau a. Awo, rumok nurupaian da, in mi ninen o arer a!”

⁶ “Toea uraru nam kusen 5 didad da. Gug Anut kusen an kisaek ta ilon in aon san tia ya.

⁷ Ago yak ninen o arer amoi. Man dugo, Anut an o ilon isou da. Anut malan lo talpein san naon lak na geig, an kusen wei kasik sad dad en naon irinani geig a. Rumok, nek ananem gurmam roun sapita yan isutig ilon da.”

Jesus yan an malak malak apate wo ta arer na wa

⁸ “Nai an nurupaian da. Talpein ta tamol naod na in naisag ago ibol tap, nai dam Anut san enel naod na natur pe nabol ak in naisag a.

⁹ Ak man talpein ta tamol naod na in naisag tia yak ago ibol tap, nai dam Anut san enel naod na in naisag tia yak ago nabol a.

¹⁰ Agod talpein ta in Tamol Nanun ninen o ru saiak ibol dan, Anut aupasek an ka isuas yau a. Ak gug talpein ta in Awan Urgun ninen o ru saiak ibol dan, Anut talpein an san muruan ta isuas yau na wa.”

¹¹ “Saen dijilian pe Juda sad tumanek ab lo tamol tutubun naod na atur o, tia gabman gurman naod na atur dop, dugo won sem ibalgiranan pe anijen an ninen ilom ta weiwei na wa.

¹² Saen nek an lo man Urgun in ru abol ilasa san an ikubiai panan a.”

Nijeo tamol a filian anda yan san ru fanan

¹³ Tamol ta tamolpein luluḡad lo Jesus irupeig ibol, “Girek manau, ḡai teig matu an rupeip, bai san filian an yabitip, anen anen atem misini wa.”

¹⁴ Ago tag Jesus ru naon irupeig ibol, “O turag, enti ḡai an filiam ḡitarpale wo ipilianag i?”

¹⁵ Agog Jesus irupidai, “Kagin agane. An tamol sen ak san filian ninen o malam ta isi na wa, kagin naok ago yan fidian ninen o sen alasa wa. Man dugo, tamol san madok uyan man tan san filian lo ta yen na da.”

¹⁶ Ago tag Jesus ru mitilaen en irupidaig ibol, “Filian tamol ta in tan munan uyanan ak lo anan ipaeg isa uyan a.

¹⁷ Agog inḡen kankan ago igane, ‘ḡai darem* fidian lo anan ḡidiri san ta idaisuda na ya. Ak ninen o dugo ḡigane wak i?’

¹⁸ Agog ibol, ‘ḡai darem ḡusubaraip, foun tutubun ak ḡususe idu wa. Ante anan, melmel aenta ḡidiri wa.

¹⁹ Agop ḡai melmel uyan ak wei mi amag da wa. Ananar wei mi yen da, an yaes ḡabal san idaisuda ya. Ago yak ninen o ḡani ḡaluk dop, seg malag ḡupare won dop ḡumado wa.’ ”

²⁰ “Gug Anut ibol, ‘On ḡijeo! Gamu tidom dop on umat a. Ago dop enti onsa filia an inane wak i?’ ”

²¹ “Tamolpein ensauta a tan en lo inaned filian bageu san tubun mi dutumani wo dumat da, ago gug Anut malan lo man in filiad tia ya, kagin nek ago mi in lo ilasa wa.”

*Ilom weiwei amoi
Mat 6:25-34*

* 12:17: Badbad

²² Agog Jesus megeloum irupidai, “Ak ninen o anḡsam madok ninen o ilom ta muruan na wa. Mel ani wan ninen o, mel aluk san agod biouḡ tinim san an ninedi wo ilom ta muruan na wa.

²³ Man dugo, anan an mel tusan dugo ḡutumi an mel tubun a. Taida mi, biouḡ tinim san an mel tusan dugo tinimi mok an mel tubun a.

²⁴ Anakanak ninen kankan agane, in anan ta dupae na da, in anan disinip anan ab lo ta dutumani na da, ak man Anut inaned anan ipidinai da. Ak dugo, Anut malan lo anakanak mel tusan dugo an mel tubun geig ak i?

²⁵ Agod enti ta an luluḡam lo, ilo wei lo iganep inḡsan tan san madok san saen kitek an isupasi wak i?

²⁶ Ago yak ninen o mel nanun an agane san tia tap, ata wo melmel an aenta fidian ninedi wo ilom weiwei dak i?

²⁷ “Garan san kakak dugo won disa dak ilom isou a. Kakak an urat ta digane na dak, agod inaned biouḡ dam ta diwei na da. Ak man ḡai ḡurupaian da, gidad Solomon damag siḡaokan ak dupani bo man, inḡsan leil man kakak an san leil igo tia ya.

²⁸ Aria, Anut garan san kakak san leil iganep siḡaokan ago dilasa dop, gidad gamu kumaedi dumado gup gabulop yai lo diabiau o tap, o an tamol ilo rumok amam tusan a, ak dugo, an dam biouḡ tinim fo ta idiri na wak i?

²⁹ Amaiak ninen o ilom muruan pe ‘ata tani wak i?’ tia, ‘ata taluk ak i?’ ago ta abol na wa. Ilom weiwei amoi.

³⁰ Man dugo, tan en san tamolpein fidian mel an fidian abanan diabi dutor da. Agod ananem Tamami mel fidian a ninen o an katukami dan ilon fufei da.

³¹ Gug imug mi man, Anut san kagin panek an ananem madok lo malan te mok agane tap, melmel en fidian dam anane wa.”

*Anut san panu lo mel uyan ak ule san dal
Mat 6:19-21*

³² “O ḡaisag sipsip malan wei tia yan, arer amoi. Ananem Tamam inanen ilo uyan lo inanen kagin panek ipanan a.

³³ Ago yak niñen o anjanem filiami an adad yaup, moni anjanep, tamolpein a melmel ad tia yan abinawai. Dal an lo Anut urat naon inſiganen panu lo idirip, pempem yen a. Darir, gumagam tamol adi dida duſubari san tia ya.

³⁴ Aben dugon lo anſam urat naon yen dan anſam ilo girek fidian dam nek atna mi yen a.”

Kagin aganep amado

Mat 24:45-51; Mak 13:32-37

³⁵ “Malam kumaen amado wa. Tinim akubunep, lam asulanip ided dop, tawan aganep amado wa.

³⁶ Urat pinein inaned tirnek tamol soubul lo yau ak imul o malan digane wa. Ago tap, inaned tirnek tamol imul ipalup, dalawan ititi dop ka dupasi kisaek oñ a. Tamol nek ago alasap amado wa.

³⁷ Pinein malad kumaen dumado dan in o ru tia ya. Pinein an irupidaip, dumasidop, inſen anañ ipidinai a.

³⁸ Gidad, tidom lak boi, tia, salso idu wo sumeik dugo ipalu tap, pinein malad kumaen dumado dan uyad isusa wa.

³⁹ Gug an mel en niñen o ilo sou agane. Ab taman in saen dugon lo gumagam tamol tidom lo ab igilep ilon lo iladu wan ilon tap, in ta yen na wa. Tia, tawan igane uyanan pe gumagam isadu san dal ifou wa.

⁴⁰ Ago yak niñen o an dam malam ipuk pe aban ale wa. Man dugo, saen an Tamol Nanun ipalu san an ta akubiani na dop, saen nek en lo in imul ipalu wa.”

Urat tamol uyan ak, in saian ak da

⁴¹ Jesus ru ibol itout an Pita isumiani, “Tubun en. Oñ ru en man mi rupaiama di? Tia, tamolpein fidian rupidai di?”

⁴² Ago tag Tubun en ru naon igo irupeid, “Ab taman ta inſan urat pinein a manau amad da, agod awan diri dupani dan, kob ipidinaig an lo in inanen urat pinein aenta itirnai a, agod anañ diani san saen ante mi anañ ipidinai da. Ak dugo, an lulanam lo, enti in urat pinein naok igo yak i?”

⁴³ Saen ab muroun ipalup urat pinein an inſan urat igane uyanan dan ile tap, in lo uyan a.

⁴⁴ Nai rumok nſurupaian da. Tamol tubun en inanen urat pinein emaiak kob ipanip, an lo inanen biouñ fidian kaginad igane wa.

⁴⁵ Ak man urat pinein an tamol saian tap, ilon lo igo ibol, ‘Naisag tamol tubun en ta ipalu kisaek oñ na da.’ An niñen o fun iganep urat pinein aenta, tamol in pein da, ifu isusap, lukluk tamol dida anañ diani dop, you sakar ak duluk o kagin naok ago igane wa.

⁴⁶ Urat pinein an san gurman nal agod auwa dam ta ilon na dop ipalu wa. An lo dop tamol tubun en ipalu saltik oñ pe urat pinein an ibaltiti idu wa. Ago dop awa parsisalek tamol adi lulanad lo iganep dida dumado wa.”

⁴⁷ “Urat pinein inanen tubun ak ilon ilon gug ta iri ipani na tap, muruan tubun mi ile wa.

⁴⁸ Gug ta inanen tubun ak ilon ta ilon na dugo igane saian tap, tamol an bu kabelan mi inane wa. Enti a Anut manau tubun mi ipani dan, Anut isumiani dak, inanen urat lo nuñon tubun mi dam igane wa. Agod enti a Anut binawek nen tubun mi ipani dan, nuñon dam nen tubun mi igane wo tinin igane pani da.”

Jesus niñen o tamolpein tarpalek malan uraru

Mat 10:34-36

⁴⁹ Agog Jesus ibol, “Nai tan na yai nſigane wo nſupalu ya. An niñen o naisag ilog man yai an gubak mi ided la yak man uyanan a.

⁵⁰ Gug muruan tubun nſisini wak naog na yen da. An niñen o naisag ilo muruan an yen dop yaup, muruan an itout a.

⁵¹ Ak dugo, nai maror tan en lo nſigane ilasa san nſupalu yak ago ilom isou dak i? Tia geig a, nai nſurupaian da, maror tia, tia, biatitek mi a.

⁵² Saen gamu en go yau dan, nai o ab aenta lo tarpalek yen a. Nuñod kafenda tap, utol nai aneg dudu wa, ago dop uraru nai o ru sen dubol a.

⁵³ Nanuk tamadi dumasap, nanud lo siai digane wa. Nanuk dam tamadi lo siai digane wa. Tinadi dumasap, nanud pein lo siai digane wa. Nanud pein dam tinadi lo siai digane wa. Nanuk iwod dumasap, nanuk tinad dida siai digane wa. Ago dop nanuk tinad dam raod lo siai digane wa.”

Jesus san ager adi aban dugo dile dan duloŋ uyan san ta idaisuda na ya

Mat 16:2-3

⁵⁴ Agog Jesus tamolpein malan tubun an fon irupidai, “Saen ad idu yau dak ate timtaen bilkas ale dop abol da, ‘Ui idu wa.’ Ago dop ui idu da.

⁵⁵ Saen tim tubun mi ifure dop, an alon, ad idu wa. Agop ad idu da.

⁵⁶ An sewak tamol. An aban lak na yak ale dop fun alon da. Tan na dam aban ale dop, fun alon da. Ak man ata wo melmel gamu ilasa dan fun ta alon na dak i?”

Ririan ru akubune wa

Mat 5:25-26

⁵⁷ “An ata wo kagin itaot agane san dal ta akubiani fufei na di?”

⁵⁸ Tamol ta in on injilio kot lo au dop dal na on in da ririan ru akubune wa. Kabelan injiliop, bitinaek tamol naon na alasap ai katuk banid lo iginiop dusubano banau.

⁵⁹ Nai nurupaio da. Dusubano dan lasa san tia geig. Mado nap onane muruan naon an ninen o, moni samukan fidian udad itout gup, lasa wa.”

13

Tamol ilon ta ibilisa na dan, in ideg yau a

¹ Saen an lo tamolpein dupalug Jesus durupe, “Juda tamolpein aenta Galili na dumado dan Jerusalem na tempel lo dupalug, Anut yai digane pani dugo gabman gurman, Pailat, tamolpein an ifu dumat dugo, insad dar tinid lo ilasa se yan mudan a yai digane dan da ikubuli a.”

² Ago tag Jesus isumianai, “Ak dugo, in dal an lo dumat an ninen o an ilom lo abol, insad kagin saiak Galili tamolpein aenta sad kagin saiak irinani ak ago abol di?”

³ Tia geig. Gug nai nurupaian da. Ananem saian an fidian patum ta apani na wak an rumok tap, an dam nek ago mi adeg au a.

⁴ Dugo, tamolpein 18 Siloam na ab lak na geig an yau idug ifu dumat an, ilom lo insad kagin saiak an Jerusalem tamolpein aenta sad kagin saiak an irinani abol di?”

⁵ Tia geig a. Gug nai nurupaian da. Ananem kagin saiak patum apani. Tia tap, an ago mi adeg au a.”

Gurab nunon tia yak san ru fanan

⁶ Agog Jesus ru fanan en irupidai, “Tamol ta insan abi lo ai gurab ta ipae ya. Nal ta yang, gurab patun aban ile tia tag,

⁷ insan abi titianek tamol irupe, ‘Nai ananar utol gurab an patun ta nile man tia ya. Ak ninen o tare. Etna itur dop, tan bulbal inanep itout banau.’

⁸ Ak man abi titianek tamol irupe, “Tubun en. Gidad, umoi dop, ananar kisaek taida itur dop tile gup. Nai dabin tan nupanip afon tile wa.

⁹ Agop, ananar naod na yan nunon ifu uyan tap, itur a. Gug tia tap, titare wa.”

Jesus pein ta Sabat nal lo iganeg uyan a

¹⁰ Sabat nal ta Jesus Juda ubou ab ta lo ru ipitenanai se ya.

¹¹ Saen an lo pein ta itaror on itor dak an dam imado ya. In gubak mi ur saian tinin lo iladug yen dugo subam an inaneg ananar 18 yau la ya. Saen fidian ifotsa san ta idaisuda na ya.

¹² Jesus pein an ile tag iwagig, ipalug irupe, “Onane subam gamu njigane itout a.”

¹³ Ago dugo banin tinin fo iganeg, gamu nam ifotsag, Anut yan yan yabisa ya.

¹⁴ Jesus Sabat nal lo pein an iganeg uyan ak ninen o, ubou ab an san titianek tamol tinan saian. Ago tag in tamolpein ipidaig ibol, “Nal 6 an urat san. Ago yak ninen on enti saia tap nal 6 an ilon lo palup, ikubunio. Gug Sabat nal lo man tia ya.”

¹⁵ Ago tag Tubun en tamolpein fidian ubou ab an lo yan ru naon igo irupidaig ibol, “An balem uraru tinami a! An Sabat nal lo, ananem makau boi, tia, donki kam burod lo yan apasip, anjal pe da aup you ta apidinai da. An ta rumok na i?”

¹⁶ Nek ago mi, gamu pein en, Abraham malan kubulan, in ananar 18 Satan banin lo imado se ya. Dugo, nal gun en lo Satan banin lo tupasi tap, dugo ilom isou di? An saian ak i?”

¹⁷ Insan ru naon an iganeg, tamol a fidian sumianek dupani an miai ifu ya. Gug tamolpein aenta man Jesus kulob funfun igane na yan ninen o ilod tubun mi uyan se ya.

*Ai patun kitiktikan san ru fanan
Mat 13:31-32; Mak 4:30-32*

¹⁸ Agog Jesus fon irupidai, “Anut san kagin panek man dugo wonj ak i? Njai ata mel lo tou njigane wak i?”

¹⁹ Inj ibol ai patun kitiktikan yanan masted dubol dak onj a. An tamol ta injanep, injanen abi lo ipaep, ipuk pe, isap, ai tubun ak onj ilasa wa. Ago dop anakanak raen fo wur dufuni wa.”

Yis san ru fanjan

Mat 13:33

²⁰ Agog Jesus afon isumianai, “En ata mel njai Anut san kagin panek da tou njigane wak i?”

²¹ Inj ibol yis onj. Pein ta yis injanep, plaua daeg tubun ak lo yan ida ikubulip, yen dop plaua ikafut yaup tubun a.”

Dalawan ipipiani an

Mat 7:13-14,21-23

²² Jesus Jerusalem na yau dugo, dal na panu tutubun ak, agod kitiktik ak dam lo, Anut san ru ipitejanai dugo yau se ya.

²³ Ago dugo tamol ta Jesus isumianig ibol, “Tubun en, dugo, Anut tamol wei an tia patud ipasi wak i?”

²⁴ Ago tag Jesus irupidaig ibol, “Dalawan man ipipiani an. An dalawan ipipiani an lo aladu wo maeg agane wa. Man ata wo? Njai njurupaianj da, tamolpein wei mok Anut san kagin panek aben lo diladu wo ilod ibol da, ago bo man diladu san tia ya.

²⁵ Man dugo, ab taman dalawan ifutanip, an lo aenta asupakuk dop, patun fo atur a. Dalawan atitip, awaginj a, “Tubun en, onj dalawan pasi panama.”

“Gup inj ru naon igo irupaianj a, ‘Anj dugon te alasa yan njai ta njalonj na ya.’

²⁶ “Ago dop arupeip abol a, ‘Onj manj da sisem tani taluk na ya. Manjsama panu lo dam pitejanama na ya.’

²⁷ “Ago gup irupaianj, ‘Njai fon njurupaianj da, anj dugon te alasa yan njai ta njalonj na ya. Anj aupasek tinami, sen alasa.’

²⁸ “Aben an ate anj atata dop luomi agurmi wa, man dugo, Abraham, Aisak, Jekop, profet adi fidian dam Anut san kagin panek aben lo dumado dop eil a, ak man diabiananj pe patun fo alasap amado wa.

²⁹ Tamolpein wei kasik ad isuda dak lo, ad idiau dak lo, not lo, saut lo dam an fidian

dususap, Anut san kagin panek aben lo diladup ananj diani wo dumasip dumado wa.

³⁰ Alonj uyan, aenta gamu murna yan murnap dumug a, ago dop aenta gamu malan te yan murnap murna geig dumado wa.”

Jesus Jerusalem ninjen o itata ya

Mat 23:37-39

³¹ Saen an lo mi Farisi aenta dupalug, Jesus durupe, “Onj gidad, gamu aben en biseip sen lasa. Man dugo, Herod onj ifuno umat o ilon yen da.”

³² Ago tag Jesus ru naon irupidai, “Aup, goun kasik an arupe, ‘Njai saen gamu, gabulo an man ur saiak saiak njukudai diau dop, tamolpein subam ad da yan njukubunia, a. Salsop njaisag urat wadan njufutani wa.

³³ Ago yak ninjen njai gamu, gabulo, salso man turenj mi nabi wa. Man dugo, aben a ate profet ta dufuni imat an man Jerusalem mi a, an ninjen o panu sen ta lo dufuni imat banau.’ ”

³⁴ “O Jerusalem. Onj profet adi ufu dumat na ya. Anut tamol onjsa na iginiai dupalu dan dam pat nam ufu da. Nal wei kasik ibol kurek ta nanun subarin paen na kagin ipidinai dak ago mi njai kagin njupananj o njigane gug anj njai amoi a!

³⁵ Ago yak ninjen o Anut anjsam tempel ibiseig kawan yen da. Agod njai njurupaianj da, anj njai fon ta aliag na dop yaup anj saen igo abol, ‘Tamol e Anut yanan lo ipalu den Anut anen bar tinin lo yen da.’ ”

14

Jesus tamol ta tinin ikafut ak ikubune ya

¹ Sabat nal ta lo Jesus Farisi gurman ta san ab lo ananj yani wo yau a. Inj fidian Jesus kulob dugo igane dop dile wo malad ti ibol go leil dupanig lo ru dupani san ago digane se ya.

² Agog tamol ta njien banin ikafut ak Jesus sinjiren na ipalu ya.

³ Jesus tamol an ile tag kubiaenj san girek manjau, inj Farisi dida isumianai, “Idsad kubiaenj dugo ibol ak i? Sabat nal lo subam adi ka tukubunia ak i? Tia yak i?”

⁴ Ak man inj fidian ru ta dubol man tia ya. Ago tag Jesus tamol an injaneg ikubuneg itout go idinig yau a.

⁵ Agog Jesus fon isumianai, “An luluŋam lo tamol ta nanun boi, tia, inŋsan makau boi, you san gib lo idu yau tap, mel en Sabat nal lo ilasa yan niŋen o, ririan yaup irae isudap inŋane wak i?”

⁶ Ak man ta kisaek ru naon ipei man tia ya.

⁷ Jesus Farisi an san ab lo imado dugo, tamolpein dupalug kapal malan te yak atem dumasi wo digane dugo yil. Ago tag ru faŋan en ibol,

⁸ “Tamol ta nug ŋanek san soubul lo igiop wau tap, imug mi kapal malan te yak fo masi umoi. Kabelan tamol ta oŋ iriŋano yak dam iwagip ipalu banau.

⁹ Agop soubul taman an ipalup irupaio, ‘Oŋ gidad masa dop, in aben en lo imasi wa.’ Agop oŋ miai tubun mi ifuno dop, masap waup, kapal wadan na yan fo masi wa.

¹⁰ Tia. Saen tamol ta soubul lo igio tap, waup, imug mi gidad kapal wadan na yan fo masi wa. Ago dop soubul taman oŋsa na ipalup, irupaio igo ibol, ‘Turag, oŋ masap palup aben uyan en lo masi wa.’ Ago tap oŋ tamolpein dumado dan malad lo oŋ yaŋa ama da wa.

¹¹ Man dugo, tamol ta inŋsen yabisa dan, Anut in yabi idup tamol yaŋan tia yak imado wa. Agod ta inŋsen yabi idu dan Anut in yabisap yaŋan anda imado wa.”

¹² Agog Jesus soubul taman irupeu, “Saen soubul gane tap, oŋane tura, murou, ab susumeik, filiad anda yak mi giai umoi. Man dugo, in murna dop soubul naon digane panop, an lo inŋaned gubun dupano wa.

¹³ Tia, saen oŋ anan ta wabi wo tap, bigabeg adi, dutor san tia yan, a ŋiedi tubabunan, agod malad tia an dam, gidad soubul lo giai dupalu wa.

¹⁴ Ago tap oŋ bar uyan ama da wa. Man dugo, in naon fon oŋ dupano san tia ya. Gug mitep saen tamol itaot adi kumaen dumasa dop, Anut kulob a gane yan naon ipano wa.”

Soubul tubun ak san ru faŋan

Mat 22:1-10

¹⁵ Agog tamol ta in dam ante anan di-ani ak ru an ilon tag Jesus irupeig ibol, “Talpein in mitep Anut san kagin panek

aben lo soubul tubun an lo dumado yan bar inŋaneg imado da.”

¹⁶ Ago tag Jesus tamol an irupeig ibol, “Tamol ta in soubul tubun ak iganeg, tamolpein wei mok dupalu wo igiai a.

¹⁷ Murnag biabi fidian itout dugo inŋanen urat pinein idinig yaug, tamolpein igiai an irupidai, ‘Apalu, biabi fidian itout la ya.’

¹⁸ Agog anen anen fun diganeg soubul lo ta diau na wan niŋen o urat pinein an durupeu a. Tamol malan malan an ibol, ‘Ŋai tan kilaken ta ŋadad ak ŋaup ŋile wa. An niŋen o gidad, ŋai ilo isou umoi.’

¹⁹ Tinin te yan ibol, ‘Ŋai urat san makau 10 ŋadad a. An lo ŋaup ŋibitini ai o da. Ulon de? Gidad, ŋai ilo isou umoi.’

²⁰ Ago dugo neinta dam ibol, ‘Ŋai nor na geig pein niŋane ya. Ago yan lo ŋai gamu ŋau san tia ya.’ ”

²¹ “Ago tag urat pinein an fon imul yaug ru fidian inŋanen tubun an naon na ibol. Inŋsan tubun en ru an ilon go tiŋaen saian tag, urat tamol an fon idini dugo igo irupeig ibol, ‘Ririan waup, panu ilon lo saiak saiak adi, bigabeg adi, ŋied banid imat, malad tia yak, an uŋal pe dadi apalu.’ ”

²² “Agog urat pinein an imul ipalug ibol, ‘Oŋane ru ubol an ago mi ŋigane ya. Tamol ŋaŋal ak gug aben aenta wei mi kawan dien da.’ ”

²³ “Ago tag tamol tubun an urat pinein afon idini dugo irupeig ibol, ‘Waup, dal garan lo, abi dal lo tamolpein man so-dudunaip uŋal pe dida apalu wa. Agop ŋaisag ab awan isa wa.’

²⁴ Ŋai ŋurupaio da, tamol a malmalan ŋigiai ak gug in dumoi an, ŋaisag anan en awad kitek isue ile san tia ya.”

Jesus ganuri san muruan

Mat 10:37-38

²⁵ Tamolpein wei kasik Jesus ŋien fo diau dugo idanŋag irupidai,

²⁶ “Talpein ta ŋai iganurag o da, ak gug in tinan, taman, iwon nanun, tein muroun, lun muroun fidian ta patun ipidinai na dop, inŋsen o kankan igane tap, talpein naok an ŋaisag megeloum ilasa san tia ya.

²⁷ Ta inŋsinanen aigim isinip, ŋieg aban ta iri na tap, in ŋaisag megeloum oŋ ilasa san ta idaisuda na ya.

28 “Tamol ta inĵ ab lak na nuŵon yabi wo imat tap, inĵ imasip, ilon igire wa. Bor sapita isue wak, agod moni sapita ibiseip ab an yabi itout an ilon isou uyan gup, ab an yabi wa.

29 Gug ago ta igane na tap, ab tubun an fun mi igane gup ta yabi itout na wa. Ago dop aenta ab an dile dop, kukok an diganep

30 dubol a, ‘Tamol en urat fun igane gug igane itout san ta idaisuda na ya.’

31 “Nek ago mi kinĵ ta yaup, tan sen ak ta san kinĵ da nug dufuni wo tap, inĵ imasap ilon igire uyanan a, man dugo, inĵsan yu tamol 10 tausen mi, gug neinta san man 20 tausen. Ak dugo, inĵsan 10 tausen neinta san 20 tausen dirinĵanai san idaisuda yak i? Ilon ago igire wa.

32 Aria, inĵ ta idaisuda na tap, tamol idinaip diaup, kinĵ neinta an dal na mi ida ru dukubunep, ilod kisaek, agop nug ta dufuni na wa.

33 Nek ago mi, talpein ta inĵ nĵai iganurag o imat tap, tan en san filian fidian patun ipani gup, inĵ nĵai iganurag a. Tia tap, nĵaisag megeloum ilasa san tia ya.

Beig san ru fanĵan

Mat 5:13; Mak 9:50

34 “Beig man mel uyan a. Gug saen inĵsan bulbal an itout dan dal ta lo fon tiganep, bulbal san tia ya. Inĵsan urat dam fidian itout a.

35 Ago dop tibiliau da. Tamol onĵ kududo ama da tap, ru an ulon uyanan a.”

15

Sipsip ideg yau ak san ru fanĵan

Mat 18:12-14

1 Nal ta takis nĵilanaĵ adi inĵ aupasek tamol adi dida Jesus san ru duloŵ o dususa ya.

2 Agog Farisi adi, inĵ kubiaenĵ san girek maŵau dida Jesus patun fo disidag dubol, “Tamol an aupasek adi dida nug turan diganeg dida anaŵ kisaek mi diani da.”

3 Ago tag Jesus ru fanĵan en ibol irupidai,

4 “Tamol ta inĵsan sipsip 100 gug lulunad lo kisaek ideg yau tap, an nĵinen o dugo igane wak i? Inĵ sipsip 99 an itumanaip dumado dop yaup, kisaek an abanaŵ yabip itor nap ile mok a.

5 Saen sipsip an ile dan ilon uyanan pe, inĵanep paon fo ibili isudap, isinip, panu na yau a.

6 Agop inĵanen turan muroun, ab susumeik an igiaip dupalup, agop irupidai, ‘Nai ilog tubun mi uyan da. Man dugo, nĵaisag sipsip kisaek ideg yau gug fon nĵile ya. Ak nĵinen o apalup yousai tigane.’

7 Nek ago mi lak na Anut san enĵel adi dam tamol ta Anut san kagin imoi ak fon ibileksa dop, inĵ o ilod tubun mi uyan da. Ak man 99 a itaot la yak dubol go dumado dan inĵ o enĵel adi uyasusai ta digane na da.

Moni patun ideg yau ak san ru fanĵan

8 “Nek ago mi pein ta inĵ moni patun 10 gug kisaek ideg yau dop nĵinen o dugo igane wak i? Inĵ lam ibanip, ab ilon irianip, abanĵ yabip yau na gup ile wa.

9 Saen ile dan turan muroun, agod ab susumeik an igiaip, dutumanip, irupidai, ‘Moni patun a ideg yau an fon nĵile ak nĵinen o ilog tubun mi uyanan a. Ago yak nĵinen anĵ nĵai da sisem ilod uyanan a.’

10 Nai anĵ nĵurupaianĵ da, nek ago mi Bai Anut san enĵel adi aupasek tamol ta kisaek ilon ibilisa tap, an nĵinen o ago mi uyad tubun mi isusa wa.”

Taman ta nanun ideg yau ak san ru fanĵan

11 Jesus ru awan ibateg ibol, “Tamol ta nanun uraru a.

12 Nanun bakan an taman irupeig ibol, ‘Bai, onĵane filia nĵai teig da wabitip nĵaineg nĵutug gamu en panag.’ Ago tag taman inĵanen filian an yabitig nanun uraru mi anen anen ipidinai a.

13 “Murnag nanuk bakan ak inĵanen filian an idad yaug, san moni an isinig panu ta asau ak lo yau. Atna uyasusai kagin lo moni isini an isuwari yau.

14 Inĵ melmel fidian isini an igane itout a, ago gug kadag tubun ak tan an lo idu ya. Ak man tinin lo melmel an fidian itout go muruan tubun mi isini se ya.

15 Ago tag yaug, panu an san tamol ta san na urat igane wo isumiani. Tamol an yabig idinig yaug bor sad ar lo inĵanen bor kaginad igane dugo imado se ya.

16 Ago dop bor sad anaŵ samsamun ta yani wo yaes isofutani gug talpein ta mel yani san ta ipani man tia ya.

¹⁷ “Saen tinin imadan man, ilon ipastig ilon lo igo ibol, ‘Nai tamag san urat pinein bo in anan idaisuda mi diani dugo dumado da. Ak man nai ente kadag ibiag dugo mater nile wo sumeik da!

¹⁸ Nai nmasap bai san na njaup nabol a: O bai, nai on Anut da naom na njigane saian a.

¹⁹ Ago yan lo nai on nanu ubol san ninen o nai ta idaisuda na ya. An ninen o nai onsa urat pinein luluḅad lo onsa urat pinein kisaek ago giniag pe njilasa wa.’

²⁰ Agog imasag, imul go taman san na yau a.

“Asau mi ipalu dugo taman malan yaug ile ya. Agog inanen nanun ilon imuḅani saian geig tag, imaspalug yaug, nanun yabig musuk ipanig ida ditata se ya.

²¹ Agog nanun irupeig ibol, ‘O bai, nai on Anut da naom na njigane saian a. Ago yan lo nai on nanu ubol san ninen o ta idaisuda na ya.’

²² “Gug inanen taman urat pinein idinaig ibol, ‘Ririan aup, kulos milaen sinjaokan an ananep asini apalup, agane pani. Ariy dam tuon lo agane. Sendal dam adiri pani.

²³ Agod aup, makau nanun tinin italbusi uyan an afuni. Agop id anan tabip tani dop, ilod uyan dop muguruḅ tigane wa.

²⁴ Man dugo, nai nanug en imat nabol ak gug gamu afon kumaen imado da. Gubak mi ideg yau nabol ak gug gamu afon njileg njane ya.’ Agog muguruḅ tubun ak fun digane ya.

²⁵ “Agog nanuk matu an abi lo itor nag imul ipalug, ab sumeik ipani dugo in sad uyasusai an liliḅan ilon a.

²⁶ Ago tag urat pinein ta iwagig isumiani, ‘An ata digane dak i?’

²⁷ Agog urat pinein an ru naon irupe, ‘On tei itor ak gamu ipalu ya. Muruan ta ile man tia yak ninen o an tamam makau nanun tinin italbusi uyan an ifuni a.’

²⁸ “Nanuk matu an ago ilon go tinjaen saian tag ab ilon lo iladu san imoi a. Ago tag taman ilasag inanen nanun matu ak ab lo iladu wo ilon inane wo igane se ya.

²⁹ Ak man nanun an taman irupe, ‘Ananar wei kasik nai onsa urat pinein igo won urat njigane na ya. Agod nai on awa kitek njiparsisali man tia ya. Ak gug on sipsip

nanun ta, njaineg turag muroug dida uyama isusa wo panag man tia ya.

³⁰ Gug on nanu an onsa filia pani an jeit pein adi tinid lo ibidani dugo itor nag, gamu imul an, on makau nanun tinin italbusi uyan an in ninen o funi a.’

³¹ “Ago tag taman ibol, ‘Nanug, on nai da nal pempem tumado da. Agod njaisag mel fidian man onsa.

³² Ak man gidad gamu ilod uyan dop muguruḅ tigane wa. Man dugo, on tei en imat nabol gug, gamu fon imado da. In ideg yau gug fon imul ipalu ya.’ ”

16

Titianek tamol kankan anda yak san ru fanan

¹ Jesus inanen megeloum irupidai, “Filian tamol ta in urat titianek tamol aman da ya. Agog tamol aenta dupalug, filian tamol an durupe, ‘Onsa titianek tamol an onane filia ibidani da.’

² Ago tag iwagig isumiani, ‘Nai on nje wo ru tim njalon a. On dugo gane dak i? On masip, urat gane yan girep panag dop urat bisei. On afon urat titianek tamol mado san tia ya.’

³ “Agog titianek tamol ilon igireg ibol, ‘Njaisag tubun en gamu njaisag urat lo ikudag o da. Dugo njigane wak i? Nai tan njitare san dabai amag tia. Agod nai njagod o dam miai ifunag da.

⁴ Ak man dugo njigane wan gamu njalon a. Ago tap mitep urat lo ikudag dop, turag muroug wei mi duyuanag dop insad ab lo digiag pe njau a.’

⁵ “Ago tag in tamolpein fidian a in san gurman san na gubun digane yan kisaek kisaek mi igiai a. Tamol malmalan an isumiani, ‘On njaisag gurman an tinin lo gubun sapita gane yak i?’

⁶ “Agog ru naon irupe, ‘Wan handet dram oliv guren.’

“Ago tag titianek tamol an ibol, ‘Ririan masip, wan handet suas pe fifti mi gire.’

⁷ “Agog neinta isumiani, ‘On gubun sapita gane yak i?’

“Agog ibol, ‘Wan tausen bek wit.’

“Ago ibol tag irupe, ‘Masip, girek an suas pe 8 handet gire.’

⁸ “Aria, inſan gurman kulob a igane yan san ru ilonj go ipitiani a, man dugo, urat titianek tamol an kankan anda ya. Tan en san tamolpein siganed madok an kagin dupani uyanan san ninen o kankan ad da ya, agod inſad kankan an, tamolpein a ilalanj san an sad kankan irinjan da.

⁹ Nai nŕurupaianj da. Anſam moni nam tamolpein abinawai. Agop an lo inj an turam dilasa wa. An lo dop saen anſam moni biabi aman tia man, kumaen panu lo aladup ante tamolpein an duyuſananj pe malam dupare wa.

¹⁰ “Talpein enti mel nanun ak lo kagin uyan an mi igane dan, mel tubun ak lo dam ago mi igane wa. Nek ago mi, talpein enti mel kititik lo iraeſ tap, mel tutubun ak lo dam ago mi igane wa.

¹¹ Ago yak ninen o, onj tan en san filian o raek kagin gane yak ago tap, saen kumaen panu san filian mok a diwae dan, onj ninje wo ilod isou wak i? Tia geig, onj bani kawan mado wa.

¹² Agod tan en lo onj tamol sen ak san filian kagin pani wo bani lo digane yak gug, onj kagin an ta gane uyan na yak ago tap, onjane filia kumaen panu lo yan bani lo diganep kagin pani wak i? Tia geig a.

¹³ “Tamol ta inj gurman uraru an mi nal kiſaek lo mi awad yabi san tia ya. Inj ago igane wo igane tap, inj kiſaek o lian ninen o imat dop, turan ile ſaian a. Tia dop, kiſaek o lian ilon ipani dop, turan patun ipani wa. Nek ago mi onj Anut moni da ſiſem uri san tia ya.”

¹⁴ Farisi adi ru an fidian dulonj go Jesus kukok an digane dugo nao futek ru tinin lo digane se ya. Man dugo, moni ninen o tubun mi dumat a.

¹⁵ Agog Jesus irupidaig ibol, “Anj tamolpein malad lo sem itulanj da, ak gug Anut ananem ilom ilonj uyanan da. Mel a tamol malad lo naon lak na geig ak anda yan, nek mel an Anut malan lo iganan geig ak ibol da.”

Pitenjanek ſubunjan taida

Mat 11:12-13; Mat 5:31-32; Mak 10:11-12

¹⁶ “Moses san kubiaen inj profet adi sad ru da yen go ipalug Jon san lo ya. Saen an log ipalug gamu saen en lo man, Anut san

kagin panek aben san ru dufulale da. Ago dugo tamolpein wei kaſik Anut san kagin panek aben ilon lo diladu wo wagai digane da.

¹⁷ Keit tan da ditout diau san man paſauman geig a, ak gug girek kitekan san boi ta Moses san kubiaenj lo yan ideg yau san ta paſauman na ya. Rumok, ideg yau san tia geig a.

¹⁸ “Tamol ta inj iwon ikudip pein foun ak injane tap, jeit igane da. Ago dop tamol sen ta pein a iwon ikudi an injane tap, inj dam jeit igane da.

Filian tamol inj Lasarus da

¹⁹ “Tamol ta inj filian anda yak pempem biouſ ſiſinaok ak mi idirip imado se ya. Ananj dam uyan uyan ak mi yani se ya Inj mel ta lo katukan man tia ya.

²⁰ Ago dugo bigabeg tamol ta yanjan Lasarus dam imado. Inj tinin baob yafutani a.

²¹ Pempem disini diaug, filian tamol an san ab naon na dibiliſig, imado dugo ananj ſamsamuk filian tamol san badim fo yan idu dan yani wo ilon tubun mi ibol se ya. Ago dugo goun dupalug, inſan baob an dipile se ya.

²² “Tamol uraru an ago digane yau nag, bigabeg tamol an imat go, Anut san enjel dinjaneg diaug, Abraham giranjen na digane ya. Agog filian tamol an dam imat go diſare ya.

²³ Inj Ades lo imado dugo, madai tubun mok ifuni se ya. Agog malan isudag, aſau mi Lasarus Abraham giranjen na imado dugo ile ya.

²⁴ Ago tag filian tamol Abraham iwagig go ibol, ‘Bai Abraham, ilo imuſanag. Lasarus dinip, banin kikoun you lo isaminip, isini ipalup baleg fo iganep ibubarum. Man dugo, njai yai en lo madai tubun mi nſiſini dugo nſisagai da.’

²⁵ “Ago tag Abraham ru naon irupe, ‘Nanug, ilo isou. Saen onj tan na kumae mado dugo, onj onſa mel uyan uyan ak nane na ya, ago dugo Lasarus mel ſaian ſaian ak mi injane na ya. Gug gamu inj ilon paſa ibol dugo onj madai tubun geig ak ſini da.

²⁶ An mi tia, Anut onj njai da titinjanem dog kuror ak iganeg yen da. An lo tamolpein etna dumado dan dog an dupilalip onſa na

diau san tia ya, nek ago mi tamolpein a oñ dida amado dan dog an dupilalip ñaisag na dupalu san dam tia ya.'

²⁷ "Ago tag filian tamol an ru naon irupeig ibol, 'Mago tap, Lasarus dinip, ñai tamag san ab lo yaup,

²⁸ teig 5 ante dumado dan ru kagin irupidai a. Kabelan in dam aben ente tamolpein madai tubun geig dile wan ate dupalu banau.'

²⁹ "Ak man Abraham ru naon irupeig igo ibol, 'Tia. Oñ tei murou man in Moses san kubiaen, agod profet adi sad ru ka dusuti wa, an in o idaisuda ya. Ru an ka dulong dop kagin digane wa.'

³⁰ "Ago tag filian tamol an ibol, 'Tia. Bai Abraham, an man ta idaisuda na ya. Ulon, tamol ta imat ak fon kumaen imasap yaup, ñai teig muroug an irupidai tap, an lo ilod ibilisa wa.'

³¹ "Ak man Abraham irupeig ibol, 'In Moses profet dida sad awad ta diabi na yak tap, gidad tamol ta mater lo yak fon imasa dap, ilod inane ilod ibilisa wo ru kagin irupidai bo man, in awan ta diabi na wa.' "

17

Aupasek kagin, ilo rumok kagin, agod awabek kagin

Mat 18:6-7,21-22; Mak 9:42

¹ Agog Jesus inanen megeloum irupidaig ibol, "Kubianek funfun ilasa wa, dilasa san dal tufutani san tia ya. Gug tamol enti in turan ta naon iraep, kagin saian lo idu tap, in muruan tubun mi ile wa.

² Gidad, in pat tinan ta buron lo disisi idup, beig lo dibili idup isarir o man uyanan mok a. An tia tap, muruan nen tubun geig ak ile wa.

³ Ago yak ninen o kagin agane, sem tinim atirni uyanan a!

"Oñ tei ta oñ lo aupasek igane tap, kududon wabi. Agop ibileksa tap, inanen aupasek an pare idu pani.

⁴ Gidad, ad kisaek ilon lo saen 7 oñ lo igane saian gug saen anen anen lo mi imul go, nao na ilon ibileksa yak ibol da, an ago tap, saen nek an lo mi inanen muruan an pare idu wa."

⁵ Agog aposel adi Tubun en durupe, "Mansama ilo rumok an ganep dabai."

⁶ Ago tag ru naon irupidaig ibol, "Masted patun man kitiktik an gug isap ai tubun ak ilasa da. Ago yak ninen o an sam ilo rumok masted patun igo won tap, gidad ai e leil apani den tubun a, ago bo man ka arupe, 'Oñ se ibilanop, waup, beig lo udup utur,' ago dop awam yabi wa.

⁷ "An luluñam lo tamol ta kisaek san urat pinein abi lo itor boi, tia, sipsip ititianai boi, ab lo imul ipalu dop, in imug o mi anan yani wo ta irupe na wa.

⁸ Tia, inanen tubun ak san anan imug ikubunep ipanip, yani gup, murna dop in sinanen anan yani wa.

⁹ Urat pinein ago igane dop, in san tubun an ilo uyan ru ta irupe na wa. Tia. Man dugo, urat pinein an inanen tubun ak idini ak fom igane da.

¹⁰ An dam nek ago mi a. Saen an urat fidian ñai an nupanan an aganep itout dop abol, 'Man urat pinein kawan a. Mananema tamol tubun ak mi awan mabi da, mel ta per panek minane san ta migane na da.' "

Jesus lepra tamol 10 ikubunia a

¹¹ Jesus Jerusalem na yau dugo dal a iri dan Sameria in Galili da dien dugo titinaem yau a.

¹² Panu ta ate iladu dugo, tamol 10 lepra amad da yak dal na dile ya. In kitek asau mi dutur dugo,

¹³ duwagin, "Jesus, Tubun ak, ilo imunanama."

¹⁴ Jesus yil tag irupidai, "Aup, tinim Juda sad pris adi akubiaip dile." Agog dal na diau dugo tinidi afon ilasa uyanan da ya.

¹⁵ In luluñad lo tamol ta kisaek in tinin ago ile tag, idan sag imul Jesus san na yau dugo, awan tubun mi Anut yan an yabisa se ya.

¹⁶ Agog yang Jesus naon na turun isaluwig, ilo uyan ipani a. Tamol an Sameria tamol.

¹⁷ Jesus ago ile tag ibol, "Tamol 10 nukubuniaig uyadi an, kisaek imul a, ago dugo, 9 an dugon te diau ak i?"

¹⁸ Ata wo tamol nukubuniaig uyad isusa yan, Anut per dupani wo ta dumul dupalu na dugo, nek tamol gol en mi imul ak i?"

¹⁹ Agog Jesus tamol an irupei, “Masap wau. Onjane ilo rumok ikubunio ya.”

Dal dugon lo Anut san kagin panek ipalu wa

Mat 24:23-28,37-41; Mak 13:14-23

²⁰ Farisi aenta Jesus dusumiani, “Sanjaptap Anut san kagin panek ipalu wak i?” Ago tag Jesus ru naon irupidai, “Anut san kagin panek ipalu dan, an talpein ta ile ilon na wa, man dugo, kob ta injsan kagin panek sumeik ipalu dan san an imug ta ilasap ale na wa.

²¹ Talpein ta imasap igo ta ibol na wa, ‘Anut san kagin panek ente ya.’ Tia, ‘Anut san kagin panek onte ya.’ Man dugo, Anut san kagin panek an lulunjam lo yen da.”

²² Agog Jesus megeloum irupidai, “Mur- nap an Tamol Nanun kitek ale wo ilom ibol ak gup ale san tia wa.

²³ Aenta durupaian, ‘Tamol Nanun obo ya.’ Tia, ‘Inj ebe ya.’ Gug injsad ru an ilom lo rumok pe abajan abi amoi.

²⁴ Saen Tamol Nanun imul dan, injsan leil man nek ibol weil irakulawi dan, san lilaman aben o ad ilasa dak atep, aben o ad idiau dak ate yau dak igo wonj a.

²⁵ Gug malmalan muruan wei mi isinip saen e lo tumado den san tamolpein patud dupani gup.

²⁶ “Kagin a Noa san saen lo tamolpein digane se yan, kagin nek amaiak mi Tamol Nanun imul san saen lo dam digane yau a.

²⁷ Saen lom tubun ak ta ilasa na dugo, inj ananj diani dugo, you dam duluk dugo, nug dinjane dugo, pein njedi dupidinai dugo, yang saen Noa wog tubun ak lo iladu ya. Agog lom tubun ak ilasag tamolpein an fidian daonj ipidinai a.

²⁸ “Lot san saen lo dam ago mi digane se ya. Tamolpein diani duluk onj dugo, didad dinjane onj, ab diabi onj, ananj dupae onj dugo dumado se ya.

²⁹ Ak gug nal nek a lo Lot Sodom ibisei an, keit lo yak yai pat salfa ided dak da idug Sodom adi fidian ifu dumat a.

³⁰ “Tamol Nanun kuai isi wo dop nek ago mi digane wa.

³¹ Saen an lo dop tamol ta ab patun fo itor ak imul ab ilon lo iladup, injanen biounj isini wo ta igane na wa. Nek ago mi, tamol ta abi

lo yak fon imul pe, ab lo yaup mel ta injane wo ta igane na wa.

³² Lot iwon igane yak ilom isou.

³³ Talpein ta injsen tinin o mi ilon isou tap, ideg yau a. Gug talpein ta siganen madok tan en lo ibisei dan, ta ideg yau na wa, tia, kumaen imado wa.

³⁴ Nai njurupaianj da. Nal an lo, tidom pe talpein uraru galunj kisaek lo dien a, gug kisaek Tubun en injane dop, kisaek yen a.

³⁵ Nek ago mi pein uraru sisem urat digane wa. Gamu nam kisaek injane dop, kisaek imado wa.

³⁶ Nek ago mi tamol uraru abi lo dutor a. Kisaek injane dop, kisaek imado wa.”

³⁷ Ru an dulonj go Jesus san megeloum dusumiani, “Tubun en. Kulob en dugot na ilasa wak i?”

Agog Jesus ru naon irupidai, “Aben ate tubabun yen dan, antem bog dutumani wa.”

18

Gudane san ru fanjan

¹ Jesus megeloum dugudani onj dop dumado wa, ago dop ilod ta isali na wo ru fanjan ta irupidai a.

² Inj ibol, “Panu ta lo tulek tamol ta imado dugo Anut ninjen o ta irer na da. Tamol dam ninjedi wo ta irut na da.

³ Aria, pein suos ak ta panu an lo imado ya. Inj pempem tulek tamol an san na yaup, inj ibinawip, injanen ager kot lo digane wo iduduwig, ibol: ‘Tamol ta naj iginiag saian. Agog kot lo njigane wo dak ninjen o onj naj binawag.’

⁴ “Gug tulek tamol an saen kitek milaen mi pein suos an awan yabi an imoi. Agog yau na gug ilon lo ibol, ‘Rumok, naj Anut, inj tamolpein dam ninjedi wo ta njurut na da.

⁵ Gug suos en naj aeg itog onj dak ninjen o gidad injanen kot lo njubinawi wa. Tia tap, igo igane onj dop, naj tuog imad a.’ ”

⁶ Agog Jesus ru awan ibateg ibol, “Ru a tulek tamol saian ak ibol an alonj pe apupi ale wa.

⁷ Anj ilom dugo isou dak i? Ak dugo, Anut san pilianek tamolpein a tidom ad duwaginj dugo ibinawai o dusumiani dan, ibinawai o saen milaen imoi ak i?

⁸ Nai jurupaian da. In ririan ibinawaip inaned muruan ikubune wa. An lo in talpein a muruan an ipidinai an naon ipani wa. Ak man dugo, saen Tamol Nanun imul dop, tan en lo ilo rumok adi wei mi yil ak i?"

Farisi in takis nilanal tamol da sad ru fanan

⁹ Jesus afon ru fanan ta, tamolpein ensauta a insed mi itaot dubol, sed yanad dia-bisa dugo tamolpein aenta metmet warou dubol dan igo ibol go irupidai,

¹⁰ "Tamol uraru dugudani wo Juda sad ubou ab tubun ak lo diau a. Kisaek man Farisi. Neinta man takis nilanal tamol.

¹¹ Farisi an imasag insen ninen o mi ilon lo igo igudani se ya, 'O Anut, ilog uyan da. Man dugo, nai tamol aenta digane saian dan ago tia ya. Nai takis nilanal tamol igo tia ya. Nai ilosek ag tia. Nai ta njiraek na da. Nai jeit ta nabi na da. Nai tamol nunog mi a.

¹² Ubou kisaek ilon lo nal uraru anar geg njiganep njugudani da. Filiag an fidian njutumanip, malan 10 gup, malan kisaek njupano da.' "

¹³ "Gug takis nilanal tamol man, sen iparyanig, itakok go naon yabisag lak na aban ile man irer. Inanen aupasek ninen o ilon muruan go sen titiren ifunig ibol, 'O Anut, nai aupasek tamol. Ak ninen o ilo imunaganag.' "

¹⁴ "Nai jurupaian da. Anut malan lo man takis nilanal tamol en mi tamol itaot an. Ak gug Farisi man Anut malan lo ta itaot na ya. Man dugo, tamol ta insen yanar yabisa tap, Anut in yabi idu wa. Gug talpein a insen yabi idu dan, Anut in yabisa wa."

Jesus nanuk kitiktik igiaig insan na dupalu ya

Mat 19:13-15; Mak 10:13-16

¹⁵ Tamolpein aenta nanuk kitiktik dinjal go Jesus banin lo didirai o dupalu se ya. Agog megeloum adi dil tag ru dabai nam dupudai a.

¹⁶ Ak man Jesus nanuk kitiktik igiaig, insan na dupalug ibol, "Nanuk kitiktik akudai amoi. Abisawaip, naisag na dupalu. Man dugo, Anut san kagin panek man tamolpein ilod nanuk igo yak sadi a.

¹⁷ Nai rumok jurupaian da. Talpein gidad Anut san kagin panek nanuk nanun igo won inane wa. Tia dop, insan kagin panek lo iladu san tia geig a."

Filian tamol ta

Mat 19:16-30; Mak 10:17-31

¹⁸ Juda tamol gurman ta Jesus isumiani, "Girek manau uyanan en. Nai dugo njiganep kumaen pempem san njane wak i?"

¹⁹ Ago tag Jesus ru naon irupeig igo isumiani, "Ata wo nai uyag ubol dak i? Talpein ta uyan man tia ya, nek Anut mi insen kisaek uyan a.

²⁰ On kubiaen fidian ulon; tamol sen ak iwon ugam pe ida jeit ta agane na wak, tamol ta funi imat na wak, gumagam ta gane na wak, kot lo supalek ru ta ubol na wak, tina tama awad paen na mado wa."

²¹ Agog tamol an ibol, "Nai nanuk log ipalug gamu en, kubiaen an fidian njuri njupani na ya."

²² Jesus ru an ilon tag irupe, "On mel kisaek lo mi katuk ama ya. Onsa filia fidian udad yau dop, moni an njane, bigabeg adi pidinai a. Ago tap on Anut san kumaen panu lo filia ama da wa. Ago gane gup, nai njieg abag uri wa."

²³ Tamol ru an ilon man ilon tubun mi muruan. Man dugo, in filian tamol tubun geig a.

²⁴ Jesus tamol an leil ipani dugo ibol, "Tamol filian anda man Anut san kagin panek lo iladu san man muruan geig a.

²⁵ Alon ak, tamol filian anda yak Anut san kagin panek aben lo ka iladu wan, rumok tap, aria, kamel dam si gubaran lo yau san man pasauman geig a."

²⁶ Tamolpein a Jesus ru ibol dugo dulon dan dusumiani, "Mago tap, ensauta mok mi Anut patud ipasip, kumaen pempem yen dan dinane wak i?"

²⁷ Ago tag Jesus ibol, "Mel a tamol digane san tia yan, Anut igane san ilon a."

²⁸ Agog Pita ibol, "Man on nje aban muri wo mananema ab, panu agod mel fidian mubusei a."

²⁹ Ago tag Jesus igo ibol go irupidai, "Nai rumok jurupaian da. Talpein ta Anut san

kagin panek ninjen o injanen ab, iwon nanun, tein taon, agod tinan taman ibisawai tap,

³⁰ saen e gamu yen dan lo Anut naon uyan a ipani wan tubun kasik a. Agod saen foun ak a murnap ilasa wan lo kumaen pempem yen dan injane wa.”

Jesus injanen matej ninjen o ibol utol a

Mat 20:17-19; Mak 10:32-34

³¹ Jesus megeloum 12 an injal go gigin na diaug, ago ibol irupidai, “Jerusalem na tau da. Ru fidian a profet adi gubak mi Tamol Nanun ninjen o digire yan nujon ilasa wa.

³² Inj gob adi banid lo digane wa. Agop kukok an diganep, naon dufute dupei dop, tinin fo dulusu isudap, rasau nam dufuni nap, aigim fo dubalip imat a.

³³ Ago digane wak man, nal utol itout gup, Anut ifufunip afon kumaen imasa da wa.”

³⁴ Gug injanen megeloum ru a ibol an fun ta duloj na ya. Ru an fun mok mianuk lo yen. Ago dugo Jesus ata ninjen o ibol an fun mok dijaon a.

Jesus tamol malan itau ak ikubune ya

Mat 20:29-34; Mak 10:46-52

³⁵ Jesus Jeriko sumeik ipani dugo, tamol ta malan itau ak dal gigin te igod dugo imado.

³⁶ Saen tamolpein dirinjani dugo sad lilijan ilon man, isumianai, “An ata mel ilasa dak i?”

³⁷ Ago dugo durupei, “Jesus, Nasaret tamol, amaiak yau da.”

³⁸ Ago tag tamol an iwagin, “O Jesus, Dawid Nanun, ilo imujanag!”

³⁹ Agog tamolpein a Jesus naon na imug diau dan dububujanig durupei, “Awa itaup tokubol pe mado!” Ago tag tamol an nen maeg nam iwagin dugo isasai, “O Dawid Nanun, ilo imujanag!”

⁴⁰ Ago tag Jesus ipartuanig mala itau an dijane dupalu wo irupidai. Saen tamol an sinjiren na ipalu man, Jesus isumiani,

⁴¹ “Dugo njiginio wo ilo ibol di?”

“O Tubun en, naj aban njile wo ilog ibol da.”

⁴² Ago tag Jesus ibol, “Aban ule. Onjane ilo rumok ikubunio ya.”

⁴³ Ago ibol dugo tamol an aban ile kisaek onj a. Agog Jesus njien aban iri dugo Anut yanan yabisag yau a. Saen tamolpein an fidian ago dile man, inj dam Anut yanan diabisa ya.

19

Jesus inj Sakias da

¹ Jesus Jeriko taun ilon lo iladug yau dugo,

² takis njilanj tamol gurman ta filian anda yak ante imado. Inj yanan Sakias.

³ Tamol an Jesus naon tinin ile wo yaes tubun mi ifuni. Inj tamol katukan, agod tamolpein wei kasik an lo inj Jesus ile san tia ya.

⁴ Ago tag imaspalug, inug yaug ai gurab ta yanan sikamor dubol dan isag, Jesus ile wo malan idu dugo imado, man dugo, Jesus dal an irig ipalu se ya.

⁵ Saen Jesus ai an fun na ilasa man, malan isudag Sakias ile tag irupei, “Sakias, ririan udu. Naj gamu onj da onsa ab lo tumado wa.”

⁶ Ago tag Sakias ririan idug ilon uyan isag Jesus malan ipareg, injaneg injan ab lo diau.

⁷ Tamolpein ago dile yan fidian ilod sarian go fun diganeg dujnurnur go dubol, “Inj aupasek tamol san ab lo ida diau a.”

⁸ Ak man ab log Sakias imasag Tubun en irupei, “Tubun en, ulonj. Naisag filiang njitarpalep, wadan tamolpein mel ad tia yak njupidinai a. Taida mi, tamol njirawai dugo sad na njagam na yan, injaned melmel njagam na yan naon ago mi njutumanip, malan iwoiwo njupidinai a.”

⁹ Ago tag Jesus ibol, “Gamu ab en san muroun Anut san patu pasek injane ya. Man dugo, tamol en dam Abraham malan kubulan ta.

¹⁰ Tamol Nanun tamolpein dideg diau la yan abanad ilep patud ipasip injal o ipalu ya.”

Moni san ru fanan

Mat 25:14-30

¹¹ Jesus Jerusalem sumeik ipani dugo, tamolpein ilod lo Anut san kagin panek kuai isi wo sumeik ago dubol. Jesus injad kinj ilasa wo dak ilod isou se ya, ak man inj

kiñ ilasa wak san saen gamugo an niñen o ru fanan en ibol irupidai,

12 “Tamol ta yañan anda yak kiñ ilasa wo panu asau ak lo yau. Onte in kiñ digane gup fon imul pe sen naon na ipalu wa.

13 Yau o dugo inanen urat pinein 10 igiaig dupalug, 20 kina anen anen ipidinai dugo irupidai, ‘Moni en añanep urat apani yau dop ñai ñamul a.’

14 “Gug tamolpein a murnap inñsan kagin panek paen na dumado wan, in dile saian go dumado ya. Ago yak niñen o tamol an yau dugo patun fo ru digane yaug dubol, ‘Mañ tamol en mañsama kiñ ilasa wo man mamoi a.’

15 “Ago bo man tamol an kiñ ilasa ya, agog fon imul inñsinanen na yau. Gamu nam urat pinein a moni ipidinai an igiaig naon na dupalu ya. Moni subuñan taidam sapita diñane yan ilon o isumianai.

16 “Urat pinein a malmalan ipalu yan ibol, ‘Tubun en, on ñai 20 kina panag an lo didaen urat ñiganeg, onane 200 kina subuñan taidam niñane ya.’

17 “Kiñ an irupeig ibol, ‘On urat tamol uyanan mok a, onane urat kagin pani uyanan a. On biabi kitik e bani lo ñigane emaiak kagin pani uyanan a, amaiak niñen o taun 10 bani lo ñidiri da, gamu inñsad tirnek tamol lasa wa.’

18 “Agog urat pinein neinta ipalug ibol, ‘Tubun en, on ñai 20 kina panag an lo didaen urat ñiganeg, onane 100 kina subuñan taidam niñane ya.’

19 “Agog inanen tamol tubun en pinein an irupeig ibol, ‘On taun 5 bani lo ñidiri da, gamu inñsad tirnek tamol lasa wa.’

20 “Agog pinein tinin te ipalug ibol, ‘Tubun en, onane 20 kina ebo ya. Ñai yamel kilaken lo ñuminamig yen a.

21 Ñai on o ñarer. Man dugo, on tamol silei a. On abi san urat tamol sad silali naon ñane da.’

22 “Ago tag ru naon irupeig ibol, ‘On urat pinein saia geig a. Ñai onñsigane ru ubol an nam ñukubianop ñile wa. On ulon ak, ñai abi san urat tamol sad silali naon niñane da.

23 Fun an niñen o ñaineg moni an moni ab san urat tamol pani ak man, in ka urat ipani wa, an lo saen ñai ñamul dop moni an

san tim an da niñane wa. Ata wo on ago ta gane na yak i?’

24 “Agog kiñ an idañsag tamol a sinjiren na dutur dan irupidai, ‘Tamol en san na 20 kina añanep urat pinein a 200 kina aman da yan apani.’

25 “Agog tamol a ru an dulon an durupeï, ‘Tubun en, tamol an moni idaisuda mi yabi da, 200 kina aman da la ya!’

26 “Ak gug kiñ an ru naon igo ibol go irupidai, ‘Talpein enti in da yan, ñai suguan taidam ñupanip an lo in idaisuda wa. Ak man, enti in tinin lo tia agod, gidad in kitek da bo man, inñsan melmel an banin lo dupasi itout a.

27 Aria, ñaisag ager adi ensauta a ñai inñsad kiñ niñasa san o dumoi an, añal dida apalup, ñai naog na afup dumat a.’ ”

*Jesus kiñ igo won Jerusalem na iladu ya
Mat 21:1-11; Mak 11:1-11; Jon 12:12-19*

28 Jesus ru an ibol itout go imug Jerusalem na yau.

29 Did Oliv fo itor go panu uraru yañadi Betfage in Betani da sumeik dugo, inanen megeloum nuñod urarum idinaig naon na dumoug diau a. Ago dugo ru kagin igo irupidai,

30 “An nuñom urarum panu o tile dan ante au a. Aup donki nanun ta dususeg itur dak ante ale wa, talpein ta gubak mi fufo imasi man tia ya. Donki nanun an kam apasip añanep ñaisag na apalu.

31 Tamol ta ru aman da dop, an igo arupeï, ‘Tubun ak urat ipani wo da.’ ”

32 Agog diaug melmel fidian Jesus ibol ago mi dile ya.

33 Saen donki nanun an san kam dusupasi dugo, muroun ipalug isumianai, “Ata wo donki nanun en apasi dak i?”

34 Ago dugo ru naon durupeï, “Tubun ak urat ipani wo da.”

35 Agog donki nanun an diñaneg, Jesus san na dupalu ya. Agog donki nanun an patun fufo kulos duruwarig, Jesus dubunawig fo isudag imasig diau a.

36 Jesus dal na yau dugo tamolpein malan tubun geig an inñsigned kulos milae milae ak dupasi dugo dal te duruwari se ya.

37 Saen Jesus Jerusalem sumeik ipani dugo Did Oliv fo dal nok idu an lo inanen

megeloum malan tubun, fun diganeg you-sai lo Anut yañan diabisa dugo mugurun dupani se ya. Man dugo, in kulob girager wei kasik a Jesus gubak mi igane se yan dile ya.

³⁸ In igo dubol, “Kin e Anut yañan lo ipalu den bar inane ya! Kumaen panu na maror yen. O Anut per lak na geig ak per mupano da!”

³⁹ Agog tamolpein an luluñad lo Farisi aenta dutor dan ru an duloñ dugo dumasa saian go Jesus dupei, “Girek mañau, onsa megeloum pidaip awad itau!”

⁴⁰ Gug Jesus ru naon igo irupidai, “Ñai ñurupaian da. In dutokubol san tia ya. In awad itau tap, pat e dien dan naod diñanep per dupanag a!”

Jesus Jerusalem ninen o itata ya

⁴¹ Saen Jesus Jerusalem sumeik ipanig ile man, ilon tubun mi muruan go malan turon idug,

⁴² igo ibol, “On saen en lo mi maror san dal uloñ ak man, muruan a onsa na ipalu dan ta ilasa na wa. Ak man gamu dal an imianuk go on ule san tia ya.

⁴³ Onsa saen ipalu wa. Ager adi dubuluwop on girane ananae mi lo dupalup, tan dufutip onsa sep giranen na dutumanip lo diladu san dal digane wa. Gigin fidian lo dupalup dubuluwop dupino wa.

⁴⁴ In dufunop daon dupano wa, agod tamolpein a onsa sep ilon lo dumado dan dufu yaup fidian dumat a. Onsa pat ta kisaek o lian pat sen ak tinin fufo na ta yen na wa, tia, onsa pat fidian dugufututep diabibol tan na dudu wa. Fun dugo, on saen a ate Anut ñai tinig lo onsa na ipalu yan ta ule uloñ na ya.”

Jesus tempel lo daden tamol irubai a

Mat 21:12-17; Mak 11:15-19; Jon 2:13-22

⁴⁵ Jesus tempel san ar ilon lo iladug, aben ante didaen tamol fidian ikudaig patun fo dilasa ya.

⁴⁶ In igo ipidai, “Anut san buk lo ru en digire ya, ‘Ñaineg ab man gudanek san ago dubol a,’ ak man an agane ilasag ‘gumagam adi sad mianuk ab’ igo agane da.”

⁴⁷ Nal fidian Jesus tempel san ar lo iladug tamolpein mañau ipitenjanai se ya. Ago

dugo pris gurman adi, kubiaen san girek mañau, agod tamolpein sad gurman dufuni imat o dal aban diabi wo digane se ya.

⁴⁸ Ak man in dufuni imat san dal ta dile man tia ya. Man dugo, tamolpein fidian inñsan ru duloñ o tubun mi dumat. Inñsan ru samukan ta irinjanai san man dumoi.

20

Jesus san urat ninen o dusumiani a *Mat 21:23-27; Mak 11:27-33*

¹ Nal ta Jesus tempel lo tamolpein naod na Anut san ru ifulale dugo mañau ipitenjanai se ya. Agog pris gurman adi, kubiaen san girek mañau, agod matu gurman aenta dida dupalug Jesus dusumianig dubol,

² “On rupaiama. On enti san dabai lo melmel en gane dak i? Enti mok dabai en ipanog ate urat en gane dak i?”

³ In ru naon igo irupidai, “Ñai dam mel ta ninen o ñusumianan o da. Arupaiaig,

⁴ Jon san suguek man, dugon te kagin an inane yak i? An kumaen panu san mel, tia, tamol sad mi ak i?”

⁵ Agog inñsed nug lo igo diñinen se ya. “En kumaen panu san mel, ago tabol tap, in igo ibol isumianad a, ‘En ata wo an in ninen o ilom ta rumok na yak i?’

⁶ Ak gug ‘En man tamol sad mel mi a,’ ago tabol tap, tamolpein malan tubun en pat nam dufunad a. Man dugo, inñsad ilo sou lo man Jon mi in profet, ago dubol da.”

⁷ Ago yak ninen o Jesus ru naon durupeig dubol, “Enti mok dabai an ipani an man ta malon na ya.”

⁸ Ago tag Jesus ibol, “Ago yak ninen o ñai dam enti mok dabai en ipanag go ate melmel e ñigane den, ta ñurupaian na wa.”

Abi san kagin panek adi sad ru fañan *Mat 21:33-46; Mak 12:1-12*

⁹ Agog Jesus awan ibateg tamolpein ru fañan en irupidai, “Tamol ta abi yabig lo ai wain patun ipae. Agog tamol an inñsan fun panu ibiseig asau mi yau o tag, abi an tamol sen ak ta banid lo kagin dupani wo igane ya. Agog panu ibiseig yaug saen milaen mok itor na ya.

¹⁰ Agog saen wain nuñon disini wo dugo, abi taman inñsan urat pinein ta inñsanen

panu fun lo idinig yaug, inanen n̄tun dupanip isini ipalu wo ibol. Ak man abi titianek adi in̄san urat pinein dufunig banin kawan didinig imul yau.

¹¹ Ago tag urat pinein sen ta idinig yau. Agog urat pinein an dam dufunig isudag miai dupani nag banin kawan didinig imul yau.

¹² Ago tag afon urat pinein ta idinig yau, gug urat pinein an dam madai dupanig dubal abi patun fo ilasa ya.

¹³ “Ago tag abi taman igo ibol, ‘Dugo n̄gane wak i? Gidad n̄aisiganeg nanug mok niñen o tubun mi n̄amat dan n̄idinip yau a. Nap in̄ awan diabi ak boi.’

¹⁴ “Ak man saen abi titianek adi inanen nanun dile tag dubol, ‘An abi taman amaiak nanun ak niñen tufuni imat dop, in̄san furan id tin̄ane wa!’

¹⁵ Ago tag diabig, ar patun fo dubal ilasag, dufunig imat a.

“Ago yan lo abi taman an, titianek tamol adi an dugo mok iginiai ak i?”

¹⁶ Abi taman sen yaup tamol an ifu dumat dop, abi an tamol sen ak banid lo iganep kagin dupani wa.”

Tamolpein a ru an dulon̄ an dubol, “Ago tia!”

¹⁷ Agog Jesus malan ti ibol go tamolpein an leil ipidinai dugo isumianai, “Ru e Anut san buk lo digire en fun dugo won̄ ak i? ‘Pat nek a ab bek tamol adi dumoi dan, nek amaiak ab tinin fidian yabi sakar da.’

¹⁸ Talpein ta in̄ pat en fo na yau idu dop man, sen ifuni ititale wa. Ak gug talpein ta pat en kabun̄an fufo idu tap, ifufari idu wa.”

¹⁹ Saen pris tutubu agod Farisi adi, Jesus ru fan̄an a ibol se yan dulon̄ man, Jesus ririan diabi wo maeg diganeg dal aban̄ dile se ya. Man dugo, in̄ dulon̄ uyanan ak Jesus inanen ru lo in̄ isiai se ya. Ak man tamolpein malan tubun ak niñedi wo direr a, an lo ta diabi na ya.

Kaisa san takis n̄lan̄al

Mat 22:15-22; Mak 12:13-17

²⁰ Ago tag in̄ nal fidian Jesus leil dupani uyanan se ya. In̄ leil tamol ta didinaig Jesus san na dupalu. In̄ tamol nun̄on manon̄, ak gug Jesus san ru lo diabi wo malad digane

se ya. In̄ n̄dun dusuep sumianek dupanip, ru ta ibol saian dop gabman banin lo digane wo dal an digane.

²¹ Agog leil tamol an Jesus dusumiani, “Girek man̄au, man̄ malon̄, on̄sa ru ubol dugo piteñanama dan fidian rumok a. On̄ tamol yan̄ad anda yak niñedi wo ta urut na da. Tia, on̄ Anut san dal mi tamolpein fidian man̄au piteñanai da. Gidad yan̄ad da yak, agod yan̄ad tia yak dam mi a.

²² Ak dugo, Kaisa takis moni tupani wan uyan ak i? Tia, saian ak i? On̄ dugo ilo isou dak i?”

²³ Gug Jesus in̄ dirawi wo digane dan ilon̄ tag irupidai,

²⁴ “Moni patun ta akubiaip n̄ile gup. Mitilaen agod yan̄ak e fufo digire yan enti san ak i?”

²⁵ Agog in̄ dubol, “Kaisa san.”

An niñen o irupidai, “Mago tap, mel a Kaisa san an Kaisa apani. Agod mel a Anut san an Anut apani.”

²⁶ In̄ malak malak mel ta lo dirawi dop diabi san tia ya. In̄san ru naon ago dulon̄ go durut saian tag awad itau.

Sadyusi Jesus diabi wo bitinaek lo digane ya

Mat 22:23-33; Mak 12:18-27

²⁷ Sadyusi aenta Jesus san na dupalu. (In̄sad ilo rumok lo ago dubol da: Tamolpein dumat dop, fon n̄tud kumaen dumasa san tia ya.)

²⁸ In̄ Jesus ago dusumiani, “Girek man̄au, Moses wagam mi kubiaen̄ igo igire panad a, ‘Tamol ta in̄ iwon da gug nanuk ad tia dumado yau nap, tamol ak imat. Ago tap tamol an tein bakan ak fon pein an in̄anep, tein matu an in̄san nanuk idirsi wa.’

²⁹ Aria, id lulon̄ad lo tamol ta in̄ nanun 7. Matu ak pein in̄ane gug nanuk ad tia dumado dugo tamol an imat.

³⁰ Ago tag tein bakan an fon tein san pein an in̄ane gug tamol an dam imat.

³¹ Tein a tinin te yan dam nek ago mi a. Agog tamol 7 an tet mi nanuk tiag, dumat pasik.

³² Murnag pein an dam imat. Tamol 7 an ago mi tet mi pein kisaek an mi diñane ya.

³³ Ak niñen o, dugo, mitep saen tamolpein fidian dumat an kumaed dumasa

dop, pein an tamol dugon mi ida dumado wak i?"

³⁴ Ago tag Jesus ru naon irupidai, "Pein tamol saen en san nug diñane da, agod tamol adi ñiedi dupidinai da.

³⁵ Ak gug tamolpein ensauta a Anut malan lo saen murna san ak lo diladu san, agod materj lo fon kumaen dumasa san, in idaisuda yan, aben ante nug ta diñane na wa, ago dop tamol adi pein ñiedi ta dupidinai na wa.

³⁶ In ibol eñel adi oñ, an lo fon dumat san tia ya. In Anut nanun muroun. Man dugo, in materj log fon kumaen dumasag dumado da.

³⁷ Moses dam kuai tem ikubiai panaj, tamolpein a dumat an fon kumaen dumasa da wa. Man ata wo? Ai nanunan yai inani an san sai lo, Moses Anut ninen o igo ibol, 'Abraham, Aisak, Jakob sad Anut.'

³⁸ Anut man in tamol a materj lo dumado dan sad Anut tia ya. Tia, in man tamol kumaed dumado dak sadi a. Man ata wo? In malan lo tamolpein fidian kumaed dumado da."

³⁹ Ago dugo kubiaen san girek manau aenta Jesus ibol ago duloñ go durupeig dubol, "Ru naon uyanan mok, girek manau!"

⁴⁰ An lo gug Jesus sumiaen subuñan taidam dusumiani wan ninen o direr se ya.

Kristus in enti nanun ak i?

Mat 22:41-46; Mak 12:35-37

⁴¹ Agog Jesus isumianai, "En dugo won go tamolpein Kristus in Dawid nanun dubol dak i?"

⁴² Dawid inñen Isrel bar san buk lo igo ibol,

"Tubun en ñaisag Tubun ak igo irupeï,
"Oñ ñai tuog won ak ate masip yaup,

⁴³ murna gup ñai oñsa ager adi ñidiraip,
oñ ñie pae na dumado dop ñie nam partuanai a." '

⁴⁴ Dawid inñen mi in Tubun ak ago ibol tap, en dugo won pe in Dawid nanun ak i?"

Kubiaen san girek manau sad aupasek

Mat 23:1-36; Mak 12:38-40; Luk 11:37-54

⁴⁵ Tamolpein fidian duloñ dugo, Jesus inñan megeloum ru kagin igo irupidaig ibol,

⁴⁶ "Kubiaen san girek manau ninedi wo kagin agane. In kulos milmilae ak didiri duman, tamol dil o digane da. Didaen aben lo tamolpein 'adian' dupidinai ak ninen o tubun mi dumat da. In ubou ab lo kalik malan te yak ninen o dumat da, agod soubul lo dam nek ago mi a.

⁴⁷ In pein suos sad ab digam da, agod gudane milaen kasik, tamolpein diliai o digane da. Amaiak ninen o tamol naok ago yan naon a diñane wan nen tubun mi ilasa wa."

21

Pein suos san lou panek tusan

Mak 12:41-44

¹ Jesus tempel lo imado dugo malan yaug, tamol filiad anda yak tempel ilon lo kolekta san kunup lo moni digane dugo yil a.

² Agog pein suos biouñ tia yak in dam ipalug pat bras uraru mi kunup lo ibal a. Moni an naon man tusan mok.

³ Ago tag Jesus ibol, "Ñai rumok ñurupaian da. Pein suos an moni kolekta igane yan kolekta a tamol filiad anda yak digane yan fidian iriñanai a.

⁴ Man dugo, fidian in filiad anda yak gug kabelan mi kolekta digane dugo inñaned fidian mi yen da. Gug pein suos an sen aben ipitig fidian kolekta lo igane ya."

Saen e lo tumado den itout san kob

Mat 24:1-14; Mak 13:1-13

⁵ Inñan megeloum aenta tempel san pat uyan uyan ak, agod melmel Anut lou dupani na yan nam damag dupani an ninen o diñinñ tag Jesus ibol,

⁶ "Mel fidian ale dan man, saen ipalu dop, lo pat ta pat sen ta tinin fufo ta yen na wa. Tempel san pat fidian dugufututep diabibol tan na dudu wa."

⁷ Ago tag dusumiani, "Girek manau, saen dugon lo dop mel an ilasa wak i? Mitep ata kob mile dop ate malon ak saen an ipalu wo sumeik di?"

⁸ In ru naon irupidaig ibol, "An kagin agane. In an dirawan banau. Man dugo, mitep tamol wei mok ñai yanag lo dupalup dubol, 'Ñai tamol nek ama ya,' ago dop dam dubol, 'Saen a ate ipalu wan sumeik

ipanad da.' Ago dop injsad sewak an ta ari na wa.

⁹ Anj yu ager alonj ak, agod ru tim yu ager sensen yau onj an dam alonj a. Anj arer amoi. Man dugo, mel naok an imug ilasa wa, ak gug nal wadan san saen man gamugo da."

¹⁰ Go inj afon ru ibateg ibol, "Tamol malan ta yu diabisa dop, tamol malan ta yu naon injsad na digane imul a. Ago dop kinj ta injsan tamolpein dida yu diabisap, kinj sen ak ta injanen tamolpein dida nug dufuni wa.

¹¹ Aben sensen lo man, kanaurig tutubu yak wei mi ilasa dop, kadag tubun mi idu wa. Subam tubun mi aben sensen lo ilasa wa. Ago dop kulob arer san wei mi dilasap, keit lo kob tutubu yak dilasa dop diganep arer a.

¹² "Ak man melmel an fidian gamugo ilasa dop, naj ninjeg o anj dibianj pe, madai inj muruan da dupananj a. Naj yanag o Juda sad ubou ab lo Juda gurman adi naod na diinjilanj aup, kot dupananj dop subanek ab lo diginijan a. Kinj inj gabman gurman aenta naod na dam kot lo atur a.

¹³ Saen an lo dop injaned naod na anjanem ilo rumok naj lo abol ilasa wa.

¹⁴ Saen gamugo naod na alasa dop, ata ru arupidaip an lo sem ipirananj san ninjen o ilom ta weiwei na wa.

¹⁵ Man dugo, naj anj ru abol san kankan milaen ak njupananj a. An lo dop anjsam ager adi inj ru abol an inj naon dubol san tia wa, ago dop inj dam anj awam lo dupirgini san tia wa.

¹⁶ Tinam tamam, teim taom, anjanem dar, agod turam muroum dam ager adi banid lo diginijan pe, anj aenta dufunanj amat a.

¹⁷ Tamolpein fidian naj yanag o anj dilianj saian dop anj lo siai digane wa.

¹⁸ Ak gug gurmam roun ta kisaek ideg yau san tia ya.

¹⁹ Tia, anj atur dabai dop muruan fidian asini dan lo mi, kumaen pempem yen yau san anjane wa."

Mitep Jerusalem daonj dupani wa

Mat 24:15-21; Mak 13:14-19

²⁰ "Mitep yu tamol adi dutumanip Jerusalem ditilianj dop eil a. Ago ale dop alonj ak, Jerusalem daonj dupani san saen sumeik da.

²¹ Saen an lo dop, tamolpein Judea na dumado dan disol pe, diaup, did lulunjad lo sed imianai a. Ago dop, tamolpein a Jerusalem ilon lo dumado dan ririan patun fo dilasap dusol diau a, agod a Jerusalem patun fo dumado dan inj afon ilon lo ta mok diladu na wa.

²² Man dugo, nal nek an lo, Anut Jerusalem tamolpein sad aupasek naon ipidinai a. An lo dop ai wadan a Anut san buk lo digire yan fidian nunjon ilasa wa.

²³ O kabel, nal en san pein luam anda yak, agod anj pein anjanem nanuk su apidinai dan dam, naj ilog tubun mi imujananj da! Muruan tubun geig tan en lo ilasa dop, tamolpein ente dumado den Anut san tinjae mumarek dile wa.

²⁴ Aenta ager adi sabiri nam dufu dumat a. Aenta injsad ager adi diinj pe, subanek tamol dilasap tan asau mi sensen lo diaup ante dumado wa. Agop gob adi Jerusalem dijanep dipartitale dop yaup nal a lo gob adi sad saen itout san nal an idaisuda wa.

Jesus imul san nal

Mat 24:29-31; Mak 13:24-27

²⁵ "Saen wadan sumeik dop, ad, kalam, patui lo kob funfun ilasa wa. Tan na tamolpein fidian tubun kasik direr dop ilod weiwei a. Man dugo, beig ibalsini dop tamun dam san lilijan tubun kasik a.

²⁶ Tamolpein fidian ata mel mok tan en lo ilasa wo sumeik dan ninjen o yaes tubun mi ifu dop, tinid irer dop, rirek lo malad itilianip dudu wa. Man dugo, Anut mel fidian keit lo yak imiriranai a.

²⁷ Saen an lo dop, inj fidian Tamol Nanun keit lo timtaen titinjaem kuai te ilasa dop, dabai agod girager tubun geig ak da ipalu dan, dile wa.

²⁸ Saen melmel an ago fun diganep dilasa dop, amasap mala nouk lo malam lak na isuda wa. Man dugo, Anut injilianj san saen sumeik mok ipalu da."

Gurab san ru fajan

Mat 24:32-35; Mak 13:28-31

²⁹ Agog Jesus ru fajan en irupidai,

³⁰ "Ai gurab inj ai aenta dam ilom isou. Saen ai roud wagam ak idu dop, foun ak ifurnjani dan ale dop, alonj ak, ui san saen sumeik a.

³¹ Nek ago mi melmel an dilasap eil dop alon ak, Anut san kagin panek ipalu o da.

³² “Nai rumok n̄rupaian da, warou gamu en san tamolpein gamugo itout yau dop melmel en fidian dilasa wa.

³³ Rumok geig, keit inj tan da murnap itout a, ak gug n̄aisag ru man ta itout na wa.

³⁴ “Ago yak niñen o kagin agane! Tamol Nanun ipalu wak san nal ta alon na ya. Ak niñen o soubul san kankan tubun mi agane amoi. You sakar ak tubun mi aluk amoi. Agod tan en san mala bulbal lo mi amado amoi. Kabelan an̄aon dop nal an idu kisaek on banau.

³⁵ Nal an tamolpein a fidian tan tilianek aten fo dumado dan lo ilasa wa, inj diñan dop nal an idu wa, ago dop nal an san muruan niñen o disol diau san tia ya.

³⁶ Ago yak niñen o an̄ pempem nal an atitiani dop aban̄ ale wo uyanan a. Ago dop an̄ pempem Anut agudani dop lo, muruan a fidian dilasa wan niñen o ka asol aup, Tamol Nanun naon na atur a.”

³⁷ Nal anen anen atem Jesus tempel san ar ilon lo tamolpein man̄au ipiteñanai se ya, agog gurai idug bubun a Did Oliv dubol dan fo yaug ante n̄ion yabi se ya.

³⁸ Tamolpein fidian tidom lom mok in̄san ru dulon o tempel lo diau na ya.

22

Judas Jesus ager banid lo igane ya

Mat 26:1-5,14-16; Mak 14:1-2,10-11; Jon 11:45-53

¹ Bret yis an tia yak san soubul, yan̄an Pasova, san saen sumeik.

² Saen an lo pris gurman adi inj kubiaen san girek man̄au dida tamolpein niñedi wo direr ak niñen o pasak nam Jesus dufunip imat o palan̄ an dumari a.

³ Agog Judas yan̄an neinta Iskeriot dubol dan, Satan ilon lo idu ya. In̄ dam Jesus san megeloum 12 amaiak sad kisaek ta.

⁴ Agog Judas yaug, pris gurman adi inj tempel san titianek tamol sad gurman adi dida diñin̄en go dal dugon lo Jesus banid lo igane wan ibol dulon.

⁵ Agog pris gurman adi ilod tubun mi uyan go Judas moni dupani wak dubol.

⁶ Judas awad yabi tag tamolpein malad patun fo Jesus ager banid lo igane san dal aban̄ yabi se ya.

Jesus in̄anen megeloum dida Pasova san anan̄ diani a

Mat 26:17-25; Mak 14:12-21; Jon 13:21-30

⁷ Bret yis an tia yak diani san saen idu dugo, sipsip nanun Pasova san saen lo diani san dufu idu.

⁸ Agog Jesus Pita inj Jon da idinaig, ru kagin en irupidai, “Aup, idsad Pasova san anan̄ akubune.”

⁹ Ago tag dusumiani, “Dugot na mok anan̄ mukubune wo ubol di?”

¹⁰ Agog inj irupidai, “Saen an̄ Jerusalem ilon lo aladu dop, tamol ta you isiri ak isini yau dan ale wa. N̄ien aban̄ arip, ab dugon lo isuda tap,

¹¹ ab an taman asumianip arupei: ‘Girek man̄au igo ibol, galun̄ dugon lo n̄aineg megeloum dida man̄sama Pasova anan̄ an mani wak i?’

¹² Ago dop galun̄ tubun ak ta lak na yak ikubiai panan̄ a. An̄ atna melmel fidian akubune.”

¹³ Tamol uraru an diaug, mel fidian Jesus ibol ago mi dile ya. Ago tag galun̄ ante Pasova san anan̄ dukubune se ya.

Jesus inj bret wain da in̄aneg megeloum ipidinai a

Mat 26:26-30; Mak 14:22-26; 1Kor 11:23-25

¹⁴ Anan̄ diani san saen idu dugo Jesus tebol sin̄iren na in̄anen megeloum dida dumasi.

¹⁵ Agog irupidai, “Nai gamugo muruan nisini dop an̄ da Pasova san anan̄ en tani wo ilog tubun mi yen da.

¹⁶ Man dugo, n̄ai n̄rupaian da, n̄ai fon an̄ da Pasova ta tani na dop yaup, Anut san kagin panek aben lo, mel a Pasova naon in̄ane wan san nuñon ilasa wa.”

¹⁷ Agog Jesus gab wain anda yan in̄aneg, Anut ilo uyan ipanig ibol, “En an̄anep an̄sem nug lo awae.

¹⁸ Man dugo n̄ai n̄rupaian da, n̄ai fon ai wain nuñon san you man ta n̄aluk na dop yaup, Anut san kagin panek ipalu gup, fon n̄aluk da wa.”

¹⁹ Ago ibol itout go bret inane, Anut ilo uyan ipanig yafuteg, ipidinai dugo ibol, “Bret en naineg tinig, nai an ninemi wo niganeg idu ya. An ago agane dop nai ilom isou.”

²⁰ Nek ago mi anan diani itout go, gab inane yabig igo ibol, “Gab en man kontrak foun naisag dar lo ya. Dar en an ninemi wo naineg tinig lo yak ilasa wa.

²¹ Gug alon. An luluam lo tamol ta nai ager banid lo iginiag an banin, nai banig da tebol en fo dien da.

²² Tamol Nanun imat a, nek ibol Anut mi in ninen o ibol ak ago mi in lo ilasa wa. Ak gug tamol enti a Tamol Nanun iganep inanen ager adi sad tuod lo ilasa wan, rumok in muruan tubun kasik ak ile wa!”

²³ Agog in sed nug dusumiani, “Enti mok ago Jesus lo igane wak i?”

Enti in malan te ya

Mat 20:25-27; Mak 10:42-44

²⁴ Agog megeloum in sed in sed mi enti mitep in yan malan te yen ak ninen o nug diabi didiri se ya.

²⁵ Jesus ago ilon tag irupidai, “Gob adi luluad lo inaned kin adi sed idiraip lak na mok disuda dop tamolpein ditirnai o digane wa. Agod tamolpein sad tamol tutubu yan, in sed tamolpein sad binawek tamol ago dubol da.

²⁶ Gug an man dal ago tia ya. Nai nurupaian da, luluam lo ta in tubun imado wak tap, sen irae imul pe murna imado wa. Ago dugo ta in gurman imado tap, in ibol urat pinein on ilasa wa.

²⁷ Ago yak ninen o enti in tubun ak i? Tamol a tebol siniren na imasig anan yani dan, agod biabi nlanal tamol enti tamol an anan ipani dan, luluad lo enti malan te imado di? An alon ak, tamol a tebol siniren na imasig anan yani dan malan te ya. Aria, nai an luluam lo nupalug biabi nlanal tamol igo won nlasag numado da. Nai mi ananem tutunanek tamol numado da.

²⁸ An nai ta abisawag na ya, tia, muruan a fidian nisini se yan lo an nai da sisem tatur kisaek a.

²⁹ Ago tag nek ibol naineg Tamag in san tamolpein nitirnai san dabai ipanag ak igo,

nai dam dabai npanan a, an lo dop naisag tamolpein atirnai a.

³⁰ Ago dop naineg kagin panek aben lo, an nai da naineg badim fo tumasip tani taluk a. Ago dop an anen anen tulek tamol alasap, kin san kalik fo amasip, Isrel sad gugoi 12 an akubianaip eil a.”

Jesus Pita in ninen o itot ak o ibol a

Mat 26:31-35; Mak 14:27-31; Jon 13:36-

38

³¹ Agog Jesus Pita irupe, “O Saimon, Satan an fidian ikibianan ile wo Anut isumiani la ya, agod Anut awok ipani a. Satan ilon man nek ibol wit dufufarig lo dukubiani uyanan dak igo an fidian naom ikubiani ile wo ibol.

³² Gug Saimon, naisag gadin lo onane ilo rumok ta idu geig na wak ago Bai nusumiani a. Saen naisag na umul dop, onane tei inaned ilo rumok an dabai pani wa.”

³³ Agog Pita ibol, “Tubun en, nai ta nasuk namul na wa, tia, nai on da sisem subanek ab lo taup, sisem tamat a.”

³⁴ Ago tag Jesus ru naon igo irupe, “O Pita, nai rumok nurupaio da, gamu tidom nek en lo kurek ta ibob na dop, saen utol on nai ta ulon na yak ubol a.”

³⁵ Agog Jesus isumianai, “Saen nai nidinan go, moni san badam, kitouk, sendal tia au dugo, mel ta lo katuk ami ak i?”

In ru naon durupe, “Man tia ya.”

³⁶ Agog Jesus irupidaig ibol, “Ak gug gamu man, an moni san badam am da tap, asini wa. Kitouk dam nek ago mi. Agod an sabiri am tia tap, ananem kulos didaen lo adirip moni ananep ate sabiri adad a.

³⁷ Man dugo, ru e profet ta nai ninen o ago igire yen nunon ilasa wa,

“Tamolpein tamol an dinaneg tamol a digane saian dan luluad lo digane ya.

Nek ago mi tile ya.”

Rumok nunon, ru a nai ninen o profet adi digire yan fidian gamu nunon ilasa wo da.”

³⁸ Agog megeloum durupeig dubol, “Ule, Tubun en, sabiri uraru ebo ya.”

In ru naon irupidai, “An nek idaisuda mi a.”

Jesus Did Oliv fo igudani a

Mat 26:36-46; Mak 14:32-42

³⁹ Agog Jesus Jerusalem ibiseig, Did Oliv fo yau na yak ago mi fon yau dugo inanen megeloum njen fo diau a.

⁴⁰ Saen aben ante dilasa man, Jesus megeloum irupidai, “Anj Anut agudani dop, kubianek lo ta adu na wak o asumi-ani.”

⁴¹ Agog Jesus ibisawaig kitek asau mi yau gug turun isaluwig igudani,

⁴² “O naineg Bai, ilo ibol tap, gab en naj banig lo pasi wa. Ak gug on naj ilog ta uri na wa, tia, onsiganane ilo mi uri wa.”

⁴³ Agog enjel ta lak na idug Jesus dabai ipani.

⁴⁴ Ilon muruan an lo tubun mok igudani dugo inisan silali an dar on naon tinin fo ilasag tan na idu se ya.

⁴⁵ Igudanig itout man imasag, imul yaug inisan megeloum dien dugo yil. Megeloum an ilod tubun kasik muruan an lo tinid tuon tia ya.

⁴⁶ Ago tag irupidaig isumianai, “Anj ata wo aen di? Amasap, agudani dop, kubianek lo ta adu na wak njen o Anut asumi-ani.”

Jesus diabi a

Mat 26:47-56; Mak 14:43-50; Jon 18:3-11

⁴⁷ Jesus ago ibol se man, tamol malan tubun ak dupalug naon na dilasa. Megeloum 12 an luluᅇad lo ta yanjan Judas, in malan an imug go ipalu ya. In ilon yen dak Jesus musuk ipani wa. Ago tag yaug,

⁴⁸ Jesus san na ilasa yak gug Jesus irupe, “Judas, on musuk lo Tamol Nanun ager banid lo gane wo di?”

⁴⁹ Agog megeloum a Jesus dida diau an, kagin dugo ilasa wo ago dile tag Jesus dusumiani, “Tubun en, ilo dugo ibol da, maᅇsama sabiri nam mafu wak i?”

⁵⁰ Agog luluᅇad lo tamol kisaek sabiri ifug pris gurman san biabi njanal pinein kududon won ak isubari.

⁵¹ Ak man Jesus ibol, “Kagin an fon ta gane na wa.” Agog in tamol an kududon isupurig, kududon uyan isusa da ya.

⁵² Agog Jesus pris gurman adi, tempel san titianek tamol sad gurman, agod matu gurman aenta dida Jesus diabi wo dupalu yan isumianai, “Enta wo an sabiri in ai tok da asinig aliag pe abiag o apalu yak i? Ak

dugo, naj wagai adi dida gabman mabi idu san gurman igo won an ago ilom isou di?

⁵³ Nal fidian naj tempel aben lo nᅇmasi dugo tamolpein njipitejanai se ya, ak gug naj ta abiag na ya. Gug gamu en tidom tubun ak lo man anᅇsam saen a, man dugo, tidom tubun san tuon man Satan.”

Pita Jesus ilon gug njen o itot a

Mat 26:57-58,69-75; Mak 14:53-54,66-72; Jon 18:12-18,25-27

⁵⁴ Agog Jesus diabig, pris malan te yak san ab lo dinane diau dugo Pita njied fo ipare murna dugo yau.

⁵⁵ Yai ab naon na dutunig, tamol tinid issue dugo Pita dam yaug dida dumado se ya.

⁵⁶ Ago dugo urat pein ta ipalug, malan ti ibol go, Pita yai san lilaman lo imasig imado dan ile dugo ibol, “Tamol an dam Jesus da dutor na ya.”

⁵⁷ Agog Pita itot go ibol, “O pein, naj in ta nalon na ya.”

⁵⁸ Kitek taidag tamol ta Pita ile tag ibol, “On dam inᅇsad kisaek a.”

Gug Pita irupeig ibol, “O tamol, naj man tia mok a!”

⁵⁹ Murnag auwa kisaek igo dumado gug tamol taidam imasag ibol, “Rumok, tamol en in da dutor na ya. In dam Galili tamol a.”

⁶⁰ Ago dugo Pita ru naon irupe, “O tamol, naj on ata njen o ubol dan ta nalon na ya!” Ago ibol dugo awan fo kurek ibob.

⁶¹ Jesus idanᅇsag, malan ti ibol go Pita ile. Agog Pita gamu nam Jesus san ru imug ibol an ilon isou, “Gamu kurek gamugo ibob dop, on saen utol naj ninᅇg o utot a.”

⁶² Agog Pita ilon itaug, kuai te ilasag tinaᅇ tubun mi igane se ya.

Jesus kukok an digane dugo dufuni a

Mat 26:67-68; Mak 14:65

⁶³ Tamol a Jesus diabi an kukok an digane dugo dufuni se ya.

⁶⁴ Malan yamel nam dufoug, dufuni dugo dusumiani, “On gamu profet ru ubol a, tamol e ifuno den enti ak i?”

⁶⁵ Ago dugo nao futek ru aenta wei mi nam dupei se ya.

Jesus dijaneg Juda kaunsil naod na kot dupani a

Mat 26:59-66; Mak 14:55-64; Jon 18:19-24

⁶⁶ Salso idug Juda sad gurman adi, kubbien san girek manau adi, agod pris gurman adi dida dutumanig Jesus dititianig dumado se ya. Agog Jesus dijaneg kaunsil an naod na dugunig itur a.

⁶⁷ Ago dugo durupeig dubol, “Ubol! On Kristus i? Rupaia map malon a.”

Jesus ru naon irupidai, “Nai nurupaian tap, an ilom lo ta rumok na wa.”

⁶⁸ Agod sumianek nupanan tap, an ru naon ta arupaia na wa.

⁶⁹ Gug saen gamu yau den, Tamol Nanun Anut a dabai fidian anda yan banin won ak lo imado wa.”

⁷⁰ Ago tag dusumiani, “Ak dugo, on Anut nanun ak ubol di?”

In ru naon irupidaig ibol, “Awo, nek ansem abol la ya.”

⁷¹ Agog dubol, “Gidad, tamol taidam, tamol en san kagin ninen o dubol ilasa san id ta tigi ai na wa. Insen awan lo in san muruan ibol go talon la ya.”

23

Jesus Pailat naon na kot dupani a

Mat 27:1-2,11-14; Mak 15:1-5; Jon 18:28-38

¹ Agog kaunsil an fidian dumasag, Jesus dijaneg, gabman gurman Pailat dubol dan san na diau a.

² Pailat naon na dilasag kot diganeg, ru dusue ti ibol go dubol, “Man tamol en Isrel tamolpein ikubulai tag mabi a. Kaisa san takis ta didad na wak ibol. In man Juda sad Kristus ibol, an ninen o in mi kin ibol da.”

³ Ago tag Pailat Jesus isumiani, “On Juda sad kin ak i?”

Agog Jesus ibol, “Awo, nek onse ubol la ya.”

⁴ Ago tag Pailat pris gurman adi, tamolpein malan tubun ak dida irupidai, “Nai tamol en san muruan ta lo naon nupani san nile man tia ya.”

⁵ Ago bo man tamolpein ru dabai kasik dubol, “In tamolpein ipitenanai dugo bubed yabisap gabman da ager dumado

wo igane da. Galili na fun iganeg, ipalug gamu etna ilasa ya.”

⁶ Pailat ru an ilon tag isumianai, “En in Galili tamol i?”

⁷ Jesus Galili tamol an ilon tag, idinai dugo dijaneg kin Herod san na diau. Man dugo, Herod in Galili kagin ipani da, an lo Jesus Herod paen na imado. Herod saen nek an lo Jerusalem na imado se ya.

⁸ Saen Herod Jesus ile man ilon tubun mi uyanan a. Man dugo, saen milaen in Jesus ile san ninen o ilon yen. In ilon man Jesus kulob girager ta igane dop ile wo ibol.

⁹ Aria, Herod sumianek funfun ipani se ya, ak gug Jesus ru naon irupe man tia ya.

¹⁰ Go pris gurman in kubien san girek manau dida Herod naon na insad ru sewak an dusue ti ibol go Jesus maeg nam kot dupani se ya.

¹¹ Agog Herod agod in san yu tamol dida Jesus kukokan digane se ya. Kin dututanig yamel ta kin sadi on ak tinin fo diganeg Pailat san na fon dijaneg diau a.

¹² Imug Pailat in Herod da siai lo dumado na ya. Ak man nal nek an lo in nug turan dilasa ya.

Pailat Jesus aigim fo dubali wo ibol a

Mat 27:15-26; Mak 15:6-15; Jon 18:39-19:16

¹³ Pailat pris gurman, agod Juda tamolpein sad gurman adi dida igiaig dutumanig

¹⁴ Igo ibol irupidai, “An tamol en anane apalug abol, in tamolpein bubed yabisap gabman ida ager dumado wo igane da. An naom na tamol en nibitinaeg nile ak gug, muruan a ninen o abol dan fun ta nile man tia ya.

¹⁵ Herod dam nek ago mi ibitinae ile tag, fon iganeg idsad na ipalu ya. Tamol en mel ta igane saian pe lo matej ile san tia ya.

¹⁶ Ago yak ninen o bu mi inane gup nibiseip yau a.”*

¹⁸ Agog in fidian awad kisaek lo mi disaig dubol, “Tamol an funi imat. Barabas pasi panamap mansama na imul!”

¹⁹ (Barabas man in gabman san ager. In Jerusalem ilon lo ager yabisap an lo tamol

* 23:16: Boi 17 Grik lo tia ya.

ta ifuni imat a. An niñen o diabig subanek ab lo diganeg imado.)

²⁰ Pailat san ilon man, Jesus ibiseip yau o ibol da, ago tag tamolpein malan tubun an fon isumianai a.

²¹ Ak man in fon duwagin imul go dubol, “Aigim fo bali wa! Aigim fo bali wa!”

²² Ago tag Pailat afon ibol, “In ata muruan ta igane yak niñen imat o abol di? Nai inşan muruan ta nile man tia ya. Ago yak niñen o nabol dop bu mi inşanep nibiseip yau a.”

²³ Ago bo man in tubun mi disasaig, Jesus aigim fo ibali wak dubol. Agog inşad sisein an Pailat san ru yabi idu.

²⁴ Ago tag Pailat inşaned ru dubol an awad yabig awok ipidinai a.

²⁵ Inşaned ilod ibol ago mi tamol in gabman lo ager imadog tamol ta ifuni imat an subanek lo ipasi a. Agog ilod ibol dan ago mi digane wo Jesus banid lo igane ya.

Jesus aigim fo dubali a

Mat 27:32-44; Mak 15:21-32; Jon 19:17-

27

²⁶ Agog Jesus diñane diau dugo dal na Sairini tamol ta yanşan Saimon in Jerusalem na iladu wo dugo diabig Jesus san aigim an dupanig isinig nien fo yau.

²⁷ Tamolpein wei nuşon Jesus nien aban diri dugo, lulunad lo pein aenta Jesus niñen o tubun mi ditata dugo tinaş aru digane se ya.

²⁸ Ago tag Jesus idanşag irupidai, “An Jerusalem pein, nai niñeg o atata amoi. Tia, anşem niñemi wo mi tinaş aru agane wa, agod anşanem nanuk niñedi wo dam mi a.

²⁹ Man dugo, mitep muruan tubun mok ipalu dop tamolpein dubol a, ‘Pein niganig, pein nanuk ad tia yan, agod pein a imug nanuk su ta dupidinai na yan dam gamu ilod uyanan a.’

³⁰ Saen an lo tamolpein dubol a, ‘Did adup, afunama mamat. Bubun adup, atuanama!’

³¹ Tamol gamu ai kumaen ak lo igo digane da. Ago tap, saen ai ikurnak geig ak lo, ata mel ilasa wak i?”

³²⁻³³ Tamol saiadi ak uraru dam Jesus ida diñal go diaug aben ta, yanşan Kabuņa Tatu

san aben dubol dak, ate dilasa ya. Aben ante Jesus tamol uraru an dida aigim fo dubalai a. Neinta tuon won ak lo dugo, neinta tuon nşas ak lo ya.

³⁴ Agog Jesus ibol, “Bai, inşad aupasek en pare idu, man dugo, mel e digane den diñaoş ak lo digane da.” Agog inşan kulos duburoug, sed nug lo duwaeg lo satu dukok a.

³⁵ Tamolpein leil digane dugo dutur a, ago dugo Juda sad gurman adi Jesus kukokan digane dugo dubol, “In aenta patud ipasi na ya. Ago yak niñen o, in tamol a Anut ipiliani an, Anut san Kristus, an rumok tap, ka sen patun ipasi dop tile.”

³⁶ Yu tamol a dititiani dan siñiren na dupalug kukokan digane se ya. In wain gigen geig ak wain uyan ak da dukubulig diabisag dubol, “Uluk.

³⁷ On rumok Juda sad kiş tap, se ibinawo!”

³⁸ Ru ta ai lapan fo digireg aigim kabuņan fufo na dubali a. Ru en san sutek lo man igo ya, “En Juda sad Kiş.”

³⁹ Agog tamol saiadi an kisaek imasag Jesus naon ifute ipeig ibol, “On Kristus. Ago tap, onşe ibinawo dop, manş dam binawama!”

⁴⁰ Ak man turan imasag irupeı, “Dugo, on Anut niñen o ta urer na di? Id utol muruan naon kisaek mi tisini da.

⁴¹ Id man bo tisini wak fom tisini da. Man dugo, idsad kagin naok naok fom ai wadan en dupanad a. Gug tamol en man kulob ta igane saian man tia ya.”

⁴² Agog tamol an Jesus irupeı, “Jesus, saen on kiş lasa dop, nai ilo isou.”

⁴³ Jesus ru naon irupeı, “Nai rumok nşurupaio da, gamu en onş nai da Paradais lo sisem tumado wa.”

Jesus imat a

Mat 27:45-56; Mak 15:33-41; Jon 19:28-

30

⁴⁴ Saen an ad isudag 12 klok igo wonş dugo, abanş tidom tubun go tan fidian yafutanig yen dugo yaug 3 klok gurai isi a.

⁴⁵ Man dugo, saen an lo ad ta ided na ya. Agog yamel tubun tempel lo iyuk yen an, imasireig uraru dilasa ya.†

† 23:45: Kulob an fun man igo ya: Jesus san materş an log dalawan ipasiş, gamu id fidian Anut san na tau san dal yen da.

⁴⁶ Agog Jesus awan tubun mi iwagin go ibol, “Bai, naineg n̄utug oñ bani lo n̄igane da.” Ago ibol go imat.

⁴⁷ Agog Rom yu tamol sad gurman in abañ ago ileg, Anut yañan yabisag ibol, “Rumok geig. Tamol en man muruan ta tinin lo tia ya. In itaot a.”

⁴⁸ Saen tamolpein a gubak mi abañ dile wo dutumani an Jesus imat dugo dile man, ilo muruan lo sed titired dufunig‡ aben an dibiseig diau a.

⁴⁹ Gug tamolpein fidian a Jesus dulon an, pein a Galili nag n̄ien fo dupalu yan dam, duparianig asau mi dutur a. Dugo dugo ilasa yan dile wo malad digane ya.

Jesus mutou lo digane ya

Mat 27:57-61; Mak 15:42-47; Jon 19:38-

⁴²⁵⁰⁻⁵¹ Tamol ta yañan Josef, in Juda panu ta Arimatia dubol dan san tamol. In tamol uyan, agod itaot. In Anut san kagin panek ipalu wo malan igane se ya. In Juda sad kaunsil lo imado gug kaunsil dida Jesus san maten o ilod ta kisaek na ya, agod awok ta ipidinai na ya.

⁵² Tamol an Pailat san na yaug, Jesus san sisanun in̄anep mutou lo igane wo isumi-ani.

⁵³ Pailat awok ipani tag Jesus san tinin tubabun aigim fo yak ipasig, yamel milk-ouk ak nam ifoug, gib ta pat tubun ak ilon dupasi an lo igane ya. Gib an imug tamol ta ate disare man tia ya.

⁵⁴ Nal an Soubul Kubunek San dubol a. Sabat nal fun igane wo da. §

⁵⁵ Pein Galili nag Jesus n̄ien fo dupalu yan Josef dida diaug, gib a lo Jesus san sisanun dugo dugo won̄ iganeg yen an dam dile ya.

⁵⁶ Agog dumul, in̄siganed na diaug, guren̄ mumalun uyan ak Jesus tinin diabi wo dukubune idu. Sabat nal ilasa tag kubiaen̄ ibol ak fom diganeg, yaes dubal.

24

Jesus fon kumaen imasa da ya

Mat 28:1-10; Mak 16:1-8; Jon 20:1-10

¹ Aria, ubou san nal Sabat dubol dan* itout go nal patun fo, ubou turan san nal

malmalan,† tidom lom geig, pein guren̄ mumalun uyan uyan ak fidian dukubune yan disinig, mutou fun na diau a.

² Mutou fun na dilasag, pat tubun a ate mutou awan dufutani an awan dubuli yau la yan dile ya.

³ Ago tag gib ilon lo diladu yak gug Jesus san sisanun ta dile na ya.

⁴ Agog kankan ifu dugo dutur ibol ak, tamol ta urarum, in̄sad kulos weil irafule dan san lilaman igo won̄ ak, giraned na dilasag dutur dugo dil a.

⁵ Pein an tubun kasik direr go naod itakok tan na idu ya. Agog tamol uraru an durupidai, “An̄ ata wo tamol dumat ak lulun̄ad lo tamol kumaen ak abañan abi dak i?”

⁶ In̄ etna tia. In̄ kumaen imasa ya. Ilo sou agane, gubak mi saen an̄ in̄ da Galili na amado yan igo irupaian̄ go ibol,

⁷ “Tamol Nanun aupasek tamol banid lo diganep, aigim fo dubali wa. Agop nal utol yen gup, fon kumaen imasa da wa.”

⁸ Ago dubol dugo pein an Jesus san ru ilod isou.

⁹ Ago tag mutou dibiseig dumul diaug, megeloum 11, agod tamolpein aenta dida dumado dan dam durupidai a.

¹⁰ Pein a diau an: panu Magdala san Maria, Joana, agod Jems tinan Maria. In̄ pein aenta dam dida diau ak ru an aposel adi naod na dubol.

¹¹ Ak man aposel adi sad ilo sou lo man, ru a pein an durupidai an n̄ijeo mi a, an n̄ijen o ilod lo ta rumok na ya.

¹² Gug Pita imasag, imaspalug, mutou fun na yaug, iyep pat gubaran ilon lo yau ya. Ak man yamel a ate Jesus san sisanun dufou an mi yen dugo ile tag, kankan gidigheid in̄ane dugo fon imul ab lo yau a.

Tamol uraru Jesus dal a Emeas na yau dan te dile ya

Mak 16:12-13

¹³ Nal kisaek an lo mi lulun̄ad lo tamol uraru in̄ panu ta Emeas dubol dak lo diau se ya. (Jerusalem biseip, 11 kilomita wau gup, Emeas na lasa wa.)

‡ **23:48:** An man ilo muruan san kob § **23:54:** Juda sad ilo sou lo, gurai idug ad idiau itout man, an nal foun ak ilasa la yan san kob. * **24:1:** Sarere † **24:1:** Sande

14 Dal na melmel a fidian ilasa na yan nug lo dukubiai dugo diau se ya.

15 Inşed diñiñeñ di diau dugo Jesus inşen ilasag, luad isag, dida sisem diau a.

16 Tamol uraru an Jesus dile bo man, Anut malad yafutani an lo inş tamol sen ak ta dubol a.

17 Agog Jesus isumianai, “Anş so ru ta abol dugo au di?”

Ru an duloñ go dupartuanig ilo muruan ad da dutur a.

18 Tamol ta yañan Kleopas imasag isumiani, “Nag oñse kisaek Jerusalem na nor warim kulob ilasa na yan ta uloñ na boi i?”

19 Ago dugo Jesus isumianai, “So mel ta?”

Inş ru naon durupeı, “Muruan nek a Nasaret tamol yañan Jesus dubol dan lo ilasa amaiak niñen o mabol da. Tamol an inş profet. Inşan niñeñ, urat dam dabai anda igane se ya. Anut, inş tamolpein dida dupitiani na ya.

20 Mañsama pris gurman adi agod idsad gurman fidian dida dubol dugo, Rom san gabman gurman banin lo digane ya. Agog tamol an kot ipanig aigim fo dubalig imat a.

21 Mañ iloma lo, Anut tamol an Isrel adi patud ipasi wo ipiliani a. Ago igane wo mañ tinim migane pani na ya, gug gamu tia ya. Taida mi, gamu muruan an ilasa gug nal utol yau la ya.

22 An mi tia, mañsama peın luluñad lo aenta tidom lom mutou fun na diau a.

23 Mutou fun na dilasag tubabun gib lo ta dile na ya. Ago tag mañsama na dumul go igo durupaiama, malad nşutun dile dugo eñel uraru dil go eñel an durupidaig dubol, ‘Jesus kumaen imasa la ya.’

24 Ago tag mañ luluñam lo tamol aenta mutou fo diaug peın adi durupaiama yak ago mi dile ya. Ak man tubabun ta dile na ya.”

25 Agog Jesus irupidai, “Anş ilom tia. Ata wo profet adi ru dubol na yan ilom lo ta rumok na yak i?”

26 Profet adi kuai tem dubol, Kristus mitep muruan isini gup, inşanen girager agod yañan tubun ak inşane wa.”

27 Agog inşen niñen o girek lo Moses inş profet adi dida niñen o dubol na yan fun ifulale ya.

28 Agog dupalug, Emeas sumeik dugo, Jesus itaot yau wo igane tag

29 diabituanig durupeı, “Ad idu la yak niñen o umoip, taen.” Ago tag dida ab lo disida ya.

30 Anañ diani wo dumasi dugo Jesus bret inşaneg, Anut ilo uyan ipanig, yafuteg, ipidinai dugo malad ipuk go

31 inş duloñ man, tamol en nek Jesus sen a. Agog Jesus gamu nam malad lo tia yau.

32 Agog tamol uraru an nug ru durupeıg dubol, “Oñ ilo isou, gubak mi saen Jesus id da dal na tureñ tabi dugo ru fidian girek lo yan fun ifulale panad se yan, inşan ru bubed lo nek ibol yai inani dak igo wonş a.”

33 Agog dumasag fon Jerusalem na ririan dumul go diau. Jerusalem na megeloum 11 an inş turad aenta dida dutumanig dumado dugo dil a.

34 Agog inş tamol uraru an durupidai, “Rumok geig. Tubun en fon kumaen imasa ya! Saimon Pita sen malan lo mok ile ya.”

35 Ago tag tamol uraru an dam dal na abanş dugo dile yan dubol, “Mañ dam dal na mile yak man inş ta malonş na ya. Gug saen bret yafuteg ipanama ante dugo inş malonş a.”

Jesus megeloum naod na ilasa ya

Mat 28:16-20; Mak 16:14-18; Jon 20:19-23; Apo 1:6-8

36 Tamol uraru an ago diñiñeñ dugo Jesus luluñad lo ilasag ibol, “Anş maror amado.”

37 Agog durut go direr saian. Inş ilod lo tamol nşutun ta naod na ilasa dubol a.

38 Agog isumianai, “Anş ata wo arer dak i? Anş ata niñen o ilom weiwei di?”

39 Malam ipalup, ñieg banig ale. En man nşaiseg. Abiag pe aliag! Tamol nşutun man tinid tatu an tia ya. Gug nşai man tinig tatu amag da ya.”

40 Ago ibol go nşien banin ikibiai dugo dile ya.

41 Inş ilod uyan ak man ilod lo kitek ta rumok na ya. Man dugo, durut saian dugo inş ilod weiwei, an lo ilod lo rumok san ta pasauman na ya. Ago tag isumianai, “Anş etna mel nuaenş san ta yen di?”

42 Agog iy gisek ak dupanig,

43 naod nam inşaneg yani dugo dile ya.

⁴⁴ Agog irupidai, “Imug ηurupaian ak ilom isou. Wagam Moses san kubiaen lo, profet adi sad girek lo, agod Isrel sad kanam buk lo dam, melmel fidian ηai o digire na yan nuηon ilasa wa.”

⁴⁵ Agog insad kankan isofulaleg, an lo Anut san ru girek lo yen dan fun mok dulon ηufeia.

⁴⁶ Agog irupidai, “Ru a buk lo digire yan igo ibol: Kristus mitep muruan isinip, imat pe, nal utol gib lo yen gup, fon kumaen imasa da wa.

⁴⁷ In yan an lo Anut tamolpein ilod ibilisa dop, inaned muruan ipasi pidinai an san ru, Jerusalem na fun igane gup, panu panu lo yau a.

⁴⁸ An melmel ilasa dugo ale na yan abol dop, dulon a.

⁴⁹ Bai mel ipanan o ibol an ηau gup, ηidinip ipalu wa. Ago yak ninen o Jerusalem na malam aganep amado dop yaup, dabai a lak na yak ipalu wan idup an tinim inenefute wa.”

Jesus lak na isuda yau a

Mak 16:19-20; Apo 1:9-11

⁵⁰ Agog Jesus injal go diaug, Betani na dilasa ya. Atnag banin yabisag, bar ipidinai a.

⁵¹ Agog ibisawaig, Taman inaneg siniren na yau a.

⁵² Tamol a leil digane dan Jesus ubou an dile gug yousai tubun geig ak lo mi dumul go Jerusalem na diau a.

⁵³ Ante saen wei mi tempel lo Anut per dupani dugo dumado na ya.

Jon

¹ Fun lo mok Anut mel fidian ta idiri na dugo, Ru in yen la ya. In Anut da dumado ya, agod Ru mi in sen Anut.

²⁻³ In Anut ida dumadog, in lo mel fidian dilasag dien da. Ta in dal sen ta lo ilasa man tia geig a.

⁴ In lo kumaen yen da, an lo mel fidian kumaen dijane ya, agod kumaen an tamolpein lo lilaman igane ilasa da.

⁵ Lilaman an tidom tubun lo ided da, agod tidom tubun an lilaman ituani san tia ya.

⁶⁻⁷ Aria, Anut tamol ta iganeg imug ilasa ya. In yan an Jon dubol da. In ipalug, lilaman san ru fun an tamolpein fidian ikubiai ipidinaip, dulong pe, ilod lo rumok san.

⁸ Ak man Jon in sen lilaman amaiak tia ya. In lilaman an ninen ru an ibol ilasa dop dulong o ipalu ya.

⁹ Lilaman a lilaman mok an, tan na idup tamolpein fidian lilaman ipidinaip o ipalu ya.

¹⁰ In lo mel fidian dilasa ya, agod in tan en lo kuai isig imado la yak bo man, tamolpein dijaon geig a.

¹¹ In sinanen tan lo ipalu ya, ago gug muroun muroun an in dijane man dumoi.

¹² Ak man tamolpein a in dijane yan, agod in yan tubun ak ilod lo rumok an fidian, Anut nanun dilasa san dabai in ipidinaip a.

¹³ In tinad tamad sad dar lo, tia, tan san kagin lo, tia, tinid san kagin lo, Anut nanun muroun dilasa man tia ya. Tia, Anut sen iginiaig, in anen nanun muroun dilasa ya.

¹⁴ Ru an tamol nunon ilasag kuai isi a. Agog in man lulunama lo ida mumado na ya. Rumok, Bai Anut in anen Nanun kisaek o lian idinig ipalu ya, ago dugo Nanun an san girager tubun ak mile ya. Ilo panek in ru rumok da in tinin in anefute ya.

¹⁵ Aria, Jon malak malak in ninen o igo ibol iwagin, "Tamol emaiak ninen o nai nurupaian go alon na ya. Tamol a nai patug fo ipalu dan, nai irinanag dugo naisag malan te yak imado da. Man ata wo, wagam mi nai ta njilasa na yan in imado la ya."

¹⁶ In san ilo muranek tubun mok in lo awan isa ya, an lo binawek wei mi an in anen banin dibiseig id fidian tinane na ya.

¹⁷ Man dugo, Anut id Moses banin lo kubiaen ipanad a, gug ilo panek in ru rumok da man, Jesus Kristus lo mi ipanad a.

¹⁸ Tamol ta Anut kitek ile man tia geig a. Gug Anut a kisaek o lian an, Taman giranjen na imado na ya, in tan na ipalug Taman ikubiai panad go talon a.

*Jon Suguek san, ru kuai te ifulale ya
Mat 3:1-12; Mak 1:1-8; Luk 3:1-18*

¹⁹ Jon ru e Jesus ninen o ibol ilasa yen man igo ya. Saen Juda gurman adi a Jerusalem na dumado dan pris aenta, Liwai adi da didinaig Jerusalem dubuseig diaug, Jon fun dulong o dusumianig dubol, "On enti i?"

²⁰ Agog Jon ru kuai tem irupidaig dulong a, in enti mok an ta itot na ya. In igo ibol, "Nai man Kristus tia ya."

²¹ Ago tag in dusumianig dubol, "Ak on enti i? On dag profet Elaija wagam na yak fon palu boi?" Ak man in ibol, "Man tia." An ninen o in fon dusumiani, "On dag profet a Anut ninen o ibol amaiak boi?" Gug in ibol, "Tia ya."

²² An ninen o in dusumiani, "Ago tap, ubol pe malon, on enti mok i? Man tamol didinamag mupalu yan ata ru ta murupidaip dulong ak i? On onse ni ne wo dugo ubol dak i?"

²³ Ago gug Jon profet Aisaia awan aban in aneg igo ibol, "Nai man tamol ta aben kawan ak ate iwagin emaiak san awan njisiaig njuwagin da, "Tubun en in anen dal akubune apani!" "

²⁴ Farisi adi lulunad lo tamol aenta imug didinaig dupalu dugo, tamolpein dida dutur a.

²⁵ In dam Jon dusumianig dubol, "On Kristus, tia, Elaija, tia, Profet mititiani den dam tia yak ubol dan, ago tap, ata wo tamolpein suguek pidinaip dak i?"

²⁶ Jon awad yabig igo ibol, "Nai tamolpein you lo mi njusuguai da. Gug tamol ta an lulunam lo itor dak an ta alon na da.

²⁷ Tamol an in nai patug fo ipalu da, gug in nai irinanag a. Nai seg iliaig dak man, nai in san sendal njupasi san ta idaisuda na ya."

²⁸ Saen an lo Jon panu Betani na imado dugo, you Jordan aen ate inanen suguek urat igane se ya. Panu ante kulob an fidian ilasa ya.

Jesus man Anut san Sipsip Nanun

²⁹ Agog dien dumasag nal tinin te yan, Jesus imasag Jon san na ipalu dugo, Jon malan yaug ile, agog ibol, “Ale dak, an Anut san sipsip nanun ipalu da. In ipalu dan lo, tan en san tamolpein sad kagin saiak fidian iragali pidinai a.

³⁰ Nai gubak mi tamol nek amaiak ninen o nabol a. “Tamol ta in nai patug fo ipalu dan in nai irinanag go naisag tamol malan te yak imado da. Man ata wo, wagam mi nai ta njilasa na yan in imado la ya.’

³¹ Naiseg man gubak mi in tamol dugo yan ta nalon na ya. Ago yak man nai npupalug, tamol amaiak Isrel tamolpein njukubiai pidinaip dile dulon o, you nam nusuguai se ya.”

³² Agog Jon mel a ile yan ninen igo ibol, “Nai Urgan kumaen panu ibiseig idu dugo njile ya. Insan leil man nek ibol muluk on idug Jesus gumuran fo imado dugo njile ya.

³³ Naiseg man imug in tamol dugo yan ta nalon na ya. Gug Anut enti tamolpein you nam nusuguai o idinag go npupalu yan, insen irupaiaag go ibol, ‘On Urgan ule dop idup, tamol ta tinin fo imado wa. Tamol nek an in tamolpein Urgan lo isuguai a.’

³⁴ Nai njile nalon la ya, an lo nai in ninen o ru nabol ilasa da, tamol en in Anut Nanun mok a.”

Jesus megeloum malan malan injal a

Mat 4:18-22; Mak 1:16-20; Luk 5:2-11

³⁵⁻³⁶ Nal tinin te yan lo, Jon san megeloum uraru in dida dutur dugo malad yaug, Jesus yau dugo dile. Jon Jesus ile tag megeloum irupudai, “Ale dak, on Anut san sipsip nanun, tamolpein ibinawai o ipalu ya.”

³⁷ Megeloum uraru an ru ago dulon tag, diaug, Jesus njen aban diri se ya.

³⁸ Agog Jesus idansag, uraru an yil tag irupudai, “An ata mel o aban abi di?” Agog uraru an awan diabig dubol, “Rabbi (en fun man girek manau) on ab dugon te mado di?”

³⁹ Agog Jesus awad yabig ibol, “An apalup ale.” Ago tag in dida diaug, ab a ate imado dan dile ya. Nal an gurai idu ya, ago tag in dida atna dumado yaug tidom idu ya.

⁴⁰ Megeloum uraru Jon awan dulon go Jesus da diau an, neinta yan an Andru, Saimon tein.

⁴¹ In Jesus ibiseig ririan yaug tein Saimon abanan yabig, ileg irupe, “Man Mesias mile la ya.” (Yanak Mesias fun man Kristus.)

⁴² Agog tein Saimon inane, ida dumul Jesus san na dupalu. Jesus malan ti ibol Saimon ileg irupe, “On Saimon, Jon nanun. Gamu nai on yan sen ta Sifas npate da.” (Grik ru lo Sifas fun man Pita dubol da, an “pat” igo won a.)

Jesus Filip in Nataniel da isu a

⁴³ Dien dumasag, Jesus distrik Galili na yau o ilo sou igane ya. In Filip ileg irupe, “On nai da tau a.”

⁴⁴ Filip in panu Betsaida dubol dan san tamol, an in Andru Pita da sad panu kisaek a.

⁴⁵ Filip Nataniel abanan yabig ileg irupe, “Man tamol a Moses in profet dida ninen o dubol dugo, girek lo digire emaiak mile la ya. In Nasaret tamol, yan an Jesus, Josef nanun.”

⁴⁶ Agog Nataniel ibol, “Mel uyan ak ta Nasaret na ka ilasa wak i?” Gug Filip ibol, “Onse palup ule.”

⁴⁷ Agog diau dugo, Jesus Nataniel insan na ipalu dugo ile tag, in ninen o igo ibol, “Ale, an Isrel tamol mok. In ilon lo kagin sewak ak ta yen man tia geig a.”

⁴⁸ Ago tag Nataniel isumianig ibol, “On dugudo won nai fug ulon i?” Agog Jesus awan yabig igo ibol, “Filip on gamugo igio dugo, onse gurab dabin fo mado dugo njilio ya.”

⁴⁹ Ago tag Nataniel irupe, “Girek Manau, on Anut Nanun mok a, on Isrel sad Kin.”

⁵⁰ Agog Jesus ibol, “Nai on gurab dabin fo mado dugo, njilio nabol an ninen o on ilo lo rumok i? Ulon ak, murnap on mel tubun geig ak mel en irinani an ule ulon a.”

⁵¹ Jesus fon irupudai, “Nai rumok nunon mi njurupaian da. Murna dop Anut kumaen panu awan ipasip, an malam yaup, Anut

san enjel adi Tamol Nanun san na dusuda dudu dop eil a.”

2

Jesus you ibileksag wain ilasa ya

¹⁻² Nal uraru yau gug, panu Kana Galili distrik lo ante nug naneke san soubul digane. Jesus tinan ab an lo imado dugo, Jesus san megeloum dadi digiaig dupalug, nug naneke san soubul an lo dumado ya.

³ Nug naneke san soubul an diani diluk yaug you wain itout. Ago tag Jesus tinan imasag nanun irupeig ibol, “Injad you wain itout a.”

⁴ Ago tag Jesus tinan irupeig ibol, “Nei, ata wo onsa tini ganei nai lo gane dak i? Naisag saen gamugo da.”

⁵ Aria, tinan yaug urat pinein irupudai, “Urat biabi fidian irupaian dop, awan ari apani.”

⁶ Ab an lo bod tubun tubun ak 6 dutur dan ate you disirip, Juda sad kagin lo mi njed banid dufulani da. Bod kisaek kisaek an ate you 90 lita boi, tia, 140 lita boi, ago lo you disiraip dien da.

⁷ Aria, Jesus urat pinein sad na yaug irupudai, “Bod an ate you asiri idup awad isa wa.” Ago tag in ibol ak atem ago digane ya.

⁸ Agog Jesus irupudaig ibol, “You an ta awalip asini aup, soubul san gurman apani.” Ago tag in you an disinig diaug dupani a.

⁹⁻¹⁰ Agog soubul gurman an you a ibileksag wain mok ilasa yan iluk ile ya. Ak man kulob an fun ta ilon na ya. Urat pinein a you disiri an in dulon ak man ta durupeil on na ya. An ninen tamol an nug naneke san pinein an iwagig ipalug irupeig, “Idsad tamol kagin man igodo ya. Wain uyanan mok ak imug doup tupidinaip duluk itout gup, murna wain kitek saian an tupidinai diluk da. Dugodog on ago ta gane na i? On wain uyan ak ilo isig yen gug gamu sini palu ya.”

¹¹ Kulob girager en Jesus san urat malan malan Galili distrik lo Kana panu na igane ilasa ya. An lo injan yanak tubun ak san dabai in lo yen dan kuai isig, injan megeloum dileg, in o ilod lo rumok a.

¹² Soubul an itout gug Jesus imasag, tinan, tein muroun, injan megeloum isug, dida panu Kaperniam na dudug, ante kitek dida dumado ya.

Jesus Tempel lo yau a

Mat 21:12-13; Mak 11:15-17; Luk 19:45-46

¹³ Aria, Juda sad tumanek tubun ak, Pasova dubol dan san saen sumeik tag, Jesus imasag Jerusalem na yau a.

¹⁴ In yaug tempel san tumanek aben ilon lo iladug, makau, sipsip, anakanak a didaen lo digane yau imul se yan yil a. Aenta badim fo moni patun dibileksa dibilekla dugo yil a.

¹⁵ Ago tag Jesus rasau ipideg sen nam tamolpein fidian ifu ikudai dugo, makau, sipsip dam ikudai kuai te dilasa ya. Agog tebol an moni aman da ikulmaek idug, moni iratitaleg ifurak yau a.

¹⁶ Ago gug tamol anakanak didad se yan irupudai, “Anjanem mel en fidian asup alasa. An naineg Bai san ab en anjanep daden aben igo ta agane na wa.”

¹⁷ An ninen o injanen megeloum ru ta Anut san buk lo digireg yen dak ilod isou. Ru an igo ibol, “Nai onane ab ilog nupani mok da, an ninen o nai ilog saian dugo bubege wananan geig da, an lo kankan an nai ilog yabi sakar dugo iduduweg da.”

¹⁸ Jesus ago igane dugo Juda gurman dileg, dumoi go dubol, “On ata kulob girager ta ganep man milep malon ak, on en so dabai ta lo igo gane dak i?”

¹⁹ Ago tag Jesus awad yabig igo ibol, “Nai ubou ab en nititale gup, nal utol lo mi fon nususe da wa.”

²⁰ Agog Juda adi Jesus durupeig, “Ab en anajar 46 lo diabig itout a. Gug gamu on en nal utol lo mi wabisa da wo ubol dak i?”

²¹ Ak man Jesus ubou ab ninen ibol an, fun man injan tinin ninen o ibol a.

²² Ago yak ninen o saen Anut Jesus mater on lo ifufunig fon kumaen imasa yan lo, injanen megeloum dileg ru a wagam mi Jesus injan ibol an ilod isou. Agog ru girek a Anut san buk lo yen dan, agod ru a Jesus ibol an dam, ilod lo rumok a.

²³ Jesus tumanek tubun Pasova dubol dan san saen lo, Jerusalem na imado dugo,

doup tubun an inanen kulob girager igane yan dile tag, in o ilod lo rumok a.

²⁴ Ak man Jesus in sen inanen tini gane tamolpein an lo ta igane na ya, man dugo, in tamolpein an fidian ilod ilon fufei a.

²⁵ Tamol ta kankan naok dugo yak a tamolpein bubed lo yen dan ninen, Jesus ilon o kuai te ibol ilasa san urat aman tia ya. Man dugo, Jesus sen, kankan a fidian tamolpein ilod lo dien dan ilon pasik a.

3

Jesus Nikodemus ida dinjane a

¹ Farisi sad tamol tubun ak ta yan an Nikodemus. In Juda adi sad gurman ta, agod Juda sad kaunsil malan te yak lo yan yan yen da.

² Tamol an tidom ta lo Jesus san na yaug, irupe, "Girek Manau, man malon ak Anut on idinog mansama na girek manau igo palu ya. Man dugo, tamol enti a Anut ida dumado dan mi, kulob tubun tubun a on gane dan in ka igane wa. In Anut san tia dop man, urat a gane dan igane san tia ya."

³ Jesus awan yabig igo ibol, "Nai rumok nunon mi nurupaio da. Isop tamol ta foun ta ilasa na tap, Anut san kagin panek aben ile san tia geig a."

⁴ Ago tag Nikodemus awan yabig ibol, "Dugo won pe tamol in tinin tamol igane la yak afon foun ilasa da wak i? Nag fon tinan tinan lo ka iladup, nanuk igo won tinan igansi wak i?"

⁵ Jesus ru naon irupeig ibol, "Nai rumok nurupaio da. Isop tamol ta you in Urgan da lo kumaen foun ak ta inane na tap, Anut san kumaen panu ilon lo ta iladu na wa.

⁶ Mel tinik lo ilasa man tinik san mel mi a, nek ago mi, mel a Urgan igane ilasa dan in ur san mel a.

⁷ Gug on foun lasa wo nabol dan ninen o on masa saian umoi.

⁸ Tim man in sen inanen ilon ibol ak lo yau imul da. Ago dop tim an lili an mi ulon da. Gug in dugon te ipalug dugon te yau dan, on ta ulon na ya. Tamol a Urgan iganep, foun ilasa dan nek ago mi a."

⁹ Nikodemus isumianig ibol, "En dugo won mok ilasa wak i?"

¹⁰ Agog Jesus awan yabig ibol, "On man Isrel lulunad lo insad girek manau mado ya, ago gug, ata wo mel an fun ta ulon na ubol di?"

¹¹ Rumok nunon mi nurupaio da. Man mel a malon an ninen o mi ru mabol da, agod man mel a mansama malama nam mile yan mi tamolpein naod na mabol ilasa da, ago bo man an tamolpein mananema ru anane wan amoi da.

¹² Nai tan san kagin ninen o imug mi nurupaian a, ak gug an ilom lo ta rumok na ya. An ninen o, dugo, nai fon kumaen panu san melmel an ninedi wo nurupaian dop man, an dugo won pe an ilom lo rumok ak i? Man tia geig a.

¹³ Tan en san tamol ta kumaen panu lo iladu man tia ya. Tamol Nanun in mi aben an lo iladu ya. Man dugo, inanen fun panu man tan en san tia ya, tia, gubak mi in Anut da dumado gug, kumaen panu ibiseig idug tan na ilasa ya.

¹⁴⁻¹⁵ Wagam Moses Isrel adi dida aben kawan ak ate dumado dugo mot dilasag, tamolpein diratai se ya. Ago yak ninen o Moses ai igunig, mot mitilaen ta yabisag isunani a. Talpein mot mitilaen ile dan, imat san tia ya, tia, kumaen imado ya. Nek ago mi Tamol Nanun diabisap dusunani wa. An ninen o tamolpein a fidian nai o ilod lo rumok dan, in kumaen pempem san dinane wa.

¹⁶ "Anut in tan en san tamolpein ninedi wo imat, an ninen o inanen Nanun kisaek o lian an ipanad a. An lo tamolpein in o ilod lo rumok tap, ta dideg diau na wa. Tia, in kumaen pempem yen san dinane wa.

¹⁷ Man dugo, Anut inanen Nanun tan na iganeg ipalu yan, in tamolpein bitinaek lo idiraip naon muruan ipidinai wo ta ipalu na ya. Man tia. In ipalu yan lo tamolpein patud ipasi dop, pitininek aben lo ta diau na wa.

¹⁸ Enti in o ilon lo rumok dop man, Bitinaek Tamol in muruan ta ipani na wa. Gug enti in o ilon lo rumok tia yan in ideg yau san dal lo imado la ya. Man ata wo, in Anut Nanun kisaek o lian an ninen o ilon lo ta rumok na ya.

¹⁹ Bitinaek Tamol yil saian man fun igo ya. Lilaman tan na idu la ya, ago gug

tamolpein lilaman an patud dupani dugo, tidom tubun lo dumado wo dumat da. Man dugo, in kagin saiak saiak mi digane wo dumat da.

²⁰ Tamolpein kagin saiak digane dan in lilaman dumoi go san ager dumado da. In lilaman lo dupalu san dumoi, man dugo, kabelan inaned kirem saian an kuai te ilasa banau.

²¹ Gug talpein a in kagin rumok ak igane dan in lilaman lo ipalu dop lo in san urat uyan ak walal te ilasa wa. Ago dop tamolpein a talpein an leil dupani dan, in dile dulon ak, talpein an Anut san dabai lo in san urat fidian igane da.”

Jon Suguek san in Jesus fun kuai ipani a

²² Aria, murnag Jesus megeloum dida dumasag, Jerusalem dubuseig, Judea aen ate diaug, ante dida kitek dumado dugo tamolpein suguek ipidinai.

²³ Ago dugo Jon dam sasau Ainon dubol dak ate, aben Salim sumeik an, ante imado dugo tamolpein in san na dupalug you lo isuguai se ya. Man dugo, you kuror ak aben ante dien da.

²⁴ Saen an lo man gurman Herod in Jon subanek lo gamugo igane ya.

²⁵ Aria, Juda tamol ta ipalug, Jon san megeloum dida Juda sad you sugug kagin ninen o fun digane nug dupei.

²⁶ Ago tag Jon san megeloum diaug durupeig dubol, “Girek manau ule, tamol a gubak mi on in da you Jordan aen ate amado dugo, in ninen o ru fulale amaiak, in tamolpein suguek ipidinai dugo fidian in san na mi diau da.”

²⁷ Agog Jon ru naon igo irupidai, “Uyan, talpein ta in san dabai lo mel ta inane san tia ya. Tia, in binawek Anut kumaen panu lo igane idu an mi ka inane wa.

²⁸ Ansem gubak mi nai ru kuai te nabol ilasa dugo alon la ya. Nai Kristus tia ya. Ago yak man nai Anut sen idinag go Kristus naon na nanug nupalu ya.

²⁹ Tamol ta in pein da nug dinane tap, pein an tamol an san. Go tamol sen ak turan an patun fo sumeik itur dan in san turan an awan ilon, an ninen o ilon uyanan geig a. Nai man Kristus san turan, tamolpein in san na diau dan neil dop, ilog uyanan geig da.

³⁰ Ago yak ninen o in yan yan tubun mi imasap yau dop, nai yanag ka idu wa.”

³¹ Tamol in lak nag idu yan in yan yan tubun geig a, mel fidian in paen na dumado da. Tan en san tamol man in tan en san ru mi ka ibol ilasa wa. Gug tamol a kumaen panu log idu yan man fidian irinanai a.

³² In mel a fidian yil an, agod mel a fidian kududon ilon an dam, tamolpein naod na ibol ilasa da. Ak gug in san ru tamolpein an fidian irinanai yau on dugo, dulon o dumoi.

³³ Gug talpein enti ru an inane yabi sakar dan, kulob an lo ikubiai tile yak in san ilo rumok igo ya, “Anut san ru an ru rumok.”

³⁴ Man dugo, Tamol a Anut idinig idu yan, in awan Anut san awan aban mi in in in da. Ata wo? Anut in Ur kabelan ka Tamol an ta ipani na da, tia, in san Ur tubun mi in lo awan isa wa.

³⁵ Bai inane Nanun o tubun mi imat go, mel fidian in banin lo idiri a.

³⁶ Ta in Anut nanun ilon lo rumok tap, in kumaen pempem yen san inane la ya. Gug in a Anut Nanun patun ipani dan, in kumaen pempem yen san ta ile na wa. Man ata wo? Anut san tin ae saiak in lo yen da.

4

Jesus Sameria pein ida din in in a

¹⁻³ Jesus tamolpein wei mi in san na dupalug inane megeloum dilasa gug isuguai a. Tamolpein a Jesus isuguai se yan san sutek man Jon san irinani a. (Jesus in sen tamolpein ta isuguai na ya. Tia, inane megeloum mi urat an digane ya.) Farisi adi Jesus dugo igane yan dulon, an ninen o ta in Jesus irupeil on. Ago tag in Judea ibiseig fon imul Galili na yau o turen yabi a.

⁴ Dal an Sameria dumado dak titinaem idug yau a.

⁵ In yang Sameria sad panu ta, yan yan Sikar dubol dan ate ilasa ya. Aban an tubud baged Jakob nanun Josef tan ipani an siniren na sumeikan a.

⁶⁻⁸ Aria, Jesus turen yabig yau do nad ad titinae mi an in urei ifuni gug, you gib an fun na ilasa ya. Gib an Jakob san you gib

dubol da. In̄ yaes ibal o imasig imado ya. Gug in̄anen megeloum man in̄ anan̄ didad o panu na diau la ya, agod Jesus mi in̄sen kisaek imado. Agog Sameria pein ta you gib an isiri wo idu nad Jesus ile ya. Jesus in̄ you o imat saian tag, pein an irupei, “You kitek sirip panag n̄aluk.”

⁹ Juda in̄ Sameria da man nug lo siai dumado da, agod in̄ nug san anan̄ ta diani na da. An nin̄en o pein an imasa saian go irupei, “On̄ ata wo n̄ai on̄ you n̄upanop, uluk o ubol di? On̄ Juda, agod n̄ai man Sameria.”

¹⁰ Jesus pein an ru naon irupeig ibol, “On̄ talpein e, ‘you panag n̄aluk’ ago ibol an, agod Anut san lou panek an dam ulon̄ uyan ak man, on̄ in̄ sumiani dop, you kumaen san an ipanop uluk a.”

¹¹ Ago tag pein an Jesus irupei, “Tamol tubun en, on̄ you kapen ama tia ya. Agod you gib en kuror kasik a. Ago yak nin̄en o you a kumaen san an on̄ dugon te n̄ane wak i?”

¹² Idsad tubud baged Jakob in̄ you gib en yabig man̄ ipanama ya. In̄sen you en iluk na ya, in̄anen nanun muroun dam, makau, sipsip dam you en diluk na ya. Ak nag on̄ in̄ riñani ubol di?”

¹³ Ago tag Jesus pein en awan yabig ibol, “Ta in̄ you en iluk tap, in̄ fon you o imat da wa.”

¹⁴ Gug ta in̄ you a n̄ai n̄upani wan iluk tap, in̄ afon you o ta imat na wa. Rumok, you a n̄ai n̄upani wan, in̄ ilon lo pempem ibanai ilasa dop, kumaen pempem yen san ipani wa.”

¹⁵ Ago tag pein an ibol, “Tubun en, on̄ you an n̄ai panag. Agop n̄ai fon you o n̄amat dop, you n̄isiri wo ta n̄upalu na wa.”

¹⁶ Jesus awan yabig irupei, “On̄ waup, on̄ane iwo n̄ane gup, fon ente ida apalu.”

¹⁷ Agog pein an ru naon irupeig ibol, “N̄ai iwog tia ya.” Ak man Jesus ibol, “On̄ iwo tia ubol dan rumok a.”

¹⁸ On̄ wagam tamol faiv un̄al la ya. Gug gamu tamol a in̄ on̄ ida amado dan man in̄ on̄sa iwo tia ya, an nin̄en on̄sa ru ubol an ru rumok geig a.”

¹⁹ Pein an ago ilon̄ man, imasa saian go Jesus irupei, “O tamol tubun en, n̄ai ilog isafulale ya. On̄ Anut san profet.

²⁰ Dugudo, man̄ tubum murouma in̄ did en fo dutumanig, Anut ubou an dile na ya. Gug an̄ Juda man Jerusalem na mi aup, ante Anut ubou an ale wo asue ti abol da.”

²¹ Ago tag Jesus irupei, “O pein, ru e n̄urupaio den ilo lo rumok pe wabi. Nal ta idu dop, ate Bai Anut san ubou leil an did en fo, agod Jerusalem lo dam, ta agane na wa.”

²² An̄ Sameria adi Anut a nin̄en o ubou ale dan ta alon̄ uyan na ya. Gug man̄ Juda man in̄ malon̄ uyanan a. Man ata wo? Anut tamolpein in̄al pe patu pasek ipidinai san dal man Juda sad dar lo ilasa ya.

²³ Gug nal ta idu wo yan gamu nek e ilasa la ya, ante man tamolpein ensauta a kagin nun̄on ak lo mi Anut san ubou an dile dan, Urgun lo, agod ru rumok ak da, in̄ nin̄en o ubou dile wa. Man dugo, Anut ensauta a ubou naok ago digane dan mi yil o aban̄ad yabi da.

²⁴ Anut man in̄ Ur a. Fun an nin̄en o, tamolpein ensauta a in̄ kagin nun̄on ak lo mi ubou an dile dan man, in̄ Urgun lo, agod ru rumok da, in̄san ubou an dile wa.”

²⁵ Ago tag pein an Jesus irupei, “N̄ai n̄alon̄ ak, Mesias ipalu da. In̄ id ibinawad san Anut ipiliani a. In̄ ipalu gup, mel fidian kuai te igane ilasa dop tile talon̄ a.”

²⁶ Agog Jesus pein an irupei, “An bo n̄aiseg, nek e on̄ da tin̄in̄en da.”

Jesus san megeloum dumul dupalu ya

²⁷ Jesus pein ida din̄in̄en di dumado dugo in̄anen megeloum dupalug dilasa ya. Ago dile man in̄ durut saian geig a. Gug in̄ lulun̄ad lo tamol ta kisaek Jesus isumianig, “On̄ ata ipano wo ida an̄in̄en i?” tia, “On̄ ata wo ida an̄in̄en i?” ago dubol man tia ya.

²⁸ Agog pein an you kapen igansig you fun na yen dugo, imul panu na yaug tamolpein irupudai,

²⁹ “Apalup, tamol ta in̄ n̄ai kulob n̄igane na yan fug fidian ifulale idu pasik an ale. Dag in̄ Kristus boi?”

³⁰ Ago tag fidian panu dubuseig, Jesus dile wo you fu na diau.

³¹ Agog Jesus san megeloum in̄ durupei, “Tubun ak, on̄ gidad nuai a.”

³² Gug in awad yabig ibol, “Nai anan sen ta amag da yak, an nani san an an ta alon na ya.”

³³ An ninen o inanen megeloum nug durupeig dubol, “Dag tamol ta anan isini ipalug ipanig yani la boi?”

³⁴ Gug Jesus irupidaig ibol, “Naisag anan man igo ya, nai Bai idinag go nupalu yan inanen awan nuri nupanip, inanen urat niganep itout pasik a, an mi naisag mel tubun a.

³⁵ An igo abol, ‘Kalam iwoiwo yau gup man anan ibes idu wa.’ Gug nai rumok nrupaian da, malam yaup aban ale, an gidad anan ale alubani. Nunon tales san saen idaisudag yen da.

³⁶ Tamol in anan nunon urat an igane dan, in naon uyanan inane wa. In tamolpein itumanaip, kumaen pempem yen san dinane wa. Urat an fun igane la ya. Ago dop tamol anan piapae san, nunon iles san an ida sisem sed iyunanai a.

³⁷ Fun an lo, ru a tamolpein dininen na yan nunon ilasa ya, ‘Tamol ta kisaek anan ipae da, ak gug tamol sen ak anan iles da.’

³⁸ Nai an abi a ante anan ta apae na yan lo, anan ales san urat agane wo nidinan go au a. Tamolpein aenta abi an lo urat tubun mi digane la ya. An insad silali naon anane ya.”

Sameria wei mi ilod lo rumok a

³⁹ Sameria panu an san tamolpein wei mi in pein an san ru dulon go, Jesus lo ilod rumok a. Man dugo, pein an ibol, “Nai gubak mi kagin dugo niganane na yan fidian irupaig a.”

⁴⁰ An lo saen Sameria adi Jesus san na dupalu dugo, in kitek dida dumado wo dusumiani a. Ago tag nal uraru ante dida dumado ya.

⁴¹ Gug gamu tamolpein nen wei geig in Jesus sen awan lo ru dulon ak ninen o ilod lo rumok a.

⁴² In fidian mi pein an durupeig, “Gamu en man onsa ru mi malon ak o iloma lo ta rumok na ya. Tia, mansema Jesus sen awan lo ru malon ak o iloma lo rumok geig a. Agod man malon ak, nek tamol emaiak, rumok nunon mi, in tan en san tamolpein fidian sad patu pasek tamol.”

Jesus kin san urat tamol nanun ikubune ya

⁴³ Nal uraru an itout go, Jesus Sameria adi ibisawaig imul Galili na yau.

⁴⁴ Gubak mi Jesus insen igo ibol ilasag ibol, “Anut san profet insinan panu fun lo man yan an tia ya.”

⁴⁵ Aria, saen in Galili na ilasa dugo, tamolpein dileg duyanani a. Man fun dugo, in dam Jerusalem na nal tubun an lo, kulob kulob a ante igane yan dile yak ninen o, ago malan dupare ya.

⁴⁶⁻⁴⁷ Agog Jesus fon Kana panu na ilasa ya. Panu ante imug you ibilisag wain ilasa ya. Ante imado dugo, kin san urat tamol gurman ta nanun Kaperniam na imado yan, subam ifuni saian. In Jesus Galili distrik lo imado yan ilon tag, imasag ririan Jesus san na yau. In yaug, inanen nanun imat o itor dan, Jesus ikubunep uyan ilasa wo imosiai a.

⁴⁸ Agog Jesus irupeig, “An tamolpein pempem kulob ta girager aman da yak, agod kulob a urer san dam ale wo ilom ibol da. Tia dop, an ilom lo ta rumok na wa.”

⁴⁹⁻⁵⁰ Ago dugo kin san urat gurman an fon in igudanig ibol, “O Tubun ak, on palu kisaek on. Kabelan naineg nanuk imat banau.”

Jesus awan yabig ibol, “On wau, onane nanu uyan imado wa.” Aria, tamol gurman an Jesus san ru ilon lo rumok go yau.

⁵¹ In yau on dugo, inanen urat pinein dal na naon ditareg durupeig, “Onane nanu uyan ilasag imado da.”

⁵² Ago dubol tag, in isumianai, “Ad mitaen dugo won dugo tinin kitek uyan i?” In awan diabig dubol, “Nor ad isakek o itor dugo, tinin ibubarum a.”

⁵³ Ago tag taman fon ilon isoug, nor nek ad ago Jesus irupeig, inanen nanuk uyan imado dak ibol a. Agog in Jesus ninen o ilon lo rumok dugo, inanen muroun muroun dam fidian ilod lo rumok a.

⁵⁴ Jesus in Judea ibiseig Galili na ipalu gug, kulob girager en igane ya. Kulob en Jesus san urat girager tinin te yak Galili distrik lo igane ilasa ya.

5

Jesus tamol ta you Betesda ante ikubunya

¹ Murnag Juda adi sad tumanek nal tubun ak ta ilasa wo dugo, Jesus dam Jerusalem na yau.

² Jerusalem man pat nam ar dufou dulubani a. Ar san dalawan wei mi dien da. Dalawan ta “sipsip sad dalawan” dubol dan te you saltek ta yen da, Hibu ru lo yanjan Betesda dubol da. You an aen te lalai miriau faiv ate dien da.

³⁻⁴ Lalai miriau an ate man tamolpein subam funfun amad da yak ate dumado da. Aenta malad tia yak, aenta njied saian ak, aenta njied banid tubabun ak, ante enel ta ipalup, you lo idup you ila iso dop, dile wo mala nouk dumado da. Gug enti in imug you lo idu dan inanen subam itout a.

⁵ Aria, tamol ta in miriau ante anajar 38 subam inaneg imado ya, in itor san tia, ago yen on se ya.

⁶ Jesus tamol an ile dugo, in saen milaen mok subam anda yen na yan durupe i a. Ago tag Jesus isumianig ibol, “Dugo, on tini uyan o ilo ibol di?”

⁷ Ago dugo subam tamol an Jesus awan yabig ibol, “Awo. Tamol tubun en, ulon, saen you ila iso dop, naj tamol ta ibinawag pe, you lo ibilag njadu san tia ya. Naisag njibitinae njadu wak, gug aenta mi in naj dirinag pe dunug dudu da.”

⁸ Ago tag Jesus irupe i, “Masa utur pe, onjane gadab an wabisa sinip wau.”

⁹ Jesus ago ibol an ririan tamol an tinin uyan ilasa, agog imasa itur go inanen gadab an yabisa isinig yau.

Kulob an man Juda sad ubou nal lo ilasa ya.*

¹⁰ Ago yak ninen o Juda adi tamol a tinin uyan an dupeig dubol, “Gamau man yaes bilabal san nal, onsigane gadab sinip utor san man geg mok a.”

¹¹ Ago tag in ru naon igo ibol irupudai, “Tamol a naj ikubuniag an insen naj irupa iag go naisag gadab ninaneg naju da.”

¹² Ago tag fon dusumiani, “Tamol enti on ago gane wo irupaio i?”

¹³ Ak man tamol uyan ilasa an in tamol a in ikubune yan ta ilon na ya. Man dugo, tamolpein doup tubun mok an lo Jesus lulunad lo yau imianuk a.

¹⁴ Murnag Jesus tamol an tempel ilon lo ile tag irupeig ibol, “Ulon, gamu on uya la ya. On fon kagin saian ak ta gane na wa. Kabelan muruan nen tubun geig ak ta on lo ilasa banau.”

¹⁵ Agog tamol an yaug, Juda gurman adi irupudai dulon, “Tamol a naj ikubuniag go uyag an man yanjan Jesus.”

Anut Nanun lo id kumaen tinjane wa

¹⁶ An ninen o Juda adi Jesus yaes bilabal nal lo urat igane an ninen o tinjaed saian go fun diganeg muruan dupani se ya.

¹⁷ Ago tag Jesus irupudai, “Naisag Tamag in nal fidian urat igane yau da, an ninen o naj dam nek ago njigane da.”

¹⁸ Ru an ninen o Juda adi tinjaed saian go, Jesus dufuni imat o maeg tubun mi digane na ya. An sabat nal ipilali ak ninen o mi in ago ta digane na ya, tia, Anut in taman mok ibol ak, ru naok an lo insen Anut da tou kisaek mi ibol da, an lo tinjaed tubun mi saian a.

¹⁹ Jesus irupidaig ibol, “Nai rumok nunon mi njurupaianj da, Nanuk man in sen ilon nam mel ta igane san tia ya. Tia, in Bai san banin leil ipani dugo, kagin naok dugo yak igane dan ago mi in dam igane wa. Man dugo, urat dugo Bai igane dan mi Nanun dam igane da.

²⁰ Taman in Nanun o imat go, urat fidian igane dan ikubiai panig ile ilon a. Awo, an amasa saian san urat tutubun geig ak taida njigane wo ikubiai panag a. An urat e gamu igane den irinani geig dop arut saian a.

²¹ Ata wo? Taman in tamol dumat ak fon iburousap kumaen ipidinai san ilon a. Nek ago mi Nanun dam in sen ilon ibol ak atem, enti kumaen ipani wan ago igane wa.

²² Taida mi, Taman in tamolpein ta bitinaek lo ta idirai na da. Tia, urat an man Nanun mi banin lo igane pasi a.

²³ Taman ilon man, nek ibol tamolpein Taman yanjan disini dak igo wonj, in fidian Nanun dam yanjan disini wa. Talpein enti a Nanun yanjan ta isini na dan man, Taman a

* 5:9: Judah sad ubou nal an Sarere, nal an Sabat dubol da.

Nanun iganeg ipalu yan dam yanjan ta isini na da.

²⁴ “Nai rumok nujon mi jurupaian da. Talpein enti in niasag ru ilon dugo, Anut nai idinag go npalu yan ilon lo rumok dan, Anut ru ibol pe talpein an ideg yau ak ta mok igane na wa. Tia, talpein an kumaen pempem san inane la ya, in mater san dal ibisei lag, gamu kumaen san dal lo itor da.

²⁵ Nai rumok nujon mi jurupaian da, nal ta idu wo igo yan gamu nek e ilasa la ya. Nal an lo tamolpein gamu mater san dal lo dutor dan Anut Nanun awan dulon a, ago dop a in awan dulon dan, kumaen pempem san dinane wa.

²⁶ Bai in kumaen san taman imado dak ago mi Nanun dam in kumaen an ipani a, an ninen o in dam kumaen san fun imado da.

²⁷ Agod in Nanun tamolpein bitinaek lo idirai san dabai ipani a, man dugo, in Tamol Nanun a.

²⁸ “An mel an ninen o arut saian amoi, man dugo, nal idu dan te dop, tamolpein a fidian sad mutou lo dien dan in san awan dulon a,

²⁹ agop in sinad mutou awan dibiseip dilasa wa. Tamolpein ensauta a kagin uyan ak digane na yan dumasap kumaen pempem san dinane wa, ago dop a in kagin saiak saiak digane na yan dumasap Anut ibitinaek gup dideg diau a.

³⁰ Nai seg ilog nam mel ta njigane san man dabai amag tia ya. Nai bitinaek njigane den man Bai sen irupaian ago mi njigane da, an ninen o niasag bitinaek man uyan a. Man ata wo, niasag ilog njurig, urat ta njigane na da, tia, a in nai idinag go npalu amaiak ilon mi njiri wo yaes isofutanag da.

Tamol aenta Jesus fun ninen o dubol

³¹ “Niasag njigane o mi ru nabol dop man, idsad kubiaen ibol ago tamol kisaek san ru an dabai aman tia ya.

³² Ak man talpein sen ak niasag ru dabai ipani da, agod nai njalon ak in nai njigane ru ibol dan in san ru man rumok a.

³³ “An gubak mi tamol adinaig suguek san Jon san na diaug, nai njigane o mi ru rumok ak kuai tem ibol dugo dulon a.

³⁴ Gug tamol ta niasag ru en dabai ipani wo ru ta nabol na da, tia, an nai o ilom lo rumok pe, Anut patum ipasi wo ru en nabol da.

³⁵ Jon man in sul igo won ided dugo tamolpein lilaman ipidinai a. In imado an lo saen katukan mi an ilo uyan am da in san lilaman lo amado ator na ya.

³⁶ “Ak man mel ta ibalsinanag go nai njigane ibol ilasa dan, Jon san ru irinani a. Urat e njigane den, urat nek emaiak njigane itout o Bai banig lo iganeg njigane da. Urat nek en nai njigane o ikubiai panan dak, Bai in sen nai idinag go npalu ya.

³⁷ Agod Bai a nai idinag go npalu yan in sen, ru rumok nai njigane o ibol a. Ago gug an kududom in awan kitek dulon man tia, agod tinin san leil an dam ale man tia ya.

³⁸ Inanen ru dam an lo tia ya. Man dugo, Bai nai idinag go npalu ya, ago gug nai o ilom lo ta rumok na ya.

³⁹ An ru a Anut san buk lo yen dan lo aban tubun mi ale da, man dugo, an ilom igo isou da, ru an lo kumaen pempem san anane wak abol da. Ak man ru nek emaiak nai njigane o mi ibol na ya.

⁴⁰ Ago bo man, an niasag na apalup, kumaen an anane wo man amoi da.

⁴¹ “Gidad tamolpein nai yanag diabisa wo digane bo man, in sad per panek ta njigane na wa.

⁴² Ak man nai an njalon fufei, an sam kagin man sen a. Agod nai njalon ak, an ilom lo man Anut o ta amat na da.

⁴³ Nai Tamag san yanjan lo npalu ya. Ago gug an nai ta aniliag na ya. Gug tamol sen ak in sen yanjan lo ipalu dop man, an in ayunani wa.

⁴⁴ An Anut mi sen kisaek san na yanjak tubun anane san amoi da, ago gug an sem nug teim taom lo mi yanjak tubun ak anane wo agane da. An ago agane tap, dugo won nai njigane o ilom lo rumok ak i?

⁴⁵ “Ago yan ninen o kabelan an ilom lo nai Bai naon na an ru lo njiran ak abol banau. Tia, tamol enti a an ru lo idiran amaiak Moses mi a. An ilom lo in murnap ibinawan o abol, agod in lo mi ananem tini gane agane da. Ago bo man, in ru lo idiran a.

⁴⁶ An Moses san ru ilom lo ta rumok na ya. An ru an ilom lo rumok nujon ak man,

an gamu anjanem ilo rumok nai lo agane wa. Man dugo, Moses nai ninjeg o ru igire ya.

⁴⁷ Gug an inſan ru igire yan ilom lo ta rumok na ya, an ninjen o, en dugo wonj pe an naisag ru ilom lo rumok ak i?”

6

Jesus faiv tausen tamolpein anan ipidinai a

Mat 14:13-21; Mak 6:30-44; Luk 9:10-17

¹ Murnag Jesus anen megeloum dida dumasag wog dijaneg, you Galili awan aen ate diau. You an yanjan neinta Taiberias dubol da.

² Tamolpein wei mi Jesus njen aban fo diau, man dugo, inj tamolpein subam amadi da yak ibinawaig uyadi dugo kulob girager dile amaiak ninjen o inj njen fo diau na ya.

³ Jesus injanen megeloum dida diaug tan bubun fo disida diaug, ante dumasig dumado.

⁴ Nal an man Juda sad nal tubun, tumane tubun san nal Pasova dubol dan san saen sumeikan a.

⁵ Agog Jesus malan ila iso ak man tamolpein wei mi inſan na dupalu dugo yil a. Ago tag inj Filip irupei, “Id dugon te anan tadad pe, tamolpein en diani wak i?”

⁶ Inj ilon lo, mel dugo igane wo man yen la ya, ago gug Filip ikubiani wo ago isumiani a.

⁷ Aria, Filip imasa saian go ru naon igo ibol, “Id gidad pat tubun mi lo anan tadad bo man, tamolpein en kitek kitek dianip ta idaisuda na wa.”

⁸ Agog megeloum ta Andru, Saimon Pita tein, amaiak Jesus irupei,

⁹ “Pinein nanun ta ente imado da, inj bret bali faiv, agod iy uraru aman da ya. Ago yak man, dugo wonj pe ate tamolpein warou tubun en tufutaip idaisuda wak i?”

¹⁰ Gafurfur* uyanan ante yen da, an ninjen o Jesus megeloum irupidaig ibol, “Tamolpein arupidaip ante dumasi.” Ago ibol go inj gafurfur fo dumasi a. Tamol mi sad sutek man faiv tausen igo ya.

¹¹ Agog Jesus bret injaneg, Anut ilo uyan ru ipani gug, an fidian iwae pidinaig diani a. Iy dam nek ago mi iganeg, injaned ilod ibol ak ate mi diani a.

¹² Diani itout an injanen megeloum irupidai, “An anan samsamun yen dan atumani. Kabelan anan samun ta kawan tibidani banau.”

¹³ Ago tag anan samsamun dutumanig, sareg 12 tutubu yak ditane idug, awad isa ya.

¹⁴ An ninjen o tamolpein kulob girager dabai an dileg, agog nug lo dinjen go dubol, “Rumok nunjon, an ilom dugo isou dak i? En man tag Profet a Anut gubak mi ibol amaiak tan na ipalu wo tamol nek ema ya.”

¹⁵ Gug Jesus ilon ak, inj dupalup, dabai nam diabip, dijaneg diaup inſad kin digane ilasa wo da. An ninjen o inj tamolpein an ilod lo sen ipasig did giranen na yaug imado se ya.

Jesus you aten fufo yau a

Mat 14:22-33; Mak 6:45-52

¹⁶ Gurai idu dugo, Jesus san megeloum you tilianek Galili lo na dudu ya.

¹⁷ Inj lon na diau a, ak man Jesus inſad na ta ilasa na ya. Ago tag inj wog lo dusudag, Kaperniam na dumul diau wo lon dibiseig, you titinaem dututeg diyawai a. Saen diyawai dugo tidom idu yak man, Jesus nen gamugo lon na ta idu na ya.

¹⁸ Saen an lo tim tubun ak ifure dugo, tamun dam tubun mok imasa ya.

¹⁹ An lo inj wog lo dufulanig diaug kitekan asau mi, 5 kilomita ago dugo, Jesus you aten fufo na wog naon ipanig ipalu dugo dile ya. An ninjen o direr saian geig a.

²⁰ Ago dugo inj irupidai, “An arer amoi, naisag nupalu da.”

²¹ Agog sad rurek itout go ilod pasai ibol an lo inj wog lo isuda wo ilod uyan a. Agog milaen tiag wog an panu diau dan ate yaug isasau a.

²² Salso idug tamolpein you awan aen ate dumado yan ilod igireg igo ilod isou: Nor na man wog taida man tia ya. Wog kisaek an lo Jesus ta isuda na ya, tia, inſan megeloum mi dusudag diau a.

²³ Inj ilod ago isou dugo, wog aenta taun yanjan Taiberias dubol dan ateg dupalu dugo dil a. Wog an aben a ate Tubun ak

* **6:10:** Kurkur

bret in iy da Anut ilo uyan ru ipanig diani an, sinjiren na disasau a.

²⁴ Tamolpein Jesus inanen megeloum dida aben ante abanad diabi se yak man, naod ta dile na ya. Saen ago dulon man, wog an lo dusudag Kaperniam na Jesus dile wo abanan diabig diau a.

Jesus in anan kumaen san

²⁵ In diaug you awan aen ate Jesus dile gug dusumianig dubol, “Girek manau, on nal sanjepta ente palu yak i?”

²⁶ Jesus awad yabig irupudai, “Nai rumok nunon mi jurupaian da, an kulob girager ale yan ninen o nai ta abanag abig apalu na ya. Tia. An anan anig luam ipuk amaiak ninen o mi nai abanag abig apalu ya.

²⁷ An anan a saen katukan lo mi saian dan anane san urat an ta agane na wa. Tia. An anan a kumaen ipanan pe pempem yau san an mi anane wo urat wagai agane. Anan an Tamol Nanun ipanan a. Anut tamol emaiak ilon ipani dugo, kob igo tinin lo iganeg yen da.”

²⁸ Agog in dusumianig dubol, “Ak man en dugo miganep Anut san urat migane wak i?”

²⁹ Ago tag Jesus awad yabig ibol, “Anut san ilo sou lo urat agane man igo ya, tamol emaiak in iganeg ipalu yan mi an in o ilom lo rumok a.”

³⁰ Ago tag in dusumiani, “On enso kulob girager ta ganep, an lo man mile dop iloma lo rumok ak i? On dugo gane wak i?”

³¹ Wagam id tubud baged tan kawan ak ate anan mana diani na ya. An ninen o ru ta Anut san buk lo igo ibol, ‘In kumaen panu san anan ipidinaig diani a.’ ”

³² Jesus irupudaig ibol, “Nai rumok nunon mi jurupaian da. Anan a Moses ipanan an man kumaen panu san anan tia ya. Tia. Anan e gamu naineg Tamag an ipanan den, nek an kumaen panu san anan mok a.

³³ Man dugo, Anut san anan mok man, nek anan a kumaen panu ibiseig idug, tan en san tamolpein kumaen mok ipidinai dan nek ama ya.”

³⁴ Ago tag in Jesus durupein, “Tubun ak, on gidad nal pempem anan an man panama dop mani wa.”

³⁵ Agog Jesus irupudaig ibol, “Naisag mi anan kumaen san. Ta in naisag na ipalu tap, in fon imatigen san tia ya. Ta in nai o ilon lo rumok tap, in you o ilon igos san tia ya.

³⁶ Ago yak man nai an jurupaian la ya, an nai aliag la yak gug, an nai o ilom lo ta rumok na ya.

³⁷ Tamolpein fidian ensauta a Bai ipanag dan, in naisag na dupalu wa. Ago dop ensauta a naisag na dupalup dida mumado wan, nai in nukudai diau san tia geig a.

³⁸ Man dugo, nai kumaen panu nubuseig nadu yen seg ilog nam kulob ngane wo ta nadu na ya. Tia. Bai a nai idinag go npalu yan mi, inanen ilobol nuri npuni wo nadu ya.

³⁹ Agod Bai a nai idinag go npalu yan in san ilon man, tamolpein e nai ipanag en lulanad lo talpein kisaek ideg yau o man imoi a. Tia, an fidian nal wadan lo dop, nfufunaip kumaen dumasa wak ilon ago yen da.

⁴⁰ Nai Tamag san ilon man igo ya. Ta Anut Nanun ilep, in o ilon lo rumok an, in kumaen pempem yen yau san an inane wa. Agod nai nal wadan lo nburousap, fon kumaedi dumado wa.”

⁴¹ Saen Jesus, in sen anan lak na yak ibiseig idu yen ago ibol dugo, Juda adi in tinjad saian go in ninen o dunurur se ya.

⁴² Ago dugo in dubol, “En dugudo i? Tamol an man Jesus, Josef nanun, id in san tinan taman dam talon a. Ago gug en dugog in kumaen panu ibiseig tan na idu ibol di?”

⁴³ Ago tag Jesus ru naon irupudaig ibol, “An ansem nug ilon lo mi anurur amoi.

⁴⁴ Talpein ta in sen ilon nam naisag na ipalu san tia ya, tia, Bai sen nai idinag go npalu yan mi talpein an iduduwi dop naisag na ipalu wa. Agop nal wadan idu dan lo dop, nai in nfufunip kumaen imasa da wa.

⁴⁵ Profet adi sad ru girek lo igo digire ya, ‘Anut sen tamolpein fidian manau ipitanai a.’ Tamol a Bai san ru dulon go in awan lo manau dinane dan fidian, naisag na dupalu wa.

46 Talpein ta Bai ile man tia ya. Tia, enti in Anut san nag ipalu yan mi malan nam Bai ile ya.

47 Rumok nunon mi nai jurupaian da, talpein in nai o ilon lo rumok an, in kumaen pempem san inane la ya.

48 Nai mi anan kumaen pempem san.

49 Wagam mok an tubum bagem tan kawan ak ate dutor dugo, anan mana diani na ya, ago bo man in fidian mater dile ya.

50 Gug ente anan a kumaen panu ibiseig idu yan yen da, ago dugo talpein enti a anan an yani dan mater ta ile na wa.

51 Naiseg mi, nai anan kumaen anda yak a kumaen panu ibiseig tan na idu ya. Talpein ta anan emaiak yani dop man, in mater ta ile na wa, tia, in pempem mi kumaen imado wa. Anan en naiseg tinig, tan en san tamolpein kumaen pempem san dinane wo nipidinai a.”

52 Ago tag Juda adi insed nug dupei dugo dubol, “En dugo won pe tamol en insen tinin ipanad pe tani wak i?”

53 Ago dugo Jesus irupudaig ibol, “Rumok nunon mi nai jurupaian da. An Tamol Nanun san tinin, inanen dar ani aluk a. Tia tap, Anut san kumaen an lo ta yen na wa.

54 Talpein in naisag tinig yani dugo, dar ag iluk dan, in kumaen pempem san inane la ya, ago dop nal wadan lo dop, nai in nufufunip nabisa wa.

55 Man dugo, naisag tinig man anan mok, agod naisag dar man you mok a.

56 Talpein in nai tinig yani dugo, dar ag dam iluk dan, in nai lo imado dugo, nai in lo numado da.

57 Bai kumaen imado dan in nai idinag go nupalu ya, agod nai Bai san wagen lo kumaen numado da. Nek ago mi, talpein in nai iniag dan, naisag wageg lo kumaen inane wa.

58 Anan a kumaen panu log idu yan nek ama ya. An tubum bagem mana diani nag murna in dumat a. Ak gug talpein enti a, anan e ninen o nabol den yani dan man, in kumaen pempem imado wa.”

59 Ru an, saen Jesus Kaperniam na ubou ab ilon lo imado dugo, ipitejanai a.

Kumaen san ru

60 Ganurek tamol adi wei mi ru an dulong go igo dubol, “Ru en muruan kasik a, enti ru an ka inane wak i?”

61 Gug Jesus in ilon ak, insan ganurek tamol adi ru an ninen o dunurjur se ya. Ago tag irupudaig ibol, “Ru an ilom muruan ipani ak i?”

62 Ak dugo, mitep an Tamol Nanun ale dop, lak na aben gubak mi imado ante isuda yau dop, an ninen o dugo abol ak i?”

63 Urgun mi in tamol kumaen ipani da, tinid man in kitek ibinawad san tia ya. Ru e nai jurupaian den, in ur agod in kumaen a.

64 Ago gug an lulunam lo tamolpein aenta in ilod lo ta rumok na ya.” Ago ibol san fun man, in imug mi talpein dugon ilod lo ta rumok na dop, tamol enti in ager banid lo igane man, in ilon uyanan a.

65 In ru ibateg ibol, “Nek fun amaiak ninen o, nai imug mi an igo jurupaian; Talpein sen ilon nam naisag na ipalu san tia ya, tia, naisag Bai tamol an idaisuda mi igane ilasa gup ka ipalu wa.”

66 Jesus ru en ifulale itout go, insan ganurek tamol adi wei mi in dibiseig dumul diaug, in afon nien aban ta diri na ya.

67 Ago tag Jesus inanen megeloum 12 an isumianai, “Tag an dam nai abisawag pe au wo ilom yen di?”

68 Saimon Pita awan yabig ibol, “O Tubun ak, man enti san na mau wo ubol di? Onane ru mi in kumaen pempem san aman da ya.

69 Man malon uyan go iloma lo rumok ak, on mi Anut anen Tamol Gun a.”

70 Jesus ru naon irupudaig ibol, “Nai an 12 nitarpasan a, ago gug an lulunam lo ta kisaek man in Satan san.”

71 Insan ru lo, Judas, Saimon Iskeriot nanun an isue ya. Tamol an Jesus san megeloum 12 an lulunad lo yak gug, mitep in Jesus ager banid lo igane wa.

7

Jesus tein muroun in ninen o ilod ta rumok na ya

1 Murnag Jesus insen ilon dugo yen dak irig, Galili distrik lo mi itor se ya. Man

dugo, Juda adi in dufuni imat o digane se ya, an lo in Judea distrik lo yau man imoi a.

² Agog Juda sad Lalai san tumanek tubun ak san nal ilasa san saen sumeik a. (Soubul saen an ubou kisaek yen a.)

³ Ago tag Jesus tein muroun bube suek ru durupeig dubol, “Onj gidad e utur den umoip, masap distrik Judea na wau. Ago tap man onsa megeloum aenta onsa urat dabai tutubun gane dan dile wa.

⁴ Talpein ta in malak malak yanak tubun ak inane wo tap, in mianuk lo urat dabai tutubun ak igane san tia ya. Onj kulob igo yak gane wo tap, waup, tamolpein fidian malad lo gane wa.”

⁵ Inanen tein muroun mok dam in o ilod ta rumok na ya, fun an lo ago dubol a.

⁶ An ninen o Jesus irupudaig ibol, “Naisag nal gamugo da, gug saen fidian an ilom ibol ago mi agane wa.

⁷ Man dugo, tan en san tamolpein fidian man ansam ager tia ya, tia, in naisag ager mi a. Man ata wo? Nai inaned saian kuai tem nabol ilasad amaiak naon nisini da.

⁸ An tumanek nal tubun an lo aladu au, gug nai man tia wa. Man dugo, naisag nal mok gamugo ilasa da.”

⁹ In ago ibol irupudaig Galili na mi imado se ya.

Jesus yaug, lalai san nal tubun ak ile ya

¹⁰ Aria, Jesus tein muroun imug dusuda diau dugug, insen murna imianuk onj yaug abanj ile dugo itor se ya.

¹¹ Aria, tumanek tubun an ilon lo, Juda gurman adi Jesus abanan diabi dugo, ninen o dusumiaig dubol, “Tamol an dugon te imado dak i?”

¹² Tamolpein an lulunad lo Jesus ninen o gidigheid dininjen ila iso se ya. Aenta dubol, “Inj tamol uyan a.” Gug aenta dubol, “Tia, in tamolpein fidian irawai da.”

¹³ Ak man talpein ta in ninen o ru kuai tem ibol ilasa man tia ya. Man dugo, in Juda gurman adi ninedi wo direr a.

¹⁴ Aria, dumado yaug tumanek san saen titinae gug, Jesus in tempel ilon lo iladug tamolpein manau ipitenanai a.

¹⁵ An ninen o Juda adi durut saian go dubol, “Tamol en manau ta dipitenani na

ya. Ago gug en dugon te manau igo yan inane yak i?”

¹⁶ Ago tag Jesus in ru naon igo ibol irupudai, “Nai ru e nabol nurupaian den man naisag ru tia ya. Tia, en Anut nai idinag go npalu yen insan ru nabol alonj da.

¹⁷ Ak talpein ta in Anut ilon yen dan ago iganuri wo imat tap, naisag pitenanek en Bai san ilon boi, tia, naisag ilog boi, an ka walal te ile ilonj a.

¹⁸ Talpein insinanen ilo sou lo ininjen dan man, insen yanjan mi yabisa wo urat igane da. Gug talpein in tamol sen ak idinig ipalu yan mi yanjan yabisa wo urat igane tap, talpein an san ru an rumok mi a. Ru sewak ta in lo yen man tia ya.

¹⁹ Wagam mi Moses an kubiaen ipanan a. Ago gug an lulunam lo talpein ta kubiaen en iri ipani man tia ya. Ak en ata wo nai afunag namat o agane di?”

²⁰ An ninen o tumanek san doup adi ru naon igo dubol, “Onse ur saiak ama da ya. Enti onj ifuno umat o igane dak i?”

²¹ Jesus awad yabig ibol, “Nai gubak mi kulob girager kisaek ngane yak gug, an an ninen o ilom weiwei da.

²² Aria, ilom isou o uyanan. Moses san kubiaen lo ru en yen da, (gug Moses an kulob en ta ipanan na ya, tia, an tubum bagem dupanan a.) Ru an igo ya, saen pein ta nanuk igansip nal 8 yau gup, nanuk an tinin sunulon atute wa. An kubiaen an ari wo nanuk sunulon atute san nal an sabat nal dop man, kubiaen an apilali san tia ya. Ak man, nal an lo dam tini sunulon tutek san urat agane da.

²³ Aria, an sabat nal lo tini sunulon tutek san urat agane tap, en ata wo nai tamol tinin fidian mi sabat nal lo nukubune yan ninen o ilom nai o saian dak i?

²⁴ An kankan tia yak lo bitinaek ta agane na wa, tia, an ilom igire na gup, kankan itaot an lo bitinaek agane.”

Jesus in Kristus i?

²⁵ Jerusalem tamolpein aenkadi in ago igane dugo dile yan ninen o sed nug dusumianig dubol, “Ak dugo, tamol a idsad gurman adi dufuni imat o digane dan nek on i?”

²⁶ Ak ale, in malak malak ru kuai tem ibol ilasa da. Gug gurman ta awan ipuk go ru ta ipani na da. Dag in ilod lo dulong uyan ak in sen Kristus i?

²⁷ Ak man id tamol en san fun panu talon a, gug saen Kristus ipalu man, in dugon te ipalu yan id talon san tia ya.”

²⁸ Agog Jesus nek ate tempel ilon lo mi imado se man, tamolpein manau ipitenanai dugo, iwagin go ibol, “Awo, an nai alon a, agod nai dugon teg nupalu yan dam alon abol da. Ago gug an nai anan geig a. Naiseg ilog nam ente ta nupalu na ya. Tia, Enti a nai idinag go nupalu yan mi naisag fug mok a, ak man an in ta alon na ya.

²⁹ Gug nai mi in nalon a, man dugo, nai in san na nilasa ya, agod in nai idinag go nupalu ya.”

³⁰ Ru an dulong tag in Jesus dusubani wo dal aban dile se ya. Gug tamol ta in tinin ta diabi na ya, man dugo, in san saen gamugo da.

³¹ Tamolpein wei mi in ninen o ilod lo rumok go ago dubol, “Tamol en tag Kristus e. Ata wo? Tamol sen ak san kulob dabai tutubun igane dan tamol en san urat irinani wak i? Tia geig a.”

³² Tamolpein kisik kisik nam Jesus ninen o dinin dugo, Farisi adi ago dulong tag, pris gurman adi in Farisi an dida tempel san titianek adi didinaig, Jesus dusubani wo diau.

³³ Ago dugo Jesus ibol, “Nai saen katukan mi an da tumado wa, ago gup Enti a idinag go nupalu yan san na nau a.

³⁴ An nai abanag abi wa, ak man ta aliag na wa. Agod aben a nai ate nau dan an ate au san tia ya.”

³⁵ Ago tag Juda adi in sed mi dinin go dubol, “Tamol en dugon te yau dop, id aban tile tia wak ninen o ibol di? Dugo, in dap idsad sawar aenta Grik lulanad lo dumadod, amaiak sad na yaup ipitenanai dop, aban tile tia wak ninen o ibol di?”

³⁶ Ago dugo in san awan aban ago ya, ‘an nai abanag abi wa, ak man ta aliag na wa, agod aben nai ate nau dan an ate au san tia ya.’ Ru en fun dugo yak i?”

³⁷ Tumanek digane yan san wadan futanek nal tubun ak lo, Jesus imasa itur go awan tubun mi iwagin go ibol, “Talpein ta

in you wo imat tap, in naisag na ipalup you ka iluk a.

³⁸ Anut san ru girek lo ago ibol, talpein nai o ilon rumok tap, ‘you kumaen san amaiak talpein an buben ilon lo ibanai ilasa yau dop yen a.’ ”

³⁹ Jesus Awan Urgun ninen o tou an yabig ru ibol a. Talpein ensauta a Jesus o ilod lo rumok an murnap Awan Urgun dinane wa. Nal an lo man Jesus lak na yanak tubun ak inane wo gamugo isuda yau da, ago yan lo Awan Urgun dam gamugo idu da.

⁴⁰ Tamolpein aenta ru an dulong go ago dubol, “Rumok, tamol nek en profet tubun a Anut igane ipalu wo ibol ama ya.”

⁴¹ Ago dugo aenta ago dubol, “En mi Kristus.”

Gug aenta dubol, “En dugo won pe Kristus in Galili na ilasa wak i? Tia geig a!

⁴² Man dugo, ru ta Anut san buk lo ago ibol, Kristus in Kin Dawid malan kubulan. Agod in panu Betlehem na, Dawid san fun panu lo ilasa wa.”

⁴³ Jesus ninen o tamolpein sed itarpaleg malan wei mi dilasa ya.

⁴⁴ Aenta Jesus dusubani wo digane, ago gug tinin ta kitek diabi man tia ya.

Juda sad gurman adi Jesus ninen o ilod ta rumok na ya.

⁴⁵ Agog tempel titianek adi dumul pris gurman in Farisi adi dida sad na diau, agog gurman in dusumianaig dubol. “An dugog tamol an abig, ananeg ta apalu na yak i?”

⁴⁶ Gug tempel titianek ago dubol, “Gubak mi tamol ta ru ago ibol ilasa dop talon man tia geig a.”

⁴⁷ Ago tag Farisi adi ago dupidai, “Dugudo? An dam irawan go in ninen o ilom rumok di?”

⁴⁸ Dugo, man gurman lulanama lo, tia, Farisi adi lulanad lo ta kisaek tamol en ninen o ilon rumok ak ale i? Man tia geig a.

⁴⁹ Tamolpein kawan kawan, idsad kubi- aen ta dulong uyan na den mi, tamol an ninen o ilod rumok da. Fun amaiak ninen o in fidian Anut san misilane paen na dumado da.”

⁵⁰ Ago dugo Farisi sad gurman ta yan an Nikodemus, in gubak mi Jesus san na yau amaiak imasag ago ibol,

51 “Idsad kubiaen, dugo ibol i? Id sen kawan tamol ta ru lo ka tigané wak i? Id in awan talon dop, dugo dugo igane yan kuai tupani gup, tibitinae a.”

52 In awan diabig igo dubol dupei, “Nag on dam Galili tamol i? On ru Anut san buk lo yan sutip ule gup ulon a, profet ta Galili na ilasa san man tia geig a.”

53 Ago gug in dufurak go ab anen anen ate diau a.

8

Pein ta jeit kagin igane ya

1 Agog Jesus imasag, Did Oliv fo isida yau a.

2 Tidom lom mok in imul fon tempel lo yau dugo, doup tubun ante dumado yan dupalug dulubani a. Ago tag in imasig Anut san ru ipitenanai a.

3 Ago dugo kubiaen tamol in Farisi adi dida, pein ta jeit kagin igane dugo dile tag diabig, dinane dupalu ya. Agog malak malak titinaem dugunig ago itur dugo, Jesus dusumianig dubol,

4 “Girek manau, pein en iwon anda ak gug, tamol sen ak da jeit diabi dugo meil a.

5 Aria ulon, Moses san kubiaen lo, ru kagin dabai ak igo irupaiaa, pein ta kagin ago igane tap pat nam afuni imat a. On an ninen o dugo ubol ak i?”

6 Gug an man sen kawan in dukubianip, ru sukurun ta ibol saian dop, ate dusubani wo ago digane ya.

Gug Jesus itakoksig, banin kikoun nam tan aten fufo igire ya.

7 In afon mi dusumiani on tag, ifotsag igo ibol irupudai, “An lulunam lo enti aupasek aman tia yan, in malan imug pe pat inanep, pein en tinin fufo ibal a.”

8 Ago ibol itout an fon itakoksig, tan aten fufo igire se ya.

9 Aria, talpein ru an dulon man kankan dinaneg kisaek kisaek mi ditapas diau se ya. Busumadi ak imug gug, aenta dam ago mi digane yau nad, Jesus mi in pein an da nunod uraru mi dumado ya.

10 Agog Jesus ifotsag imasa itur gug pein an isumiani, “O pein, en dugon te diau ak i? Dugo, tamol ta kisaek ru lo ta ibio udu na yak i?”

11 Ago dugo pein an ibol, “O Tubun ak, tamol ta ru lo ibiag ndu man tia ya.”

Ago tag Jesus irupei, “Nai dam njibio udu san tia ya. Waup, afon aupasek ta gane na wa.”

Jesus in tan en san lilaman

12 Tamolpein fon Jesus san na dupalu tag, in irupidaig ibol, “Nai tan en san lilaman. Tamol enti a nai njieg aban iri dan, in tidom tubun lo ta itor na wa. Tia, in kumaen san lilaman anda itor a.”

13 Ago tag Farisi adi in Jesus durupei, “On onse nibe wo mi ru ubol da, fun an ninen o idsad kubiaen ibol man onane ru an dabai an tia ya. On ru kawan ubol da.”

14 Jesus awad yabig igo ibol, “Rumok, gidad naiseg nineg o mi nabol ak gug, naisag ru en ru rumok. Man dugo, nai dugot nag npalu yan nalon a, agod fon dugon te nau an dam nalon a. Gug an man nai dugot nag npalu yan ta alon na ya, ago dugo nai dugon te nau o dan, an dam an ta alon na ya.

15 An tan en san kagin lo mi tamolpein kubianek lo adirai da, gug nai talpein kisaek kubianek lo ta njigane na da.

16 Ak gug, nai bitinaek njigane tap, man naisag bitinaek itaot mok a. Man dugo, nai seg kisaek bitinaek ta njigane na da, tia, Bai in nai idinag go npalu yan, in ilon njiganurig in nai da sisem iloma kisaek gup, bitinaek njigane da.

17 Ansam kubiaen lo igo digire ya, tamol uraru ru kisaek mi dubol tap, insad ru an rumok di dabai geig a.

18 Nai naiseg nineg o nabol da, agod Bai dam nai idinag go npalu yan, in naisag ru dabai ipani da.”

19 Ago tag in dusumiani, “Onane tama dugon te imado di?”

Agog Jesus awad yabig ibol, “An nai ta alon na ya, naineg Tamag dam ta alon na ya. An nai alon ak man, naineg Tamag dam alon a.”

20 Saen a ru ibol an man, tempel ilon lo moni san kunup yen dak giranen na imado dugo, tamolpein manau ipitenanai se ya. Gug talpein ta yabip isubani wo igane man tia ya. Man dugo, insan imat san nal gamog da.

Jesus yau dan ate in dupalu san tia ya

²¹ Jesus fon irupidai, “Nai njobisawan pe nrau dop an abanag abi wa, ago gup ta aliag na wa. An ananem aupasek Anut ta isuas na dop, an sam aupasek ilom lo yen dan ida amat a. Aben ate nai nrau dan an ate au san tia ya.”

²² Ago dugo Juda adi igo dubol, “In ibol ak, in ate yau dan id ate tau san tia ya. Dugo, dag in sen ifuni imat o ago ibol di?”

²³ Gug Jesus ru awan ibateg igo irupudai, “An man aben a paen na amaiak san apalu ya, gug nai man lak na amaiak san nupalu ya. An tan en san, gug nai tan en san tia ya.”

²⁴ An ninen o nai nrupaian la ya, an sam aupasek ilom lo yen dan ida amat a. Man dugo, rumok nunon, ‘Naiseg Nai Numado Dan’* an gidad ilom lo rumok a. Tia dop, an sam aupasek ilom lo yen dan ida amat pe an lo adeg au a.”

²⁵ In dusumianig dubol, “On enti mok i?”

Ago tag Jesus awad yabig ibol, “Nai nek en, seg ninen o gubak mi nrupaian go alon la ya.”

²⁶ Saen nai an kot lo ndiran dop, ru wei mi npanan a. Ak man nai seg ilog nam ago njigane san tia ya. Tia, Enti a nai idinag go nupalu yan, in san kagin rumok geig a, in naisag ru dabai ipani wa. Nai tan en lo numado dugo, ru a in ibol dugo nalon ak ago mi tan en san tamolpein nrupidaip dulon a.”

²⁷ In Taman ninen o irupudai dan ta dulon uyan na ya.

²⁸ Ago tag Jesus ibol, “Murnap an Tamol Nanun abisa dop, an lo gup an ilom isafule wak, ‘Naiseg, Nai Numado Dan’ nek ema ya. Nai mel ta seg ilog nam njigane san tia ya, tia, nai ru nabol den man Bai mi nai ikubiai panag a, ru nek an mi nrupaian go alon da.”

²⁹ Enti a nai idinag go nupalu yan in sen mi nai ida mumado da, agod in nai ibisawag go seg ta numado na da. Man dugo, in ilon yen dan ago mi nuri npani da.”

³⁰ In ago ibol dugo, tamolpein wei mi inaned ilo rumok in lo digane ya.

Abraham malan kubulan

³¹ Aria, Jesus Juda tamolpein a in o ilod lo rumok an irupudaig ibol, “An naineg ru abi sakar tap, an naineg megeloum mok a.”

³² Agop an ru rumok an alon a. An lo ru rumok san dabai lo an urat bigabeg igo won amado san tia ya.”

³³ Ago tag in ru naon igo durupe, “Man Abraham malan kubulan mok a, man urat bigabeg adi igo won talpein ta paen na ta mumado na ya. Man ata wo man talpein an paen na ta mumado na wak, ago ubol di?”

³⁴ Jesus awad yabig igo ibol, “Rumok nunon mi nrupaian da. Tamolpein a aupasek digane dan in aupasek san urat bigabeg dumado da.”

³⁵ Urat bigabeg adi man in tamad san warou lo aben amad tia ya. Gug nanuk man in taman da pempem dumado da, man dugo, taman san dar lo ilasa ya.

³⁶ Ago yak ninen o Nanuk in aupasek san dabai an ibian adu dan tuon lo ipasan tap, an bigabeg adi igo won ta amado na wa, tia, nanuk mok igo won ator a.”

³⁷ Nai nalon ak, an Abraham malan kubulan. Ago bo man an nai afunag nmat san dal ale wo malam agane da. Man dugo, an ilom lo naisag ru en aben ta ate ka yen san tia ya.”

³⁸ Nai mel a fidian Bai naon na numado dugo nile yan mi nrupidai alon da. Gug an ru dugo ananem tamam irupaian go alon ak, nek an mi ari da.”

Satan malan kubulan

³⁹ In Jesus awan diabig dubol, “Abraham mi mansama tamama.”

Gug Jesus igo ibol, “An Abraham nanun muroun mok ak man, kagin naok a Abraham igane na yan an atutanani wa.”

⁴⁰ Nai ru rumok Anut san na njigane an mi nrupaian alon da. Ago bo man an nai afunag nmat o agane da. Abraham kagin naok ago yan ta igane na ya.”

⁴¹ Tia, an kagin a gamu agane dan man, ananem taman mok san kagin mi atutanani da.”

Agog in dumasa saian geig go durupe, “Man jeit kagin lo ta milasa na ya. Tia, man tamama man Anut mi sen kisaek a.”

* **8:24:** Yanak an Anut in sen ninen o Moses naon na ibol ilasa ya.

⁴² Jesus awad yabig ibol, “Isop Anut in ananem Tamami an rumok tap, an n̄ai nin̄eg o amat a. Man ata wo? N̄ai Anut san nag n̄upalu ya. N̄ai n̄aisag ilo sou lo mi ta n̄upalu na ya. Tia, Bai n̄ai idinag go n̄upalu ya.

⁴³ Ata wo an ru e n̄abol den nin̄en o ilom itarpasi san ta idaisuda na yak i? Fun igo ya, an n̄aisag ru n̄abol den alon san kudu-dom itau aman a.

⁴⁴ Ananem tamam Satan, an in̄anen nanun muroun mok a. An lo an ilom man, in̄anen ilobol mi aganuri wa. Fun mok lo ipalug gamu en, in̄anen kulob mok man, in̄ tamol ifu dumat na ya. In̄ tinin lo ru rumok ta yen na ya, ago tag ru rumok ak ta yabig iri na da. Saen in̄ ru sewak ibol dan, in̄anen muroun ru ibol da. Man dugo, in̄ sewak tinan, agod in̄ sewak fidian an sad tamad mok imado da.

⁴⁵ Gug n̄ai ru rumok ak mi n̄urupaian da, fun an nin̄en o an n̄ai nin̄eg o ilom ta rumok na ya!

⁴⁶ An luluṅam lo tamol ta kisaek, n̄ai aupasek n̄igane yak nin̄en o ilog issue san idaisuda yak i? Man tia geig a. Ago tag, n̄ai ru rumok n̄urupaian alon da. Ak dugo, en ata wo ru e n̄abol den ilom lo ta rumok na dak i?

⁴⁷ Ta in̄ Anut san tap, Anut awan ilon dop iri wa. An Anut awan ta alon na dan fun man, an Anut san tia ya.”

Abraham ta ilasa na dugo Jesus imado ya

⁴⁸ Juda adi tin̄aed saian dugo awan diabig igo dubol, “On Sameria tamol, agod on ur saiak ama da ya! Ago mabol an ta rumok na yak i?”

⁴⁹ Jesus ibol, “N̄ai ur saian amag tia ya. N̄ai n̄aineg Tamag yan̄an mi n̄abisa da, ago dugo an n̄ai yan̄ag abi idu da.

⁵⁰ N̄ai seg yan̄ag n̄abisa wo urat ta n̄igane na da. Tia, Tamol sen ak n̄ai yan̄ag yabisa wo urat igane da, agod in̄sen mi in̄ Bitinaek Tamol a.

⁵¹ N̄ai ru rumok n̄urupaian da, talpein enti a n̄ai awag iri ipani dan, in̄ maten̄ ta ile na wa.”

⁵² Juda adi ago dulon go awad ipuk go dubol, “Man gamu malon uyan ak, on ur saian ama da ya. Abraham imat la yak, profet adi dam wagam mi dumat la ya. Ago

bo man on talpein on̄ane awa iri ipani dan maten̄ ile san tia ubol da.

⁵³ Dag on idsad tubud baged Abraham rin̄ani ak ubol di? In̄ maten̄ ile ya. Agod profet adi dam maten̄ dile ya. Ak dugo, on̄ane ilo sou lo, on̄ enso tamol i?”

⁵⁴ Jesus ru naon igo ibol, “N̄aiseg yan̄ag n̄abisa dop man, n̄ai yan̄ag an kawan a. Gug n̄aisag Bai, in̄ ananem Anut abol dan, in̄ n̄ai yan̄ag yabisa da.

⁵⁵ An in̄ ta alon na yak bo man n̄ai in̄ n̄alon a. Ak n̄ai in̄ ta n̄alon na yak n̄abol ak man, n̄ai sewak tamol, nek an igo mi a. Gug rumok, n̄ai in̄ n̄alon a, ago dugo in̄ awan kagin n̄upani da.

⁵⁶ Ananem tubum bagem Abraham n̄aisag dal ile wo ilo sou igane dugo youn isusa ya. Aria, in̄ n̄aisag nal ile man ilon uyanan a.”

⁵⁷ Ago tag Juda adi durupeig dubol, “Ak dugo, on̄sa anaṅar gamugo 50 yabi bo man on Abraham ule ubol di?”

⁵⁸ Jesus ru naon irupidaig ibol, “N̄ai rumok nun̄on mi n̄urupaian da. Saen Abraham gamugo ilasa dugo N̄aiseg, N̄ai Numado Ya.”

⁵⁹ In̄ ago ibol an pat duburoug sen nam dufuni wo digane ya, ak man Jesus mianuk lo luluṅad lo itapas go sen tinin imianig tempel patun fo yau a.

9

Jesus tamol malan itau ak ikubune ya

¹ Jesus turen̄ yabig yau dugo, tamol ta malan itau ak ile ya. In̄ tinan tin̄aen lo mi mala tia igansi a.

² Jesus sinanen megeloum dusumianig dubol, “Girek maṅau, enti san ai wadan nin̄en o nanuk an malan itau aman tinan igansi ak i? In̄sinanen ai wadan i? Tia, tinan taman sadi ak i?”

³ Ago gug Jesus awad yabig ibol, “Tamol en san ai wadan tia ya, tinan taman dam sad ai wadan tia ya. Kulob en igo ilasa yan, ate murnap Anut in̄anen urat san dabai tamol en tinin lo tamolpein ikubiaip dile wa.

⁴ Gamu ad aman tumado den lo, id Enti a n̄ai idinag go n̄upalu yan in̄san urat tigane wa. Mitep tidom idu dop man, talpein ta urat igane san tia ya.

⁵ An niñen o saen ñai tan ente ñumado den lo, ñai tan en san tamolpein lilaman ñupidinai da.”

⁶ Inj ago ibol go, ilusu tan fo idug, tan da ikubulig injaneg, tamol malan ate ibubuni a.

⁷ Agog irupeï, “Onj waup, you saltek Siloam lo mala fulani wa.” (Siloam yañan fun man: inj idinig yau a.) Ago tag yaug malan ifulanig, malan uyan go abañ ile gug sinan ab lo yau a.

⁸ Aria, muroun susumeik an, agod tamolpein a inj wagam mi dile duloñ na yan durut saian go nug dusumianig igo dubol, “Dugo, tamol en wagam mi malan itau imado dugo moni o igod se ama i?”

⁹ Ago dugo aenta igo dubol, “Nek tamol ama ya.” Ak man aenkadi dubol, “Man tia ya, tamol en naon nek ago mi a, gug en man tamol sen ta ya.”

Ago dugo tamol an igo ibol, “Tia, en ñaiseg.”

¹⁰ Ago tag dusumiani, “Onj dugo ganeg mala uyan ak i?”

¹¹ Inj awad yabig ibol, “Tamol a Jesus dubol damaiak gigeo injaneg malag ibubunig ago ibol irupaig, ‘Onj waup, you saltek Siloam lo mala fulani.’ Ago tag ñai ñaug malag ñufulani man, ñai abañ ñile ya.”

¹² Agog inj dusumiani, “Tamol an dugo mi ak i?”

Ago dugo inj ibol, “Ñai ta ñaloñ na ya.”

¹³ Agog tamol a wagam malan itau an diñaneg, dida Farisi adi sad na diau a.

¹⁴ Gug nal a lo Jesus tamol malan iganeg uyan an man Sabat nal lo ya.

¹⁵ An niñen o Farisi adi inj dugo iganeg lo abañ iled amaiak niñen o dusumiani a. Ago tag inj ibol, “Tamol an gigeo injaneg malag ate ibubuni a, ago gug idinag go ñaug you malag ñufulani an lo ñai malag ipuk go abañ ñile da.”

¹⁶ Ago tag Farisi aenta igo dubol, “Tamol an inj Anut san nag ta ipalu na ya, man dugo, inj Sabat nal san kubiaen ta iri na da.” Gug aenta dubol, “En dugo wonj pe tamol aupasek anda yak kulob girager igo yak ka igane wak i?” Nek an log nug ditarpaleg malan uraru dilasa ya.

¹⁷ Agog fon tamol an dusumiani dag dubol, “Tamol a onj mala ikubuneg uyan an niñen o dugo ilo isou di?”

Agog tamol an awad yabig ibol, “Inj profet a.”

¹⁸ Juda adi tamol a imug malan itau an niñen o nen ilod ta rumok geig na ya. Ago tag inñsan tinan taman digiaig dupalug dusumianai,

¹⁹ “Dugo, en añanem nanum mi ak i? Dugo, inj malan itau man tinan igansi ak i? Agog gamu en dugo iganeg abañ ka ile di?”

²⁰ Agog tinan taman ru naon durupidaig dubol, “Mañ malon ak en mañanema nanuk a. Saen tinan igansi man malan tia imado ya, an dam malon a.

²¹ Ak gug inj dugo iganeg lo abañ ka ile yan man mañ ta malon na ya. Inj tamol igane la ya, an niñen o inñsen asumiani dop, sen fun ibol alon a.”

²² Tinan taman inj Juda adi niñedi wo direr, an niñen o inj ru ago dubol a. Man ata wo? Juda gurman adi imug dutumanig ru igo dufuni a, talpein ta Jesus niñen o Kristus ibol dop man, inj dukudip, midaen patun fo ilasa wa.

²³ Kagin nek an niñen o tinan taman inj ago dubol, “Inj tamol igane la ya, an niñen o inñsen asumiani.”

²⁴ Ago tag tamol imug malan itau an afon mi duwagig durupeï, “Onj Anut yañan mi wabisa. Man dugo, mañ malon ak, Jesus man aupasek tamol a.”

²⁵ Tamol imug malan tia an awad yabig ibol, “Inj aupasek tamol boi, tia, tamol uyan boi, an ñai ta ñaloñ na ya. Mel kisaek ñai ñaloñ ak man, wagam ñai malag itau gug, gamu ñai abañ ka ñile da!”

²⁶ Agog inj dusumianig dubol, “Inj onj lo dugo igane yak i? En dugo wonj mala igane ipuk ak i?”

²⁷ Inj ibol, “Ñai gubak mi ñurupaian la ya, gug an alon an amoi. Anj ata wo alon da wo asumianag di? Dag anj dam inñsan megeloum alasa wo abol duboi i?”

²⁸ Ago tag inj naon dufute dupeig dubol, “Onse mi inñsan megeloum, mañ man Moses san megeloum a!

²⁹ Manj malon ak Anut sen in Moses da dinjen a. Gug tamol a Jesus dubol dan in dugon teg ipalu yan fun ta malon na ya.”

³⁰ Tamol an awad yabig ibol, “An ru naon senamo geig anjen da! En dugo won go an in dugon teg ipalu yan fun ta alon na yak i? Tamol an nai malag ikubuneg gamu aban nile da.

³¹ Id talon ak, Anut tamol aupasek amad da yak awad ta ilon na da. In talpein a in awan iri dugo, ubou an ile dan mi awan ilon da.

³² Talpein ta ago malan itau man tinan igansip, tamol sen ak malan ikubune yak, id kududod kulob naok ago yan imug ilasa dop talon man tia ya.

³³ Tamol en Anut san nag ta ipalu na yak man, in urat naok igo yak igane san tia ya.”

³⁴ Ru an njen o Juda gurman adi tinjed saian go dupei, “Onane tina iginiosi dugo, aupasek on tini inane fute la ya! Ago tag, ata wo on man pitejanama wo gane di?” Ago dubol go kuai te dubal ilasa yau a.

Nutudi malad itau a

³⁵ Jesus tamol an kuai te dubal ilasa yan san ru ilon a. An lo aban an yabi yang ile tag irupei, “On Tamol Nanun en ilo lo rumok i?”

³⁶ Agog tamol an ibol, “O Tubun en, Tamol Nanun en enti i? Ubol nalon pe, nai in o ilog lo rumok a.”

³⁷ Jesus ibol, “On in ule la ya. Nek gamu on in da anjen da.”

³⁸ Ago dugo tamol an naon na turun isaluwig igo ibol, “O Tubun en, nai ilog lo rumok a.” Agog ubou an ile ya.

³⁹ Jesus ibol, “Nai tan ente tamolpein nitarpalaip malan uraru dilasa wo nupalu ya. An njen o mala itau adi aban dile wa, ago dop talpein aban diled dubol dan man, malad itau dilasa wa.”

⁴⁰ Farisi adi aenta in da dumado yan, ru an dulon go igo dubol, “Manj dam malama itau ak ago ubol di?”

⁴¹ Jesus ibol, “An malam tia yak man, aupasek amam tia wa. Ak man an malam ipuk ak abol dan lo anjam aupasek yen da.”

10

Sipsip sad ar san ru fanan

¹ Jesus ago ibol, “Nai rumok nunon mi nurupaian da. Tamol enti in sipsip sad ar san dalawan lo iladu an imoi, ago gug yang ar awan sen ak fo isudag, ilon lo iladu dan man, in gumagam tamol mala suek igane wo ipalu da.

² Gug tamol a in dalawan lo mok iladu dan, in sipsip sad titianek tamol mok.

³ Dalawan san titianek tamol in tamol en dalawan ipasi pani da. Ago dugo sipsip dam inaned tamad awan dulon da. Agop saen in yanad atem ipatep, igiai tap, in awan dulon pe, njen aban fo kuai te dilasa wa.

⁴ Aria, saen in kuai te dilasa itout dop, in tamad imug yau dop, njen aban fo diau a, man dugo, in tamad awan dulon uyanan a.

⁵ In tamol sen ak ta diganurip diau san man tia geig a. In awan ta dulon uyan na yak njen o direr pe dusol diau a.”

⁶ Jesus ru fanan an ago ibol irupudai a, ago gug in san ru an fun ta dulon na ya.

Jesus in sen sipsip sad titianek tamol mok a

⁷ An njen o Jesus fon igo ibol, “Nai ru rumok nurupaian da. Naiseg mi, nai sipsip sad ar san dalawan.

⁸ Tamol fidian a nai gamugo nupalu dugo, in imug dupalu na yan, in gumagam tamol. An njen o sipsip in awad ta dulon na ya.

⁹ Nai mi dalawan. Ta in nai lo iladu dan, in patu pasek inane imado uyan a. In nai lo iladu ilasa dop, anan yani uyan a.

¹⁰ Gumagam tamol man in igam o, sipsip ifu dumat o, mala suek kagin mi igane wo ipalu da. Gug nai man naineg sipsip kumaen nupidinaip, kumaen an ago in lo awan isap, yen san njen o nupalu ya.”

Jesus in sipsip sad titianek uyanan a

¹¹ “Nai sipsip sad titianek uyanan mok a. Titianek tamol uyanan mok man, in san tinin inane sipsip nijedi wo igane idug imat a.

¹² Tamol in urat naon inane wo mi, urat igane dan man, in titianek tamol mok tia ya. In sipsip sad tamadi dam tia ya. Ago yak njen o goun kasik ipalu dop, in irer pe sipsip ibisawai yau a. Ago dop goun kasik an sipsip ifu iratitalaip, dufurak diau a.

13 Fun dugo isol yau ak i? Inj nek tamol ta moni nam diabi dan mi a, tamol naok ago yak sipsip o ta ilon isou na da.

14 Nai sipsip sad titianek tamol uyan a. Naineg sipsip njalon do, inj nai dulon a,

15 nek ibol Bai nai ilon dugo, nai inj njalon ago mi a. Naiseg tinig en sipsip ninjedi wo njubusei idu wa.

16 Nai sipsip malan taida mi sad tamad, inj ar en san tia ya. Sipsip an dam njanal njupalup ar en lo diladu wa. Inj dam nai awag dulon a, ago dop man sipsip malan kisaek ak, agod injaned titianek tamol dam kisaek a.

17 Bai nai ninjeg o imat mok dan san fun man, naiseg tinig njibisei wak gup, fon njinane da wa.

18 Tamol ta inj nai iginiag njamat san man tia ya. Tia, njaineg ilog ibol ak atem njaiseg tinig njibisei pidinai a, ago gup fon njinane da wan san dabai nai tuog lo yen da. Bai sen nai ago njigane wo ibol a.”

19 Juda adi ru an dulon go fon ditarpaleg malan uraru dilasa ya.

20 Tamolpein wei mi igo dubol, “Ur saiak inj lo imado dugo, burau ifunig ru njineo ibol da. Ata wo injan ru talon dak i?”

21 Gug aenta igo dubol, “Ru naok ago yan, tamol enti inj lo ur saiak yen dan awan lo ta ilasa na da. Ak dugo, ur saiak ta tamol malad itau ak ikubuniaip fon aban dile san idaisuda yak i?”

Juda adi Jesus ninjen o ilodi ta rumok na ya

22 Tempel ab awan pasek san ilo isou nal tubun ak Jerusalem na ilasa ya. Nal an madid san saen lo ilasa ya.

23 Nal an lo Jesus tempel san tumanek aben lo, Solomon san Madok Aben dubol dan te itor a.

24 Ago dugo Juda adi dufutani dulubanig igo dubol, “Nal sanjaptap onj enti mok an kuai tem ubol dop malon ak i? Onj Kristus dop man, kuai tem ubol dop malonj.”

25 Jesus awad yabig igo ibol, “Nai an njurupaian la ya, ago gug anj ilom lo ta rumok na ya. Nai urat girager a fidian Bai yanjan lo njigane se yan, amaiak nai fug mok kuai te igane ilasa dugo ale ya.

26 Gug anj anjanem ilo rumok nai lo ta agane na yan san fun man, anj njaisag sipsip tia ya.

27 Naisag sipsip nai awag dulonj dak, nai inj njalon a, agod inj nai njieg aban diri da.

28 Nai kumaen pempem san njupidinai a, an ninjen o inj pempem ta dideg diau na wa. Tamol ta njaisag sipsip nai banig lo ipasaip diau san tia geig a.

29 Nai Tamag enti a sipsip an ipanag dan injan mel aenta fidian irinjanai geig a. An lo tamol ta njaineg sipsip nai Tamag banin lo ipasaip diau san dam tia ya.

30 Nai Tamag da fuma kisaek a.”

31 Ago tag Juda adi fon pat duburoug, dufuni imat o da.

32 Ak man Jesus irupudaig ibol, “Nai Tamag wagen lo kulob girager tubun geig ak wei mi njukubiaig ale ya. Kulob girager an lulunjad lo kulob dugo yak ninjen o amoi dop, an lo pat nam nai afunag o abol di?”

33 Juda adi ru naon igo dubol durupej, “Man onj kulob girager ak gane yan ta ninjen o mufuno wo iloma ago ta yen na da. Tia, fun man onj tamol kawan gug onj onjse Anut ubol da! An ninjen onj Anut yanjan wabi idu da.”

34 Jesus ru naon irupudaig ibol, “Alonj, anjam kubiaen yen dan lo Anut san ru ta igo ibol, ‘Nai igo njabol, ansem tubud a.’

35 Alonj, Anut injan ru girek an lo, tamolpein a injan kubiaen dinjane yan, irupudaig igo ibol, ‘ansem kisaek kisaek tubud a.’ Gug tamolpein an dam tamol kawan mi a. Aria, Anut san ru a ru girek lo yen dan nunjon an tia kawan yen san tia ya.

36 Ago yak ninjen o, ‘Nai Anut Nanun’ ago njabol tap, en ata wo nai Anut yanjan njabi idu dak ago abol di? Anjam ilo saiak fun tia ya. Ata wo nai tamol kawan ak ago ilom isou di? Anut sen nai ipilianag go tan na iginiag njadu yan anj ta alonj na yak i?”

37 Urat a njaineg Bai igane dan nai dam urat kisaek mi njigane da. Isop an rumok tia tap, anj njaisag ru an ilom lo ta rumok na wa.

38 Ak man rumok, nai injanen urat njigane da. An ninjen o gidad, anj njaisag ru ilom lo ta rumok na yak abol bo man, kulob girager njigane dugo, ale yan fidian an ninjen o, anj nai o ilom rumok a. An lo dop anj ilo girek

aganep, alon uyan ak igo, Bai nai lo imado dak, nai Bai lo numado da.”

³⁹ In ago ibol tag Juda adi fon diabi wo digane, ak man in banid lo ikisaluk ilasag yau a.

⁴⁰ Jesus fon you Jordan lo yaug, ituteg, aen ate aben a wagam Jon tamolpein isuguai na yan ante ilasag imado se ya.

⁴¹ Ante tamolpein wei mi in san na diaug igo dubol, “Rumok, Jon in kulob girager ta kisaek igane man tia ya. Ago gug Jon tamol en ninen ru fidian ibol na yan man ru rumok a.”

⁴² An ninen o saen Jesus aben ante imado yan, tamolpein wei mi in ninen o ilod lo rumok a.

11

Lasarus imat a

¹ Tamol ta yan an Lasarus, in subam aman da ya. In san lun man Maria in Marta da, in man panu Betani san tamol.

² Maria nek amaiak murnap Jesus nien guren yamisip, gumuran roun sen nam isai wa.

³ Man ninen o lun uraru an Jesus san na ru digane yau a. Agog ago dubol durupe, “Tubun en, tamol e on ninen o umat den in subam ifuni a.”

⁴ Jesus an ilon go ibol, “Subam an man tamol an igane imat mok san tia ya. Tia, an man Anut san girager tubun ak tamolpein ikubiai dilep ate yan an diabisa san. Nek kulob an lo Anut Nanun dam yan an tubun ak inane wa.”

⁵ Jesus man Marta, tein Maria, lud Lasarus da ninedi wo tubun mi imat da.

⁶ Aria, in Lasarus subam ifuni dak san ru an ilon ak man, panu ante nal uraru taida imado ya.

⁷ Murnag megeloum adi ago irupudai, “Id Judea distrik lo fon tamul tau a.”

⁸ Megeloum durupeig dubol, “Girek manau, nor wari na geig Juda adi on lo pat dubal o digane ya. Gug on fon ante umul wau o ubol di?”

⁹ Jesus awad yabig, ru tuaneke igo ibol irupidai, “Ilalan san saen an yaup gurai isi dop, an nal kisaek igo ya. Tidom idu san gamugo da. Ta in ad lo itor dan, in tan en

san ilalan an ile dop, in nien isuep, yau idu san tia ya.

¹⁰ Ago gug ta in tidom lo itor dan, in lo ilalan tia yak ninen o nien isuep, yau idu wa.”

¹¹ Jesus fon mi igo ibol irupudai, “Idsad turad Lasarus yen padal a. Gug nai naup, nufunip imasa wa.”

¹² Ru an dulon tag megeloum durupeig dubol, “Tubun en, in yen dan ubol man, fon ka imasa dap uyan a.”

¹³ Jesus Lasarus imat la yak ninen o ibol da. Gug megeloum adi Lasarus yen padal dak ninen o Jesus ibol ago dubol a.

¹⁴ Ago yak ninen o Jesus kuai te ibol irupudai, “Lasarus imat la ya.

¹⁵ Gug nai ante ta numado na yan ninen o ilog uyan. Man dugo, en an ibinawan dop nai ninen o ilom lo rumok a. An ninen o in san na taup tile wa.”

¹⁶ Agog Tomas, in yan an neinta Didimas dubol dan, in megeloum aenta irupudai, “Gidad taup, id Jesus da sisem tamat a.”

Jesus in sen tamolpein a kumaen dumasa wak sad tamadi

¹⁷ Jesus yaug ilasa dugo, in Lasarus nal iwoiwo gib lo yen an san ru ilon a.

¹⁸ Panu Betani man kitek Jerusalem sumeikan a, kilomita utol igo won yen da.

¹⁹ Juda tamolpein wei mi Marta Maria da ludi imat ak ninen o dabai dupidinai o dususa ya.

²⁰ Saen Jesus ipalu dan Marta ago ilon tag, imasag dal na ile wo yau dugo, Maria in ab lo imado se ya.

²¹ Marta Jesus irupe, “O Tubun ak, on ente mado yak man, naineg lug en imat san tia ya.

²² Ago bo man nai nalon ak, on mel ta ninen o Anut gudani dop man, en fidian ka ipano wa.”

²³ Jesus Marta irupeig ibol, “Onane lu fon kumaen imasa da wa.”

²⁴ Marta awan yabig ibol, “Rumok, nai nalon la ya, nal wadan lo gup Anut tamolpein fidian ifufunaip dumasa wa. An ninen o nal an lo dop nai lug dam fon imasa da wa.”

²⁵ Agog Jesus igo ibol irupe, “Nai mi, nai tamol fon imasa da wan san taman, nai mi

kumaen san taman. Gidad talpein enti a ñai o ilon lo rumok dan imat bo man, in kumaen imasap imado wa.

²⁶ Agod dam, talpein enti a gamugo imat dugo ñai o ilon lo rumok dan, in pempem materñ ta ile na wa. On an o ilo rumok ak i?"

²⁷ Marta irupeï, "Awo, Tubun en. Naisag ilo rumok nek igo, on Kristus, on Anut Nanun. On tamol nek emaiak tan ente palu wo Anut ibol a."

²⁸ Marta ago ibol go yaug, tein Maria yabig irae ipalug, kisik kisik nam kududon lo ininon go ibol, "Girek manau ipalug, imado da. In on ilio wo ibol a."

²⁹ Maria ru an ilon tag, ririan imasag, Jesus san na yau a.

³⁰ Jesus panu ante gamugo ilasa ya, tia, aben a imug mi Marta da dutumani ante mi imado ya.

³¹ Tamolpein a Maria da ab lo ditatad dumado se yan, Maria imasa kisaek on go kuai te ilasa dugo dile tag, fidian dumasag patun fo dilasa ya. Agog dubol mutou fo itata wo yau dak ago ilod isou a.

³² Maria Jesus aben a ate imado se yan ate yaug ile man, nien fun na yau idug irupeï, "Tubun en, on ente mado yak man, ñaineg lug en ta imat na wa."

³³ Tamolpein dupalu yan Maria dida ditata dugo Jesus yil a. An ninen o ilon itau idug materñ ninen o ilon idu geig go ilon tubun mi muruan a.

³⁴ Ago dugo isumianai, "An Lasarus dugon te aganeg yen dak i?"

Agog durupeï, "Tubun en, palup ule."

³⁵ Agog Jesus tinañ ifunig malan turon idu ya.

³⁶ Ago dugo tamolpein dubol, "Ale, Jesus tamol an ninen o tubun mi imat a."

³⁷ Ago gug aenta igo dubol, "Tamol nek en tamol malan itau ak ikubuneg malan fon ipuk a. Gug ata wo in tamol en san materñ an yabituani san ta idaisuda na yak i?"

Lasarus fon kumaen imasa ya

³⁸ Aria, Jesus fon ilon itau idug mutou fun na yau. Mutou an in pat gubaran tubun ak ilon lo diganeg, pat sen ak nam awan dibaltuani a.

³⁹ Jesus ibol, "Pat en apasi."

Marta, tamol a imat amaiak lun, igo ibol Jesus irupeï, "Tubun en, in imat go nal iwoiwo yau la ya. Ago yak ninen o mumalun iwen saian da."

⁴⁰ Ak man Jesus irupeï, "Imug mi ñai on ñurupaio la ya, on ilo lo rumok dop man, on Anut san dabai girager anda yan ule wa."

⁴¹ Ago tag pat dupasig Jesus malan lak na yabisag, aban ile dugo ibol, "Bai, on naisag gudanek ulon la yak ninen o per ñupano da.

⁴² Njai ñalon ak, on nal fidian naisag gudanek ulon da. Gug ñai ru en fon ñabol pe, tamolpein e ditur den dulon dop, onse ñai dinag go ñupalu yen ilod lo rumok a."

⁴³ Ru ago ibol go awan tubun mi iwagin, "O Lasarus, masap, kuai te lasa!"

⁴⁴ Ago tag tamol a imat la yan imasag, nien banin naon da yamel nam dubuluwi an ago tinin fo yen dugo, isinig kuai te ilasa ya. Ago dugo Jesus irupidaig ibol, "Yamel agali idu dop yau."

Juda sad gurman adi Jesus palan an dumari a

Mat 26:1-5; Mak 14:1-2; Luk 22:1-2

⁴⁵ An ninen o Juda wei mi Maria dile wo dupalu yan, Jesus kulob girager igane yan dileg, an lo Jesus ninen o ilod rumok a.

⁴⁶ Ago gug aenta man Farisi adi sad na diaug, Jesus kulob igane yan naod na dubol ilasa ya.

⁴⁷ Ago tag pris gurman adi, Farisi adi dida kaunsil digiaig dutumanig igo dubol, "Id dugo tigane wak i? Tamol an kulob girager wei mi igane da.

⁴⁸ Id in tilefuni dop man, in ago mi igane yaup tamolpein fidian in ninen o ilod rumok a. Agop Rom adi dupalup, idsad tempel dipitiñini wa. Agop id diabituanad dop in sed mi sed ipilianaip Juda sad tamol gurman igo dumado wa."

⁴⁹ Ak man in luluñad lo anañar en san pris malan te yak ta imado ya, in yanñan Kaiafas amaiak igo ibol, "An ilo girek amam tia geig a!

⁵⁰ Gidad, tamol kisaek an mi imat dop, tamolpein fidian muruan diñane san tia ya, an uyanan a. Kabelan id fidian tadeg tau banau."

⁵¹ Gug Kaiafas inñinanen ilo sou lo mi ago ta ibol na ya. Tia, in anañar en san pris

malan te ya, an lo in profet ru igo won Jesus imat pe Juda tamolpein fidian abed inane wan ninen o ibol a.

⁵² Gug in Juda adi mi wo ta ibol na ya, tia, in Anut san tamolpein aben gidigheid dumado dan ninedi wo dam ibol a. Jesus itumanaip Anut san nanun muroun igo kisaek mi dumado wa, fun naok ago yan Kaiafas san ru ilon lo yen da.

⁵³ Aria, nal a ipalu dan lo, Jesus palañ an dumarig dufunip imat o dal abañ dile se ya.

⁵⁴ Fun an ninen o Jesus afon malak malak Judea distrik ilon lo ta itor ila iso na ya. Tia, in ibisawaig yaug, tan kawan ak giranen na panu nanun ta yanñan Efraim dubol dan te inanen megeloum dida dumado na ya.

⁵⁵ Aria, Juda sad nal tubun ak Pasova tumanek dubol dan sumeik a. An ninen o panu sensen an san doup wei mi dupalug Jerusalem na dutumani a. Man dugo, in sed ikubuniaip Anut malan lo in ikok dilasa san ninen o ago digane ya.

⁵⁶ In Jesus abañan diabig tempel lo dutur dugo, nug dusumiani se ya, “An ilom dugo isou da, in ipalup, tumanek tubun en ile wak i? Tia, tia yak i?”

⁵⁷ Ago dugo gurman adi Farisi dida awad kisaek mi dutumanig, tamolpein fidian ru kagin durupidai. Ta in Jesus dugon te imado dan ile ilon tap, gidad, kuai te ibol ilasa dop, diaup diabip, dinane dupalu wa.

12

*Maria Jesus gurenj nam njen yamisi a
Mat 26:6-13; Mak 14:3-9*

¹ Nal 6 itout dop, tumanek ta tubun Pasova dubol dan san nal idu wa. Gug nal an gamugo dugo Jesus Betani panu na yau a. An Lasarus tamol a mutou lo ifufunig imasa yak san panu.

² In panu ante anañ diabig, Jesus dida diani a. Ago dugo Marta man in anañ isire idug iwae ipidinai a. Lasarus man tamol dida dumasig, Jesus dida anañ diani se ya.

³ Ago dugo Maria in gurenj uyanan geig, naon lak na geig ak inane, ate Jesus njen yamisig, in sinanen gumuran roun nam isasi a. Ago dugo gurenj an san mumalun ab an inane fute ya.

⁴ Megeloum ta, Judas Iskeriot tamol a murnap in Jesus ager banid lo igane wan, ago ile tag igo ibol,

⁵ “Dugo, id gurenj an didaen tamol tupidinaip, naon pat tubun mok ak* tinanep bigabeg adi ka tupidinai a. Ata wo id ago ta tigane na yak i?”

⁶ Ago man in ru a ibol an bigabeg adi ninedi wo ilon ta isou dugo ibol na ya. Tia, in gumagam tamol, ago tag in Jesus megeloum dida sad moni badam ititiani pidinai dugo, ante moni aenta in sen ninen o igam na ya.

⁷ Man ninen o Jesus ibol, “Amoi dop, gidad, pein en ka alefuni on a, man dugo, in nai disiriag san nal ninen o ago igane da.

⁸ Bigabeg adi an dida pempem amado da, gug nai man tia ya.”

⁹ Jesus panu ante imado dugo, Juda doup tubun an dulon tag, in san na dupalu ya. Gug in Jesus mi dile wo ta dupalu na ya. Tia, Jesus Lasarus mutou lo ifufunig imasa amaiak ida dil o dupalu ya.

¹⁰ Ago tag Juda sad pris gurman adi in Lasarus dam dufunip imat san palañ an dumari se ya.

¹¹ Ata wo? Lasarus ninen o, Juda wei kasik pris awad diparsisali dugo dibisawaig, Jesus diganuri wo diau dugo, in ninen o ilod rumok a.

Jesus in Kinj igo won Jerusalem na iladu ya

Mat 21:1-11; Mak 11:1-11; Luk 19:28-40

¹² Nal tinin te dugo tamolpein doup tubun a dilasag tumanek nal tubun ak dile wo Jerusalem na dutumani an, in Jesus Betani ibiseig Jerusalem na ipalu dan dulon.

¹³ An ninen o diaug, pator raen dulusunig, dal na dile wo diau. Agog in duyunani dugo igo dubol duwagin,

“Hosana, per mupano da!

Tamol Anut yanñan lo ipalu den bar inane ya!

O Isrel sad Kinj, on bar nane ya!”

¹⁴ Jesus imug donki nanun ta ileg, fufo isudag imadog ipalu ya. An ninen o ru a profet ta igire yan nunon ilasa ya.

* **12:5:** An nek ibol tamol kisaek san urat naon anañar kisaek inane dak igo won a.

15 “O Saion san tamolpein, an arer man amoi.

Ale, anjanem Kin gamu anjam na ipalu da.

Donki foun ak fufo na imasig imado dugo ipalu da.”

16 Imug mi megeloum adi girek an fun ta dulong na ya. Murnag, Jesus lak na yaug yanjak tubun ak inane dugug, ru Anut san buk lo, mel en agod muruan dugo dugo Jesus dupani an ninen o, dusutig kankan ipidinai a. Saen ru an dusuti an lo, dulong uyan ak, ru kulob a fidian gubak mi dile yan ninen Anut san buk lo yen la ya, ago dugo nunon ilasa yan inised malan nam dile ya.

17 Nal an tamolpein doup wei mi Jesus dida dumado dugo, in Lasarus mutou lo ifufunig fon kumaen imasa yan dile ya. Gamu tamolpein an Jesus kulob igane yan ninen o ru duwaeg yaug fidian dulong a.

18 Tamolpein Jesus kulob a igane yan san ru dulong tag, diaug dal na dile ya.

19 Man ninen o Farisi adi inised mi dininen go dubol, “Ale. Idsad palañ marek san urat an nunon tia ya. Tan tilianek sad tamolpein fidian in diganuri wo diau da!”

Grik aenta Jesus dile wo dubol a

20 Tamolpein Jerusalem na nal tubun an dile wo dupalu dugo, Grik aenta in dida diau a.

21 Grik adi an in Filip san na diau. Filip man Betsaida tamol, Galili distrik lo yan, in dusumiani, “Tubun en, man Jesus mile wo mupalu ya.”

22 Man ninen o yaug, Andru irupepei go in Filip da diaug Jesus durupepei a.

23 Jesus uraru an sad ru naon igo ibol, “Tamol Nanun in yanjak tubun inane san saen sumeik a.

24 Rumok geig nai an nrupaian da, anan patun ab lo ka yen dop, tan na ta idup imat na tap, man in sen kisaek mi yen a. Ak man, tan na idup imat tap, in nunon wei mi ifu wa.

25 Talpein in sen tinin mi tan na kumaen imado wo imat dop man, in anen kumaen mok an ibisei a. Gug tamol ta in anen kumaen tan en lo yabi idu dop man, murnap in anen kumaen mok in anep, pempem mi ago yen yau a.

26 Talpein enti in naisag urat igane wo ilon yen dop man, nai nieg aban iri wa. Ago dop urat aben a ante nai numado dan, ante mi naisag urat tamol dam nai da mumado wa. Agod talpein enti naisag urat yabi dan, Bai Anut yanjak tubun ak in ipani wa.”

Jesus in san mateñ ninen o kuai tem ibol a

27 Jesus fon mi igo ibol, “Gamu nai ilog tubun mi muruan da. Man ninen o, nai dugo nabol ak i? Bai, muruan e gamu nai lo ilasa wo den on ka wabituani wak i? Tia geig a, nai muruan emaiak nisini wo nupalu ya.

28 Bai, gidad onsa bunu uyan uyan ak kubiai dile!” Jesus ago ibol dugo, Anut awan lak na idug igo ibol, “Nai yanag niganeg tubun la ya. Gug fon niganep, tubun geig a.”

29 Tamolpein sumeikan dutur an, ru an dulong, agog aenta “weil ifu dak” dubol, ago dugo aenta man “enel ta Jesus irupepei dak” ago dubol a.

30 Jesus ibol, “Ru e ibol ipalu den nai ibinawag san tia, an ibinawan o ipalu ya.

31 Gamu Anut tan en san tamolpein kot ipidinai dop, in tan en san gurman Satan an ikudip kuai te ilasa wa.

32 Gug nai man, murna gup dibiagsap dusunanag a. Nal an lo man nai tamolpein fidian niraup, naisag na dupalu wa.”

33 Ru amaiak ibol an lo, in sen dugo won imat o dak kuai te ibol ilasa ya.

34 Ago dugo tamolpein awan diabig dubol, “Man kubiaen ilon lo girek igo musuti a, Kristus man in pempem imado wa. An lo, ata wo on Tamol Nanun diabisap dusunan wak ubol di? Tamol Nanun emaiak enti mok i?”

35 Agog Jesus igo irupidai, “Saen katukan mi an ilalan da amado wa. Ago yak ninen o an ilalan en lo mi ator a. Kabelan tidom tubun ituanan banau. Tamol tidom lo itor dak man, in aben dugon te yau dak in an a.

36 Gamu man an ilalan am da ya. Ago yak ninen o, ilalan en an da amado dugo, anjanem tini ganei in lo agane. Agop an ilalan san nanun muroun mi alasa wa.” Jesus ru ago irupidaig itout go ibisawaig, malad lo imianuk go yau a.

Juda adi Jesus ninen o ilod lo ta rumok na ya

³⁷ Jesus kulob girager an fidian Juda adi naod na igane dugo dile ya, ak gug in ninen o ilod ta rumok na ya.

³⁸ An ninen o profet Aisaia san ru nunon ilasa ya. Aisaia in gubak mi geig igo ibol, “Tubun en, ensauta idsad ru ilod lo rumok ak i?”

Tubun en, ensauta on tuo kubiai pidi-nai dugo dile yak i?”

³⁹ In Jesus ninen o ilod rumok o dumoi, an san fun igo ya. Aisaia ru ta igo igire,

⁴⁰ “Anut idiraig malad itau an dilasa ya, inaned ilod dam iganeg dabai geig a.

An lo in maladi nam aban dile san tia ya, ago dugo ilodi nam manau dinane san dam tia ya,

taida mi, in didansa san tia ya,

tia dop, in ilod ibilisa tap didansa dop nai nukubuniai a.”

⁴¹ Aisaia ago ibol an san fun igo ya. In Kristus san girager tubun geig ak ile dugo, in ninen o ibol ilasa na ya.

⁴² Ak man gurman aenkadi in o ilod rumok a. Ak gug Farisi ninedi wo direr go inaned ilo rumok dimiani dugo, kuai te ta digane ilasa na ya. Juda adi dukudaip insad ubou ab patun fo dilasa wak ninen o direr a.

⁴³ Man dugo, in tamol dipitianai o dumat geig da, gug Anut ipitianai o man dumoi da.

⁴⁴ Agog Jesus isasai go awan tubun mi iwagin, “Tamol ta nai o ilon rumok dan, nai nineg o mi ilon ta rumok na da. Tia, Bai a nai idinag go npupalu yan dam ninen o ilon rumok da.

⁴⁵ Nek ago mi, ta nai iliag dan, in nai mi ta iliag na da. Tia, in Bai a nai idinag go npupalu yan dam ile da.

⁴⁶ Nai tan ente sul igo won npupalu ya. Man ninen o tamolpein ensauta nai o ilod rumok an, tidom tubun lo ta dumado na wa.

⁴⁷ “Ak man, ta naisag ru ilon gug ta iri ipani na man, nai tamol an bitinaek lo ta nigane na wa. Man dugo, nai ago nigane wo ta npupalu na ya. Tia, nai tan en san tamolpein patud npupasi wo npupalu ya.

⁴⁸ Ta in nai imoi dugo naineg ru ta inane na dan, ru e nabol den man insan bitinaek tamol on imado wa. Man dugo, ru e nabol

en, saen wadan lo gup, ru an mi in ibitinae dop yabi idu wa.

⁴⁹ Man dugo, naiseg ilog nam ru ta nabol na da. Tia, Bai nai idinag go npupalu yan insen ru kagin igo ipanag a, ata ru nabol ilasa wak, agod dal dugon lo tamolpein naod na nininen an dam irupaiag go nalon a.

⁵⁰ Nai nalon ak, talpein enti Bai san ru kagin ilon dop iri dan, kumaen pempem yen san inane wa. Amaiak ninen o, ru dugo dugo nabol ilasa dan, ru nek en Bai imug mi ago nabol o ru kagin ipanag a.”

13

Jesus megeloum niedi ifulani a

¹ Pasova ad nanek tumanek gamugo ilasa dugo, Jesus tan en ibiseip Taman san na yau san saen sumeik an ilon a. Inanen tamolpein tan en lo dumado den ilon ipidinai a. An ninen o gamu insan ilo panek tubun a in ninedi wo yan ikubiaip dile san ago ilon yen da.

² Jesus megeloum dida anan diani wo dumasig dumado ya. Ago dugo Satan imug mi Judas, Saimon Iskeriot nanun amaiak, Jesus insan ager banid lo igane wo ilon ibali a.

³ Aria, Jesus ilon ak, Taman mel fidian in tuon lo idiri a, agod Anut sen idinig ipalu gug, fon imul Anut san na yau o an dam ilon a.

⁴ Ago tag, in anan gigin na igane dugo, imasag madid san kulos itabug go, yamel ta inaneg luan ate ipulau a.

⁵ Agog you daeg lo ikulmaek go fun iganeg megeloum niedi ifulani a.* Agog yamel ipulau an ate niedi isasi a.

⁶ Aria, in Saimon Pita san na ipalu dugo, Pita ilon weiwei dugo isumiani, “Tubun en, on nai nieg fulani wo di?”

⁷ Jesus awan yabig ibol, “Nai mel gamu nigane den on fun ta ulon na ya, ak gug murna gup on ulon fufei wa.”

⁸ Gug Pita ibol, “Tia, on nai nieg fulani san man namoi geig a.”

Jesus ru naon irupe, “Gidad nai nufulano wa, tia dop, on nai muroug lulunad lo mado san tia ya.”

* **13:5:** Urat bigabeg mi urat naok ago yak digane ya.

⁹ Ago tag Pita irupei, “Tubun en, mago tap, naj nejg mi ta fulani na wa, tia, banig gumurag da sisem fulanai.”

¹⁰ Jesus ru naon irupei, “Tamol enti sen tinin fidian isug la yan man, tinin ikok a. An ninen o njen mi ifulani wa. Anj ilom tinim fidian naj lo ikok alasa la ya. Gug anj luluŋam lo tamol kisaek imado duman ta ikokan na ya.”

¹¹ Jesus tamol enti ager banid lo igane wan ilon la ya. Fun an ninen o, “anj luluŋam lo tamol kisaek imado duman ta ikokan na yan” ago ibol a.

¹² Aria, Jesus njedi ifulanig itout go, inanen kulos fon iganeg imasig, isumianai, “Kulob a anj lo njigane yan fun alonj i?”

¹³ Anj naj Girek Maŋau, agod Tamol Tubun ak abol da. Man anj abol mok da, man dugo, naj tamol naok nek ama ya.

¹⁴ Aria, naj nek anjanem Tubun ak, Girek Maŋau igo dam numado bo man, naj anj njem nfulani a. An ninen o anj dam ansem nugnug lo njem afulani wa.

¹⁵ Naj man anŋsam mitilaen igo wonj, naj njigane ago mi ansem nugnug lo ago agane wa.

¹⁶ Naj rumok nurupaianj da, urat pinein ta inanen tamol tubun ak ta irinjan na wa. Nek ago mi tamol enti urat lo yau dan, inŋsan tamol tubun ak a idinig yau an ta irinjan na wa.

¹⁷ Aria, anj gamu mel an fidian alonj a. Anj kagin naok ago yan ari dop man, Anut san bar anjane wa.

¹⁸ “Ak man, ru an anj fidian mi ninemi wo ta nabol na da. Tia, naj tamol ensauta a nupilianai an njalonj a. Naj ru ago nabol, an lo Anut san ru inanen buk lo yen dan nunjon ilasa dop ale wa. Ru an ibol, “Tamol ta inj naj da sisem munuai dan, inj naj iparfunag o njen gumin yabisa ya.”

¹⁹ Gamu, saen kulob an gamugo ilasa dugo, naj anj kulob an murnap ilasa wan nurupaianj da. Man ata wo? Saen kubol an ilasa dop, Naiseg, Naj Numado Dan† anj ilom lo rumok a.

²⁰ Naj ru rumok nurupaianj da, naj urat tamol adi njidiraig diau a. Talpein enti a njaisag urat tamol injane dan, naj injiliag da. Ago dugo

talpein enti naj injiliag dan, inj Bai enti a naj idinag go njupalu yan dam injane da.”

Jesus Judas san aupasek kuai te igane ya
Mat 26:20-25; Mak 14:17-21; Luk 22:21-23

²¹ Jesus ru ago ibol itout dugo, ilon tubun kasik muruan idug, ru kuai te igo ibol, “Rumok nunjon mi nurupaianj da. Anj luluŋam lo ta kisaek man inj naj ager tamol banid lo iginiag njiladu wa.”

²² Inj ago ibol dugo, inanen megeloum Jesus ru an lo enti isue dan diŋaonj geig a, an ninen o sed nug dile yau imul dugo awad itau dumado ya.

²³ Megeloum a Jesus ninen o tubun mi imat dan, inj giranen na ida sisem dumado, ago dugo

²⁴ Saimon Pita naon itad panig igo irupei, “Jesus sumiani dop enti ninen o ibol dan, ibol pe talonj.”

²⁵ Agog megeloum an tinin Jesus titiren fo isapek go isumiani, “Tubun en, enti ninen o ubol di?”

²⁶ Jesus ru naon irupei, “Nai bret tuor lo njisominip, njupani dop, anj alonj ak, nek tamol ama ya.” Jesus ago iganeg Judas, Saimon Iskeriot nanun, bret an ipani a.

²⁷ Judas bret an injane dugo, Satan ilon lo iladu kisaek onj a.

Jesus irupeig ibol, “Mel a gane wo ilo ibol dan gane kisaek onj.”

²⁸ Gug megeloum aenta dida anaŋ diani dan, ru a ibol an san fun mok ta dulonj na ya.

²⁹ Judas man inj moni san badam kagin ipani na yan ninen o, Jesus irupeip soubul tubun an san melmel ta idad o boi, tia, bigabeg adi ibinawai o boi, ago ilod isou a.

³⁰ Aria, Judas anaŋ an injaneg imasag, ririan kuai fo ilasag yau a. Saen an tidom idu la ya.

Kubiaen foun ak

³¹ Judas yau la gug, Jesus igo ibol, “Gamu en Tamol Nanun inj yanak tubun ak injane san nal idu ya. An lo dop, Anut dam naj lo yanak tubun ak injane wa.

³² Aria, Anut naj lo yanak tubun mi injane dop man, naj inŋsen lo yanak tubun ak njinane wa. Kulob an inj ago igane saltik onj a.

† 13:19: Jesus ru faŋan an lo inj Anut an ipitejanai da.

³³ O nanug muroug, naj an da saen katukan mi tumado wa. Ago gup an naj abanag abi wak gug ta aliag na wa. Nek ibol naj Juda adi gubak mi nurupidai ak igo won, naj gamu an dam nurupaian da, aben naj nau dan ante an au san tia ya.

³⁴ “Nai gamu kubiaen foun ak nupanan da. Kubiaen foun ak igo ya: an nug ninen o amat mok a. Nek ibol naj an o namat dak ago mi ansem nug ninen o amat mok a.

³⁵ An ansem nug ninemi wo amat dop man, an lo an naisag megeloum mok amado dan tamolpein fidian dulon a.”

Jesus Pita in ninen o itot ak o ibola

Mat 26:31-35; Mak 14:27-31; Luk 22:31-34

³⁶ Saimon Pita Jesus isumiani, “Tubun en, on dugon te wau wo ubol di?”

Jesus ru naon irupeig ibol, “Gamu aben dugon te naj nau dan, ante on palu san tia ya, gug murna dop man, on ka palu wa.”

³⁷ Pita fon isumiani, “Tubun en, ata wo naj on da sisem tau san tia ubol di? Gidad, najneg kumaen on nije wo ka jubiseip, jubinawo wa.”

³⁸ Ago tag Jesus igo irupei, “O Pita, onane kumaen naj o bisei wo ubol dan, an rumok i? Naj rumok nurupaio da, on naj ulon an utot saen utol dop, kurek ibob a.”

14

Jesus in sen mi tamolpein Bai san na diau san dal

¹ “An ilom muruan dop kankan wei mi ta agane na wa. An ananem tini ganei Anut lo agane ago mi naj dam lo ago agane wa.

²⁻³ Najneg Bai san ab lo man, galun wei mi dien da. Naj nau ananem abem nukubune wa. Agod saen naj ananem abem nukubune itout dop, naj namul nupalup ninilian pe taup naj da sisem tumado wa. An ninen o aben dugon te naj numado dan, an dam ante amado wa. Ak mel an ago tia dop, naj kuai tem ka nurupaian alon a.

⁴ Aben naj nau dan san dal an alon la ya.”

⁵ Agog Tomas irupei, “Tubun en, on aben dugon te wau den man ta malon na ya. An ninen o dal an dugo man malon ak i? Tia geig a.”

⁶ Jesus awan yabig ibol, “Nai mi dal, naj mi ru rumok san fun, agod naj mi kumaen san fun. Dal sen ta lo Bai san na au san tia ya. Nek naj lo mi a.

⁷ An naj alon dop man, naisag Bai dam alon a. Nek gamu tumado yau den lo, an naj Tamag o anan dan ago ilom isou man amoi, man dugo, in alon agod ale la ya.”

⁸ Filip irupei, “Tubun en, on Bai kubiai panama. An mi man o idaisuda ya.”

⁹ Jesus ru naon irupei, “Filip, nal milaen mi naj an da tumado ya. Ak dugo, en dugo won go naj enti mok an ta ulon na i? Ta in naj iliang an in Bai dam ile ya. An lo, enta wo naj Bai nukubiai panan o ubol di?

¹⁰ Nag naj Bai lo numado den, ago mi Bai in naj lo imado da, an ilo lo ta rumok na di? Ru e naj nurupaian den naiseg ilog nam ta nabol na da. Tia, Bai in naj lo imado den inanen urat naj lo igane ilasa da. An ninen o in naj lo urat igane dugo, in san ru naj nabol ilasa da.

¹¹ An gidad, naj Bai lo numado dugo, Bai naj lo imado den, an ilom lo rumok a. Tia dop, naj kulob girager a fidian njigane na yan aleg kankan ipanan gup, an mi ananem ilo rumok ka igane ilasa wa.

¹² Naj rumok nurupaian da, ta naj o ilon lo rumok dop man, in urat fidian naj njigane yan in dam nek ago mi ka igane wa. Agod kulob naok in iganed an man melmel e naj njigane den irinani wa. Man dugo, naj Bai san na nau da.

¹³ An mel ta ninen o naj yanag lo agudani tap, naj mel an njigane panan a. An ninen o Nanun urat dugo dugo igane dan lo, tamolpein Bai yan tubun mi diabisa wa.

¹⁴ Ata mel anane wo ilom ibol dan, naj yanag lo ka asumiaen a, ago dop naj njigane panan a.”

Jesus Urgun ipalu san ru an ibola

¹⁵ “An naj ninen o amat mok tap, an najneg ru kagin ari apani uyanan a.

¹⁶ Agod naj Bai nugudani dop, in Binawek sen ta ipanan pe, an da pempem amado wa.

¹⁷ In Awan Urgun, in ru rumok ak san mi a. Tan en san tamolpein in dinane san tia ya. Man ata wo? In dile san tia ya, ago dugo in ninen o dinan. Ak man, an in

alonj la ya, man dugo, inj gamu anj da amado dak, murnap anj bubem ilon lo ilasap ante pempem imado wa.

¹⁸ Nai anj njobisawanj pe, tinam tamam tia yak igo wonj ta amado na wa. Tia ya, naj anjsam na npupalup tumado wa.

¹⁹ Saen kitekan mip, tan en san tamolpein fon naj ta diliag na wa. Gug anj naj aliag a. Naj kumaen numado dak ninjen o, anj dam kumaen amado wa.

²⁰ Nal an lo gup, naj Bai lo numado dan, anj naj lo amado dan, naj anj lo numado dan alonj uyanan a.

²¹ Talpein enti a naj awag ilonj dugo iri dan, nek amaiak mi naj o imat mok da. Ta inj naj o imat dan man, Bai dam inj o imat da. Ago dop naj dam inj o namat dop, naj seg nukubiaip ile wa.”

²² Agog Judas en turanein, Iskeriot tia yan, inj Jesus irupej, “Tubun en, onj ata wo manj lo mi kuai te lasa dop, tan en san tamolpein lo tia wo ubol di?”

²³ Jesus ru naon irupej, “Talpein a naj ninjeg o imat dan, naisag pitenjanek fidian iri dop paed na imado wa. Ago dop Bai inj o imat pe, naj Bai da sisem inj giranjen na mupalup, inj da nal fidian mi mumado wa.

²⁴ Gug ta naj o ta imat na dop, inj naisag ru dam iri dop paen na ta imado na wa. Ru e anj kududom alonj den man naisag tia ya. Tia, Bai inj naj idinag go npupalu yan injsan ru njabol da.

²⁵ “Gamu naj anj da tumado dan lo, ru an fidian njabol ilasa dugo alonj da.

²⁶ Gug Urgun, inj anjsam binawek mok a, Bai inj naj yanag lo idinip ipalu wa. Inj mel fidian ninjedi wo manjau ipitenjanan a, ago dop iginianj pe ru fidian imug njabol go alonj na yan ilom isou a.

²⁷ Nai anj njobusawanj o dak ninjen o, naisag ilo maror npupananj pe ida amado wa. Ilo maror a npupananj dan man, tan en san tamolpein ka dupananj ak igo tia ya, tan en san ilo maror man ririan itout yau a, gug naisag man yen yau san mi a. Man ninjen o, anj ta ilom weiwei dop arer na wa.

²⁸ “Nai ru njabol en alonj la ya: ‘gamu njobusawanj pe najau gup, anjsam na fon namul npupalu wa.’ Anj naj o amat ak man, naj Bai

san na najau dak ninjen o uyam isusa wa. Man dugo, Bai san yanjan naisag yanag irinjanj a.

²⁹ Alonj ak, naj Bai san na najau san saen gamugo dugo, anj njurupaianj la ya. Naj ago njigane yan san fun igo: murnap mel an ilasa dop, anj naj o ilom rumok a.

³⁰ Naj ru taida milaen mi njurupaianj san tia ya, man dugo, tan en san gurman Satan ipalu wo itonj da. Inj naj ibiag najau san man dabai aman tia geig a.

³¹ Nai ilog man igo ya. Nai tan en san tamolpein fidian nukubiaip dile dop dulonj uyanan ak igo, naj Bai o namat a, ago dugo ata ru Bai irupaianj an mi njiri uyanan da.

Aria, amasap tau.”

15

Jesus inj ai wain mok

¹ Jesus irupudaig ibol, “Nai man ai wain mok. Naineg Bai man abi wain san muroun.

² Nai raeg aenta nunod tia tap, abi muroun itartitip yabi yau a. Raen nunon anda yan ikubunep, didilan itute yau dop, ilunjanip, ate nunon wei mi ifu dop yen a.

³ Ago gug ru naj njurupaianj la yan lo anj ipargalanj go anj ikok alasa ya.

⁴ Nai lo amado wa. Nai dam anj lo numado wa. Ai raen a luan te ta isatuani na yak man, nunon ifu san tia ya. Nek ago mi, anj dam naj lo amado wa, tia dop man, nunom ifu san tia geig a.

⁵ “Nai man ai wain. Anj man ai wain raen. Ta naj lo imado tap, naj inj lo numado dop, ate nunon ifu fufei wa. Anj naj lo tia yak man, ansem mel ta agane ilasa san dam tia geig a.

⁶ Talpein ta inj naj lo ta imado na dan, inj ai raen ibun ak igo ya. Ai raen ago man ditartitip, yai lo diabi yaup inani fufari yau a.

⁷ Gug anj naj lo amado dop, naisag ru anj lo yen dop man, anjanem ilom ibol ak ago mi mel ninjen o asumianag dop, naj npupananj a.

⁸ Aria, anj nunom wei mi afu yak man, ansem ibilanj kuai tem alasag naisag megeloum mok amado da, nek an lo Bai yanjan tubun geig ilasa wa.

⁹ “Bai inj naj ilon ipanag dak, ago mi naj anj ilog npupananj da. Anj naisag ilo panek lo mi amado wo ilog yen da.

¹⁰ Nai Bai san ru kagin njuri njupani ak ninjen o, injsan ilo panek lo njumado da. Nek ago mi an njaisag ru kagin an ari apani dop man, an njaisag ilo panek lo mi amado wa.

¹¹ Ru ago njurupaian dan an alon dop, njaisag uyasusai an ilom lo yen o njabol da. Agop anjsam uyasusai an ilom lo anuap ida amado wa.

¹² Njaisag ru kubiaen man igo ya, nai ilog njupananj ak ago mi an nug ilon apani wa.

¹³ Talpein enti a in njuran ninjen o injsan kumaen imoi ibiseig imat tap, in kagin fidian nug ninjen o tamat san irinjan a. Kagin an ilo panek san nujon mok a.

¹⁴ Aria, an njai ru kagin njurupaian an ari apani dop man, an njaisag turag muroug mok a.

¹⁵ Urat pinein man in injanen tamol tubun ak mel igane dan man in ta ilon na da. Ago yak ninjen o nai fon an urat pinein igo njabol san tia ya. Man ata wo? Nai ru fidian Bai awan lo njalon en an njabol alon pasik la ya, an lo an njai fug fidian alon a. Ago yak ninjen o an njai turag muroug njabol da.

¹⁶ An imug nai ta apilianag na ya. Man tia. Nai an njipilianan go njaisag ak njabol la ya. Ago yan lo aup urat nujon agane ilasa san ago kob njupananj a. Ago dop anjanem urat an nujon yen yau a. An lo mel ta wo nai yanag lo Bai asumiani dop man, in ka ipananj a.

¹⁷ Njaisag kubiaen njurupaian duman nek en, an nug ninjen o amat mok a.

Tan san tamolpein Jesus san megeloum lo ager dumado da

¹⁸ “Tan san tamolpein an o ager dumado dop man, nai o ilom isou. Nai ninjeg o imug mi ago digane ya.

¹⁹ An tan en san tamolpein sad muroudi dop man, an ninjemi wo dumat pe, an injsadi ak dubol a. Ak man an tan en san tamolpein mok tia ya, tia, nai an njipilianan go an njaisag a. Fun amaiak ninjen o tan en san tamolpein an lo siai digane wa.

²⁰ An gidad njaisag ru imug njurupaian en ilom isou, urat pinein ta injanen tamol tubun ak ta irinjan na wa. In njai diginiag saian tap, nek ago mi an lo dam ago digane wa. Ak dugo, in njaisag pitenjanek diri ak i? Tia geig a. Nek ago mi, pitenjanek a an apidinai an dam ta diri na wa.

²¹ Nai ninjeg o an dilian saian pe kagin naok ago yak an lo digane wa. Man ata wo? Bai nai idinag go njupalu yan, in ta dulon na ya.

²² Nai njupalug, njurupidaig, injsad aupasek kuai njupani dugo dile ya. Nai ta njupalu na yak man, in aupasek amad da yan dulon san tia ya. Gug nai njupalug, injaned saian kuai te njurupidaig dulon ak ninjen o, gamu sad aupasek an dimiani san tia geig a.

²³ Ta in njai lo siai igane dan man, in Bai lo dam siai igane da.

²⁴ In lulunad lo nai kulob girager tubun geig ak njigane na ya. Tamol sen ta gubak mi ilasag kulob naok ago yan ta igane man tia ya. Nai ago ta njigane na yak man, Anut malan lo in aupasek amad tia wa. Ak gug, gamu in kulob girager an fidian dile la gug, nai lo, agod nai Tamag lo dam, siai digane dugo sama ager dumado da.

²⁵ Injsad kagin, ru ta injsad kubiaen lo digireg yen an iganeg nujon ilasa ya. Ru an igo ya, ‘In sen kawan mok nai lo siai digane ya.’

²⁶ “Gug nai Binawek Tamol njiganep idu wa. In Awan Urgan, ago dugo in dam ru rumok ak san fun. In Bai san na ilasap, anjsam na ipalu wa. Agop in njai fug kuai te ibol dop alon a.

²⁷ Gug an dam njai fug tamolpein naod na afulalep dulon a. Man dugo, saen njai urat fun njiganeg ipalug gamu en, an njai da sisem tumado na ya.

16

¹ “Muruan ipalu dop, anjanem ilo rumok an abisei banau o ru en njurupaianj da.

² Murnap Juda adi sad midaen lo au dop, an dukudan a. Rumok, nal idu dop, an dufunan amat a, nek dal an lo in Anut san urat dibinawi mok dak ago dubol a.

³ Gug in man njai Bai da ta dulon na yak ninjen o ago digane wa.

⁴ Nai ager ninjedi wo ru kagin en njurupaian alon a, an ninjen o murnap an lo dugo digane dop, ru en ilom isou wa. Inug man njai ru en ta njabol go alon na ya, man dugo, njai an da tumado na ya.

Urgan san urat

⁵ “Ak man gamu gup ηai ηubisawan pe, Bai idinag go ηupalu yan san na ηamul ηau a. Gug anſam ta kisaek ηai dugo te ηau o dan niηen o ta isumianag na da.

⁶ Gug gamu ‘ηai ηubisawan pe ηau o’ ηurupaian den niηen o an ilom isasau idu da.

⁷ ηai rumok ηurupaian da, ηai an ηubisawan pe ηau o dan, an o uyanan a. ηai gidad ηau a. Ta ηau na tap, an Ur Binawek San an ta anane na wa. Ak man ηai ηau dop man, Ur Binawek San an ηiganep, anſam na ipalup, ida amado wa.

⁸ Urgun ipalu dop, tamolpein ilod isafu-lalep, kagin saiak san fun, agod kagin itaot ak san fun dam dumunani fufei wa. Agod murnap Anut naon na ditur pe bitinaek lo idirai an san fun dam inſed ilod lo duku-biani wa.

⁹ Inaned kagin saiak san fun man in ηai lo ilod ta rumok na ya.

¹⁰ ηai Bai san na ηau dop, afon ηai ta aliag na wa. An lo tan en san tamolpein dulon ak ηai Bai san geig a. Dal an lo Urgun in ηaisag kagin itaot an fidian ikubiai pidinaip, du- lon uyanan a.

¹¹ Tan en san tamolpein sad ilo sou lo dubol, Anut ηai bitinaek lo iginiag pe ifu- nag ηamat ak ago dubol da. Ak man an ta rumok na yan Urgun ikubiai dile wa. Anut ηai bitinaek lo ta iginiag na wa, tia, ηaisag materη lo, Anut tan en san gurman Satan bitinaek lo iganeg yabi idu geig a. An Anut san bitinaek san fun.

¹² “ηai ru wei mi amag da ya, ak man an ilom itau dak niηen o, gamu ηurupaian pe alon san tia ya.

¹³ Gug murnap Urgun ru rumok ak san ipalu dop man, kagin rumok ak mi fidian ikubiai panan a. In sen ilon nam ru ta ibol na wa. Tia, Anut ibol go ilon an mi irupaian pe alon a. Mel murnap ilasa san dam ibol ilasa dop alon a.

¹⁴ In ηai yanag yabisa wa, man dugo, in ηaisag mel inane dan anſam na ibol ilasa dop alon a.

¹⁵ Bai san mel fidian an dam ηaisag a. Man niηen o ηai imug ηurupaian, Urgun mi ηaisag mel an inane ibol dop alon a.”

Muruan ibilisap, ilo uyan ilasa wa

¹⁶ “Saen katukan an ηai ta aliag na wa. Agop fon saen katukan mi gup, ηai aliag da wa.”

¹⁷ Inſan megeloum aenta inſed mi dininē go igo dubol, “Ru e ‘saen katukan an ηai ta aliag na wa, agop fon saen katukan mi gup, ηai aliag da wan’ fun dugo yak i?”

¹⁸ Inſed nug dusumiani on go igo dubol, “‘saen katukan’, ru en fun talon uyan san tia ya.”

¹⁹ Jesus ilon ak, in ru an niηen o dusum- iani wo ilod ibol dan, niηen o irupudaig ibol, “An nag ηai ru a ηabol an niηen o ilom weiwei di?”

²⁰ Rumok geig, an ηurupaian da, mitep an tinaη aru agane wa. Gup tamolpein tan en san man in uya susai digane wa. Rumok, an ilo muruan tubun kasik da amado da, ak man anſam ilo muruan an ibilisap ilo uyan ipanan dop, uyam isusa wa.

²¹ Pein in nanuk igansi wo tinin lo iku- biani dop, in ilon muruan tubun kasik aman da imado da. Agop nanuk igansip uyan dop, inſan mada an niηen o ilon ta isou na wa. Man dugo, nanuk tan en lo ilasa yak niηen o ilon isou dop, uyan isusa geig a.

²² Nek ago mi, gamu an ilom muruan da. Gug ηai fon ηamul ηupalup aliag dop, afon ilom uyan da wa. Ta anſam uyasusai an ipasip isini yau san tia ya.

²³ Nal an lo dop, an fon ηai mel ta wo asumianag san man tia wa. ηai rumok ηurupaian da, an mel ta niηen o ηai yanag lo Bai asumiani dop, man in ka ipanan a.

²⁴ Gug an gubak mi ipalug gamu en dam an mel ta wo ηai yanag lo Bai asumiani man tia ya. Gamu gup an ηai yanag lo asumiani wa. Ago agane dop man, in mel an ka ipanan a. An lo an ilom uyanan pe, uyasusai lo mi amado wa.”

Jesus tan en san dabai yabi idu ya

²⁵ “ηai ru farjan mi ηabol dugo alon na ya. Gug murna dop man, fon ta ηimianip ηurupaian na wa. Tia, ηai Bai niηen o kuai te ηabol dop alon a.

²⁶ Ago dop nal an lo, ηai yanag lo Bai asumiani wa. Ananem awam aban an an

niņemi wo Bai n̄sumiani wa, ago n̄ai ta n̄rupaian̄ na da.

²⁷ Tia, Bai in̄sen an̄ niņemi wo imat da. Amaiak niņen o in̄sen an̄ awam ilon̄ a. Man dugo, an̄ n̄ai o amat go Bai san na n̄umadog n̄upalu yan, ilom lo rumok a.

²⁸ Gubak mi n̄ai Bai da sisem mumado ya. Gug n̄ai in̄ n̄ubuseig, tan na n̄adu ya. Gamu fon tan en n̄ubuseip, Bai san na n̄amul n̄usuda n̄au a.”

²⁹ Agog in̄anen megeloum igo dubol, “Gamu en on̄ ru fan̄an ta ubol na da, tia, kuai te mi ubol ilasa da.

³⁰ Gamu en man̄ malon̄ fufei ak, on̄ mel fidian ulon̄ pasik a. An niņen o ta in̄ on̄ isumiano wo mala igane san tia ya. An lo on̄ Anut san nag palu yan man̄ iloma lo rumok a.”

³¹ Jesus awad yabig ibol, “Gamu en an̄ ilom rumok geig ak abol di?

³² Alon̄ ak, nal ta sumeik la ya, nal an lo an̄ fidian abisawag pe, an̄siganem na afufurak au dop n̄aiseg kisaek n̄umado wa. Gug n̄aiseg kisaek tia ya, tia, Bai in̄ n̄ai da mumado da.

³³ An̄ n̄ai lo amado dop, n̄aisag ilo maror an̄ da amado san niņen o ru an̄ n̄rupaian̄ a. Tan en san tamolpein an̄ muruan dupanan̄ ak gug, an̄ ta arut arer na wa. Tia, an̄ ilom abisa, man dugo, n̄ai yu n̄igane itout go, an lo tan en san tamolpein fidian sad dabai n̄abi idu la ya.”

17

Jesus in̄sen niņen o Bai igudani a

¹ Jesus ru an̄ ibol itout dugo malan lak na isidag, ibol, “Bai, n̄aisag nal idu la ya. On̄ nanu yan̄ak tubun ak panip, in̄anen bunun kuai te gane ilasa wa, an lo Nanu dam on̄ yan̄ak tubun ak ipanop, on̄ane bunu kuai te igane ilasa wa.

² Man dugo, n̄ai dabai panag la yen ate tamolpein fidian n̄ai tuog paen na dumado wa. Tamolpein a on̄ n̄ai panag an, in̄ kumaen pempem yen yau san n̄upidinai a.

³ Kumaen pempem yen yau san man nek en. In̄ on̄ Anut kisaek o lian dulon̄ a, agod in̄ n̄ai Jesus Kristus on̄ dinag go n̄upalu yan dam dulon̄ a.

⁴ N̄ai urat fidian on̄ panag go n̄igane wo ubol en n̄igane itout a. An lo on̄ yan̄a tan en lo n̄abisa ya.

⁵ O Bai, wagam on̄ tan ta gane na dugo, on̄ n̄ai da girager ilalan̄ aman an lo tumado ya. N̄ai on̄sa na n̄amul n̄upalu gup, girager an fon panag da wa.

Jesus megeloum niņedi wo igudani

⁶ “N̄ai on̄sa fu mok, tamolpein a tan en lo sikatai go n̄ai panag en n̄ukubiaig dile ya. In̄ on̄sa la ya, an niņen o n̄ai panag a. Agog on̄sa ru an dam kagin dupani da.

⁷ Gamu in̄ dulon̄ uyanan ak, mel fidian on̄ n̄ai panag an on̄sa na ipalu ya.

⁸ Ru fidian n̄ai panag an in̄ n̄upidinaig, diņane ya. An lo in̄ dulon̄ fufei mok, n̄ai on̄sa nag n̄upalu ya, ago dugo on̄ n̄ai dinag go n̄upalu yan dam ilod lo rumok a.

⁹ Tamolpein nek an niņedi wo gadin̄ n̄igane da. Tan en san tamolpein fidian niņedi wo ta n̄usumiano na da. Tia, tamolpein ensauta a on̄ n̄ai panag an mi niņedi wo n̄umosiai da. Man dugo, in̄ on̄ane mok a.

¹⁰ Tamolpein a fidian n̄aisag man on̄sa ya, agod on̄sa man n̄aisag a. In̄ lo n̄ai yan̄ak tubun ak niņane ya.

¹¹ N̄ai tan en n̄ibiseip, on̄sa na n̄upalu wo da. Gug in̄ ete tan na dumado wa. O Bai, on̄ gun ak, on̄ane yan̄a dabai, nek n̄ai panag en, an lo idaned tamolpein kaginad gane dop, in̄ kisaek mi dumado wa, nek n̄ai on̄ da tumado dak ago mi a.

¹² Saen n̄ai dida mumado se man, on̄sa dabai panag an lo mi kaginad n̄igane na ya. Dumui igo won̄ n̄ai in̄ n̄ibalgiranai na yan lo, ta kisaek ideg yau man tia ya. Gug tamol a pitin̄inek san in̄ mi ideg yau a. In̄ ru ta on̄ane buk lo yen dan nuņon̄ ilasa wo ideg yau a.

¹³ “Gamu n̄ai on̄sa na n̄upalu wo da. N̄ai tan na n̄umado dugo, ru en fidian n̄abol dulon̄ dop, n̄aisag uyasusai in̄ ilod anuai a.

¹⁴ N̄ai on̄ane ru n̄upidinaig diņane ya. Ago dugo tan en san tamolpein in̄ lo siai digane da. Man dugo, in̄ tan en san tia ya, nek ibol n̄ai dam tan en san tia ago mi a.

¹⁵ N̄ai in̄ tan en lo pasai diau o ta n̄usumiano na da. Tia, ago dumado wa. Gug n̄ai igo n̄ugudano da, saen in̄ ente dumado

dop on bargiranai a. An lo Satan ipalu dop man, daon ipidinai san tia wa.

¹⁶ Nai tan en san tia ya, nek ago mi, in dam tan en san tia ya.

¹⁷ Onsa ru mi ru rumok. Onsa ru lo diraip gun dilasa.

¹⁸ Nek ibol on nai dinag go tan en lo nilasa yan ago mi, nai dam in njidiraig tan en san tamolpein lulunad lo diau a.

¹⁹ Nai in njibinawai o seg tinig njipiranig, an lo gun numado dop onane ilobol mi niri wa. Agop in dam gun dilasap, sed tinid dipirani dop onane ilobol diri mok a.

Jesus ilo rumok adi aenta niñedi wo igudani a

²⁰ “Nai megeloum en niñedi wo mi ta ngudano na da. Tia, mitep njidinaip, naisag ru dufulep tamolpein aenta dulong pe, ilod lo nai o rumok a. Tamolpein an niñedi wo dam ngudano da.

²¹ Nai ilog man, in fidian ilod kisaek mi dumado wa. On nai lo mado dak, agod nai dam on lo numado da, nek ago mi in dam id da sisem tumado wo ngudano da. Ago tap, tamolpein tan en san on nai dinag go npupalu yan ilod lo rumok a.

²² Onsa yan dabai da nai panag an in npupidinai la ya. Agop in ilod kisaek dumado wak, nek ibol on nai da tumado dak ago mi in dam dumado wa.

²³ Nai in lo numado dop, on nai lo mado wa. An lo nek ibol id ilod kisaek mi ak igo won, in dam ilod kisaek mok o namat da. Agop tamolpein tan en san on nai dinag go npupalu yan dulong a. Ago dop on naisag tamolpein niñedi wo umat dan, nai o umat dak ago mi gane yan, an dam tan en san tamolpein dulong a.

²⁴ “O Bai, nai ilog man igo ya, aben a ante nai numado wan, ante dam tamolpein a on murnap panag an nai dida mumado wa. Ago dop ante in naineg girager dam dile wo nsumiano da. Tan en tia lo on nai o umat go girager en panag a. Girager an in fidian dile wo ilog tubun mi ibol da.

²⁵ “O Bai, on itaota mok, gidad tan en san tamolpein on dulong man tia ya, ago gug nai on nalon a. Ago dugo naisag adi on nai dinag go npupalu yan dulong a.

²⁶ Nai onane fu kuai te in lo ngigane ilasa la yan, nek ago mi ngigane yau on a. An lo dop onsa ilo panek nai panag an in bused lo dirip yen a, agod nai dam in lo numado wa.”

18

Ager adi Jesus diabi a

Mat 26:47-56; Mak 14:43-50; Luk 22:47-53

¹ Jesus igudani itout go megeloum dida diaug, dog Kidron dututeg, aen ate abi oliv lo sasau ate dilasa ya.

² Aria, Judas, palan niganag tamol an, in sasau ante dumado se yan ilon a. Man dugo, Jesus inanen megeloum dida pem-pem sasau an ate dutumani da.

³ Judas imug mi pris gurman adi agod Farisi adi sad na yaug, tempel titianek aenkadi agod yu tamol adi dam inal o yau a. Agog in malan imug dugo fidian njen aban dirig yu, dumui, agod sul ago duburoug dida diau a. Agog aben a ate Jesus inanen megeloum dida dumado dan te dilasa ya.

⁴ Jesus mel fidian in lo ilasa wo dan ilon an lo, naod na isuk sinired na ilag irupudai, “An enti abanan abi di?”

⁵ In dubol, “Man Jesus, Nasaret tamol amaiak abanan mabi da.”

Agog Jesus ibol, “Nai nek ebe.”

Judas in ager adi Jesus ikubiai pidinai an dida ditur a.

⁶ Saen Jesus “nai nek ebe” ago ibol an, in dusuk dumul go tan na diau dudu ya.

⁷ Agog Jesus fon isumianai, “An enti abanan abi dak i?”

In ru naon durupe, “Jesus, Nasaret tamol ama ya.”

⁸ Agog Jesus irupudai, “Nai nrupaian la ya, nai nek ebo. Nai abanag abi wo tap, naineg megeloum en abisawaip diau.”

⁹ Ru gubak mi ago ibol, “Tamolpein a on nai panag an lulunad lo talpein kisaek ideg yau man tia ya.” Aria, gamu ru an nunon kuai te ilasa ya.

¹⁰ Agog Saimon Pita aban ago ileg, tinjaen saian go sabiri igursig, pris malan te yan san urat pinein ifunig, kududon won ak isubari idu ya. Pinein an yan Malkus.

¹¹ Gug Jesus ru dabai nam Pita irupe, “Onane sabiri aben lo usodu. Ak dugo, nai

gab lo njaluk o Bai ipanag en lo njaluk san tia ubol di?"

Jesus diabig pris malan te yanjan Anas an san na diau a

¹² Agog yu tamol adi, injsad gurman, tempel san titianek dida Jesus diabig, rasau nam dusubanig,

¹³ dida Anas san na diau a. Anas man Kaiafas niten. Kaiafas in anajar en san pris malan te yak imado ya.

¹⁴ Kaiafas in sen in Juda adi ago ibol irupudai la ya, "Gidad, tamol kisaek an mi imat dop, an lo tamolpein fidian muruan diñane san tia ya, ago man uyanan a."

Pita in Jesus ta ilon na ibol a

Mat 26:69-70; Mak 14:66-68; Luk 22:55-57

¹⁵ Jesus diñaneg diau dugo Saimon Pita in Jesus san megeloum taida Jesus patun fo diau a. Pris malan te yan megeloum an nug dulon ak ninen o megeloum an Jesus ida sisem ar ilon lo diladu ya.

¹⁶ Gug Pita in kitek asau mi ar awan te itur dugo malan igane se ya. Ago dugo megeloum a pris gurman ilon uyan an imul go ar awan te yaug, ar awan titianek pein an irupeip Saimon Pita inane iladu wo ago isumiani a. Ago tag pein an yaug Pita idinig, ar ilon lo iladu ya.

¹⁷ Ago gug pein an Pita irupe, "On man dag tamol emaiak san megeloum ta i?"

Ago dugo Pita ibol, "Nai man tia ya."

¹⁸ Aban madid tubun tinan ak ninen o pris malan te yak san urat pinein adi in tempel titianek adi dida, yai dutuni ak san midiger an tinid issue dugo, Pita dam yai an fun na tinin issue dugo dida dumado se ya.

Pris malan te yan Jesus isumiani a

Mat 26:59-66; Mak 14:55-64; Luk 22:66-71

¹⁹ Ago dugo pris malan te yan Jesus san megeloum ninedi wo isumiani dugo, ru pitenanek tamolpein ipidinai na yan dam ninen o isumiani se ya.

²⁰ Agog Jesus ru naon igo ibol, "Nai ru fidian tamolpein kuai te mi nurupidaig dulon na ya. Nal wei mi Juda sad tumanek aben lo, tempel lo dam, ante manau npitenanai se ya. Ru ta mianuk lo njabol man tia ya.

²¹ Fun an ninen o ata wo nai sumianag daki? Tamolpein ensauta a nai awag dulon an sumianai gup, nai awag aban dubol dugup ulon a."

²² Jesus ago ibol dugo, tempel titianek ta giranen na itur an Jesus kudanjan igufuteg ipei, "Dugo, on pris gurman malan te yan ru naon ago rupei an uyan ak i?"

²³ Jesus awan yabig ibol, "Dugo, nai ru saian njabol ak i? Ago tap, tamolpein en fidian rupidaip dulon. Gug nai ru rumok ak mi nrupei ak man, ata wo on nai funag ak i?"

²⁴ Agog Jesus banin dusubanig, diñaneg pris malan te yak neinta, Kaiafas dubol dan san na diau a.

Pita fon Jesus ta ilon na yak ago ibol a

Mat 26:71-75; Mak 14:69-72; Luk 22:58-62

²⁵ Saimon Pita yai tinin issued itur dugo, talpein ta dusumiani, "On dam tamol emaiak san megeloum ta boi i?" Pita itot go igo ibol, "Nai man tia ya."

²⁶ Pris malan te yak san urat pinein ta inanen turan Pita kududon isubari an imasag, Pita irupe, "Dugo, on nek emaiak in da ai oliv abi lo amado dugo njilian ak i?"

²⁷ Agog Pita fon itot an, kurek ibob kisaek on.

Jesus diñaneg, Pailat san na diau a

Mat 27:1-2,11-14; Mak 15:1-5; Luk 23:1-5

²⁸ Tidom lom mikinik anda Jesus diñaneg Kaiafas san ab dubuseig, dida gabman gurman malan te yak, yanjan Pailat dubol dan, in san gabman san ab lo diau a. Pailat man in Juda tia, in Rom tamol. An ninen o Juda adi ago dubol, "Kabelan in san ab lo tisidap mel ta tabi dop, Anut malan lo sed nun ipanad pe, an lo idsad tumanek Pasova en lo anan tani san tia banau."

²⁹ Ago tag in ab patun fo dutur dugo, Pailat kuai fo ilasag, isumianai, "An ata wo tamol an ru lo agane di?"

³⁰ Agog in ru naon igo dubol, "Tamol en kulob saian ak ta, ta igane na yak man, man onsa na minane mupalu san tia ya."

³¹ Agog Pailat irupudaig ibol, "An anane aup, an siganem kubiaen lo asumianip ale."

Gug Juda adi in durupe, “Ansam kubiaen lo man, man tamol mafu dumat san ninen o geg apanama da.”

³² Mel e ilasa yen, wagam Jesus in sen dal dugo won lo imat ak ninen o ibol an, gamu nunon kuai te ilasa ya.

³³ Aria, Pailat fon in san ab lo iladug, Jesus iwagig isumiani, “Ak dugo, on Juda sad kin ak i?”

³⁴ Agog Jesus ru naon irupeig ibol, “An dag onsigane ilo sou lo ubol di? Tia, tamol ta ibol ulon go ate ubol di?”

³⁵ Pailat awan yabig ibol, “On naji Juda ubol di? Onsigane warou adi in pris gurman adi dida dibiog, naji banig lo diginio ya. On muruan naon dugo gane yak i?”

³⁶ Jesus ru naon irupe, “Rumok, naji kin numado da, ago gug naji tan en san tia ya. Naji tan en san kin dop man, gamu naisag turag muroug dumasap, ager diganep, Juda adi naji dibiag san tia wa.”

³⁷ Ago tag Pailat irupe, “Dugo, onse on kin ta ago ubol di?”

Jesus ru naon irupe, “Onse nek a ubol da. Naji kin ta, naji tan en lo ru rumok ak nabol ilasa wo nupalu ya. An lo ta in ru rumok san man, in naisag ru ilon dop ru an iganuri wa.”

Pailat Jesus aigim fo dubali wo ibol a

Mat 27:15-31; Mak 15:6-20; Luk 23:13-25

³⁸ Pailat awan yabig isumiani, “Ru rumok en ata mel ak i?” Agog fon ab patun fo ilasag, Juda adi naod na itur dugo irupidai, “Nai in lo saian ta njile man tia ya, an lo an ru apani san man fun an tia ya.

³⁹ Gug Pasova tumanek san nal lo, ansganem kagin anajar kisaek lo agane dan, tamol kisaek subanek lo npasip npunan a. Ago yak ninen o an Juda sam kin en npasip npunan o abol di?”

⁴⁰ In fon disasaig igo duwagin, “In tia ya, gidad Barabas mi pasi panama!” Barabas in ager san tamol, imug Juda adi aenta Rom gabman diabi idu wo yu diabisa ya, ago dugo in lulunad lo Barabas imado ya.

19

¹ Ago man Pailat ibol dugo, in san yu tamol adi Jesus dinaneg lubum nam dufuni a.

* 19:13: Jas

² Yu tamol adi mel bukorkor igo dudurun anda yak ditiladeg, kabunan fo disisi idu dugo, yamel daran ak nam tinin dubuluwi a.

³ Agog Jesus siniren na diau dumul dugo, kukokan diganeg naon dufuteg dupeig dubol, “Per o, Juda sad kin!” In ago dubol dugo in naon dufuni se ya.

⁴ Ago gug Pailat fon naod na kuai te ilasag, ibol irupudai, “Ale, naji in san saian ta lo muruan isini san njile man tia geig a. An ninen o naom na kuai te njigane ilasa da.”

⁵ Jesus gumuran fo kam dudurun anda gubak mi ditilade yan disisi idug, yamel daran ak tinin fufo yen dugo, kuai te ilasa ya. Agog Pailat ibol, “Ale, tamol en nek ebo ya!”

⁶ Ago gug pris gurman adi in tempel san titianek adi da Jesus dileg duwagin go dubol, “Aigim fo abali mok abali!”

Gug Pailat ru naon irupidai, “Nai in lo saian ta njile man tia geig a. Ago yak ninen o ansem anane aup, aigim fo abali.”

⁷ Ago tag Juda adi igo dubol, “Man sama kubiaen ta yen dan lo man, in imat mok a. Man dugo, in Anut Nanun mok ago ibol a.”

⁸ Pailat ru ago ilon go, ilon tubun mi irer se ya.

⁹ Ago tag Pailat in fon Jesus ida ab lo diladug isumiani, “On sauta mok a? Onse fu ubol pe nalon.” Gug Jesus ru naon ta irupe man tia ya.

¹⁰ Agog Pailat ibol, “On ata wo naji awag ta wabi na dak i? Ulon, naji dabai ag da ya. Nupasaso wo nabol tap, npasaso wa. Tia, aigim fo nie bani nubali wo nabol tap, nubali wa. On naisag fug ta ulon na yak i?”

¹¹ Jesus ru naon igo ibol, “Anut dabai ipanog lo on ka naji bilag ndu san. Tia dop, on mel ta saian ak giniag san dabai ama tia ya. Fun amaiak ninen o, tamol a naji on tuo lo iginiag an, in san aupasek onsa aupasek en irinani a.”

¹² Pailat ru an ago ilon tag, irut irer saian geig go, Jesus ipasi wo dal an aban yabi se ya. Gug Juda adi disasai duwagin dugo dubol, “On tamol en pasip yau tap man, on Kaisa turan tia geig a. Tamol ta in sen kin ak ibol dan man, Kaisa naon dal ifou da.”

¹³ Pailat sisein tubun mi ago ilon tag, iladug, Jesus kuai te iganeg ilasa. In ru tulek tamol* san badim fo imasi a. Aben an yanan Pat Aten dubol da, Hibu ru lo Gabata dubol da.

¹⁴ Gamu man tumanek tubun san anan kubunek nal idu wo da.

Ad titinaem mi dugo Pailat Juda adi igo ibol irupidai, “Ale, ananem kin nek ebo ya!”

¹⁵ Gug Juda adi igo dubol duwagin, “Ganep ideg yau! Ganep ideg yau! Aigim fo bali!”

Ago tag Pailat isumianai, “An nai ananem kin aigim fo nibali wo abol di?”

Agog pris gurman adi ru naon igo dubol, “Man kin taida man tia geig a. Kaisa sen kisaek o lian mi a!”

¹⁶ Pailat ru ago ilon tag, Jesus aigim fo dubali wo ipidinai a.

Jesus aigim fo dubali a

Mat 27:32-44; Mak 15:21-32; Luk 23:26-

43

¹⁷ Agog Pailat san yu gurman adi Jesus dinaneg, insinanen aigim isinig, dida Jerusalem dibiseig diaug, aen ate tan binabon ta, yanan “kabunan kapen san aben” dubol dan ate dilasa. Hibu ru lo yanan Golgota dubol da.

¹⁸ Aben ante Jesus aigim fo dubali a. Nal an lo tamol uraru an dam in Jesus ida sisem dubalai a. Uraru an giranen ananaem dubalai idu dugo, Jesus in titinae mi dubali a.

¹⁹ Aria, Pailat ai lapan fo girek ta ago ibol igire, “Jesus Nasaret tamol, in Juda sad kin.” Girek an aigim gumuran fo dubali a.

²⁰ In Hibu, Latin, Grik ru lo igire ya. Aben a Jesus ate dubali an man Jerusalem giranen na ya, an ninen o Juda wei mi girek an dusuti se ya.

²¹ Man ninen o Juda sad pris gurmadi Pailat igo durupe, “On Juda sad kin ago ubol gire umoi. Tia, ‘tamol en insen nai Juda sad kin ibol’ ago mi gire.”

²² Gug Pailat ru naon igo ibol, “Mel nai ngire yan nai ngire ya. Nek ago mi yen a.”

²³ Yu tamol Jesus aigim fo dubali la gug, tinin fufo inanen yamel kulos an digalai idug, anen anen duburoug malan iwoiwo didiri a. Kulos ta fidian mi, awan ta duwei na ya,

²⁴ an ninen o ago dubol, “Id en ta tisire na wa. Tia, en yen dop, id ate satu takok dop, ta in isinani tap inane wa.” Yu tamol kulob a digane yan gubak mi ru girek lo yen amaiak nunon digane ilasa ya. Girek ago ibol,

“In naisag kulos duwaeg disini gug,

kulos ta awan fidian man ate satu dukok a.”

An lo yu tamol adi ago digane ya.

²⁵ Jesus tinan, inanen tein, Maria Klopas iwon, Maria Magdala san pein, pein iwoiwo yan in Jesus san aigim fun na sumeik mi dutur a.

²⁶ Aria, Jesus tinan ile, megeloum a in o imat dan tinan da sisem dutur dugo yil tag, tinan irupe, “Nei, onane nanuk ule!”

²⁷ Agog fon megeloum an irupe, “Ule, an onane tina.” Ago tag nek nal antem megeloum an tinan Maria inaneg ida sen nuab lo diaug, kaginan igane se ya.

Jesus imat a

Mat 27:45-56; Mak 15:33-41; Luk 23:44-

49

²⁸ Aria, Jesus insan urat fidian iganeg itout an ilon go, Anut anen ru girek ta wagam yen an nunon ilasa wo igo ibol, “Nai you o nmat da.”

²⁹ You kapen ta wain gigen aman da yak lo yen a. Ago tag mel ta beig san titalin ago yak dinaneg, wain gigen an lo disominig, ai ate dufoug, duwate isidag, Jesus awan lo diganeg, isupupi.

³⁰ In an itunali gug igo ibol, “Itout a.” Ago ibol go gumuran imagor paon fo idu dugo ntun ibiseig ilasa ya.

³¹ Nal a Jesus imat o man, soubul dukubune san melmel digane se ya. Sabat nal idu wo sumeik dan in nal tubun mok a. Ago tag Juda adi tamol utol an susanudi aigim fo dien san dumoi. Man ninen o diaug, Pailat igo dusumiani, “On ubol pe yu tamol aenta dinaip, njed dubalsisinip, ririan dumat dop, susanudi ka dupasai idu wa.”

³² In awok ibol tag, diaug, tamol uraru Jesus giranen na dubalai an mi njed dubalsisinig dumat a.

³³ Ago gug Jesus dile yak man, in imat la yan ninen o dumoig, nien ta dubalsisini na ya.

³⁴ Gug yu tamol kisaek yu injaneg, yaug, isou isidag, Jesus giranjen isowae dugo, you dar da sisem dudu kisaek onj a.

³⁵ Talpein enti, injsan leil lo melmel e ilasa yen fidian ninedi wo kuai te ibol ilasa yen, injsan ru an rumok geig a. In ru rumok mi ininjen da, ago dugo in ru rumok ak mi ininjen dan ilonj da. Ru e igire den, an Jesus o ilom lo rumok san ninjen o igire da.

³⁶ Mel e gamu ilasa den man wagam Anut girek lo ibol ak ago mi nunjon igane ya. Ru an igo ya, "Injsan tatu ta kisaek dubalsini man tia ya."

³⁷ Agod ru taidam igo ya, "Tamol a yu nam disowae an leil dupani wa."

Jesus san sisanun pat gubaran lo digane a

Mat 27:57-61; Mak 15:42-47; Luk 23:50-56

³⁸ Gurai idu dugo Josef, Arimatea panu san tamol an Pailat san na yaug, Jesus san sisanun inane wo isumiani. Josef dam in Jesus ilon lo rumok a. Ak man Juda ninedi wo irer an ninjen o ilon lo mi imianuk onj itor se ya. Pailat awok ibol tag, Josef imul yaug sisanun an inane ya.

³⁹ Nikodemus, in wagam tidom ta lo Jesus san na yau amaiak, gamu gurenj mumalun uyanan ak isinig ipalu ya. An san muruan kitek 30 kilogram igo wonj a.

⁴⁰ Juda sad kagin lo Jesus tinin gurenj nam diamisig, yamel dam gurenj diabig, ate sisanun dubuluwig, dufoug, disare wo disini diau a.

⁴¹ Aben a Jesus aigim fo dubali an, giranjen na sasau aben ta sumeik yen da. An ate pat gubaran dukubuneg yen da, pat gubaran an gamugo tamol ta ate disare ya.

⁴² Nal an Juda adi sad tumanek tubun ak melmel dukubune san nal sumeik a. An ninjen o tamol uraru an Jesus sisanun aben ante digane ya, man dugo, mutou an sumeikan yen a.

20

Jesus fon kumaen imasa da ya

Mat 28:1-8; Mak 16:1-8; Luk 24:1-12

¹ Sabat nal* itout go urat nal malan te an lo† Maria, Magdala pein an abanj mikinik anda mutou fun na yau. In yaug pat gib

awan ate dubalfutani an, itubuluk gigin na yaug yen dugo ile ya.

² Ago tag inj imaspalug, megeloum uraru, ta Saimon Pita, ta a Jesus ninjen o imat an, sad na yaug irupudai, "Idsad Tubun en dijaneg diau a. Dugon te digane man man ta malonj na ya, mutou an kawan yen da."

³ Ago tag Pita inj megeloum an da aben an dubuseig, dumaspalug, mutou fun na diau a.

⁴ Uraru an sisem dumaspalug, diau ak gug, megeloum an inj Pita naon yabi irinjanig, inj inug mutou fun na ilasag,

⁵ gib lo iyep ak man yamel kilaken linen nam diwei an mi yen dugo ile ya. Gug in mutou ilon lo ta iladu na ya.

⁶ Saimon Pita murna ipalu ilasag, pat gubaran ilon lo iladug, yamel kilaken a linen nam diweig ate Jesus dubuluwi an mi ile ya.

⁷ Ago dugo yamel milaen ate kabunan dutuani an dam kitek asau mi yen dugo ile ya. Yamel an dulumu ak sen kisaek yen dugo, linen kilaken man kitek asau mi yen dugo ile ya.

⁸ Agog megeloum a imug yaug ilasa yan, in dam pat gubaran ilon lo iladug, abanj nek ago mi ileg, ilon lo rumok a.

⁹ Nal an lo man injsinan megeloum Jesus matenj lo imasa san ru Anut san buk lo yen an gamugo dulong a.

Jesus Maria Magdala pein an naon na ilasa ya

Mat 28:9-10; Mak 16:9-11

¹⁰ Agog megeloum uraru an dumul go aben dumado dan ante diau a.

¹¹ Maria fon imul go mutou awan te itatad itur gug, itakoksig gib lo iyep go,

¹² enjel uraru kulos milkouk geig ak amad da sisanun yen ak aben na dumado dugo yil. Neinta njen na imado dugo, neinta gumuran na imado dugo ile.

¹³ Uraru en Maria durupe, "Nei, onj ata wo tata di?"

Inj irupidaig ibol, "Naisag Tubun en digam go dugon te digane yak man naj ta njalonj na ya."

¹⁴ Inj ago ibol go idansa man, Jesus itur dugo ile. Gug in Jesus sen itur dan ta ilonj na ya.

* 20:1: Sarere † 20:1: Sande

¹⁵ Jesus irupei, “Nei, oŋ ata wo tata di? Enti abanŋan wabi di?”

Maria ilon lo tamol en sasau an san titianek tamol ta ibol go isumiani, “Tubun en, oŋ ŋaneg dugon te sini wau an, rupaiaŋ pe, ŋaup ŋiŋane wa.”

¹⁶ Jesus awan yabig ibol, “Maria.”

Maria idanŋasag, Hibru ru lo iwagiŋ go ibol, “Rabboni!” (Ru an fun man: girek manŋau.)

¹⁷ Maria Jesus yabi wo igane dugo iŋ imoig ibol, “Oŋ ŋai biag umoi, man dugo, ŋai Bai san na gamugo ŋau da. Ak man oŋ waup, teig taog ŋai ago ŋabol ak ubol rupudai, ‘Ŋai lak na Bai san na ŋamul ŋau o da. Ŋaineg Tamag en anŋsam Tamami, ŋaineg Anut en, anŋ dam sam Anut, amaiak san na ŋamul ŋau o da.’ ”

¹⁸ Man niŋen o Maria Magdala pein an yaug, megeloum irupudai, “Tubun en ŋile la ya!” Agog Jesus san awan aban an dam irupudaig duloŋ a.

Jesus megeloum naod na ilasa ya

Mat 28:16-20; Mak 16:14-18; Luk 24:36-49

¹⁹ Nal nek a ubou guraian megeloum iŋ Juda niŋedi wo direr go, ab lo dumado dan dalawan fidian dufutanai idug, ilon lo mi dumado dugo, Jesus luluŋad lo ilasag, itur dugo igo ibol irupudai, “Anŋ maror am da amado wa.”

²⁰ Iŋ ago ibol dugo, banin giranŋen dam ikubiai pidinai a. Agog megeloum iŋaned Tubun en dile yak niŋen o uyasusai tubun mi digane ya.

²¹ Jesus fon irupudai, “Anŋ maror am da amado! Bai ŋai idinag go tan na ŋupalu ya, nek ago mi ŋai anŋ ŋidiranŋ pe, urat lo au a.”

²² Iŋ ago ibol dugo, ur iwi pidinaig, igo ibol, “Ŋai Urgun ŋupanŋ da.

²³ Anŋ tamolpein iŋaned aupasek apare idu dop man, Anut dam aupasek an ipare idu wa. Ak gug anŋ iŋaned aupasek ta apare idu na dop man, Anut dam ta ipare idu na wa.”

Tomas Jesus ile ya

²⁴ Aria, nal a Jesus megeloum sad na ipalu yan Tomas, iŋ yaŋan neinta Didimas, iŋ dida ta dumado na ya.

²⁵ Murna gug Tomas ipalu dugo megeloum aenta durupei, “Manŋ Tubun en

mile la ya.” Gug Tomas igo ibol irupudai, “Ŋai ilog lo ta rumok na ya. Ŋaiseŋ banin bitaten ŋilep, banig yaup, giranŋen dam yu aben ŋusuep ŋile gup man, ŋai ilog lo rumok a.”

²⁶ Murnag nal 8 yau gug, megeloum Tomas dida sisem ab lo dumado yan, dalawan dufutanai pasi ak gug Jesus fon ipalug, luluŋad lo itur go ibol, “Anŋ maror am da amado wa.”

²⁷ Agog iŋ Tomas irupei, “Oŋane bani wate ipalup, banig aten wabi ule. Ago dop bani wate ipalup giranŋeg dam suep ule. Oŋ ilo uraru mado umoi. Ilo kisaek ŋai o mi ilo lo rumok a.”

²⁸ Ago man Tomas ru naon igo ibol, “Oŋ ŋaineg Tubun en, ŋaineg Anut mok a!”

²⁹ Agog Jesus irupei, “Oŋ ŋai liag an niŋen o ilo lo rumok a. Gug ta iŋ ŋai ta diliag na gug, ŋai o ilod lo rumok an, bar iŋaneg imado da.”

Girek en san fun

³⁰ Jesus iŋ kulob girager aenta wei mi megeloum naod na igane idu se yan, girek en lo ta yen na da.

³¹ Ago gug girek e yen la yen anŋ ale dop, an lo Jesus iŋ Kristus, Anut Nanun, an mi anŋ ilom lo rumok o ŋigire ya. Agop anŋ iŋ o ilom rumok an lo, iŋ yaŋan lo kumaen pempem yen san anŋane wa.

21

Jesus megeloum 7 naod na ilasa ya

¹ Kitek murnag Jesus fon iŋanen megeloum adi aenta naod na kuai isi dugo dile ya. Mel an igo ilasa ya.

² Jesus san megeloum aenta, sed naod na Galili distrik lo dumul diau a. Iŋ yaŋadi en: Saimon Pita, Tomas, yaŋan neinta Didimas, Nataniel iŋ distrik Galili san panu Kana tamol, Sebedi nanun uraru, megeloum uraru taida mi sisem you saltek Tiberias san loŋ ante dumado ya.

³ Loŋ na dumado dugo Pita irupidai, “Ŋai iy o ŋau wo da.” Ago tag aenta durupei, “Id sisem tau a.” Iŋ diaug, wog lo dusuda gug, tidom an lo iy ta kisaek diŋane man tia geig a.

⁴ Salso idug ad isida wo itor dugo, megeloum adi wog lo urat digane se yan,

tamol ta lonj na itur dugo dile. Ago gug tamol an Jesus boi, an ta ilod isou na ya.

⁵ Agog Jesus igiai, “O turag muroug, anj iy amam da i?”

Inj awan diabig dubol, “Manj iy tia ya.”

⁶ Inj fon igiaig ibol, “Anj iy dob an wog giranjen won ak lo abili idup, iy anjane wa.” Ago tag inj ibol ak atem ago digane ya. Agog dob an iy awan isag, muruan kasik, diraep isuda san tia ya.

⁷ Agog megeloum kisaek a Jesus ninjen o imat dan, inj Pita irupei, “An idsad Tubun ak injen.” Ago dugo Pita ru a “idsad Tubun ak” ago ilonj tag, urat kulos igali idug yen an fon kulos uyan ak idirig, you lo isokalik idug, Jesus san na yau.

⁸ Gug megeloum aenta inj wog lo dumado yan dufulanig, dob iy aman da yan diraeg lonj na dupalu se ya. Inj lonj na asau mi dumado man tia ya, tia, inj kitek 100 mita igo ya.

⁹ Inj dupalug, lonj na dusuda man, inj iy ananj bret da yai fo dien dugo dil a.

¹⁰ Agog Jesus irupudaig ibol, “Iy gamu anjane yen ta igo asini apalu.”

¹¹ Ago tag Saimon Pita wog lo isudag, iy dob iraeg ibili lonj na isuda ya. Iy tutubu yak wei mok dob lo disudag anuai an, sad sutek lo 153 igo ya, ago gug dob kitek imasirei man tia ya.

¹² Agog Jesus irupudai, “Apalup ananj ani.” Megeloum ta “onj enti?” ago ibol isumiani wak man ninjen o direr a. Man dugo, inj fidian tamol an Jesus injen an dulong uyan a.

¹³ Agog Jesus ipalug, ananj bret injaneg, iwaeg ipidinai dugo iy dam ago mi igane ya.

¹⁴ Aria, Jesus mutou lo imasag injanen megeloum dile man saen uraru ya, ago mi gamu en saen taidam fon lonj na dile ya.

Jesus san sipsip Pita ifutuwai o ibol a

¹⁵ Dunuai itout gug Jesus Saimon Pita irupei, “Saimon, Jon nanun, onj nai ninjeg o umat den, melmel aenta e ninjedi wo umat den irinjanai geig i?”

Agog Pita ibol, “Tubun en, onj ulonj ak, naj onj o njamat mok a.”

Agog Jesus ibol, “Onj njaineg sipsip nanudi futuwai panag.”

¹⁶ Agog Jesus fon ibol, “Saimon, Jon nanun, onj nai ninjeg o umat mok di?”

Pita ibol, “Tubun en, onj ulonj ak, naj onj o njamat da.”

Agog Jesus fon ibol, “Onj njaineg sipsip kaginad gane.”

¹⁷ Agog Jesus fon irupeig ibol, “Saimon, Jon nanun, onj nai ninjeg o umat di?”

Pita Jesus isumiani utol ak ninjen o ilon tubun mi muruan go igo irupei, “Tubun en, onj mel fidian ulonj pasi a, an lo onj ulonj uyan ak, naj onj o njamat da.”

Agog Jesus irupei, “Onj njaineg sipsip futuwai.”

¹⁸ Nai ru rumok njurupaio da. Imug onj utor na man, let onse lua te fou ya. Agop dugon te wau o ilo ibol an ante mi wau da. Ak man murnap onj tamol saiak gane gup, bani wate dop, tamol sen ak ta onj lua te let ifou panop, aben onj ate wau o ilo imoi an, ante dinjilio wau a.”

¹⁹ Jesus ru a Pita irupei an man, murnap Pita dal dugo wonj lo imat pe Anut yanjan yabisa san, ikubiai pani amaiak ninjen o ibol a. Ru ibol itout go fon irupei, “Onj palup, njieg aban uri wa!”

²⁰ Agog Pita idansag, megeloum a Jesus ninjen o imat dan, patun fo ipalu dugo ile. Megeloum nek emaiak gubak mi Pasova tumanek san ananj diani san nal lo, Jesus ida sisem dunuai dan, inj Jesus titiren fo isapek go isumianig ibol, “Tubun en, enti mok onj ager banid lo ibilo lasa wak i?”

²¹ Pita ile dugo Jesus irupei, “Tubun en, tamol en ninjen o dugudo wak i?”

²² Jesus awan yabig irupei, “Isop inj imado yaup saen naj fon njupalu wak ago ilog yen tap, an onsa mel ak i? Onj masap naj ganurag a!”

²³ Ago tag ru an ifurak go megeloum fidian lo yaug, dulong gug Jesus ru ibol an awan dusupaleg, “Megeloum an ta imat na wak ago Jesus ibol an,” ago dubol a. Ak gug Jesus ago ibol man tia ya. Inj nek igo ibol, “Isop inj imado yaup saen naj fon njupalu wak ago ilog yen tap, an onsa mel ak i?”

²⁴ Megeloum nek emaiak mel an fidian ile ilonj go, gamu ru en igire da. Agod id talonj uyan ak ru e igireg ifulale yen ru rumok a.

Ru wadan

²⁵ Aria, Jesus kulob aenta wei mi igane idu ya, ago gug fidian girek en lo tia ya. Man dugo, ɲaisag ilo sou igo ya, ru an fidian digire wo tap man, girek a digire yan fidian tan en lo didirip aben mi tia wak ago ilog isou da.

Aposel

Jesus Urgun igane ipalu wo ibol a

¹ O Tiofilas, ηaisag buk malmalan ηigire man, melmel fidian Jesus fun igane dugo tamolpein ipitenanai na yan ninen o ηigireg yaug,

² saen ibisawamag Anut giranen na yau an san ninen itout a. Gamugo imat dugo Urgun san dabai lo aposel ipilianai an ru kagin irupidaig dulon a.

³ Agog inſen mateη lo idug, fon kumaen imasag nal 40 ilon lo saen wei mi tamol amaiak naod na ilasa se ya. Saen an lo in kumaen imado amaiak dal wei mi lo kuai te ikubiai dile ya, an lo in ilod lo rumok a. Ago dugo Anut san kagin panek* ninen o dam irupidaig dulon a.

⁴ Nal ta in inanen megeloum dida dutumanig anan diani dugo, ru kagin en irupidai, “Jerusalem ta abisei na wa, tia, lou panek a ηaineg Bai an anane wan inſan promis ipanan an ilasa wo malam agane gup anane wa. An gubak mi ru promis an ninen o ηai ηabol ilasa se yan alon la ya.

⁵ Jon you nam fulanek ipidinai se ya. Gug nal wei tia dop, an Awan Urgun nam fulanek anane wa. Agop Urgun san dabai an da wa.”

Anut Jesus inaneg, lak na yau a

Mak 16:19-20; Luk 24:50-53

⁶ Nal ta saen in Jesus dida dutumani man, aposel adi dusumianig dubol, “Tubun en, dugo, on gamu en man Isrel tamolpein fon tumanama wak i? Ago dop manſiganema kin kagin ipanama wak boi, nek ibol wagam Dawid san saen lo igane yak igo won a.”

⁷ Ago tag awad yabig ibol, “Mel ilasa wak san saen, agod ata nal mok ate mel an ilasa wan Bai inſen ilon nam igansi la ya, ak gug ansem mel an san saen alon san ninen o ilon ta yen na da.

⁸ Gug saen Urgun an tinim fo idu dan, an dabai anane dop Jerusalem, Judea, Sameria na, agod tan titin wadan fidian lo dam

anjanem manau ηai nineg o an tamolpein naod na abol ilasa wa.”

⁹ Ago ibol go itout an aposel malad lo mi tan ibiseig, isidag, timtaen lo imianuk dugo dile san tia ya.

¹⁰ Jesus ibisawai dugo malad ti ibol go isudag keit lo aban dile man, tamol uraru biouη milkouk didiri ak dilasa kisaek on go, giraned na dutur dugo dil a.

¹¹ Agog dubol, “An Galili tamol, ata wo ente atur dugo malam keit lo isida dak i? An Jesus ibisawan go kumaen panu na yau an ale ya. Jesus nek emaiak yau ago mi dal nek kisaek an mitep afon lo imul ipalu dop ale wa.”

Mataias Judas aben inane wo dupiliani a

¹² Agog aposel adi Did Oliv dibiseig, dumul Jerusalem na diau. Dal an kilomita kisaek igo won.

¹³ Jerusalem na dilasag, ab a lo dumado dan san galun ta lak na yak lo disida ya. Tamol saen an lo ante dumado se yak yanadi:

Pita, Jon, Jems in Andru da, Filip in Tomas da, Bartolomiu in Matyu da, Jems Alfeus nanun, Saimon, tamol a Rom gabman paen na imado wo imoi dan, agod Judas Jems nanun.

¹⁴ Tamol an pempem dugudani wo dutumani se ya. Jesus tinan Maria, in pein aenkadi, agod Jesus tein muroun dam dida dutumani a.

¹⁵ Nal ta saen an lo ilo rumok adi dutumanig, nunod 120 igo won dugo, Pita imasag

¹⁶ ibol, “Teig muroug, ru en alon, wagam Urgun Dawid awan lo Judas ninen o ibol ak nunon ilasa ya. Judas Jesus san ager inal go, dal ikubiai dileg dida diaug Jesus diabi a.

¹⁷ Judas dam in aposel urat igane wo Jesus ipiliani a, in dam nek id igo mi a.”

¹⁸ (Inſiganen sewak naon moni dupani an nam tan kilaken ta idad inane ya. Atna yau idug, luan ipuk go tinan igulani idu ya.

¹⁹ Agog ru en Jerusalem ilon lo tamolpein fidian dulon tag, in tan an muroud ru lo Akeldama dubol da. Yanak an fun: dar san tan.)

²⁰ “Isrel sad bar san buk lo ru igo digireg yen da, ‘Inſan ab an tubabun a.

* **1:3:** Kingdom

Talpein ta ifun san tia ya.’
Bar neinta buk an lo yen dan dam igo ibol:
‘Tamol sen ta aben injanep, inſan urat
awan igane wa.’

²¹ “Ago yak ninen o tamol ta tipilianip Judas aben inane wa. Tamol a saen fidian id Jesus da tator dugo in dam dida tator na yan mi titarpasaip luluſad lo tamol kisaek tipiliani wa.

²² Agop id tamol dugon fun lo Jon fulanek igane dugo ida tator go ipalug saen Jesus ibisawad an mi ka tipiliani wa. An lo saen id Jesus fon kumaen imasa dugo tile yan san ru tamolpein turupidai dan, tamol a tupiliani dan luad isap, urat an id sisem tigane wa.”

²³ Agog tamolpein a dutumanig dumado dan in tamol uraru yaſad dupate ya. Ta Josef, tamol an Barsabas dubol da. Ago dugo yaſan neinta Jastas. Agod ta man yaſan Mataias.

²⁴⁻²⁵ Uraru an ninedi wo gadiſ lo Jesus igo dusumiani, “Tubun en, oſ tamolpein fidian ilod ulon. Ago yak ninen o tamol uraru en dugon Judas aben injanep aposel urat igane wo pilianip kubiai panama. Man dugo, Judas aben a inſan mok an lo yau wo inſan aposel urat ibisei a, agog gamu inſan urat an awan kawan yen da.”

²⁶ Dugudani itout, agog pat kititik fo Mataias Josef da yaſadi digire ya. Pat an disinig gab lo didiri. Ago gug gab an dukudumsig, pat fo Mataias yaſan yen an inug idu ya. Ago tag Mataias aposel 11 an luad te diganeg, dida urat digane ya.

2

Urgun idu ya

¹ Pentikos nal idu, agog ilo rumok adi fidian dupalug, kisaek mi dutumanig dumado dugo,

² liliſan ta nek ibol tim tubun geig ifure dak igo woſ ab lo dumado dan ilon lo isaldug ilon igane itau.

³ Agog mel ta yai balen wei mi igo woſ dufurak diaug tamol a dumado yan gurmada fo ided ided yau dugo dile ya.

⁴ Tamolpein fidian Urgun ilod injanefuteg an lo Urgun dabai ipidinai an fom in anen

anen tamolpein sen ak sad muroud ru funfun lo diſinſe se ya.

⁵ Aria, saen an lo Juda tamolpein gob sad tan fidian lo dumado dugo, ante Anut ubou an dile na yan tan an fidian dibiseig Pasova tumanek san anan diani wo Jerusalem na diaug dilasag dumado se ya.

⁶ Saen liliſan an duloſ man, Juda tamolpein wei mi dususag dutumani a. Fidian dupalu yan anen anen inſiganed muroud ru lo aposel adi diſinſe dugo duloſ se ya, ago man in fidian durut saian geig a.

⁷⁻⁸ Ago dugo dumasa saian go sed nug dusumiani, “Tamol diſinſe dan fidian Galili tamol ak gug, en dugo woſ dugo id fidian idsad muroud ru anen anen talon dak i?”

⁹⁻¹¹ Id fidian tan asau ak sensen lo tupalu ya. Gug Anut mel tutubun igane yak id anen anen idsiganed muroud ru lo dubol dugo talon da. Id aenkadi Patia, Media, Ilam na, agod aenkadi Mesopotemia, Judea, Kapadosia na tupalu ya. Aenkadi Pontas, Esia na, agod aenkadi Frisia, Pamfilia na dupalu ya. Aenkadi Igipta na, agod Libia san tan kilaken aenta Sairini giranſen na, agod aenkadi Rom na dupalu ya. Aenkadi Juda mok, go aenkadi man Juda tia gug Juda sad ubou lo diau da. Agod aenkadi Krit na, aenkadi Arebia na dupalu ya. Id a fidian tupalu yan idsed awad anen anen talon da.”

¹² In fidian dumasa saian go ilod weiwei geig se ya, ago dugo sed nug dusumiani, “Kulob en san fun mok dugo mok ak i?”

¹³ Gug aenkadi aposel adi kukok ad diganeg dubol, “Tamol en nag wain tubun mi duluk boi.”

Pita tamolpein malan tubun ak ru irupidai a

¹⁴ Ago dugo Pita aposel 11 dida dumado yak imasag, awan tubun mi awad yabig ibol, “An Juda tamolpein, agod an fidian Jerusalem na amado dan, kudom agure uyanan pe, mel en fun nſulale dop alon a.

¹⁵ Tamol emaiak wain duluk abol den ta duluk na ya. Tia, gamu man 9 klok tidom lo mi a.

¹⁶ Ak ninen o kankan agane. Aban e ale den wagam profet Joel igo ibol:

- 17 “Anut ibol, ‘Saen wadan ipalu wo sumeik dop,
 ηai ηaineg Urgun tamolpein fidian sad tinid fo ηuwali idup diηane wa.
 Nanuk tamol ak, iη nanuk pein ak dam profet ru dubol ilasa wa.
 Ananem pinein foudi ak malad ηutun dile wa.
 Ananem tamol busumadi ak ηionη lo ηionamin diηane wa.
- 18 Saen an lo dop ηaisag urat pein, urat tamol dam, tinid fo ηaineg Ur ηuwali idup diηane wa.
 An lo dop iη dam profet ru dubol ilasa wa.
- 19 Nai keit lo kulob girager naon sensen ηigane wan ηukubiai ale wa.
 Ago dop tan na dam kulob tutubun sensen ak kob igo wonη ηigane dop ale wa.
 An man dar, yai, agod yaikas malan bilkas nunon ak ilasa wa.
- 20 Ad iηsan naon ibilisap tidom on ilasa dop, kalam dam malan ibilisap, daran pe dar on ilasa dugup,
 Tubun en san nal tubun ak girager anda idu wa.
- 21 Ago dop tamolpein ensauta a gadiη lo Tubun en ibinawai o duwagiη dan, iη tamolpein an fidian patud ipasi wa.’
- 22 “O Isrel tamolpein, kudom agure! Anut anη naom na ikubiaig ale yak, iη Nasaret tamol Jesus an uyan ipani a. An dugo wonη i? Anut sen kulob girager agod urat dababai funfun kob igo wonη tamol an lo idiri dugo ale na ya. Melmel an anη luluηam lo tamol an tuon lo dilasa dugo anη an fidian alonη a.
- 23 Wagam mok Anut ilonη uyanan ak, Jesus anη banim lo yau a. Anηsem tamol saiadi ak dida atumanaig anη iηsad binawek da Jesus aigim fo abali a. An anη mitep ago agane wo yan Anut wagam mi ilonη uyanan a, man dugo, iη ilonη nek ago yen a.
- 24 Gug materη Jesus yabituani san tia tag Anut iη ifufunig, fon kumaen imasag materη san madai tuon lo ipasi a.
- 25 Wagam mi Dawid sen dam Jesus ninen o igo ibol,
 ‘Tubun ak pempem mi ηai naog na itur da, an ηai ηile da.

- Iη ηai siηireg na imado dugo dabai ipanag dan lo,
 tamolpein ηai dimiriranag san tia ya.
- 26 Ak ninen o ηai ilog tubun mi uyan dugo ηai awag, ru ilo uyan san ibol ilasa da.
 Nai tinig dam onη binawag an mala nouk lo mi ititiano imado da.
- 27 Man dugo, onη ηaisag ηutug Ades lo biseip ante ta yen na wa.
 Onη onηane Tamol Gun ak ulefuni dop ta igan na wa.
- 28 Onη ηai kumaen san dal kubiai panag a.
 Onη ηai da tumado wak lo ηai uyasusai dam panag pe tinig iηanefute wa.’ ”
- 29 “O teig muroug, anη alonη ak ru e ηurupaianη den ru rumok, id tubud baged Dawid imat go disare ya. Agod iηsan mutou yen dan pempem tile da.
- 30 Gug Dawid man profet ta. An ninen o iη ilonη ak, Anut ru lak na geig nam promis ipani an lo, mitep iηsan malan kubulan ta kiη iganep, iηsan aben iηane wa.
- 31 Anut mitep dugo igane wan Dawid ilonη tag, Kristus mitep fon kumaen imasa wak ninen o ibol. Fun an lo dam ibol, Anut Kristus Ades lo ibiseig ta imado na ya, ago dugo tinin dam ta igan na ya.
- 32 Anut Tubun ak Jesus nek amaiak materη lo ifufunig, kumaen imasa da ya. Agod mel an maη fidian sema malama lo mile ya.
- 33 Anut Jesus iηaneg yaηan tubun geig anda giranηen won ak lo imado da. Anut gubak mi iηanen Awan Urgun Jesus ipani wo promis ru ipani a. Aria, gamu promis an nunon ilasag Urgun iηane ya. Ago dugo Jesus sen Urgun an maη tinima fo iwali idu ya, ago dugo anη mel en ale dugo kududom ilonη a.
- 34 Anη alonη ak Dawid iηsen kumaen panu na ta isuda na ya. Ago bo man iη igo ibol, ‘Tubud ηaisag Tubun en irupei:
 giranηeg won ak lo masip, mado dugup,
- 35 onηsa ager adi onη ηie paen na ηidirai a.’ ”
- 36 “Ago yak ninen o tamolpein fidian Isrel ilon lo yak kuai tem ηurupaianη da, ru rumok e ηurupaianη den anη ilom lo rumok o yan amoi san fun man tia ya. Jesus nek a afunig aigim fo abali an, Anut ipilianig iη Kristus agod Tubun ak dam igane ilasa ya.”

³⁷ Saen tamolpein ago dulon dugo, ru an bused isue saian geig a, ago tag Pita aposel aenkadi dida dusumianaig dubol, “O teim taoma, mañ dugo mok migane wak i?”

³⁸ Agog Pita awad yabig ibol, “Fidian ananem aupasek anen anen patum apanip, apalup Jesus Kristus yan an lo suguek anane wa. Ago tap Anut ananem aupasek fidian ipare idup Awan Urgan ipanañ a. Urgan man inñan lou panek, an kawan naon an tia anane wa.

³⁹ Promis e Urgan ninen o yan man anñami, ananem malam kubulam sadi, agod tamolpein asau asau fidian inñad dam mi a. Awo, tamolpein a fidian idsad Tubud Anut igiai an promis an san nuñon diñane wa.”

⁴⁰ Pita ru tubun mok ibol go ru kagin wei mi irupidai se ya. In ilod dibilisa wo dabai geig iganeg ibol, “An sem patum apasi. Kabelan tamol saiadi Jesus dufuni ak sad naon panek ipalu dan an dam anane banau.”

⁴¹ Agog tamolpein wei mi Pita san ru ilod lo rumok go suguek diñane se ya. Nal an lo tamolpein 3 tausen igo won ilo rumok adi luad disa ya.

Kris sad naok naok

⁴² Kris foudi an aposel adi sad ru dulon o diau se ya. Jesus ilod isou san ninen o kisaek mi dutumanig, dumado dugo, anañ dam kisaek mi diani dop dugudani se ya.

⁴³ Aposel adi Anut san dabai lo kulob girager funfun digane se ya. Ago dugo tamolpein fidian durut saian geig a.

⁴⁴ Ilo rumok adi fidian sad kankan kisaek mi a. Ta mel dugon tia dugo ta aman da man, turan mel lo katuk an ibinawi se ya.

⁴⁵ Aenta inaned tan kilaken, melmel aenta dam didaen lo didirig, san moni diñaneg, tamolpein melmel lo katuk adi an dipidinaig sed ibinawai a.

⁴⁶ In fidian ilod kisaek mi nal fidian gudanek digane wo tempel lo dutumani se ya. Inñan ab ate tet mi dutumanig yousai lo agod ilod kisaek lo dam anañ diani se ya.

⁴⁷ Anut yan an diabisa dugo tamolpein ilo rumok adi sad kagin dileg yan ad diabisa se ya. Agog Tubun en nal pempem tamolpein a patu pasek ipidinai dan ilo rumok adi luad te idirai se ya.

3

Pita tamol njen itubabun ak ikubune ya

¹ Nal ta Pita Jon da 3 klok guraian gudanek san saen ninen o tempel lo diau a.

² Tempel sumeik dupani dugo tamol ta tinan tinan lo mi njen saian ak disini diaug, tempel dalawan yan an “Dalawan Siñaokan” dubol dan, ate digansig imado dugo dile ya. Tamol an pempem ago disini diaup imado dop, tamolpein tempel lo diau dumul dan moni o igudanai da.

³ Tamol an Pita in Jon da diladu wo dugo yil tag moni ta amad da tap dupani wo igudanai a.

⁴ Ago tag urarum malad ti ibol go dile dugo Pita irupe, “Mala ipalup, liama!”

⁵ Agog tamol an ilon lo Pita Jon da mel ta dupani wo digane dak ago ibol tag, malan yaug yil a.

⁶ Agog Pita ibol, “Nai pat silva gol da amag tia ya. Gug mel a nai amag da yan gamu nupano wa. Jesus Kristus Nasaret tamol an yan an lo masap wau.”

⁷ Agog Pita tamol an banin won ak lo yabig, imasa itur o ibinawi a. Saen in ago igane yan tamol an njen aten, njen nudun an fidian dabai kisaek on a.

⁸ Agog tamol an isokalik go, fun iganeg itor ila iso se ya. Agog itor dugo isokalik on go, Anut yan an yabisag Pita Jon da dida tempel ilon lo diladu ya.

⁹ Agog tamolpein fidian tempel lo dumado yan in itor dugo Anut yan an yabisa dugo dile ya.

¹⁰ In dile dulon ak, tamol an imug tempel san dalawan siñaokan ante imado na yan nek ama ya. In itor uyanan an ninen o dirut saian a.

Pita tempel lo tamolpein ru irupidai a

¹¹ Tempel ilon lo aben ta Solomon san Madok Aben dubol dan ate tamol an Pita Jon da ibiaig, dida ditor se ya. Tamolpein fidian mel a tamol an lo ilasa yan ninen o dumasa saian go inñad na dumaspalug diau a.

¹² Saen Pita ago yil tag irupidaig ibol, “O Isrel tamol adi, an ata wo kulob en aleg amasa saian i? Ata wo ago aliama dak i? Nag an ilom lo mañsiganema dabai lo, tia,

manşiganema Anut kagin lo tamol en njen mukubune abol dak i?

¹³ Tia, Abraham, Aisak, Jakob inşad Anut, id baged muroud sad Anut, inanen urat tamol Jesus yanak tubun geig ak ipani a. Gug an tamol an gurman adi banid lo dufuni imat o agane ya. Pailat ipasi wo ibol gug an amoig Pailat naon na patum apani a.

¹⁴ In bo tamol gun agod itaot ak gug an in amoi a. An tamol ta talpein ifuni imat ak Pailat ipasip ipanañ o asumiani a.

¹⁵ An tamol a id kumaed tumado san fun amaiak afunig imat a. Ak gug Anut mater an lo ifufunig, afon kumaen imasa da ya. Agog kulob an man malama nam mile ya.

¹⁶ Ilo rumok Jesus yan an lo yan mi tamol e alon uyanan dugo leil apani den njen dabai ilasa ya. Jesus yan an lo, agod ilo rumok a in id ilod lo igane ilasa dan lo dam, kubunek en inane ya, ago dugo njen gamu dabai pasik an an fidian ale a.”

¹⁷ “O teig muroug naj nalon ak, kulob a an anşam gurman adi dida Jesus lo agane yan, an fidian anaon an lo ago agane ya.

¹⁸ Anut profet adi awad lo wagam ibol, inanen Kristus muruan isini wo ibol. Ak njen o dal an lo inanen ru ibol ak nunon ilasa ya.

¹⁹ Ago yak njen o ananem kagin saiak saiak patum apanip, ilom ibileksap, Anut naom apani. Ago tap ananem aupasek fidian ipare idu wa, an lo dop ilo maror agod yaes bilabal san saen Tubun en iganep an o ilasa wa.

²⁰ An mi tia ya, Anut Kristus e an o ipiliani en idinip ipalu wa, nek Jesus ema ya.

²¹ In kumaen panu na imado dop yaup, Anut mel fidian ibilisap foun ak dilasa san saen ilasa wa. Anut ago igane wo wagam mok inanen profet gun adi awad lo ibol a.

²² Man dugo, Moses igo ibol, ‘Anut ananem Tubun en, nek naj idinag go npalu yak ago mi profet ta anşiganem dar lo yak igane ilasap idinip ipalu wa. Ru fidian irupaian dan kagin apani wa.

²³ Talpein ta in profet an awan ilon o imoi dan, Anut talpein an inşan tamolpein lo ikudip pitininek saian geig ak ipani wa.’

²⁴ “Rumok, Samuel sen dam agod profet aenkadi njen aban duri an fidian ru gamu

saen en san dubol ilasa na ya.

²⁵ An man profet adi an sad malad kubuladi, an lo promis a Anut profet an sad awad lo ibol an, agod kontrak a ananem tubum bagem ipidinai an san nunon dam ananemi a. Anut ru en wagam Abraham irupeig ibol, ‘Onane mala kubulan lo tan en san tamolpein fidian bar dinane wa.’

²⁶ Saen Anut inanen urat tamol tan en lo igane ilasa man, imug mi anşam na igane ipalu ya. In bar ipanañ o ipalu ya, ago dugo bar an igo ya, in idiran pe an anen anen sem adanşap ananem kagin saiak saiak patum apani wa.”

4

Pita in Jon da Kaunsil naod na dutur a

¹ Saen Pita in Jon da tempel lo tamolpein ru durupidai dugo, pris adi, tempel titianek tamol sad gurman, in pris warou a Sadyusi dubol dan aenta dida sad na dupalu ya.

² In tinæed saian geig a. Man dugo, Pita Jon da Jesus imat gug fon kumaen imasa yak san ru tamolpein naod na durupidai dulon se ya. In manau ago dupitenanai dan lo tamolpein dulon ak, Jesus lo tamol dumat dak, fon ka dumasa wa.

³ Ago tag dubourou gug aban tidom idu la yak njen o subanek ab lo didirai a. In ilod lo man aposel adi ante dien pe tidom lom mi gup kot dupidinai a.

⁴ Gug tamolpein a inşad ru dulon an lulunad lo wei mi ilod lo rumok a. Tamolpein an ilo rumok adi luad disag, tamol itu-manais sad sutek faiv tausen igo won a.

⁵ Tidomig Juda sad tirnek tamol adi, matu gurman adi, agod kubiaen san girek manau adi dam Jerusalem na dutumani a.

⁶ Pris gurman Anas, agod Kaiafas, Jon, Aleksandra, agod tamol aenta pris gurman san gugoi lo yan dam dida dutumani a.

⁷ Agog aposel adi digiaig dupalug, naod na dutur dugug dusumianai, “An dabai dugomaiak lo, tia, yanak dugomaiak lo ananeg, tamol en akubuneg uyan ak i?”

⁸ Ago dugo Urgun Pita ilon inanefuteg awad yabi,

⁹ “An gurman, an ilo munanek san kulob ta lo tamol njen itubabun ak uyan ilasa

yan ninjen sumiaek lo adirama tap, agod en dugo woŋ dugo kubunek inane yan dam maŋ asumianama tap,

¹⁰ aria, ru en aloŋ uyanan. Kulob en Nasaret tamol Jesus Kristus inanen yaŋan san dabai lo ilasa ya. Tamol amaiak aŋ aigim fo abalig afuni imat ak gug, Anut mateŋ lo ifufunig fon kumaen imasa da ya. In lo mi tamol e aŋ naom na itur den kubunek inane dugo kulob an san nuŋon ale ya.

¹¹ Jesus nek amaiak ninjen o Anut ru igo ibol,

‘Pat nek a ab bek tamol adi dumoi dan, nek amaiak ab tinin fidian yabi sakar da.’

¹² In mi lo patu pasek ale wa. Man dugo, tan en fidian lo man Anut yaŋak sen ak ta lo id tamolpein fidian patu pasek ka tinane wan ta ipanad na ya, tia, nek Jesus yaŋan lo mi a.”

¹³ Kaunsil adi dile yak, Pita Jon da malak malak ru dabai anda nam durupidai a, uraru an tamol kawan, in skul ta digane na ya. An ago dile man durut saian geig a. Agog an kankan ipidinai ak, tamol uraru an gubak mi Jesus da dumado dutor an dile duloŋ a.

¹⁴ Ak man ru ta dubol san tia ya. Man dugo, Pita Jon da tamol dukubune yan siŋired na mi itur dugo leil dupani da.

¹⁵ Ago tag kaunsil adi tamol utol an didinaig, tumanek aben dubiseig patun fo dilasa gug in sed mi pasak nam diŋinjeŋ se ya.

¹⁶ In sed mi nug dusumiani, “Id tamol uraru en dugo tiginiai ak i? Id kubol ilasa yan sewak tabol san tia ya, man dugo, tamolpein fidian Jerusalem na dumado dan kulob girager e tamol uraru en digane yen duloŋ la ya. Id tatot san tia ya.

¹⁷ Id mel en tabituani wa, kabelan ru en yaup tubun banau. Ago yak ninjen o tamol uraru en kudod tabi uyanan a. In afon talpein ta naon na Jesus yaŋan ta dupate na wak ninjen o ru kagin turupidai a.”

¹⁸ Agog Pita Jon da digiaig, diladug ru dabai nam durupidai, “Aŋ afon Jesus yaŋan lo tamolpein ru ta arupidai na wak, agod yaŋan an lo dam maŋau ta mok apiteŋanai na wa.”

¹⁹ Gug Pita Jon da awad diabig dubol, “Ansem mi mel en abitinaep ale wa. Dugon Anut malan lo uyan ak i? Dugo, aŋanem awam kagin mupani wak i? Tia, Anut awan kagin mupani wak i?

²⁰ Man dugo, maŋ mel sema malama lo mile yak kudoma lo malon ak ninjen o awama itau san tia ya.”

²¹⁻²² Tamol nien imat gug Pita Jon da dukubune yan in san anaŋar 40 irinani tag tamolpein fidian melmel ilasa yan ninjen Anut yaŋan diabisa se ya. An lo Juda sad kaunsil dal ta dilep lo bu dupidinai san tia ya. Ago tag ru kagin dabai geig mi dupidinaig, dubusawaig diau a.

Ilo rumok adi dabai diŋane wo dugudani a

²³ Saen dubusawaig dilasa yan Pita Jon da dumul turad muroud sad na diau a. Agog pris gurman, in gurman aenta, ru dubol an awad aban durupidaig duloŋ a.

²⁴ Ru an duloŋ tag fidian Anut igo dugudani, “Tubun en, on mi tan, you, beig, keit, agod mel mel fidian lo dien dan san Taman.

²⁵ Urgun lo onse maŋ tubum bagem Dawid onane urat pinein awan lo ubol dugo gamu nuŋon mile da.

‘Ata wo tan fidian sad tamolpein tinjaed saian di?

Ata wo tamolpein an palaŋ dumari gug nuŋon tia yak i?

²⁶ Tan en san kin fidian yu digane wo tawaŋ dumado da,

ago dugo tirnek tamol fidian dutumanig,

Tubun en inanen Pilianek Tamol da ager digane wo digane da.’

²⁷ Rumok, ru amaiak ente Jerusalem na nuŋon ilasa ya. Herod in Pontius Pailat da, tamolpein Juda tia yan agod Juda tamolpein aben ente dumado dan dida dutumanig, onane urat tamol gun ak Jesus onse piliani an, palaŋ an dumari se ya.

²⁸ Tamol adi an onse wagam mi onane ilobol in dabai da lo ilasa wo ubol an, ago mi digane ya.

²⁹ Aria, Tubun en, gamu ru saiak tinid dumisilani san dupaiama an onane kudodo ilon la ya. An ilo sou gane dop onane urat

tamol adi dabai panamap man rurek tia yan lo onjane ru mabol ilasa wa.

³⁰ Onj onjane tuo watep onjane urat tamolgun ak Jesus yanjan lo, tamolpein subamad da yak kubuniaip, kulob girager dirip dilasap, kulob dababai tamolpein dil pe durut saian an dam gane wa.”

³¹ Gudane itout go ab a lo dutumani an ibuk ila iso ya. Ago dugo Urgun fidian bubed ilon awan isag, Anut san ru tamolpein naod na dubol ilasa wo tinid ta irer na ya.

Ilo rumok adi melmel fidian lo nug dubunawi se ya

³² Ilo rumok adi fidian injsad kankan agod injsad ilod dam kisaek mi a. Ta injsan bioung bioung an injsan mi ago ibol man tia ya. Tia, fidian melmel nug duwae dupani se ya.

³³ Ago dugo ru dabai tubun anda yak lo, aposel adi Tubun ak Jesus kumaen imasa yak san bilalung dubal ilasa se ya. Agod Anut san ilo panek tubun mi an in fidian tinid fo iwali idu ya.

³⁴ Inj lulungad lo talpein ta mel ta lo katukan ta imado na ya. Man ata wo? Nal kadi lo, talpein ensauta a ab ad da boi, tia, tan kilaken ad da yak ta, an didaen lo diganeg san moni dijaneg, disini dupalu ya.

³⁵ Agog moni an aposel adi njied fun na didirsi a, ago dugo aposel adi ditarpaleg talpein enti mel ta lo katuk adi an dubinawai se ya.

³⁶ Saen an lo inj lulungad lo tamol ta yanjan Josef imado da. Inj Livai san gugoi lo ilasa ya, gug injanen tinan man nui yanjan Saiprus dubol dan ante igansi a. Aposel adi yanjan neinta dupanig Barnabas dubol da. (Yanjan an fun man, Ilo Yabisa San Tamol.)

³⁷ Aria, injsan tan kilaken idad go moni an injaneg isini yaug aposel adi njied fun na igansi a.

5

Ananaias inj Safaira da

¹⁻² Tamol ta yanjan Ananaias, iwon yanjan Safaira. Inj tan kilaken idad yau dugo san moni aenta injsen yabi a. Pein inj tamol da awad kisaek. Agog aposel adi njied fun

na moni aenta idirsi dugo irawaig igo ibol, “Moni fidian nek ebo ya.”

³ Ago tag Pita Ananaias irupeig ibol, “Ananaias, ata wo Satan ulefuni dugo ilo iduduwig, sewak ganeg Urgun naon kubiani ak i? Tan a udad yau an san moni wadan wabi da.

⁴ Saen tan gamugo udad yau man onj muroun mado ya. San moni njane yan man onse ilo nam gane wo ago ka gane wa, an ta rumok na i? An lo mel dugon kankan ipano yan lo kagin saian igo gane yak i? Onj tamol adi ta rawai na ya. Tia, onj Anut rawi wo gane ya.”

⁵ Saen Ananaias ru an ilonj man gamu nam yau idug imat a. Tamolpein fidian ru an dulong go tubun mi durut direr a.

⁶ Agog pinein dupalug, injsan sisanun yamel nam dubuluwig dijaneg kuai te dilasag diaug disare ya.

⁷ Murnag, ad mitilaen kitek 3 auwa igo yan, iwon pein ak ipalug iladu ya. Muruan ilasa man ta ilonj na ya.

⁸ Agog Pita isumianig ibol, “Ak dugo, onj onjane iwo da tan adad yau ak naon emaiak anjane yak i?”

Ago dugo awan yabig ibol, “Awo, moni minjane yak nek ago mi ipanang a.”

⁹ Pita imasag Safaira irupeig, “Onj iwo da ilom kisaek go Tubun en san Ur naon akubianig ale wo agane ya. Dugo, anj ilom isou ak ago ka aganep muruan ta ale na wak abol i? Ulonj, pinein a onj iwo disare yak sad njied awan dalawan te ilasa da, gamu onj dam dijiliop kuai te alasap au a.”

¹⁰ Agog gamu nam pein an dam Pita naon na yau idug imat a. Ago dugo pinein diladug injsan sisanun dile tag dijaneg diaug iwon tamol ak giranjen na disare ya.

¹¹ Ilo rumok adi fidian, tamolpein aenkadi dam, ru an dulong go tubun kasik direr a.

Aposel adi tamolpein wei mi dukubuniaia

¹² Aposel adi kulob girager wei kasik tamolpein lulungad lo digane se ya. Ago dugo ilo rumok adi Solomon san Madok Aben ilon lo dutumani na ya.

¹³ Tamolpein patun fo yak ilo rumok adi yanjadi diabisa yak gug, diaup dida dutumanai san ninjen o fidian direr pasik a.

14 Ago bo man tamolpein wei mi ilod dibilisag, Tubun en ilod lo rumok go ilo rumok adi luad disa se ya.

15 Aposel adi kulob girager dabai anda digane se yan lo, tamolpein muroud muroud subam ad da yan dal gigin te diñal dususap dien se ya. Aenkadi kapal fo, aenkadi gadab fo dien se ya. Agop saen Pita ipalup iriñanai dop san tirarou ituñanai dop lo uyadi wo dubol.

16 Jerusalem gigin na panu dien dan san tamolpein wei kasik dilasa ya. Inaned samun subam adi da yan, ur saian amad da yan diñal dupalug, an fidian uyadi.

Gurman adi aposel muruan dupidinai a

17 Juda sad pris malan te ak, Sadyusi a giranen na dumado dan dida, an fidian aposel adi sad urat dile tag, turak susai tiñaed inañefute ya.

18 An lo in aposel adi duburoug, subanek ab lo didirai a.

19 Ak man tidom lo Tubun en san enjel ipalug subanek ab san dalawan ipasig, aposel adi injal go patun fo dilasa ya.

20 Agog irupidaig ibol, “Aup, tempel san tumanek aben lo atur dop, kagin foun emaiak san ru fidian tamolpein arupidaip dulon a.”

21 Agog aposel adi enjel awan durig, sal-sog in tempel lo diladug fun diganeg tamolpein ru durupidai dulon se ya.

Nek nal an lo mi pris malan te yak, turadi dida Juda gurman fidian adi digiaig, Juda sad Kaunsil tumanek tubun ak diabi a. Agog subanek ab lo aposel adi diñal pe dupalu wo tempel san titianek tamol didinaig diau a.

22 Gug saen subanek ab lo dilasa man, aposel adi naod tia tag dumul diaug, kaunsil adi durupidai,

23 “Saen subanek ab lo milasa man dalawan fidian itau. Titianek tamol tawan dutur ak gug, saen dalawan mupasi man tamol an ta meil na ya.”

24 Pris gurman adi, in tempel titianek tamol adi sad gurman dida ru an dulon go dumasa saian. Mel an kankan ipidinaig ilod weiwei se ya, so muruan ilasa wo dak ninen o ilod isou se ya.

25 Agog tamol ta ipalug irupidai, “An tamol a subanek ab lo adirai an tempel san tumanek aben lo dutur dugo tamolpein manau dipiteñanai da.”

26 Ago tag tempel titianek tamol sad gurman inanen tempel san aikatuk adi dida diaug, aposel adi diñal go Juda sad Kaunsil sad na diau a. Saen aposel adi diñal man pasak nam diñal a. Kabelan silei nam mi dop, tamolpein tiñaed saian pe pat nam dufu banau.

27 Aposel adi diñal go dupalug kaunsil naod na dugunaig dutur a. Ago dugug pris malan te yak sumianek ipidinai,

28 “Man geg sakar geig mupanan a. An afon tamol an yan an lo ru ta abol ilasa na wo mabol a. Gug gamu an Jerusalem ilon lo an sam piteñanek an mi abisa aguni da. Agop tamol a imat an inanen mateñ san ai wadan man buroma fo agane wo agane da.”

29 Ago tag Pita aposel aenkadi dida pris malan te yan awan diabig dubol, “Man tamol awad kagin mupani san tia ya, tia, Anut awan mi muri mupani wa.

30 An Jesus aigim fo abalig afuni imat ak gug, id tubud baged sad Anut mateñ lo ifufunig kumaen imasa da ya.

31 Anut inañeg giranen won ak lo imado da. Agod dabai ipanig, idsad gurman, idsad patun pasek tamol dam imado da. Anut saen ipanad dan lo, id Isrel tamolpein naod Jesus tupanip ilod ibileksap, an lo idaned aupasek ipare idu panad a.

32 Man inñsan mateñ, imasa yan malama lo mile ya. Ago yak ninen ru an tamolpein naod na mabol da. Urgun dam inanen urat lo melmel en fidian ninen o ibol da. Ago dugo Anut Urgun nek an tamolpein a fidian inñsan awan kagin dupani dan ipidinai a.”

33 Juda Kaunsil adi ru an dulon go tiñaed tubun mi saian tag, aposel adi dufu dumat o ilod tubun mi ibol a.

34 Gug Farisi ta yan an Gameliel, in kubaen san girek manau ta, agod tamolpein fidian in yan an diabisa yan, in imasag itur dugo aposel adi tumanek dibiseip patun fo dilasa wo ibol a.

³⁵ Agog kaunsil irupidaig igo ibol, “O Isrel tamol, an tamol en afu dumat o agane dan kagin agane.

³⁶ Wari na geig tamol ta Teudas inſen tubun o igane. Agog sawar kitek 4 handet igo won nien fo dutor. Gug dufuni imat dugo inſan sawar an dititalaig dufurak diau dugo, ager yabisa yan nuſon tia ya.

³⁷ An tinin te, yanja kubunek san saen lo, Galili tamol ta yanjan Judas, tamol aenkadi injal go urat pinein on nien fo dutor. Gug in dam dufuni imat. Agog inſan sawar an dititalaig dufurak diau a.

³⁸ Ago yak ninen o nrupaian da, tamol en abusawaip ka diau a. Kubol a digane dan tamol sad kankan lo tap man, milaen tiap itout a.

³⁹ Ak gug an Anut san man, an tamol emaiak abituanai san ta idaisuda na wa. An lo dop abituanai o agane tap, an Anut da nug abi dak ago sem ilian a!”

⁴⁰ Kaunsil adi inſan ru dulon go ilod inane ya. Ago tag aposel adi digiaig diladug bu mi dupidinai a. Agog Jesus yanjan fon ta dupate na wo geg sakar geig digane ya. Ago gug dubusawaig diau a.

⁴¹ Aposel adi ilod uyan dugo kaunsil sad tumanek ab dibiseig dilasa ya. Ata wo, in Jesus yanjan o tamolpein naod na muruan disini wo Anut ipilianai a.

⁴² Nal pempem tempel san tumanek aben lo, ab ab lo dam, bilalun uyan ak tamolpein dupitejanai se ya. Bilalun uyan ak lo Jesus mi in Kristus an tamolpein durupidaig dulon a.

6

Tamol 7 aposel dubunawai o dipilianai a

¹ Murnag ilo rumok adi wei mi dilasa se yan, lulunad lo tamolpein malan uraru dumado ya. Saen an lo, Juda tamolpein a Grik ru dubol dan, in Juda tamolpein a Hibru ru dubol dan dida nug lo muruan ilasa ya. Man dugo, Juda Grik ru dinjnen dan igo dubol, nal anek anek lo aposel adi anan ditarpaleg duwae dak gug inſigned pein suos ilod ta isou na da.

² Ago tag aposel 12 an ilo rumok adi fidian digiaig dutumanaig durupidai, “Man anan waek san urat migane dop lo Anut

san ru mufulale wan mibisei dop, an uyan tia ya.

³ Ago yak ninen o teid taod, tamol 7 lulunam lo Urgan amad da yak, kankan milaen ak, agod yanjad uyan ak mi apilianai urat an banid lo tigane wa.

⁴ Gug man gudanek mi, agod ru fulalek san urat dam mi leil mupani wa.”

⁵ Tamolpein fidian ru an dulon go aposel sad kankan ninen o ilod uyanan a. An lo tamol ta yanjan Stiven dipiliani a. In ilon rumok dabai, agod Awan Urgan ilon inane fute ya. Ta yanjan Filip, ta Prokoras, ta Naikena, ta Taimon, ta Parmenas, agod Antiok tamol ta yanjan Nikolas, in Juda tia yak gug Juda ubou lo yau da.

⁶ Ilo rumok adi tamol 7 an aposel naod na didirai ilasa ya. Agog aposel adi in o Anut dugudanig banid gurnad fo digane ya.

⁷ Agog Anut san ru ifurak go, tamolpein wei mi dulon a. Jerusalem na ilo rumok adi dilasag wei kasik a. Agog pris adi wei mi dam ilod lo rumok go, ilo rumok san dal duri dupani a.

Juda sad gurman Stiven diabi a

⁸ Aria, Stiven man Anut san ilo panek, inſan dabai dam in lo yen a. An lo in tamolpein lulunad lo kulob girager funfun agod mel tutubun durut saian san dam wei mi igane ilasa se ya.

⁹ Gug Juda tamol aenkadi Stiven lo siai digane. Tamol an ubou ab yanjan “Tamol kawan dumado dak” dubol dan sad tamol. Tamol an inſad panu Sairini, in Aleksandria da. Agod Silisia in Esia da provins uraru an sad tamol dam Stiven lo ager diabisa ya. Tamol amaiak fun diganeg Stiven lo ru nam yu digane ya.

¹⁰ Gug Stiven san kankan milaen geig dugo Urgan san dabai lo dam injen a, an lo inanen ru ninen o in dutor dabai san ta idaisuda na ya.

¹¹ Ago tag tamol aenkadi pasak nam dinjal go, ru sewak igo dubol ilasa wo durupidai a. “Stiven in Moses Anut da lo misilane ru ibol dugo man awan malon a,” ago dubol o durupidai a.

¹² Agog tamol an diaug ru sewak an lo tamolpein, matu gurman adi, agod kubi- aen san girek manau dam ilod dusueg an

lo tinjaed saian geig a. Agog tamolpein an dupalug Stiven diabig, Kaunsil sad na dijanane diau a.

¹³ Kaunsil malad lo itur dugo, tamol Stiven tinin lo dusupale san digiaig, diladug ru sewak igo dubol, “Tamol en id-sad tempel gun an, Moses san kubiaen da ninjedi wo ru saian pempem ibol da.

¹⁴ Man malon dugo ibol, Nasaret tamol a Jesus dubol dan tempel iratitale dop, Moses san kubiaen id ipanad an dam ibileksa dop idirad pe tamol kagin senamo ak turi wa.”

¹⁵ Ru an dubol dugo Kaunsil dumado yan malad ti ibol go Stiven leil dupani dugo, inanen naon enjel ta naon igo wonj dile ya.

7

Stiven Kaunsil ru irupidai a

¹ Juda Kaunsil ru an fidian dulon go itout gug pris malan te an Stiven isumiani, “Dugo, ru a dupano dan fidian rumok ak i?”

² Ago tag Stiven ru naon irupidaig igo ibol, “Teig taog, tamag muroug, kududom agure! Id tubud baged Abraham wagam geig Mesopotemia na imado dugo, saen an lo in gamugo Haran na yau dugo, Anut lilaman anda yan naon na ilasa ya.

³ Agog irupei, ‘Tan en biseip, onjane murou murou dam busawaip tan nukubiai pano wan lo wau.’

⁴ Agog Kaldia tan ibiseig yang taun a Haran dubol dan te imasi a. Murnag Abraham taman imat dugo Anut idinig tan e lo amado den ente ipalug, imasi a.

⁵ Saen an lo Anut tan en samun kabelan ta Abraham sen tinin o ipani man tia ya. Gug Anut mitep tan en Abraham in malan kubulan dida ipidinaip sed ninjedi wo ibol a. Gug Abraham saen an lo nanuk tia imado dugo Anut promis an ipani a.

⁶ Anut igo ibol, ‘Onj mala kubulan mitep tan sen ak lo tamolpein gol ak igo wonj ante dumado wa. Ante dam in urat bigabeg adi dilasa wa. Agop anajar 4 handet lo tan an san tamolpein saian dupidinaip muruan wei mi disini wa.

⁷ Gug naj tamolpein a muruan ago dupidinaip dan naon muruan geig ak njupidinaip

a. Ago dugup onjane mala kubulan tan an dibiseip, tan en lo naj ubou ag dile wa.’

⁸ Agog Anut Abraham kontrak ipani a, kontrak an san kob man, nanuk tamol ak tinid sunulon dutute wa. Murnag Abraham iwon in Aisak igansig ubou kisaek yau dugo Abraham tinin sunulon itute ya. Murnag, Aisak san nanun Jakob ilasa ya. Ago mi Jakob san nanuk 12 dilasa ya. In idsad tubud baged.”

⁹ “Josef tein muroun Josef ninjen o turak dususa ya. In dile saian an lo Igipta na urat bigabeg imado wo dijaneg didaen lo digane yau a. Ak man Anut Josef da dumado na ya.

¹⁰ Insan muruan fidian lo ibinawig patun ipasi a. Anut Josef kankan milaen mi ipani an lo Farou Igipta sad kin Josef ipitianig ilon ipani a. Agog Farou Josef tamol tubun iganeg Igipta tan, insan ab lo melmel fidian dam kagin ipani na ya.

¹¹ “Murnag Igipta tan yang Kenan na geg an kadag tubun ak idug, tamolpein fidian muruan disini se ya. Id baged muroud ananj dile wo abanj diabi se ak gug ananj tia ya.

¹² Gug saen Jakob Igipta na ananj yen dan san ru tim ilon man, nanun muroun, id baged muroud, idinaig malmalan geig in atna diau a.

¹³ Murna ananj itout go fon dumul Igipta na diau gug, Josef tein muroun naod na sen fun ifulaleg, Farou dam saen an lo Josef tinan taman, tein muroun ninjedi wo ru ilon a.

¹⁴ Agog Josef taman san na ru igane yang, inanen samun fidian inaj pe dupalup Igipta na dumado wo ibol. Fidian dupalu yak sad sutek 75.

¹⁵ Agog Jakob imasag Igipta na yau a. Atna mi dumado dugo Jakob id baged muroud 12 an dam dumat a.

¹⁶ Insad sisanun disini diaug Sekem na tan kilaken ta wagam Abraham Hamor sad gugoi banid lo idad inane yan lo disiriaia.

¹⁷ “Anut Abraham promis a gubak mi ipani an nujon ilasa wo sumeik dugo, idsad tamolpein Igipta na dumado yan igileg wei kasik a.

¹⁸ Saen an lo kin foun ta ilasag imado dugo Igipta kagin ipani na ya. Ak gug kin

an Josef ninjen injaon geig a.

¹⁹ Idsad tubud baged irawai ifu dugo, muruan tubun mi ipidinai se ya. Inj isodudunaig an lo inaned nanuk foudi ak kuai tem didiraig, dumat a.

²⁰ “Saen an lo Moses ilasa ya. Anut malan lo nanuk an sinaokan mok a. Kalam utol tinan taman dida dumado dugo kagin du-pani a.

²¹ Gug saen kuai te digane man, Farou nanun pein njilanj an inaneg, injsinan nanuk on kagin ipani na ya.

²² Moses Igipta sad manau fidian mi inaneg, tamol tubun ak ilasa ya. Insan ru bilabol dabai dugo, urat dugon igane yan dam dabai anda ya.

²³ “Moses san anajar 40 dugo, nal ta ilon man tein taon Isrel tamolpein yil o ibol go yau.

²⁴ Yau dugo naon fo na Igipta tamol ta Isrel tamol ta tinin ifini saian dugo ile ya. Ago tag Isrel tamol an ibinawig, naon ifulig Igipta tamol an ifuni imat a.

²⁵ Insan ilon man, Isrel tamolpein Anut inj ibinawai o idinig ipalu yan dulon ak ibol, ak gug tamolpein an ta dulon na ya.

²⁶ Nal tinin te man, Isrel tamol uraru nug dufuni dugo yil tag, maror igansi wo yaug irupidai, ‘Alon, an nug tein taon, en ata wo nug tinin malan asue wo agane dak i?’

²⁷ “Gug neinta wagai fun igane yan, Moses isopasig gigin na yaug ipei, ‘Enti on man kagin panama dop ru tulek tamol mado wo ibol i?’

²⁸ Ak dugo, nor Igipta tamol funi imat ago mi nai dam funag njamat o gane dak i?’

²⁹ Moses ru an ilon tag isol go yaug Midian tan lo tamol gol ak on imado na ya. Atna imado dugo nanuk tamol ak uraru dilasa ya.

³⁰ “Afon anajar 40 yaug itout gug, Anut san enel Moses naon na ilasa ya. Did Sinai giranjen na tan kawan ak lo ai nanunan ta yai ided go inani dak on ile ya.

³¹ Moses aban ago ileg imasa saian tag, yaup sumeikan pe ile uyan o ibol go yau a. Saen yaug sumeik ipani man, Anut awan ilon,

³² ‘Nai on bage murou Abraham, Aisak, Jakob sad Anut.’ Moses ru an ilon man irer

dugo tubun mi isuruwor se ya. Irut irer an ninjen o aban ile man imoig, malan ikilakil a.

³³ Agog Anut ibol, ‘Onsa sendal pasi. Man dugo, tan fo utur dan gun a.

³⁴ Nai aban njile yak njaisag tamolpein Igipta na muruan saian geig ak disini da. Injad ilo tinan dam njalon go njubunawai o njupalu ya. Ak ninjen o nai on njidinop afon Igipta na umul wau da wa.’”

³⁵ Stiven injinen dag ibol, “Moses nek amaiak Isrel tamolpein gubak mi ninjen o dumoi go dubol, ‘Enti on mansam gurman iginio yak i? Enti on mansama tulek tamol iginio yak i?’ Anut sen mok Moses injad gurman, agod injad patu pasek tamol dam idinig yau a. Anut enel yai balen lo yan awan lo ago igane ya.

³⁶ Moses nek an tamolpein injal go Igipta dibisei a. Igipta na, agod Beig Daran lo, Anut san dabai lo kulob girager funfun naod na igane se ya. Anajar 40 tan kawan ak lo dam ago igane se ya.

³⁷ Moses injen geig Isrel tamolpein irupidai, ‘Anut nai idinag go njupalu yak ago mi profet ta idinip ipalu wa. Tamol an mitep ansiganem dar lo ilasa wa.’

³⁸ Saen Isrel tamolpein tan kawan ak lo dutumani an, Moses dam dida dutumani a. Inj idsad tubud baged dida dumado ya. Agog Moses did Sinai fo isidag, enel da dinjen a. Agog Anut ru kumaen san an ipani a, agog Moses afon ru an id ipanad a.

³⁹ “Gug idsad baged muroud Moses awan dumoig, inj Igipta na dumul diau wo ilod tubun mi ibol a.

⁴⁰ Ago tag Aron durupe, ‘On man tubud diri panamap, dumug dop muraep mau a. Tamol Moses dubol dan injiliad go Igipta tibiseig tupalu yan, ata inane dugo ta ipalu na da, an ta talon na ya.’

⁴¹ Inj atna makau mitilaen diganeg yai digane pani dugo, mel a sed banid nam digane yak ninjen muguron tubun ak digane ya.

⁴² Ago tag Anut patun ipidinaig, an lo inaned ilod ibol ago patui keit lo yan yanad diabisa se ya. Kulob digane an profet sad girek lo wagam profet ta ru naon kisaek igire a:

'O Isrel tamolpein, dugo, anajar 40 tan kawan ak lo, anjam lou panek apanag,

agod makau afup najai agane panag se yak i? Tia geig a.

⁴³ Ab sel asini ator se yan anjam tubud Molok san asini se ya.

Ago dugo anjam tubud Refan san mitilaen patui an asini ator se ya.

Mitilaen an yanjad lo ubou ale wo asuwi idu ya.

Ago yak ninen o najai njukudanj pe aup, asau mi Babilon aen ate geig amado wa.'

⁴⁴ "Id baged muroud Anut san ab sel a inj dida dumado yan ikubiai pidinai an diabi dugo, tan kawan ak ate da disini dutor na ya. Ab sel an nek Anut Moses ikubiaig ile yak ago mi dususe ya, Moses dugon ile yan fom ab sel an diabi a.

⁴⁵ Murnag ab sel an id baged muroud inj tamad banid lo dijaneg, Josua dida diaug yu diabisag tamolpein sen ak sad tan lo dukudaig diau a. Agog insad tan banid na dijaneg ya. Ab sel an ago yen dugo yaug Dawid san saen idu ya.

⁴⁶ Dawid iganeg Anut inj o ilon uyan geig a. Agog Dawid igudanig, Jakob san Anut ab ta ilon lo imado san yabi pani wo isumiani a.

⁴⁷ Gug Dawid ab an ta yabi na ya. Solomon inj ab an yabi a.

⁴⁸ "Gug Anut a lak na geig an, inj ab a tamol banid nam diabi ak lo ta imado na da. Wagam mi profet adi sad girek lo ta igo ibol,

⁴⁹ "Tubun en ibol, keit man najisag kalik kin san a, agod tan man najai njieg aten yen san aben.

Enso ab abi panag ak i?

Aben dugon lo yaes njabal ak i?

⁵⁰ Ak dugo, mel an fidian najai banig nam njigane ya, an ta rumok na i?" "

⁵¹ Agog Stiven Juda Kaunsil ipidai, "An gurmam sakar geig. Ilom gob. Anut san ru ibol dan kududom itau geig a. An nek ibol anjanem tubum bagem igo won a, man dugo, inj dam Awan Urgun pempem diabi-ani na ya.

⁵² Arupaia, dugo, gubak mi profet ta imado dugo anjanem tubum bagem profet

an tinin ta dumisilani na yak i? In profet adi ensauta a malad milaedi go Tamol Itaotan insan palu yan ninen profet ru dubol ilasa yan dufu dumat a. Agod an gamu tamol amaiak inj bo anjanem turam mok ak gug ager banid lo aganeg sisem afuni imat a.

⁵³ An nek en, Anut san kubiaen enel sad banid lo anjane yak gug kagin ta apani na ya."

Stiven pat nam dufuni imat a

⁵⁴ Saen kaunsil adi ru an dulong man, tinjaed tubun mi imumari dugo Stiven gamad dirati pani se ya.

⁵⁵ Gug Stiven tinin Urgun inanefteg malan keit lo isidag, Anut san girager ile ya. Ago dugo Jesus Anut giranen won ak lo itur dugo ileg ibol,

⁵⁶ "Ale. Najai keit awan ipasig Tamol Nannun Anut giranen won ak lo itur dugo njile da."

⁵⁷ Fidian disasaitout go kududod diafutan a. Agog fidian mi dumaspalug,

⁵⁸ Stiven diabig Jerusalem gigin na dirae dilasag, fun diganeg pat nam dufuni a. Tamol pat dubal san inj bioun dupasig pinein ta Sol dubol dak kagin ipidinai o njen fun na didirsi a.

⁵⁹ Pat nam dufuni dugo, Stiven Tubun en igudani, "O Tubun en Jesus, najineg njutug njane!"

⁶⁰ Agog yau idug fon igudanig igo iwagin, "Tubun en, inaned aupasek en san pani naon an lo fuli san man umoi." Ago ibol go imat a.

8

Sol ilo rumok adi misilane ipidinai a

¹⁻² Sol ante imado dugo Stiven san maten ileg, ilon uyan. Ilo rumok tamol aenkadi Stiven disareg, ilod tubun mi saian go awad tubun mi ditata se ya. Nek saen an lo mi Jerusalem na ilo rumok adi fun diganeg, Jesus yanjan o muruan tubun mi disini se ya. Agog dufufurak go aenkadi Juda na aenkadi Sameria na diaug dumado ya. Ak man aposel adi Jerusalem na dumado ya.

³ Gug Sol man midaen ititale wo yaes ifuni a. Ab ab idu isida dugo Kris tamolpein injal go iraug subanek ab lo idirai se ya.

Filip Sameria na Anut san ru ifulale ya

⁴ Ilo rumok adi a dufufurak go gidigheid diau na yan, aben dugo ate diau an Anut san ru dufulale se ya.

⁵ Filip Sameria na yaug, taun tubun ak ta ilon lo iladug ante sad naod na ru Kristus ninen o ibol ilasa se ya.

⁶ Saen tamolpein doup tubun inſan ru dulon dugo, kulob girager igane yan dile man, inſan ru fidian dulon uyan o kududod dugure ya.

⁷ Ur saian awad tubun mi disasai dugo, tamol tinid lo yak dubiseig dilasa ya. Tamolpein njed itubabun, agod a dutor saian saian dan wei mi uyad isusa ya.

⁸ Ago man taun an ilon lo yousai yen go tubun kasik.

⁹ Aria, taun an lo kiai tamol ta yaſan Saimon imado ya. Inſan sewak an lo nal kitek milaen mi Sameria tamolpein igini-aig dumasa saian. Inſen mi in tamol tubun ak se pitianoſi san ru ago ibol.

¹⁰ Agod taun an sad tamolpein fidian, a yaſad ad da yan, agod a yaſad tia yan dam, kududod dugure ya. Ago dugo dubol, “Tamol en man, tubud san dabai a yaſan Dabai Tubun Ak dubol dan, tamol emaiak inſen.”

¹¹ Nal milaen mok inſan nawir an lo irawaig, tamolpein fidian in awan paen na dumado dugo durut saian geig a.

¹² Gug saen pein, tamol dam Filip awan lo bilaluſan uyan ak san ru Anut san kagin panek ninen o, agod Jesus Kristus yaſan ninen o dam dulon man, in ilod lo rumok a. Agog suguek diſane ya, tamol in pein da mi a.

¹³ Saimon sen dam ilon lo rumok go suguek inane ya. Agog Filip njien fo itor dugo kulob girager funfun Filip igane dugo ileg ninen o irut saian geig a.

¹⁴ Saen aposel adi Jerusalem na dumado yan Sameria tamolpein Anut san ru diſane yak dulon tag, Pita Jon da didinaig, inſad na diau a.

¹⁵ Sameria na dilasag, tamolpein Urgan diſane san ninen Anut dugudani a.

¹⁶ Man dugo, Urgan fufod na gamugo idu ya, tia, Tubun en Jesus yaſan lo suguek diſane yan mi a.

¹⁷ Agog Pita Jon da tamolpein gurmad fo banid digane dugug, Urgan diſane ya.

¹⁸ Agog Saimon tamolpein Urgan aposel adi banid lo diſane dugo ile tag, moni inane, Pita Jon da sad na yaug ibol,

¹⁹ “Dabai an njai dam apanag. Agop tamol dugon banig gurman fo njigane dan Urgan inane wa.”

²⁰ Ak man Pita ru naon igo ibol go irupeſi, “Onane moni an njanep, ida udeg wau. Ata wo? On ilo lo man lou panek e Anut ipanad den moni nam udad njane wak ubol da.

²¹ On maſsama urat boi en lo on yaſa tia ya. Man dugo, on ilo man Anut malan lo ta itaot na ya.

²² Ago yak ninen onsa kankan saian an umoi kisaek on. Ago dop Tubun en onsa kankan saian gane yan ipasi wo gudani wa. Nap ilo sou naok ago bube ilon lo gane dan an bo subam an ipare idu pano wak boi.

²³ Man dugo, njai njilio dak, mala sek agod turak susai dam mi on tini inaneſute dugo, aupasek san subanek tamol mado da.”

²⁴ An lo Saimon in Pita Jon da ru naon igo irupidai, “Gidad, an njai nineg o Tubun en agudani. Agop an lo muruan abol dan njai fo na ta ilasa na wa.”

²⁵ Aria, Pita Jon da Tubun en dugo won ibinawai an tamolpein durupidai dulon go inſan ru dam dubol ilasa se ya. Saen urat an digane itout man, dumul go Jerusalem na diau a. Diau dumul dugo dal dal na, Sameria panu wei mi lo dam Anut san ru dufulale se ya.

Filip Itiopia tamol ta isugui a.

²⁶ Tubun en san enel ta Filip irupeſi, “Masap dal Jerusalem nag Gasa na idu yau an njanep wau.” (Dal an tan kawan ak lo yen da.)

²⁷ Ago tag Filip enel ibol ago mi igane. Dal na yau dugo Itiopia sad tamol gurman ta ile, tamol an inanen nabun dusukali a. Tamol an Itiopia Kwin yaſan Kandesi san moni kagin ipani da. In Jerusalem na ubou ile wo yau ak

²⁸ fon imul sen fun panu lo yau da. Karis fo profet Aisaia san ru isuti dugo yau.

²⁹ Agog Urgun Filip irupei, “Waup karis an sumeik ida au.”

³⁰ Ago tag Filip imaspalu on yaug sumeik dugo, profet Aisaia san ru isuti dugo ilon tag isumiani, “Dugo, ru suti dan fun kitek ulon di?”

³¹ In ibol, “En dugop naj ru en fun nalon ak i? Rumok talpein ta fun ifulale ak man nap ka nalon a.” Agog Filip iwagig isidag sinjiren na imasi a.

³² Ru girek boi emaiak isuti,

“In man sipsip dufuni wo dinane diau dak igo wonj.

In nek ibol sipsip nanun fufulun dutute dop awan itau itur dak igo wonj.

An lo awan kitek ipuk man tia ya.

³³ In miai tubun mok dupanig, in o ru itaot dubol man tia ya. Kot aen kisaek mi digane.

Enti tamol an san malan kubulan ninedi wo ru ta ka ininon ak i? Talpein ta kisaek tia ya.

Man dugo, in san madok tan en lo digane itout go lak na yau a.”

³⁴ Itiopia tamol gurman an Filip isumiani, “Profet in enti ninen o ibol dan, gidad ubol pe nalon. Insen ninen o ibol, tia, talpein sen ta ninen o ibol i?”

³⁵ Ago dugug Filip girek nek en lo fun iganeg bilalun uyan ak Jesus ninen o yan ibol idug ilon a.

³⁶ Ru ifulale dugo dupalug you ta fun na dilasag, tamol gurman Filip irupei, “You ebe ya. Dugo, mel ta isubanag pe suguek ninane wan tia i?”*

³⁸ Ago man gurman an ibol dugo in san urat pinein karis yabituani a. Agog in Filip da you lo dudug Filip tamol an isugui a.

³⁹ Saen you dibiseig dilasa yan Tubun en san Ur Filip inane yau. Tamol gurman an Filip ta ile na gug ilon youn isag insiganen na yau a.

⁴⁰ Agog Filip Asdod† na kuai isi a. Agog turen yabig panu panu lo Jesus san bilalun

uyan ak ibol ilasa dugo itor nag Sisaria na ilasa ya.

9

Sol ilon ibileksag Jesus ninen o ilon lo rumok a

Apo 22:3-16; 26:9-18

¹⁻² Saen an lo Sol in Tubun en san tamolpein ifu dumat o urer ipidinai dugo ibol itor se ya. Agog pris malan te ak san na yaug, girek ta igire pani wo isumiani a. Girek an Juda ubou ab sad gurman adi Damaskus na yan ikubiai pidinai dop, tamol ta boi, tia pein ta boi, ilo rumok kagin a “Dal En” dubol* dugo diri dan abanad ile tap, ibiap isubanaip, dida Jerusalem na diau a.

³ Damaskus na yau wo dal inane yaug sumeik dugo gamu nam keit lo lilaman ta irakilawig, aban isapudadeg Sol ibuluwi a.

⁴ Agog yau idug tan na yen dugo awan ta iwagin dugo ilon, “O Sol! Sol! Ata wo naj malag sue dak i?”

⁵ Ago tag Sol isumiani, “Tubun en on enti?”

Ago dugo awan an ibol, “Nai Jesus nek a malag sued ama ya.

⁶ Aria, masap waup Damaskus na ladu. Ago gup dugo gane wan dubol ulon a.”

⁷ Tamol adi a Sol dida turen diabi dan dupartuanig ru ta dubol san tia ya. Awan ininon se yan bo dulon gug talpein nunon dile man tia ya.

⁸ Sol imasag malan ipuk gug aban ile san tia ya. Ago tag banin diabig dinane Damaskus na diau a.

⁹ Nal utol aban ile san tia ya. Agog anan dam, you dam tia imado ya.

¹⁰ Ilo rumok tamol ta yan Ananias Damaskus na imado se yan, malan ntun lo Tubun ak irupei, “Ananias.” Agog Ananias ibol, “Tubun en, naj ebo ya.”

¹¹⁻¹² Agog Tubun en irupei, “Masap, waup, ‘Dal itaot’ dubol dan ate Judas san ab lo Tarsus tamol ta yan Sol dubol dak ninen o sumiai. In man igudani dugo malan ntun lo mel ta igo ile ya, tamol ta

* **8:36:** Boi 37 Grik lo tia ya. Baibel aenta lo boi 37 igo ya. Ago tag Filip awan yabig ibol, On ilo lo rumok mok tap, on ka suguek nane wa. Agog tamol gurman an ibol, “Nai Jesus Kristus in Anut nanun an ilog lo rumok.” † **8:40:** Grik ru lo taun an yan Asotus * **9:1-2:** Imug tamolpein man ilo rumok adi sad kagin an ninen o yan Dal En dubol se ya; murna gug yanak an Kris dubol da.

yañan Ananias ipalug gurman fo banin igane dugo abañ fon ile da yak ago ñjon lo ile ya.”

¹³ Ananias ru naon irupeï, “O Tubun en, tamolpein wei mi tamol an ninen o dubol dugo ñalon a. Kagin saiak saiak funfun onane tamolpein Jerusalem na yan lo igane yak san ru durupaiaig dugo ñalon a.

¹⁴ Gamu pris gurman adi awok dubol go ete Damaskus na ipalug, talpein enti on yaña lo ubou dile dan ibiap injal diau o ipalu ya.”

¹⁵ Gug Tubun en Ananias irupeï, “Wau! Man dugo, ñai tamol an urat ag igane wo ñpiliania a. In tinin lo tamolpein Juda tia yan, inaned kin dida, Isrel tamolpein dam naod na ñai yañag kuai te irupidaip ru ñai nineg o dulon a.

¹⁶ Agod in ñai yañag o muruan tubun mi isini wan ñai ñukubiai pani wa.”

¹⁷ Agog Ananias yaug ab lo iladug, Sol gurman fo banin iganeg ibol, “O teig Sol, Tubun ak sen idinag go ñupalu ya. Jesus sen nek ete Damaskus na palu dugo dal na naon na ilasa amaiak, on afon abañ ule dop Urgun on tini inañefute wo idinag go ñupalu ya.”

¹⁸ Ago ibol ak gamu nam mel ta nek ibol iy tubulan igo won Sol malan lo yak ditapas tan na dudu ya. Agog malan ipuk go abañ fon ile ya. Ago man imasa itur go suguek inane ya.

¹⁹ Agog anañ yanig tinin fon dabai da ya.

Sol Damaskus na Anut san ru ifulale da

Sol nal aenta Kris tamolpein dida Damaskus na dumado se ya.

²⁰ Agog imasag itaot Juda sad ubou ab fidian lo yaug, Jesus san ru ifulale dugo ibol, “Jesus in Anut Nanun.”

²¹ Tamolpein fidian a in awan dulon se yan durut saian geig go sed nug dusumiani dugo igo dubol se, “Dugo, tamol an in sen Jerusalem na tamolpein Jesus yañan dupate dugo ifu dumat na yak nek emaiak i? Go in e ipalu yan tamolpein iburoup, injal pris gurman adi sad na diau wo ipalu yak i?”

²² Gug Sol san ru fulalek dabai geig ak ninen o, Jesus in Kristus an tamolpein fidian kuai te ikubiai pidinai a. An lo Juda tamolpein Damaskus na dumado dan durut saian dugo awan diabi san muruadi.

²³ Murnag saen kitek milaen mi yau dugo, Juda adi Damaskus na yan Sol dufuni wo dutumanig palañ an dumari.

²⁴ Ak man tamol ta pasak nam irupeï lon a. Tidom ad panu san dalawan te ager adi tawañ digane se ya. Sol ipalu dop diabip dufuni imat san mi a.

²⁵ Gug nal ta tidom lo Sol san megeloum adi diñaneg, diaug sep fog udou lo duyuweg, patun fo idu ya.

Sol Jerusalem na imul yau a

²⁶ Sol Jerusalem na yaug ilo rumok adi luad isa wo igane yak gug, in Sol gamu Tubun en san megeloum mok an ilod ta rumok na yan lo ilod weiwei a. In fidian in ninen o tubun mi direr a.

²⁷ Ak man Barnabas Sol inañeg aposel adi sad na diau a. Agog Sol Tubun en Damaskus dal na ile yan, Tubun en ru irupeï an dam irupidai dulon a. Agog Damaskus na Anut ru ifulale wo ta isuksuk na yan dam ibol idug dulon a.

²⁸ Atnag Sol aposel adi dida dumado dugo, Jerusalem ilon lo Tubun en san ru ifulale dugo itor se ya. Ilon fidian an ru ifulale dugo tinin ta irer na ya.

²⁹ Sol in Juda tamolpein Grik ru dubol dan dida diñin dugo nug aen ditog na ya. An ninen o dufuni imat o dal abañ dile se ya.

³⁰ Agog saen ilo rumok adi ru an dulon tag, Sol diñaneg Sisaria na diaug Tarsus na didinig yau a.

³¹ Saen an lo Kris midaen Judea na, Sameria na, agod Galili na yan an fidian maror lo mi dumado na ya. Awan Urgun midaen dabai ipidinai dugo ilod yabisa se ya. In san dabai lo midaen ilasag, tubun kasik. Agod Tubun en ninen direr dugo in san ilobol lo mi dumado dutor se ya.

Ainias in Dorkas da

³² Pita panu panu itor nag, nal ta Lida na Tubun en san tamolpein ate dumado dan yil o yau.

³³ Aben an ate yau nag tamol ta njen banin dumat ak ile ya. Tamol an yañan Ainias. In anañar 8 njen aben ta ibisei na ya.

³⁴ Pita tamol an irupeï, “Ainias, Jesus Kristus on ikubunio wo da. Masap, onane njen aben kubune.” Ainias ru an ilon go gamu nam imasag itur a.

³⁵ Saen tamolpein Lida na, Saron na dumado dan Ainias dileg Tubun en njen o ilod lo rumok a.

³⁶ Jopa na pein ta yañan Tabita, in Kris pein ta. (Grik ru lo yañan Dorkas). Insan saen tubun mi man binawek urat mi igane da. Agod tamolpein filiad tia yak ibinawai se ya.

³⁷ Saen an lo subam inaneg imat, agog tinin dufulanig galun lak na yak lo diganeg yen.

³⁸ Jopa nap Lida na wau man asau tia ya. Ago yak njen o saen ilo rumok adi Jopa na yan Pita Lida na imado dak dulon tag, tamol uraru ru en disinig Pita san na diaug ilon dinane dugo durupeï, “Gidad mansama na ririan palu.”

³⁹ Ago tag Pita tamol uraru an dida diau a. Saen dilasa yan Pita dinaneg galun lak na yan lo diau a. Ante man pein suos Pita dutur dulubanig ditata dugo, Tabita gamugo imat dugo bioun iwei na yan dukubiai pani a.

⁴⁰ Agog Pita fidian idinaig patun fo dilasa dugug turun isaluwig igudani gug, idansag naon Dorkas san sisanun ipani dugo irupeï, “Tabita, masa!” Ago ibol dugo Tabita malan ipuk go Pita ileg imasa ya.

⁴¹ Pita banin iwate dugo yabig imasa itur a. Agog Kris tamolpein in Kris suos dida igiaig, Tabita kumaen imado yan ikubiai dugo dile ya.

⁴² Ru an Jopa na ifurak go, tamolpein wei kasik Tubun en njen o ilod lo rumok a.

⁴³ Agog Pita Jopa na saen milaen mi tamol ta yañan Saimon ida dumado se ya. Tamol an makau sunulon, melmel funfun sunulod ikubune dop igane igos da.

10

Konilias Pita iwagi a

¹ Sisaria na tamol ta yañan Konilias, in Rom sad yu gurman tubun a.* Insan doup ititianai dan yañad “Italian Sawar”.

² In, inanen samun fidian dida Anut yañan lo ubou dile da. Juda tamolpein filiad tia yan ibunawai sinjakan dop, pem-pem Anut igudani se ya.

³ Nal ta 3 klok guraian gudaneke san saen lo malan n̄tun ta ile ya. Malan n̄tun an lo Anut san enel ta ipalug irupeï, “Konilias!”

⁴ Konilias irer an lo malan ti ibol go enel an leil ipani dugo isumiani, “Tubun en. En dugo ya?”

Agog enel awan yabig ibol, “Anut onane gudaneke ilon a. Agod onane binawek urat gane dan ileg, on o ilon isou da.

⁵ Ago yak njen o tamol ta dinaip Jopa na diaup, tamol ta yañan Saimon Pita dinaneg dida dupalu wa.

⁶ In tamol ta yañan Saimon ida lon aen te dumado da. Tamol an melmel funfun sunulod ikubune dop igane igos da.”

⁷ Enel Konilias ibisei yau dugo, Konilias yu tamol kisaek, agod insan ab san urat pinein uraru dida igiaig dupalu ya. Yu tamol an dam Anut yañan isini san tamol, agod in Konilias san biabi n̄lanal.

⁸ Agog melmel ilasa yan naod na ibol idug, idinaig Jopa na diau a.

⁹ Salsog dal na diau dugo, ad titinaem itur an Pita igudani wo ab san fun ilabakan an fo isida ya.†

¹⁰ Imatigen saian go anañ yani wo ilon tinin fidian ibol. Anañ dineid dumado dugo Pita malan n̄tun ta ile ya.

¹¹ Malan isidag keit awan ipasig mel ta yamel on ak gigin iwoiwo atem diabi dugo duyuweg tan na idu dugo ile ya.

¹² Yamel an fo bor, anakanak, mot, mudan naon funfun yil a.

¹³ Agog awan ta iwagin go ibol, “Pita, masap mel an ufu idup wani.”

¹⁴ Ak man Pita ibol, “Tubun en, tia geig. Juda kagin lo mel ta nun dubol dan n̄ai gubak mi n̄ani man tia geig a.”

¹⁵ Ago tag awan an fon ibol, “Mel dugon Anut ikokan ibol ak, on waliñ ganep, nun ta ubol na wa.”

* **10:1:** In keptan, 600 yu tamol ititianai a † **10:9:** Insad ab fidian sad fun man ilabakan. In pem-pem ate disida da.

16 Mel naon kisaek an mi ilasa utol gug, fon melmel an yamel anda imul keit lo yau a.

17 Pita malan n̄tun ile amaiak san fun kankan an igane dugo, Konilias tamol idinaig diau an Pita ab lo imado dan duloŋ tag dupalug ab awan te dutur a.

18 Ab muroun duwagiŋ go dubol, “Tamol ta etna yaŋan Saimon Pita imado di?”

19 Pita malan n̄tun amaiak kankan an iganed imado dugo Urgun irupeŋ, “Uloŋ, tamol utol oŋ abaja diabi da.

20 An lo udup, dida au. Ilo weiwei umoi. Man dugo, n̄aiseg n̄idinaig, oŋsa na dupalu ya.”

21 Ago tag Pita idug irupidai, “Tamol abajaŋale dan n̄ai nek en. An̄ ata wo apalu yak i?”

22 Ago tag ru naon durupeŋ, “Yu gurman tubun ak Konilias idinamag mupalu ya. In̄ tamol itaot mok, Anut yaŋan lo ubou ile da. Juda tamolpein dam tamol an yaŋan disini da. Anut san eŋel gun ak ta ipalug oŋ igiop in̄san ab lo waup n̄ije dop ilon̄ o ago eŋel an irupeŋ a.”

23 Ago tag Pita tamol utol an igiaig diladug atna dida dien a.

Anut ilo rumok san dalawan Juda tia yak ate diladu wo ipasi a

Tidom lom mi, Jopa na ilo rumok adi aenta Pita luan disag, tamol utol an dida diau a.

24 Tidom kisaek dal na dien gug Sisaria na dilasa ya. Konilias in̄anen samun, turan muroun dam igiaig dupalu yan fidian Pita malan diganed dumado se ya.

25 Pita ab lo iladu wo dugo Konilias yaug Pita naon na tubud igo won̄ turun isaluwi pani a.

26 Gug Pita banin idug yabisag irupeŋ, “Masa, n̄ai man tamol nek oŋ igo ya.”

27 Pita Konilias ru irupeŋ dugo ida ab lo diladug, tamolpein wei mi dumado dugo yil a.

28 Agog Pita irupidai, “An̄ aloŋ ak. Juda sad kubiaen̄ ibol ak, Juda tamolpein diaup tamolpein Juda tia yan dida ta mok dutumani na wa. Ak man Anut igo ikubiai panag, n̄ai tamol ta nun ak ta n̄abol na wa. Ikok tia yak dam ta n̄abol na wa.

29 Ago yak nin̄en o saen n̄ai nin̄eg o ru gane man ta n̄amoi na ya. Ata wo mok n̄ai nin̄eg o ru gane yak i?”

30 Ago dugo Konilias ibol, “Nal utol yau la ya. Gamu saen nek igo 3 klok guraian n̄aisiganeg ab lo n̄ugudani dugo, gamu nam tamol kulos malan milkouk geig ak idirig naog na itur a.

31 Agog irupaŋag, ‘Konilias, Anut oŋane gudaneŋ ilon̄ a. Agod binawek urat gane dan ile dugo oŋ ilon̄ isou da.

32 Talpein ta dinaip Jopa na diaup, tamol ta yaŋan Saimon Pita nin̄en o dusumiai. In̄ Saimon sen ak san ab lo imado da. Saimon an melmel sun̄ulod ikubunep igane igos da. In̄ loŋ aen te imado da.’

33 Ago yak nin̄en o gamu nam oŋ palu wo ru n̄igane ya. Agog oŋ gane fufeig palu ya. Gamu maŋ fidian Anut malan lo mumado da. Ak nin̄en o Tubun en ru dugon rupaŋama malon̄ o ibol man, ubol dop malon̄ o tinima migane da.”

Pita Konilias san ab samun ru irupidai a

34 Agog Pita in̄san nin̄en fun iganeg ibol, “Gamu gug n̄aloŋ la ya. Rumok, Anut san kagin panek tamol fidian lo man naon kisaek mi a.

35 Enti a Anut nin̄en o imat dugo, in̄san ilobol fom imado itor dak, gidad naon tinin sen ak an fidian in̄jal a.

36 Bilaluŋ uyan ak Anut maŋ Isrel tamolpein ipanama yan aloŋ la ya. Bilaluŋ an man in̄ Jesus Kristus ipilianig, tinin log id Anut da maror tumado da. Ago dugo Jesus in̄ tamolpein fidian sad Tubun a.

37 An̄ kulob Isrel tan lo ilasa yan aloŋ a. Jon suguek iganeg itout go, Galili na mel an fun ilasa ya.

38 Jesus Nasaret tamol Anut ipilianig, in̄ fo Urgun dabai da iganeg idu yan an̄ aloŋ a. In̄ panu panu itor dugo binawek igane dugo, talpein enti ta ur saian sad gurman paen na dumado dan ikubuniai se ya. Man dugo, Anut in̄ da dumado na ya.

39 “In̄ binawek urat Juda sad tan lo, agod Jerusalem na dam igane se yan maŋ malama lo mile ya. Agog aigim fo dibalig dufuni imat a.

⁴⁰ Gug nal utol itout an, Anut materj lo ifufunig kumaen imasag, mañ malama lo ilasag mile ya.

⁴¹ Tamolpein fidian ta dile na ya. Anut mañ mitep fun mufulale san ipilianama yan mi mile ya. Mañ nek kumaen imasa yan in da mani maluk na ya.

⁴² Agog Jesus sen ru dabai nam irupaiamag in san ru tamolpein naod na mufulale wa, ago gug idinamag mau a. Mañ tamolpein murupidaip, in sen man tamol a tamolpein dumat la yan, agod a dumado dan dam, in sad bitinaek tamol imado dak ago murupidaip duloñ an ru kagin irupaiama ya.

⁴³ Profet fidian in ninen o igo dubol ilasa, ‘Tamolpein a fidian in o ilod rumok dan, in anen yañan lo Anut in sad aupasek ipare idu pidinai a.’ ”

Tamolpein Juda tia yan Urgun diñane ya

⁴⁴ Saen Pita in inen dugo, awan fom tamolpein a ru duloñ dan Anut in anen Urgun iwali idug fidian diñane ya.

⁴⁵ Ilo rumok adi a tini sunulon tutek san muluñ lo dudu yan Jopa na Pita luan disag dupalu yan, durut saian geig a. Man dugo, ilo panek kawan ak on Anut in anen Awan Urgun tamolpein Juda tia yan dam ipidinai a.

⁴⁶ Ata wo? Muroun ru funfun lo Anut yañan diabisa dugo duloñ se ya. Ago dugug Pita imasag ibol,

⁴⁷ “Tamolpein en id Urgun tiñane ago mi in dam diñane ya. An ninen o, dugo, suguek diñane an ninen o talpein ta yabitanai san ninen ka ru ibol ak i?”

⁴⁸ Agog Pita tamolpein an Jesus Kristus yañan lo suguek diñane wo ru dabai nam irupidai a. Agog nal aenta in dida dumado wo dusumiani tag atna dida dumado ya.

11

Pita melmel fidian ilasa yak san ru, a tini sunulon tutek diñane yan irupidai duloñ a

¹ Tamolpein Juda tia yan Anut san ru diñane yan san ru, aposel adi in ilo rumok adi Judea na dumado yan dam irupidai duloñ a.

² Ago yak ninen o saen Pita Jerusalem na ipalu man, Juda ilo rumok adi tinid sunulon dutute an Pita ai dupanig

³ dupei, “On tamolpein tinid sunulon ta dutute na yan dida atumanig, anañ dam ani a.”

⁴ Ago tag Pita malan n̄tun ile yak san ru ibol idu,

⁵ “Nal ta Jopa na n̄gudani dugo, malag n̄tun en n̄ile ya. Keit lo mel ta yamel on gigin iwoiwo ate mi diabi dugug, duyuweg, naog na mok idu ya.

⁶ Yamel an fo man mudan naon funfun. Bor, mot, agod anakanak naon funfun dien a.

⁷ Agog awan ta irupaiag go ibol, ‘Pita, masap, melmel an ufu idup wani.’ ”

⁸ “Ago tag n̄ai n̄abol, ‘Tubun en, tia geig. Mel dugon Juda sad kagin lo nun man n̄ai gubak mi ta mok n̄ani na ya.’ ”

⁹ “Ago dugo awan keit lo yan fon ibol, ‘Mel dugon Anut ikok ibol dak, on walin ganep, nun ta ubol na wa.’

¹⁰ Mel naon kisaek an mi ilasa utol gug, fidian mi imul keit lo isida yau a.”

¹¹ “Ago ibol gug tamol utol Sisaria nag Konilias n̄aisag na idinaig dupalu yan ab n̄ai lo n̄umado yan san awan te dutur a.

¹² Urgun n̄ai ilog weiwei n̄amoip, ririan in dida mau wo ibol a. Ago tag Jopa na ilo rumok tamol 6 luag disag dida Sisaria na mau a. Agog fidian Konilias san ab lo miladu ya.

¹³ Agog Konilias irupaiamag Anut san enel in siganen ab lo ilasag in da durupein an san ru ibol dugo malon a. Enel an irupeig igo ibol, ‘Talpein ta dinaip Jopa na diaup, tamol yañan Saimon Pita ninen o dusumiai.

¹⁴ Tamol a bilaluñ irupaio wan lo on agod onane samun fidian dam patu pasek diñane wa.’

¹⁵ “Nai fun n̄iganeg ru n̄urupidai man, nek ibol fun mok lo Awan Urgun id tinid fo idug tiñane yak igo won, ago mi in tinid fo dam idug diñane ya.

¹⁶ Ago dugug Tubun en ru ibol ak ilog isou, ‘Jon you nam suguek ipanañ a, gug an Urgun nam suguek anane wa.’

¹⁷ Agod an kuai tem talon, Anut id Jesus Kristus ilod lo rumok go Urgun ipanad, ago mi tamolpein Juda tia yan ipidinai a. Nai

tamol naok dugo yak pe, Anut ata ilon ibol an n̄tute wak i?"

¹⁸ Saen ru an duloŋ man, iŋ ru taidam ad tia ya, tia, Anut yaŋan diabisa dugo dubol, "An rumok tap, Anut ilon yen man tamolpein Juda tia yan ilod ibileksap, kumaen pempem yen san diŋane wan san dal iŋ o dam ikasap yen da."

Antiok na midaeŋ foun ak ilasa ya

¹⁹ Saen Stiven imat an mala suek tubun kasik ilasag, ilo rumok adi dufufurak go aenkadi Saipras na, aenkadi Fonisia na, aenkadi Antiok na, diau dugo iŋ Juda tamolpein mi Jesus san ru durupidai se ya.

²⁰ Ak man Saipras iŋ Sairini da sad ilo rumok tamol aenkadi diaug, Antiok na tamolpein Juda tia yan Jesus Tubun en san ru dufulale dugo duloŋ se ya.

²¹ Tubun en san dabai iŋ lo yen ak niŋen o tamolpein wei kasik ilod dibilisag, Tubun en ilod lo rumok a.

²² Ru an yaug Jerusalem na midaeŋ duloŋ tag Barnabas didinig, Antiok na yau a.

²³ Saen Antiok na ilasag Anut san ilo panek kulob funfun midaeŋ an lo igane dan ileg, ilon tubun mi uyanan a. Ago tag tan suek ru irupidai, "Pempem Tubun en awan kagin apani dop, ta mok abisei na wa. Gidad, muruan saian ak gup ilom tinim fidian iŋ apani wa."

²⁴ Barnabas iŋ tamol uyanan mok. Iŋ ilon Urgun agod ilo rumok iŋanefuteg an lo iŋsan urat lo tamolpein wei mi ilod ibileksag Tubun en san na diaug iŋanen tamolpein dilasa ya.

²⁵ Agog Barnabas Tarsus na Sol abanjan yabi wo yau a.

²⁶ Saen iŋ Sol ile man, iŋaneg ida Antiok na dumul a. Ananar kisaek midaeŋ an lo tamolpein doup tubun dida dutumani dugo maŋau dipiteŋanai se ya. Antiok na ilo rumok adi yaŋak Kris an malmalan mok diŋane ya.

²⁷ Saen an lo Tubun en san profet aenkadi Jerusalem dibiseig Antiok na diau a.

²⁸ Profet ta yaŋan Agabas luluŋad lo imasag, mitep tan fidian lo kadag tubun idu wak niŋen Urgun ikubiai pani dugo ibol a. (Murnag Klodias Rom sad Kaisa

imado dugo Agabas awan aban an nuŋon ilasa ya.)

²⁹ An lo man ilo rumok adi iŋaned turad Judea na yan dubunawai o dubol a.

³⁰ Agog iŋaned filiad iri panim moni diganeg Barnabas Sol da moni dupidinaig disini diaug Jerusalem na ubou san gorman banid lo digane ya.

12

Herod Jems ifuni imat dugo Pita subanek lo igane ya

¹ Saen nek an lo mi Herod fun iganeg midaeŋ ilon lo tamolpein malad isue.

² Iŋ ibol dugo Jon tein Jems sabiri nam dufuni imat a.

³ Saen ago igane dugo Juda tamolpein ilod uyanan ago ile tag, afon ibol dugo Pita diabi a. (Juda sad soubul gun bret yis an tia ak diani san saen lo Pita diabi.)

⁴ Pita diabig, subanek ab lo diganeg, yu tamol adi tawan an dumado se ya. Yu tamol malan iwoiwo, go malan kisaek kisaek san tamol dam iwoiwo. Malan ta tawan an dumado nap, diau dop, fon malan ta dupalu se ya. Herod iŋ Juda sad nal gun tubun ak Pasova dubol dan saen an itout gup, Herod Pita malak malak lo kot ipani wo ilon ago isou a.

⁵ Pita subanek ab lo imado dugo, Kris midaeŋ Anut Pita ibinawi wo gadiŋ dabai kasik digane se ya.

Anut Pita subanek lo ipasi a

⁶ Tidom a san salso lo Herod Pita kot ipani san saen ilasa ya. Pita banin neinta lo sein dususeg diaug, yu tamol banin aenta ida dususe kisaek a. Banin aenta man diŋaneg sein nam yu tamol neinta dususe ago mi digane ya. Ago dugo iŋsen man titiŋaem yen. Yu tamol aenkadi man subanek ab san dalawan te tawan dutur go dumado se ya.

⁷ Aria tidom lak geig Tubun en san eŋel ante itur dugo, san lilaman subanek ab an ilon igane ilalan a. Agog eŋel Pita giranen ifunig malan ipuk gug irupei, "Masa kisaek oŋ!" Eŋel ago ibol dugo, Pita banin n̄dun te sein dien an sed ditapas dudu ya.

⁸ Ago dugo eŋel Pita irupei, "Oŋsa kulos sendal dam diri." Pita nek ago mi igane

dugo enjel ibol, “Onjane madid san kulos njanep se ibuluwo gup, njieg aban uri.”

⁹ Agog Pita enjel an njen aban irig subanek ab san galuñ dibiseig kuai te dilasa ya. Mel e ilasa den Pita san ilo sou lo man mel nuñon tia ya, inñ malan nñutun mi ile dak ago ibol a.

¹⁰ Ago dugo Pita enjel da dupalug, yu gurman tawan aben malan te itur dan dirinjani a. Agog tinin te itur an san aben dam dirinjani a. Wadan geig subanek ab san dalawan tubun ain nam digane yan fun na dilasa ya. Dalawan sen ilon nam itapas, agog patun fo dilasa ya. Agog taun an san dal an dirig kitek taida dilag asau gug enjel Pita ibisei a.

¹¹ Ago dugo Pita ilon ipasti gug kankan injaneg ibol. “Gamug gug njalon ak, mel njai lo ilasa man rumok a. Tubun en inñsan enjel idinig, ipalug njai ibinawag go Herod tuon lo, agod Juda sad daonñ panek ilod isou dan lo ipasag a.”

¹² Mel ilasa yan kankan an kitek igane gug, Jon yanñan neinta Mak dubol dan tinan Maria san ab lo yau a. Ab an lo Kris tamolpein wei kasik dususag dugudani dugo dumado se ya.

¹³ Pita dalawan ititi dugo, urat pein ta yanñan Roda, talpein dalawan ititi dak naon ile wo ipalu ya.

¹⁴ Saen Pita kulagun ilon go ilon tubun mok uyanan. Agog dalawan ipasi san ilon inañon. Pein an imaspalu yaug, tamolpein dugudanid dumado dan naod na Pita ab patun fo itur dan ninjen o ibol a.

¹⁵ Ak man inñ ilod lo ta rumok na tag dupei, “Onñ nag njñeo ifuno boi.” Ago bo man pein an kawan inññon onñ tag dubol, “An man Pita san mitilaen boi.”

¹⁶ Saen dinññon se yan Pita dalawan nek ago mi ititi se ya. Ago yau na gug dalawan dupasi. Agog saen Pita dile man durut saian geig a.

¹⁷ Agog leinñ tubun mi digane tag, awad itau wo banin nam toutou igane ya. Awad itau dugug, Tubun en inñ subanek ab lo injaneg ilasa yan fun ifulale dugo dulonñ a. Agog irupidai, “Ru en Jems inñ ilo rumok adi dida arupidai dulonñ.” Ago ibol go itout an ibisawaig, aben sen ta lo yau a.

¹⁸ Salso idug yu gurman a tawanñ dutur an lulonñad lo leinñ tubun geig ak ilasa ya. Pita dugo yau an ta dulonñ na ya.

¹⁹ Herod ibol dugo abañan diabi ak gug tinin kitek diletu man tia geig a. Ago tag inñ yu tamol adi tawanñ dutur se yan isumianai uyanan. Ak man tia tag, ibol dugo yu tamol an dufu dumat a. Agog Herod Judea ibiseig, Sisaria na yaug, atna kitek imado ya.

Herod san matenñ

²⁰ Herod Taia Saidon da sad tamolpein ninñedi wo tinñan saian. Ago tag Taia Saidon da sad tamolpein dutumanig Herod dilep dusumiani wo diau a. Malan malan mok inñ Blastus, Herod san ab san titianek, ilon dinñane wo diau a. Agop inñ naod inñanep Herod isumiani san a. Ago diganeg, inñ dida ilod kisaek. An lo diaug, Herod inñ dida maror dumado wo dusumiani a. Man dugo, inñ Herod san tan lo anañ dinñane yan lo inñsan binawek o tinid digane ya.

²¹ Blastus Herod san na yaug, nal igane wak ninjen isumiani. Agog Herod nal igane yak fom inñsiganen kinñ kulos iganeg, kinñ san kalik fufo imasig, tamolpein ru irupidai a.

²² Tamolpein inñsan ru dulonñ dugo disaig dubol, “En tamol san kulagun tia ya. Tia, en tubud ta inññon da.”

²³ Agog gamu nam Tubun en san enjel ta Herod ifunig ibili idu ya. Man dugo, inñ tamol mi ibol ak imoi. Tia, awan itaug Anut yanñan yabisa san imoi a. Agog kulilid inñsan tinñan dianig imat a.

²⁴ Gug Anut san ru italbisi, ifurak go aben fidian lo yau a.

²⁵ Barnabas Sol da Jerusalem na ubou san gurman banid lo moni digane yan san urat digane itout gug, dumul go Antiok na diau a. Saen dumul an Jon yanñan neinta Mak dubol dan dinñaneg dida diau a.

13

Urgun Barnabas inñ Sol da ipilianai gidi-naig diau a

¹ Antiok na midaenñ ilon lo profet adi, agod girek mañau adi dumado dan yanñadi igo ya: Barnabas, Simion a yanñan neinta Niger* dubol da. Lusias inñ Sairini tamol.

* 13:1: Niger san fun man bilkas.

Manain man in Herod da dilasag ditalbusi kisaek. Agod Sol sen dam mi a.

² Saen Tubun en yañan lo anañ geg diganeg dugudani dugo Urgan irupidai, “Ñai urat ta amag da yak ninen Sol Barnabas da apilianai apanag.”

³ Anañ geg diganeg dugudani na yan itout gug Barnabas in Sol da gurnad fo banid diganeg bilalun urat banid lo digane gug didinaig diau a.

Barnabas Sol da Saipras na diau a

⁴ Barnabas in Sol da Urgan idinaig Selusia na diaug wog diñaneg Saipras nui lo diau a.

⁵ Atna taun ta yañan Salamis dubol dak lo Juda sad ubou ab fidian lo Anut san ru dufulale se ya. Jon yañan neinta Mak, in sad urat an lo ibinawai se ya.

⁶ Nui an lo panu panu atem ru dufulale dugo diau nag taun Pefos na dilasa ya. Atna Juda tamol ta yañan Bar-Jisas, in yañan neinta Grik lo Elimas dubol dan, imado se ya. In kiai tamol, agod profet sewak dam mi a.

⁷ Tamol an in nui an san kiap da nug turan. Kiap an yañan Segius Polas, in tamol kankan anda ya. Tamol gurman an Barnabas in Sol da Anut san ru dufulale pani dop ilon o imat tag igiaig in san na diau a.

⁸ Ak man kiai tamol Elimas in an imoi. (In yañan fun man: kiai tamol.) In tamol gurman Barnabas in Sol da sad ru ilon san imoi o igane dugo, Jesus o ilon ta rumok na yan ilon inane wo maeg igane ya.

⁹ Agog Sol yañan neinta Pol, Urgan buben in anefutege malan ti ibol go Elimas ileg, irupe,

¹⁰ “On Satan san nanun, agod melmel dugon uyanan ak sad ager! On tini man ru sewak agod sewak kagin naon fidian in anefute ya. On pempem Tubun en san ru rumok an bilisap sewak on gane da.

¹¹ Gamu Tubun en san tuon on tini fo iganep ule wa. On mala itaup ad san lila-man ta ule na wa. Agop on ago mado dop saen ipano yak fo gup abañ fon ule wa.”

Gamu na mi Elimas kakao malan yafutanig, malan tidom tubun go tamol ta ile nag banin te yabi wo idab idab itor se ya.

¹² Tamol gurman mel ilasa yan ileg, Tubun en ilon lo rumok. Man dugo, Tubun en san ru ilon go buben imasag irut saian a.

Pisidia provins san taun tubun Antiok ante diau a

¹³ Pol turan dida Pafos nag diyawaig, Pamfilia distrik na taun ta yañan Pega ante dilasa ya. Nek ate gug Jon Mak ibisawaig imul Jerusalem na yau a.

¹⁴ Pega dubuseig Pisidia na taun ta yañan Antiok na diau a. Agog saen Sabat nal idug Juda sad ubou ab ta lo diladu ya.

¹⁵ Ante talpein ta malmalan ru kitek Moses san kubiaen isutig tinin te profet adi sad girek ta dusuti a. An itout gug ubou gurman adi Pol in Barnabas da sad na ru digane yang dubol, “An teik adi, an ru amam da dop man, tamolpein tan suek ru kitek arupidai o iloma ibol da.”

¹⁶ Ago tag Pol imasag, tamolpein malad lo banin yabisag, ru fun iganeg irupidai, “Isrel tamolpein, agod an aenkadi da Anut yañan abisa dan, kududom apanag!

¹⁷ Isrel tamolpein sad Anut, id tubud baged ipilianai go, saen Igipta na subanek lo dumado dugo, iganeg malad kubulad wei mok igileg dilasa ya, ago dugo filiad tubun mi diñane ya. Anut in siganen dabai tutubun ak lo in al go Igipta dibiseig dilasag diau a.

¹⁸ Agog anañar 40 tan kawan ak lo diau dugo, in sad kagin sisaiak ile yak bo man sen yabituani dugo bu ta ipidinai na ya.

¹⁹ Kenan tan lo tamolpein malan 7 dumado yan iratitalaig tan an in aneg in anen tamolpein ipidinaig an taman dumado ya.

²⁰ “Agog anañar 450 itout dugo tamol tulek gurman† ipidinai a. Tulek tamol adi an paed na mi dumado dugo, yang, profet Samuel san saen lo ilasa ya.

²¹ Agog Samuel in kin ta ipilianip ipidinai o dusumiani a. Ago tag Anut Samuel lo tamol ta Benjamin san gugoi lo Kis nanun yañan Sol dubol dan, ipidinai a. Agog anañar 40 in aned kin imado ya.

²² Agog Anut Sol ipasi yau dugo in anen aben lo Dawid kin igane ya. Anut Dawid ninen o igo ibol, ‘Ñai Dawid, Jesi nanun in anen nao lalek nukubiani uyanan a, in anen

† 13:20: Jas

buben nek ibol n̄aisag oŋ, an lo n̄ai ilog ibol dak ago mi igane wa.'

²³ "Wagam mi mok Anut idsad tubud baged promis ipidinai ak iñaned malad kabuladi lo patu pasek tamol ta ilasa wa. An lo gamu iñanen promis ru an nuñon ilasa ya, Anut Jesus idinig Isrel sad patu pasek tamol ilasa wo ipalu ya.

²⁴ Jesus urat gamugo fun igane dugo, Jon Isrel tamolpein naod na ru igo irupidaig ibol, 'Añanem aupasek patum apanip, ilom abileksap, apalup suguek añane.'

²⁵ Saen Jon iñanen urat wadan ifutani wo sumeik dugo isumianai, 'Añ n̄ai enti abol dak i? N̄ai man tamol a malan agane dan tia ya. Tia, tamol an n̄ai n̄ieg aban fo ipalu da. N̄ai iñsan sendal san kam n̄upasi san ta idaisuda na ya.'

²⁶ "O teig muroug, Abraham malan kubulan, agod añ tamolpein aenta Anut yañan abisa dan kudom agure. Patu pasek san ru man Anut idsad na iganeg ipalu ya.

²⁷ Tamolpein Jerusalem na dumado dan, iñaned gurman dida Jesus iñ patu pasek tamol an ta dile duloñ na ya. An bo saen Jesus daoñ dupani wo dubol man, iñ profet sad awad aban Sabat nal fidian lo dusuti dan nuñon diganeg ilasa ya.

²⁸ Iñ bo san muruan ta dile nag lo dufuni imat san tia yak gug, Pailat Jesus ifuni imat o dusumiani a.

²⁹ Agog saen ru Anut san buk lo melmel a iñ niñen o ibol an fidian digane itout man, aigim fo yak dupasig gib lo digane ya.

³⁰ Ak gug Anut Jesus materj lo ifufunig afon kumaen imasa da ya.

³¹ Agog nal wei kasik Jesus tamolpein Galili nag n̄ien fo Jerusalem na dupalu yan naod na ilasa dugo dile ya. Tamolpein an gamu Isrel tamolpein naod na Jesus rumok dile yan niñen dubol ilasa dugo iñsan ru durupidai duloñ da.

³² "Promis a Anut idsad tubud baged ipidinai an nuñon ilasa ya, an niñen o mañ gamu bilaluj an misini mupalug murupaian dugo alonj da.

³³ Promis an san nuñon ta dile na ya, tia, Anut iganeg Jesus materj lo imasag kumaen imado dan lo mi, id iñaned malad kabuladi an niñed o mi promis ru an nuñon

ilasa dugo tile ya. Ru ta Isrel sad bar yabek namba uraru lo yan igo ibol,

'Oñ n̄aineg Nanug mok;

Gamu saen en n̄ai oñ Tama n̄umado wa.'

³⁴ Agog Anut materj lo ifufunip, fon kumaen imasap, fon imat pe igan san tia yak niñen ru en ibol,

'N̄ai añ bar gun ak n̄upanañ a. Nek imug n̄ai Dawid promis ru n̄upani ak ago mi n̄upano mok a.'

³⁵ Ago man bar yabek sen ak san boi ta lo dam igo ibol,

'Oñ oñane Tamol Gun ak ulefuni dop gib lo igan san tia ya.'

³⁶ "Dawid iñsan saen san tamolpein luluñad lo Anut ilon yen ak fom urat igane se ya, agog saen iñsan urat igane itout man, imat a. Agog iñanen bagen muroun sinjired na disareg, iñsan sisanun igan a.

³⁷ Ak gug tamol a Anut materj lo ifufunig kumaen imasa yan, tan ilon lo igan man tia ya.

³⁸ "Teig taog, n̄ai ilog ibol dak añ fidian mel en alonj uyanan a. Jesus nek emaiak lo Anut ka añanem aupasek fidian ipare idu wa, ru amaiak gamu murupaian dugo alonj da.

³⁹ Añ Moses san kubiaen lo itaot alasa san tia ya. Gug Jesus lo man, talpein iñ o ilon lo rumok dan Anut malan lo itaot ilasa wa. Melmel a kubiaen mi igane san ta idaisuda na yan, an fidian Jesus mi ka igane wa.

⁴⁰ Ago yak niñen o kagin agane. Profet adi ru dubol an añ lo ilasa banau. Iñ igo dubol,

⁴¹ 'Añ ru kukok agane dan, ale.

Ilom weiwei dop arut pe adeg au.

Ata wo? N̄ai kulob ta an̄sam saen lo n̄igane wan niñen,

gidad enti ta mel an niñen durupaian an bo man,

añ pempem ilom lo ta rumok na wa.' "

⁴² Saen Pol Barnabas da Juda sad ubou ab an dubusei dugo, tamolpein Sabat nal naod na yan lop fon dupalup ru naon ago mi ak dubol dop duloñ o dusumianai a.

⁴³ Agog gurman adi tamolpein tumanek dibiseip diau o dubol dugo, Juda tamolpein, iñ a ta Juda na yak gug Juda sad ubou lo diau dan dam, Pol iñ Barnabas

da njed fo diau a. Ago dugo uraru an tamolpein tan suek ru durupidaig dubol, “Anj Anut san ilo munjanek ipananj dan lo atutou yau onj a.”

⁴⁴ Ubou kisaek yaug Sabat nal idu yan lo tamolpein kitek wei mi geig taun an lo dumado dan, Tubun en san ru dulong o dususag dutumani an malan tubun geig a.

⁴⁵ Agog saen Juda adi abanj ago dile man, turak tubun mi dususag ru saian geig ak nam ru dugon Pol ibol ilasa dan lo dipirgini se ya.

⁴⁶ Ago man Pol inj Barnabas da ta dusuk-suk nag ru naon igo durupidai, “Anut injsan ru malmalan anj murupaianj alonj o ru kagin irupaiama ya, gug anjsam leil lo man anj ibol tamolpein kumaen pempem yen dan dijanane san ta idaisuda na yak igo wonj a. Anj Anut san ru amoi an ninjen o, manj gamu mirinjananj pe Juda tia yak sad na mau a.

⁴⁷ Man dugo, Tubun en sen ru kagin irupaiamag ru en ipanama,

‘Njai njiginiog onj Juda tia yan sad sul mado wa.

An lo dop njaisag patu pasek sini waup, tamolpein a tan titin wadan fidian lo dumado dan dijanane wa.’ ”

⁴⁸ Saen tamolpein Juda tia yan ru an dulong man, ilod tubun mi uyanan go, inj bubed lo Anut san ru lak na geig disini a. Agod tamolpein a Anut gubak mi kumaen pempem san dijanane wo ipilianai amaiak fidian ilod lo rumok a.

⁴⁹ Tubun en san ru taun an san panu susumeik an lo ifufurak go yau a.

⁵⁰ Ak man Juda tamolpein dumasag, taun an san tamol gurman ated dusue ya. Inj pein yanjad anda yak Anut ubou an dile dan dam ated dusue ya. An lo Pol inj Barnabas da muruan inj madai da dupidinaig dukudaig, aben an dibisei a.

⁵¹ Tamolpein an Anut san kagin panek ru dulong o dumoi an ninjen o, aposel adi njed fo gufgaf an dipilti idug, Aikoniam na diau a.

⁵² Antiok na ilo rumok adi yousai agod Urgun da tinid injanefuteg dumado ya.

14

Pol inj Barnabas da Aikonium na ru dufulale ya

¹ Kagin naon kisaek an ago mi Aikoniam na ilasa ya. Pol inj Barnabas da Juda ubou ab lo ru dufulale uyanan mok an lo Juda adi agod Juda tia yan dam wei mi ilod lo rumok a.

² Gug Juda aenta Anut san ru dulong o dumoi, agog tamolpein Juda tia yan ated dusueg, injsad kankan dukubulig an lo Pol inj Barnabas da dil saiadi.

³ Gug Pol inj Barnabas da atna saen kitek milaen mi dumado ya. Inj ta direr na ya, tia, Tubun en san ru injanen ilo panek san an dubol ilasa dugo, Tubun en injsen dabai a ipidinai an lo tamolpein ikubiai dileg injanen ru an rumok a. Man dugo, aposel uraru an injsan dabai nek amaiak lo kulob girager funfun digane se ya.

⁴ Taun an san tamolpein ditarpaleg malan uraru. Aenkadi Juda dida dutur, go aenkadi man Pol inj Barnabas dida dutur a.

⁵ Tamolpein Juda tia an injaned gurman dida, agod a Juda yan injaned gurman dam dida Pol inj Barnabas da daonj dipidinaip pat nam dufup dumat o palanj ad dumari se ya.

⁶ Saen aposel ru an dulong tag, dusol go distrik Likonia na taun uraru Listra inj Derbe da, agod panu susumeik an lo dam diau a.

⁷ Ante Jesus san bilalunj uyan an san fun dufulale se ya.

Pol taun Listra Derbe da lo imado ya

⁸ Listra na tamol ta imado. Inj tinan tinjan lo mi njen imat, agod itor san tia ya.

⁹ Saen Pol ru ifulale dan inj dam doup lulunjad lo imado dugo kududon igure se ya. Pol tamol an malan ti ibol go, ilon lo rumok ile yak ninjen o ilonj ak, Anut tamol an ka ibinawi wa.

¹⁰ Ago tag Pol awan tubun mi irupe, “Masap! Itaot utur!” Agog tamol an gamu nam imasag itur go itor ila iso se ya.

¹¹ Saen tamolpein Pol ago igane yan dile man, injsaned Likonia muroun ru lo

* **14:11:** Grik injsad tubud sewak wei mi. Tubud an sad gurman yanjan Seus. Agod injsan awan njlanjal man Hemis.

duwagin go dubol, “Tubud adi dibilisag, tamol on go idsad na dupalu ya.”*

¹² Barnabas man Seus dubol go Pol man Hemis dubol. Ata wo? Pol man ru bilabal san tamol malan te ya.

¹³ Seus san tempel taun an san ar patun fo yen da. Seus san pris makau tamol ak injal go mor dam isinig, tan san dalawan in tamolpein dida aposel yai digane pidinai o ante dupalu ya.

¹⁴ Saen Pol in Barnabas da tamolpein kulob dugdugo digane dan dulong ak man, in kagin an dumoi tag in sed tinid fo bioun an dirasisire idug, dumaspalug, doup luluad lo diladug disasaig dubol,

¹⁵ “An ata wo igo agane dak i? Man dam tamol nek an igo mi a. Man bilalun uyan ak ta Jesus ninen o misini mupalu da. Man sama ru an alon dop kagin sewak agane dan patum apanip, Anut kumaen imado dan mi ubou an ale wa. In keit, tan, beig igane ya. Agod melmel fidian tan fo na, agod beig ilon lo yan fidian idiri a.

¹⁶ Imug mi man in tamolpein yilfu dugo inaned ilobol mi digane na ya.

¹⁷ Gug in pempem mel sisiñaok igane ilasa na yan lo in sen fun ikubiai ale se ya. In ui iganep, keit lop idu da. Nal fom anan iganep ilasa da. Anan ipanan dugo ilo uyan dam ipanan da.”

¹⁸ Pol in Barnabas da ru ago dubol gug tamolpein man yai digane mok o yaes ifu da, an ninen o diabituanai o muruan geig a.

¹⁹ Agog Juda aenkadi Antiok Pisidia provins atna yan, Aikoniam na yan dam dupalug, doup ilod dijaneg, Pol pat nam dufuni a. Agog diraeg, taun san ar patun fo dilasag, dibal yau a, agog diau a. Ilod lo man imat ak dubol a.

²⁰ Gug saen ilo rumok adi dupalug fun na dutur dulubani dugo, Pol imasag fon imul taun ilon lo iladu ya. Dien dumasag, tidom lom mi in Barnabas da Listra dibiseig Derbe na diau a.

Pol Barnabas da taun Antiok a Siria na yan ante dumul a

²¹ Pol in Barnabas da Derbe na Jesus san bilalun uyan ak dubol ilasag, tamolpein wei mi ilod dibilisag, Jesus san megeloum

dilasa ya. Agog uraru an dumul go, Listra nag, Aikoniam nag, Antiok o Pisidia na yan lo dilasa ya.

²² Atna ilo rumok adi inaned ilo rumok diabi sakar o tan suek ru durupidai, agog ru en dam durupidai, “Id muruan tubun mi tisini gup, Anut san kagin panek lo tiladu wa.”

²³ Midaen kisaek kisaek lo, tamol a Tubun en ninen o ilodi rumok dan luluad lo Pol in Barnabas da matu aenkadi dipilianai pidinai a. Agog nined dugudani wo anan geg diganeg, dugudanig, Tubun en banin lo didirai diau a.

²⁴ Agog dibisawaig Pisidia provins na ditilianig itout go Pamfilia provins na diau a.

²⁵ Taun Perga na Anut san ru dufulale itout go lon na diaug taun Atalia na dilasa ya.

²⁶ Murnag wog dijaneg Antiok a provins Siria lo yan ante dumul diau a. Aben ante gubak mi Anut san urat banid lo digane dugo in san ilo panek paen na urat digane wo idiraig dutor nag, gamu wadan dufutani a.

²⁷ Antiok na dilasag ilo rumok adi dutu manaig, Anut urat in lo igane na yan san ru durupidaig dulong a. Agog Anut tamolpein Juda tia yan ilod lo rumok san dal ipasi an dam dubol dulong a.

²⁸ Agog saen milaen mi ante ilo rumok adi dida dumado se ya.

15

Aposel gurman dida Jerusalem na dutu mana a

¹ Tamol aenkadi Judea na yak Antiok na diaug, fun diganeg ilo rumok adi dipitenanai dugo dubol, “An Moses san kubi aen ibol dak fo mi tinim sunulon atute wa. Tia dop, Anut an patum ta ipasi na wa.”

² Pol in Barnabas da ru an ninen o dida tubun mi nug diabi se ya. Ago tag ilo rumok adi Antiok na yan ru kagin igo durupidaig dubol, “Pol Barnabas da, aenta dam dida diaup, Jerusalem na aposel in matu gurman adi dida muruan an ninen o dukubiai a.”

³ Agog midaen didinaig, Jerusalem na diau. Fonisia in Sameria da sad dal im turen diabi dugo, tamolpein Juda tia yan

ilod lo rumok go ilod dibilisa yan san sae dusue se ya. Ilo rumok adi fidian ru dulon an ilod tubun mi uyanan a.

⁴ Saen Jerusalem na dilasa yan aposel adi, matu adi, agod midaen fidian dupalug duyunanai se ya. Agog Anut in lo dugo igane na yan naod na dubol ilasa dugo dulon a.

⁵ Gug ilo rumok aenta in dida ilod ta kisaek na ya. Tamol an imug man in Farisi a. In ilo rumok adi luluad lo malan kisaek dumado na ya. Tamol emaiak dumasag igo dubol, "Arupidai dulon pe, tinid sunulon dutute dop Moses san kubiaen ibol dan ago mi duri dupani. Kagin an ta dirinani na wa."

⁶ Ago tag aposel adi in matu dida dutu-manig muruan an ninen o dininen a.

⁷ Ninen diganeg yaug milaen dugo Pita imasag ibol, "Teig muroug, an alon a. Malan malan mok Anut an luluam lo nai ipilianag a. Agop tamolpein Juda tia yan nai awag lo Jesus san bilalun uyanan an dulon pe, ilod dibilisap, ilod lo rumok a.

⁸ Ago dugo Anut a idsad bubed ilon dan in san rumok Juda tia yak lo dal igo ikubiai dugo mile ya, id gubak mi Urgun ipanad ago mi tamolpein Juda tia yan dam ipidinai a.

⁹ Id Juda, agod a Juda tia yan in malan lo id sensen man tia ya. In o ilod rumok an lo bubed ifulanaig ikok dilasag nek id ago mi a.

¹⁰ Ago yak ninen o an ata wo dal en lo Anut naon akubiani wo agane dak i? An gamu ilo rumok adi Moses san kubiaen burod fo agane isuda wo agane da. Gug wagam id baged muroud, agod gamu idsed dam muruan an tisini san ta idaisuda na ya.

¹¹ Ak man id igo ilod lo rumok, nek ibol Tubun en san ilo panek an lo patud ipasi wak igo won, in dam ago mi patu pasek dinane wa."

¹² Doup tumanek lo yan fidian awad itaug dumado dugo Pol in Barnabas da tamolpein Juda tia yan luluad lo Anut in lo kulob girager dugo igane na yan ninen durupidaig dulon a.

¹³ Inaned ru dubol itout man Jems imasag ibol, "Teig taog, kududom agure!

¹⁴ Anut imug mi Juda tia yan sad na ilasag luluad lo tamolpein aenta injal pe inanen yan an disini wo sad na yau a, an san ru Saimon irupaiad la ya.

¹⁵ Agod ru a Saimon ibol an profet adi sad awad aban da awad dutumani kisaek a. In sad ru igo ya,

¹⁶ "Tubun en ibol, mel en itout gup nai namul da wa.

Agop Dawid san ab yau idu yan fon nabisa da wa.

Ab saian an nabisap, afon nususep uyan ilasa da wa.

¹⁷ Ago yak ninen o tamolpein aenta fidian Tubun en abanan diabi wa.

Agod Juda tia yan fidian a nai yanag tinid fo yen dan dam ago digane wa.'

¹⁸ Tubun en mel an fidian, fun log ipalug gamu kuai tem tamolpein dulon san ak idirig, ago ibol ilasa ya."

¹⁹ Agog Jems fon ibol, "Naisiganeg kankan lo yak nabol da. Id tamolpein Juda tia yan dibilisap naod Anut dupani dop muruan ta tupidinai na wa.

²⁰ Tia, girek ta tigirep ru igo turupidai a. In mel dugon tubud sewak yai digane pani dan diani dop lo sed ilod nun dupani wo dumoi a. Jeit kagin ta digane na wa. Mel a buron dususe gug tinin ilon lo san dar yen dan mudan ta diani na wa. Agod san dar dam ta diani na wa.

²¹ Id ru kagin taida turupidai san urat tia ya. Man dugo, wagam id baged sad saen log ipalug gamu, Moses san kubiaen Sabat nal anen anen Juda sad ubou ab fidian lo dusuti da. Ago dugo in san ru panu fidian lo dufulale da."

In sad girek digire yan san ru

²² Agog aposel, agod matu adi dida midaen fidian dutumanaig, awad kisaek gug tamol ta dipilianaip Pol in Barnabas da dida Antiok na diau wo dubol a. Agog Sailas, in Judas yan aneinta Basabas dubol dan dipilianai a. Tamol uraru an ilo rumok adi luluad lo yan ad da ya.

²³ Girek a digireg disini diau o dupidinai an san ru igo ibol:

"An ilo rumok Juda tia yan, Antiok na Siria na agod Silisia na amado dan, man ananem teim taom, aposel agod

matu adi dam mañanema ilo uyan anşam na migane ipalu da.

- ²⁴ Mañ malon ak mañsama tamol aenkadi anşam na diaug ru dubol an lo an ilo wei dupanan dugo ananem kankan dukubuli a. Mañ in ago digane wo ru kagin ta murupidai na ya.
- ²⁵ Ago tag mañ fidian mutumanig iloma kisaek go tamol aenkadi mipilianaig midinaig anşam na dupalu da. Idaned turad mok Barnabas in Pol da dida dupalu da.
- ²⁶ Tamol uraru an idsad Tubun ak Jesus Kristus yañan disini wo saen wei mi sed tinid dibisei se ya.
- ²⁷ Aria, mañ Judas in Sailas da mipilianaig dida dupalu wa. Tamol uraru en ru a migire yan sed awad nam durupaijan dop alon a.
- ²⁸ Mañsama ilo sou lo, agod Urgun san ilo sou lo dam, mel en mi uyanan a. Mañ in da sisem murupaijan dak, an muruan ta fon kubiaen en subujan tinim fo ta migane isuda na wa. Kagin nek en mi agane wa.
- ²⁹ Anan tubud sewak dupani ak ta ani na wa. Dar ani amoi. Mel ta buron dususeg san dar tinin ilon lo yen dan ta ani na wa. Jeit ta agane na wa. Kagin naok ago yan lo tinim apirani tap, nek an agane uyanan a. Nek a.”
- ³⁰ Midaen girek an banid lo diganeg didinaig Antiok na diau a. Antiok na dilasa gug ilo rumok adi fidian dutumanai gug girek an dupidinai a.
- ³¹ Agog an san ru dusuti a. Dusuti man, san tan suek ru dulon dugo yousai tubun mi digane ya.
- ³² Judas in Sailas da sisem sad teid taodi ru wei mi nam tan suek ru dupidinaig dabai dupidinai a. Man dugo, tamol uraru en dam Anut san profet mi a.
- ³³ Antiok na kitek dumado gug ilo rumok adi maror lo mi didinaig dumul go, siganed na diau a.*
- ³⁵ Ak man Pol in Barnabas da Antiok na dumado dugo, ante tamol aenkadi wei mi dida Tubun en san ru dufulale dugo tamolpein mañau dipitenjanai se ya.

* 15:33: Boi 34 an Grik lo tia ya. v 34 Ak man Sailas gidad inşan ilo sou lo aben an ta ibisei na man uyanan a.

Pol in Barnabas da ilod ta kisaek na yan lo sensen diau a

- ³⁶ Murnag Pol Barnabas irupei, “Id taup, teid taod Kris a panu panu imug taug Tubun en san ru turupidai se yan ate tau a. In dugo dumado dan teil a.”
- ³⁷ Barnabas awok ibol ak gug Jon a yañan neinta Mak dubol dan dida diau o ilon ibol a.
- ³⁸ Ak man Pol Jon dijanep ida diau san an ta uyan na yak ago ilo sou igane ya. Man dugo, gubak mi in Pamfilia na urat digane dugo, Jon dida urat digane yau o imoig ibisawaig imul yau a.
- ³⁹ Ago man ilod ta kisaek na yan lo ru dabai nam nug aen dutog se ya. An lo sensen diau a. Barnabas Jon yañan neinta Mak inaneg ida wog dijaneg Saipras nui na diau a.
- ⁴⁰ Gug Pol Sailas inaneg, ilo rumok adi dutumanig Tubun en san ilo panek lo kagin ipidinai o dugudani gug, urarum didinaig diau a.
- ⁴¹ Agog in Siria nag Silisia na midaen fidian dabai dupidinai dugo diau se ya.

16

Timoti, Pol in Sailas da luad isag dida diau a

- ¹ Pol turen ibateg Derbi na agod Listra na yau a. Atna ilo rumok pinein ta yañan Timoti imado se ya. In tinar Judas. Agog in dam ilo rumok pein ta. Gug taman man in Grik tamol.
- ² Listra in Aikoniam da sad ilo rumok adi fidian Timoti dupitiani da.
- ³ Pol in Timoti inanep ida diau o ilon yen tag ibol dugo Timoti tinin sunulon dutute ya. Man dugo, Judas panu fidian lo dumado dan dulon, Timoti taman man in Grik tamol.
- ⁴ Saen panu fidian lo diau se yan kubiaen aposel adi in matu dida Jerusalem na digane yan ilo rumok adi dupidinaig, kubiaen an mi duri dupani wo dubol a.
- ⁵ Ago yan lo midaen inaned ilo rumok dabai dupanig, midaen fidian nal ate mi tubun ilasa se ya.

Pol malan n̄tun lo Masedonia tamol ta ile ya

⁶Urgun in̄ Esia san tan fidian lo Anut san ru dubol ilasa wo man geg ipidinai a. Ago tag in̄ Frisia na, agod Galesia na mi turen̄ diabi na ya.

⁷Saen Misia provins san tom fo dilasag Bitinia provins lo diladu wo digane gug Jesus san Ur awok ta ipidinai na ya.

⁸Ago tag Misia na diau on̄ go, Troas na dilasa ya.

⁹Atna tidom lo Pol malan n̄tun lo Masedonia tamol ta itur dugo iwagi dan ileg igo irupe, “Ete Masedonia na palup mañ binawama.”

¹⁰Saen Pol mitilaen an ago ile man, gamu nam mañ ru kagin irupaiamag Masedonia na mau san aban̄ mukubune ya.* Man dugo, mitilaen an mañ kankan ipanama yak, Anut mañ atna maup bilalun̄ uyanan an tamolpein sad na mufulale wo igiama ya.

Filipai na pein ta yan̄an Lidia in̄ ilon lo rumok a

¹¹Troas na wog miñaneg tim idudunamag itaot geg Samotres na mau a. Agog maen, mumasag, Niapolis na mau.

¹²Atnag n̄iema nam maug, Filipai na milasa ya. Masedonia distrik lo Filipai in̄ taun malan te ya. Taun an Rom gabman in̄ane ya. Mañ atna kitek dam mumado ya.

¹³Sabat nal lo taun mubiseig, you ta aen te mau. Iloma lo Juda sad gudanek aben ta ate mile wak mabol. Agog mumasig, pein ante dutumani ak Anut san ru murupidai se ya.

¹⁴Pein a ru dulon̄ na yan lulun̄ad lo kisaek ta yan̄an Lidia. In̄ Taiataira pein. In̄ yamel daran naon lak na geig ak in̄san na didad da. Pein an in̄ Juda tia yak gug in̄ Anut o ubou ile da. Saen Pol ru ibol dugo Tubun en̄ iganeg buben isofulale dugo in̄anen ru in̄ane uyanan go ilon lo rumok a.

¹⁵Agog Lidia in̄anen ab samun dida fidian suguek diñane gug isumianama, “Ananem ilom lo n̄ai akubianag ak Tubun en̄ san ru n̄iganuri dan ilom ago isou tap,

apalup n̄aisag ab lo tumado wa.” Ago dugo Lidia dabai igane on̄ tag ida mau a.

Pol in̄ Sailas da dusubanai a

¹⁶Nal ta mañ gudanek aben lo mau dugo, dal na urat bigabeg pein ta ipalug iliama ya. In̄ ur ta kiai panek san aman da ya. Ur saian an mel murnap ilasa wan pein an awan lo ibol ilasa da. Dal an lo pein an moni tubun mi in̄anen tirnek tamol adi in̄ane pidinai da.

¹⁷Pein an mañ Pol da n̄iema aban irig isasai dugo, igo ibol se, “Tamol en̄ in̄ Anut lak na geig ak san urat tamol. In̄ dal dugo lo patu pasek an̄ane san ak dubol ilasa da.”

¹⁸Nal wei kasik ago iginiamag, Pol tin̄aen saian tag nal ta idan̄sag, ur saian an ipei, “Nai on̄ n̄urupaio da, Jesus Kristus yan̄an lo pein an biseip lasa wau.” Ago dugo gamu nam ur saiak pein an ibiseig ilasa kisaek on̄ a.

¹⁹Urat bigabeg pein an san tirnek tamol adi moni diñane san dal itau an dile tag, Pol in̄ Sailas da duburoug, diriaig didaen̄ aben lo kot dupidinai o diau a. Ante gurman adi naod na dugunai a.

²⁰Agog in̄ Rom san tulek tamol an naod na ru dupidinaig dubol, “Tamol en̄ Juda tamol. In̄ idsad taun lo muruan digane da.

²¹In̄ kagin idsad kubiaen̄ lo geg an tamolpein dipiten̄anai da. Id Rom tamolpein in̄sad kagin dubol dan tin̄ane dop tiri san tia ya.”

²²Agog doup tubun an dumasag, Pol in̄ Sailas da dufu wo fun digane. Tulek tamol an Pol in̄ Sailas da tinid fo kulos disire idug, bu dupidinai o dubol.

²³⁻²⁴Agog dufu saian go subanek ab lo didirai a. Tamol a subanek ab ititiani dan isubanai sakar o durupe, tag, ibilai galun̄ ilon lo geig ak lo diladug, ai lapan uraru muruadi ak nam n̄iedi ipini a.

²⁵Tidom luak igo won̄ Pol in̄ Sailas da Anut dugudani dugo bar diabi se ya. Ago dugo subanek tamol fidian awad dulon̄ se ya.

²⁶Agog gamu nam kanaurig tubun ak ilasag subanek ab san fun an iguri dugo, dalawan fidian awad itapas a. Agog n̄ied

* **16:10:** Ete Troas na Luk in̄sen luad isag dida diau a.

banid lo sein a ate dusebanai an sed itapas diau a.

²⁷ Subanek ab san titianek yen nag imasa yan, dalawan awad itapas ak ileg, subanek tamol fidian dusol diau ibol go, insiganen sabiri igursig, nam sen ifuni imat o sumeik a.

²⁸ Ago dugo Pol awan tubun mi iwagin go ibol, "Se ifuno umoi. Man tet mi mumado da."

²⁹ Subanek ab san titianek lam disini dupalu wo iwagin. Agog isuruwor on imasalug iladug, Pol Sailas da n'ied fun na turun isaluwig idu ya.

³⁰ Agog injal go patun fo dilasag isumianai, "Nai dugo nganep lo patu pasek nginane wak i?"

³¹ Agog ru naon durupe, "On Tubun en Jesus n'inen o ilo rumok tap patu ipasi wa. Onane ab samun dam patud ipasi wa."

³² Agog Tubun en san ru inanen ab samun dida naod na dufulale ya.

³³ Tidom an lo mi subanek ab san titianek Pol in Sailas da dufunai na yan sad baob ifulanig ifou pidinai. Inanen samun fidian dida ilod lo rumok go suguek dinane ya.

³⁴ Agog Pol in Sailas da injal go ab lo disidag anan ipidinaig diani. Titianek an inanen samun dida ilod tubun mi uyan a. Man dugo, in gamu Anut ilod lo rumok.

³⁵ Tidom lom mi tulek tamol adi insad aikatuk adi didinaig diaug subanek ab san titianek igo durupe, "Tamol uraru an pa-saip diau a."

³⁶ Ago tag titianek tamol an Pol irupe, "Gurman adi on Sailas da n'ubusawan pe alasa wo uyan dubol a. Ago yak n'inen o an maror lo mi au a."

³⁷ Gug Pol aikatuk an irupidai, "Man mel ta migane saian man tia ya. Agod mel an fun n'inen o ta dusemianama na ya. Man bo dam Rom tamol gug kawan geig malak malak bu nam dufunama ya. Agog subanek ab lo diginiama gug, gamu fon pasak nam didinamap mau o digane dak i? Man ta mok mau na wa! Gurman adi insed mok dupalup, dupasamap milasa gup mau a."

³⁸ Ago tag aikatuk adi diaug, gurman adi naod na Pol awan aban dubol ilasa ya.

Saen gurman adi Pol Sailas da in Rom tamol an dulon man direr saian geig a. Man dugo, kabelan in dam naon dinane banau.

³⁹ Ago tag diaug, Pol in Sailas da naod na in digane saian ak n'inen o inaned muruan ilod inon o dugudani a. Agog dinjal go subanek aben dubuseig dilasag, panu dubuseip diau o dusemianai da.

⁴⁰ Ago tag Pol in Sailas da Lidia san ab lo diau a. Atna ilo rumok adi dumado dugo, tan suek ru durupidaig dubusawaig diau a.

17

Pol Tesalonaika na Anut san ru ifulale ya

¹ Pol insan urat kisaek ak dida turen di-abig diaug, Amfipolis nag, Apolonia nag, Tesalonaika na dilasa ya. Atna Juda sad ubou ab ta yen da.

² Pol insan kagin mi irig ubou ab an lo iladug Sabat nal utol tet mi tamolpein dida ru Kristus n'inen o Anut san buk lo yen dan n'inen o ru dabai lo dida dinin se ya.

³ In mel en ifulale pidinai a, Kristus muruan madai da isinip imat gup fon kumaen imasa da wan an urat anda ya, ago dugo ru ta Anut san buk lo yen dan lo Kristus mel an yabi-rinani san tia geig ak n'inen o kuai te ikubiai pidinai o maeg igane se ya. Ago dugo igo irupidai, "Jesus nek e n'inen o n'abol ilasa den insen mi Kristus."

⁴ Juda aenkadi ru a Pol ibol ilasa se yan rumok dupanig Pol in Sailas da luad disa ya. Ago dugo Grik tamol aenkadi Anut o ubou dile dan, agod pein yanad anda yak aenkadi dam nek ago mi digane na ya.

⁵ Ak man Juda aenkadi Pol san urat dileg, turak dususa se ya. Ago tag tamol saiaidi a taun san tumanek aben lo kawan dumado dan dinjal go dutumanai a. Agog in tamolpein taun a lo dumado dan fidian bubed diabisag, Jeson san ab digileg, Pol in Sailas da abanad diabi se ya. Insad ilo sou lo man diliaip duburoup, tamolpein malan tubun an sad na dinjal diau o digane.

⁶ Ak man ta dil na tag Jeson in ilo rumok aenkadi dida dinjal go taun an san gurman adi sad na diau. Agog duwagin go dubol, "Tamol en kubulek tubun kasik digane dugo dutor nag, gamu idsad taun lo dam dupalu ya.

⁷ Agog Jeson tamol an injal go inſan ab lo dida dumado da. In fidian Kaisa san kubiaen igane yan dipilali dugo, kin neinta imado dak ago dubol a. Kin an yaſan Jesus dubol da.”

⁸ Saen ru an dubol man tamolpein malan tubun an, in taun san gurman dam fidian tinjaed saian dugo ta dumado wo uyan se na ya.

⁹ Ago tag gurman adi moni sapita Jeson ipidinaï dop diſane wo ida ru dufuni a. Aria, ru a dufuni an ilon lo, Jeson afon tamolpein muruan ipidinaï tap, moni an ta inane da na wa. Agog Jeson moni an inane ipidinaï gug, ka diau ak ago dubol tag, Jeson tein taon Kris an injal go dida diau a.

Beria na tamolpein wei mi Jesus o ilod rumok a

¹⁰ Saen tidom idu dugo, ilo rumok adi Pol in Sailas da didinaig, Beria na diau. Diaug dilasa man Juda sad ubou ab ta lo diladu ya.

¹¹ Juda adi ete dumado den a Tesalonaika na dumado dan ago tia ya, tia, in kankan uyanan ad da ya. Ago yan lo Pol san ru diſane wo yaes ifu se ya. Agod nal pempem ru a Anut san buk lo yan dusuti dugo Pol san ru ifulale se yan ida dibitinae dile se ya.

¹² Amaiak ninen o Juda wei kasik ilod lo rumok a. Grik pein kitek wei mi yaſad ad da yak, in Grik tamol dida ilod lo rumok a.

¹³ Saen Juda adi Tesalonaika na yan Pol Beria na Anut san ru ifulale dan duloſ tag dupalug, tamolpein ated dusue dugo tinjaed saian se ya.

¹⁴ Ago tag gamu nam ilo rumok adi Pol didinig, loſ na yau a. Gug Sailas in Timoti da man Beria na dumado se ya.

¹⁵ Tamol a Pol diſaneg ida diau man diaug, Atens na geg gug tamol an afon idinaig Sailas in Timoti da ririan in luan disa wo ru iganeg sad na yau a. Agog saen ru diſane man Beria dibisei kisaek on go inſan na dupalu ya.

Pol Atens na ru ifulale ya

¹⁶ Saen Pol Atens na Sailas in Timoti da malad igane dugo, taun an ilon lo tubud

sewak an mitilaedi wei mi yil dugo, ilon imasag ilon muruan geig a.

¹⁷ Ago tag ubou ab lo Juda tamolpein, agod tamolpein Juda tia gug Anut ubou an dile dan Anut san ru irupidai dugo, dida tubun mi diſin in ila iso se ya. Nal pempem ensauta daden aben lo dumado tap, tamolpein an dam ru irupidai dop dida diſin in se ya.

¹⁸ Ago dugo maſau tamol malan uraru dida diſin in dugo nug aen ditog. Malan ta yaſad Epikurian, malan neinta yaſad Stoik. Malan uraru an luloſad lo aenkadi igo dubol, “Ak dugo, awa you maſau an tia amaiak dugo ibol o maeg igane dak i?” Ago dugo aenta dubol, “In tag tubud gol ak ninedi wo ru ifulale dak boi a.” In ago dubol dan fun man, Pol in Jesus agod inſan mater lo kumaen imasa amaiak san ru ifulale se ya.

¹⁹ Aria, Atens ilon lo bubun ta yaſan Ariopagus dubol da. Aben ante taun an sad kaunſil dutumani da. Agog diſaneg Ariopagus tumanek aben ate diſaneg diaug durupeï, “Onsa piteſanek foun an naoma na ubol ilasa dop ka malon ak i?”

²⁰ Onsa piteſanek senamo geig ak kudu-doma lo ililaſan da. Ago yak ninen o melmel an sad fun malon mok o iloma yen da.”

²¹ Atens tamolpein, agod gol tamolpein aenkadi dupalug dumado dan in melmel foun ilasa dan ninen o mi nug naon na dubol dop duloſ o dumat da. Inaned saen tubun mi ago digane da.

²² Ariopagas gurman a dutumani an naod na Pol imasa itur go ibol, “An Atens tamol kududom agure. Naisag leil lo man, ananem kagin fidian lo tubud adi ubou ad ale wo yaes isofutanaſ da.

²³ Man dugo, saen njai anſam taun ilon lo nſitiliani nſator se man, malag yaug melmel a lo ubou amad ale dan nſeil a. Ago dugo alta ta fufo girek ta igo digire yak nſile ya. Girek an igo ya, ‘Alta en tubud enti id ta talon na yak san a.’ Aria, gamu tubud a ta alon nag ubou an ale dan, gamu anſam na nſabol ilasa wo da.

²⁴ Anut a tan in keit da iganeg mel fidian ilon lo dam idiri an, inſen keit agod tan da sad Tubun ak imado da. Agod in tempel ta-

molpein banid nam dufou yak lo ta imado na da.

²⁵ Agod in mel o katukan dop tamol banid nam ta dibinawi na da. Man dugo, in sen amaiak tamolpein fidian kumaen di ur, agod mel fidian dam ipidinai da.

²⁶ Tamol kisaek mi igane gug lo tamol naok funfun ilasag, tan fidian lo dumado da. Gamugo iginiai dugo, in sen mi tamolpein warou anen anen saen dumado wak ibalsi pidinai a. Agog tan geg ak anen anen ate mi itarpale pidinai a.

²⁷ In ago igane yan lo, tamolpein fidian Anut aban an diabi wa. In tag mala nouk lo didabdab gup dile wak boi ago digane wo idirai a. Ago bo man Anut man id anen anen sad na asau mi ta imado na da.

²⁸ Man dugo, talpein ta igo ibol,

‘In lo man, id kumaen tumado dugo tala taso da,
agod in lo dam idsad madok san fun yen da.’ Taida mi, an anem profet aenkadi dam igo dubol,

‘Rumok, id man in anen malan kubulan.’

²⁹ Id Anut malan kubulan, ago yak ninen o Tubud a rumok an nek ibol mel ta silva, gol pat da nam tamol digane yak on ago ta ilod isou na wa. Mitilaedi an fidian man tamol banid kulob an lo siganed manau lo mel an banid nam didirai ilasa ya.

³⁰ Id fidian tinan dugo kagin ago tigane na yan san saen lo Anut iliad funad se ya. Gug gamu man Anut ru dabai nam tamolpein fidian irupidai dop, ilod ibileksap in aned kagin saiak an patud dupani wa.

³¹ Man ata wo? Nal ta lo in kagin itaot ak lo mi tamolpein tan tilianek lo dumado dan bitinaek lo idirai an ibalsi la ya. Tamol a in wagen lo bitinaek urat an igane wan ipiliani la ya. In ru e rumok an tamolpein fidian kuai te ikubiaig dile yan san dal man nek igo ya, tamol a maten lo ifufunig afon kumaen imasa da ama ya.”

³² Saen tamol adi a Ariopagus na yan Pol tamol ta maten lo kumaen imasa da yak san ru ibol dugo dulon man, aenkadi kukok an digane se ya, ak man aenkadi dubol, “Man ru e mel an ninen o ubol den afon nal tap malon a.”

³³ Agog Pol tumanek an ibiseig yau a.

³⁴ Gug tamol aenkadi in anen ru ilod lo rumok an lo luan disa ya. Lulunad lo tamol ta yan an Daionisias in Ariopagus kaunsil ta. Agod pein ta yan an Damaris, ago dugo tamolpein aenta dida ilod lo rumok a.

18

Pol Korint na Anut san ru ifulale ya

¹ Pol Atens ibiseig Korint na yau a.

² Atna Juda tamol ta yan an Akwila ile ya. Tamol an Pontas tamol. In iwon Prisila da wari na geig Itali dibiseig Korint na dupalu ya. Man dugo, Kaisa a yan an Klodias dubol dan, Juda fidian a Rom na dumado dan Rom dibisei wo ru dabai nam ru kagin ago irupidai a. Ago tag Pol Akwila iwon da yil o sad na yau a.

³ Pol man ab sel ak san niganag tamol. Akwila iwon Prisila dam in da urat kisaek a. Fun an lo Pol in dida dumado dugo sisem ab sel diweig didaen lo didirai dugo moni dinane se ya.

⁴ Ago dugo Pol in Sabat nal anen anen ate mi Juda sad ubou ab lo tamolpein a ate dumado dan dida dinin en dugo nug aen ditog se ya. An lo Juda aenkadi agod Grik tamolpein dam ilod in aneg Jesus o ilod rumok a.

⁵ Saen Sailas in Timoti da Masedonia na dupalug Korint na dilasa man, Pol in san ab sel iwei se yan ibiseig saen tubun mi Tubun en san ru ifulale se ya. In Juda tamolpein mi naod na Kristus man in sen Jesus an irupidai dulon se ya.

⁶ Gug saen in Pol san naon diabi dugo nao futek ru dupani se man, ilon imoi ak ninen o in san kulos fo gufgaf dien an igigiani idu ya. Agog patun ipidinai ak san ru en igo irupidai, “An adeg au tap, an an anem mel mi a, naisag wadan tia ya. Ak ninen o gamu saen e yau den, nai tamolpein Juda tia yan sad na nau a.”

⁷ Agog ibisawaig, tamol ta yan an Titius Jastus san ab lo yaug ida dumado na ya. In Juda tia gug Anut ubou an ile da. In san ab Juda sad ubou ab giran en na itur da.

⁸ Aria, ubou ab an san gurman yan an Krispas dubol dan Tubun en ninen o ilon rumok a, agod in anen samun fidian dam ilod lo rumok a. Korint tamolpein wei

mi Pol awan duloŋ go ilod lo rumok gug suguek diŋane ya.

⁹ Nal ta tidom lo Pol malan ŋutun ile dugo Tubun en irupej, “Oŋ ta urer na wa. Tia, ubol ilasa dop awa ta mok itau na wa.

¹⁰ Man dugo, ŋai oŋ da tumado da. Talpein ta oŋ ifunop saian ipano san tia ya. Ete mado, man dugo, tamolpein wei mi taun en lo dumado dan ŋaisag tamolpein.”

¹¹ Ago tag Pol atna anaŋar kisaek wadan da imado dugo, taun an san tamolpein ilod lo Anut san ru ipiteŋani se ya.

¹² Ak man saen Rom gurman ta yaŋan Galio dubol dan, Akaia provins san tirnek tamol ilasa man, Juda adi dutumanig kankan kisaek ad da yak lo, Pol kot dupani wo diabig, diŋane diaug gabman san kot naon na dugunig

¹³ dubol, “Tamol en kubiaen iriŋani da. Ata wo? In tamolpein dal senamo yak lo Anut niŋen o ubou digane wo ilod iŋane wo maeg igane da. Gug dal an kubiaen ta iri na da.”

¹⁴ Pol awan ipuk go iŋiŋeŋ o igane ibol ak Galio imasag Juda adi irupidai, “Muruan gamu en kagin saiak san, tia, mala suek saian geig ak san ago tap, aŋ Juda awam ŋaloŋ san an dal ag da wa.

¹⁵ Ak man gamu aŋ asumianag dak, ŋai ru ta, yaŋak, agod anaŋem kubiaen dam mel naok an mi ŋibitinae wo abol da. ŋai ru naok ago yak ta ŋibitinaep ŋukubune na wa. Ago yak niŋen o aŋsem muroum mi ale gup akubune wa.”

¹⁶ Ago ibol dugo ikudaig kot aben dubiseig, patun fo dilasa ya.

¹⁷ Juda tamolpein an fidian in ubou ab san gurman ta yaŋan Sostenis dubol dan diabig, kot malan lo malak malak dufuni se ya. Ak man Galio ka yilfu oŋ a.

Pol Korint ibiseig Antiok na yau a

¹⁸ Pol nal wei mi ilo rumok adi dida Korint na dumado gug wog iŋaneg Akwila iwon Prisila da dida Siria na diau a. Wog gamugo iŋane dugo Senkria na gurman roun ibol dugo dutute ya. Man dugo, inug mi Anut malan lo promis ru ibol an nuŋon igane yak niŋen o inŋan promis an igane itout a.

¹⁹ Diaug, Efesus na dilasag, atna Pol Akwila in Prisila da ibisawaig, ubou ab lo

iladug, Juda dida Kristus niŋen o ru lo nug aen ditog se ya.

²⁰ Atna saen milaen mi dida dumado wo dusumiani ak man in imoi.

²¹ Gug saen yau o dugo irupidai, “Anut ŋamul o ibol tap, ŋai aŋsam na ŋamul da wa.” Agog Efesus ibiseig iyawai a.

²² Agog Sisaria na ilasag, Jerusalem na isida yau. Atna midaen ilo uyan ru irupidai gug Antiok na yau.

²³ Antiok na kitek imado gug yaug Galeisia ilon lo iladug, Frisia na dam ilo rumok adi fidian dabai ipidinai dugo yau oŋ se ya.

Juda tamol yaŋan Apolos Anut san ru ifulale ya

²⁴ Saen Pol yau imul dugo Juda tamol ta yaŋan Apolos, tinan Aleksandria na igansi ak in Efesus na ipalu ya. In ru bilabal nimaŋau man uyanan geig. Agod Anut san ru girek lo yen dan ilon siŋaokan.

²⁵ In Tubun en san ru dupiteŋani siŋaokan. Agog buben imasag, Jesus san ru itaot mi ifulale dugo tamolpein ipiteŋani. Gug in Jon san suguek an mi ilon.

²⁶ Aria, saen Efesus na ilasa man, Juda sad ubou ab lo ru dabai anda ifulale dugo Akwila in Prisila da duloŋ a. Ago tag diŋaneg, inŋiganed ab lo diaug, Anut san dal taidam itaot dukubiai panig ilon a.

²⁷ Agog Apolos Akaia provins na yau o ibol tag, Efesus na ilo rumok adi ilon dabai dupanig dubunawig, girek ta digireg Kris tamolpein ate yak durupidai, “Tamol en aŋsam na ipalu tap, ayuŋani wa.” Saen Akaia na ilasa man, tamolpein a Anut san ilo muŋanek log Jesus o ilod rumok an ibinawai siŋaokan a.

²⁸ Man dugo, inŋan ru dabai anda ibol se yan lo malak malak ru lo nug aen ditog dugo in Juda ibiai dudu ya. Ago dugo ru Anut san buk lo yen dan isuti se yan lo ikubiai pidinai ak, Jesus man inŋen Kristus.

19

Pol Efesus na Anut san ru ifulale ya

¹ Saen Apolos Korint na imado dugo, dal ta did fufo mi yau ak Pol irig Efesus na yau. Atna ilo rumok aenkadi dumado dugo yil tag

² isumianai, “Saen an ilom lo rumok an Urgun anjane yak i?”

Ago dugo in dubol, “Man ru ta Urgun ninen o kitek malon man tia ya.”

³ Agog fon isumianai, “Ak dugo, an suguek naon dugo yak anjane yak i?”

Agog awan diabig, dubol “Man Jon san suguek minjane ya.”

⁴ Ago tag Pol irupidai, “Jon san suguek man tamolpein inaned aupasek patud dupani ak san a. In Isrel tamolpein irupidai, ‘Tamol a naj nieg aban fo ipalu dan ilom lo rumok a. Tamol an Jesus.’”

⁵ Ru an dulon go Tubun en Jesus yanjan lo suguek dinjane ya.

⁶ Agog saen Pol banin gurmad fo igane man, Urgun in tinid fufo idu ya, ago dugo muroun ru sensen ak lo dinjnen dugo, profet ru dam dubol ilasa se ya.

⁷ Tamol an nunod 12 igo wonj.

⁸ Kalam utol Pol Juda sad ubou ab lo yau imul dugo Juda tamolpein Anut san ru dabal anda irupidai se ya. Agog ru lo dam dida nug aen ditog dugo Anut san kagin panek san fun ifulale ilasa se ya. Ago dop dulon pe ilod lo rumok o ago igane se ya.

⁹ Ak man aenkadi kabunad sakar kasik an lo ru an ilod lo ta rumok na ya. Taida mi in midaan malad lo Kris adi sad ilo rumok yanjan “Dal En” dubol dan ninen o ru saian dubol ilasa da. Ago tag Pol megeloum foun ak inal go, nal pempem Tiranias san galun tubun ak lo dutumani dugo, a Juda tia yan dam dida Jesus ninen o dinjnen ila iso se ya.

¹⁰ Anajar uraru nek ago mi igane dugo, Esia distrik lo Juda tamolpein, agod a Juda tia yan dam fidian Tubun en san ru dulon a.

¹¹ Anut kulob girager funfun Pol banin lo iganeg ilasa ya.

¹² Insan silali isuas san yamel boi, urat san yamel an tamolpein subam amad da yan sad na dinjane diaup tinid fo digane dop subam ibisawai se ya. Ur sisaiak amad da yan dam nek ago mi digane se ya.

¹³ Juda aenkadi a ur saiak dukudai diau dugo dutor dan, Jesus yanjan lo ur sisaiak an dibitinaep dukudai o ilo sou ago digane. Agog ur saiak tamol tinid lo dumado dan igo dupidai, “Jesus yanjan a Pol ifulale dan

lo alasap au kisaek onj o manj murupaian da.”

¹⁴ Juda pris gurman ta yanjan Skeva in nanun 7 kubol an digane dugo dutor a.

¹⁵ Gug saen ta tamol ta ur saian anda yak durupeu dugo, ur saian awad yabig ibol, “Nai Jesus njalon. Agod Pol dam njalon. Gug an en sauta yak i?”

¹⁶ Ago ibol ak tamol ur saian aman da yan imasag, maeg iganeg ifu saian. Tinid daon ipanig sad kulos irasisare idu ya. Agog Skeva nanun 7 an dar ad da nunod kawan ab lo dilasag dumaspalu onj go dulong diau a.

¹⁷ Agog Efesus na Juda tamolpein, agod Juda tia yan fidian ru an dulon go tubun kasik direr. Agog Jesus Tubun en yanjan man lak na geig diabisa.

¹⁸ Ilo rumok adi wei kasik dupalug, malak malak mel digane saian man kuai tem dufulale se ya.

¹⁹ Wei tinan buk lo nawir san manjan dinjane yan insad buk disini dupalug dutumanig, tamolpein fidian malad lo dumari inani yau a. Buk an fidian san naod dutumanig, fifti tausen kina (K50,000) igo ilasa ya.

²⁰ Kulob funfun dabal anda dilasa yan lo, Tubun en san ru nek ago mi ilasag yang tubun geig dugo, ifufurak go aben fidian lo yau a.

Efesus tamolpein tinjane saiak diabisa ya

²¹ Murnag mel fidian ilasag itout an, Pol yaup Masedonia nap Akaia na gup Jerusalem na yau o Urgun kankan ipanig ibol, “Aben an fidian ate njau itout gup, Rom na dam njau a.”

²² Ago tag insan binawek uraru Timoti in Irastas da idinaig, Masedonia na diau. Agog insen man saen kitek milaen mi Esia provins lo imado ya.

²³ Saen nek an lo mi muruan tubun ak “Dal En” ninen o Efesus na ilasa ya.

²⁴ Tamol ta, yanjan Demitrias, in silva nam melmel igane da. In silva nam tubud pein ta yanjan Atemis san tempel mitilaen wei mi igane idu ya. Agod insan bisnis an lo moni tubun mi irae dugo, inananen urat tamol dam urat an lo moni tim an tubun mi dinjane da.

²⁵ Ago tag inanen urat pinein agod aenkadi insad urat naon kisaek an dam igiaig itumanaig irupidai, “An tamol gamu atumani an alon ak, idsad moni man urat nek en lo tile da.

²⁶ Agod gamu tamol a Pol dubol dan kulob igane dak ansem dam ale alon a. In ibol, tubud a tamol banid nam digane yan tubud tia ya. Ru an lo Pol tamolpein wei kasik naod yabitig ilod ibilisa ya. Tamolpein fidian Efesus na, agod wei mi Esia provins ilon lo dam, ru an dulon la ya.

²⁷ Agod muruan tubun ak yen da. Idsad bisnis yen yanjak saian ak inane wa. Muruan an mi tia. Taidam tubud pein Artemis san tempel mel kawan dubol dop insan yanjan tubun an fon diabi idu wa. Tubud pein an Esia provins lo, agod tan titin fidian en lo tamolpein ago mi ubou an dile da.”

²⁸ Doup tubun ru an dulon man tinjad tubun mi saian tag disasai dugo dubol, “Efesus san Artemis in tubun a.”

²⁹ Sisein an taun ilon inane. Ago dugo doup a taun lo yan Masedonia tamol uraru Pol dida diau an duburoug, tamolpein fidian sad tumanek aben lo diau a. Tamol uraru an Gaias in Aristakus da.

³⁰ Pol insen ilo rumok tamolpein an ibisawaip, doup tubun an malad lo yaup, ru irupidai o igane yak man, ilo rumok adi diabituan a.

³¹ Provins san tamol gurman aenta, in Pol turan muroun, an dam ru kagin diganeg Pol san na yau. Kabelan tumanek aben lo doup malad lo ilasa banau o dumoi a.

³² Agog saen an tumanek lo doup lein tubun kasik digane se ya. Ago dugo tamolpein njeo lo ru naon sensen disasai ilasa se ya. Man dugo, tamolpein wei kasik tumanek an fun ta dulon na ya.

³³ Juda adi tamol ta yanjan Aleksanda dubol dan doup malad lo dusoduduni ilasa ya. Agog tamolpein aenta doup ilon lo tamol an dududuwig targiranek ru ibol ilasa wo durupe se ya. Agog in targiranek ru tamolpein irupidai o banin nam touad touad igane se ya.

³⁴ Ak man saen in Juda tamol ago dile tag, 2 auwa igo won ru naon kisaek an mi

disasai dugo dubol se, “Efesus san Artemis in tubun a!”

³⁵ Ago digane yau nag panu san pepa kubunek tamol ta tamolpein sad sisein yabi idug irupidai, “Efesus tamolpein alon! Tamolpein fidian dulon ak, an tubud e Artemis dubol den san tempel, agod pat a gun ak keit log idu yan dam kagin apidinai da.

³⁶ Agod talpein ta in an ta ilon na yak ago ibol san tia ya. Ago yak ninen o kute abol. Burau kagin ta mok agane na wa.

³⁷ An tamol en kawan geig anjal go apalu ya. In mel ta tempel ilon lo yak ta digam na ya. Agod idsad tubud Artemis ninen o ru saian dam ta dubol na ya.

³⁸ Ago yak ninen o Demitrias inanen urat pinein dida talpein enti ta ninen o ru amad da tap, gurman dumado da. Agod kot dam inanen saen fom pempem ilasa da. Kot lo gup in ka nug dupei ila iso wa.

³⁹ Aria, an ru taida mi amam da tap, idsad tamolpein sad tumanek tubun ak lo aup, kubiaen san dal itaot ak fo mi muruan an akubune wa.

⁴⁰ Man dugo, lein en agane itout a, tia dop Rom gabman ilon pe, id aban daon tupani dan, ru ago ipanad dop isusad a. Man dugo, dusumianad tap, id malan kisaek tutumani ak san fun uyan an tabol san tia ya.”

⁴¹ Ru an ibol itout go idinaig dufurak diau a.

20

Pol Masedonia nag Gris na imul a

¹ Murnag lein an fidian itout go Pol ilo rumok adi igiaig, tan suek ru irupidai gug ibisawaig, Masedonia na yau.

² In gigin an fidian lo yaug, Tubun ak san ru wei mi lo tamolpein tan suek ipidinai dugo itor nag Gris na ilasa ya.

³ Atna kalam utol imado se ya. Agog iyawai Siria na yau o aban ikubune yak man, Juda dufuni imat o palan an dumari an ilon tag, imul go Masedonia na yau.

⁴ Tamol a Pol ida turen diabi dan sad yanjadi igo ya: Beria tamol ta yanjan Sopa-ter in Pirus nanun. Tesalonaika tamol uraru Aristakus in Sekundus da. Derbi na man Gaias sen kisaek. Agod Timoti, ago

dugo Esia provins lo tamol uraru Tikikas in Trofimas da ago fidian mi diau a.

⁵ Tamol an fidian imug diaug, Troas na malama digane se ya.

⁶ Bret yis an tia yak san soubul itout gug man wog miñaneg, Filipai mubusei a. Nal 5 itout gug Troas na luad masag, ubou kisaek atna mumado ya.

⁷ Man Sande* guraian Tubun en san anan mani wo mutumani a. Pol in salso salso yau ak ninen o tamolpein ru irupidai on go yang tidom luak.

⁸ Galun lak na geig ak lo mumado yan te man lam wei mi dusulanai idug galun ilon lo dided se ya.

⁹ Pinein ta yan Yutikas in ab san gigin fo imasi a. Ago dugo Pol saen milaen kasik inin se yan lo, pinein an malan iyof go itarsuni dugo imado nag, yen padal dugo tan na yau idu ya. Ago ibol ak dudug imat an diabisa ya.

¹⁰ Ak man Pol idug, tinin fo ibilani idug, yabig ibol, "Arer amoi. En n̄tun ta ibisei na ya."

¹¹ Agog Pol imul ab lo isidag bret yafuteg diani a. Pol nek ago mi inin dugo yang salso idu gug ibisawai a.

¹² Pinein an kumaen imado dugo dinaneg insiganen ab lo diaug ilod tubun mi uyanan a.

Pol Efesus ibisawai o dugo in̄san ru wadan irupidai a

¹³ Man Pol mibiseig imug wog lo misidag miyawai Asos na mau. Man dugo, Pol in man da ru mufuni an lo, in n̄ien nam yau dop Asos na gup miñane wo ibol a.

¹⁴ Saen Asos na milasag mile man miñaneg Mitilini na mau a.

¹⁵ Atnag fon miyawai dag salsog nui Kaios ate milasa ya. Agog nal kisaek itout go nui Semos na misasau a. Salso idug afon miyawai dag Mailitas san lon na miladu ya.

¹⁶ Pol Esia Provins lo saen ibidani man imoi tag, Efesus mirinani wo ilon yen a. Man dugo, idaisuda tap, in ririan Jerusalem na Pentikos saen fo mok ilasa wo ilon ago yen a.

¹⁷ Pol Mailitas na imado dugo Efesus na ru iganeg, midaen san matu adi dupalup dutumani wo ibol a.

¹⁸ Dilasag dutumani gug irupidai, "An alon ak, saen malmalan nai Esia provins lo nilasag, naisag madok saen fidian nai an da tumado na yan ale alon.

¹⁹ An alon ak, naiseg ibiag n̄adu dugo, Tubun en san urat malag turon ag da, muruan ag da urat an n̄igane se ya. Juda adi dam dutumanig nai malag dusue wo dinin se ya, an lo muruan in madai da dupanag an dam nisini se ya. An dam alon uyanan a.

²⁰ Agod alon ak, nai mel ta idunan san ak n̄abol ilasa san ninen o ta n̄usuksuk na ya. Tia, nai malak malak lo, agod an̄siganem ab lo ru n̄fulale dugo n̄ipitenan se ya.

²¹ Juda igom Juda tia yan ru dabai anda n̄urupidai se ya. Ilod dibilisap, naod Anut dupanip, idsad Tubun en Jesus ninen o ilod rumok o n̄abol dugo dulon a.

²² "Aria, Urgun nai isubanag go Jerusalem na n̄au o ibol a. Gug ante ata nai o ilasa wan ta n̄alon na ya.

²³ Mel kisaek en n̄alon la ya, taun fidian ate nilasa dan te Urgun irupaiag ak Jerusalem na madai agod muruan wei mi malag igane da.

²⁴ Naisag ilo sou lo naisiganeg madok an mel tubun tia ya, agod naiseg tinig o kankan ta n̄igane na da. Tia, nai Jesus Tubun en urat ipanag an n̄igane itout o yaes ifunag da. Urat an man, nai Anut san ilo panek tubun mi tamolpein fidian ninedi wo yen dan n̄fulale san ama ya.

²⁵ "Nai an fidian lulanam lo n̄ator dugo Anut san kagin panek san ru n̄fulale na ya. Gug nai n̄alon ak, mitep an fon nai naog ta ale na wa.

²⁶ Ago yak ninen o nai gamu n̄urupaian da. An en ta adeg au tap an naisag ai wadan tia ya.

²⁷ Man dugo, Anut san ilon fidian nai irupaiag go n̄alon an fidian n̄urupaian o an ninen o ta n̄asuksuk na ya.

²⁸ Sem kagin ipanag dop Urgun sipsip malan tubun banim lo igane yan dam kagin apidinai uyanan a. Sipsip an Anut inanen Nanun san dar lo in̄al a. An Tubun

* 20:7: Nal an man ubou san nal malmalan.

en san midaen sad titianek adi ak ninen o afutai o uyanan a.

²⁹ Njai nalon ak, saen naj nbusawan dop tamolpein goun kasik igo won ak dupalup, sipsip an ilod ta isou na wa.

³⁰ Agod an lulunam lo tamol aenkadi dilasap siganed ru sewak lo ru rumok an dukubuli dop senamo geig ilasa wa, an lo dop ilo rumok adi dirawai dop njied abad diri wa.

³¹ Ago yak ninen o kagin agane dop ilom isou. Anañar utol malag turon anda tidom ad an kagin agane san ru kagin nrupaian na ya.

³² “Gamu Anut banin lo njidiran da. Agod inisan ilo munanek san ru alon an ibunawan pe, ananem ilo rumok dabai ipani wa. Ru an dam iganep an tamolpein a Anut idiraig gun dilasa yan dida Anut san wasar an sisem mi anane san idaisuda geig a.

³³ Njai talpein ta san silva boi, tia gol boi, tia tinin san bioun boi, banin na njiane wo malag ta isi na ya.

³⁴ An fidian alon ak, njaiseg banig en nam urat njigane dugo, mel lo naj turag dida katuk amama yak sema ibunawama se ya.

³⁵ Mel fidian naj njigane se yan lo nkubiai panan, ago mi an urat wagai agane dop lo talpein ta in dabai ad tia yak abinawai a. Jesus, idsad Tubun en, ru ibol ak ilom isou. ‘Talpein mel pani dan san ilo uyan man onse mel nane dak san ilo uyan irinani a.’ ”

³⁶ Saen Pol ru ibol itout man, turun isaluwig fidian dida dugudani a.

³⁷ Tamolpein fidian ditatag, tinin diamisi dugo musuk dupani se ya.

³⁸ In afon naon dile san tia ibol ak ninen o ru an ilo sou man diganeg, ilod tubun mi saian. Agog fidian dinaneg, wog lo diaug, iyawai yau a.

21

Pol Jerusalem na yau a

¹ Man Efesus tamolpein banid mabig, mubusawaig, itaot miyawaig, nui Kos na ate mau. Ate maen mumasa gug, nui Rodes na madu ya. Atna gug Patara na mau a.

² Patara na wog ta Fonisia na yau o igane dugo mile tag fo misidag miyawaig mau a.

³⁻⁴ Maug malama yang Saipras mile dugug wog naon nas lo dibilisag, Siria na mau a. Agog Taia sad lon na misasau a. Atna wog bioun kadi ipasi wo tag ilo rumok adi abanad mabig aenkadi meil go dida ubou kisaek mumado se ya. Urgun ilo rumok adi Pol Jerusalem na muruan ile wo ikibiai pidinai ak ninen o Pol Jerusalem na ta yau na wo durupeia.

⁵ Gug mau san saen idu ya. Agog in fidian inaned pein nanuk dida dinjiliamag Taia mubiseig lon na madug, man fidian lul fo turuma misaluwig mugudani.

⁶ Agog man banid mabig wog lo misida dugo in fon dumul siganed ab lo diau a.

⁷ Man fon miyawaig Taia mubiseig maug, Tolemes na madu ya. Atna ilo rumok adi aenkadi meil go banid mabig, dida nal kisaek mumado ya.

⁸ Salsog Tolemes mibiseig, Sisaria na mau a. Atna Anut san ru bilabal tamol ta yan an Filip dubol dak san ab lo maug ida mumado ya. Tamol 7 a Jerusalem na dipilianai an Filip dam lulunad lo imado ya.

⁹ In nanun pein iwoiwo iwod tia dumado dan profet ru dubol ilasa da.

¹⁰ Man nal aenta atna mumado dugo, Judea na profet ta Agabus dubol dan ipalu ya.

¹¹ In mansama na ipalug, Pol san let inaneg sen nien banin isubanig ibol, “Urgun igo ibol, ‘Let en muroun mitep Jerusalem na Juda adi nek igo dusubanip, tamolpein Juda tia yan banid lo digane wa.’ ”

¹² Man ru an malon go ilo rumok adi ate dumado dan dida Pol Jerusalem na ta yau na wan ilon minane wo maeg migane ya.

¹³ Gug Pol awama yabig ibol, “An ata wo an sam tinan en lo naj ilo muruan apanag dak i? Njai dibiag pe dusubanag ak ninen o ta narer na da. An mi tia ya. Njai Tubun en Jesus yan an lo ka dufunag njamat a.”

¹⁴ Man ilon minane sisi tia tag mabol, “Gidad, Tubun en ilon ibol dak ago mi igane.”

¹⁵ Atna kitek mumado gug aban mukubuneg Jerusalem na mau a.

¹⁶ Sisaria na ilo rumok adi aenkadi dam dida maug, tamol ida mumado wak san ab lo dinjiliama ya. Tamol an yan an Nason. In Saipras tamol, agod Kris tamolpein imug

mi ilod lo rumok ak lulunad lo in tamol kisaek ta.

Pol Jems ile wo yau a

¹⁷ Saen man Jerusalem na milasa man ilo rumok adi ilo uyan lo dijiliana ya.

¹⁸ Agog maen go tidomi Pol da Jems mile wo mau a. Jerusalem midaen san matu fidian saen an malama digane se ya.

¹⁹ Agog Pol ilo uyan ru irupidai, ago gug Anut in lo tamolpein Juda tia yan lulunad lo urat igane na yan ibol dugo dulon se ya.

²⁰ Matu adi ru an dulon go Anut yanjan diabisa ya. Ago gug Pol durupe, "On ulon ak, Juda wei kasik ilod lo rumok a. Agod in fidian Moses san kubiaen bubebed ntudi fidian lo duri dupani da.

²¹ Gug talpein ta ru en on nibe wo durupidai dugo dulon a. On Juda tamolpein gigin aenkadi lo dumado dan Moses san kubiaen dumoi o pitejanai da. Ago dugo inaned nanuk tamol ak dam tinid sunulon dutute dumoi o ubol da, agod Juda sad tamol kagin dam ta digane na wo ubol da.

²² Ak niben o dugo tigane wak i? On palu yan san ru ifufurak yau dan lo milaen tiap ru an dulon mok a.

²³ Man sama ru en ulon pe uri. Tamol iwoiwo gamu etna dumado dan, promis ta ru dabai anda yak lo Anut dupani an paen na dumado da.

²⁴ In promis an digane itout san saen gamu ya. Ago yak niben o dida aup, promis digane itout dan san midaen lo aladup, malak malak lo dida gun alasa wa. Ago dop insad promis itout san naon sapta dubol dop udad pidinai a. Ago dop in ka gurmad didawi yau a. * An lo dop tamolpein onsa ru fidian dulon na yan rumok tia yak dubol a. Man dugo, onse dam on Moses san kubiaen kagin pani da.

²⁵ Gug ilo rumok tamolpein adi in a Juda tia an, man ru kagin igo migireg murupidai a. In ana a tamolpein tubud sewak adi dupidinai dan ta diani na wa. Dar dam geg. Agod mel burod dususe yak sad dar ta ilasa na yan dam ta diani na wa. Agod jeit kagin dam ta digane na wo mabol a."

²⁶ Ago tag dien dumasag Pol tamol an injal go Anut malan lo sed idiraig gun dilasa ya.

Murnag Pol tempel lo iladug, insad midaen an itout san nal kob ipani wo pris ta irupe a. Nal 7 itout gup, in anen anen Anut yai digane pani o dam irupe a.

Juda adi Pol dusebani a

²⁷ Nal 7 an itout o sumeik dugo Juda aenkadi Esia provins lo yan Pol tempel lo dile ya. Agog tamolpein fidian ated dusueg Pol diabig,

²⁸ awad tubun mi disasai dugo dubol, "Isrel tamol! Abunawama! Tamol nek en aben fidian lo itor dugo tamolpein Juda adi dil saiadi wo ipitejanai se ya. Ago dugo Moses san kubiaen nunon tia yak ago ibol dugo, tempel dam ta gun na yak ibol se ya. Agod gamu en tamol Juda tia yak injal go tempel lo diladug, aben gun en nun dupani a."

²⁹ Man dugo, Efasas tamol Trofimas in Pol da Jerusalem ilon lo dutor dugo dil an niben o ilod lo Pol tamol an inane ida tempel lo diladu yak, ago ilo sou digane se ya.

³⁰ Agog unao tubun kasik Jerusalem ilon lo ilasag tamolpein dumaspalug, Pol tempel san tumanek aben lo imado dugo diraeg, patun fo dilasa ibol ak tempel san dalawan dufutanai a.

³¹ Doup tubun an Pol dufuni imat o digane dugo, Rom san yu tamol adi sad gurman tubun an ru inane, "Jerusalem ilon lo tamolpein fidian silei digane da."

³² Gamu nam gurman tubun an yu gurman in paen na yan injal, yu tamol aenta dam injal go doup tubun an sad na dumaspalug diau. Saen tamolpein Rom san yu gurman tubun an yu tamol adi dida dupalu dugo dil tag Pol dufuni an dumoig dibisei a.

³³ Yu tamol sad gurman tubun an Pol san na yang yabig ibol dugo sein uraru nam dusebani a. Agog tamolpein isumianai, "En so tamol ta i? Agod in dugo igane ak i?"

³⁴ Ago dugo tamolpein ru naon gidigidad dubol dugo unao tubun kasik yen. An lo yu tamol sad tubun an ru fun ta ilon na ya. Ago tag Pol dijanep yu tamol sad nion ab sakar ak lo digane wo ibol.

* **21:24:** Gurma dawek man promis itout amaiak san kob a.

³⁵⁻³⁶ Agog yu tamol adi Pol diñane diaug, tet fun te gug diabisag, lak na disini a. Man dugo, tamolpein malan tubun Pol adi ñjed fo dupalu dan dufuni imat o dutur. Ago dugo disasaig dubol, “Afuni imat!”

Pol doup malad lo sen ipirani a

³⁷ Pol ab an lo diñane diladu wo digane dugo, yu tamol sad gurman irupeï, “Dugo, ñai ka oñ ru ta ñurupaio wak i?”

Agog yu tamol sad gurman Pol irupeï, “Oñ Grik ru ulon ak i?”

³⁸ Ñai ñabol oñ Igipta tamol ta imug doup tubun injal go gabman ida ager dumado wo igane amaiak ñabol a. Agog tamol foa tausen banid yu dumui anda injal go tan kawan ak lo diau a.”

³⁹ Ago dugo Pol awan yabig ibol, “Ñai man Juda tamol, Silisia na taun yañan Tarsus dubol dak lo ñilasa ya. Ñai taun yañan anda yak san tamol. Ak dugo, ñai tamolpein ru ka ñurupidai ak i?”

⁴⁰ Yu gurman an uyan ak ibol tag Pol tet fo imasa itur go tamolpein awad itau wo banin nam toutou igane ya. Abañ fidian yaug malin idu dugo Pol Hibru lo tamolpein ru irupidai.

22

¹ “Ñaisag teig muroug, tamag muroug, kududom agurep, ñaisag ru itargiranag san naom na ñinjen dop alonj.”

² Saen Pol Hibru lo ru irupidai dugo dulong man, abañ fidian kute ibol a. Agog Pol ibol,

³ “Ñai man Juda tamol, Silisia na taun yañan Tarsus dubol dak lo ñilasa ya. Gug etna Jerusalem na tamol ñigane ya. Gamaliel in ñaisag girek mañau. Ñai idsad tubud baged sad kubiaen ñuri ñupani san ru dabai geig ñalonj se ya. An Anut awan ari apani dak ago mi ñai dam awan ñuri ñupani da.

⁴ Ñai ñabol dugo, tamol Jesus o ilod rumok an mala suek ñupidinai dugo, aenkadi duburoug subanek ab lo didirai a. Agod aenta dufu dumat na ya.

⁵ Pris malan te yak, in kaunsil fidian dida ru rumok ñabol dan dulong a. Ak ñinjen o ka dubol dop alonj a. In ñai girek dupanag go idsad Juda tamolpein Damaskus

na dumado dan sad na ñisini ñau. Girek an tamolpein ñuburoup sein nam dusubanaip, ñañal pe, Jerusalem na mupalup muruan disini san ibol a.”

Pol Kris ilasa yak ñinjen o ibol a

Apo 9:1-18; 26:9-18

⁶ “Gug nal ta ad titinje Damaskus sumeik ñupani dugo, lilaman ta malan geig ak irak-ilawi.

⁷ Agog tan na ñau ñadug, awan ta iwagin go ibol, ‘Sol, Sol! Ata wo ñai malag sue dak i?’

⁸ “Agog ñai ñusumiaen, ‘Tubun en, oñ enti?’ ”

“Agog awag yabig ibol, ‘Ñai Jesus, Nasaret tamol amaiak malag sue da.’

⁹ Tamol ñai dida mau an lilaman dile gug awak a ñai da mininjen an awan ta dulong na ya.”

¹⁰ “Agog ñusumiani, ‘Tubun en, dugo ñigane wak i?’ ”

“Agog Tubun en irupaiag, ‘Masap, Damaskus na wau gup, Tubun en san ilon oñ lo dugo isou dan fidian durupaio ulon a.’

¹¹ Lilaman an malan kasik an lo ñai malag tidom tubun, agog abañ ñile san tia ya. Ago tag turag muroug dida mau an banig te diabig dida Damaskus na mau a.”

¹² “Agog tamol ta yañan Ananias, in pempem Anut san ubou ile da. In idsad kubiaen kagin ipani da. Juda tamolpein Damaskus na dumado dan in Ananias yañan diabisada.

¹³ In ñaisag na ipalug, sinjereg na itur dugug ibol, ‘O teig Sol, mala ipuk pe abañ ule.’ Ago ibol ak nek saen an lo mi malag ipuk go in ñile ya.

¹⁴ Agog irupaiag, ‘Id tubud baged sad Anut oñ in san ilon ulon o ipiliano ya. Ago dugo in anen Tamol Itaotan an ule san, agod in anen awan ulon o dam ipiliano ya.

¹⁵ Man dugo, melmel a ule ulon na yan, in patun fo utur dop tamolpein fidian ta dulong na yan rupidai dulong a.

¹⁶ Ago yak ñinjen ata wo mala gane dak i? Masap, suguek ñanep, in anen yañan lo gudani dop, oñane aupasek ipasi yau a.’ ”

¹⁷ “Agog ñai ñamul Jerusalem na ñaug, tempel lo ñugudani dugo, malag ñutun ñile ya.

18 Malag n̄tun lo Tubun en n̄saisag na in̄in̄eḡ dugo n̄ile ya. Agog ibol, ‘Ririan Jerusalem bisei. Man dugo, tamolpein etna n̄ai nin̄eg o ubol ilasa dan uyan ta dupani na wa.’ ”

19 “Ago tag n̄ai awan n̄abig n̄abol, ‘Tubun en, in̄ dulon̄ ak, n̄ai ubou ab fidian ilon lo n̄iladu n̄ilasa dugo, tamolpein oḡ o ilod rumok se yan n̄ibiaig n̄afu idu na ya.

20 Agod saen Stiven pat nam dufuni imat man, n̄ai in̄ sin̄ired na n̄atur dugo uyan n̄upidinai a, ago dugo a dufuni se yan sad kulos kagin n̄upani se ya.’

21 Gug Tubun en irupaig, ‘Wau. N̄ai n̄idinop, asau geig tamolpein a Juda tia yan sad na wau a.’ ”

Pol Rom tamol ta

22 Tamolpein fidian Pol san ru an dulon̄ yau nag, ru ta a tamolpein Juda tia yan nin̄edi wo ibol an dulon̄ go ilod imoi geig a. An lo afon awad tubun mi disasai dugo dubol, “Agane imat. Tamol naon ago man imado san ta idaisuda na ya.”

23-24 Tamolpein fidian disasaig, in̄sad kulos dubal dugo gufgaf dam disinig lak na dubal isida se ya. Ago tag Rom san yu gurman an ibol dugo Pol dijaneg, yu tamol sad n̄ion̄ ab ilon lo diladu ya. Yu gurman an in̄san yu tamol irupidaig, Pol rasau nam dufuni dop ata mel nin̄en o doup disasai se yan fun ibol ilasa dop ilon̄ o ago igane ya.

25 Gug dirae didarig bu dupani wo digane dugo, Pol yu gurman ta sin̄iren na itur dan isumiani, “Dugo, kubiaen̄ dugo ibol dak i? Rom tamol ta kot lo sumianek gamugo pani dop ka funi wak i?”

26 Yu gurman ru an ilon̄ tag Rom san yu gurman tubun an san na yaug isumiani, “Oḡ dugo gane wo dak i? Tamol an in̄ Rom tamol.”

27 Ago tag yu gurman tubun an Pol san na yaug isumiani, “Rupaig n̄alon̄. Oḡ Rom tamol ak i?”

Agog Pol ibol, “Awo.”

28 Rom san yu gurman tubun an irupe, “Moni naon lak na yak nam Rom gabman n̄upani dugo ate Rom tamol igo n̄ilasa ya.”

Agog Pol ibol, “N̄ai tinag tamag in̄ Rom tamolpein, ago yak nin̄en o n̄ai dam mi Rom tamol.”

29 Ago ibol ak yu tamol a Pol bu dupani wo dutur an gamu nam dusuksuk diau a. Rom san yu gurman tubun an dam irer saian. Man dugo, Pol Rom tamol ak gug sumianek tia ka ibol dugo sein nam dusebani an ilo sou man in̄ane ya.

Pol Juda sad kaunsil malad lo itur a

30 Yu gurman tubun an ata mel nin̄en o Juda tamolpein Pol dufuni imat o disasai na yan fun aban̄ ile wo igane. Ago tag tidom lom mi ibol dugo pris gurman adi in̄ kaunsil dida dutumani a. Agog Pol banin na sein digane yan dupasig, dijaneg diaug naod na dugunig itur a.

23

1 Agog Pol Juda kaunsil yil dugo ibol, “Teig taog, n̄saisag madok ipalug gamu saen en, Anut malan lo malak malak ka n̄abol a, n̄aineg kankan mel saian ak ta n̄igane yak nin̄en o ilog ta isue na dugo miai dam ta ifunag na da.”

2 Pris malan te yak, yan̄an Ananias, ru an ilon̄ go tamol a Pol sin̄iren na dutur an kudan̄an dugufute wo irupidai a.

3 Ago dugo Pol ibol, “Anut dam oḡ ifuno wa. Ata wo? Oḡ nek ibol mutou pen milkouk ak nam bala dupani dugo ilon man saianan ak igo won̄. Oḡ ete masi dugo n̄ai kubiaen̄ iri panim kot panag o igo gug oḡse dam kubiaen̄ pilalig, n̄ai kudan̄ag dugufute wo ubol dak i?”

4 Agog tamol Pol sin̄iren na dutur an durupe, “Oḡ Anut san pris malan te yak ru saian ak nam pei dak i?”

5 Ago tag Pol ibol, “Teig taog, n̄ai in̄ pris malan te yan ta n̄alon̄ na ya. Anut san ru girek lo yan ago ibol, ‘Oḡane gurman adi nin̄edi wo ru saian ak ta ubol na wa.’ ”

6 Pol tamol dutumani an aenkadi Farisi dugo aenkadi Sadyusi ilon̄ tag, awan tubun mi kaunsil irupidai, “Teig taog! N̄ai Farisi, agod n̄ai tamag in̄ dam Farisi. N̄ai gamu kot lo n̄atur den san fun man, n̄ai tamol dumat ak kumaen dumasada wan nin̄en o ilog lo rumok go, mel an ilasa wak o mala nouk n̄umado da.”

7 Saen in̄ ru an ibol go dulon̄ an Farisi in̄ Sadyusi dida nug diabi se ya. Agog in̄ nug ditarpaleg malan uraru dilasa ya.

⁸ Man dugo, Sadyusi in dubol, tamol dumat ak kumaen dumasa san tia ya. Agod id fidian n̄tud tia yak dubol da. Agod en̄el dam ta dumado dak dubol da. Gug Farisi adi man in̄ mel utol an rumok ak dubol da.

⁹ Agog nug tubun mi dububun̄ani dugo kubiaen̄ san girek mañau aenkadi Farisi patud fo dutur dan dumasag, ru dabai anda dubol, “Id tamol en̄ mel igane saian ak ta fun tile san tia ya. Nag ur uyan ak boi, tia en̄el ta boi, awan lo ilon̄ go ago in̄in̄en̄ da!”

¹⁰ N̄in̄en̄ yaug dabai dugo Rom san gurman tubun an ago ileg ilon̄ idu ya. Kabelan Pol daon̄ dupani banau. Ago tag in̄san yu tamol idinaig, doup luluñad lo dudug, afon Pol diñane diaug in̄sad n̄ion̄ ab lo digane iladu ya.

¹¹ Tidom an lo Tubun en̄ Pol giran̄en̄ na itur dugo irupei, “Dabai n̄ane! On̄ Jerusalem na n̄ai n̄in̄eg o ubol ago mi Rom na dam nek ago mi ubol a.”

Pol dufuni imat o palan̄ an dumari a

¹² Salso idug Juda aenta dutumanig Pol dufuni imat o awad dutumani a. Agog Anut malan lo ru lak na geig ak lo sed isubanai a. In̄ anan̄ you da lo sed geg ipidinai dumado dop, saen Pol dufuni imat mok gup, anan̄ diani wa. An lo subanek ru an paen na sed idirai a.

¹³ Tamol kitek 40 irin̄ani ago kulob an digane ya.

¹⁴ Agog pris gurman adi in̄ matu dida sad na diaug durupidai, “Mañsema anan̄ you da lo geg ipanama dugo Anut yan̄an mupateg lo mañanema ru dabai mupani a. Mañ Pol mufuni imat mok gup anan̄ mani dop you maluk a.

¹⁵ Ago yak n̄in̄en̄ o an̄ kaunsil dida ru aganep Rom san gurman tubun an san na yau. An̄ imug irawip, Pol igane ipalu dop an̄ kitek taidam asumianip ru ibol an san fun alon̄ o uyan ak ago arupei. Gug mañ man dal te tawan̄ mumado wa. Pol ente ta ilasa na dop dal na mufuni imat a.”

¹⁶ Ak man Pol nigainab in̄sad ru an ilon̄ tag yaug, yu tamol sad n̄ion̄ ab an ilon lo iladug, Pol n̄in̄en̄ an irupei ilon̄.

¹⁷ Ago tag Pol in̄sad yu gurman ta iwagig irupei, “Pinein en̄ n̄anep ida an̄sam tubun

en san na au. In̄ ru aman da yak ibol ilon̄ o da.”

¹⁸ Ago tag yu tamol sad gurman pinein an in̄aneg in̄sad tubun en san na diaug ibol, “Subanek tamol Pol amaiak igiag go pinein en on̄sa na n̄in̄ane n̄upalu ya. Man dugo, in̄ ru aman da yak ibol ulon̄ o da.”

¹⁹ Ago tag yu tamol sad gurman tubun en pinein an in̄aneg gigin na diaug isumiani, “On̄ so ru ta ama da i?”

²⁰ Agog pinein an ibol, “Juda gurman adi dutumanig awad kisaek go dubol. Gabulop diraek pe kaunsil adi Pol dusumianip ru fun dulon̄ uyan o dupalup dusumiano wa.

²¹ Gup awad wabi umoi. Man dugo, tamol 40 dimianuk ak dumado da. In̄ geg dabai ak lo dumado da. Sad geg san fun man igo ya, Pol dufuni imat mok gup in̄ anan̄ diani dop you duluk a. In̄ fidian aban̄ dukubune yak tawan̄ dumado da. On̄ mi dugo ubol ak o mala digane da.”

²² Agog yu gurman tubun en pinein an irupei, “Waup, ru n̄ai naog na ubol an gidigheid ta mok ubol na wa.” Agog pinein an idinig yau.

Pol dupasig Sisaria na yu tamol dida diau a

²³ Agog yu tamol sad gurman tubun en yu gurman uraru in̄ paen na yan igiaig dupalug irupidai, “Yu tamol 200 sabiri ad da yak an̄al pe, 70 taidam hos san, agod 200 yu amad da yak dam an̄al pe, 9 kilok tidom Sisaria na Pol da au.

²⁴ Pol n̄in̄en̄ o hos taida akubuniaip, an̄al pe, provins san gurman Filiks san na au. Pol kagin apani uyanan dop an̄ane au a.”

²⁵ Agog yu gurman sad tubun en Filiks san na girek igo igire,

²⁶ “O tamol tubun, Filiks. Adian. N̄ai Klodias Lisias on̄sa na girek en̄ n̄igire da.

²⁷ Juda adi tamol en̄ diabig dufuni imat o digane se ya. Ak man saen n̄ai in̄ Rom tamol ago n̄ile n̄alon̄ tag, n̄aisag yu tamol dida maug patu pasek mupani a.

²⁸ N̄ai ata mel n̄in̄en̄ o in̄ ru dupani se yan fun mok n̄alon̄ o ilog ibol tag, n̄in̄aneg, Juda sad kaunsil sad na mau.

²⁹ Ago gug ru fun n̄ile yak man, in̄ mel ta igane saian pe n̄in̄en̄ o dufuni imat san n̄ile man tia ya. Mel ta n̄in̄en̄ o subanek lo

migane san dam ta njile na ya. Mel ninjen o ru dupani se man insigane kubiaen ninjen o mi ru dupani se ya.

³⁰ Agog saen Juda aenkadi dufuni imat o palan an dumari dan san ru njiane tag, onsa na njidinig ipalu da. Tamol a in kot an digane dan, dupalup on nao na gup, kot digane wo njabol njurupidai a.”

³¹ Yu tamol inaned tubun en ibol ago mi digane ya. Tidom nek an lo mi Pol dijaneg diaug, Antipatris na dilasa ya.

³² Tidom lom mi yu tamol njied nam mi an dumul abed na dupalu dugo, yu tamol adi hos fo yan Pol dijaneg diau a.

³³ Pol dijaneg Sisaria na dilasag, Rom san gurman tubun an girek dupani dugo, Pol dam banin lo digane ya.

³⁴ Gurman tubun en girek an isutig, Pol so distrik ta lo ipalu amaiak ilon o isumiani a. Agog Pol Silisia distrik lo ipalu yan ilon tag ibol,

³⁵ “Saen tamol on kot a digane yan dupalup dilasa dop, onsa kot njalon a.” Agog Pol gabman Herod san ab san galun lo bitinaek diganed amaiak lo imado dop tawan an dumado wo Filiks ibol a.

24

Filiks Pol san kot ilon a

¹ Murnag nal 5 itout go pris malan te yanan Ananias, in matu aenkadi dida, agod tamol ta Tertulus dubol dak ida Sisaria na diaug, Filiks naon na Pol kot an digane ya. Tertulus in njinen san kaman tamol, ago yan lo Juda awad inane kot lo inijen o dipiliani a.

² Agog Filiks Pol iwagig ipalu gug, Tertulus fun iganeg Pol njinen ipanig ibol,

“O Filiks, tamol tubun en! Onsa kankan milaen an lo saen milaen mok man maror lo mi mumado da. Agod kagin foudi a panan an lo gamu mansama tan lo melmel wei mi kubuneg dilasa uyanan a.

³ Man aben fidian lo mel an ninjen o mat da. Agod nje wo iloma tubun kasik uyan dugo onane binawek minane dan dam ninjen o iloma uyanan da.

⁴ Nai onane saen ta njibidani na wa. Ago yak ninjen o njusumiano da, gidad, ilo panamap tamol en sad awad njiane la ya,

ago yak ninjen o sad ru katukan en njabol dop ulon.

⁵ Man tamol en mile yak in fun saian. Juda tamolpein aben fidian dumado dan silei digane wo ated isue da. Agod in biatitek ta yanad Nasarin dubol dan insad gurman ta.

⁶ In dam tempel lo iladug Anut malan lo nun ipani wo igane dugo ante mabi a. Agog mansiganema kubiaen iri panim muruan en mukubune wo migane se ya.

⁷ Ak man yu tamol sad gurman tubun ak Lisias dubol dan ipalug silei nam banima na inane ya.

⁸ Agog Lisias irupaiama, tamol en on nao na kot an migane wo ibol. Onse tamol en sumiani gup, mel fidian ninjen o mabol dan ulon a.”

⁹ Agog Juda fidian awad dutumanig, Tertulus san ru dabai dupani se ya.

Pol Filiks naon na sen ipirani a.

¹⁰ Agog Rom gurman Pol inijen o tuad ipani tag Pol ru fun iganeg ibol,

“Nai njalon ak, on saen milaen mok tamolpein en sad ru tulek mado yak ninjen o naj on nao na njatur dop seg ipiranag o ilog uyan da.

¹¹ Isop on sumianai gup ka ulon a, nal 12 gamugo yau dugo, naj Jerusalem na Anut yai njigane pani wo njisida nau a.

¹² Juda adi naj tempel lo tamolpein dida nug aen matog dugo ta diliag na ya. Insad ubou ab fidian lo, agod Jerusalem na dam tamolpein ated njusueg unao ilasa wo ago njigane ta dubol na wa.

¹³ Agod gamu ru e on nao na naj dupanag den dabai dupani san in dal ad tia ya.

¹⁴ Gug mel en ninjen o naj malak malak njabol ilasa san an ninjen o miai ta ifunag na da. Naisiganeg ubou leil Anut njupani duman, ilo rumok san dal e ‘Dal En’ dubol demaiak iri panim, tubum bagema sad Anut ubou an mi njile da. Juda adi ilo rumok san ‘Dal En’ in biatitek dubol da. Gug naisag ilo sou lo man an biatitek tia ya. Nai ru kagin fidian Moses san kubiaen lo, agod ru fidian profet adi digire yan dam fidian ninjen o ilog rumok da.

¹⁵ Nai Anut ninjen o mala nouk njumado dak ago mi Juda adi e dutur den insad

mala nouk dam naon kisaek mi a. Mala nouk nek en lo, mitep nal ta ilasa dop lo tamolpein itaot ak, agod a ta itaot na yan dam fidian matej lo dumasa da wa.

¹⁶ Ago yan lo naj pempem igo maeg njigane da, mel ta Anut inj tamol dida njigane pidinai an ninen o njaisag kankan muruan ta ipanag na da.

¹⁷ “Nai wagam mi Jerusalem njubiseig njator se ya. Anañar kitek wei mi ibisawag gug, afon njamul o dugo, moni a Juda tia yan dutumanig dupanag go njisinig njupalu ya. Moni an lo Juda adi mel ta lo katukadi dop lo njibinawai san an njisinig Jerusalem na njupalu ya.

¹⁸ Saen an lo, naj midaen lo ikok njilasa la gug tempel lo njator dugo diliag a. Ago dugo naj atna doup ta dida mumado man tia, agod leinj dam tia ya.

¹⁹ Gug Juda aenkadi Esia provins lo yan saen an dumado dugo naj nineg o ilod saian a. Ak ninen o njaisag muruan ta dile tap inj sed dupalup onj nao na kot digane wa.

²⁰ Tia tap, tamol amaiak sumianai dop, saen naj Juda kaunsil naod na njatur dugo njaisag muruan dile tap, dubol dop ulonj.

²¹ Nek mel kisaek en mi kaunsil naod na njatur dugo njabol, ‘Nai gamu kot lo njatur den san fun man, naj tamol dumat ak kumaen dumasa da wan ninen o ilog lo rumok a.’ Njaisag muruan tag nek an mi a.”

²² Ago ibol ak, Filiks inj Kris sad ilo rumok san dal an ilonj ak ninen o kot an ituteg, irupidai, “Yu tamol sad gurman tubun Lisias ipalu gup, anjam kot en san nunon njabol alonj a.”

²³ Agog Filiks yu gurman irupeig tamol dititianig dumado dan dijane diaup, aben nam digane wo ibol. Subanek kadi diginiai dak ago ta digane na ya. Inj turan muroun man ka dupalup dile dop mel ninen o katukan dop lo ka dubinawi wak ago ibol irupidai a.

Pol Filiks iwon Drusila da naod na injineja

²⁴ Nal milaen tiag Filiks iwon Drusila da dupalu ya. Inj Juda pein. Agog ru igane dugo Pol dijane dupalug ilo rumok Jesus lo yan ninen o injineja se ya.

²⁵ Pol inj Filiks agod Drusila ago njineja en igo dijineja se ya, kagin itaot, tinid ditirni san kagin, agod Anut san bitinaek murna ipalu wan, fidian ninen o dukubiai ila iso se ya. Pol mel an ninen o injineja dugo, Filiks irer tag Pol irupej, “Njineja gamu san nek gane ya. Ka wau a. Naj saen kawan ak ta da dop njigio da wa.”

²⁶ Saen an lo Filiks inj san ilo sou lo Pol inj moni ta ipani wak ibol. Ago yan lo pempem iwagi dop ida dijineja se ya.

²⁷ Anañar uraru itout gug Pokias Festus, Filiks aben injane ya. Filiks Juda tamolpein ilod uyan san ninen o Pol ipasi an imoig, subanek lo mi imado se ya.

25

Pol Festus naon na itur a

¹ Festus Filiks aben injaneg nal utol yau, agog Sisaria ibiseig Jerusalem na yau.

²⁻³ Atna pris gurman adi, inj gurman aenkadi dida Festus nao na Pol kot an digane. Inj Festus ilon dijane, agog injaned ilod ibol dak ago iganep Pol Sisaria ibiseip Jerusalem na yau o dubol. Man dugo, inj gubak tam palañ an dumari la ya. Dal na dop dufuni imat o dubol.

⁴ Agog Festus awad yabig ibol, “Pol inj Sisaria na subanek lo imado da. Agod naj dam nek atna njau o sumeik da.

⁵ Ago yak ninen o anjanem gurman naj dida maup, tamol an mel ta igane saian tap, dubol dop njalonj.”

⁶ Festus nal 8 boi tia 10 boi, atna imado gug imul Sisaria na yau a. Yen imasag tidomi kot dulonj dak aben lo imasi gug, Pol dijane dupalu wo ibol.

⁷ Saen Pol ipalu yan Juda Jerusalem nag dupalu yan dutur dulubanig muruan tubun kasik igane ago dubol. Gug inj sad ru an dabai dupani san dal tia ya.

⁸ Ago dugo Pol sen ipiranig ibol, “Nai Juda sad kubiaen, tempel san kubiaen ta njupilali man tia ya. Kaisa dam lo njigane saian man tia ya.”

⁹ Festus inj Juda adi binawek kitek ipidinai o imat an lo Pol isumianig ibol, “Onj Jerusalem na waup, ru dubol na yan iri panim onja kot njalonj o umat di?”

¹⁰ Ago dugo Pol ibol, “Nai Kaisa san kot lo natur da. Ete mi n̄aisag kot ulon̄ a. Nai Juda dugo ta n̄iginiai saian man tia yan on̄se ulon̄ la ya.

¹¹ An lo n̄ai mel ta n̄igane saian agop n̄amat o kubiaen̄ ibol tap, n̄ai n̄asol o dal ta aban̄ n̄abi na da. Ak man in̄sad ru n̄ai nin̄eg o dubol dan, fidian sewak tap, talpein ta n̄ai in̄ banid lo iginiag san tia ya. N̄ai Kaisa n̄uwagip n̄aisag kot ilon̄ a.”

¹² Agog Festus in̄anen kaunsil adi dida diñin̄en̄ gug Pol ru naon irupeig ibol, “On̄ Kaisa on̄sa kot ilon̄ o wagi ak nin̄en o in̄san na wau a.”

Festus Pol nin̄en o kin̄ Agripa naon na in̄in̄en̄ a

¹³ Murnag Kin̄ Agripa in̄ Bernaisi da Sisaria na Festus duyun̄ani wo dupalu ya.

¹⁴ Atna kitek dumado yak nin̄en o Festus Pol nin̄en o Kin̄ Agripa naon na ibol, “Filiks tamol ta etna subanek lo igane yak imado da.

¹⁵ Agog saen n̄ai Jerusalem na n̄aug, Juda sad pris gurman adi, agod gurman aenta dida dupalug, n̄ai tamol an igane saian ak san fun n̄abol pe n̄abi idu kisaek on̄ o dushmanag a.

¹⁶ Gug n̄ai ru naon igo n̄urupidai. Man̄ Rom sama kagin man, subanek tamol ta in̄ tamol a kot lo diabi an da nug naon dupanip ta diñin̄en̄ na dan daon̄ mupani san an man̄sam kagin tia ya. Man̄ saen mupani dop, in̄san muruan an nin̄en o ru dupani dan ilon̄ pe, sen ipirani na gup, dal dugo kot iri dan ate mi mupani wa.

¹⁷ Amaiak nin̄en o saen etna dupalu man, n̄ai saen ta n̄ibidani na ya. Maen mumasag kot dulon̄ dak aben lo n̄umasig, tamol an diñane dupalu wo n̄urupidai a.

¹⁸ Tamol a in̄ kot an digane yan dumasa dutur ak man, n̄ai muruan tubun geig ak nin̄en kot an digane wak n̄abol gug ago ta digane na ya.

¹⁹ In̄siganed ubou nin̄en o, agod tamol ta yan̄an Jesus dubol dak mi nin̄en o nug diabi se ya. Tamol an imat gug Pol man in̄ imasag kumaen imado dak ago ibol da.

²⁰ Nai muruan naok ago yak n̄ukubune san dal ta n̄ile man tia tag, Pol Jerusalem na

diñane diaup ru dubol an fom kot dupani wo ago n̄usumiani a.

²¹ Ak man Pol Kaisa in̄sen san kot ilon̄ o subanek lo mi imado yau o ago isumianag a. Ago tag dititiani dumado yau nap n̄ai dal ta n̄ile gup n̄idinip Kaisa san na yau ak n̄abol a.”

²² Agog Agripa Festus irupei, “N̄aiseg mok tamol an in̄in̄en̄ dop n̄alon̄ o ilog ibol da.”

Agog Festus awan yabig ibol, “Gabulo gup awan ulon̄ a.”

Pol kin̄ Agripa naon na itur a

²³ Dien dumasag Agripa in̄ Bernaisi da yousai lo mugurun̄ mi dupalug, yu gurman, in̄ taun san tamol tutubun an dida tumanek ab lo diladu ya. Agog Festus tamol idinaig Pol diñaneg diladu ya.

²⁴ Agog Festus imasag ibol, “Kin̄ Agripa, agod an̄ fidian gamu etna amado dan, tamol en ale, Juda tamolpein etna dumado dan, agod Jerusalem na yan tamol en nin̄en o n̄ai naog na kot digane ya. In̄ disasaig dubol, ‘Tamol en fon ta imado na wa.’

²⁵ Gug in̄ mel ta igane saian pe nin̄en o imat san n̄ile man tia ya. Agod in̄sen dam Kaisa in̄san kot ilon̄ o ibol ak nin̄en o n̄ai n̄iganep yau o n̄abol a.

²⁶ Ak man n̄ai ru ta in̄san muruan nin̄en o itaot n̄igirep Kaisa n̄upani san tia ya. Ago yak nin̄en o n̄ai on̄ Bernaisi da naom na n̄igane ipalu ya. On̄ kin̄ Agripa nao na itur dop on̄ n̄ai da sisem tushmanip, in̄sen nin̄en o in̄in̄en̄ dop talon̄ a. An lo in̄san muruan dugo yan tile talon̄ gup, n̄ai an n̄igirep Kaisa san na n̄igane yau a.

²⁷ Man dugo, n̄ai ata wo kawan geig subanek tamol ta mel igane saian an fun ta n̄ufulale uyan na gup n̄idinip yau ak i? N̄ai an n̄ukubiani dak man uyan tia ya.”

26

Pol Agripa naon na sen ipiranig ru ibol a Apo 9:1-18; 22:3-16

¹ Agog Agripa Pol irupei, “Gamu on̄se niñe wo ru ka ubol a.”

Ago tag Pol banin yabisag, ru en ibol,

² “O Kin̄ Agripa, n̄ai ilog tubun mi uyan da. Man dugo, n̄ai gamu on̄ nao na ru fidian Juda n̄ai nin̄eg o dubol na yan nin̄en seg ipiranag a.

³ Onj dam Juda adi sad kagin, agod sad ae tutog dam fidian ulonj siñaokan a. Ago yak ninjen o kagin panag dop, njaisag ru ulonj.

⁴ “Juda fidian naj pineinag lo numado njator na yan dulonj. Fun lo Isrel ilon lo, agod Jerusalem na numado njator na yan, saen milaen naj fug dulonj uyanan a.

⁵ Saen milaen mok inj dulonj uyanan ak, mañsama midaenj Farisi dubol dan san geggeg wei kasik an ilon lo numado dugo sad kagin fidian an njiri na ya. Tag an dubol ilasa wo dumoi boi.

⁶ Agog gamu etna sumianek lo njatur dan fun man, naj Anut mañsama tubum bagema promis ipidinai amaiak ilog lo rumok go san nuñon njile wo mala nouk numado dak ninjen o ete njatur da.

⁷ Isrel san gugoi 12 an promis nek amaiak nuñon ilasap dile wo tidom ad Anut o ubou dile da. O tamol tubun en, naj promis an san nuñon njile wo mala nouk numado dak, Juda adi dam nek ago mi digane da, ak gug kagin nek amaiak ninjen o naj njigane saian dak ago dubol da!

⁸ Anj fidian, ata wo Anut tamol matenj lo ifufunaip kumaen dumasa da wan, ida ta isuda na yak ago ilom isou dak i?

⁹ “Naisag dam ilog lo dal fidian lo njiganep Jesus Nasaret tamol an yañan njabi idu wak njabol a.

¹⁰ Naj Jerusalem na ago njigane se ya. Naj pris gurman adi awok dupanag go Tubun en san tamolpein wei kasik subanek ab lo njidirai se ya. Dufu dumat o dubol dop, naj dam awok njupidinai se ya.

¹¹ Nal wei kasik ubou ab fidian lo njabol dop bu dupidinai se ya. Ago dugo naj inj Jesus yañan malan dusue wo maeg njigane dugo nududuwai se ya. An mi tia, tinjaeg tubun kasik wananan anda, njibiaip daonj njupidinai wo abañad njile se ya, Isrel ilon lo agod taun gol ak lo dam mi a.

¹² “Naj nek urat an ninjen o Damaskus na pris gurman adi awok dupanag go njau a.

¹³ O tamol tubun en, dal na ad titinjaem itur dugo naj lilaman ta tubun geig ad san mididanj irinjani ak tamol dida mau an tin-ima fo isapudade ya.

¹⁴ Manj fidian mau madug, naj awan ta Hibu lo irupaiaq, ‘Sol! Sol! Ata wo naj

malag sue dak i? Mel en ilo isou. Makau titianek yu luon geig ak nam makau imas-palu wo isue dop, makau an madai ikubianip njen ipar imul da, ago dop yu an njen isue ilon lo yaup madai tubun geig ak ikubiani da. Onj nek ibol makau amaiak onj a. Saen onj njaisag tamolpein malad sue dugo, kagin saiak a gane dan san miai isio gug, onj pare imul san onj o muruan geig a.’

¹⁵ “Ago dugo naj njusumiani, ‘Tubun en, onj enti?’ ”

“Ago tag Tubun en awag yabig ibol, ‘Naj Jesus nek e malag sued ama ya.

¹⁶ Onj masap utur. Naj onsa na njilasa yan onj njaisag urat tamol mado wo njipiliano ya. Onj mel gamu ule yan, agod a mitep njukubiai pano wan dam aenta naod na ubol dop dulonj a.

¹⁷ Saen onsigane tamolpein daonj dupano wo digane dop, naj banidi lo njupaso wa. Naj Juda tia yak sad na njidinop wau o da, an ninjen o inj banid lo dam njibinawo wa.

¹⁸ Onj inj malad wafutep, tidom tubun lo yak lilaman lo dupalu wa. Satan san tuon lo yak Anut san na diau a. Agop inj sad ilo rumok naj lo injaned aupasek isasi pidinai a, agod tamolpein a Anut itaot idirai dilasa yan lulunjad lo aben ta dinjane wa.’ ”

Pol inj san urat san sae isue ya

¹⁹ “Ago yan lo, Kinj Agripa, tamol awan a mala njutun leil an lo njalonj amaiak ta njuparsisali na ya.

²⁰ Malmalan mok Damaskus na ru njufulale se ya. Murnag Jerusalem nag, Judea sad gigin fidian log, Juda tia yak lo dam njaug, ru njufulale se ya. Inj bubed dibilisap, injaned saian patud dupanip, naodi Anut dupanip kagin saiak patud dupani an nuñon kuai te digane ilasa wak san ru njufulale se ya.

²¹ Fun amaiak ninjen o naj tempel lo numado dugo Juda adi dibiag go dufunag njamat o digane ya.

²² Fun lo ipalug gamu en, binawek a Anut san na ipalu yan naj da yen da. Ago yak ninjen o gamu gidad an yañam tubun ak boi, yañam tia yak boi, naj ete naom na njabol njatur dugo, Moses inj profet dida mel ilasa wak ninjen o dubol na yan mi gamu njabol da:

²³ Kristus in muruan isinip imat mok a. Agop in tamol malmalan mok maten lo kumaen imasa da wa. An lo dop in Juda adi agod Juda tia yak dida dal dugon lo Anut san patu pasek diwane wan ikubiaip dile wa. An in sad leil lo man nek ibol sul san lilaman ak on a.”

²⁴ Pol sen ipirani san ru ago ibol dugo, Festus awan tubun mi isasaig ibol, “Pol! Burau ifuno da. Onsa ulon an tubun kasik an lo yaug burau ipano ya.”

²⁵ Agog Pol awan yabig ibol, “O tubun en Festus, nai burau ta ifunag na da. Ru a nabol ilasa dan, an rumok agod kankan milaen ak san a.

²⁶ Kin Agripa, in mel amaiak fidian ilon sijaokan ak ninen o nai nalon ak in naon na seg ipiranag dop nininen o ta narer na wa. Nai ilog isou ak, dugo ilasa yan fidian lulunad lo mel ta kisaek man, kin Agripa mel an ninen o ta in aon na ya. Man dugo, mel an fidian mianuk lo dilasa man tia ya.

²⁷ O Kin Agripa, on profet adi sad girek ilo lo rumok ak i? Nai nalon ak, on ilo lo rumok a.”

²⁸ Agog Agripa Pol irupe, “Dugo, on gamu saen katukan en lo mi nai giniag pe Kris nilasa wak ubol di?”

²⁹ Agog Pol ru naon irupe, “Nal katukan boi, tia, milaen mi boi, on agod aenta gamu ru alon dan an fidian Jesus ilom lo rumok o njugudani da. An nai igo numado dan igo won an dam amado wo ilog ibol da. Gug mel kisaek sein nam nai dsubanag pe an lo yen man namoi.”

³⁰ Agog kin, in gurman tubun Festus da, Bernaisi, agod tamolpein fidian dumado yan dumasag, dilasa ya.

³¹ Agog nug naon na dubol, “Tamol en mel ta igane saian pe ninen o imat san tia ya, subanek ab lo imado san dam ta igane na da.”

³² Agog Agripa Festus irupe, “Tamol en in san kot Kaisa ilon o ibol a. Ago ta ibol na yak man subanek lo tupasi wa.”

27

Pol wog fo diwane Rom na diau a

¹ In awad kisaek go man Itali na mau o dubol tag, Pol in subanek aenkadi dida Rom yu gurman ta doup “Kaisar san

sawar” dubol dak san gurman, yanjan Julius, banin lo didirai a.

² Agog man Adramitium na wog ta fo misida ya. Wog an Esia provins lo panu lon na dien dan lo idu dop yau san. Agog miyawai a. Masedonia na taun ta yanjan Tesalonaika dubol dan san tamol, yanjan Aristakus, dam ida mau a.

³ Nal tinin te Saidon na misasau a. Julius in Pol lo uyan, ago yak ninen o Pol yaug turan yil dugo mel lo katukan ak dupani a.

⁴ Agog milasag mau dugo tim imasa tag Saipras nui giranen na tim an tia yak lo mi mau a, man dugo, tim naoma yabi se ya.

⁵ Silisia in Pamfilia da sad lon mubiseig Lisia na taun yanjan Maira dubol dak lo milasag misasau a.

⁶ Agog atna yu gurman an wog sen ak abanan yabi a. Agog wog ta Aleksandria na yak Itali na yau dak ile tag, iginiamag wog an lo musuda ya.

⁷ Tim naoma yabi a, ago yak ninen o nal aenta man pasak nam mau se ya. Agog Naidas panu sumeik mupani dugo, mile tag maeg migane gug atna ta madu na ya. Tim san dabai tubun kasik, agog naon fom mau san tia tag, Krit nui giranen malin ak lo maug Salmone damon mirinani a.

⁸ Maeg miganeg lon im mau nag taun ta Lasia dubol dak giranen na ilon ta yanjan Ilon Malin dubol dan lo miladu ya.

⁹ Man atna saen milaen mok mumado yaug wein mabi san muruan. Man dugo, Juda sad anan wali san nal itout la ya, agod saen an lo beig saian da. Ago tag Pol tamol ru kagin en irupidai,

¹⁰ “Tamol alon, idsad turen etnap tau dan man muruan geig a. Naisag ilog lo nukubiani nile yak, id tau on dop man, muruan wei mi ilasa wa, wog san biou dideg diau a, wog daon inanep tamol aenta dam dumat a.”

¹¹ Ak man yu gurman in keptan agod wog muroun da sad ru ilon lo rumok a. Agod Pol san ru man ninen o kankan ta igane na ya.

¹² Madid saen dop ilon lo mumado san madok ta uyan na yak ninen o tamol wei kasik mau an awad kisaek dop, milasap fon miyawaip Finiks na madu wo ilod ibol

a. Krit na ilon an tim naon fo ta yen na da. Agod madid saen dop ate ka mumado wa.

Dal na beig tubun kasik ifu ya

¹³ Agog karag ifure gug dabai an tia tag in ilod lo ilon a ilod isou an lo ka mau ak dubol. Ago tag anga dirae isidag Krit san lon aen mi murig mau se ya.

¹⁴ Saen milaen tiag tim dabai yarti dubol dan nui log mayau itor pani a.

¹⁵ Tim ipalu yan wog inaneg, wog dutuli san ta isida na tag, tim naon mi dirig diau se ya.

¹⁶ Man nui nanun Koda dubol dan giran aen ate muri dugo, dingi mabisa wo wagai miganeg, mirae isidag miyati a.

¹⁷ Agog wog rasau nam tinin dufou sakar. Kabelan Libia san lon na gugor atna yak fo wog isida banau o, lai dupasi dugo tim mi wog idudunip mau a.

¹⁸ Beig saian geig an nek ago mi yen tag, salsog wog tinin san bioun aenkadi diabi beig lo idu ya.

¹⁹ Maen mumasag nek ago mi tag, wog san bioun bioun aenkadi insed banid nam dupasig diabiau a.

²⁰ Nal kitek wei mi, ad, patui ta meil na ya. Agog tim nek yen ago mi yen dugo, man binawek mile san ilo isou migane yan fon iloma inaoñ a. In dideg diau o ilod isou se ya.

²¹ Tamol dida mau an nal wei mok anan tia dumado tag, Pol imasag naod na itur dugo ibol, "An ñai awag amoi ak ninen o Krit tibiseig, tiyawai tupalug, bioun bioun tititale da. Ago tia ak man, bioun tititale yan tia wa.

²² Ak man ñai an ilom kisaek mi wo nusumianan da. Sem dabai ipanan. Man dugo, id en kisaek ta imat san tia wa. Wog mi gup man saian a.

²³ Tidom na ñaisag Anut ninen o in ubou ñile dan san enel ta ñaisag na ipalug ibol,

²⁴ 'Pol, on urer umoi! On Kaiser naon na utur o Anut ilon ago yen. Insan ilo muñanek lo tamol dida au dan kisaek ta ideg yau san tia ya.'

²⁵ Ago yak ninen o sem dabai panan. Man dugo, ñai Anut o ilog lo rumok, agod ñai ru ñalon an ago mi iri panim ilasa wa.

²⁶ Gug id man taup nui ta fo tisida wa."

²⁷ Agog ubou uraru itout go tidom an lo beig tubun, yan Edria, an lo tim injiliamag mau. Tidom luak igo won wein tamol adi tan sumeik mupani dak dubol a.

²⁸ Ago tag mel muruan ak kam fo dususeg beig lo diganeg idu yaug, beig san kuror 35 mita igo won dile ya. Kitekan maug, fon ago mi digane man beig san kuror 25 mita.

²⁹ Kabelan wog pat fo isidap ipuk banau anga iwoiwo patun na dubal agog salso idu wo dumosiai dop insad tubud lon o dubol.

³⁰ Agog wog san wein tamol adi wog dubiseip dusol o digane yak ninen o in wog san dingi beig lo digane idu ya. In dirae go wog nudun fo anga* ta dususe wo digane da.

³¹ Ak man Pol yu gurman an irupe, "Wog san wein tamol adi wog fo dumado wa. Tia tap, an adeg au a."

³² Ago tag yu tamol adi dingi san kam dututeg ifot yau a.

³³ Salso idu wo sumeik dugo, Pol tamol anan diani wo isumianai, "An nal 14 malam aganeg anan ta ani man tia ya.

³⁴ Ago yak ninen o anan ani wo nrupaian da. An tinim dabai ipani wa. Man dugo, an lulunam lo tamol ta kisaek insan gumuran san roun kitek ta mok ideg yau na wa."

³⁵ Pol in ru an ibol itout gug bret kisaek inaneg fidian malad lo Anut ilo uyan ipanig yafuteg insen fun iganeg yani a.

³⁶ Fidian ago dile tag sed dabai ipidinaig bret dinaneg diani a.

³⁷ Man wog fo mau an nunoma 276.

³⁸ Saen tamol fidian anan dianig, luad ipuk go, wog pasauman o diganeg, wit diabi beig lo idiau a.

Wog gurgor fo isida ya

³⁹ Salso idu an wein tamol adi lon ta dileg dinaon. Gug ilon ta lul anda yak dile tag wog dinane diaup lul an fo isasau wo dubol.

⁴⁰ Ago tag anga san kam dututeg, anga nunon beig lo yen. Agog ulum san fei andam san kam dupasi a. Agog wog nudun fo lai an dirae, tim wog idudunip, lon na yau wo digane se ya.

* 27:30: Pitiau

⁴¹ Ak man wog gurgor fo isidag iririd yen se ya. Agog n̄udun man isasau dugo wadan man tamun ipalug igile ifurak idiri yau se ya.

⁴² Ago dugo yu tamol adi subanek an fidian dufu dumat o dubol. Kabelan dulog loŋ na diaup dusol banau.

⁴³ Ak man yu tamol sad gurman Pol imat man imoi tag, subanek adi ta dufu dumat na wo ibol a. Tamol dulog san idaisuda man imug dusukalik beig lo dudup, dulog loŋ na disila diau o ibol a.

⁴⁴ Gug aenta dulog san tia man, wog san abau an disinip fo dulog disila diau o ibol a. Ago miganeg fidian loŋ na itaot misida ya.

28

Nui yaŋan Molta dubol dak fo misida ya

¹ Maŋ fidian itaot loŋ na misida gug nui an yaŋan Molta dubol go malon.

² Nui an san tamolpein maŋ lo uyanan mok a. Ui idug abaŋ madid tag yai dutuni panamag, tinima isue ya.

³ Agog Pol ai itueg yai fo idiri wo igane dugo, mot ta yai inani guguleg ilasag Pol banin te iratig banin ipulh̄ani a.

⁴ Nui an san tamolpein Pol banin te mot iyuk dugo dileg, sed nug durupej, “Tag tamol en tamol ifu dumat da. In̄ beig lo ta imat na gug, naon panek san tubud gamu naon ipani da.”

⁵ Gug Pol mot an ikupari yaug yai lo idu ya. Mot an Pol tinin ta igane saian man tia ya.

⁶ Agog fidian dutur an Pol tinin isusanip yau idup imat dop dile wak dubol go tinid digane se ya. Ak man saen milaen mok mel ta ilasa dop dile wak dubol gug, mel ta ilasa man tia tag, kankan dibilisag dubol, “En man tubud ta boi.”

⁷ Aben mumado yan giran̄en na man tamol ta yaŋan Pablius in̄ nui an san gurman ak in̄san tan atna yen. In̄ maŋ lo uyanan a. Agog in̄jiliamag nal utol atna kagin ipanamag ida mumado se ya.

⁸ Pablius taman man ifuruk da, agod tinin wananan tubun kasik go yen da. Ago tag Pol in̄san galuŋ lo iladug Anut igudanig, banin tinin fo igane yan subam ibisei a.

⁹ Tamolpein fidian mel ilasa yan dulon tag, subam adi nui lo yan fidian dupalug iginiaig uyadi.

¹⁰ In̄ melmel wei kasik maŋ dupanama ya. Agog miyawai san saen dugo wein̄ mabi san biabi wog lo didiri a.

Molta mubiseig Rom na mau a

¹¹ Kalam utol atna mumado dugo Aleksandria sad wog ta n̄udun fo tubud urarum nug tein, ta yaŋan Kastor, neinta yaŋan Poluks dubol dak sad mitilaed yen dak fo misidag mau a. Wog an madid saen lo nui an lo yen.

¹² Agog maug, taun yaŋan Sairakyus na milasag, nal utol mumado se ya.

¹³ Taun an mubiseig miyawaig, panu ta yaŋan Regium na madu ya. Maen mumasag tidom lom mi karag fun iganeg ipalu dugo, nal uraru lo mi panu yaŋan Putioli dubol dak lo milasa ya.

¹⁴ Agog atna ilo rumok adi aenkadi meil go dida ubou kisaek mumado wo dusumianama ya. Ago tag dida mumado gug Rom na mau a.

¹⁵ Ilo rumok adi Rom na yan yaŋama dulon go Apias Didaen̄ Aben geg an diliama wo dupalu ya. Ago dugo aenta Lou Ab Utol geg an dam diliama wo dupalu ya. Saen Pol ilo rumok adi yil go Anut ilo uyan ru ipanig, in̄sen dam sen dabai ipani a.

¹⁶ Saen maŋ Rom na milasa man, Pol in̄sen kisaek mi, yu tamol kisaek ititianip ida dumado wo dubol a.

Pol Juda adi Rom na yan itumanai a

¹⁷ Murnag nal utol itout go Juda atna dumado dan sad gurman dutumani wo Pol ru iganeg sad na yau. Saen dupalug dutumani dugo irupidai, “O teig taog, n̄ai bo idsad tamolpein, tamol kagin id tubud baged dupanad an kisaek ta n̄igane saian man tia ak gug, Jerusalem na dibiag go subanek diginiag a. Agog Rom banid lo diginiag a.

¹⁸ In̄ n̄ai dusumianag ak man mel ta n̄igane saian ak nin̄en o n̄amat san dile man tia ya. Ago yak nin̄en o dupasag o dubol a.

¹⁹ Ak man Juda adi in̄ an dumoi tag, n̄ai dabai nam Kaisa n̄aisag kot ilon̄ o n̄abol. Gug n̄ai Juda tamolpein mel digane saian

ak ninjen o Kaisa naon na njabol san ta amag da man tia ya.

²⁰ Ago yak ninjen o njai an da tinjenen o njigian a. Njai tamol a Isrel tamolpein ninjen o tinid digane dan ilog lo rumok an lo gamu njai sein ag da njamado da.”

²¹ Agog inj durupe, “Man Judea na on niye wo girek ta minjane man tia ya. Agod Juda taidam dupalup on niye wo ru ta dubol saian dop malon man tia ya.

²² Ak man biatitek en ninjen o onjane ilo sou minjane malon o iloma tubun mi ibol da. Man dugo, man malon ak, tamolpein aben fidian lo dumado dan biatitek emaiak ninjen o ru saian mi dubol da.”

²³ Ago tag Pol dida nal diganeg tamolpein wei kasik mok saen an aben Pol imado dak ate dilasa ya. Agog Anut san kagin panek san ru tidomi fun iganeg yaug, tidom idug naod na ifulale pidinai se ya. Inj Moses san kubiaen, agod profet sad girek lo dam ru boi sensen ak injal go, Jesus ilod lo rumok anen ru irupidai se ya.

²⁴ Aenta injsan ru an dulon go ilod lo rumok a, ago dugo aenta man ilod ta rumok na ya.

²⁵ Ago tag fidian ru naon sensen dubol se man ab dibisei a. Gug diau o dugo Pol ru wadan en ibol, “Urgun profet Aisaia awan lo rumok geig an tubum bagem ibol igo irupidai,

²⁶ ‘Waup, tamolpein en igo rupidai:

Saen an ru alon man, ka alon on se ya,
ak man san fun ta anjane na ya,
agod saen aban ale man, malami ka
yau on se ya, ak man ilom ta itarpasi
na ya.

²⁷ Man dugo, tamolpein en sad bubedi
dabai geig dilasa ya,
inj kududodi ta dulon uyan na ya,
agod maladi ikilakil pasi a.

Tia tap, maladi nam inj ka aban dile
wak,
kududodi nam ka dulon ak,
agod ilodi nam manau ka dinjane wa.

Ago dop an lo ilod ibilisa dop didansap
njaisag na dupalu dop njukubunia a.’ ”

²⁸ “Ago yak ninjen o an alon. Anut injsan patu pasek san ru iganeg tamolpein Juda

tia yan sad na yau da. Inj ru an dulon pe ninjen o kududod dugure wa!”

²⁹ [Saen Pol ru an ibol go itout an Juda injsed injsed mi nug dupeig dufurak go diau a.]*

³⁰ Anajar uraru Pol sen ab ta idad go lo imado se ya. Ab an lo imado dugo tamolpein fidian dile wo dupalu se yan ilo uyan lo injal dugo imado se ya.

³¹ Inj Anut san kagin panek ninjen o ru ifulale dugo, Tubun en Jesus ninjen o tamolpein manau ipitenjanai se ya. Ru fidian ta yabituani man tia ya. Agod Rom gabman an ninjen o ta ipadau na ya.

* **28:29:** Boi 29 Grik lo tia ya.

Rom

¹ Nai Pol, Jesus Kristus san urat tamol, anŝam na girek en niganeg ipalu ya. Anut sen nai ipilianag a, an lo inŝan aposel nilasa ya. Ago dop an lo nai Anut san bilaluŋ uyanan an nabol ilasa wa.

² In gubak mi inŝan profet awad lo promis id ipanad ak igo, murnap bilaluŋ uyanan en ilasa wa, agod profet an bilaluŋ en niŋen o inŋaned girek gun ak lo digire ya.

³ Bilaluŋ uyanan en man inŋanen Nanun idsad Tubun ak ilasa wan niŋen o ibol. Nanun emaiak tinin lo man bagen Dawid san dar lo ilasa ya.

⁴ Gug Awan Urgun in tamol an san dabai tutubu yan ikubiai panad a, man dugo, materŋ lo imasag kumaen imado yan tile ya. Ago man Urgun kulob an lo in niŋen o igo ibol, tamol en Anut Nanun mok a. In Jesus Kristus, idsad Tubun a.

⁵ In lo mi Anut maŋ ilon imuŋanama ya, agod maŋ yanak aposel an ipanama ya. Maŋ urat migane yan lo, tamolpein Juda tia yak fidian luluŋad lo tamolpein aenta migiaip, an lo Jesus niŋen o ilod rumok pe inŋanen awan paen na dumado wa. Maŋ ago migane wo ipilianama ya.

⁶ Agod aŋ dam tamolpein ensauta a Anut igiaig inŋanen tamolpein dilasa yan luluŋad lo amado ya.

⁷ Aria, nai aŋ Rom tamolpein sam na girek en niganeg ipalu da. Anut aŋ niŋemi wo tubun mi imat da, agog inŝan tamolpein gun ak amado wo igian a. Anut idsad Tamad, agod Jesus Kristus idsad Tubun en, in mi inŝad ilo panek agod inŝad maror aŋ lo pempem yen a.

Pol Rom tamolpein yil o imat a

⁸ Mel malmalan nŋurupaian man igo ya. Saen aŋ fidian niŋemi wo ilog isou dop man nai Jesus Kristus lo Anut ilo uyan nŋupani da. Man dugo, tan fufulek fidian en san tamolpein in anŝam ilo rumok Jesus lo yan niŋen o diŋiŋen da.

⁹ Man dugo, Anut e nai ilog fidian lo inŋanen Nanun san bilaluŋ uyan ak lo biabi nŋiganeg den, patug fo itur dugo nŋaisag nŋiŋen

isatuani da, nŋaisag gudanek lo pempem an ilog isou dop niŋemi wo nŋugudani da.

¹⁰ Aria, nai gamu igo nŋusumiani dak, in dalawan ta ipasi panag dop anŝam na nŋupalu wa. Saen wei mi nai ago nŋusumiani se ya, gug dal ta ikubiai panag man tia ya. Nap in ilon ibol tap, gamu nai ka anŝam na nŋupalu wa.

¹¹ Nai nŋilian o ilog tubun mi ibol da. Man ata wo? Nai ilog lo Urgun san bar uyan ak ta ka nŋupanaŋ pe lo anŋanem ilo rumok iganep dabai a.

¹² An mi tia ya, tia, nug san ilo rumok lo nug ilon tabisa wa. Anŝam lo nai dabai nŋiŋane dop, nŋaisag lo aŋ dam dabai anŋane wa.

¹³ Teig taog, aŋ mel en niŋen o anŋaon banau. Saen wei mi nai anŝam na nŋupalu wo nŋiganeg se ya, ak man mel ta pempem nŋaisag dal ifutani dugo ipalu na ya. Naisag urat nuŋon an dam luluŋam lo ifu o ilog ibol da, nek ibol nŋaisag urat nuŋon Juda tia yak aenta luluŋad lo ifu la yak ago mi a.

¹⁴ Tamolpein wei mi sad gubun nai tinig lo yen da, an niŋen o gubun an nŋusupasip itout a. Grik adi, tamolpein asau adi, tamolpein maŋau ad da yak, tamolpein maŋau ad tia yak lo ago nŋiganeg wa.

¹⁵ Fun an lo na nŋaisag ilog tinig fidian aŋ tamolpein Rom na amado dan dam bilaluŋ uyanan en nŋufulalep alon o ilog ibol da.

¹⁶ Nai bilaluŋ uyanan e nabol ilasa den niŋen o miai ta ifunag na da. Man dugo, Anut san dabai an lo yen da, an lo tamolpein fidian ilod lo rumok dan patud ipasi wa. Malmalan Juda adi, ago gup murna gob adi wa.

¹⁷ An niŋen bilaluŋ uyanan en lo, Anut inŝen dal foun ak ta tamolpein in malan lo itaot dumado wak san igane ilasa ya. Dal an san fun, agod dal an san wadan man ilo rumok lo mi a. Nek ibol ru ta Anut san buk lo digire yan ibol, "Talpein enti in Anut malan lo itaot ak, inŋanen ilo rumok lo mi kumaen imado wa."

Tan en san tamolpein fidian Anut san tinŋae mumarek paen na dumado da

¹⁸ Anut inŝan tinŋae mumarek id kuai te ikubiai tile da. Anut inŋanen tinŋae mumarek an lo tamolpein in patud dupanig kagin

saiak saiak digane dan naon ipidinai da. Man dugo, inaned kagin saiak saiak digane dan lo ru rumok ak diabi idu da.

¹⁹ Anut in enso Anut ta, insen fun tan en san tamolpein malad lo ta imiani na ya, tia, insen mi inanen bunun aenta kuai tem iganeg dile dulong a.

²⁰ Fun lo mok Anut tan en iganeg yen ipalug gamu saen en lo man, insan bunun imianuk yen an walal te igane ilasa ya. An igo ya, in Anut mok a, agod insan dabai pempem yen yau da. Mel uraru en kuai te tamolpein ka dile dulong a, insan dabai, agod insan mel idiri an lo banin mitilaen ka dile wa. Ago bo man in Anut dumoi a. Fun amaiak ninen o in Anut malan lo sed idiraip itaot dilasa wo digane san dal ta yen na da.

²¹ In Anut dulong uyanan ak bo man yanjan diabisa man dumoi da, agod in ilo uyan dupani man dam dumoi da. Ago man insad ilo sou an nunon an tia ya, ago dugo insad kankan kawan ilasa ya, an lo tinid ilon lo tidom tubun an insad ilo burau ituani a.

²² Ago dugo tamolpein an igo dubol, "Man kankan milaen amama da ya." Ago digane dugo, sed ilod ibali dugo sed burau ipidinai se ya.

²³ Man ata wo? In Anut kumaen pempem imado dan san girager dijaneg dugo, aben lo tan en san ai mitilaedi digane idu ya. Melmel nek ibol tamol, anakanak, mel mudan, agod mel mot igo yak, sad mitilaedi dusuwig ubou ad dile na ya.

²⁴ Fun an ninen o Anut yabianai a. Ago man tamolpein an nun kagin funfun a digane wo bubedi tubun mi imasa se yan, nek ago mi digane na ya. In ilod imasag jeit digane dugo nug tinin lo kagin miai ak digane se ya.

²⁵ In ru rumok Anut ninen o yan dijaneg patud na digane ya, ago dugo aben lo insigane ru sewak an diganeg duri dupani na ya. An lo Anut insen mok mi yanjan diabisa wak dumoi, melmel tan san Anut sen banin nam idiri amaiak ubou amad dile dugo yanjad diabisa na ya. Ak man Anut mi in mel niganag tamol, amaiak ninen o inanen yanjan mi id pempem tabisa wa. Rumok.

²⁶ Aria, Anut inaned kagin sisaiak ile yan ninen o, afon yabianai da ya. Ago man tamolpein an ilo masai senamo geig ak miai san an duri dupani na ya. Pein tamol da nug iwon igo dien dan tia, in kulob Anut imoi amaiak mi diganeg insed pein pein mi nug iwon igo digane na ya.

²⁷ Agod an mi tia ya. Tia, tamol dam in iwod pein dadi dien man dumoi, agog in bubed imasag tamol tamol mi nug iwon igo dien dugo, kagin miai tubun ak mi digane na ya. An ninen o Anut nun kagin an san naon atem itaot ipidinai a, ago dop insed tinid lo mi ai wadan an dukubiani wa.

²⁸ Taida mi, insad ilo sou lo, in Anut dulong man mel kawan ak dubol a, an lo insad manau Anut ninen o yan diabi sakar o dumoi dugo, banid lo ilasag ideg yau a. Fun an ninen o Anut afon yabianai da ya. Ago man insad ilo sou saian geig an digane ilasag, an lo fun diganeg kagin sisaiak ak sensen an mi digane se ya.

²⁹ Tamolpein an insad ilod tinid lo kagin saiak saiak en awan isa ya. Mala sek kagin, kagin saian geig ak, tura susak kagin, tamol dufuni imat ak san kagin, nug paek kagin, sewak kagin, siai kagin, nurnur kagin,

³⁰ uf kagin, Anut dile saian san kagin, silei kagin, nai-nai kagin agod se pitiano kagin. In kulob saiak digane wo dal aban dile da, in tinad tamad awad kagin ta dupani na da.

³¹ In njineo kagin digane dak, insigane ru ta diganuri na dak, in inaned muroud njedi wo ta dumat na dak, agod ilo munanek amad tia ya.

³² Tamolpein an Anut san kubiaen igane yan dulong uyanan a, kubiaen an lo ibol ak talpein kulob ago igane dan mater ile wa. Rumok, in kubiaen an dulong gug dumoi, kagin uyan tia yan mi digane yau da. Agod an mi tia, tamolpein kagin ago digane dan dile dugo dupitanai da.

2

Anut san bitinaek man itaot a

¹ On enti talpein sen ak kagin sisaiak igane dan bitinaek lo ganeg in lo ru sue dan, dugo, on Anut malan lo kagin a gane

dan fun an tia ya. Tia geig a, man dugo, oŋ talpein sen ak ta lo ru sue yak gug, kagin sisaik a talpein a igane dan oŋ dam kagin naon kisaek ago gane da. Amaiak ninen o oŋse bitinaek lo iginio dugo se ibio udu wau da.

² Id taloŋ ak Anut inŋ tamolpein kagin saiak saiak digane dan sad aupasek naon ipidinai a. Ago dop inŋ bitinaek ago igane dan itaot fom igane da.

³ Ago man oŋ Anut san bitinaek an lo usol ak i? Man tia ya. Oŋ tamol kawan ak mi a, ago gug tamol aenta bitinaek lo dirai da. Ago dugo oŋse mi inŋsad kagin sisaik tutuŋani da. Fun an lo, oŋ ilo isou dak Anut san bitinaek oŋ iriŋano wak i? An tia geig a!

⁴ Anut oŋ ilon imuŋano dugo saen milaen mi oŋ kagin uyan uyan ak gane wo mala igane da, agod inŋsen yabituani dop muruan ririan ta ipano na da. Dugo, oŋ ilo lo mel an nuŋon tia yak ubol dugo ule saian di? Anut oŋ ilon imuŋano san fun man, inŋanen ilo muŋanek kagin an lo iduduwo dop ilo bileksa wan ta uloŋ na i?

⁵ Ak man oŋ bube sakar tinar a, agod oŋane aupasek an lo ilo bileksa man umoi da. Kagin an naon man, oŋse Anut san tinŋae mumarek an se itumani pano da. Agod nal idu dan te dop Anut san bitinaek itaot ak malak malak ikubiaip tile wa, saen an lo dop inŋsan tinŋae mumarek an oŋ tini fo iwali idu wa.

⁶ Talpein anen anen atem dugo dugo digane yan fom, Anut inŋaned urat naon atem atem ipidinai a.

⁷ Tamolpein aenta inŋaned kagin naok naok uyan ak digane yau dan lo, girager tubun ak, yanŋak tubun ak, agod matenŋ dile san tia yan diŋane wo abanŋ dile da. Anut tamol naok ago yak kumaen pempem yen yau san an ipidinai a.

⁸ Gug tamolpein aenta man, inŋsed titired dufuni dugo inŋsed uyan dumado wo digane da, ago dugo ru rumok an dumoi dugo kagin saiak saiak mi duri da. Anut tamolpein naok ago yan niŋedi wo tinŋaen saian geig dop, ibitiniap inŋsan ilo mumarek tinid fo iwali idu wa.

⁹ Saen an lo, tamolpein fidian kagin saiak digane dan, muruan agod ilodi tinanŋ anda

dam ifu a, malmalan Juda adi lo ilasa gup, afon Juda tia yak adi lo dam ilasa wa.

¹⁰ Ak gug tamolpein a fidian kagin uyan uyan ak digane dan, girager, yanŋak tubun ak, agod ilo maror dam diŋane wa, malmalan Juda adi lo ilasa gup, afon Juda tia yak adi lo dam ilasa wa.

¹¹ Man dugo, gidad talpein ta Juda sad dar lo ilasa yan, tia, dar sen ak lo ilasa yan, Anut kagin kisaek mi lo inŋ fidian ibitiniap inŋaned naon itaot atem atem ipidinai a.

¹² Tamolpein a fidian Moses san kubiaenŋ amad tia aupasek digane na yan, inŋ kubiaenŋ amad tia dideg diau a. Nek ago mi, tamolpein a fidian Moses san kubiaenŋ amad da yak gug aupasek digane dan, gidad inŋ kubiaenŋ amad da yak bo man inŋ dam dideg diau a.

¹³ Man dugo, tamolpein a kududod nam kubiaenŋ san ru kagin duloŋ ak gug awan ta diabi na dan, Anut malan lo inŋ ta itaot na ya. Tia, tamolpein a kubiaenŋ awan diabi dan mi niŋedi wo Anut ibol ak, inŋ itaotan a.

¹⁴ Saen tamolpein Moses san kubiaenŋ ta diŋane na dugo, inŋsiganed ilo sou lo mi, kubiaenŋ an kagin itaot ak ninen ibol ago digane tap, gidad kubiaenŋ ta diŋane na yak gug, kubiaenŋ ibol ago digane da. Rumok, inŋ Moses san kubiaenŋ amad tia ya, ago bo man inŋsed kubiaenŋ amad da ya, ago dugo inŋsiganed kubiaenŋ an diri da.

¹⁵ Inŋsad kagin naok naok lo taloŋ ak, Moses san kubiaenŋ inŋanen ru kagin funfun an bubed lo digire yak yen da. An lo inŋsiganed ilo sou naon sensen an lo ru kagin irupidai da, saen ta muruan ipidinai dak, saen ta isatuanai da.

¹⁶ Awo, nal ta ilasa dop tamolpein a kubiaenŋ duloŋ gug patud dupani dan, agod tamolpein a kubiaenŋ diganuri dan, inŋ sisem Anut naon na bitinaek lo ditur a. Bilaluŋ uyan ak a ŋai ŋabol ilasa dan lo ibol ak igo, nal an lo dop Anut tamolpein sad kankan mianuk an fidian Jesus Kristus lo kuai te idiri ilasap ibitinae a.

Juda adi inŋ kubiaenŋ ad da yak gug dupilali na ya

¹⁷ Gug oŋ, oŋ Juda tamol ubol tap, agod kubiaenŋ mi uri pani tap, agod oŋ Anut uloŋ ubol go se ipitiano tap,

18 on inſan ilobol ulon ubol tap, mel uyan uyan kubiaen ipiteſano dan ninen awok pidinai tap,

19 on onſe isinjanop on mala tiai adi titianai dak ubol tap, agod on tamolpein tidom tubun dumado dan lilaman pidinai dak ubol tap,

20 on tamol burau ak sad ulumbek tamol ubol, agod on nanuk sad girek manjau mado dak ubol tap, agod on kubiaen ilon lo mi manjau mok ak in ru rumok da yen dugo ule ulon ak ubol tap,

21 aria, on aenta piteſanai da, gug on se ipiteſano di? On gumagam kagin dumoi o ubol da, ak dugo, onſe ta ugam na di?

22 On aenta jeit kagin digane dumoi o rupidai da, ak dugo, onſe jeit ta gane na di? On tubud sewak ai mitilaen man umoi da, ak dugo, on gob sad ubou ab lo mel uyan uyan ak ta ugam na di?

23 On Anut san kubiaen ninen o ru tubun mi ubol da. Gug on kubiaen an pilalig an lo Anut miai pani da. Dugo, an ta rumok na i?

24 Nek ru girek lo ibol ago, “Anſam kagin sisaiak ninen o gob adi lulunad lo tamolpein Anut yanjan ninen o nao futek ru dinjen da.”

25 Saen on kubiaen kagin pani yau dan, on tini sujulon dutute san kagin an nunon anda ya. Gug saen on kubiaen pilali man, onſa tini sujulon tutek an mel kawan igo ilasa ya.

26 Nek ago mi, talpein ta gidad tinin sujulon ta dutute na bo man kubiaen ibol ago igane dan man, en dugo, in tinin sujulon dutute yak ago Anut ilon ta isou na wak i? Rumok geig, Anut san leil lo talpein an man nek ibol tamol tinin sujulon dutute yak igo won a.

27 Amaiak ninen o tamol a tinin sujulon ta dutute na bo man kubiaen kagin ipani dan, in on kot ipano dop ibio udu wa. Ata wo? On kubiaen muroun mado dugo, tini sujulon tutek san kagin inſan muroun dam mado da, ak gug kubiaen nek an pilali da.

28 Kagin an ipalug wadan lo enti in Juda tamol mok tabol ak i? Tamol a tini sujulon tutek san mulun yabi dan, kagin an lo mi in Juda tamol mok ilasa san ta idaisuda na

ya. Agod tini sujulon tutek mok man, mel ta tamol banid nam digane san dam tia ya.

29 Tia, tamol ta Juda mok imado man an nſutun san, agod tini sujulon tutek mok man, an bubeſ ilon san mel, an dam ur san mel, gug an kubiaen san mel tia ya. Tamol naok ago yak in Anut san na yanjak tubun ak inane wo ilon ibol da, tamol sad na man tia ya.

3

Anut san bitinaek an itaot a

1 Aria, dal dugon lo Juda in tamolpein aenta dirinjanai i? En ata mel uyan tini sujulon tutek dinane dan lo ilasa i?

2 Awo, in Juda dilasa yan lo man inſad binawek wei mi a. Mel malan malan man igo ya, Anut inanen awan aban an kagin dupani uyan o banid lo igane ya.

3 Gug Juda adi aenta ilod ta rumok na yak ninen o dugo yak i? Dugo, in ilod ta rumok na yan lo Anut inſinanen ru iganuri dan nunon tia yak igane ilasa wak i?

4 Man tia mok a. Gidad tamol adi fidian sewak bo man Anut man ago tia ya, tia, in pempem rumok a. Ru ta Anut san buk lo igo ibol,

“Saen on ru ubol ilasa dop, tamolpein fidian kuai tem dile wak onane ru an itaot a, ago dop on bitinaek lo udu bo man, bitinaek an on rinani wa.”

5 An ninen o idsad kagin a ta itaot na yan lo, Anut inanen kagin itaot ak kuai te igane ilasa da. An lo dop, id dugo tabol ak i? Dugo, Anut inanen tinjae mumarek id tinid fo igane dan ta itaot na i? (Ru e nabol den ninen o, tan en san tamol adi sad ilo sou nſirig sumiaek ago njigane da.)

6 Man tia geig a! Ulon. Anut inſen ta itaot na tap, en dugo won pe in tan en san tamolpein fidian bitinaek lo idirai san idaisuda wak i?

7 Gug talpein ta ru naon en ka irupa- iag, “Naisag kagin sewak lo Anut san kagin rumok ak igane kuai te ilasap an lo inſan girager an awana da. An rumok tap, ata wo Anut kot ipanag dop naisag aupasek an ninen o nai ibiag nſadu wak i?”

8 Id talpein naok an san ru ta tiganuri na wa, kabelan in afon ru igo ibol banau,

“Id kagin saian ak tiganep, an lo nuñon uyan ak ka ilasa wa.” Man ru naok ago yan mabol ilasa dak ago tamolpein aenta dubol da. Ago yan lo man niñema wo uf digane dugo, yanama dipitiñini da. Anut tamolpein a man niñema wo ago dubol dan, kot ipidinaip ibiai idu saian geig a, man dugo, in ago diñane san idaisuda geig a.

Talpein ta itaot man tia ya

⁹ En dugo, id Juda adi tamolpein aenta a Juda tia yan tiriñanai ak i? Man tia geig a. Nai gubak mi ñukubiaig ale la ya, Juda tamolpein agod a Juda tia yan dam aupasek san dabai paen na tumado da.

¹⁰ Ru ta Anut san buk lo igo ibol, “Tamolpein fidian ta itaot na ya, ta kisaek dam tia ya.

¹¹ Talpein ta kankan milaen aman da man tia ya, agod talpein ta Anut abañan ta yabi na da.

¹² Tamol fidian mi Anut patud dupanig, in fidian sisem tamol mok tia ago dilasa ya.

In lulunad lo tamol ta kisaek kagin uyan ak ta igane na da.
Rumok, ta kisaek tia ya.”

¹³ “Inñsad awadi man mateñ san, agod in baled fo ru raek saian geig ak iikirir da.”

“Inñaned awad aban farid lo ilasa dan nek ibol mot wagai ak san awan uran igo won a.”

¹⁴ “Inñaned awad man misilane ru in ru saiak saia lo ilasa dan da awan isa ya.”

¹⁵ “In bani malak kagin lo, tamolpein tinid dipitiñini dak, dufu dumat da.

¹⁶ In dutor dugo inñsad ñiek aban fo man, madok pitiñinek, agod ilo tinañ mada da ago ilasa yau dop diau da.

¹⁷ In maror san dal, kagin an ta dulon na ya.”

¹⁸ “Agod Anut niñen o durut direr san tinid ta ilon na ya.”

¹⁹ Aria, id talon ak, Moses san kubiaen dugo ibol dan, ru kagin an tamolpein a kubiaen an paen na dumado dan mi irupidai dulon a. Awo, Juda adi in Juda tia yak adi da aupasek paen na dumado da.

An lo dop saen Anut ru ipidinai dop sed ibargiranai san ta idaisuda na ya, tia, tan en san tamolpein fidian Anut san bitinaek lo dutur dop ru naon durupe a.

²⁰ Amaiak niñen o talpein ta kubiaen an iri pani dan lo Anut malan lo itaot ta ilasa na wa. Tia, id kubiaen an lo mi dop idsiganed aupasek tile talon a.

Ilo rumok lo id itaot tilasa wa

²¹ Ak gug, gamu Anut in malan lo itaot idirad san dal foun ak iganeg walal te ilasag yen da, ago dugo id an tile talon a. Id itaot tilasa san dal an kubiaen san dabai lo ilasa man tia ya. Gug Moses san kubiaen in profet adi da awad kisaek go mel an niñen dubol ilasa ya.

²² Id itaot tilasa man Anut idsad ilo rumok Jesus Kristus lo ipanad a. Id fidian Jesus Kristus ilod lo rumok dan, an tiñane wa. Id fidian, Juda adi, agod Juda tia yak dam naon kisaek mi a,

²³ man dugo, id fidian aupasek tigane na ya. Ago dugo idsad nao lalek man Anut anen nao lalek ago tia ya, tia, id fidian ta idaisuda na ya.

²⁴ Ak gug Anut inñanen ilo panek lo sen kawan naon tia idirad go itaot tilasa ya. In Jesus Kristus idinig id idad inñiliad o ipalu ya.

²⁵ Anut, Jesus Kristus nek ibol mel ta inñan tiñae saiak igane itout san igo won, id naod na ikubiaig tile ya. Id in niñen o ilod rumok dan lo, Anut san tiñae saiak Kristus san dar lo ikubune itout an, san nuñon id tiñane wa. In ago igane yak lo kagin itaot an ikubiaig id fidian tile ya. Man dugo, Anut sen itaot ago mi ipiranig tamolpein gubak mi dumado dan sad aupasek ile bo man naon ta ipidinai se na ya.

²⁶ Fun in ago igane man, saen gamu en lo inñen bitinaek lo kagin itaot ak mi igane dan id ikubiaip tile wa, agod in talpein a Jesus o ilon rumok dan itaot igane ilasa wa.

²⁷ Dugo, id an lo ka sed ipitianad ak i? Kagin naok ago man fun tia ya. Ata wo? Id Moses san kubiaen kagin tupani dak lo yak i? Tia geig a. Id Jesus niñen o ilod lo rumok da, nek fun an mi a.

²⁸ Man dugo, id igo tabol, tamol ta inñan ilo rumok an lo mi Anut iganep itaot ilasa

wa, kubiaen san nouk nouk ago kagin igane dan lo tia ya.

²⁹ Dugo, Anut in Juda mi sad Anut i? Ago dugu, Juda tia yak sad Anut tia i? Tia, in Juda tia yak sad Anut dam mi a.

³⁰ Man ata wo? Anut in sen kisaek mi a, fun an ninen o in sen tamolpein fidian sad Anut. Amaiak ninen o dal kisaek lo mi in tamolpein itaot idirai dilasa da, gidad in tini sunulon tutek amad da yan, tia, tini sunulon tutek amad tia yan, Anut in fidian anen anen atem in aned ilo rumok Jesus lo yan itaot idirai dilasa wa.

³¹ Ago man id ilo rumok san dal an mi turi wo tabol da. An fun man dugu? Moses san kubiaen tabianip nunon tia ilasa wak ago tabol di? Man tia geig a! Tia, idsad ninen en lo kubiaen an tibalsinani da.

4

Abraham in ilon lo rumok an lo itaot ilasaya

¹ Amaiak ninen o Abraham man in man Juda sama tubum bagem, tamol amaiak ninen o id dugu tabol ak i? In mel a ninen o imug mabol ilasa se yan dugon kuai ipani ak i?

² Abraham kubiaen ibol ago mi iganeg an lo Anut malan lo itaot ilasa yan rumok tap, in ka sen ipitiani wa, gug Anut naon na man ago igane san tia ya.

³ Ru Anut san buk lo dugu ibol i? “Abraham Anut san ru ninen o ilon rumok a, fun an lo Anut Abraham in tamol itaot ak ago ibol a.”

⁴ Saen talpein urat igane dugu in san urat naon dupani an ninen lou kawan ak ago ta tabol na da. Tia, in san gubun* urat muroun tinid lo amaiak mi dukubune wa.

⁵ Ago gug tamol enti in urat ta igane na dan in Anut san ru mi ilon lo rumok tap, Anut in san ilo rumok ilep malan lo itaot ak ibol a. Man dugu, Anut sen tamol saiadi ak idiraip itaot dilasa wak san Anut.

⁶ Kin Dawid dam in mel naon kisaek an mi ninen o ibol a. Dawid in tamol a in san urat naon Anut ipani man tia yak gug, Anut iganeg itaot ilasa yan ninen o bar igire ya. In tamol an san ilo uyan ninen o igu ibol,

⁷ “Tamolpein ensauta a Anut in sad aupasek ipare idu dugu,

in sad muruan ituani an, ilod uyanan a.

⁸ Talpein enti Anut in san aupasek ilon ta isou na dan, in bar uyanan inane ya.”

⁹ Dugo, ilo uyan san bar uyanan an tamol tinid sunulon dutute yan in sad mi ak i? Tia, tamol tinid sunulon ta dutute na yan dam sadi a. Man dugu, man Anut in sen Abraham itaotan ibol an ninen o mabol da. Anut ago igane man lou kawan ak on pani a.

¹⁰ Saen dugon lo in ago igane i? In tinin sunulon dutute gug ago igane i? Tia, tinin sunulon gamugo dutute dugu ago igane yak i? Kulob an tinin sunulon dutute gug lo ta ilasa na ya, tia, kulob an o gubak mi yen la ya.

¹¹ In tinin sunulon gamugo dutute bo man, in ilon lo rumok ak lo in tamol itaotan ak imado ya. Amaiak lo in tinin sunulon dutute yan san kob inane ya, Anut in tamol itaotan ibol an lo kob an kuai isi a. Dal an lo tamolpein fidian a ilod lo rumok gug tinid sunulon ta dutute na yan gidad, Abraham Anut in idiraig itaot dilasa yan, in sad tamad imado ya.

¹² Nek ago mi, in dam tamol a tinid sunulon dutute yan tamad imado da. Gug in tini sunulon tutek mi ta dinane na da, tia, in Abraham san ilo rumok naok igo yan dam diganuri da. Abraham gamugo tinin sunulon dutute dugu, Anut san ru in ilon lo rumok a, ilo rumok naon kisaek an mi in dam da ya.

¹³ Kubiaen lo Abraham in anen malan kubulan dadi Anut san promis ta dinane na ya. Promis an Anut tan en, agod fidian tan ilon lo dien dan dam, ipidina ak ibol a. Ak gug Abraham san saen lo kubiaen an ta yen na ya, ago yan lo in kubiaen an iganuri san tia ya, amaiak ninen o dal an lo promis inane san tia ya. Tia, in ilo rumok anda yak lo itaot ilasa ya, kagin an ninen o mi Anut promis an ipani a.

¹⁴ Man dugu, tamolpein a kubiaen diganuri dan mi melmel an dinane dop man, ilo rumok an dabai an tia ya, agod promis an nunon tia wa.

¹⁵ Man ata wo? Kubiaen in Anut san tinæ mumarek isini ipalu da. Ak gug, kubiaen

* 4:4: Pani

tia dop man tamol kubiaen ipilali ak ninjen o tabol san tia ya.

¹⁶ Fun an ninjen o promis an ilo rumok lo mi ipalu ya. Ilo panek inj promis an san fun, man dugo, Anut sinan ilo panek lo mi Abraham promis an irupei a. Fun an lo promis an san nujon ilasag Abraham san malan kubulan fidian dijane ya. An tamolpein a kubiaen duganuri dan mi tia ya, tia, a inj Abraham san ilo rumok lo dutor dan dam promis an dijane ya. Ata wo? Abraham inj id tamolpein naok naok fidian sad ilo rumok tamad a.

¹⁷ Nek ru ta Anut san buk lo yen dan ago ibol, “Nai onj tan titin wei mi san tamolpein insad tamadi njipiliano ya.” Ago man inj Anut malan lo idsad tamad imado da. Man dugo, inj Anut ilon lo rumok a. Anut an enti mok ak i? Enti a tamol imat ak kumaen ipidinai dan, agod melmel ta dilasa na yan yanad ipate dugo ago dilasa yan, nek Anut an mi ninjen o Abraham ilon rumok a.

¹⁸ Abraham inj ilon lo rumok a, gidad malan iganeg mel an nujon tia yak igo bo man, inj mala nouk imado se ya. An ninjen o inj tan titin wei mi sad tamad ilasa ya, inj o ago ilasa wan ninjen o Anut gubak mi igo irupei, “Onjane mala kubulan sad sutek man loj na lul igo wonj dilasap ago dumado yau a.”

¹⁹ Inj muruan en ileg ikubiani a, injsan tinin san dabai itout o sumeik da, ago bo man injsan ilo rumok ibisei san tia ya. Injsan ananjar 100 sumeik da, agod Sara san nanuk tanjen dam ikukuik a.

²⁰ Ago bo man inj Anut san promis ta ibisei nag ilon dam weiwei man tia ya. Tia, injsan ilo rumok isudag dabai geig an lo dabai ipani dugo Anut yanjan yabisa se ya.

²¹ Man dugo, injsan ilo rumok tubun an lo inj ilon ta weiwei na ya, tia, Anut inj dabai anda an lo mel ibol an ago ka igane wak, nek ago ilon isou se ya.

²² Fun an lo “Anut Abraham inj tamol itaotan ak ibol a.”

²³ Ru e, “Anut Abraham inj tamol itaotan ak ibol an” Abraham ninjen o mi ta digire na ya.

²⁴ Tia, id dam ninjed o digire ya. Man dugo, id dam Anut binawek kawan an ipanad pe lo id tamolpein itaotan ak ibol

a. Id Anut e idsad Tubun ak Jesus materj lo ifufunig kumaen imasa yen ninjen o ilod rumok a, fun an lo inj binawek kawan ak ipanad pe itaot tumado wa.

²⁵ Anut inj Jesus ibiseig idsad aupasek isuas o materj lo igane yau a, agod id iginiad itaot tilasa wo Jesus materj lo ifufuni yabisag afon kumaen imado da.

5

Kristus id patud ipasig gamu youd isa da

¹ Fun an ninjen o, Anut idsad ilo rumok amaiak lo itaot idirad tilasa ya. Amaiak ninjen o id idsad Tubun ak Jesus Kristus lo id Anut da ilo maror lo tumado da.

² Jesus injsen mi idsad dal an lo, id Anut anen ilo panek san ar ilon lo tiladu ya, agod dugo ilo panek an lo tatur da. Agod id Anut da sisem injsan girager an lo tumado wak ninjen o mala nouk tumado dugo uyasusai tigane da.

³ Agod an mi tia, muruan tinid fo ipalu bo man uyasusai tigane da. An lo id talonj ak, muruan tisini den injsan wadan man, id dabai ipanad pe tatur sakar a.

⁴ Aria, tatur sakar san kagin san wadan man, id ilod lo bunud uyanan igane ilasa wa. Agod bunud uyanan san wadan man, mala nouk tumado san kagin igane ilasa da.

⁵ Agod id mala nouk tumado dan san kagin an nujon da ya, kagin an ninjen o id ilod ta muruan na da. Tia geig a. Man dugo, Anut Awan Urgun id ipanad an lo injanen ilo panek id bubed lo ikulmaek la ya.

⁶ Saen id dabai amad tiag, sed ibinawad san tia yan lo Anut ibinawad a. Nal nek an lo Kristus tamolpein Anut awan duparsisali an ibinawai san ninjed wo materj ile ya.

⁷ Talpein ta inj tamol itaot ak aben injanep imat san ninjen o irer mok a. Saen wei mi tamol ta ago igane dop tile man tia ya. Ak gug, nap talpein ta tamol uyan mok ak mi aben injanep ka imat san ninjen o irer san tia yak boi.

⁸ Ak man Anut anen ilo panek tubun ak dal en lo ikubiai tile da. Saen id aupasek san dal turi dugo Kristus id ninjed o materj ile ya.

⁹ Gamu inſan dar lo id itaot idirad tilasa ya. Amaiak niſen o rumok, murnap Kristus inſen id patud ipasi dop, Anut tiſae mumarek an lo ta ifunad na wa.

¹⁰ Saen id Anut san ager tumado dugo inanen Nanun san mateſ lo id Anut san turan muroun tilasa ya. An rumok tap, sapita taida dop in gamu kumaen imado dan lo id ibinawad pe patud ipasi wa.

¹¹ An mi tia ya, idsad Tubun ak Jesus Kristus lo, id Anut da tutumani an niſen o yousai tigane da. Man dugo, gamu Kristus lo id Anut da titiſae mi siai yen an ipasi panad go Anut san turan muroun tilasag tumado da.

Id Adam lo tamat ak gug Kristus lo kumaen tiſane ya

¹² Aria, ru en aloſ uyan. Tamol kisaek lo aupasek tan ente isadu ya. Agod inſan aupasek an mateſ dam isinig ipalu ya. Dal an lo mateſ an tamolpein fidian lo yau a. Man dugo, tamolpein fidian tamol kisaek an dututuſanig au dupas a.

¹³ Rumok, Anut san kubiaen Moses gamugo ipani dugo, saen an lo tamolpein au dupas na ya. Ak man saen kubiaen tia dop, aupasek niſen o Anut talpein ta tinin ta isupale na wa.

¹⁴ Ak gug gidad, Adam san saen lo yaug Moses san saen lo man mateſ mi ititianad na ya. Nek ago mi, tamolpein a inſad aupasek Adam san aupasek igo mi tia yan, mateſ dam ititianai na ya. Aria, aloſ uyan, Adam man in Tamol a murnap ilasa wan san mitilaen igo woſ a.

¹⁵ Ak man, Adam san aupasek, Anut san ilo muſanek da sad nuſon naon kisaek tia ya. Tia, tamol kisaek an san aupasek amaiak lo tamolpein wei mi dumat na ya. Gug Anut san ilo muſanek man tubun di tubun geig a. Anut san ilo muſanek an lo mi binawek kawan ipanad man, nek tamol kisaek Jesus Kristus mi a. Binawek an san nuſon man Anut san ilo muſanek tamolpein wei mi diſane se ya.

¹⁶ Agod ſai fon igo ſabol, Anut san binawek kawan an, tamol kisaek san aupasek an da, nuſon naon kisaek ta digane

ilasa na ya. Tia, tamol kisaek an san aupasek an lo Anut anen bitinaek ilasag, tamolpein fidian ibiai dudu ya. Ak gug, gidad aupasek wei mi ilasa bo man, ilo muſanek kawan an id Anut malan lo itaot idirad a, an niſen o id aupasek san naon muruan ipanad san tia ya.

¹⁷ Aria, tamol kisaek an san aupasek lo, mateſ tamolpein fidian sad gurman imado tap, rumok geig, tamol kisaek nek Jesus Kristus lo mi, tamolpein a Anut san ilo muſanek tubun ak diſane, agod binawek kawan a Anut malan lo itaot idirai san diſane yan dam lo, kumaen panu na Kristus paen na gurman dumado wa.

¹⁸ Aria, aupasek kisaek an naon Anut tamolpein fidian bitinaek lo ibiai dudu ya. Nek ago mi, tamol kisaek san kulob itaot an san nuſon igo ya, Anut malan lo itaot idirai san dal in lo ilasa da. Amaiak lo tamolpein fidian mi kumaen dumado san ka diſane wa.

¹⁹ Ago mi, tamol kisaek awa parsisalek igane yan lo, tamolpein fidian aupasek digane yau on se ya. Nek ago mi, tamol kisaek awa biek uyanan igane an naon, tamolpein wei mi ibinawaip, murnap Anut malan lo itaot idirai dilasa wa.

²⁰ Anut kubiaen Moses ipani an dugo wak i? In kubiaen a ipani man fun, aupasek naok wei mi kuai te ilasa wa. Ak gug, saen aupasek tubun ilasa dugo, nek saen an lo mi ilo muſanek dam ilasag tubun geig go aupasek san dabai iriſani a.

²¹ Ago man, nek ibol aupasek itirnad go mateſ igane ilasa yak igo woſ, gamu id Anut malan lo itaot tumado dan lo, inſan ilo muſanek ibuluwad pe itirnad dop kumaen yen yau san an idsad Tubun ak Jesus Kristus lo tiſane wa.

6

An aupasek patum apani dop afon ta itirnan na wa

¹ Ago yak niſen o id dugo ilod isou dak i? Dugo, id kagin saian an fon mi tigane yau dop lo Anut inanen ilo muſanek an nal pempem mi ka ikubiai panad ak i?

² Ago tia mok! Dugo, id Kristus da mateſ lo aupasek san dabai tiriſani dop man, aupasek ka tigane yau on ak i? Man tia ya.

³ Dugo, oñ en ilo injaon i? Id fidian Jesus Kristus yanjan lo suguek tinjane yan, nek suguek an lo mi id in da sisem tamat a.

⁴ Fun amaiak ninjen o idsad suguek an lo id in da materj san gib lo disiriad a. Amaiak lo nek ibol Kristus Taman san girager tuon lo yabisag imasa yak igo won, nek ago mi id dam kumaen foun amad da tator a.

⁵ Man dugo, in san materj naon kisaek an lo id in da tutumani tap, in san kumaen naok a foun injane yan lo id in da tutumani mok a.

⁶ Agod id en dam talon a. Saen Kristus aigim fo iyuk an idsad bunud wagam an aigim fo da dutumanig dubali a. Dal an lo idsad tinid aupasek aman da yan ipitjinig, an lo aupasek san urat pinein tumado yau san tia ya.

⁷ Man ata wo? Talpein enti imat la yan aupasek san dabai in yabitanip yen yau san tia ya.

⁸ Aria, id Kristus da tamat tap, id ilod lo rumok pe in da sisem kumaen tumado wa.

⁹ Man ata wo? Id talon ak saen Kristus mutou lo imasa yan, fon imat san man tia ya. Materj fon in tinin itirni san dam tia ya.

¹⁰ Materj a ile yan ninjen o nabol da. Id fidian aupasek tigane na yan ninjen o materj an ile ya. An ninjen o in imat kisaek o lian an lo aupasek san dabai igane itout a. An lo tamolpein fidian ibinawai o ago igane ya. Gug gamu in kumaen imado da, agod Anut san ilobol lo mi iri wo ago imado da.

¹¹ Nek ago mi, ansem ninjemi wo ilo sou igo agane wa. Aupasek fon an ilom ta injane na wa, man dugo, an nek ibol tamol imat la yak igo won a. Ak gug Anut ninjen o, ansem nek igo ilian a, Jesus Kristus lo Anut san ilobol ari wo kumaen amado dak abol a.

¹² Amaiak ninjen o, aupasek abiani ilasa yau dop anjanem tinim apirani wa. Ago tap, saen an tinim imasa bo man, an tinimi san ilobol awan abi san tia ya.

¹³ Anjanem njem banim nek ibol kagin saiak digane dak san bioun igo won, aupasek igane wo ta apani na wa. Tia, ansem tamol mutou lo dumasag kumaen dumado dak igo won, anjanem tinim fidian mi kagin uyan digane dak san bioun igo won, Anut apani wa.

¹⁴ An kubiaen paen na ta amado na da, tia, an ilo munjanek paen na amado da. An lo afon aupasek an sam titianek tamol ta imado na wa.

Id kagin itaot ak san urat bigabeg tilasa wa

¹⁵ An ago tap, en dugo wak i? Rumok, id man kubiaen paen na ta tumado na da, ago gug Anut san ilo munjanek paen na tumado da. Amaiak ninjen o dugo, id aupasek an nek ago mi ka tigane yau ak i? Man tia geig a!

¹⁶ Ansem talpein ta tuon lo sem injilian pe aup bigabeg igo in san awan ari tap, tamol e in san awan alon den in san bigabeg igo mok amado wa. Amaiak ninjen o, ansem aupasek tuon lo idiran au tap, an nunjon man materj mi a. Aria, ansem injilian pe awa biek kagin san tuon lo au tap, an nunjon man Anut malan lo itaot idiran a.

¹⁷ Gug Anut ilo uyan tupani da. Man dugo, an wagam aupasek san bigabeg amado ya, gug gamu pitejanek a imug alon an bubem njutum fidian lo anjaneg ari dugo paen na amado yau on a.

¹⁸ Agod an aupasek lo Kristus injilian go kuai te idiran a. An lo an kagin itaot agane san bigabeg adi alasa ya.

¹⁹ Nai naisag ru lo, an ilom tia yak ninjen o tamol kagin njurig nabol da. An wagam anjanem tinim san biabi anen anen, aupasek san bigabeg igo aganeg dilasa ya. Ago yan lo an kagin sisaiak nun anda yak agane se ya. Nek ago mi gamu anjanem tinim san biabi anen anen aganep, kagin itaot ak san urat bigabeg alasa dop gun amado wa.

²⁰ Saen an aupasek san bigabeg ago ator se man, kagin itaot an an ibiatuanan san tia ya.

²¹ Gug an melmel a ninjedi wo gamu miai ifunan dan nunjon dugo anjane yak i? Mel an san wadan man materj mi a.

²² Gug gamu Kristus an aupasek lo ipasan go Anut san bigabeg alasa ya. An san nunjon man in an gun idiran alasa ya. Agod an san nunjon man kumaen pempem yen san mi a.

²³ Aupasek san ai wadan man materj mi a. Gug Anut san binawek kawan ipanad dan man id Jesus Kristus idsad Tubun ak

da tutumanip, in lo kumaen pempem tumado wa.

7

Moses san kubiaen san ru fanan

¹ O nai teig taog, kududom agure. Gamu an tamolpein a Moses san kubiaen alon an, nai ru en nrupaianj dop alon a. An mel en ta alon na yak i? Talpein ta Moses san kubiaen paen na imado dan, kubiaen an isubani da, ak man saen in tan en lo imado den lo mi a.

² Pein iwon anda yak lo ilom isou, saen iwon tamol ak ta imat na dop man, in sisem kubiaen itumanaig dumado da. Gug tamol an imat dop, an lo kubiaen a pein isubanig iwon da dumado yan itufulak a.

³ An lo, iwon tamol an malan kumaen imado dugo, tamol sen ak ta ida ditor tap man, in jeit pein ak ago dubol a. Gug iwon tamol an imat pasik dop, kubiaen a lo in imado yan itufulak a. Saen an lo tamol ta inane dop man, in jeit san pein tia ya.

⁴ Amaiak lo an dugo wak i? Nai teig taog, Jesus Kristus tinin lo, an dam Moses san kubiaen paen na amado yan atufulak pe mel sen ta san muroun amado wa. Anut tamol ta matej lo ifufunig yabisa ya, an lo id Anut damon lo ai patun igo ilo rumok tamolpein foun ak igo wonj tidirai dilasap nunod ifu wa. Aria, id tamol an muroun mi tumado wa.

⁵ Saen id tamolpein tan en san igo tumado yan, aupasek san subam saiak id tinid ilon lo imado ya. Moses san kubiaen subam an igane ilasag dabai ipani a. Subam an id tinid san samun lulunad lo dabai igane da, an lo nunon a iganeg ilasa yan man matej san mel mi a.

⁶ Ak gug gamu kubiaen an lo id isubanad san tia ya. Kubiaen a gubak mi isubanad na yan gamu ta ibiatuanad na da, man dugo, id tamol dumat la yak igo wonj tumado da. Ata wo, id talon ak tamol a imat la yan kubiaen kagin ipani san tia ya. Ago dop an lo id ru girek wagam ak paen na Anut san urat ta tigane na wa, tia, Awan Urgan san kumaen foun ak lo urat tigane wa.

Id aupasek da nug tabi tidiri da

⁷ An ninen o id dugo tabol a, Moses san kubiaen an aupasek ak i? Tia geig a! Kubiaen tia yak man, nai aupasek ta nalon na wa. Kubiaen ago ibol, "On mala ta isi na wa." Kubiaen ago ta ibol na tap, en dugo wonj nai mala isek fun nalon ak i?

⁸ Alon ak, saen kubiaen tia yak man, aupasek an susanun igo dabai itaot pe kawan yen a. Ak dugo, aupasek malan kumaen imado tap, aupasek an kubiaen lo dal ileg, nai ilog lo mala isek san kagin wei mi ifufunaig dumasa da.

⁹ Saen nai nanuk on nator na man, nai kubiaen amag tia yak igo kumaeg nator a. Gug saen kubiaen ipalu yan lo man, aupasek an kumaen imasag, an lo nai nmat a.

¹⁰ Kubiaen a nai kumaen ipanag ago ilog isou se yan, nai mel en kuai nupani ak, kubiaen nek an matej ipanag a.

¹¹ Man dugo, aupasek in kubiaen an lo dal ileg lo nai irawag a, ago dugo kubiaen nek an nai ifunag nmat a.

¹² An ninen o Moses san kubiaen gun mok a. Agod an san pitejanek funfun an dam gun, itaot, agod uyanan mok a.

¹³ Rumok, kubiaen uyanan a. An ninen o kubiaen uyanan an lo naisag matej igane ilasa wak i? Tia geig a. Rumok, kubiaen man mel uyanan mi a, ak man aupasek in mi kubiaen an lo matej nai tinig lo igane ilasa da. Amaiak lo nai nile nalon ak aupasek man aupasek mi a. Agod kubiaen lo aupasek nai malag lo man saian di saian geig a.

Aupasek idsad madok itirni da

¹⁴ Aria, id fidian talon ak kubiaen man in Anut san a. Gug nai man tinig tan en san mi a. An lo aupasek nai ilog tinig bigabeg igo wonj idad a, agog aupasek san bigabeg igo numado nator da.

¹⁵ Nai dugo njigane duman, fun ta nalon uyan na ya. Kagin aenta nai namoi dan, gidad, an fidian njigane da. Nai aupasek san ager numado bo man nai aupasek njigane yau on da.

¹⁶ Aria, mel a namoi an nai njigane tap, nai ilog lo mel dugo uyan ak ninen o nabol dan, agod mel dugo kubiaen ibol dan, an mel kisaek mi a. Amaiak ninen o nai nalon ak kubiaen man uyan a.

¹⁷ An lo gug, naiseg mi fon ta nigan na da, tia, aupasek nai bubeg lo amaiak isubanag go ilon dugo ibol an mi nuri da.

¹⁸ Agod nai nalon ak, nai ilog lo mel uyan ak ta yen man tia ya. (Nek naisag tan en san tinig ninen o mi nabol da.) Nai mel uyan ak nigan wo ilog ibol dan naisag ilo sou lo yen da, ago gug dugo won mel an nigan san dal nile man tia ya.

¹⁹ Nai mel uyan ak nigan wo ilog ibol dan nai ta nigan na da. Tia, kagin saiak nigan wo ilog ta ibol na dan mi nigan yau da.

²⁰ Amaiak ninen o nai mel namoi ak nigan tap, naiseg ilog nam ta nigan na da, tia, aupasek a ilog lo yen dan, nai ilog iduduwi dan lo, nai aupasek ago nigan yau dop na wa.

²¹ An lo nai tinig ilon lo kubiaen en nile nalon da, saen nai mel uyan ak ta nigan wo ilog ibol dop, kagin saiak dam nai isaurag da.

²² Rumok, nai bubeg ilon lo man, Anut san kubiaen o ilog bulbal da.

²³ Ak gug, nai kubiaen naon sen ak tinig ilon lo dabai igane dan nile nalon da. Kubiaen in naiseg ilobol san kubiaen da nug dufuni da. An lo dop aupasek san kubiaen e tinig ilon lo dabai igane den nai isubanag da.

²⁴ O kabel, nai muruan sinek tamol mi a! Enti tinig maten san en lo nai patug ipasi wak i?

²⁵ Jesus Kristus idsad Tubun ak lo nai Anut ilo uyan nupani da, man dugo, Anut in sen nai patug ipasi wa. Aria, nai naisag ilobol lo Anut san kubiaen ninen o dabai nigan da, ago gug naiseg tinig lo man aupasek san kubiaen ninen o mi dabai nigan da.

8

Awan Urgan lo id kumaen tumado da

¹ Amaiak ninen o gamu tamolpein Jesus Kristus lo dumado den, Anut aupasek san naon muruan ta ipidinai na da.

² Man dugo, id tamolpein Jesus Kristus da tumado den kubiaen foun en paen na tumado da. Kubiaen en man kumaen san Ur igane ya. Aria, kubiaen en id aupasek

maten da sad kubiaen lo isubanad an kuai fo idirad tilasa ya.

³ Mel a Moses san kubiaen igane san ta idaisuda na yan, Anut in sen mi igane ya. Man dugo, id tinid aupasek aman da yan lo kubiaen an dabai aman tia ya. Amaiak ninen o, Anut in anen Nanun idinig ipalu yan lo, tan en san aupasek a tinid lo yen an ipare idu ya. Fun an ninen o, in san tinin man nek ibol idsad tinid tan en san igo mi a, agod in sen tinin nek ibol mel mudan ak Anut o dufuni imat pe an lo aupasek dusuas ak igo won ilasa ya.

⁴ Anut ago igane yan lo kubiaen san pitenanek itaot an fidian id lo awan isag yen da. Man dugo, id tinid san ilobol lo ta tator na da, tia, Ur san ilobol lo mi tator da.

⁵ En sauta in aned ilod ibol dak lo dumado dan, in in aned tinidi san bioun o ilo sou digane da. Gug en sauta Ur san ilobol duri dan, Ur san bioun o mi ilo sou digane da.

⁶ Talpein ta sen tinin o mi ilon isou dan, in maten lo idu wa. Gug talpein ta Ur san ilo sou iri dan, in kumaen ilo maror da in ane wa.

⁷ Man dugo, ta san kankan in tinin o mi ilon isou dan man Anut o ager imado da. Agod kankan naok an sen yabi idup Anut san kubiaen paen na imado san man tia ya. Rumok, in ago igane san man ta idaisuda na ya.

⁸ Agod en sauta in sad bunud wagam ak lo dutor dan Anut ilo uyan dupani san ta idaisuda na ya.

⁹ Ak man Anut san Ur on tini ilon lo imado mok tap, on ane bunu wagam ak ta ititiano na da, tia, Ur mi ititiano da. Agod talpein ta in Kristus san Ur aman tia tap, in Kristus san tia ya.

¹⁰ Ak gug, Kristus on lo imado tap, gidad aupasek lo on tini imat la bo man, on itaot lasa yan lo on ane ur kumaen imado da.

¹¹ Agod enti in Jesus mutou lo ifufunig imasa yan san Ur on lo yen tap, in san Ur on lo imado dan lo on tini maten san mi an dam in kumaen ipani wa.

Urgan iganeg id Anut nanun muroun tilasaya

* 8:12: Pani

12 Amaiak niñen o, ñai teig taog, rumok, id gubun* ad da ya. Gug id gubun an tukubune wo tap, id bunud wagam an san kagin ta tiri na wa.

13 Man dugo, oñ bunu wagam ak san kagin lo mado tap man, oñ umat a. Ak man Ur san dabai lo oñ bunu wagam ak san kagin funi imat tap, oñ kumaen mado wa.

14 Man ata wo, tamolpein ensauta Anut san Ur ititianai dan, in Anut nanun muroun mok a.

15 Ur e oñ ñane yen man oñ bigabeg igo lasa san ur tia ya. An lo oñ rurek ta ipano dop usuk umul na wa. Tia, oñ Anut nanun lasa san Ur ñane ya. Agod Ur oñ ilo iduduwi dugo igo ubol da, "O Bai, ñaineg Bai."

16 Amaiak lo Anut san Ur inñen mi idsad ur da ibateg, ru an awad kisaek lo id Anut nanun muroun tabol da.

17 Aria, id Anut nanun muroun tumado tap, filian tiñane san tamolpein tumado wa. Awo, id Kristus da madai tisini tap, id in da Anut san filian tiñane wa. Man dugo, id Kristus da madai tisini dan lo Anut mi id Kristus da girager ipanad a.

Anut nanun muroun inñanen girager murnai san diñane wa

18 Naisag ilo sou lo, ñai girager a murnap Anut igane kuai te ilasa panad an, in saen en san madai tisini dan da, ñutumanaip ñukubianai tap, madai tisini dan mel kabela igo won a.

19 Man dugo, melmel fidian Anut igane yan Anut inñan nanun muroun kuai te idiraip dilasa dop dile wo malad diganeg diyep di dumado da.

20 Anut melmel fidian idirai an inñad turen lo dal e nuñon tia yen mi duri wo ipidinai a. An man inñad ilobol san mel tia ya. Tia, Anut inñen ilon ibol ak igo ya, inñad turen man nuñon tia yak ilasa wa. An lo ago igane ilasa ya. Ak gug kulob a igane yan mala nouk lo mi in ago igane ya.

21 Ata wo, Anut san ilo girek lo, melmel fidian igane yan digan o isubanaig dumado da. Ak gug saen isuda wan lo dop, inñen mi subanek an igane itout dop melmel fidian an patun fo idiraip foun dilasa wa, agod inñanen nanun muroun sad turen girager aman da diñane wa.

22 Id talon ak, saen gubak mi Anut melmel fidian idirai man yaes isofutanaig madai amad da ya. Nek ibol pein nanuk igansi wo dop madai ile dak igo won ipalug gamu da mi a.

23 Gug melmel fidian en mi tia ya, tia, id dam Awan Urgan san urat nuñon malan te ya. Id dam an lo madai tile dugo tumado da. An lo Anut inñen id inñanen nanun muroun idirad tilasa wo mala nouk tumado da. Saen an lo dop Anut idsad tinid en ibilisap naon sen geig tilasa wa.

24 Man dugo, Anut id patud ipasi san fun man, id mel a niñen o ilod yen dan mi lo ago tumado yau a. Id mel a niñen o ilod yen dan tile yak tap, ata wo mel an niñen o ilod isou dak i? Dugo, talpein ta mel a ile la yan niñen o ka ilon yen ak i? Man tia geig a.

25 Gug id mel a ta tile na dan niñen o ilod yen dop man, sed isatuanad pe, id mel an niñen o mala nouk tumado wa.

26 Nek ago mi, id dabai amad tia yan niñen o, Awan Urgan ibinawad da. Id dugo won Anut o tugudani san ta talon uyan na ya, an lo id gudanek san dal tabirinani da. Gug Awan Urgan inñen mi id bubed ilon lo mosiai dabai ak amad da yan waged lo Anut isumiani da.

27 Enti in tamolpein bubedi lo aban ile dan in Awan Urgan san ilo girek dam ilon a. Ata wo, Awan Urgan dam inñanen tamolpein gun ak niñedi wo Anut isumiani da, man dugo, in ago igane dan lo Anut san ilobol anua da.

Murnap id Anut Nanun igo tilasa wa

28 Id talon ak, tamolpein ensauta a Anut niñen o dumat dan, ensauta a Anut yanad ipateg, igiaig inñan ilo girek san dal duri wo dan niñedi wo gidad, mel dugo ilasa bo man, urat igane pidinai uyanan da.

29 Id gamugo tilasa dugo Anut gubak mi id ilon go ipilianad a, an lo id bunud nek ibol inñan Nanun san bunun igo mi tilasa wa. Ago dop an lo in tein muroun wei mi lulunad lo inñaned teid matu ak igo imado wa.

30 Amaiak niñen o talpein ensauta a Anut ipilianai an yanad ipateg igiai da. An lo ensauta a yanad ipateg igiai an dam in itaot idirai da. An lo ensauta a itaot idirai an

dam in inanen bunun girager aman da yan ipidinai a.

³¹ Amaiak ninen o id mel an ninen o dugo tabol ak i? Anut id turad igo imado tap, enti id iliad saian ak i?

³² Anut inanen Nanun ta ipirani na ya, tia, id fidian nined o ibiseig imat a. An ninen o inanen Nanun lo binawek kawan ak igo won melmel fidian dien dan id ipanad an rumok ak i?

³³ Enti Anut naon na itur pe, ensauta a Anut ipilianai an ninedi wo, insad muruan isini ipalup ibol ilasa wak i? Talpein ta ago igane san tia ya, man dugo, Anut insen mi ensauta inanen an itaot idirai la ya.

³⁴ Enti imisilanad ak i? Jesus Kristus imat pasik a, in mutou lo imasag Anut tuon won ak ate itur go id nined o igudani da. An lo id imisilanad ak i? Tia geig a!

³⁵ Enti Kristus inanen ilo panek lo ibiatad ak i? Ata mel Kristus san ilo panek an lo ka ipasad ak i? Muruan boi, tia, ilo madai lo boi, kudi dak lo boi, kadag† lo boi, nunon kawan imado dak lo boi, saian sumeik ipani dan lo agod sabiri lo boi i? Tia ya.

³⁶ Girek igo yen da,

“Onse nibe wo nal fidian dufunamag go mamat da.

Man bilelek dufu dumat o dufutanai ak igo won diliama da.”

³⁷ Tia, insen lo inanen ilon id ipanad a, an lo melmel en fidian lo id nek ibol enti yu lo isinani ak san tamol igo won tilasag malan te agod malan te geig a.

³⁸ Amaiak ninen o ilog lo rumok a, maten tia, kumaed tumado dan tia, enel adi tia, ur dabai amad da yak tia, mel gamu ilasa den tia, mel murnap ilasa dan tia, ur saiadi ak tia,

³⁹ mel lak na yak tia, mel tan ilon lo geig ak tia, melmel fidian a Anut idirai an lulujad lo mel ta dam tia, amaiak lo, Anut san ilo panek Jesus Kristus idsad Tubun ak lo, ipanad dan ibiatad san tia ya.

9

Anut kin igo won sen ilon nam pilianek igane da

† 8:35: Futol

¹ Aria, Kristus malan lo nai ru rumok nabol da, nai ta njiraek na da. Agod Awan Urgun lo naineg kankan dam nai ibalsinanag go nalon ak, nai ru e njurupaian den rumok a.

²⁻³ Nai ilo muruan tubun mi ifunag da, agod madai tubun mi ilog lo yen dan itout san tia ya. Man dugo, nai teig muroug Isrel adi, naisag dar kisaek an in Kristus patud dupani a, agod in Anut Kristus iganeg ipalu yan ilod lo ta rumok na ya. An ninen in ninedi wo Anut nai Kristus sinjire na yabianag pe daon ipanag a, ago dop an lo ibinawaip ilod lo rumok tap, Anut nai lo ka ago igane wa. Nai ilog nek ago ibol da.

⁴ In Isrel tamolpein, fun an ninen bar tutubun ak wei mi man insadi a. In Anut insan nanuk njalanal igo injal a, agod insan girager ipidinai a. Kontrak fidian an insadi a, agod Anut Moses kubiaen ipani an dam insadi a. In Anut ubou an dile san dal dulon ak, agod Anut san promis an fidian insadi a.

⁵ Insad dar igileg lo tamol yanad tutubun ak dilasa ya, agod Kristus dam insad dar igileg ipalu yan lo ilasa ya. (An rumok, in tinin tan emaiak san ninen nabol da.) Ak man Kristus san mel taidam igo ya, insen Anut. Ago yak ninen o in mel fidian fufo na ya, an lo tamolpein in pempem yanjan lak na diabisa isuda yau da. Rumok.

⁶ Ak dugo, Anut in Abraham ru a irupei an nunon ta ilasa na yak i? Tia ya, man dugo, Anut Isrel ninedi wo ilo sou igane dan id tamol ilo sou tiganed ago tia ya. An fun igo ya, tamol ta in Isrel gugoi lo ipalu tap, an dugo, an in Anut malan lo Isrel tamol mok i? Tia ya.

⁷ Ago dugo tamolpein an igo dubol, “Man Abraham nanun muroun mok a,” dugo, an fidian Anut malan lo Abraham nanun muroun dumado di? Tia ya. Alon, Anut san buk lo ru igo tusuti da, Anut Abraham irupeig ibol, “Aisak nanun muroun amaiak tamolpein dil pe onsa nanu murou ago dubol a.”

⁸ Anut ru mianuk a ibol irupei an fun igo ya. Anut nanun muroun mok man Abraham san dar lo ta dilasa na ya, tia, Anut san nanun muroun mok man, nanuk a ru promis in Abraham irupei an iri panim

dilasa dak ama ya.

⁹ Man dugo, inſan nanun niſen o Anut Abraham promis ipani man igo ya, “Ananar naod na yan te dop űai űamul oſa na űupalu wa, ante gup Sara nanuk igansi wa.”

¹⁰ Agod an mi tia ya, tia, Esau in Jakob da sad am ipiteſanad ak Anut san pilianek mel tubun mok a, ak man tamol sad ilo girek man mel kawan ak oſ a. Aria, saen maſ tubuma Aisak iwon Rebeka da dien an Rebeka nanuk babagaru idirſi a.

¹¹⁻¹² Nanuk babagaru an dilasag inaned kagin naok naok gamugo dile dugo Anut Rebeka irupeig ibol, “Nanuk matu ak san dar dilasa dan mitep nanuk bakan ak san dar dilasa dan paed na dumado wa.” Anut ago igane yan lo inanen ilo sou nuſon igane ilasa ya. An Anut sen pilianek igane ya, an tamol inſad naok naok lo tia ya. Man dugo, inſen mi tamolpein a inſan wagiſ dulon an, amaiak ipilianai o ilon ibol a.

¹³ Fun an niſen Anut profet awan lo ago ibol, “űai Jakob ilog ipani do Esau man űamoi geig a.”

¹⁴ Aria, id an niſen dugo ilod isou wak i? Dugo, Anut sen ilon nam tamolpein ipilianai dan igane saian di? Tia geig a.

¹⁵ Man dugo, Anut Moses igo irupeig ibol, “űai seg ilog nam talpein ilog űupani wak, agod űai seg ilog nam talpein ilog imuſani wa.”

¹⁶ An niſen gamu id mel en lo na Anut san dal talon a. Ak talpein ta ilon ago ibol, “űai seg ipilianag ak Anut inſiliag pe inanen urat űigane wa.” Anut in pilianek ago ta igane na da. Tia, talpein ta ilon ibol, “űai Anut san a, man dugo, űai urat wagai űigane da.” In dam Anut ta ipiliani na ya. Ak man Anut in talpein ipiliani da, an inſinan ilo muſanek lo mi ago igane da.

¹⁷ Agod Anut inſen ilon ibol ak fom tamol ipitiſinai an ipilianai da. An id talon a, man dugo, Anut ru girek lo na Igipta sad kiſ Farou niſen igo ibol, “Oſ bube sakar go silei gane an niſen űai oſ űipilianog kiſ lasa ya. űai ago űiginio yan lo oſ űaisag ager mado wa. An san fun igo ya, űai oſ muruan űupano dop lo tamolpein malad ipalup űaisag tuog dabai tubun an dile

wa. Ago dop űaisag yanag an tamolpein e sumeik dumado den, agod a asau mi dumado dan diſinon ila isop yau a.”

¹⁸ An niſen o id talon ak, Anut inſen ilon nam tamolpein aenta inſan ilo muſanek ikubiai dile wak, agod tamolpein aenta bube sakar ipidinai dop silei digane da.

¹⁹ Gug oſ dap igo rupaiag ak boi, “Enti Anut inſen ilon ibol ak iri panim mel dugon igane wo dan yabiani san idaisuda yak i? Ago tap, ata wo in ru lo id isiad di?”

²⁰ Aria, űaisag ru naon igo űurupaio. Oſ enti, oſ Anut ru naon ka rupei ak i? Oſ man Anut sen iginio ya. Dugo, oſ Anut riſanig lak na yak niſen o ka igo ubol, “Oi, oſ ata wo űai tamol naok igo yak giniag ak i?” Oſ ru ago ka ubol rupei ak i?

²¹ Ulon uyan, saen talpein ta katik* lo bod urat igane tap, in inſinanen maſau lo mi mel idiri ilasa da. Katik malan kisaek itumani an lo, bod sensen idiri wa. Bod kisaek san leil lo man girager uyanan mok a. Ago dugo bod neinta man nek ibol bod gidad oſ a. An niſen dugo, bod an imasap ibol, “Oi, oſ ago giniag umoi,” ago ka ibol ak i?

²² Saen tamol bod idiri dop, aenta a sa- iadi man imoip yabi yau a. Ago dop aenta uyadi an mi kagin ipidinai a. Ilo sou an man mitilaen Anut Isrel tamolpein lo ago igane da. Saen milaen mok Anut Isrel tamolpein ilod ibileksa wo malan igane ya, ak man inſan ilo muſanek san nuſon tia ya. An niſen o gamu in ipitiſinai o ilo sou igane da. In Isrel tamolpein niſedi wo tiſae saian an tamolpein aenta ikubiai dile wak, agop inſan tuon dabai an kuai tem ikubiai dile wa.

²³⁻²⁴ Ak man bod aenta in Anut san ilo muſanek an dukubiani wak, agod in mel uyanan Anut ipidinai an dulon uyan a. Bod naok an man id tamolpein a Anut sen igiad ama ya, agod wagam mi inanen girager uyanan amaiak tiſane wo ipilianad a. Aenta Juda dugo aenta Juda tia ya.

²⁵ Nek ibol Anut profet Hosea san ru girek lo na ago ibol,

“Tamolpein a gubak mi ‘űaisag tia yak’ űabol na yan, gamu ‘űaisag tamolpein’ ago űurupidai a,

* 9:21: Foi

agod tamolpein gubak mi niñedi wo ta ñamat na yan, gamu ‘añ tamolpein niñemi wo ñamat dak’ ago ñurupidai a.”

²⁶ Agod fon ru girek lo,
 “Anut tamolpein ta igo irupidai ‘añ ñaisag tamolpein tia ya,’
 ago gug aben kisaek nek atna mi fon irupidai
 ‘añ Anut kumaen imado damaiak nanun muroun a’ inñ awan ago duloñ a.
 Mitep mel an ago ilasa wa.”

²⁷ Ak man profet Aisaia Isrel tamolpein niñedi wo iwagin go ibol,
 “Gidad Isrel tamolpein igilep loñ na lul igo wei mi wak,
 gug man Anut san pitininek saen lo wei an tia dumado yan mi patud ipasi wa.”

²⁸ Man dugo, Tubun en inñen ibol ago igane wa, inñ tan en san tamolpein fidian ipitininai a,
 agod inñ ririan, itaot mi atem ago igane wa.”

²⁹ Agod Aisaia fon saen murna ipalu dan niñen o igo ibol,
 “Isop Tubun en did panu san yu gurman nanuk tata ibisawaip ta dumado na yak man,
 id fidian taun Sodom inñ Gomora da sad tamolpein igo mi wa.”

Isrel adi kubiaen lo itaot dilasa man tia ya

³⁰ Aria, an niñen dugo ilod isou wak i? Id taloñ ak gob adi inñ gidad Anut malan lo ikok dumado wo urat ta digane na ya, ago bo man inñ dal an dile ya. Man dugo, inñ ilod lo rumok an niñen o Anut inñ itaot iginiai a.

³¹ Ak man Isrel tamolpein kubiaen diganuri wo urat wagai mok digane na ya. Man dugo, inñ ilod lo dal uyan man kubiaen lo mi yen dak ago dubol a. Inñ urat wagai digane bo man inñ itaot ta dilasa na ya.

³² An ata wo ago i? Fun man inñ Anut malan lo itaot dilasa san dal an ilo rumok san dal tia yak dubol. Tia, inñ ilod lo urat wagai kubiaen diganuri dan lo, Anut inñiliaip itaot dumado wak ago dubol. An niñen o pat ta inñsad dal te yen an ñied isueg diau dudu ya.

³³ Aisaia san girek igo yen da,

“Ale, ñai Saion lo pat ñied isuep, diau dudu san ñigansi wa.

Ak man talpein enti pat en ilon lo rumok dop man miai ta ifuni na wa.”

10

Isrel adi Anut san kagin niñen o ta duloñ uyan na ya

¹ O ñai teig taog, rumok ñabol da, ñai Anut Juda adi daoñ ipidinai o man ñamoi geig da. Agod saen ñai Anut san na ñugudani dan inñ patud ipasi wo ñusumiani da.

² Ñai inñsad kagin ñile uyan a, an lo inñ niñedi wo kuai te ago ñabol ilasa da, inñ Anut niñen o man urat wagai digane na ya. Ak man melmel a digane yau dan, inñ ata mel Anut ilon ibol dan ago mi ta digane na da. Man dugo, inñsad duloñ anen man katuk aman a.

³ Inñ Anut san buben itaot ak id ilod lo igane yan ta duloñ na ya. Inñsiganed duloñ san mi duri wo ilod yen da, amaiak lo inñsed mi itaot dilasa wo dabai digane se ya. Ago gug inñ Anut san buben itaot ak ipidinai o dumoi na ya.

⁴ Moses san kubiaen fidian san wadan futanek man Kristus mi a, an inñ ta duloñ na ya. Man dugo, talpein enti Anut o ilon lo rumok, an mi inñ Anut malan lo itaot ilasa wa.

⁵ Kubiaen a tamol ilon lo kagin itaot ak igane ilasa dan niñen o Moses ago ibol, “Talpein kubiaen an iri dop inñ kumaen imado wa.”

⁶ Gug ilo rumok a kagin itaot id ilod lo igane ilasa dan niñen o girek ago ibol, “Oñ bube lo igo ta ubol na wa. Enti did panu lo yau ak i?” (an lo inñ Kristus tan na igane idu wa),

⁷ “tia, enti gib fun tia yak lo idu wak i?” (an lo tamolpein dumat ak sad na Kristus inñanep kuai te sisem dilasa wa).

⁸ Gug girek an dugo ibol i? “Ru en oñ sinñire na yen da, nek oñ awa lo, bube lo dam mi a.” Ru nek an oñ ilo lo rumok san amaiak mi manñ mufulale da.

⁹ Ru en igo ya. Jesus inñ Tubun a, isop oñse malak malak lo ago ubol ilasa dop, Anut Jesus materñ lo ifufunig fon imasa yan ilo lo rumok tap, oñ patu ipasi wa.

¹⁰ Man dugo, oŋ bube lo in niŋen o ilo lo rumok, ago dop Anut malan lo oŋ tamol itaot ago iginio wa. Agod oŋ awa lo Jesus in Tubun ak malak malak ubol ilasa wa, an lo in oŋ patu ipasi a.

¹¹ Ru girek ago ibol, “Ta in niŋen o ilon lo rumok dop miai ta dupani na wa.”

¹² Juda adi Juda tia yak da lulunad lo biatitek tia ya. Tubun ak kisaek mi in fidian sad Tubun a. An fidian mi in duwagin dan bar uyan ak wei mi ipidinai dan itout san tia ya.

¹³ Man dugo, ru girek ago ibol, “Enti Tamol Tubun ak yan an lo igudani dan, Anut patun ipasi wa.”

¹⁴ Ago man, tamolpein a Tamol Tubun ak ta dulon na dugo in o ilod ta rumok na yan, en dugo won pe in lo gudanek ka digane wak i? Ago man, Tamol a niŋen o ru ta dulon na yan, en dugo won pe in o ka ilod rumok ak i? Ago man, talpein ta ipalug Kristus niŋen o ta irupidai na yak ago tap, en dugo won pe in Kristus niŋen o ru dulon ak i?

¹⁵ Agod taida mi, talpein ta, aenta ta didinaig diau na yak ago tap, en dugo won pe tamolpein an naod na Kristus san ru dufufale pidinai ak i? Nek ibol ru e digire en ibol ago, “Tamolpein a bilalun uyan ak disini dupalu dan, inaned niŋedi turen diabi dan sinjakaan mok a.”

Isrel adi wei mi bilalun uyan ak dulon o dumoi a

¹⁶ Gug Isrel aenta Kristus san bilalun uyan an ta duri dupani na ya. Aisaia ago ibol, “O Tubun en, enti ru e murupeig ilon en ilon lo rumok ak i?”

¹⁷ An lo ilo rumok man, Anut san ru a talon amaiak lo ilasa da. Agod ru a talon dan tamolpein Kristus niŋen o dubol dan awad lo ilasa da.

¹⁸ Gug nai ago nabol a. Dugog in ta dulon na i? Man tia ya. Ru e girek lo yen,

“Inaned ru dubol dan, aben fidian lo yau a.

Inaned ru an tan yaug titin itout ak lo ilasa ya.”

¹⁹ Nai afon ago nusumianan, dugo, Isrel tamolpein ta dulon uyan na i? Man tia ya. Man dugo, malan malan Moses Anut san awak aban ago ibol,

“Nai an niŋiran pe tamolpein a dar ta kisaek nag tan gidigidad lo dumado dan eil saiadi dop niŋedi wo turak asusa wa.

Nai warou kisaek san tamolpein kankan tia yak niŋedi wo an tinjae saiak nupanan a.”

²⁰ Agog tinin te Aisaia ago ibol san niŋen o ta irer na ya,

“Tamolpein a nai abanag ta diabi na yak man diliag a.

A nai niŋeg o ta dusumiaen na yan naod na naiseg kuai te ibilag njilasa ya.”

²¹ Ak man in Isrel tamolpein niŋedi wo ago ibol,

“Nai nal fidian numasa natur go banig nuwateg in nyuyunanai wo malag njigane da.

Gug tamolpein an silei tinadi a, nai awag ta diabi na ya. Ad milaen natur dugo, ru kagin a nurupidai se yan niŋen o pirginek ru dupanag na ya.”

11

Isrel adi lulunad lo warou kitekan mi inisan binawek dinane ya

¹ Aria, en dugo, Anut inanen tamolpein yabianai geig di? Tia ya. Nai dam Isrel tamol a, ak man in nai ta yabianag na ya. Nai Abraham san dar lo njilasa ya, agod nai Benjamin san gugoi lo numado da.

² Anut inanen tamolpein in gamugo dilasa dugo ipilianai la yan yabianai san tia ya. Ru girek e Elaija niŋen o ibol den ta alon na yak i? In Anut Isrel yabianai san niŋedi wo dugo won imosiai dan an ta alon na yak i?

³ “O Tubun en, onane profet adi dufu dumat a, onane alta fidian durube idu ya. Gamu naiseg mi numado da, ago yan lo nai dam dufunag njamat o digane dugo dutor da.”

⁴ Ak man Anut ru naon dugo won irupeig ibol ak i? “Tamol seven tausen dumado da, in tubud sewak a Baal dubol dan naon na ditakoksi man tia ya. Tamol an nai njanal go nainege ak dumado da.”

⁵ Gamu nek ago mi gugoi wadan tusan a Anut inisan ilo munjanek lo ipilianai an gamu dumado da.

⁶ Anut inĵanen ilo muĵanek lo san pilianek igane ilasag yen da, kubiaenĵ turi tupani san urat lo igane ilasa man tia ya. Gug an tia tap, inĵsan ilo muĵanek an nuĵon tia wa.

⁷ An niĵen dugo? Isrel tamolpein mel a wagai diganeg dile yan ta diĵane na ya. Gug tamolpein a Anut ipilianai an mi mel an diĵane ya. Gug wadan a dumado yan fidian inĵaned bubed pat igo sakar kasik ilasa ya.

⁸ Nek ago mi ru girek lo ibol,
 “Anut inĵ diĵaonĵ san ur ipidinai a.
 Inĵ malad ipidinai bo man mel ta dile san tia ya.
 Inĵ kududod ipidinai bo man dulonĵ san an dam tia ya.
 Inĵ ago digane ipalug gamu dam nek ago mi digane da.”

⁹ Agod Dawid ibol,
 “O Anut, onĵ inĵ niĵedi wo igo gane wa.
 Inĵsad kubiaenĵ san soubul an ibol dob igo wonĵ,
 agod ibol suwanok igo wonĵ onĵ gane ilasa wa.
 An nek ibol mel ta niĵed isubanip diau dudu san igo wonĵ gane ilasa,
 agod nek ibol naon muruan tubun ak dile igo wonĵ, ago gane wa.”

¹⁰ Malad tidom tubun yafutanip inĵ abanĵ ta dile na wa.
 Saen fidian inĵ uyud tuon iluwi dop dutor a.
 Onĵ muruan naok an ago pidinai a.”

Anut Juda tia yak inĵal imul a

¹¹ Dugo, inĵ niĵed dusueg diau dudu yan fon dumasa san tia i? Man tia geig a. Tia, inĵ aupasek digane yan lo Anut gob adi patud ipasi san dal igane ilasa ya. Anut gob adi lo ago igane yan Isrel tamolpein tiĵae fufaik ipidinai a.

¹² Amaiak niĵen o, inĵsad aupasek an man tan en san tamolpein sad filian, agod inĵsad kagin naok an man gob adi sad bar uyanan a. An ago tap, en dugo, saen inĵ Anut san ar lo diladu san an man uyanan geig a.

¹³ Aria, gamu niĵai anĵ tamolpein Juda tia yan niĵurupaianĵ da. Anut niĵai aposel ipilianag a, agog idinag go anĵ gob adi sam na niĵupalu ya. An niĵen o saen niĵai ru niĵufulale dan,

niĵaisag urat san nuĵon ilasa yan niĵen o niĵabol ilasa ya.

¹⁴ Niĵai ago niĵigane dop lo niĵaisag dar kisaek san tamolpein adi tiĵae fufaik digane wa. Dal an lo dop nap aenta patud niĵupasi wa.

¹⁵ Juda adi, Anut yabianai ak san nuĵon man Anut tan en san tamolpein sad turad ilasa ya. An ago tap, saen Anut Juda adi niĵedi wo ilon ipidinai da wa, en dugo? An san fun igo ya, tamolpein materĵ lo fon dumasap kumaen dutor a.

¹⁶ Aria, ananĵ malan malan an gun dop man ananĵ wadan yen dan fidian gun a. Nek ago mi, ai dabin an gun dop man, ai raen an fidian dam gun a.

¹⁷ Ai a panu san an man ru mitilaen Isrel tamolpein lo yau a, ago dugo oliv ai garanĵ san an man anĵ tamolpein Isrel tia amaiak san ru mitilaen igo ya. Anut igo igane ya. Inĵ ai oliv panu san an raed aenta ituteg yabi yau a. Ago dugo yaug garanĵ san ai oliv didilad ituteg inĵane ipalug oliv panu san raed itute yau amaiak abed lo ibate idu ya. Agog an lo ai panu san an san toub bulbal uyan ak ai garanĵ san raed an diĵane dugo disa uyanan a.

¹⁸ Ak man anĵ tamolpein Juda tia yan Anut ai raen a itute yau an niĵen o sem yanĵam ta abisa na wa. Anĵ ai raen anĵsem niĵemi wo ru tutubun mi abol tap en ilom isou. Anĵ ai dabin ta asini na da, tia, ai dabin an anĵ isinanĵ da.

¹⁹ Ago man onĵ ta niĵai igo rupaiag, “Anut ai raen aenta itute diau dop niĵai abed na isatuanag a.”

²⁰ Awo, an rumok a. Gug inĵ ilod lo ta rumok na yan niĵen o ai raen an isalsuni a. Agod anĵ ilom lo rumok an lo mi dabai am da atur da. Fun an niĵen o anĵ sesunoi kagin ta agane na wa, tia, Anut niĵen o arer dop amado wa.

²¹ Man dugo, Anut inĵ ai oliv panu san an raen isalsuni san ta geg igane na tap, nek ago mi anĵ garanĵ san ai raen inĵ o ilom lo ta rumok na dop man, inĵ anĵ dam isalsunanĵ a.

²² Amaiak lo anĵ Anut san ilo muĵanek, ilo wananan da ilom isou. Tamolpein a diau dudu yan Anut san ilo wananan dukubiani a, ak man anĵ man inĵsan ilo panek an mi akubiani wa. Anĵ inĵsan ilo muĵanek san dal

mi ari au a, ago ta agane na tap, an dam ago itartitan pe ibian au a.

²³ Agod aenta ilod lo ta rumok na yak san dal lo pempem dumado san tia tap, in fon injal pe inşinan raen fo isatuanai da wa. Man dugo, Anut fon ai raen an abek nam isatuanai san idaisida ya.

²⁴ Ale. Ai oliv garan san an raen injanep, ai oliv panu san raen aben na pasauman igane san man tia ya, ago bo man an da ka isatuani a. Mago tap, Anut pasauman mok in ai oliv panu san raed an inşed abed nam isatuanai da wo igane wa.

Saen ipalu dan ate Anut Isrel adi fidian patud ipasi wa

²⁵ O teig taog, nai ilog igo ya, an Anut anen ilo girek mianuk yen en ninen anjan san tia ya, kabelan ansem yanam asini banau. Aenta Isrel luluşad lo bubedi sakar ilasa ya. Ago mi dumado yaup murna gup gob adi a Anut ipilianai an fidian inşan ar lo diladu wa.

²⁶ Ago dop nal an lo Anut Isrel adi fidian patud ipasi wa. Ru girek lo en igo ya, “Patun pasek tamol panu tubun ak Saion lo ilasa wa.

In Anut patud dupani san kagin Jakob san dar ilod lo yen dan ipasi yau a.

²⁷ Saen an lo nai inşad aupasek nşusuas yau dop kontrak an nşupidinai a.”

²⁸ Anut inş Juda tamolpein ninedi wo dal uraru en ilon isou da. Ru uyanan e mufulale den ninen o, inş Anut o ager dumado da, ago mi inş ninedi wo ilon isou da. Agod an lo inşan bar uyanan anşam na ipalu ya. Gug Anut talpein ipilianai ak ninen o, inş Juda adi ilon ipidinai da, ago mi inş ninedi wo dam ilon isou da. Man ata wo? Inş wagam mi mok tamadi ninedi wo imat a.

²⁹ Man dugo, Anut san wagiş agod inşan lou kawan ipanad an ipasi san tia ya.

³⁰ Wagam anş Anut awan aparsisali na ya, ago gug Juda adi sad awa parsisalek an nuşon gamu Anut inşanen ilo muşanek anş ipanaj da.

³¹ Nek ago mi Juda adi dam awa parsisalek dumado dan ilasa ya. Agod gamu

anş Anut san ilo muşanek anşane yan ninen o inş dam inşan ilo muşanek dişane wa.

³² Man dugo, Anut inş tamolpein fidian awa parsisalek kagin paen na dumado yan ago igane ilasa ya, ago dop an lo inş tamolpein fidian ilo muşanek ka ipidinai a.

Pol Anut yanjan yabisa da

³³ O rumok nuşon, Anut san filian, maşau, ilo safulalek an tubun geig a.

Inşanen bitinaek id abanjan tilep talon san tia ya.

Agod inşan kagin naok naok id tile talon san ta idaisuda na ya.

³⁴ “Enti Anut san ilo girek igane dan ilon inş? Enti inş maşau ka ipiteşani wak inş?”

³⁵ “Dugo, enti imug mi mel ta Anut ipanip, an lo Anut inşan gubun* an ka ikubune wak inş?”

³⁶ Man dugo, inşan na dupalu dan, inş tuon lo, inşen ninen o dam mi mel en fidian dilasag dien da.

Inş saen pempem mi girager aman da imado wa. Rumok.

12

Oş Anut urat ipano wo tap banin lo se iginio wau

¹ Fun an ninen o nai teig taog, Anut anen ilo muşanek tubun an ninen o nai igo nşurupaian da. Anjanem tinim kumaem anda yak anjanep, lou panek igo wonş, Anut inşan urat ipanaj san ninen banin lo sem idiranş a. Inş malan lo kagin naok an gun a, agod kagin an inş uyan ipani da. Man ata wo? Kagin nek an, anş inşanen biabi nşilanj agane wo ago ilon yen da. Anş ago agane tap, inşan ubou leil mok agane da.

² Agod anş tan en san tamolpein sad ilo sou man ta atutuşani na wa. Tia, ilom bubem awan apasip, Anut anş ilom ibilisa dop anjanem ilo sou foun ak ka ilasa wa. Amaiak ninen o Anut dugo ilon ibol dan anş alonş uyanan a. Anut san ilobol an mel uyanan a, an dam itaot geig, agod inşan ilobol an anş ilo uyan ipanaj da.

³ Aria, Anut san ilo muşanek ipanag an lo nai anş fidian kisaek kisaek ninemi wo igo nşabol. Oşse mel aenta uyan ak gane amaiak

* 11:35: Pani

ninjen o se ta ibiosa na wa. Tia, onjane nouk nouk ninjen o ilo isou uyanan a. Man dugo, Anut ilo rumok an yabitig id ilo rumok adi anek anek iwae ipanad a, aenta tubun mi ipidinai a, aenta tubun an tia ipidinai a. Amaiak ninjen o onjse mi bitinaek lo gane wa, kabelan onj kawan se ibiosa banau.

⁴ Alonj uyan. Idsad tinid kisaek gug, ilon lo man tinid boi wei mi dien da. Tinid boi an injsad urat kisaek tia ya. Tia, injsad urat naon sensen dien da.

⁵ Nek ago mi, id ilo rumok adi man wei mi bo man Kristus tinin lo tutumanig tinik kisaek tilasa ya. Agod id kisaek kisaek idsad tinid man aenta sad tinid san boi tumado da.

⁶ Anut injsan ilo munjanek naon sensen ipanad a, amaiak ninjen o bar uyanan ak urat tigane san dam sensen ipanad da. Talpein aenta profet urat san dabai dijaney ya, amaiak lo Anut ilo rumok ipidinai ak diri dan lo, injsan ru dubol ilasa wa.

⁷ Tamolpein aenta binawek uyanan digane san dabai dijaney ya. An ninjen o tamolpein aenta dubinawai mok a. Aenta girek manjau urat digane wo igiai a. An lo man inj girek manjau urat mi digane wa.

⁸ Ta inj ru kagin ibol ilasa san urat ipani tap, inj nek ago mi igane wa. Ta inj tamolpein aenta ibalsinjanai san dabai injane tap, ilon kisaek mi urat an igane wa. Ta inj urat ititiani san tap, maeg igane wa. Ta inj ilo munjanek san injane tap, inj ilo uyan lo ago igane wa.

Anj Kris adi anjanem turenj kagin apani

⁹ Aria, onj tamolpein aenta binawaip ilo pidinai ak tap, nek ago mi ilo pidinai mok a. Kagin saiak saiak patu pani dop, kagin uyan ak mi gane wa.

¹⁰ Ansem nug teim taom igo wonj nug ninjen amat a. Ansem nugnug lo teim taom yanjad asini san kagin ninjen o onj maeg ganep tei rinani wa.

¹¹ Urat lo dabai gane, yalis umoi. Onjane ilo lo Awan Urgun awan isag mado da, an lo onj tini fidian ilalanj anda yak ided onj da. Tubun en san urat gane wo ilo pani wa.

¹² Onjane mala nouk mado dan lo utur dop you isa wa. Muruan lo dop utur sakar a. Pempem Anut gudani dop mado wa.

¹³ Onj tei tao aenta ilod lo rumok ak inj mel ta o dumat tap, onj aenta dida melmel lo ibinawai san atumanip apidinai a. Onj talpein asau mi ipalu yak kagin pani uyan san dal mi urip, kaginan gane wa.

¹⁴ Saen tamolpein dufunop muruan dupano wo dukudo tap, onj Anut naon muruan ipidinai o ta sumiani na wa, tia, inj bar uyan ak ipidinai o mi sumiani wa.

¹⁵ Tamolpein ilod uyan tap, onj dam inj dadi sisem yousai agane wa. Agod tamolpein ilod saian pe tinanj digane tap, onj dam dadi sisem tinanj gane wa.

¹⁶ Anj nugnug lo ilom kisaek mi amado wa. Ansem yanjam lak na abisa amoi. Tia, anj tamol kawan, yanjad tia yak dam turad mok amado wa. Ansem manjau tutubu amam da yak ta abol na wa.

¹⁷ Talpein muruan ipano tap, naon muruan pani umoi. Tia, onj tamolpein sad leil lo kagin a uyanan mok ilo isou dan mi gane wa.

¹⁸ Dal yen tap, onj tamolpein fidian dadi ilo maror lo mi amado wa. Inj onj o ager dumado yau tap, gidad mel an injsad mi a.

¹⁹ Turag muroug, saen tamolpein dibianj adu tap, anj pani naon afuli wo ago ta agane na wa. Tia, Anut anen tinjae saiak an mi aben apani dop injsen mi pani an naon ka ifuli wa. Man dugo, ru girek lo ago ibol, "Tubun ak igo ibol, talpein enti igane saian ak naon panek man, njai mi a, njaiseg mi injsan pani an naon njufuli wa."

²⁰ Ak gug,

"Onjsa ager an imatigen tap, ananj panip yani wa.

Inj you o imat tap, you panip iluk a.

Kagin amaiak lo man nek ibol onj yai midiger gumuran fo kulmaek igo wonj gane da."*

²¹ Kagin saian an onj ta ibio sakar na wa, tia, kagin uyan ak lo kagin saian an san dabai wabi idu wa.

* **12:20:** Dal an lo onj injanen tinjae saiak wabi idug, ilon ibileksa dan pani da.

13

Anj gabman gurman fidian paed na amado wa

¹ Anj fidian anjanem gabman san gurman anj ditirnanj dan awad paen na amado wa. Man dugo, Anut mi inj titianek tamolpein fidian idirai san fun mok a, agod gurman a id ditirnad dan man Anut sen ipilianai a.

² Amaiak lo, talpein inj titianek tamol awad iparsisali tap, inj tamolpein a Anut ipilianai an awad iparsisali da. Agod tamolpein fidian kagin a duri dan Anut injsad muruan an naon ipidinai a.

³ Gurman adi inj tamolpein kagin uyan ak mi digane dan rurek ta dupidinai na wa. Tia, tamolpein a kagin saian ak digane dan mi rurek dupidinai a. Onj tan gurman ninjen o urer umoi aki? Ago tap, kagin uyan ak mi gane dop, an lo tan gurman an onj ilio uyan a.

⁴ Man dugo, inj man Anut san urat pinein, onj mado uyan san kagin ipano da. Ak man onj kagin saian ak gane tap, urut dop urer saian geig a. Kabelan inj sabiri kawan yabi dak ago ilo isou banau. Inj Anut san urat pinein, amaiak tuon lo talpein ta kagin saian ak igane dan, Anut san tinjae saiak ile wa.

⁵ Fun an ninjen o, onjane gurman adi awad paen na mado wa. Dal an lo Anut tinjaen saian san kagin rinjani wa. Fun an ninjen o mi tia, tia, onjane kankan uyan ak a ru kagin ipano dan ninjen o awa parsisalek ta gane na wa.

⁶ Nek fun an lo anj gabman san takis dam abal a. Man dugo, gabman san urat pinein adi man dam Anut san urat pinein mi a, agod inj pempem tamolpein sad madok uyan dumado san kagin digane da.

⁷ Amaiak ninjen o anj anjanem gubun* naok ago yak fidian akubune wa. Saen gabman takis abal o ibol tap, ago agane wa. Takis naon sen ak abal o dubol tap, an dam abal a. Tamolpein awad ari apani wo dubol tap, anj nek ago agane wa. Tamolpein dititinanj dan yanjad asini wo dubol tap, an dam nek ago mi agane wa.

Kristus san nal sumeik an ninjen o aenta niñedi wo amat a

* 13:7: Pani

⁸ Onj talpein ta san gubun tini lo ta yen na wa, tia, nug ninjen o amat san gubun mi tini lo yen a. Man dugo, talpein ta inj turan ilon ipani dan, kagin an lo kubiaen an fidian ituanai idu da.

⁹ Moses kubiaen igo ibol, “Onj jeit ta gane na wak, onj tamol ta funip imat na wak, onj aenta sad melmel ta ugam na wak, onj tamolpein aenta sad melmel ninjen o mala ta isi na wa,” agod kubiaen aenta dam ru girek en lo yen da. Gug kubiaen kisaek en kubiaen an fidian ituanai idu ya, nek “Onj se ilo ipano dak ago mi tura ilo pani wa.”

¹⁰ Talpein ta inj tamol ta ilon ipani dan, inj lo kagin saian ak ta igane na da. Amaiak ninjen o ilo panek san nunjon man nek ibol kubiaen an fidian iganuri dak igo wonj a.

¹¹ Agod taida mi anj en aloj ak, saen iparsikawad ak ninjen o njon abiseip amasa wa. Man dugo, gamu en patud ipasi san id sumeik ipanad la ya.

¹² Tidom tubun ibisawad dugo ilalanj sumeik ipanad a. Id tidom san kagin ta tigane na wa. An ninjen o lilaman san yu mi tuburoup tawanj tigane wa.

¹³ Anj ad aman ator dak ago turenj uyanan ator a. Ayu aluk pe abanj daonj ta agane na wa. Jeit lo, melmel saian ak lo bubem imasa san lo, wagai lo dabai agane san lo mi tia.

¹⁴ Tia, anj Jesus Kristus anjanep kulos igo agane wa. Agod mel ta aganep anjsinam tinim san ilobol afutip idaisuda wo ago ta agane na wa.

14

Onjane tei san ilo rumok dabai tia yan ta pitinjini na wa

¹ Aria, saen talpein ta san ilo rumok dabai tia yan anjsam tumanek lo ipalu tap, anj ilo uyan lo mi anjane. Ak man anj injsinan ilo sou an ninjen inj da nug apei wo agane man amoi a.

² Nai ago njabol dan fun igo ya. Ilo rumok adi aenta mel an uyan dubol da, ago dugo aenta mel an saian dubol da. Talpein ta inj ilon lo ananj nuaen mudan nuaen an mel uyan ak ago ibol da. Ago dugo talpein san ilo rumok dabai tia yan, inj Juda sad kubiaen ilon isou dan lo mudan yani san lo

muruan ifuni da. Fun an ninjen in pinapan mi yani wak ago ilon isou da.

³ Talpein a mel mudan yani dan in talpein mel mudan ta yani na dan ninjen o ta imisilani na wa. Nek ago mi talpein a mel mudan ta yani na dan in talpein mel mudan yani dan ta ile saian na wa. Man dugo, Anut talpein an inane la ya.

⁴ Onj enti, go onj talpein sen ak san urat pinein wabi idu wo gane di? Injen mi inanen tubun ak naon na itur boi, tia, yau idu boi. Gug en rumok geig a, in man itur mok a. Man dugo, inanen tamol tubun ak lo itur san dabai idaisida ya.

⁵ Aria, talpein ta in nal aenta gun mok ak ago ilon isou da, ago yan lo in Juda sad nal gun an sad kubiaen iganuri san kagin ipani da. Gug talpein sen ak in nal an fidian naon kisaek ak ago ilon isou da. Tamol an in sed anen anen atem kagin ago digane dan dibilitinaep dile wa.

⁶ Talpein ta in nal gun an san kubiaen iganuri dan, in Tubun ak yanjan yabisa wo ago igane da. Nek ago mi talpein a mudan fidian ka yani wo ibol dan, in dam Tubun ak yanjan yabisa wo ago igane da. Man dugo, in mudan a yani dan ninjen o Anut ilo uyan ru irupei da. Ago dugo talpein a mudan imoi dan, in dam Tubun ak yanjan yabisa wo ilon isou da. Agod in dam Anut ilo uyan ru irupei da.

⁷ Talpein ta in sen kisaek imado san tia ya. Agod in sen kisaek imat san tia ya.

⁸ Tia, id kumaen tumado tap, Anut o kumaen tumado wa. Agod id tamat tap, Anut o dam tamat a. Amaiak ninjen o, id kumaen tumado boi, tia tamat boi, id Anut san mi a.

⁹ Fun nek amaiak ninjen Kristus imat go fon kumaen imasa da ya. In ago igane yan lo in tamolpein dumat ak, agod tamolpein kumaen dumado dak dam sad Tubun ak imado da.

¹⁰ Onj ata wo onjane tei bitinaek lo gane dak i? Agod fon, onj ata wo onjane tei misilani dak i? Alonj uyan, id fidian Anut anen bitinaek san kalik naon na tatur a.

¹¹ Man dugo, ru igo yen da,

“Nai kumaeg numado dan rumok tap, njaisag ru en nunon ilasa wa.

Tubun en igo ibol da. Tamolpein fidian njai naog na ditakoksi wa.

Agod tamolpein an fidian Anut naon na inaned muruan dubol ilasa wa.”

¹² An lo id anak anak mel dugo tigane na yan fidian Anut naon na walal te tidiri ilasa wa.

Onjane kagin lo tei Kris ak aupasek lo yau idu wo ta gane na wa

¹³ An ninjen id fon nug ta tibitinae na wa. Tia, id igo ilod isou wa, tuparsisi san mel ta teid san dal te ta tigane na wa, agod suwanok dam teid san dal te ta tigane na wa.

¹⁴ Rumok ak, Anut malan lo ananj mudan an fidian ikok mok a. An njai njalonj uyan a, agod njai Jesus Kristus lo numado da, an lo in njai ateg isueg njaisag ilo sou an itaot a. Ak man talpein ananj ta boi, mudan ta boi in yani san an ta ikok na yak ago ilon isou tap, aria in ninjen o mi mel an ta mok ikok na ya.

¹⁵ Onj onjane tei mel ta wani dan ninjen o ilon muruan tap, an ninjen o onj ilo panek san dal uri san tia ya. Mel a ta wani na wan umoi tap, an uyanan a. Kabelan tamol a in ninjen o Kristus imat an, onj mel dugo wani dan lo, onj tamol an daonj pani banau.

¹⁶ Onj mel uyan ak ta wo ilo lo rumok a, gug tamolpein aenta mel an ninjen o ru saiak dubol tap, an lo onj ilo sou saian ak gane ilasa man umoi a.

¹⁷ Man dugo, saen Anut in sen mi idsad Tubun ak imado man, tani taluk san ninjen o mi tia ya. Tia, id Urgun lo kagin itaot, ilo maror, uyasusai amad da tator a. Kagin nek an mi malan te ya.

¹⁸ Fun an ninjen tamol enti kagin naok an lo Kristus san urat igane dan Anut ilo uyan ipani a. Agod tamolpein sad leil lo tamol an uyanan a.

¹⁹ Amaiak ninjen o, id maror san kagin tigane ilasap, agod id nug dabai tupanip, kagin an mi turip tator a.

²⁰ Onj ananj ninjen o mi, Anut san urat an, ilo rumok adi ilod lo yan ta pitinini na wa. Rumok, melmel fidian tani san a Anut malan lo yan ikok mok a, id an ka tani wa. Ak gug onj mel ta wani dop lo tamol sen ak aupasek lo yau idu tap, onj au upas da.

²¹ Ago yak ninjen o, onj mudan wani ak lo boi, tia, you sakar uluk ak lo boi, tia,

mel dugo gane dak lo boi, kabelan onjane tei aupasek lo ganep yau idu banau. Tia, onj kagin ago ta gane na tap, kagin naok an mi uyanan a.

²² Onj melmel dugon ilo lo rumok an mi onj Anut da lulunam lo yen da. Talpein ta san ilo rumok an man onsa mel tia ya. Saen talpein inanen kagin naok uyanan a ilo lo rumok an bitinaek lo igane dop, mel ta saian ak ta ile na tap, in ilon uyanan mok a.

²³ Ago gug, talpein ilon uraru dugo yani tap, Anut san bitinaek lo yau idu wa. Man dugo, inanen kagin an ilo rumok lo ilasa man tia ya. Mel ta inanen ilo rumok an lo ta ilasa na dan, nek an mi aupasek mok a.

15

Kristus ilon ipanarj ak igo mi anj dam nug ilon apani wa

¹ Id a ilod lo rumok dabai an, id tamolpein a sad ilo rumok dabai tia yan tibinawaip sad muruan dida tisini wa. Idsed ninjed o mi tamat dop aenta tabianai man kagin uyan tia ya.

² Id anen anen atem turad muroud ilo uyan tupidinai a, ago dop in dal uyan ak lo mi dutor a. An lo injsad ilo rumok an dabai anda ilasa wa.

³ Agod Kristus injsinanen ilo ibol an ta iri na da. Tia, in muruan dam isini da. Ru girek lo na igo ibol, "O Anut, tamolpein a dupaio saian an injsad tinjae saiak an naj isini a."

⁴ Ru fidian a nal gubak mi Anut san tamolpein digire yan, an id ipitenjanad san ninjen digire ya. Id muruan lo tatur sakar dan lo, agod ru girek san dabai panek ru lo, id mel a ninjen o mala nouk tumado dan nunjon ago ilasa wa.

⁵ Naj anj ninjemi wo Anut igo njugudani a. Anut inj dabai panek ru san fun, agod inj muruan lo tatur sakar san fun, inj ka ibinawan pe ansem nugnug lo ilom kisaek mi amado wa. Anj Jesus Kristus atutunani dan lo kagin amaiak mi ago agane yau a.

⁶ Dal an lo saen anj Anut ubou an ale dan, anj fidian awam kisaek mi Anut, Jesus Kristus idsad Tubun en Taman, amaiak yanjan abisa da.

⁷ Fun amaiak ninjen o anj nug ninjen amat mok a, nek ibol Kristus sen anj injilian uyanan ak igo wonj a. Ago dop anj ago agane dan lo Anut yanjan abisa wa.

⁸ Naj ago njurupaianj dan san fun igo ya. Kristus inj Juda adi sad urat pinein onj ilasa ya, an lo Anut ikubiai tile yak injsan ru an ru rumok a. Ago dop ru a Anut Juda sad tubud bagedi ibol ipidinai an nunjon kuai isi wa.

⁹ Inj ago igane yan lo Anut san ilo munjanek an tamolpein Juda tia yak ipidinai, an lo inj dam Anut yanjan diabisa wa. Nek a girek lo ibol ago,

"Fun an ninjen naj onj gob adi lulunad lo yanjan abisa wak,
naj bar naji dop onj yanjan abisap lak na isida yau a."

¹⁰ Agod ru girek en fon ago ibol,
"O anj Juda tia yan, anj Anut san tamolpein dadi yousai agane."

¹¹ Agod fon,
"O anj Juda tia yan fidian, Tubun en yanjan abisa,
anj tan titin an fidian san tamolpein bar abi dop per apani."

¹² Agod fon, Aisaia ago ibol,
"Tamol Jesi dubol dan dabin lo didilan ta isa wa,
agop inj isap tan titin fidian sad tamolpein kagin ipidinai a.
Juda tia yan inj tinid digane panip dumado wa."

¹³ Aria, naj anj fidian ninjemi wo Anut igo njusumiani a. Inj mi, madok uyanan a ninjen o mala nouk amado dan san fun, anj ilom lo rumok an lo yousai tubun, agod ilo maror mok an anj bubem lo idaisuda yak, ago ka igane ilasa wa. Ago dop an lo na anj Urgun san dabai lo tubun mi mala nouk amado dan lo atur a.

Anut Pol ipilianig gob adi ibinawai o ru sinek tamol ilasa ya

¹⁴ Naj teig taog, aenta anj ninjemi wo naj durupaiaag a, nek ago mi najisag ilog dam ru kisaek an mi ago irupaiaag da. Ru an igo ya. Anj kagin uyan ak tinim lo yen an awan isa ya. Anj manjau amam da ya, an ninjen anj ansem nug ka apitenjani wa, ago dop anj nugnug lo anjsam ilo sou katukan an akubune wa.

15 Gug n̄aisag girek en lo, n̄ai ru kagin aenta n̄urupaian̄ an kuai te n̄abol ilasap alon̄ an nin̄en ta n̄arer na ya. An lo n̄ai an̄anem ilo sou n̄abisa dop ate an̄ mel gubak mi alon̄ la yan ilom isou da wa. N̄ai Anut san ilo muñanek lo yan̄ak ipanag amaiak lo ago n̄igane ya.

16 In̄ n̄ai Jesus Kristus san urat pinein ipilianag go Juda tamolpein tia amaiak n̄ibinawai o n̄upalu ya. Agod n̄aisag urat en igo ya, n̄ai pris igo won̄ Anut san bilalun̄ uyanan an n̄ufulale wa, ago dop an lo n̄ai tamolpein Juda tia yan n̄añal pe lou kawan igo won̄ Anut tuon lo n̄idirai a. Agod Anut n̄ai tuog lo in̄al pe Awan Urgun san dabai lo tamolpein e gun idiraig dilasa yen Anut uyan ipidinai a.

17 Amaiak nin̄en o, n̄ai Jesus Kristus lo Anut san urat uyan ak wei mi n̄igane ilasa ya. Amaiak lo Anut naon na n̄aiseg ka ipitianag a.

18 N̄ai mel dugon Kristus n̄aisag urat lo ta igane na yan nin̄en o n̄abol ilasa wo n̄arer da. Tia, n̄ai gob adi dal an n̄ukubiai dilep Anut awan duri dupani san amaiak mi nin̄en o ka n̄abol ilasa wa. Mel ta n̄aisag ru lo, n̄aisag urat lo,

19 n̄aisag kulob girager in̄ urat tutubun da n̄igane dan lo, agod Awan Urgun san dabai lo, amaiak mi nin̄en n̄abol ilasap alon̄ a. Amaiak lo n̄ai aben fidian lo n̄au a, Jerusalem na fun n̄igane gug n̄au nag n̄aisag turen̄ wadan Ilirikam* na n̄ilasa ya. N̄ai Jesus Kristus san bilalun̄ uyanan amaiak panu fidian san tamolpein n̄urupidai dulon̄ a, mel ta n̄ai n̄umiani man tia ya.

20 N̄ai panu fidian a Kristus yan̄an dulon̄ san tia yan lo n̄aup ate in̄ yan̄an n̄ufulale wo ilog ibol da. N̄aiseg ilog pempem yen dan ago mi a. N̄ai ago n̄igane dan fun dugo, n̄ai talpein sen ak san kadan̄ iguni la yak fo na ab n̄ususe man n̄amoi a.

21 Tia, nek ru girek lo ibol ago,
 “Tamolpein a in̄ nin̄en o ta durupidai dulon̄ na yan in̄ dile dulon̄ a.
 Agod tamolpein a in̄san ru ta dulon̄ na yan, in̄ ilod isafulale wa.”

22 N̄ai an̄sam na ta n̄upalu na man fun n̄ai panu aenta lo urat wei mi n̄igane na ya, agod an n̄ai an̄sam na n̄upalu san dal itute ya.

23 Gug gamu panu an fidian lo man n̄ai abeg tia ya, amaiak nin̄en n̄ai ante ru n̄ufulale na yan gamu itout a. Anan̄ar wei kasik n̄ai an̄sam na n̄upalu wo ilog yen a,

24 agod gamu n̄upalu wo ago n̄igane da. N̄ai Spein na n̄aup ru n̄ufulale wo n̄igane da. An nin̄en saen n̄ai an̄sam gigin lo n̄upalu dan, n̄ai saen katukan mi an̄ n̄ilian̄ o ilog isou da. N̄ai an̄ da tumado wo ilog uyanan da, murna gup an̄ n̄ai Spein na n̄au an nin̄en asatuanag dop dabai ka apanag a.

25 Ak man malan malan man n̄ai Jerusalem na n̄aup ilo rumok adi atna dumado dan n̄ubinawai o ilog yen da.

26 Midaen̄ fidian a Akaia na Masedonia na dumado dan ilo sou diganeg, moni dutumanig ilo rumok adi filiad tia a Jerusalem na dumado dan sad na digane yau a.

27 An man in̄siganed ilo girek mi a. An uyan mok a, ago gug mel en dam rumok a, Juda adi in̄ in̄sad pani naon ta gob adi tinid lo yen da. Man dugo, Juda ilo rumok adi in̄ mel uyanan n̄utun san a Jesus Kristus lo amaiak in̄ dupidinai a. Ago yak nin̄en tamolpein Juda tia yan melmel tinid san an ate in̄aned pani naon dukubune wa, an lo in̄aned muruan aenta dupasi yau a.

28 Aria, n̄ai in̄aned ru nuñon digane yan nin̄ane n̄aup banid lo n̄igane gup fon an̄sam na n̄upalu da wa, ago gup Spein na n̄au a.

29 Taida mi, n̄ai ago n̄alon̄ ak saen n̄ai an̄sam na n̄upalu dan, n̄ai Kristus san bar n̄ai lo awan isa yan an̄sam na n̄upalu dop da n̄isini n̄upalu wa.

30 N̄ai teig taog, n̄ai abinawag o n̄usumianan̄ da. An̄ Jesus Kristus san a, nek n̄ai igo mi a, agod Awan Urgun san ilo panek an̄ dam bubem lo igane ya. Fun an nin̄en, saen n̄ai n̄ugudani dan an̄ n̄ai awag abatep gudanek tubun ak tigane wa. Agod an̄ Anut asumiani on̄ dop n̄ai ibinawag a.

31 Juda ilod lo rumok tia yak a Judea na dumado dan in̄ n̄ai dufunag o digane da. An nin̄en o Anut asumiani dop n̄ai in̄

Pol Rom na yau o ilon yen da

* 15:19: Albania

banid lo ipasag injiliag a. Nai inanen tamolpein Jerusalem na yan luluᅇad lo urat ᅇigane wan dam niᅇen asumiani dop urat an niᅇen ilo uyan ipidinai a.

³² Ago dop Anut ilon ibol tap, nai ilo uyan amag da ago anᅇsam na ᅇupalu pe an ᅇai da ilod kisaek sisem yaes tabal uyan a.

³³ Ilo maror san Anut an fidian da ka amado wa. Rumok.

16

Pol ilo uyan ru tamolpein wei mi ipidinai a

¹ Aria, gamu ᅇai ru wadan taida ᅇurupaianᅇ o da. Id lud Fibe inᅇ Rom na ipalu wa, ago yak niᅇen o anᅇ inᅇ kagin apani uyanan o ᅇai ilog ibol da. Inᅇ pein gurman, agod inᅇ Kenkria taun san midaeᅇ an luluᅇad lo urat igane da.

² Inᅇ dam Tubun en san ilo rumok pein, ago yak niᅇen anᅇ ilo uyan lo mi anᅇanep kagin apani wa. Ilo rumok adi dal naon an dirip dutor ak man uyanan a. Pein an mel ta lo katukan dop abinawi. Man dugo, inᅇ tamolpein wei mi ibinawai na ya, agod ᅇai dam ibinawag a.

³ Akwila iwon Prisila da ilo uyan ᅇupidinai, inᅇ ᅇai dibinawag go Jesus Kristus san urat migane ya.

⁴ Agog saen Juda ᅇai dufunag o digane yan inᅇ ᅇai dubalgiranag a, inᅇ ᅇai abeg diᅇaneg dumat o ta direr na ya. An niᅇen ᅇaineᅇ ilo uyan inᅇ ᅇupidinai da, agod ᅇai mi tia ya, tia, tamolpein Juda tia yan sad midaeᅇ inᅇ dam inᅇaned urat uyanan an niᅇen ilo uyan dupidinai a.

⁵ Agod fon ilo uyan midaeᅇ a inᅇsad ab lo dutumani dan sad na migane yau a. ᅇaineᅇ turag Epenetus ᅇaisag ilo uyan inᅇ apani, inᅇ tamol malan malan Esia ilon lo inᅇ Kristus niᅇen ilon lo rumok a.

⁶ Maria ilo uyan apani, inᅇ anᅇ niᅇemi wo urat wagai tubun mok igane se ya.

⁷ Andronikas inᅇ iwon Junia da ilo uyan apidinai. Inᅇ ᅇai turag muroug Juda, agod inᅇ ᅇai da sisem dusubanama ya. Inᅇ dam yaᅇad aposel, agod inᅇ Kristus malan malan dulonᅇ gug ᅇai murna ᅇalonᅇ a.

⁸ Ilo uyan Ampliatus apani, Tubun en san kagin lo inᅇ ᅇaisag turag uyanan a.

⁹ Ilo uyan Urbanas apani, inᅇ maᅇ da sisem Kristus urat an migane da, agod ᅇaineᅇ turag Stakis dam ilo uyan apani.

¹⁰ Apeles ilo uyan apani, inᅇsan urat uyanan an Kristus ileᅇ ilon uyan a.

Ilo uyan ilo rumok adi Aristobulas san samun lo yan apidinai.

¹¹ Herodian ilo uyan apani, inᅇ ᅇai turag, inᅇ dam Juda.

Ilo rumok adi Nakisus san samun luluᅇad lo dumado dan ilo uyan apidinai, inᅇ dam Tubun ak san.

¹² Trifena inᅇ Trifosa da ilo uyan apidinai, pein uraru an Tubun en niᅇen o urat wagai digane da. Persis ilo uyan apani, pein an maᅇanema luma, inᅇ niᅇen tubun mi mamat da, inᅇ dam Tubun en niᅇen o urat wagai igane da.

¹³ Rufus ilo uyan apani, Anut anᅇ luluᅇam lo yaᅇan tubun ak ago ipiliani a. Inᅇ tinan dam ilo uyan apani, inᅇ dam ᅇaisag tinag onᅇ a.

¹⁴ Asinkritas inᅇ Flegon, agod Hemes, Patrobas, Hermas agod ilo rumok adi aenta inᅇ dadi dutumani dan ilo uyan apidinai.

¹⁵ Filologas inᅇ iwon Julia da ilo uyan apidinai, agod Nerias inᅇ lun da dam, agod Olimpás inᅇ ilo rumok adi fidian dida dumado dan an dam ilo uyan apidinai.

¹⁶ Anᅇsem nug ilo uyan apani. Kristus san midaeᅇ aben e lo dumado den fidian anᅇsam na ilo uyan digane ipalu ya.

Tamolpein a anᅇ luluᅇam lo biatitek digane ilasa dan leil apidinai o uyanan a

¹⁷ Teig taog, tawaᅇ agane wo ᅇai ᅇurupaianᅇ da. Tamol a anᅇ luluᅇam lo biatitek inᅇ muruan da digane ilasa dan, an niᅇedi wo kagin agane. Inᅇsad ru an naon sen geig a, ibol anᅇ ru rumok ak alonᅇ ago tia ya. Fun amaiak niᅇen anᅇ sen alasa wo ᅇurupaianᅇ da.

¹⁸ Man dugo, tamolpein naok an man Kristus Tubun en san urat ta dubinawi na da, tia, inᅇ inᅇsed tinid dufutuwi san urat tamol dumado da. Inᅇsinad ru sewak, ru bulbal an lo tamolpein ta dulonᅇ uyan na yan dirawai da.

¹⁹ Tamolpein fidian anᅇsam awa yabek uyanan an dulonᅇ a, an niᅇen o ᅇai anᅇ niᅇemi wo youᅇ isa da. Gug ᅇai ilog ibol dak anᅇ kagin uyan ak mi niᅇen maᅇau amam da,

agod kagin saian ak niñen anjaonj mok ak man uyan a.

²⁰ Ago dop Anut, ilo maror taman an, in milaen tiap Satan an njiem paen na iganep iparfufari wa.

Jesus Kristus idsad Tubun en san ilo muñanek an da amado.

Tamol aenta ilo uyan ru diganeg Rom sad na yau a

²¹ Timoti, ñaisag urat kisaek an, ilo uyan ipanañ da. Nek ago mi ñai turag muroug, Lusias in Jason da agod Sosipata da dam ilo uyan dupanañ da.

²² Ñai Tertias, ñaisag banig nam Pol san girek en ñigire ya. Ñai dam Anut yanjan lo an ilo uyan ñupanañ da.

²³⁻²⁴ Gaias dam ilo uyan ipanañ. In man da mumado ya, man kagin am igane uyanan a. Agod fon midaen a inñsan ab lo dumado yan anñsam na ilo uyan digane ipalu ya.

Erastas ilo uyan ipanañ. In taun Korint san moni kagin ipani da. Agod Kuatus ilo rumok tamol an dam ilo uyan ipanañ a.

Pol Anut yanjan yabisa san ru wadan

²⁵ Aria, gamu id Anut yanjan tabisa dop ubou an tile wa. In ñaisag bilalun uyan ak Jesus Kristus niñen ñufulale dan lo, an dabai ipanañ pe lo atur sakar san idaisida ya. O gubak mi Anut san bilalun en imianig imianuk yen a, ak man id talon an niñen kuai te igane ilasa ya.

²⁶ Ago gamu profet adi sad girek lo ru en kuai isi a. Ago dop an lo tan titin fidian san tamolpein ru e ñulon en Anut sen ago digane wo in ru kagin ibol ilasa ya. Anut, kumaen pempem imado dan, ago ibol ilasa an lo tamolpein ilo rumok san dal turi tupani dan, inñsan awa yabek tamolpein tilasa wa.

²⁷ An niñen in yanjan tabisa. In mi Anut, in mi manau tamol a. Jesus Kristus yanjan lo mi, in mi yanjak tubun ak pempem inane wa. Rumok.

1 Korint

1-2 Anut ilon yen ak ago, ηai Pol, Jesus Kristus san aposel ηilasa wo igiag a. ηai, agod idsad teid Sostenis dam girek en anη Anut san Kris midaenη a Korint na amado dan sam na miganeg ipalu ya. Anut anη igianη go Jesus Kristus da itumananη go inanen tamolpein gun ak alasa ya. Anη agod tamolpein a tan fidian lo dumado dugo, idsad Tubun ak Jesus Kristus yanηan lo dugudani dan dida, anηsam na girek en miganeg ipalu ya. Kristus man inaned Tubun ak, agod idsad mi a.

³ Anut idsad Tamad agod Tubun ak Jesus Kristus, inaned ilo panek agod ilo maror da ka dupananη a.

Pol Korint adi niηedi wo Anut ilo uyan ru ipani a

⁴ ηai anη niηemi wo nal fidian Anut ilo uyan ηupani da, fun dugo, Jesus Kristus log Anut ilon ipananη a.

⁵ Kristus lo man Anut inη dal fidian lo binawek funfun anη ipananη a, an lo binawek ru afulale san, agod binawek maηau amam da yak san dam aburoug binawek uraru an anη ilom lo inanefute ya.

⁶ Man dugo, ru a maη Kristus niηen o anη lulunηam lo mifulale se yan nuηon igane dugo ale ya.

⁷ Fun an niηen o idsad Tubun ak Jesus Kristus, fon kuai isi da wan niηen o anη malam agane dugo, Urgun binawek ipanad dan lo ta katuk am da, tia geig a.

⁸ Inη anη dabai ipananη pe atur sakar yaup saen wadan idu wa, an lo idsad Tubun ak Jesus Kristus san nal idu wan lo inη anη mel ta niηen o ru ta ipananη na wa.

⁹ Anut pempem inanen ru iganuri da. Inη anη igianη go inanen Nanun, Jesus Kristus idsad Tubun ak da atumanig nug turan igo wonη ator da. Amaiak niηen o inη dugo ibol dan ate mi ago igane wa.

Korint midaenη ilon lo biatitek yen da

¹⁰ ηai teig taog, idsad Tubun en Jesus Kristus yanηan lo ηusumiananη da, anη fidian mi ilom kisaek dop anη lulunηam lo biatitek ta yen na wa. ηai ilog ibol dak, anη fidian

mi ilom atumani, agod anηanem ilo sou dam kisaek a.

¹¹ Man dugo, Kloe san tamolpein ηaisag na dupalug, anη lulunηam lo nug paek kagin yen dan dubol go ηalonη a.

¹² ηai ago ηabol an san fun man igo ya. Anη lulunηam lo ta ibol, “ηai Pol san,” ta ibol, “ηai Apolos san,” ta ibol, “ηai Sifas san,” agog ta ibol, “ηai Kristus san.”

¹³ Ak dugo, Kristus tinin gilefutek go sensen dien di? Tia, ηai Pol, anη niηemi wo aigim fo ηamat i? Tia, ηai yanηag lo suguek dupananη i?

¹⁴ ηai Anut ilo uyan ηupani da, man dugo, ηai tamolpein tata ηufulanai man tia ya, nek Krispas inη Gaias da mi a.

¹⁵ An lo man talpein ta ηai yanηag lo ηusugui ak ago ibol san tia ya.

¹⁶ Rumok, ηai Stefanas san warou inanen ab lo dumado dan ηusuguai a, ak gug an patun fo taidam ηusuguai ak ago ilog isou man tia ya.

¹⁷ Man dugo, ηai tamolpein ηusuguai o Kristus idinag go ta ηupalu na ya. Tia, inη ηai bilalunη uyan ak ηabol ilasa wo idinag go ηupalu ya. Agod ru a ηabol ilasa na yan tamol sad kankan milaen ak lo ta ilasa na ya, agod kududod lo ru bulbal ak ηai dida ta minηenη na ya. Ata wo? Ru a Kristus san aigim niηen o tabol ilasa dan man dabai anda ya, kabelan ru sen ak ηabol ilasa dan lo aigim san dabai an nuηon igane ilasa san tia banau.

Kristus inη man Anut san dabai agod kankan milaen a

¹⁸ Man dugo, tamolpein ensauta a dideg diau dan inη ilod lo man, aigim san niηenη an ru niηeo igo wonη a. Ak man tamolpein ensauta a Anut patud ipasi wo urat igane dan, inηsad ilo sou lo man, aigim san niηenη an Anut san dabai mok. Agod id man nek tamolpein ama ya.

¹⁹ Ata wo? Awak aban ta Anut san buk lo yak igo ibol,

“ηai tamol a sad kankan milaen an inaned maηau daonη ηupani wa, agod kamanη tamol adi sad kankan uyanan an ηai sen gigin na ηigane wa.”

²⁰ Tamol kankan milaen ak dugon te imado di? Kubiaenη tamol dugon te imado

di? Tan en san kaman tamol ru uyan ak inijen dan dugon te imado dak i? Tamol naok amaiak in ka dubunawad ak i? An fidian tia ya, man dugo, Anut in tan en san tamolpein inaned kankan milmilae an, ru burau ak igo won iganeg ilasa ya.

²¹ Man dugo, Anut in sinan kankan milaen an lo inanen ilo girek igo ya. Tan en san tamolpein in siganed kankan milmilae an lo Anut dulon san tia ya. Tia, Anut ilon igo ibol dak man, ru burau a man mabol ilasa na yan lo mi, tamolpein ensauta a ru an ilod lo rumok an, patud ipasi a.

²² Juda adi kulob girager dile wo ilod ibol da, agod Juda tia yak adi man, kankan milaen ak aban an diabi da.

²³ Ak gug ru e man mufulale den man, Kristus aigim fo imat ak san ru. Ru en Juda adi ilod lo rumok san dal ifutani da, agod Juda tia yak adi ilod lo man, ru an ru burau ago dubol da.

²⁴ Ak man tamolpein ensauta a Anut igiai an, gidad in Juda adi, tia, in Juda tia yak adi, in dulon ak, Kristus man Anut san dabai, agod kankan milaen ak dam Anut san mi a.

²⁵ Man dugo, Anut san ilo sou burau man, tamolpein sad kankan milaen an irinani a. Agod mel dabai an tia yak Anut igane dan, tamol sad dabai irinani a.

²⁶ Teig taog, an sam wagin Anut ipanan an ninen o ilom isou. Tan en san tamolpein malad lo man, an lulanam lo manau tutubu amad da yan wei an tia ya. Tamol tutubu yak dilasag dumado dan dam wei an tia ya. Agod tamol yanad an da yak sad gugoi lo in nunod wei an tia dilasa ya.

²⁷ Ak gug Anut tamolpein a aenta sad leil lo njeo dubol dan ipilianaig, ate talpein a kankan milmilae an miai ipidinai a. Nek ago mi, in tamolpein dabai ad tia yak ipilianaig, ate tamolpein dabai ad da yan miai ipidinai a.

²⁸ Taida mi, melmel a tan en lo yanad tia yan, melmel a tamolpein patud dupidinai dak, agod melmel nek a ta dien na dan dam ipilianaig, an lo melmel a in dien mok dan mel kawan ak igo won idiraig dilasa ya.

²⁹ An lo man, talpein ta Anut naon na sen yan yan yabisa san tia ya.

³⁰ Anut in sen mi, an anem madok Jesus Kristus lo yan san fun mok a. Anut lou wei mi Kristus ipanig ate id ibinawad a. Kristus lo mi id kankan milaen ak amad da tilasag tumado da. Tamol a id idad go in jiliad an man Kristus mi a. In lo yak ninen o Anut malan lo id itaot, agod gun tilasag tumado da.

³¹ Fun an ninen o ru ta digire yan ago ibol da, "Talpein enti kagin ta ninen o sen yan yan yabisa wo igane tap, gidad imoip, in Anut mi yan yan yabisa wa."

2

Pol Kristus ninen o mi ibol ilasa ya

¹ Teig taog, saen nai an sam na nupalug Anut san ru nfulale panan man, nai kudodom lo ru bulbal ak lo ta ninijen na ya, agod ru kankan milaen ak lo ilasa na yan lo ilom ta ninjane na ya.

² Man fun dugo, nai ilo sou igo njigane ya, saen nai lulanam lo numado man, nai ru an fidian patug fo njigane ya. Ru Kristus ninen o, agod in sen aigim fo imat an dam, ru nek an mi nabol dugo alon a.

³ Nai an lulanam lo numado dugo tinig dabai an tia ya. An mi tia, nai narer dugo tubun mi nusuruwor se yan dam ale ya.

⁴ Taida mi, naisag ru agod bilalun nabol panan an man, ilom njigane san kankan milaen ak ate ta nabol go alon na ya. Tia, an sem ale alon ak, naisag ninen an Awan Urgun san dabai lo ilasa ya, man dugo, Awan Urgun inanen dabai kuai tem ikubiaig ale ya.

⁵ Nai ago njigane yan fun man, an anem ilo rumok san fun mok an tamol adi sad kankan milaen ak lo ta yen na wa. Tia, ilo rumok an Anut san dabai lo mi yen a.

Kankan milaen a Urgun san na ipalu yan san ru

⁶ Ak man tamolpein a Anut ninen o inaned manau milaen an lulanam lo man, rumok, ru a minijen dan kankan milaen ak lo ilasa da, amaiak dile dulon da. Ak gug kankan an man, saen e gamu tumado den san kankan milaen ak tia geig a, agod tan en san gurman adi sad kankan milaen ak, an dam tia ya. Man dugo, Anut in gurman adi saen gamu tumado den san igane itout o urat igane da.

⁷ Ak man kankan milaen a mañ kuai te migane ilasa dan man, gubak mi mianuk lo yen na ya. Kankan milaen an Anut wagam mok, saen tan en gamugo ilasa yan, inşinan ilo sou lo imiani a, agog saen milaen mok ante yen na ya. Man dugo, Anut fun lo mok tan gamugo ilasa dugo ilon igo yen a, mitep kankan milaen an id ipanad dop lo girager amad da tilasap tumado wa.

⁸ Kankan milaen naon en man tan en san gurman adi duloñ san tia ya. In kankan milaen an duloñ mok tap, kumaen panu san Tubun ak a girager anda yan, aigim fo ta dubali na wa.

⁹ Ak man ru ta gubak mi digire yan igo ibol a,

“Melmel a tamol malad nam ta dile na yan, kududod ta ilon na yan,

kitek ilo girek aman ta digane na yan, melmel an Anut ikubune lag dien da, an lo dop tamolpein a in niñen o dumat dan ipidinai a.”

¹⁰ Ak man melmel nek an Anut inşen Awan Urgun lo kuai te idirig tile ya.

Awan Urgun in mel fidian ikubiani da, an lo inşad bunun mok ilon uyanan a. In Anut san ilo girek nek a ilon lo kuror geig dien dan dam ikubiani fufe da.

¹¹ Ak dugo, tamolpein luluñad lo enti in talpein ta san ilo sou mok ka ilon ak i? Tia, talpein an inşinan ur mi a. Nek ago mi, talpein ta Anut san kankan ilon san tia ya, tia, Anut sinan Ur mi inşan kankan ka ilon a.

¹² Aria, ur ta tan en san id ta tiñane na ya, tia, Ur a Anut san na ipalu yan mi id tiñane ya. Anut Ur an ipanad a, an lo dop id ka binawek funfun a in kawan ipanad amaiak talon uyanan a.

¹³ Binawek wei mi amaiak niñen o mañ gamu miñiñeñ da. Ru a tamol sad kankan milaen ak ipiteñanama dan lo mañ ta miñiñeñ na da. Tia, ru a Awan Urgun ipiteñanama dan lo mi miñiñeñ da. An lo mañau nuñon a Anut kuai te igane ilasa panama yan, mañ ru Urgun ipanama yan nam san fun mok mufulale da.

¹⁴ Talpein a Urgun ilon lo tia yan, mañau nuñon a Anut san Ur san na ipalu dan ta inşane na da, man dugo, in ilon lo mañau an ru burau igo woñ ak ibol da. An lo man

mañau nuñon an ilon san tia ya. Man ata wo? Mañau an san fun mok niñen o ilon itarpasi san dabai man, Awan Urgun lo mi ilasa da.

¹⁵ Ak man talpein enti in Anut san Urgun aman da yan, in melmel fidian ikubianip, an lo inşaned fudi mok dam ka ilon uyanan a. Ak gug tamol sen ta Urgun ilon lo tia yan, talpein naok an ikubiani san ta idaisuda na ya.

¹⁶ Man dugo, profet Aisaia ago ibol, “Ak dugo, enti Anut ilon ilon pe

an lo in ka mañau ipiteñani wak i?”

Ak gug id Kristus anen mañau amad da ya, an niñen o nek ibol Kristus ilon isou dak igo woñ id dam ago ilod isou da.

3

Biatitek midaeñ ilod lo yan san ru

¹ Teig taog, saen ñai malmalan anşam na nupalu yan, tamolpein Urgun san ak igo an da tiñiñeñ san tia ya. Tia, an tan en san tamolpein igo woñ, nek ago mi ñai an da tiñiñeñ se ya. Man dugo, gidad an Kristus lo amado bo man, an nek ibol nanuk adi a inşaned tinadi gamu geig didiraisi ak igo woñ a.

² Fun an lo ñai gubak mi su mi nupanan aluk se ya, anañ dabai ak ta nupanan na ya. Ata wo, an anañ dabai ak ani san saen gamugo ilasa da. Agod ñai nliñan ak man ananem saen gamugo da.

³ Ananem kagin ta abileksa na da, tia, an tan en san tamolpein dida sam kagin naon kisaek a. Man dugo, an luluñam lo turak susak kagin, agod nug paek kagin yen da. Kagin naok ago yan man tan en san mi a. Amaiak niñen o an tan en san tamolpein sad kagin naok an mi agane da.

⁴ Man dugo, saen tamol ta an luluñam lo ibol, “Ñai Pol san,” ago dop ta ibol, “Ñai Apolos san,” an lo mañsama leil lo man an nek ibol tan en san tamolpein atutuñanai on da.

⁵ An dugo ilom isou di? Apolos in yanak anda yak i? Tia, ñai Pol yanag anda yak i? Mañ Anut san urat tamol mi a. In mañ anen anen mañanema urat ipanama ya, agod urat a migane yan lo an Kristus o ilom rumok a.

⁶ Njai ai patun n̄pae dugo Apolos you ipani da, ago gug Anut in̄sen mi kaginan igane dugo isag tubun a.

⁷ Amaiak nīnen o talpein enti ai patun ipae dan yānan tia ya, agod talpein enti ai patun you ipani dan, in̄ dam yānan tia ya, ago gug talpein enti a ai patun kagin an iganeg isa dan, nek in̄ mi yānan an da ya, agod an nek Anut mi a.

⁸ Tamol ai patun ipae dan, in̄ tamol ai patun you ipani dan da, ilod kisaek a. An nīnen o urat dugo dugo in̄ anen anen digane yan, atem Anut urat an naon ipidinai a.

⁹ Man dugo, mān man Anut san urat kisaek. An̄ man Anut san abi, agod an̄ man in̄san ab.

Midaen̄ san urat tamol in̄ ab bek igo won̄ a

¹⁰ Ilo panek e Anut n̄ai ipanag en lo man, n̄ai nek ibol ab bek tamol ikawil amag ak igo won̄ bag n̄gunaig dutur da. Agog tamol sen ak bag an fufo ab yabi da. Ak man ab bek tamol anek anek dugo won̄ ab a diabi dan nīnen o in̄ gidad kagin digane uyan a.

¹¹ Man dugo, talpein ta bag tamol sen ta iguni san tia ya. Tia, bag tamol n̄ai n̄guni lag itur da. Bag tamol an man Jesus Kristus mi a.

¹² Talpein ta bag an fufo na gol nam, tia, silva nam, tia, pat naon lak na geig ak nam, tia, ai nam, tia, gafurfur igosan nam, tia, ai roun nam ate ab yabi tap,

¹³ urat dugo man igane yan san bunun mok kuai isi wa. Man dugo, nal a ate Jesus imul ipalu wan ilasa wa, an lo dop urat naok dugo yak talpein an igane yan lilaman lo ilasa wa. Urat an san bunun mok an yai lo walal te ilasa wa. Yai an tamol anen anen sad urat ibitinae a, an uyan boi, tia, saian boi, kuai te ilasa dop tile wa.

¹⁴ Aria, talpein enti in̄anen ab isuse yan yai an lo itur sakar tap, Anut talpein an in̄anen urat naon itaot mok an ipani wa.

¹⁵ Ak gug talpein ta in̄anen ab yai lo inani yau tap, in̄anen urat igane yan naon ta in̄ane na wa. Ago bo man, talpein an in̄sen ta ideg na wa, tia geig a. Man dugo, Anut patun ipasi wa, nek ibol tamol ta tamol sen ak yai lo ideg o dan yabip yai lo ipasi wak igo won̄ a.

An̄ man Anut san ubou ab

¹⁶ An̄ an̄anem tinim man Anut san tempel, agod in̄anen Ur ilom lo imado dan, an̄ ta alōn na yak i?

¹⁷ Talpein ta Anut san tempel malan isue tap, Anut talpein an malan isue wa. Man dugo, ab Anut lo imado dan man gun geig a, agod ab an nek an̄sem mi a.

An̄ tamol nīnedi wo se pitianōi kagin agane amoi

¹⁸ An̄ sem ta irawan̄ na wa. An̄ lulūnam lo tamol ta, tan en san tamolpein dugo won̄ ilod isou dak iri panim, in̄ kankan milaen ak aman da ago ilon isou tap, in̄ gidad in̄anen ilo sou ibilisa wa. In̄ tan en san tamolpein sad leil lo tamol burau ak igo won̄ ilasa wa. An lo dop in̄ kankan milaen ak aman da ilasap imado wa.

¹⁹ Man dugo, Anut san leil lo man, tan en san tamolpein sad kankan milaen an n̄ineo igo won̄ a. Ru ta Anut san buk lo n̄aisag n̄inēn ibalsin̄ani da, ru an igo ibol, “Tamolpein in̄siganed rawek kagin lo mi diau disasaug Anut ibiai a.”

²⁰ Agod fon Anut san girek ibol, “Tubun en ilon̄ da, tamolpein kankan milaen ak amad da yan sad ilo sou man, ilo sou kawan a.”

²¹ Fun an nīnen o an̄ fon tamol adi nīnedi wo se pitianōi kagin ta agane na wa. Tia geig a. Mel fidian man an̄sami la ya.

²² An nīnen o man, Pol, Apolos agod Pita, in̄ dam nek an̄sami a. Tan en, tia, kumaen in̄ maten̄ da, an dam an̄sami a. Ago mi saen e lo gamu tumado den, agod saen a murnap ilasa wan dam an̄sami a. Rumok nūjon, mel nek en fidian an̄sam mi a.

²³ An lo an̄sem man Kristus san, agod Kristus dam Anut san.

4

Kristus san aposel adi

¹ Amaiak nīnen o an̄ mān igo aliama wa. Mān Kristus san urat tamol mi a, agod ru a gubak mi an Anut ilon lo imianuk a, gug gamu kuai te ilasa amaiak tamolpein murupidai dulōn san urat mān banima lo iganeg, kaginan migane da.

² Aria, an̄ alōn ak, saen urat taman ta in̄anen urat tamol adi urat amaiak banid lo

igane man, urat tamol an urat taman san leil lo urat an ninen o ta diyalis na wa, tia, in urut an kagin dupani uyanan a.

³ An niasag urat apipi ale tap, nai ilog ta weiwei na wa. Agod tan en san tamolpein inaned kot lo diginiag pe dibitiniag tap, an dam mel kawan a, agod an lo nai ilog ta weiwei na da. Rumok, nai dam seg ta ibitiniag na da.

⁴ Niasag urat walal te ya, agod urat ngane yan ninen o naineg kankan muruan ta ipanag na da. Ago bo man nai muruan amag tia yak ago ka nabol san tia ya. Tia, Tubun en mi naineg urat ibitinaep ile wa.

⁵ Amaiak ninen o, saen gamugo dop an imug mel ta bitinaek lo ta agane na wa. Tia, Tubun en imul ipalu san saen ilasa wan ninen o atitiani gup a. In melmel a gamu mianuk lo dien dugo tidom tubun ituanai dan, inanep idiraip kuai te ilalan lo dilasa wa, agod tamolpein sad ilo sou sed ilod lo dimianig yen dan dam inanep walal te igane wa. Saen an lo man, Anut mi tamol fidian anen anen insad urat dugo digane na yak atem ipitianai a.

⁶ Nai teig taog, nai melmel e ninen o ru nininjen den lo nai Apolos da mitilaen igo won aliama wa. An lo man nai Apolos da sama bunuma ale dan lo manau ananep an lo, ru e tamolpein dubol den san fun mok alon a. "Gidad ru dugo digire yan amaiak an ta abi-rinani na wa." An ago agane tap, aria, an urat tamol ta yan an abisa wak gug urat tamol sen ak ta yan an abi idu wo ago agane dan amoi.

⁷ Man dugo, on tamol, on pein, en ata wo on talpein sen ak rinani dak ago ilo isou di? Ata mel mok e gamu on tuo lo yen den, emaiak on gubak mi lou panek igo won ta nane na yak i? Aria, on mel an lou panek igo won nane tap, ata wo on se ipitiano da, nek ibol onsigane dabai nam nane yak igo won i?

⁸ Nag an Korint tamolpein, an mel fidian anjal go idaisuda la yak boi! Nag binawek funfun a Urgun ipan an dan ilom inanepute la yak boi! An kin adi igo won alasa la ya, agod an man mansama binawek lo tia yak boi! Nai ilog ibol dak an kin adi igo won alasa yan rumok a. Man dugo, an lo

dop man an da sisem kin adi igo won ka tumado wa.

⁹ Ata wo nai ago nabol ak i? Niasag leil lo man, man aposel adi nek ibol yu tamol a gugurut nam maten dile san kob dinane yak ago mi mumado da. An alon ak tamol in yu digane itout pe dumul dop, insad ager dinjal pe patud na dirau on dida diau dop lo tamolpein dal awan ananaem dutur dan ka dil a. Agop wagai lo nug dufuni san aben ante dilasap insed nug dufuni dop dumat a. Ru mitilaen an man aposel dam tou amam yabi da. Man nek mel ta senamo geig ak walal isip, an lo melmel fidian diliama san ago milasa ya, enel sad leil lo, agod tamol malad lo dam mi a.

¹⁰ Man aposel adi Kristus wagen lo burau tamol milasag mumado da, ak gug ansem mi Kristus lo amado dugo kankan milaen an da ya! Man tamol dabai am tia yak, gug an man dabai tinami a! An yan am diabisa da, ago gug man yanama diabi idu da!

¹¹ Mansama madok fun lo mumadog ipalug gamu mumado den man igo ya. Man anan o mamat dak, you o dam mamat da, agod mansama biou dam imasisire yau a. Man panu panu mator dugo saian dupanamag tinima dam dusue ditare na ya, agod aben ta ate yaes mabal san sasau ta yen man tia ya.

¹² Mansema banima nam urat wagai migane da. Saen tamolpein dumisilanama dan, man bar uyan ak mi mupidinai se ya. Saen muruan dupanama dan, muruan an misinip matur sakar se ya.

¹³ Saen man ninema wo uf digane dan, man ilo panek ru lo mi ru naon murupidai da. Man nek ibol tan en san nun samuk samuk igo ya, tia, ibol sas bod tinin te isuda yak igo ya. Tan en san tamolpein malad lo man gubak mi ago mumado se ya, agod gamu man insad ilo sou kisaek mi a.

¹⁴ Nai ru en ago ngire an lo an miai nupan an o tia, tia, nai kududom nabi dugo ru kagin nupan an da, nek ibol an naineg nanug muroug adi igo won a.

¹⁵ Gidad an Kristus lo yan titianek tamol wei mi amam da ya, ago bo man, an tamam wei an tia ya. Man dugo, ru uyanan a nurupai an go alon an lo man, nai ananem tamam Kristus lo yak igo nilasag numado da.

16 Fun an niŋen o aŋ ɲududuwaŋ da, ago dop aŋ ɲai atutuŋanag pe, aŋsam tutuŋanek tamol igo woŋ asodudunag ɲilasa wa. ɲaisag kagin naok naok an anek anek atem agam agane wa.

17 An niŋen o Timoti ɲidinig aŋsam na ipalu da, Kristus lo in ɲaisag nanug igo woŋ niŋen o ɲamat da. In Tubun en san urat niŋen o ilon dabai mok a. In ka ibinawaŋ dop, imug ɲai luluŋam lo ɲumado dugo, kagin naok naok a Kristus lo ɲigane na yan ilom isou da wa. Kagin a ɲigane na yan, in ru a aben fidian sad Kris midaeŋ kisaek kisaek atem ɲupiteŋanai na yan da, naon kisaek mi a.

18 Aŋ aenta man sem isodudunaŋ alasa dugo ru kawan tubun mi aŋiŋeŋ da, man dugo, aŋ ilom lo ɲai aŋsam na ta ɲupalu na wak ago abol da.

19 Ak gug Tubun en ilon ago yen tap, ɲai gugurut nam aŋsam na ɲupalu wa. Saen an lo, talpein a ɲiŋeŋ tutubun mi digane dan ɲukubianai ɲeil a. An mi tia, in sad dabai mok Anut san na diŋane boi an dam ɲile wa.

20 Man dugo Anut san kagin panek ilon lo man, ɲiŋeŋ tutubu yan in mel malan te yak tia ya, tia, mel malan te man Anut san dabai, tamol tinin lo mi yen da.

21 Dal dugon lo ɲai aŋsam na ɲupalu wo aŋ ilom ibol di? Ak dugo, bu ɲiŋaneŋ da ɲupalu wak i? Tia, ɲai ɲupalup ilo panek kagin, agod mos kagin dam ɲukubiaip ale wo ilom abol di?

5

Teim a jeit igane dan aŋsam midaeŋ lo akudi

1 Aŋ luluŋam lo aenta ru disinig ɲaisag na dupalug igo durupaiag, jeit kagin naok saian geig ak yen da. Agod gob adi luluŋad lo jeit kagin naok igo yak ta yen man tia ya. Ru ɲabol den fun igo ya, aŋ luluŋam lo tamol ta in inŋinan taman san iwon foun amaiak inaneŋ ida dien da.

2 Aŋ an alon bo man, aŋ sem ipitianaŋ da! Gidad aŋ ilom tubun mi ipapaop amado wa. Ago dop tamol a kagin ago igane dan akudip midaeŋ patun fo agane ilasap imado wa.

3 Gidad ɲai aŋ siŋirem na tia yak gug ɲaisag ur aŋ da amado da. Agod ɲai tamol

a kagin ago yak igane yan ɲukubiani la ya, nek ibol ɲai aŋ da tumado dak igo woŋ a.

4 ɲai ru kagin igo ɲupanaŋ da. Saen aŋ Tubun ak Jesus yaŋan lo apalu atumani dop ɲai ɲaineg ur lo aŋ da tumado dop, agod Tubun ak Jesus san dabai an aŋ luluŋam lo imado man,

5 tamol an Satan tuon lo aganep an lo inaneŋ tinin aupasek anda yak pitininek inane wa. Ago dop an lo Tubun en imul ipalu san nal lo tamol an san ur patun ipasi wa.

Aŋ aup aupasek adi ta aganurai na wa

6 Aŋ sesunoi kagin agane dan man ta uyan na ya. Yis kabelan in flawa tubun ak da you da atumanip yis an ifurak yau san urat yaup iganep anaŋ an fidian ikafut a, dugo, an ta alon na i?

7 An niŋen o aŋ gidad yis wagam ak abal yau a, an lo dop aŋ nek ibol anaŋ yis aman tia yak igo woŋ alasa wa. Aŋ nek ibol anaŋ naok ago yak igo woŋ an rumok a. Man dugo, Kristus man Anut yai digane pani an lo imat la ya, inŋen mi idsad Pasova san sipsip nanun id tani san mi a.

8 Amaiak niŋen o Pasova san soubul id kagin tupani wa. Ak man id yis wagam ak ta tani na wa, tia, yis an man ru mitilaen igo woŋ a, an siai kagin agod kagin saian geig ak dam mi a. Id soubul an san anaŋ yis aman tia yan tani wa, anaŋ an man, ru a ilon lo rawek ta yen na dan, agod kagin a idsad ilo rumok igane ilasa dan mi a.

9 ɲaisag girek imug en lo ɲai aŋ igo ɲurupaiaŋ da. Aŋ tamolpein jeit kagin tinadi ak siŋired na ta amado ator na wa.

10 ɲai tamolpein tan en lo sad madok saian ak niŋedi wo ta ɲabol na da. Tia, ɲai tamolpein naok igo amaiak niŋedi wo ilog isou da: tamolpein jeit kagin digane dak, a aenta sad melmel niŋedi wo inaneŋ kankan mala sek mi awan isa dak, a tamol gol ak dufup sad melmel digam dak, agod a tubud sewak yaŋad lo ubou dile da. Aŋ tamolpein naok ago yak abisawaip asau mi aup amado tap, aŋ tan en abisei pasik a.

11 ɲai gamu girek ɲigire en lo dugo ilog isou dan kuai tem ɲabol o da. Tamol ta in igo ibol, in ilo rumok tamol, ago gug in jeit san kagin igane da, tia dop, in tamol

malan sakar tinan, tia dop, in tamol tubud sewak ninedi wo ubou ile dan, tia dop, in lukluk san tamol, tia dop, in gumagam san, an tamol naok ago yak ta aganuri na wak, agod dida amasip anan ta ani na wa.

¹²⁻¹³ An dugo ilom isou di? Naisag urat en lo tamolpein a Kris midaen patun fo dumado dan kibianek lo nidirai ak i? Tia geig a. Anut mi tamolpein naok an ikubianaip yil a. Ak man an Kris midaen, an sam urat man tamolpein an siganem midaen ilon lo an mi akubianaip eil a. An Anut san girek ibol ago agane, “Tamol an luluam lo igane saian dan, akudip yau a.”

6

Tein inanen tein kot lo igane yan ninen Pol ipidai da

¹ Kagin e an luluam lo yen den uyan tia ya. Saen an sam midaen ilon lo talpein ta mel ta ninen o inanen turan ile saian dan, inaneg ida diaug midaen naod na muruan an ta dukubune na ya. Tia, in turan an inaneg kot lo yaug gob adi banid lo inaneg kot dupani a. Kagin naok an saian geig a.

² Id gun adi man, murnap tan en san tamolpein bitinaek lo tidirai a, an ta alon na i? An tan en san tamolpein akubianaip eil a. Fun an ninen o, enta wo an luluam lo mel tusan ak akubianip nek muruan an akubune san, an ta idaisuda na yak i?

³ Id enel adi dam bitinaek lo tidirai an an ta alon na i? An ninen o sapta taida dop id Kris idsad manau idaisuda wa, an lo idsad muruan tan en san man gamu ka tukubune wak i?

⁴ An ninen o nai igo nurupaian, gidad tamol midaen ilon lo yanad tia yak, an sam muruan tan en san ka bitinaek lo diganep dukubune wa.

⁵ Nai ago nabol an lo miai ka nupanan a. Ak dugo, an luluam lo tamol ta inanen kankan milaen ak idaisuda yan alep, lo in muruan a dugo ilasa dan ka ikubune san tia, an rumok ak i?

⁶ Tamol naok ago yan anane amoi a, tia, an sam kagin igo ya. Tein Kris ak ta inanen tein inaneg yaug kot lo igane da. An mi tia, ilod lo ta rumok na yan naod na an ago agane da!

⁷ An luluam lo tein ta inanen tein kot lo igane dan ninen o, kagin en kuai tem ikubiai ale da, Satan an ibian adu geig a. Dugo, on umoi dop onane tei muruan ipano tap, an saian ak i? Dugo, on ule funip onane tei onsa melmel igam o irawo tap, an saian ak i?

⁸ Ak gug an ago agane man amoi da. Tia, ansem tamolpein aenta arawaig insad melmel agam o agane da, agod dal sen ak lo dam agane saian da. An mi tia, kagin en ananem teim Kris ak lo dam agane da!

⁹ Tamolpein kagin sisaiak digane dan Anut san kagin panek aben lo diladu san tia ya, an ta alon na yak i? Mel en ninen o an sem ta irawan na wa. Tamolpein naok igo man kumaen panu dinane san tia ya: tamolpein jeit digane dan, tubud aenta ubou ad dile dan, a talpein sen ak iwon ida dien dan, tamol in tamol mi nug iwon on digane dan,

¹⁰ tia, gumagam adi, gidiged adi, lukluk tamol adi, a uf digane dan, agod a rawek lo gumagam kagin digane da. Tamolpein fidian a kagin ago digane dan, Anut san kagin panek dinanep paen na dumado san tia geig a.

¹¹ Agod an aenta tamolpein naok ago yak amado se ya. Ak man an suguek ananeg, Anut idiran go tamolpein gun ak alasa ya. Agod idsad Tubun ak Jesus Kristus yan an lo, agod idsad Anut inanen Ur lo dam, an Anut malan lo man itaotam alasag amado da.

Jeit kagin ninen asol au a

¹² An igo abol da, “Kagin dugon ninen o nhamat dan ago ka njigane wa.” An rumok, ak man kagin fidian ta dubunawan na wa. Nai dam njinen ago ka nabol a, mel dugo njigane wo ilog ibol dan ka njigane wa. Ak man nai njinen naok en ta njiganuri na wa, man dugo, kagin ta a saian an nai itirnag man nhamoi a.

¹³ An abol, “Anan man tinjed san, ago dugo tinjed man anan san.” Gug nai nurupaian da, Anut murnap tinjed in anan da sisem daon ipidinai a. Kabelan an jeit kagin an mel tusan nek ibol anan ani dak igo won ilom isou banau. Man dugo, Anut idaned tinid man jeit kagin san, ilon ago ta yen na ya, tia, idaned tinid san biabi man,

id Tubun ak san urat tiganeg tumado da. Ago dugo Tubun en idaned tinid kaginad iganeg imado da.

¹⁴ Anut inanen dabai lo Tubun en maten lo ifufunig kumaen imasag imado da. Nek ago mi id dam ifufunad pe kumaed tumasap tumado wa.

¹⁵ An tinimi anen anen man Kristus tinin san boi kisaek kisaek a, an an ta alon na yak i? Ago tap, nai Kristus tinin san boi ta kisaek ninanep jeit pein da nntumani wak i? Man tia geig a!

¹⁶ Tamol a jeit pein da dien dan, inaned tinidi an dutumanig kisaek a, an ta alon na yak i? Man dugo, Anut san ru lo igo ibol, "Tamol in pein da dutumanip tinid kisaek ilasap dumado wa."

¹⁷ Ak man talpein a Tubun en da dutumani dan, inanen ntun ilon lo man in Tubun en da bubed kisaek ilasag dumado da.

¹⁸ Fun an ninen o jeit kagin amoip asol au a. Ata wo? Aupasek naok aenta fidian a talpein igane dan man talpein an tinin patun fo dien da, an lo aupasek an inanen tinin ta issue na da. Ak man in a jeit igane dan inanen tinin malan issue da.

¹⁹ Ananem tinimi an man Awan Urgun san aben gun a, an ta alon na yak i? Anut inanen Ur iganeg ipalug an ilom lo imado da, an ninen o an tinimi an an sam tia ya.

²⁰ Anut nanun san maten lo idad injilian an naon tubun mok a, an ninen o an tinimi san kagin naok naok atem, Anut yan an abisap lak na geig asini wa.

7

Nug iwon nanek san pitenanek ru

¹ Girek naisag na aganeg ipalu yan lo, nai an mel ta lo ru kagin nupanen o abol a. Malmalan mok ago abol, tamol in pein ta inane nap kawan imado wa, an uyan ak i? Aria, nai ru naon igo nrupaian da. Rumok, tamol in pein inane wo imoi dop man an uyan a.

² Ak man gamu an sam taun lo jeit kagin ilasag tubun a, an lo tamolpein wei mi kagin an lo diau dudu da. An ninen o gidad tamol in iwon anda wak, agod pein dam in tamol anda wa.

³ Tamol in iwon da sisem dien dan uyan a. Tamol tinin an in san pein ipani wak, nek ago mi pein tinin dam in san tamol ipani wa.

⁴ Man dugo, pein in sen tinin in san mi man tia ya, tia, inanen tinin iwon tamol ak san. Nek ago mi tamol dam inanen tinin in san mi tia ya, tia, inanen tinin iwon pein ak san.

⁵ On iwo da aen o ta umoi na wa. Ak man saen on gudanek gane san saen ta piliani tap, an uyan ak on iwo da awam kisaek gup ago agane wa, ak man an saen katukan mi wa. Aria, saen isuda dop man fon atumani da wa. Man dugo, kabelan onane tini masak itirno dop lo Satan dal gane panip on ilo in anep jeit gane banau.

⁶ On pein nane wak nai ru dabai nam ago ta nrupaio na da. Tia, ak man on ilo man, pein nane wo ibol, nai awok nupano wa.

⁷ Nai iwog tia ya, ago yak ninen o tamolpein ilod lo rumok dan, nai nmado dak agom dumado wo namat da. Ak man fidian dal an lo ago dumado dan muruan mok a. Tamol kisaek kisaek, pein kisaek kisaek atem Anut dabai anen anen ipidinai da, talpein ta binawek naok ta inane dugo talpein sen ta binawek sen ak dam inane da.

⁸ Aria, an tamolpein a iwom tia yan, agod pein suos adi dam, sam na ru kagin en nrupaian da. An nek nai igo kawan amado dop man, an uyanan a.

⁹ Ak man in siganed ilodi ka ditirni san ta idaisuda na dop, gidad iwodi dusu wa. Kabelan in tinid tubun mok imasa banau.

¹⁰ An tamolpein iwom da yan ru kagin en nrupaian da. (Ru kagin en naisag tia ya, tia, Tubun en ru en o wagam mi ibol ilasa la ya.) Pein ta iwon tamol ak ta mok ibisei na wa.

¹¹ Ak man pein an iwon tamol ak ibisei tap man, in kawan imado yau a. Tia dop, fon imul yaup iwon tamol ak da dumado da wa. Ru kagin taidam igo nrupaian da, tamol dam iwon pein ak ta mok ibisei na wa.

¹² Aria, nai an aenta ru kagin igo nrupaian da. (Tubun en igo ta ibol na ya, an ninen o naisag igo nrupaian da.) Tamol Kris ak ta inanen iwon ilon rumok an tia, gug in tamol da dumado wo ilon ibol tap,

gidad pein an gob imado da, tamol an pein ta ibisei na wa.

¹³ Nek ago mi pein Kris ak ta tamol gob ak da dumado da, agog in pein da sisem dumado wo imat tap, pein an tamol ta ibisei na wa.

¹⁴ Man dugo, Anut malan lo pein e ilon lo rumok den gun imado da, agod an inanen iwon tamol ak ilon lo rumok tia yan ituani da, ata wo, tamol an inanen iwon pein ak ilo rumok anda yan ida dutumani a. Nek ago mi, pein a ilon lo rumok tia yan, inanen iwon tamol ak san ilo rumok an lo man, gun ilasag imado da. Ak kagin en igo tia tap, an pein tamol naom ago yan ananem nanuk adi in gob sad nanuk adi igo won dumado da. Ak man rumok, ananem nanuk adi ikok dumado dugo Anut anen muroun muroun dida dutumanig gun dumado da.

¹⁵ Ak man onane iwo ilon lo rumok tia yan ibisawo tap, gidad ulefunip in ka yau a. Saen kagin naok ago ilasa dan man, on tamol on pein ilo rumok a da yan ta isubano na da. Man dugo, Anut an maror lo mi amado wo igian a.

¹⁶ Ak dugo, on pein onane iwon tamol ak binawip in dam ilo rumok tamol ilasa wak boi, tia wak boi, an ulon ak i? Agod on tamol onane iwon pein ak binawip lo gob sad kagin ibiseip Kristus o ilon rumok ak boi, an ulon ak i?

¹⁷ Ak man gidad, an anen anen madok naon dugo yak a Anut ipilianig ipanan an, ate nek ago amado yau a. Man dugo, Anut an anen anen madok naok anen anen atem anane wo igian la ya. Ru kagin a naj midaen fidian ilod lo njansi dan man nek an mi a.

¹⁸ Ak dugo, tamol ta saen Anut iwagi dan inanen tinin sunulon dutute la yak tap, an gidad imoip ago ka yen a. Tia, Anut tamol ta iwagi gug tinin sunulon ta dutute na tap, in tinin sunulon dutute wo isumianai man imoi a.

¹⁹ Tini sunulon tutek an mel kawan a, tini sunulon tutek tia yak dam mel kawan a. On Anut san ru kagin fidian uri pani san man mel malan te ya.

²⁰ Aria, naj fon jurupaian da, saen Anut an igian man, an anen anen madok naon dugo yan ate amado dan, an anen anen nek ago amado yau a.

²¹ Saen Anut igian an an bigabeg amado dugo igian i? Ak man gidad, an ninen o ilom weiwei amoi. An Anut dal ikubiai panan dop an tamol bigabeg tia yak igo alasa wak tap, dal an ago ka agane wa.

²² Man dugo, tamol a bigabeg urat iganeg imado dugo Tubun ak iwagi an man, in Tubun en san tamol kawan igo imado itor da. Nek ago mi, tamol a kawan imado itor dugo Kristus iwagi an man, in Kristus san tamol bigabeg urat igane san a.

²³ Anut an idad injilian a, an naon man lak na geig a. An lo an Kristus san mi a, an ninen o kabelan tamol sen ak san bigabeg igo alasa banau.

²⁴ Aria, onane madok kagin naok naok dugo won lo mado utor dugo Anut igio yan, nek ago mi mado utor yau dop, Anut da nug turan igo won ago ka amado ator a.

Talpein a nug iwon nane kagin ru kagin irupidai a

²⁵ Naj gamu an sam sumianek tamolpein iwod tia yak lo agane dan naon ka jurupaian a. Tubun en ru kagin en jurupaian o ta ibol na ya. Tia, en naiseg ilog nam jurupaian da. An naiseg ru kagin ka anane wa, man dugo, Tubun en in naj ilon imunanag go manau uyanan ipanag en lo jubunawan a.

²⁶ Saen gamu lo tumado den muruan wei mi id sinired na ipalu yan ninen o, naj ilo sou igo njigane da, on iwo tia mado tap, an uyan a.

²⁷ On iwo nane la i? Ago tap, kudi dop iwo tia mado wo gane umoi. Tia, on iwo tia mado di? Ago tap, on iwo ta nane wo aban ule umoi.

²⁸ Ak man on kawan madop iwo nane tap, an aupasek tia ya. Agod kubakan ta iwon inane tap, an dam aupasek tia ya. Gug tan en lo tamolpein a iwodi dinane dan muruan wei mi dile wa, an ninen o naj ilog ibol dak man, muruan naok an an injinan a.

²⁹ Teig taog, naj igo ilog isou da. Tan en san saen katukan mi a. An ninen o gamu agod nal murna san fidian, tamol ensauta a iwod da yan, nek ibol tamol a iwod tiag dumado dak igo won, ago dumado wa.

³⁰ A tina aru digane dan, nek ibol tamolpein a tina aru ta digane na dak igo

won, ago dumado wa. A ilo uyan lo dumado dan, nek ibol in ilod muruan dak igo won ago dumado wa. A mel ta didad dinane dan, nek ibol mel an insad tia yan ninen o in diabi yau san tia yak igo won, ago dumado wa.

³¹ Agod a tan en san melmel urat dupidinai dan, nek ibol tamolpein a tan en san mala bulbal inaned bube ta isubani na dak igo won, ago dumado wa. Man ata wo? Tan e gamu tile den fidian itout o sumeik da.

³² Nai an ilo weiwei amam da amado wo ilog ta ibol na da. Tamol a iwon tia yan in Tubun ak san urat kagin ipani da, agod dal dugon lo in ka Tubun en ilo uyan ipani san ninen o mi ilon isou da.

³³ Ak man tamol iwon anda man, tan en san kagin naon irae da, an ninen o dal dugon lo inanen iwon ilo uyan ipani san ninen o ilon isou da.

³⁴ Fun an ninen o inanen ilo sou lo gilek yen da. Pein ta a iwon an tia yak ta, tia, kubakan a Tubun ak san urat kagin ipani san saen anda yak ta boi, kob ate yau o ilon ibol dak igo ya, in tinin nutun fidian lo inanen Tubun ak san ilobol iganuri wo ilon tubun mi yen da. Ak man pein a iwon anda yan inanen ilo sou an senamo ya, dal dugon lo inanen tamol ka ilo uyan ipani wo yaes ifuni da.

³⁵ Nai an nsubana in o ilog ta yen na da, tia, nubunawan o ru ago nurupaian da. Nai ilog man, an kagin uyan ak lo amado dop, ananem tini ganei Tubun en lo man nek itaot yen a.

³⁶ Aria, tamol enti kubakan ta nien dupani an, gamugo inane dak gug, inanen ilo sou lo kagin a kubakan an lo igane dan ta uyan na dugo, kubakan an in tamol inane wak san saen kitekan irinani la ya, ago dugo tamol an ilon lo ikubiani ak man, kubakan an inane wak ago ilon isou tap, aria, ilon dugo ibol dan ago ka igane wa. In au ta ipas na da, uraru an ka nug dinanep nug iwon dumado wa.

³⁷ Ak man tamol an tamolpein sen ak ta disoduduni na dugo, inanen ilo sou dabaig, inanen ilo masak dam itirni fufei da, agod kubakan an ta inane na wak gug inanen nie panek pein igo won imado yau o ilon ibol tap, an dam uyanan a.

³⁸ Amaiak ninen o tamol enti kubakan nien dupani an inanen iwon igo inane dan, kagin uyanan igane da. Ak man tamol enti kubakan an iwon igo inane wo imoi dan, in dam kagin nen uyanan ak igane da.

³⁹ Pein a tamol anda yan, Anut san kubian isubanig, saen inanen tamol gamugo imat dugo, in san tamol ibiseip tamol foun ak ta inane na wa. Ak man saen dumado yau nap tamol ak imat tap, pein an in ilon yen dan ago mi tamol foun ak ka inane wa. Ak man in tamol enti a Kristus san an mi ka inane wa.

⁴⁰ Ago gug nai igo ilog isou da. Pein an imoi kawan imado tap man, nen ilon uyanan a. Taida mi, nai igo ilog isou da, nai dam Anut anen Awan Ur amag da ya, an ninen o in nai ulum ag yabi dugo nai ru kagin en nurupaian a.

8

Mudan a tubud sewak yai digane pidinai dan san ru

¹ Aria, nai gamu mudan a tamolpein tubud sewak adi yai digane pidinai dan ninen o nabol alon a. An igo abol da, "Id fidian manau amad da ya." Awo, id fidian talon man ru an ru rumok a. Aria, talpein a manau anda yan sen ipitiani wa. Ak man talpein a Anut anen tamolpein ninedi wo ilon ipidinai dan, inaned ilo rumok dabai ipani wa.

² Tamol a inanen manau ninen o ikawil an ago ibol dan, ninen naok an lo mel en kuai tem ilasag yen dugo tile da, inanen manau gamugo tubun a. An lo man manau naok a tamol an yabi wo Anut ilon ibol dan, an in ilon lo man katukan go ago yen da.

³ Ak man tamol a Anut ilon ipani dan, in tamol an ilon fufei da.

⁴ An gubak mi mudan a tubud sewak sad ai pat mitilaedi yai digane pidinai an ka ani san ninen o asumianag a, aria, gamu ru naon nurupaian da. Rumok, id fidian talon uyan ak, tubud ai pat mitilaedi man tan en lo mel nunon an tia ya. Taida mi id talon ak, Anut kisaek o lian in mi rumok imado da.

⁵ Mel wei mi a tamolpein "tubud" dubol dan, tan na boi, tia keit lo boi dumado dak ago tan en san tamolpein ilod lo rumok

da. (Rumok, tamolpein mel wei mi “tubud” dubol da, ago dugo in mel wei mi dam “tubun ak” dubol dak ago talon a.)

⁶ Ak man gidad, id Kris adi talon man, Anut mok imado dan in kisaek o lian a. In mi id Tamad, in mi mel fidian idiri a, agod id ilo uyan tupani wo kumaed dumado da. Taida mi, idsad Tubun ak kisaek mi a, an man Jesus Kristus. Inanen tuon lo mel fidian dilasag dumado da, inanen dabai lo dam id tumado yau da.

⁷ Ak man manau naok e ninen o nabol den, Kris fidian ilod lo ta yen na da. Man dugo, Kris aenta ilod isou yau dak man, tubud ai pat mitilaedi in mel rumok ak mi a, ata wo, gubak mi in gob adi sad tamol kagin diri se ya. Amaiak ninen o saen mudan a tubud sewak ai pat mitilaedi yai digane pidinai an diani man, “mudan en tubud aenta san,” ago ilod isou da. Ilo itarpasi man tia ya, an lo inaned kankan ilon lo kagin uyan ak, kagin saian ak dibiatai o muruan geig a, an ninen o inaned kankan nun anda ilasag yen dan ago dukubiani da.

⁸ Ak man anan dugon tani dan ninen o Anut ta ipitianad na wa. Id ta tani na tap, mel uyan ak ta irinanad man tia ya, nek ago mi, id tani tap, mel uyan ak taidam tinane san tia ya.

⁹ An ansem pilianek agane san idaisuda ya, ak man kagin agane wa, kabelan pilianek agane dan, tamol a ilod itarpasi an tia yan sad ilo rumok an apitinini banau.

¹⁰ Ak dugo, talpein ta ilon ta itarpasi na yan, on a manau lak na geig ama da yan, tubud ai pat mitilaedi san tempel ilon lo masig mudan wani dugo ilio yak man, in dugo ilon isou wak i? Kagin e on gane den lo talpein an ilon yabisap, an lo in dam mudan a tubud sewak yai digane dupani dan yani wa.

¹¹ Agop onane tei e ilon ta itarpasi na yan, onane manau lak na geig ak lo on tei an pitinini da, ak man Kristus talpein nek emaiak dam ibinawi wo imat a.

¹² Dal an lo onane tei ilon ta itarpasi na yan san kankan malan sue da. Saen on muruan naok e pani den, aupasek gane da, agod Kristus lo dam aupasek gane da.

¹³ An ninen o anan ta e nani den teig iganep aupasek lo yau idu tap, gidad an

mudan boi, tia, anan sen ak boi, nai anan naok an nani namoi a. Man dugo, nai ilog igo yen da, kagin e niganen den lo talpein sen ak ta yau idu na wa.

9

Binawek naok dugo aposel adi dinjane san in idaisuda ya

¹ Ak dugo, nai seg ilog nam nator san tia i? Dugo, nai aposel tia yak i? Dugo, naiseg malag nam idsad Tubun ak Jesus ta nile na yak i? Ak dugo, an ilo rumok adi naisag urat wagai Tubun en ninen o niganen na yan nunon ansem mi yak, an ta ale na i?

² An alon uyanan ak, mel an fidian rumok a. Gidad tamolpein sen ak sad ilo sou lo nai aposel tia ago dubol da, an man ago abol san tia geig a. Man dugo, Tubun ak ipilianag go nai aposel ta nilasag numado yan san kob man, nek ansem mi a.

³ Tamolpein a nai bitinaek lo diginiag o ilod ibol dan, gamu ru naon igo lo seg itargiranag san nurupidai da.

⁴ Man aposel iloma ibol tap, an man pat apanamap ate madad pe mani maluk dop mumado wo malama ka migane wa. Binawek naok a minjane san man idaisuda ya.

⁵ Nek ago mi, man iwoma ilod lo rumok an ka manal pe dadi mator dop urat migane wa. Aposel aenta ago digane da, Pita ago igane dak, agod Jesus sen tein muroun dam ago digane da. Ak dugo, man mi ago migane san ta idaisuda na i?

⁶ Tia dugo, nai Banabas da, nek ibol aposel aenta igo won tia ya, mansema mi banima nam urat migane wak ago abol di?

⁷ Ak dugo, yu tamol ta in wagai san urat igane dan, insinan moni sen ipani dak i? Ak dugo, enti inanen abi lo ai patun ipae da, ago gup anan a yani wan imoi ak i? Ak dugo, enti bilelek kagin ipidinai dan, bilelek an sad su iluk san imoi ak i?

⁸ Ak dugo, dag ru milaen mi e nabol den, tan en san tamolpein inaned kankan lo ilasag nininen dak ago ilom isou dak i? Ak man Moses san kubiaen an lo ru naok kisaek ibol da.

⁹ Kubiaen an lo ru emaiak e digireg yen da, “Saen makau wit fufo ila iso dop metmet ikak yau o ipartitale dop, on makau

awan ta wafutani na wa.” Ak dugo, Anut ru an nam makau mi ninen o kagin ipani dak ago ilom isou di?

¹⁰ Dugo, id ibinawad o in ru an irupaiad da, an rumok ak i? Awo, in id ninjed o ilon isou se ya, an lo Moses kankan ipanig in kubiaen lo ru an igire ya. Fun ata wo Anut ago ilon isou se yak i? Talpein enti anan ipae dan, agod talpein enti anan nunon ituteg inane dan, in sisem anan naon a murnap diñane san ninen o malad digane da, an mi ka diñane wa.

¹¹ Man an luluñam lo kumaen panu san ai patun wei mok mupae se ya, an rumok tap, dugo, an kulob an naon, tan en san melmel lo abinawama wo malama migane dan ninen muruan ifunan di?

¹² Tamol aenta an luluñam lo in sad urat ninen o naon diñane san idaisuda tap, binawek naon kisaek miñane san ninen man idaisuda geig a! Ru e ñurupaian den, rumok i? Tia i? An akubianip ale wa.

Ak man man gubak mi an binawek naok an apanama wo ta musumianan na ya. Rumok, binawek an apanama san dabai man da ya, gug miñane man mamoi a. Ata wo? Man iloma man, mansema mi muruan fidian misini wa, an lo dop Kristus anen bilalun uyan ak tamolpein murupidaip du lo san dal ta mufou na wa.

¹³ Tamol ensauta a tempel ilon lo urat digane dan, in sad anan man, anan a tamolpein disinig Anut dupani wo tempel lo dupalu dan aenta diñane da, an ta alon na i? Agod a alta fo mudan dumari idu dan, in mudan an aenta sed ninjed wo ka disinip diani wa.

¹⁴ Dal nek ago mi, Tubun en ru dabai anda yak nam igo irupaiad a, tamolpein a bilalun uyan ak dufulale dan, inaned urat naon man tamolpein a dibinawai dan dupidinai a.

¹⁵ Ak man ñaineg urat naon inane man namoi da. Taida mi, ñaisag ru e ñigire yen igo asuti dop an lo ñaineg urat naon apanag o ta ñigire na da. Tia, kagin e ñigane den, emaiak ninen o ñai ka seg ipitianag a, an ninen o talpein ta kagin an ipasi yau o man, ñai ilog tubun geig imoi da. Man dugo, urat naon ago apanag o tap, gidad ñai ñamat gup.

¹⁶ Ak man gidad, ñai ru Kristus ninen o yan tamolpein ñurupidaip du lo gup, ñai sen ka seg ipitianag san man tia geig a. Ata wo? Jesus sen ñai ago ñigane wo irupaiag a. In awan ñabi wa, tia tap, muruan tubun geig inane wa!

¹⁷ Ñai seg ilog nam inanen ru ñabol ilasa dak ago tap, rumok, ñaisag urat naon ñaisag na ipalup inane wa. Gug seg ilog nam urat an ta ñigane na da. Tia, dugo mok ñigane dak i? Mala nouk a saen Kristus urat en banig lo igane dugo, tinin ilon lo yen dan mi, nunon igane wo ñai ago ñigane da.

¹⁸ Ago yan lo ñaisag urat naon ata mel i? Saen ñai Kristus ninen o tamolpein naod na ñufulale dan, naon tia kawan ñupidinaip in ka du lo a, nek an mi a. An lo dop ñai ka dabai a lo ñaisag urat naon inane wan, sen gigin na ñiganep ago ka yen a.

Pol man tamolpein fidian sad urat bigabeg a

¹⁹ Ñai tamol ta san urat bigabeg tia ya, an lo seg ilog nam ñator dugo kawan ñumado da. Ago bo man ñai seg iginiag tamolpein fidian sad urat bigabeg ñilasag ñumado da. Ata wo? Idaisuda tap, tamolpein wei geig ilod inane ñañal pe Kristus san na mau a.

²⁰ Juda adi malad lo ñai Juda tamol igo won ñilasag ñumado ya, ata wo, Juda aenta Kristus o ka ñañal a. Ñai Moses san kubiaen paen na ta ñumado na da, ago bo man tamolpein a Moses san kubiaen paen na dumado dan ñañal san ninen o, seg iginiag go kubiaen paen na ñumado dak igo ñilasa ya.

²¹ Nek ago mi, saen ñai gob adi dadi mumado dan, nek ibol tamol ta Moses san kubiaen in lo tiag imado dak igo won, ago ñai ñumado da. Ago dop an lo ñai gob aenta ka ñañal a. (Ak man ñai Anut san kubiaen ag tia yak ago ta ñumado na da, tia, kubiaen a ñai paen na ñumado dan man Kristus awan aban mi a.)

²² Agod tamolpein a inaned ilo rumok dabai an tia yan malad lo, ñai tamol naok ago yak tamolpein amaiak aenta ñañal o ñilasag ñumado ya. Tamolpein naok sen ak fidian malad lo man, ñai inaned kagin anek anek ñagam inane ya. Man ata wo?

Idaisuda tap, dal fidian n̄ibitinaep an lo tamolpein an aenta patud n̄upasi wa.

²³ Kagin en fidian bilaluŋ uyan ak faŋan lo n̄igane da, ata wo, murnap bar a fidian bilaluŋ uyan amaiak idiraip dilasa wan lo n̄ututou wo ilog ago yen da.

An naon uyan ak anane wo tinim afunip amaspalu wa

²⁴ Aloŋ, kukok tubun ak idu dop lo tamol fidian dumaspalu wa, ago gup tamol kisaek mi in̄ imug yaup geg fo isudap naon mel in̄ane wa. Nek ago mi ananem madok tan na yak lo, an̄ fidian tinim afunip ago ka amaspalu wa, ago dop man an̄ anek anek atem Anut naon ipanaŋ a.

²⁵ Saen tamolpein kukok an lo naon diŋane wo ilod yen tap, in̄ piteŋanek wagai diganep lo tinid sakar ak, aria, an lo in̄sed tinid dam kagin dupani uyanan dop, tubun mi dumaspalu wa. Ago dop in̄ geg fo disudap naon diŋane wa. Ak man naon an man, ai rouk igo kabuŋad fo dukudi wa, agod an milaen tiap ikurŋak yau a. Ak man id Kris adi idsed tinid piteŋanek uyanan tupani wa, ago dop id naon ta a pempem ikurŋak yau san tia yan tinane wa.

²⁶ Nai n̄aiseg tinig piteŋanek uyanan n̄upani da. An lo nai n̄aloŋ uyan ak, nai tamol imaspalug dal yapitilig yau dak igo woŋ tia ya, tia, nai nek ibol tamol ta nug dufuni dugo, banin kawan ifu yau na yak ago dam tia ya.

²⁷ Tia, nai seg tinig en n̄ufuni da, an lo dop tinig en dabai ka n̄upani wa. Nai tinig en nek ibol n̄aisag urat pinein igo woŋ, nai ilog ibol dan ago tinig awa yabek igane wa. Kabelan nai tamolpein aenta Anut san ru n̄ufulep duloŋ gup, kukok tubun an san taman ipaiag pe ikudag n̄au dop n̄aineŋ naon n̄inane san tia banau.

10

Bitinaek funfun niŋen o kagin agane

¹ Teig taog, nai ilog ibol dak an̄ mel en ilom isou a. Saen maŋanema tubum bagem fidian wagam tan kawan ak ate dutor dila duso se man, timtaen kisaek ituanaig ibar-giranai se ya, agod in̄ fidian Anut in̄al go, beig igileg awan sensen yen dugo, titin̄aem dudug diau a.

² Fun an niŋen o idsad ilo sou man, nek ibol id Kris suguek tinaneg Kristus da tutumanig tumado dak igo woŋ, tubum bagma timtaen an lo, agod beig lo dam, suguek diŋane dugo, Moses da dutumanig dumado na ya.

³ Saen an lo in̄ fidian sisem kumaen panu san anaŋ diani dugo,

⁴ kumaen panu san you dam duluk se ya. Man dugo, in̄ fidian pat tubun ak a kumaen panu lo yak ipalu yan, dida tureŋ diabi na ya. Ago dugo you a pat an lo ibanai na yan lo duluk se ya. Agod pat an man nek Kristus.

⁵ Ago bo man, Anut tamolpein an wei mi niŋedi wo ta imat se na ya. Ago tag tan kawan ak ate dumat na yan, in̄aned kisedi an gidigheid dien se ya.

⁶ Kulob en wagam mi mok ilasa bo man, tinanou igo Anut isurnai dilasa panad dugo, id teil pe tarer a. Anut ilon man, id nek ibol in̄ digane yak igo woŋ tia ya, id ilod imasap kagin saiak tigane san niŋen o ilod bulbal an, dal nek an lo yabitanad a.

⁷ Tamolpein an aenta tubud sewak mitaedi a ai pat nam digane yan naod na ubou dile se ya, gug an̄ ago ta agane na wa. An niŋen o ru ta Anut san buk lo igo ibol, “Tamolpein dumasig diani duluk na gug, dumasa dutur go gidigheid dukok ila iso da.”

⁸ Agod jeit kagin agane amoi. Saen an lo tamolpein aenta ago diganeg, nal an lo mi Anut tamolpein 23,000 ifug dumat a.

⁹ Agod dam, id Anut tusoduduni dop, in̄anen dabai nam mel ilod ibol ak ago igane panad o ta tigane na wa. Tamolpein an aenta Anut ago dibitinae dugo, mot wagai ak idirai dilasag dirataig dumat a.

¹⁰ Taida mi, an̄ an̄urŋur dan amoi. Tamolpein an aenta duŋurŋur se ya, an lo dugo eŋel ta daoŋ panek san ak idug tamolpein amaiak ifug dumat a.

¹¹ Mel en fidian tamolpein an fo dilasa san fun man, tinanou naok naok amaiak id tile dop kagin tigane wa. Ru kulob a fidian niŋedi wo yan buk lo wagam mi digire ya. Ata wo? Mel saiak saiak a dilasag muruan dupidinai na yan, id tusutip tile dop, kankan uyan ak dupanad a. Saen e gamu tumado den lo man, saen a lo mel

fidian diau dutout an sumeik a. An niñen id kagin saiak ago yak tigane man Anut imoi a.

¹² Ago yan lo, oñ utur sakar dan ago ilo isou dop man, kagin gane wa, kabelan oñ udup udeg wau banau.

¹³ Oñ lo bitinaek fidian ilasa dan senamo geig man tia ya, tia, bitinaek naon kisaek an mi dam tamolpein fidian lo ilasa da. Anut kagin ipano wa. Oñ bitinaek dugo oñ lo ilasa dan ka sini san idaisuda wa. Man dugo, oñane dabai dugo wonj ate bitinaek naok an sayani san ilonj uyanan da, an niñen o in bitinaek ta oñane dabai an irinani san amaiak oñ lo ilasa wo yabituani wa. Agod saen bitinaek ta oñ lo ipalu tap, dal ta lo oñ usol wau o ikubiai pano wa, an lo dop bitinaek an lo utur sakar pe mado wa.

Anut mi ubou an ale dop tubud aenta patum apidinai

¹⁴ Nai turag muroug, fun an niñen o an tubud ai pat mitilaedi ubou ad ale amoi.

¹⁵ An tamolpein kankan am da ya. An niñen o ansem mi ru e nrupaian den ka akubianip ale wa.

¹⁶ Saen id pasa tinane dan, gab a tinanep niñen o Anut ilo uyan san bar tupani gup lo taluk dan man, idsad lukluk lo Kristus san dar an lo tututou da. Agod bret a tafutep tani dan man, idsad nuaen lo Kristus tinin an lo tututou da.

¹⁷ Bret a tafutep tani dan kisaek a. Gidad id wei mi bo man, id tinid fidian Kristus tinin da tutumanig tinid kisaek tilasag tumado ya, man dugo, bret kisaek o lian an id fidian sisem tani da.

¹⁸ An fon Isrel tamolpein sad kagin ilom isou. In Anut anan yayi digane pani an wadan ka diani wa. Saen in ago digane dop, in sed tinidi an alta amaiak san Anut da dutumanip kisaek dilasa wa. An alonj la yak an rumok a.

¹⁹ Ak dugo, anan a tubud ai pat mitilaedi yayi digane pidinai dan, in mel tubun ak ago nabol dak i? Tia dugo, ai pat tubud mitilaedi man, in mel rumok ak ago nabol di? Tia geig a.

²⁰ Ak man an gidad mel en alonj uyanan a. Saen gob adi in tubud ai pat mitilaedi an yayi digane pidinai dan, Anut in sad ubou ta inane na da, tia, ur saiak saiak amaiak mi

ubou an diñane da. Amaiak niñen o tubud ai pat mitilaedi sad ubou leil niñen o sen alasa wa. Ananem tinimi ur sisaiak dida atumanip kisaek mi alasa man nai namoi geig a.

²¹ An Tubun ak san gab lo, agod ur sisaiak sad gab lo dam aluk dop, muruan ta arinani san tia ya. Nek ago mi, an Tubun ak san tebol fo, agod ur sisaiak sad tebol fo dam atutou dop, muruan ta arinani wak, an dam ago agane san tia ya.

²² Ak dugo, idsad kagin nam Anut tiganep ilon imasap turak susak igane wak i? Tia dugo, idaned tuod inanen tuon irinani dak i?

Kagin fidian agane dan, Anut ilo uyan apani wo ago agane wa

²³ An imug igo abol, “Mel dugo niñen o namat dan ago ka niganane wa.” Awo, an rumok a, ak man mel a fidian nai ka niganane wan luluñad lo mel wei mi lou amad tia ya. Rumok, an ilom ibol dak ago ka agane wa, ak man kagin an aenta ananem ilo rumok dabai ipani san tia ya.

²⁴ An niñen o ru en aganuri wa. Talpein inanen madok mi uyan ilasa wo urat ta igane na wa. Tia, tamolpein aenta ilo uyan ipidinai o urat igane wa.

²⁵ Aria, mudan a didaen aben na diganeg yen dan niñen o igo nabol da, an ka adad pe ani wa. Ilom ta weiwei na dop kankan saian ak fidian mudan an niñen o abal yau a. Gidad mudan naok an didaen tamol dugot na diñane yan, fun alonj o asumianai san urat ta ipanan na wa.

²⁶ Man dugo, tan en Tubun ak san, agod mel tan en lo yen den dam fidian in san mi a.

²⁷ An niñen talpein ta igiop in san ab lo anan wani wo wau dop, awan wabi wo ilo ibol tap, oñ gidad in san anan a ikubuneg nao na igansi an ka wani wa. Oñ anan an niñen ilo ta weiwei dop, an tubud sewak adi sadi ak ubol pe, fun ulonj o sumiaek ta gane na wa.

²⁸ Ak man saen talpein ta ibol, “Mudan en tubud sewak adi yayi digane pidinai a,” ago ibol tap, an wani umoi. Agop an lo oñ talpein an binawi dop inanen kankan dam ta kubuli na wa.

²⁹ Oṅane kankan kubuli wo ago ṅabol man tia ya. Oṅ uloṅ la yak, mudan an muruan ipano san tia ya. ṅai mudan naok en ṅani san ṅinen o igo ilog isou da: ata wo tamol sen ak kankan saian anda yan, ṅai isubanag pe ilog ibol dak ago ṅigane san tia yak i?

³⁰ Saen ṅai ṅunuaeṅ dan, bubeg lo Anut o ilo uyan ru ṅupani da, an ṅinen o ṅai kankan uyan ak amag da anaṅ an ṅani da. Aria, ata wo talpein ta, mel a ṅinen o ṅai Anut ilo uyan ru ṅupani dan ṅinen o uf igane panag dak i? Kagin naok an fun an tia ya.

³¹ Ago yak ṅinen o, oṅ anaṅ wani boi, tia, you uluk boi, tia, dugo dugo gane dan, aenta malad lo Anut iṅanen girager ganep tubun mi ilasa wo kagin an fidian gane wa.

³² Gidad tamolpein ta iṅ Juda boi, tia, Juda tia boi, tia, Anut anen midaeṅ, oṅ mel ta ganep an lo iṅ lulunad lo talpein kisaek ta yau idu na wa.

³³ Kulob fidian a ṅigane dan lo, tamolpein fidian ilo uyan ṅupidinai o ṅibitinae da. Man dugo, ṅaineg kumaen tan en san an kagin ṅupani wo urat wagai ta ṅigane na da, tia, ṅaisag urat funfun lo wagai ṅiganep tamolpein fidian ṅibinawai o ṅibitinae da.

11

¹ An ṅinen o ṅai Kristus san kagin ṅagam ṅiṅane ya. Nek ago mi aṅ dam ṅaisag kagin agam aṅane wa.

Kagin uyan ak ubou leil lo ya

² Nai aṅ ṅipitianṅ da, man dugo, ṅaisag kagin naok naok fidian aṅ pempem ilom isou da, agod piteṅanek funfun a gubak mi aṅ banim lo ṅidiri an aṅal go, gamu dam abiai dabai dugo, ari apani uyanan da.

³ Nai ilog ibol dak mel en aloṅ uyanan a. Tamol fidian sad gurman man Kristus, pein san gurman man iṅanen tamol, agod Kristus san gurman man Anut.

⁴ An ṅinen o saen tamol ta iṅ kabuṅan ituanig imado dugo gudanek igane dan, kagin an lo iṅsan tamol gurman Kristus miai ipani da. Nek ago mi iṅ kabuṅan

ituanig imado dugo profet ru ibol ilasa dak tap, dal an lo dam Kristus miai ipani da.

⁵ Agod saen pein ta iṅ kabuṅan kawan* gudanek igane da, tia, kabuṅan kawan profet ru ibol ilasa dak tap, iṅ iwon tamol ak miai ipani da. Ago igane tap man pein an nek ibol gurman roun didawi yaup an lo miai dupani wak igo woṅ a.†

⁶ An ṅinen o pein ta kabuṅan ituani imoi tap, gidad iṅanen gurman roun an itute yau a. Ak man pein an gurman idawi yau an miai ifuni tap, an ṅinen o gidad iṅ kabuṅan ituani wa.

⁷ Tamol iṅ kabuṅan ta ituani na wa. Man dugo, iṅ Anut san nao ṅanek tamol, agod Anut san girager ikubiai ilasa da. Ago gug pein man iwon tamol ak san girager an ikubiai ilasa da.

⁸ Man dugo, Anut pein iṅaneg ate tamol ta igane na ya. Tia, iṅ tamol tinin iṅaneg ate pein igane ya.

⁹ Agod fon, iṅ tamol iganeg pein san binawek imado wo ago ta igane na ya. Tia, iṅ pein iganeg tamol san binawek igo imado da.

¹⁰ Pein iṅ iwon tamol ak paen na imado da, an ṅinen iṅ kabuṅan ituanip ate ikubiai dile wak iṅ iwon tamol ak paen na imado da. Kagin ago igane dop, an lo eṅel adi dam ilo uyan ipidinai a.

¹¹ Ak man saen id Tubun ak san dal tiri dan, pein sen kisaek mi ta itor imado na da, nek ago mi tamol dam sen kisaek mi ta itor imado na da. Tia, pein iṅ tamol da sisem nug dubunawip dumado wa.

¹² Man dugo, wagam mok pein iṅ tamol tinin aenta lo ilasa ya. Ak man gamu tamol iṅ pein tinin lo ilasa da. Agod pein iṅ tamol da sisem Anut banin lo dilasag dumado da, man dugo, iṅ mel fidian idirai a.

¹³ Aṅ aṅsem mel en abitinaep ale wa. Ak dugo, pein ta kabuṅan kawan malak malak Anut igudani tap, an uyan ak i?

¹⁴ Tamolpein aenta kagin a ilod lo uyan dubol dan, an dam ago ipiteṅanad da. Man dugo, iṅaned ilo sou lo, tamol ta gurman roun milaen mi tap, an iṅsen miai ipani da.

* **11:5:** Grik sad tamol kagin lo man, pein iwod ad da yan yamel misilas san ak ate kabuṅad dutuani gup, malak malak lo dutor a. † **11:5:** Grik sad tamol kagin lo man, pein iwon an da yak jeit kagin igane dan, iṅ gurman roun didawi yau a, an lo dop pein an malak malak miai dupani wa.

15 Ak man saen pein gurman roun mi-laen mi idu yau dop man, an mel ta sijnakan san mi a. Man dugo, inanen gurman roun man, kabunan ituani wo Anut iganeg ipani a.

16 Ak man an lulunam lo talpein ta ru kagin e njurupaian den ninen man da nug mupei tap, gidad talpein an mel en ilon uyan a, man kagin naon senamo ak ta mabi na da. Agod Anut san midaeñ aenta fidian dam ago mi digane da.

Tubun ak san anan tani san ru

Mat 26:26-29; Mak 14:22-25; Luk 22:14-20

17 Gamu nai ru kagin taidam njurupaian o da. Ak man ananem kagin naok naok a ninedi wo nabol dan ninen o nai npitianañ san tia ya. Man dugo, saen an atumani man ananem kagin saiak saiak a agane dan, kagin uyan ak agane dan irinani da.

18 Malmalan talpein ru naok igo irupaiañ go nalon a. Saen an midaeñ fidian mi apalu atumani dan, an lulunam lo gilek sensen dien da. An nag kitek rumok ago ilog rumok da.

19 Mel en nai ninen o ta ilog uraru na ya, pempem Anut san midaeñ lulunad lo gilek aenta dilasap yen a. Man dugo, kagin naok en lo kuai tem tile wak, enti an lulunam lo Anut ipitiani da, agod enti dam ninen o ilon saian da.

20 Kulob a ninen o nabol dan igo ya. Saen an Tubun ak san anan ani wo apalug atumani man, anan a ani dan Tubun ak san anan mok tia ya.

21 Man dugo, tamolpein a gamugo dupalu yan an aenta ta atitiani na da, tia, an anen anen ansganem anan silei nam anig itout a. Talpein ta anan tia imado yan imatigen a, ago dop aenta lukluk tinadi a.

22 Ak dugo, an ansganem ab lo ani aluk dop amado san tia i? Tia dugo, an Anut san midaeñ an mel kawan ak ilom isou di? Tia dugo, talpein a anan ad tia yan miai apidinai o ilom ibol di? Nai ansganem kagin ninen o dugo nabol o? Dugo, an npitianañ o? Tia geig a!

Jesus in bret agod wain da inaneñ megeloum ipidinai a

23 Dugo dugo tiganep, pasa tani taluk san dal man njurupaian la ya, Tubun ak sen kagin an ikubiai panag a. Tubun ak Jesus, tidom a lo ager banid lo digane yan, bret inane yabig,

24 Anut ilo uyan ru ipani la gug, yafuteg igo ibol, "Bret en naineñ tinig, nai an ninemi wo niganeg idu ya. An igo agane dop nai ilom isou."

25 Nek ago mi, anan diani itout gug gab inane yabig igo ibol, "Gab en man kontrak foun naisag dar lo ya. Saen en aluk dop nai ilom isou."

26 Man dugo, saen dugo dugo an bret en ani dop, gab en lo aluk dop, an Tubun ak san maten ninen abol ilasa dop yaup saen in imul ipalu wa.

27 An ninen o man, talpein a kankan tia yak igo bret yani, tia, gab lo iluk dan, Tubun ak tinin, inanen dar an dam ninedi wo aupasek igane da.

28 Fun an ninen o talpein sen ikubiani ile la gup, murna bret yanip gab lo iluk a.

29 Man dugo, talpein ta imug ilon igirep Tubun ak tinin ta ile ilon na tap, yani iluk dan lo in sen tinin fo muruan tubun ak igane isuda wa.

30 An ninen o an lulunam lo tamolpein aenta dabai amad tia ya, aenta subam ifu da, agod aenta dumat la ya.

31 Ak man id imug sed ikubianad tile tap, Kristus bitinaek lo ta idirad na wa.

32 Gug an mel en alon uyan a. Rumok, idsad Tubun ak bitinaek lo idirad dugo bu ipanad da. Ak man in id kududod yabi wo ago igane da, an lo dop saen in tan en san tamolpein daon ipidinai dan te id in dida itumanad pe sisem ipitininad san tia ya.

33 Nai teig taog, fun an ninen o kagin igo ari wa. Saen an anan ani wo apalup atumani man, gidad nug atitiani sisem anan ani wa.

34 Talpein ta imatigen saian tap, gidad imug in sinan ab lo anan yani gup ipalu wa. An lo dop ananem tumanek san nunon man, Anut ibitiniñ pe muruan ipanani san tia wa.

Aria, saen nai ansgan na npalu man ru kagin aenta dam njurupaian a.

12

Urgun lou panek iwae panad da

¹ Njai teig taog, an Awan Urgun san binawek ipanad dan ninen o anjaonj man njai ilog ta ibol na da.

² Anj alonj ak, saen anj wagam gob amado yan, anjanem tamol kagin wagam an naom diraeg an lo tubud sewak adi a awad tia yan sad ubou ale se ya. Ago yan lo ur saian saian an anj dijilanj go kagin uyan tia yan naon sensen dukubiai ale na ya.

³ Amaiak ninen o njai njurupaianj da. Talpein ta Anut anen Urgun lo Jesus imisilani san tia ya. Nek ago mi, talpein a igo ibol dan, "Jesus inj Tubun ak," tamol amaiak Awan Urgun lo mi injinanj da. Man dugo, ur saiak ta ago ibol ilasa san tia ya.

⁴ Aria, Awan Urgun tamol anen anen atem lou panek naon sensen ipidinai da. Ak man Awan Urgun e binawek en iwae pidinai den man kisaek a.

⁵ Nek ago mi id anen anen atem dal wei mi sensen lo Tubun ak o urat ka tigane wa, ak man Tubun ak e injsan urat tigane den man kisaek a.

⁶ Taida mi, Anut tamolpein anen anen biabi binawek naon sensen ipidinai da, ak man Anut e tamolpein fidian ilod lo binawek en idirai dilasa den man kisaek a.

⁷ Aria, Awan Urgun tuon man id tinid ilon lo walal isi dugo tile da. Ak man inj id anen anen atem dabai naon senamo ak ipanad da, an lo man id anen anen dabai a tinjaneg tabi dan urat tupani wa, ago dop an lo id fidian sisem uyan tinjane wa.

⁸ Urgun san dabai log, talpein ta ru kankan milaen anda yak injane dugo, Urgun naon kisaek an lo mi, talpein sen ak ru manjau anda yak injane da.

⁹ Ta Urgun anen dabai lo ilo rumok tubun ak injane dugo, ta Urgun kisaek mi lo subam adi ikubunia san dabai injane da.

¹⁰ Ta kulob girager naok naok igane san dabai injane dugo, ta profet ru ibol ilasa san dabai injane da. Ta ilon lo ur uyan ak ur saian ak itarpasai san dabai injane dugo, ta tamolpein sen ak sad muroud ru lo injinanj san dabai injane da. Agod ta inj muroun ru naok ago yan ilonj dugo fun ibol ilasa san dabai injane da.

¹¹ Lou panek emaiak fidian man Urgun kisaek mi ipanad da, agod en injsen ilon ibol dak ate mi tamol kisaek kisaek iwae pidinai da.

Tinik kisaek mi, gug tinik san boi wei mi a

¹² Tamol tinin kisaek a, ak man injsan njien, banin, tinin aenta dam fidian wei a. Agod tinin aenta an fidian dutumanig tinin kisaek mi ilasag yen da. Kristus dam nek ago ya.

¹³ Man dugo, id fidian Ur kisaek mi nam suguek tinjaneg, an lo tutumanig tinik kisaek tilasag tumado da. Gidad id aenta Juda, tia, aenta Juda tia yak, aenta urat bigabeg adi, aenta kawan tumado tator da, Anut id fidian Urgun kisaek mi lo taluk o ipanad a.

¹⁴ Aria, tinid boi kisaek man tia ya, tia, tinid man boi wei mi a.

¹⁵ Ak dugo, njai njieg igo ibol, "Njai banig tia ya, an ninen o njai tinig en san boi tia ya," ago ibol tap, rumok, inj tinik an injanen boi mok tia i?

¹⁶ Tia dugo, kududo dam igo ibol, "Njai malag tia ya, an ninen o njai tinig en san boi tia ya," ago ibol tap, rumok, inj tinin an injanen turan mok tia i?

¹⁷ Tia, tinik an fidian malak mi tap, an ninen o dugo wonj ru ilonj ak i? Tia, tinik an fidian kududok mi tap, dugo wonj mumalun iwen ilonj ak i?

¹⁸ Ak man rumok, Anut injanen ilon yen ak iri panim, tinid san boi anen anen atem injaned abed kisaek kisaek ipidinaig dien yau a.

¹⁹ An ninen o tinid an gigin kisaek mi yen tap, tinid an nujon tia ya.

²⁰ Amaiak ninen o tinid anen boi wei mi a, ak man fidian dutumanig tinid kisaek ilasag yen da.

²¹ Malad inj banid irupe, "Njai onj njamoi a," ago ibol san tia ya. Nek ago mi kabunjad dam inj njied irupe, "Njai onj njamoi a," ago ibol san tia ya.

²² Tia, tinid sad boi aenta a dabai an tia yak tabol dan, injsad urat tubun geig a, an lo tinid boi boi an ta dien na tap, tinid an imat a.

²³ Tinid aenta man tile uyan san tia ya, an ninen o tamol inj tinin an damag ipani

da. Damag nam ibalfutani da, ago dop san leil man uyanan a. Agod tinid aenta man malak malak tile san tia ya, an niñen o in imiani uyanan da.

²⁴ Ak man talpein tinin a leil lo uyanan an in damag ta ipidinai na da. Man dugo, dal an lo Anut tinid sad boi fidian itumanai a, tinid sad boi a leil lo uyan tia yan, yanjad tisini da.

²⁵ Anut kulob ago igane yan lo, gilek ta tinid lo yan ta yen na wa, an lo dop tinid sad boi fidian nug kagin dupani uyan a.

²⁶ Fun an niñen o saen tinin aenta an kisaek madai ile tap, tinin aenta dam muruan naon kisaek an disini wa. Agod fon talpein tinin ta kisaek niñen o ilon uyan tap, tinin aenta an fidian ilod uyan a.

²⁷ Aria, an fidian man Kristus tinin, agod inanen tinin san boi fidian man ansem mi a.

²⁸ An lo man tamolpein fidian Kristus san midaen ilon lo mi urat digane wa. Agod Anut urat tamol naon sensen itarpasai da. Malan te mok in aposel adi ipilianai a, agod tinin te profet adi ipilianai a. Uraru an tinin te man girek manau adi, an patun fo man talpein a kulob girager urat digane dan, an patun fo talpein a subam dupasi yau san dabai ad da yan, talpein a tamolpein aenta dibinawai san dabai diñane yan, tulek tamol adi, tia, pein tulek san dabai diñane yan, agod murna geig man, talpein a tamolpein sen ak sad muroun ru ka diñinen a, ak man ru an fun ta dulon na wa.

²⁹ Ak dugo, talpein Kris ak fidian aposel adi ak i? Tia, an fidian profet adi ak i? Tia, an fidian girek manau i? Tia, an fidian kulob girager ka digane wak i?

³⁰ Tia dugo, an fidian subam digane itout san dabai diñane yak i? Tia, an fidian muroun ru sensen ak fun ta dulon na yan lo ka diñinen ak i? Tia, an fidian ru naok ago yan san fun ka dulon pe dubol ilasa wak i? Tia geig a.

³¹ Bar en fidian uyanan a, ago gug aenta uyanan geig a. An niñen o an tinim n̄utum lo bar a aenta diriñanai dan anjal pe urat ipidinai san niñen o yaes ifunan a.

Aria, nai gamu an kagin dugon in uyanan geig ak agane san nukubiaip ale wa.

13

¹ Nai tamol in enel da sad balek sensen lo niñen ka niñane wa, ak man nai ilo panek ag tia yak tap, nai nek ibol liliñan tubun ak tamolpein kududod lo uyan tia yak, tia, dou ta a tamol isue saian dugo liliñan kawan ilasa yau dak igo won a.

² Nai profet ru ka n̄abol a, agod mel mi-anuk ak fidian fud n̄alon uyan a, agod taida mi nai manau fidian amag da ya, agod naisag ilo rumok lo mi n̄abol pe tan bubun ta isuk yaup asau mi itur a, ak man nai ilo panek amag tia yak tap, nai tamol kawan mi a.

³ Nai naisag filiañ an nuwaep tamolpein a melmel amad tia yak diñane wa, agod nai tinig en ager banid lo niñanep yañ lo dimiriag a, ak man nai ilo panek amag tia tap, urat naon taidam niñane san tia ya.

⁴ Ilo panek kagin in muruan fidian isini da, agod ilo panek kagin dam tamolpein fidian ilon imunanai da. Ilo panek kagin in malan ta isi na da, sen ta ipitiani na da, agod sen yanjan ta yabisa na da.

⁵ Ilo panek kagin in kagin naok saian ak ta igane na da, in sen mi wo ilo sou ta igane na da, in ririan ilon imasap ta tiñan saian na wa, in muruan a tamolpein dupani an ta ilon isou na da.

⁶ Ilo panek kagin san leil lo man, kagin saiak an ta bulbal na ya, tia, ru a rumok an niñen o mi uyasusai iganep imado da.

⁷ Ilo panek kagin man pempem aenta ibargiranai dugo, pempem ilon lo rumok da, agod pempem mala nouk imado dugo, pempem muruan lo itur sakar da.

⁸ Ilo panek kagin pempem yen da, itout yau san tia ya. Ak man tamolpein gamu profet ru dubol ilasa bo man, murnap profet ru an itout yau a. Gamu talpein aenta tamolpein sen ak sad muroun ru lo diñinen dak gug fun ta dulon na da, ak man murnap kagin an itout yau a. Agod gamu aenta Urgun san dabai lo in manau amad da ya, ak man murnap lou panek an itout yau a.

⁹ Man dugo, gamu idsad manau ta idaisuda na ya, an lo id talon ak man kitek

Ilo panek an mel malan te ya

uyan a. Taida mi, id profet ru mi kitek ka tabol ilasa wa.

¹⁰ Ak man murna dop saen nal a lo mel fidian itaotan dilasap yen dan ipalu man, kagin a kitek itaot an fidian ditout diau a.

¹¹ Saen ηai nanuk tusag man, ηai nanuk igo won ηiηiηeη se ya. Agod ηai nanuk igo won ilo sou ηigane dugo ilog igire se ya. Ak man saen ηai tamol tubug man, ηai nanuk sad kagin ηigane se yan fidian patug ηupani a.

¹² Gamu man id ka abanη kitek tile da, nek ibol tig siηaokan tia yak lo mitilaen kuai te ta tile na dak igo won a. Ak man murna dop id Anut da nug naon tupanip nug tile wa. Gamu ηai maηau kititik amag da ya, ak man murna dop ηaisag maηau Anut niηen o man idaisuda wa, nek ibol Anut sen ηai ilonη uyanan ak igo won a.

¹³ Ago yak niηen o mel utol en dien diau da, ilo rumok, mala nouk, agod ilo panek. Ak gug mel utol en lulunad lo ilo panek mi iη malan te ya.

14

Profet ru iη balek sensen ak da

¹ Anη ilo panek san dal mi ari apani wa. Ak man anη dam urat wagai agane dop Awan Urgun san dabai lo binawek sensen ipanaη an anηane wa. Ak man mel malan te man anη Anut asumiani dop, profet ru abol ilasa san dabai ka ipanaη a.

² Man dugo, talpein ta tamolpein sen ak sad muroun ru lo iηiηeη dak gug, fun ta ilonη na dan, iη tamolpein aenta ta irupidai na da, tia, iη Anut mi irupeī da. Rumok, tamolpein ru an fun ta dulonη na da, man dugo, iηanen ur nam melmel a mianuk lo dien dan mi ibol ilasa da.

³ Ak man, tamolpein ensauta a profet ru dubol ilasa dan, tamolpein aenta durupidai dulonη da, an lo dop dabai dupidinaip, ilod diabisa dop didiraip bubed maror anda dumado wa.

⁴ Talpein iη balek naon sen ak lo, ru fun ta ilonη na yak lo iηiηeη dan, iη mi sen ibinawi da. Ak man talpein a iηsinan muroun ru lo profet ru ibol ilasa dan, iη midaeη an fidian ibinawai dugo iηaned dabai nen igane isuda yau da.

⁵ Rumok, anη anen anen balek ru sensen ak lo ka anηiηeη o ηai ilog ibol da. Ak man gidad, ηai ilog tubun geig ibol dak anη fidian ka profet ru abol ilasa wa. Talpein enti profet ru ibol ilasa dan, iη talpein a balek sensen ak ate iηiηeη dan iriηani da. Ak man talpein balek sen ak lo iηiηeη dop fun dam ifulalep tamolpein kuai tem dulonη tap, iη talpein a profet ru ibol ilasa dan da naon kisaek a, man dugo, iη dam midaeη fidian dabai ipidinai da.

⁶ Aria, teig taog, ηai anηsam na ηupalup balek ru sen ak lo mi ηiηiηeη dop alonη tap, kagin an dugo won ibinawaη ak i? Ak man ηai mel ta ηionamin lo Anut ikubiai panag an, tia, maηau foun ak ta, tia, profet ru ta, tia, ru ta maηau ipiteηanaη dan ηupanaη tap, kagin an mi nuηon anda ya.

⁷ Anη melmel e kumaed tia en, dum boi, tia, digadug boi, liliηan digane ilasa dan niηedi wo ilom isou wa. Talpein iη digadug ibali saian dop man digadug san liliηan talonη uyan san tia ya, ago dop liliηan an tamolpein ditari san unηaon ipidinai a.

⁸ Tia, talpein ta iη ager san dou bilaluη issue wa, ak man iη bilaluη issue saian tap, enti iη wagai yau san tawaη iganep imado wak i?

⁹ Nek ago mi, saen onη balek ru fun ta ulonη na yak lo ηiηeη tap, en dugo won tamolpein onηane ru a ubol ilasa dan fun dulonη ak i? Onηane ru an nuηon tia wa.

¹⁰ Rumok, tan en lo man muroun ru wei mi dien da, ak man muroun ru fidian an lulunad lo ta kisaek iη fun an tia yak ta yen na da.

¹¹ Ago yan lo, gidad talpein ta muroun ru lo iηiηeη da, ak gug ru e ibol den fun ta ηiηane na tap, iηsan leil lo ηai nek ibol tamol gol ak igo ηumado da, agod iη dam ηaisag leil lo tamol gol ak igo won imado da.

¹² Anηanem tumanek lo kagin naok ago yan dam yen da. Amaiak niηen o ηurupaiaη da, anη fidian ilom tinim imasag, Urgun san lou panek anηane wo ilom tubun mi ibol dan niηen o, lou panek a anηanem midaeη dibinawaip dabai ad da dumado wan mi anηanep, tinim iηanefute wo maeg aganep anηane wa.

¹³ Fun an niηen o talpein iηsan ηiηeη fun ta ilonη na yak lo iηiηeη tap, gidad iη Anut

isumiani dop ru fun ilonj pe ibol ilasa san dabai an ipani wa.

¹⁴ Man dugo, naj balek ru sen an fun ta njalonj na yak lo njugudani tap, najneg njutug mi igudani da, ak gug najneg kankan an nujon an tia ya.

¹⁵ An ninen o en dugo tigane wak i? Saen ta man najsinag ur san ilobol fom gudanek njigane wa. Agod saen ta man najsinag ilo sou lo mi gudanek njigane wa. Nek ago mi, saen ta man najsinag ur san ilobol fom bar najbi wa, agod saen ta man najsinag ilo sou lo mi ru njalonj ak lo bar najbi wa.

¹⁶ Ak dugo, onj balek ru sen ak fun ta ulonj na yak lo Anut yanjan wabisa dak tap, talpein a onsa midaenj lo gamugo iladu dan, onsa gudanek an dugo ibinawi wak i? Inj onsa gudanek ilonj pe “rumok” ago ibol san tia ya, man dugo, gudanek a gane dan fun ilonj san tia ya.

¹⁷ Rumok, dag onj Anut yanjan wabisap ilo uyan pani uyan da, ak man onj talpein en ta binawi na da.

¹⁸ Naj Anut ilo uyan ru njupani da, man dugo, dabai a Anut ipanag an lo naj balek sen ak ate njinjenj dan, dabai a anj kagin kisaek an mi agane wo ipananj an irinjani da.

¹⁹ Ak man gidad, saen naj tumanek lo njumado tap, najsag ru en tamolpein aenta ipitenjanai o njamat da. Fun an ninen o gidad naj ru wei an tia tamolpein dulonj uyan san an mi njufulale dop inj dulonj a, kabelan balek ta lo naj ru wei mi njinjenj dop inj dinjon banau.

²⁰ Teig taog, anj nanuk igo wonj ilom ago isou yau dan amoi a. Anj nek ibol nanuk adi kagin saiak digane san ta dulonj uyan na yak igo, anj dam kagin naok an lo unjon am amado wa. Anjanem kankan lo man, anj nek tamol busumak igo wonj amado.

²¹ Aisaia san girek lo tamolpein a Anut awan duparsisali se yan ninedi wo irupaiad da. Anut igo ibol,

“Tamolpein balek sensen dinjenj dan lo, agod tamolpein gol ak awad lo dam, najneg tamolpein ru njurupidai a.

Ak man gidad naj ago njigane bo man, inj naj awag ta diabi na wa.”

²² An ninen o, balek sen ak tamolpein fun ta dulonj na yan lo dinjenj dan, Anut tuon

kuai tem kob ta ilo rumok adi kulob an ta ikubiai pidinai na da, tia, kulob an man tamolpein a ilod lo ta rumok na yan injsad mi a. Ak man, profet ru an ilo rumok an tia yak injsad man tia ya, tia, profet ru an ilo rumok adi injsad mi a.

²³ Amaiak ninen o, saen midaenj dutu- mani man, tamolpein ilod lo rumok tia yak boi, tia, tamolpein manjan tutubun tia yan boi, inj tumanek lo diladu dugo, anjam balek lo ru fun ta dulonj na yak ate anjenj dop dulonj tap, inj ilod lo anj njinjenj burau agane dak ago dubol a.

²⁴ Ak man saen anj fidian profet ru abol ilasa dugo talpein ta patun fo yak anjam tumanek lo ipalu tap, ru fidian e ilonj den ilon issue dop inj kuai tem ile wak inj aupasek tamol.

²⁵ Agod mel a buben ilon lo imianuk an fidian dutufulal pe walal te dien dop ile wa. An ninen o inj yau idup Anut ubou an ile dop igo ibol, “Rumok, Anut anj da amado da!”

²⁶ Naj teig taog, gamu anjanem tumanek lo kagin uyanan agane san ninen igo njurupaianj da. Anj anek anek atem mel ka agane wa. Tamol ta inj bar injane ipalu wa, tamol ta inj pitenjanek ibol ilasa wa, tamol ta inj Anut san na ru ilonj pe tamolpein irupidai dulonj a, tamol ta inj balek ru fun ta ilonj na yan lo injinjenj ilasa wa, agod tamol sen ak injsan ru an fun ibileksa da wa. Anj kagin nek an anjam midaenj dabai ipidinai o mi agane wa.

²⁷ Saen anj lulunjam lo tamolpein aenta ru fun ta dulonj na yak lo dinjenj tap man, gidad amoip talpein uraru boi, tia, utol boi, ago ka dinjenj a, subunan taida man tia wa. Agod inj sisem ta dinjenj na wa, tia, ta imug injinjenj yaup itout gup, tinin te ta ibol ilasap, ago iri iri wa. Taida mi, talpein sen ak injsad ru ibileksa san dam imado wa.

²⁸ Ak man talpein ta inj atna ru ibileksa san tia tap, inj tumanek lo ta dinjenj na wa. Inj Anut da ka dinjenj ak, agod nek injsed ilod lo mi dinjenj a.

²⁹ Aria, saen profet adi midaenj durup- idai dop man inj uraru boi, tia, utol boi ago dinjenj a. Ago dop tamolpein aenta man kududod mi dugurep ru dubol ilasa dan dukubianip dile uyan a.

³⁰ Ak man saen Anut n̄in̄eṅ ta tamol siṅire na yan ikubiai panip ibol ilasa tap, talpein a imug in̄in̄eṅ an imoip awan itau kisaek oṅ dop, tamol neinta an ka in̄in̄eṅ ilasa wa.

³¹ Man dugo, aṅ fidian ka profet ru abol ilasa wa, ak man kisaek imug in̄in̄eṅ itout gup, fon sen ta in̄in̄eṅ da wa. Dal en lo aṅanem tamolpein fidian piten̄anek uyanan diṅane dop, bubed yabisap dumado wa.

³² Kabelan aṅ ilom lo tamol Anut awan ilon dan ririan ru ibol ilasa dak ago abol banau, ago tia ya. Man dugo, Anut anen profet adi dabai ipidinai an lo in̄sed n̄tudi ka ditirni wa. An n̄in̄eṅ o in̄ Anut awan dulon an ilod lo yen yaup in̄aned saen ilasa dan te gup, ru an tumanek lo dubol ilasa wa.

³³ Man dugo, Anut man in̄ sun̄jek san Anut tia ya, tia, in̄ maror san mi a.

³⁴ An̄sam tumanek lo pein n̄in̄eṅ ta digane na wa. Man dugo, kagin naok ago yak panu panu midaeṅ aenta lo ago digane yau da. Man in̄ tumanek lo diṅin̄eṅ man mamoi a. An n̄in̄eṅ o nek ibol kubiaeṅ ibol ak ago, in̄ iwod tamol ak paed na mi dumado wa.

³⁵ Agod in̄ mel ta n̄in̄eṅ o dumat pe dusumiai tap, in̄ dumul ab lo diau gup iwod tamol ak dusumianai dop ru an fun durupidaip dulon a. Man dugo, saen pein ta tumanek lo malak malak in̄in̄eṅ tap, in̄sen miai ipani da.

³⁶ Ak dugo, aṅanem tumanek in̄ aben a dugon te Anut san ru imug ilasa ya, an rumok ak i? Tia dugo, Anut san ru panu panu aenta lo ta yau na ya, tia, an̄sam na mi yau a, an rumok ak i?

³⁷ Talpein ta in̄ ilon lo in̄sen profet ak ibol, tia, in̄ ilon lo Awan Urgun lo bar dabai ak in̄ane ibol tap, in̄ gidad mel en ile ilon pe ilon kisaek a, ru e n̄ai n̄gireg an̄sam na n̄iganep ipalu wo den man Tubun ak awan n̄gire da.

³⁸ Ak man talpein an ru e n̄gire den n̄in̄eṅ o ikikai tap, an n̄in̄eṅ o saen in̄sen in̄in̄eṅ man aṅ kududom ta agure na wa.

³⁹ Aria, mel en n̄in̄eṅ o n̄ai ru wadan n̄rupaian̄ da. Aṅ ilom tinim imasap profet ru abol ilasa wan n̄in̄eṅ o tubun mi amat a. Agod tamolpein aenta balek ru fun ta dulon na dan lo diṅin̄eṅ san aṅ ta apadau na wa.

⁴⁰ Ak man mel fidian agane dan aṅ kagin itaot agod kagin uyanan ak lo mi agane wa.

15

Kristus imat go fon kumaen imasa da ya

¹ N̄ai teig taog, gamu n̄ai bilaluṅ uyan ak e imug n̄abol alon en n̄in̄eṅ ilo sou n̄upanaṅ o n̄amat da. Bilaluṅ uyan en aṅ banim afulaleg aṅane dugo bag an fufo aṅanem madok Kris ak aganeg dabai anda yen da.

² Aṅ ru a gubak mi n̄fulale panaṅ an mi abi sakar tap, bilaluṅ uyan en lo Anut patum ipasip in̄ilian̄ a. Aṅ ru an fidian abi yau dak i? Tia dop, aṅanem ilo rumok an kawan a.

³ Mel fidian n̄ai kududog ilon an n̄aisag leil lo malan te ya, an n̄in̄eṅ o n̄ai mel tutubu yan fidian aṅ n̄rupaian̄ a. N̄ai igo n̄abol a. Ru ta Anut san buk lo yen dan iri panim, Kristus idsad aupasek isuas o imat a.

⁴ Agog in̄ disareg nal utol yau gug fon Anut mateṅ lo ifufuni yabisag kumaen ilasa da ya. Agod an dam ru ta Anut san buk lo yen dan iri panim nuṅon ilasa ya.

⁵ Agog malmalan Pita naon na walal isi a, agog tinin te megeloum 12 an naod na dam kuai tem ilasa ya.

⁶ Agog murna in̄ fon walal isig malak malak dile ya, atna ilo rumok adi in̄ dile yan sad sutek 500 iriṅani a. Tamol a in̄ dile yan kisaek kisaek dumat la ya, ak man wei mi gamu dumado yau da.

⁷ Murnag Jems san na ilasa ya, agog fon aposel fidian sad na dam ilasa ya.

⁸ Agog murna geig man n̄aisag na ilasa ya. N̄ai man nek ibol nanuk foun gamugo dugo tinan ririan igansi ak igo won̄ a, ago bo man Jesus sen ikubiai n̄ile ya.

⁹ Man dugo, n̄ai Kristus san aposel aenta lulun̄ad lo yan̄ag tia ya, agod n̄ai yan̄ag aposel dubol dan ta idaisuda na ya. Man dugo, n̄ai Anut anen tamolpein n̄subanai o n̄kudai dugo muruan wei mi n̄upidinai se ya.

¹⁰ Ak man Anut san ilo muṅanek log gamu n̄ai in̄san urat tamol mok n̄umado da. Agod taida mi, in̄san ilo muṅanek n̄ai ipanag an nuṅon ifu a, man dugo, n̄ai urat wagai geig n̄igane se ya, an n̄in̄eṅ o n̄aisag urat wagai n̄igane dan aposel aenta fidian sad

urat irinjani a. Ak man n̄ai seg kisaek urat ta njigane se na ya, tia, Anut in̄ n̄ai da ya, in̄anen ilo panek an n̄ai urat njigane wo dabai ipanag se ya.

¹¹ Aria, gidad n̄ai ru n̄urupaian̄ go alon̄ se ya, tia, aposel aenta ru dubol go alon̄ se ya, ru a mañ fidian murupaian̄ go alon̄ se yan naon kisaek mi ya, agod ru en nin̄en o mi añ gubak mi ilom lo rumok a.

Tamolpein a fon kumaed dumasa wak san ru

¹² Aria, mañ Kristus mateñ lo fon kumaen imasa da yan murupaian̄ se yan rumok tap, en ata wo añ luluñam lo tamolpein aenta, tamolpein a dumat la yan in̄ fon kumaed dumasa san tia dubol dak i?

¹³ Kududom agure uyanan a. Tamolpein a dumat la yan fon kumaed dumasa san tia yak abol man, an nin̄en o Kristus dam kumaen ta imasa na ya.

¹⁴ Ago yak nin̄en o, Kristus fon kumaen ta imasa na yak man, mañsama ru mufulale panan̄ se yan kawan a, agod an̄anem ilo rumok an dam kawan a.

¹⁵ An lo man, taida mi ru a gubak mi Anut nin̄en o mabol se yan ru sewak mi a. Fun an nin̄en o Anut malan lo mañ sewak tamol mi a, man dugo, mañ gubak mi malak malak ru igo mabol ilasa se ya, Anut mi Kristus mateñ lo ifufunig fon imasag gamu kumaen imado da. Gug tamolpein a dumat la yan fon kumaed dumasa san tia ya, an rumok tap, aria, Anut Kristus ta ifufunig fon kumaen imasa na ya.

¹⁶ Man dugo, nek ibol n̄ai gubak mi n̄urupaian̄ ak ago, Anut tamolpein dumat la yan, fon kumaed ta idirai dilasa na dak man, in̄ Kristus dam mateñ lo ta in̄ane imul na ya.

¹⁷ Aria, Kristus fon ta kumaen imasa na yan lo man, an̄anem ilo rumok an kawan a, ago tag Anut an̄anem aupasek ta ipare idu na ya. An lo murnap añ adeg au a.

¹⁸ Taida mi, tamolpein a Kristus ilod lo rumok go dumat la yan, in̄ dam dideg diau a.

¹⁹ Fun an nin̄en o n̄ai igo n̄urupaian̄ da. Idsad mala nouk Kristus lo yan tan en lo mi ka ibinawad a, an rumok tap, man id

buraourau geig a. An lo man tan en san tamolpein, rumok, tamolpein aenta ilod kitek imuñanai a, ak man id nin̄ed o mi ilod tubun geig imuñanad a.

²⁰ Ak man Anut Kristus ifufunig yabisag fon kumaen imado dak, an ru rumok a. Kristus in̄ malmalan mateñ lo kumaen imasa ya, kulob an lo idsad mala nouk an, tamolpein a gamu mateñ lo n̄ion̄ diabi dan murnap fon dumasap kumaed dumado wan, nuñon ilasa wa.

²¹ Nek ibol tamol kisaek mi lo mateñ ilasa yak ago, tamol kisaek mi lo dam tamolpein a dumat la yan fon kumaed dumasa da wa.

²² Id fidian man Adam malan kubulan, an nin̄en o id fidian tamat a. Nek ago mi, tamolpein a fidian Kristus lo dumado dan, Anut murnap ifufunaip fon kumaed dumasa da wa.

²³ Ak man id anen anen atem idsad saen lo mi a. Kristus sen malmalan imasa la ya, agog in̄ patun fo, saen a fon tan en lo imul ipalu dan, tamolpein a in̄san an fidian fon kumaed dumasa da wa.

²⁴ Murna gup saen wadan ipalu wa. Ak man saen an gamugo dop Kristus tamol gurman fidian, tamol yan̄ad anda yak, agod dabai funfun an fidian in̄ ibiai dudu dop in̄ abed in̄ane wa. Agod wadan geig man in̄ in̄san tamolpein in̄al pe Taman Anut banin lo idirai a, ago dop Kristus sen in̄aned gurman imado wa.

²⁵ Man dugo, Kristus mi tan en lo kin̄ imadop yaup, Anut Kristus san ager an fidian ibiai dudup Kristus n̄ien paen na* dumado wa.

²⁶ Ager wadan Anut yabi idu man mateñ.

²⁷ Aria, rumok, Anut san ru igo ibol, “Anut mel fidian idiraig nanun n̄ien paen na dien a.” Ak man ru an ago ibol bo man, id ilod itarpasi ak, ru an Anut enti mel fidian idiraig nanun n̄ien paen na dien an dam ituani man tia ya.

²⁸ Tia, saen Anut mel fidian Kristus paen na idiri itout gup man Kristus sen Taman Anut paen na imado wa. Saen an lo Anut in̄sen mi malan te geig a, in̄ mi mel fidian sad tamad imado wa.

* **15:25:** Wagam na saen tamol gurman wagai lo in̄anen ager tamol aenta ibiai idu dop man, saen in̄ sia kin̄ fo imasi dan te, in̄san ager gurman an n̄ien paen na imadog itokubol go ago yen a.

²⁹ Aria, tamolpein dumat la yan fon kumaen ta dumasa na wa, an rumok tap, tamolpein a talpein dumat la yan fañan lo suguek diñane dan, niñedi wo dugo tabol ak i? Tamolpein dumat la yak fon kumaen dumado san tia ya, an rumok tap, aria, ata wo tamolpein sen ak iñ fañan lo suguek diñane dak i?

³⁰ Agod añ mañ aposel adi niñema wo ilom isou wa. Ata wo nal fidian lo mañsema iginiama yai ided lo mau dak i?

³¹ Teig taog, ñai idsad Tubun ak Jesus Kristus lo ñumado dugo añ yañam ñisini da. Aria, ru an ru rumok ago tap, ru en dam ru rumok a, ñai nal fidian ñamat da.

³² Ñai etna Efesas na tamol wei mi bor kasik igo woñ dida nug mabi se ya. An tan en san mel mi ago tap, an dugo woñ ñai ibinawag ak i? Tamolpein dumat la yak fon kumaen ta dumasa na wa, an rumok tap, gidad ñai ka Anut ilog iñaon pe igo ñabol a,

“Id gamu anañ mi tani taluk dop tumado wa,
man dugo, gabulop id tamat a.”

³³ Añ sem irawañ amoi, saen añ tamolpein sad madok uyan tia yak dida ator tap, iñ añañem kagin uyan an dusañuñi wa.

³⁴ Malam ipuk, añañem kankan akubunep afon aupasek ta agane na wa. Ñai itaot ñurupaiañ da, añ aenta Anut añaon da, an añañem miai.

Murnap id tinid naon dugo tiñane wak i?

³⁵ Aria, tamol ta isumiaen pe ibol, “Tamolpein dal dugo woñ kumaed fon dumasa wak i? Agod tinid naon dugo yak diñanep ate dupalu wak i?”

³⁶ Oñ tamol buraurau! Oñ ulon ak, oñ mel patun pae dop man an ririan ta isa kisaek oñ na wa. Tia, mel patun an imat gup a. Ago dop mel patun igo woñ yen yau san tia ya, tia, mel patun an sen tinin ibilisa dop anañ foun ak igo woñ isa wa.

³⁷ Agod mel patun a oñ pae dan, murnap nuñon ago mi ñane san tia ya. Tia, oñ wit kubulan boi, tia, mel ta patun mi pae da.

³⁸ Ago gug Anut iñsinan ilon gubak mi dugo yen ak lo mi, mel an patun iganep isa yaup tubun pe, iñaned naod sensen atem

itaot dilasa wa. Mel patun an tinid naon sensen ipidinai da.

³⁹ Mudan fidian tan en lo yan naon kisaek man tia ya. Tamolpein tinid man senamo ya, bor goun sad tinid dam senamo ya, agod anakanak iñ iy da tinidi sensen a.

⁴⁰ Mel a keit fufo dien dan tinid muroun anda ya, agod melmel a tan na dumado dan dam tinid muroun anda ya. Ak man mel tan na dumado dan sad girager naon kisaek a, agod mel lak na dien dan sad girager naon senamo ya.

⁴¹ Ad man iñanen girager naon kisaek a, ago gug kalam iñanen girager naon senamo ya, patui dam sad girager naon senamo ya. Agod patui anen anen sad girager an sensen a.

⁴² Aria, saen tamolpein a dumat la yan fon kumaed dumasa wan, kulob naon nek ago yan ilasa wa. Tinid e imug tan na id tiñane emaiak tisarep igan a. Tinid foun ak a murnap tiñane wan iñ fon igan san tia ya.

⁴³ Tinik tan en san iñanen leil lo man siñaokan tia ya, gug tinik murna san man siñaokan geig a. Tinik tan en san iñ dabai an tia ya, gug tinik murna san man dabai anda wa.

⁴⁴ Gamu id tinid man tan en san mi a, ak man saen fon kumaen tumasa da wan, id kumaen panu anen tinik tiñane wa.

Tan en san tinik yen da, an rumok tap, kumaen panu san tinik dam yen da.

⁴⁵ Fun an niñen o Anut san buk lo igo digire ya, “Tamol a imug mi ilasa yan, Adam, iñ tamol kumaen ak ago ilasag imado se ya.” Ak man Adam a murna geig amaiak, sen tinin ibileksag ur ilasag imado dugo, kumaen yen yau san ipanad da.

⁴⁶ Kumaen panu san tinik imug ipalu man tia ya, tia, tinik tan en san mi malmalan ilasa ya. Ago gup tinik kumaen panu san ka tiñane wa.

⁴⁷ Tamol a malan te geig ilasa yan, iñ tinin man tan gufgaf san mi a. Tamol a murna ilasa yan, iñ tamol kumaen panu san mi a.

⁴⁸ Tamolpein a gamu tan na dumado dan, nek ibol tamol a imug mi tan na ilasa yak igo woñ ago dumado da. Nek ago mi, tamolpein a murnap kumaen panu na dumado wan, nek ibol tamol a kumaen panu

na ipalu la yak igo won, dilasap dumado wa.

⁴⁹ Gamu id tinid san leil man nek ibol tamol a imug mi tan na ilasa yan san leil igo won a. Ak man murnap, tamol a kumaen panu na ipalu wan, inanen leil dugo yen dak ago, idaned leil foun an dam naon kisaek mi wa.

⁵⁰ Teig taog, naj nurupaian da, tan en san tinid man Anut san kagin panek aben lo imado san tia ya, agod mel ta imat san, mel ta imat san tia yak inanep yabi san ta idaisuda na ya, tia geig a.

⁵¹ Kududom agurep naj ru mianuk ta nurupaian o da. Id aenta ta tamat na wa, ak man id fidian tinid ibileksa wa.

⁵² Mala ipuk ikilakil dan lo, mel en ilasa kisaek on a. Saen tour murna geig an ibob dop, mel an ilasa wa. Man dugo, tour ibob pe tamolpein a dumat la yan kumaen dumasa wa, agod inaned tinidi fon imat pe igan san tia ya. Ago dop id a tan na kumaen tumado dan tinid ibileksa kisaek on a.

⁵³ Man dugo, nek ibol id kulos foun ak tinanep tidiri dak igo won, idsad tinid an ibileksap tinid foun ak imat pe igan san tia yan tinane wa. Man dugo, mel a imat san an itout yau a, ago dop mel a itout yau san tia yan ilasap pempem yen yau a.

⁵⁴ Saen idsad tinid foun ak ago ilasa dop man, awak aban Anut san buk lo yen dan nunon ilasa wa. "Anut yu igane itout a, kulob an san dabai man maten itunali pasik a."

⁵⁵ An ninen o id ka igo tabol,

"O maten, on yu gane itout an san dabai dugon te yen dak i?"

O maten, onane buroi an dugon te yen dak i?"

⁵⁶ Maten anen buroi man aupasek mi a, agod aupasek san dabai man Moses san kubiaen lo yen da.

⁵⁷ Ak man id Anut ilo uyan ru tupani wa! Man dugo, in idsad Tubun ak Jesus Kristus lo idirad go yu tigane itout a, an lo man mel an fidian sad dabai tibiai dudu ya.

⁵⁸ Teig taog, fun an ninen o ananem ilo rumok lo atur sakar a. Mel ta idiran pe ta asuk amul na wa. An pempem ansem ilom tinim fidian lo urat agane wo dan Tubun ak apani wa. Man dugo, an alon ak ananem

urat wagai agane dan nunon ta ideg yau san tia ya.

16

Korint adi Jerusalem tamolpein o moni dutumani san ru

¹ Gamu naj an moni atumanip Anut anen tamolpein Judea na dumado dan abinawai san ninen o nurupaian da. Nek ibol naj mi-daen Galesia tan lo dumado dan nurupidai ago mi an dam ago agane wo nurupaian da.

² Ubou kisaek kisaek atem anjam urat naon moni an aenta sen gigin na adirip yen a. Tubun mi nane dop tubun mi pani wa, kabelan nane dop kabelan pani wa. Ago dop man saen naj nupalu dan te dop, an fon moni o urat wagai ta agane na wa.

³ Agod taida mi, an tamol aenta fudi alon uyan ak apilianai a, agod saen naj anjam na nupalu dan te gup, anjam binawek moni agane yan disinip Jerusalem na diau a. Naj atna Korint na nupalu gup, tamol Jerusalem na diau an, girek banid te tiganep disini diaup, matu gurman Jerusalem na yan, anjam binawek agane yan fun irupidaip dulon a.

⁴ Go naiseg dam naj wo ilog ibol tap man tamol an naj luag disap mau a.

Pol ru kagin funfun Korint adi irupidai a

⁵ Naj Masedonia tan lo najup namul gup, afon anjam na nupalu wo ilog yen da. Naj Masedonia na saen milaen ta numado na wa.

⁶ Agod saen naj anjam na nupalu dan, naj dap saen kitek milaen mi an da tumado wa. Naj tim tubun ipalu dan san saen lo tumado yaup tim itout ak boi. An lo saen idaisudap naj aben dugon te naj o nupiliani dan, binawek an ta naj onte naj san ka apanag a.

⁷ Naj gamu anjam na nupalup njilian o ilog ta ibol da, man dugo, naj an da saen katukan mi ka tumado wa. Ak man Tubun ak ilon ibol tap, murnap naj an da kitek saen milaen mi tumado wa.

⁸ Gug gamu man naj igo Efesas na numado yaup Judea lo Pentikos san tumanek nal ilasa wa.

⁹ Man dugo, Anut naj dalawan ipasi panag an lo, naj inanen urat ka ngane uyanan mok a. Ago dugo ager tamol adi

dam n̄aisag urat dututep itout o wagai digane da.

¹⁰ Aria, saen Timoti an̄sam na ipalu tap, in̄ kagin apani uyan a, ago dop in̄ ata mel ta lo katukan dop, an nin̄en ilon ta weiwei na wa. Man dugo, in̄ dam Tubun ak san urat nek n̄ai n̄igane dak ago mi igane da.

¹¹ An nin̄en o an̄ luluŋam lo talpein ta Timoti in̄ane wo ta imoi na wa. In̄ abinawi uyan ak, agop maror lo mi aganep n̄aisag na ipalu da wa. Man dugo, n̄ai in̄ malan n̄iganeg n̄umado da, agod in̄san urat kisaek adi in̄ luan disag dida dutor dan dam malad n̄iganeg n̄umado da.

¹² Aria, n̄ai gamu idsad teid Apolos nin̄en n̄abol da. N̄ai in̄ an̄sam na turan aenta luad isap dida dupalu wo n̄usumiani a, ak man in̄ imoi a. Murnap in̄sen nal ta kawan ak ile dugup ipalu wo ibol a.

¹³ Tawan̄ aganep amado wa. Ago dop an̄anem ilo rumok Kristus lo yan mi lo atur sakar a. Ilom dabai anda amado dop dabai lo mi tamol mok amado wa.

¹⁴ Urat biabi fidian agane dan ilo panek lo mi agane wa.

¹⁵ Aria, an̄ alon̄ ak tamolpein a Stefanas san ab lo dumado dan, in̄ distrik Akaia ilon lo malmalan ilod lo rumok a. In̄ in̄sed ilod nam Anut san tamolpein dibinawaig urat digane da.

¹⁶ Teig taog, fun an nin̄en n̄ai n̄ududuwan̄ da, an̄ tamol naok ago yan awad paen na amado wa Nek ago mi an̄anem urat kisaek a fidian urat awan disini wo maeg digane dan dam awad paen na amado wa.

¹⁷ Gamu saen en n̄ai ilog uyanan da, man dugo, Stefanas in̄ Fotunatas da agod Akaikas n̄aisag na dupalu ya. Gidad an̄ naom tia ya, an lo in̄ naom diŋaneg n̄ai ilog diabisa ya.

¹⁸ Tamol en n̄ai ilo maror dupanag a, agod an̄ dam dal nek ago mi dibinawan̄ a. Fun an nin̄en o tamol naok ago yan, an̄ yan̄ad lak na asini san idaisuda ya.

Ru wadan

¹⁹ Aria, midaen̄ a distrik Esia ilon lo dumado dan fidian an̄ ilo uyan dupan̄an̄ da. Akwila in̄ Prisila da Tubun ak yan̄an lo an̄ dam ilo uyan dupan̄an̄ da. Nek ago mi

midaen̄ a in̄sad ab lo dutumanig dumado dan, an̄ ilo uyan dupan̄an̄ da.

²⁰ Ilo rumok adi etna Efesas na dumado den, an̄ ilo uyan dupan̄an̄ da. Saen an̄ nug ale dop man, musuk gun ak nam nug ilo uyan apani wa.

²¹ N̄ai Pol, gamu n̄aiseg banig nam ilo uyan ru en n̄igireg an̄sam na n̄iganeg ipalu ya.

²² An̄ luluŋam lo talpein ta Tubun ak nin̄en o ta imat na tap, Tubun en talpein an̄ tinin fo misilaneke iganep yen ak ago n̄abol da. O Tubun en, on̄ palu!

²³ Tubun en Jesus in̄anen ilo panek an̄ da amado.

²⁴ Jesus Kristus yan̄an lo n̄aisag ilo panek an̄ fidian n̄upan̄an̄ da. Rumok.

2 Korint

¹ Nai Pol, nai Jesus Kristus san aposel, Anut ilon yen dan ago, id teid Timoti nai da girek en migire ya. Manj girek en an Anut san midaeñ Korint na amado dan, agod tamolpein fidian a Anut idiraig gun dilasa yan Akaia provins ilon lo dumado dan dam, sam na girek en migane ipalu da.

² Anut a idsad Tamad an, in Jesus Kristus idsad Tubun en da inaned ilo panek maror da an ka dupanaj a.

Muruan saen lo Anut ilo maror ipanama da

³⁻⁴ Manj Anut, Jesus Kristus manjanema Tubun en Taman per mupani wa. Man ata wo, in gidad manjsama madai funfun an lo ilo maror ipanama da. In ilo mujanek fidian san Taman, agod in maror fidian san Anut, an ninen o manj muruan fidian mukubiani dan lo maror ipanama da. Nek fun amaiak ninen o ilo maror a manj Anut lo miñane amaiak ninen o, tamolpein a madai naok funfun disini dan ilo maror naon kisaek an mupidinai o manj idaisuda ya.

⁵ Man dugo, nek ibol manj Kristus da sisem inñsan madai tubun mi misini dan, nek ago mi manj in da sisem inñsan ilo maror tubun mi miñane da.

⁶ Tamolpein manj ru an lo mufulale dop an lo muruan dupanama tap, an ilasa san fun man, Anut ilo maror in patun pasek da an ipanaj a. Agod Anut manj dam ilo maror ipanama tap, nek ago mi mel an ilo maror an dam ipanaj a. Saen an madai a manj misini dan ago mi asini dop an lo atur sakar dan lo, ilo maror amaiak ale wa.

⁷ Manj ago agane wo iloma yen da, agod manjsama kankan mel an san an lo dabai anda yen da. Man dugo, manj malon ak nek ibol an manj da sisem madai funfun tukubiani dak, nek ago mi ilo maror dam an manj da sisem tukubiani wa.

⁸ Teig taog, an mel en ninen anjaon o man manj iloma ta ibol na da. Saen manj Esia provins lo mumado dugo muruan tubun mi misini se ya. Manj mukubiani ak ibol dibilama tan na madug duparfufaramag

matur dabai san tia yak igo ya. An lo manj iloma lo gamu en mamat dak ago mabol a.

⁹ Rumok, manj iloma lo ibol tamol kot lo itur go mateñ ile wo dubol ak igo ya. Kagin an ilasa yan fun man, manjsama wagama lo ta matur na wa, tia, Anut nek a talpein dumat ak ifufunaip dumasa den mi tinima mupani wa.

¹⁰ In mateñ saian geig ak sumeik mile wo dugo ipasama injiliama ya, agod in nek ago mi igane yau a. Man dugo, manj in pempem patuma ipasi wo tinima in mi mupani da.

¹¹ An ninen an dam anñsam gudanek lo manj abinawama wa. Anj wei mi anñsam gudanek an Anut ilon dop an lo manj ibinawama wa. Ago dop tamolpein wei mi binawek uyanan Anut ipanama yan ninen o ilo uyan dupani wa.

Pol ilon san ilo girek ibileksa yak san fun

¹² Manj malak malak ru en ka murupaian a. Manj tan en lo, agod an malam lo dam kagin uyan ak mi migane na ya. Manjsama ru man rumok ago mi manjsama kagin naok naok dam gun a, man dugo, Anut kagin mi muri mupani se ya. Manj tan en san manjau uyan uyan ak lo urat ta migane na ya, tia, manj nek Anut sinan manjau a ipanama yan lo mi urat migane se ya.

¹³⁻¹⁴ Girek e migireg anñsam na miganeg ipalu den ta imianuk na ya. Tia, girek an an asutip kuai tem ka alon uyan a. Anj gamu manj ta alon uyan na ya, gug murna dop an manj alon uyan ak ago iloma ibol da. Ago dop saen Jesus idsad Tubun en imul ipalu wan ante dop an manj yanama abisa wa, nek ibol manj dam an yanam mabisa wak ago ya.

¹⁵⁻¹⁶ Nai anj ninemi wo ilog lo rumok ak an manj alon uyan pe ananem tini ganei manj lo agane wan ninen o, nai ilog igo yen a. Nai anñsam na nupalu gup murna Masedonia na nja u a, agod fon Masedonia nibiseip anñsam na nupalu da wa. Ago dop man manj an da saen uraru tumado wan ninen ilom uyan dop nai adinag pe Judea na nja u a.

¹⁷ Dugo, saen nai ilog ago yen dan lo, nai baleg uraru i? Tia, ibol tan en san tamolpein ilo sou digane dan ago, in awok dubol gup fon tia dubol dan ago ilo girek njigane di? Tia geig a.

18 Anj Anut injsinanen ru iganuri dak ago alonj tap, anj ru e murupaianj den ru rumok an dam alonj a. Manj “awok” inj “tia” da sisem ta mabol na wa. Manj tamol naok ago yak tia ya.

19 Njai Sailas da, agod Timoti dam, manj anj naom na Anut Nanun Jesus Kristus ninjen o mabol ilasa ya. Ak dugo, Jesus Kristus injsen nek ibol tan en san tamolpein igo wonj balen uraru lo ru ibol i? Inj tamol balen uraru san tia ya, tia, inj saen fidian mel uyan ak ninjen o mi awok ibol da.

20 Man dugo, Anut san awak aban a ipanad an fidian Jesus Kristus lo nunjon dufug fidian idaisuda ya. An fidian ninjedi wo Jesus “Awo” ibol da. Fun amaiak ninjen o saen id Anut tugudani dop Jesus yanjan lo “Rumok” tabol da. Agod kagin an lo id Anut yanjan tabisa da.

21 Gug Anut injsen mi Kristus lo anj manj da sisem itumanad go ilo rumok lo kisaek tilasa ya. Agod inj id ipilianad a.

22 Injsan Ur id ilod lo igane ya. Kulob naok en lo id injsan mok ago kob ipanad a. Fun an ninjen o saen injsan Ur id lo yen dan talonj uyan dop man, id talonj ak id injsan mok a.

23 Aria, naj Anut njuwaginj dop njaisag ru en ilonj pe isatuanag a. Njai Korint na ta njupalu na yan san fun igo. Njai anjsam naok naok aenta njile yak ta itaot na ya, an ninjen saen ante njupalup anj muruan njupananj man njamoi a.

24 Manj gurman igo milasap anjsam ilo rumok mititiani wo man mamoi a. Tia, manj anj da sisem urat tigane dop an lo anjsam yousai ilom lo awan isa wa. Anj Jesus ilom lo rumok an lo atur sakar o iloma ago ibol da.

2

1 Ak man naj ilo sou igo njigane ya, naj fon anjsam na njupalup an lo madai njupananj o man njamoi a.

2 Njai ilo uyan lo mi anjsam na njupalu wo ilog ibol da. Ak naj ilo saiak njupananj tap, ante talpein ta naj ilo uyan ipanag san tia ya.

3 Njaisag girek imug mi njigire yan lo, anj anjanem madok akubune wo ago njigire ya. Fun man saen naj anjsam na njupalu wan lo, tamolpein a naj ilo uyan dupanag o

ilog ibol dan inj naj ilo muruan an fon ta dupanag na wa. An ninjen o naj ilo sou igo njigane ya. Anj anjanem madok akubunep itaot dop man, anj naj da sisem ilo uyan lo mi tumado wa. Agod naj njalonj ak anj njaisag ilo sou aganuri wa.

4 Njai anj ninjemi wo ilog muruan ak, ilog saian go malag turon idu dugo girek imug an njigire ya. An san fun man njaisag girek an lo anj muruan njupananj o ta njigire na ya. Tia, njaisag ilo munjanek anj lo yen dan alonj uyan o ago njigane ya.

Pol midaenj aupasek adi ilod dupidinai o ibol a

5 Dugo, ta anj lulunjam lo imug mi muruan naj ipanag ak i? Rumok a, ago gug naj o mi tia ya, tia, o kabel, naj ago njurupaianj da, inj midaenj fidian o ilo muruan ipananj a.

6 Anj talpein an muruan apani yau o ta agane na wa, man dugo, midaenj inj muruan dupani la yan idaisuda ya.

7 An ninjen o injsan aupasek anj apare idu dop lo ilon pasa ibol a. Kabelan ilo muruan tubun kasik lo ilon idu yaup malan isue saian geig banau.

8 An ninjen anj igo agane wo njurupaianj da, anj fon ilom apani mok a.

9 Man dugo, naj anj njukubiananj go njilianj a, anj mel fidian lo naj awag aganuri boi, tia boi, ago njalonj a. Njai girek a imug mi njigire yan san fun ago ya.

10 Talpein a injsan aupasek apare idu yan, naj dam injsan muruan njupare idu wa. Agod muruan ta njupare idu na yak tap man, an Kristus naon na anj njibinawanj san o ago njigane ya.

11 Ago dop lo naj Satan naon dal njufou wa, kabelan inj dal ta kuai ipanip lo id irawad dop talpein an tipitinjini banau. Man dugo, id injsan ilo sou saiak mianuk an talonj fufeia.

Kontrak foun ak san urat tamol adi

12 Saen naj Troas na Kristus san bilalun njufulale wo njupalu yan, atna Tubun ak injsan bilalunj ifurak pe yau san ninjen dalawan ipasi panag dugo njile ya.

13 Ak man naj ilo maror amag tia ya. Man dugo, naj id teid Taitus ninjen o abanjan njabi ak man atna ta njile na ya. An ninjen o naj

Troas tamolpein an n̄ubisawaig Masedonia tan lo n̄au a.

¹⁴ Mañ Anut yañan mabisa wa. Man dugo, pempem mi in̄ Kristus lo imug yau da, agod mañsama ager fidian ibiai dudu yan niñen o mañ yousai lo muri mupani da. Anut tamolpein mañ lo ipiteñanai dan lo, in̄sad mañau Kristus niñen o amaiak ibol mumalun siñaokan ta bulbal ak igo woñ igitane ifurak pe gidigidad yau da.

¹⁵ Man dugo, gidad mañ tamolpein a Anut patud ipasi dan luluñad lo matur boi, tia, ensauta a daon̄ lo diau dan luluñad lo matur boi, Anut mañ mumaluma iwen ilon̄ a, man dugo, mañsama mumaluma man nek ibol Kristus mumalun igo woñ a.

¹⁶ Tamolpein a daon̄ lo diau dan mañ mumaluma man ibol tamol imat la yak mumalun igo woñ ago dubol da. Warou an mater̄ lo dudu diau a. Gug ensauta a patu pasek diñane dan mañ mumaluma nek ibol mel kumaen mok ak san mumalun igo woñ ago dubol da. Warou an kumaen yen yau san an diñane wa. Enti in̄ urat naok ago yak igitane san idaisuda i?

¹⁷ Mañ man tamol aenta Anut san ru dufulale dop lo moni diñane wo digane dan ago tia ya. Ilo sou mianuk ago yak mañ lo tia ya. Tia, mañ tamol nuñon igo woñ, Anut malan lo in̄san ru mabol ilasa da. Urat an Kristus lo migane wo Anut ipilianama ya.

3

Aposel adi man kontrak foun ak san urat tamol

¹ Dugo, afon mañ fun migane gema yañama mabisa wo migane di? Dugo, mañ ta idaisuda na yak i? Ago yak niñen o an̄ girek ta mañ Anut san urat tamol mok ago ibol dan apanama wo iloma ibol di? Tia, dag talpein sen ak girek naok ago yak ta dupanañ o iloma ibol di?

² Tia, an̄sem mi man, mañanema girek ta kuai tem ibol da, an lo tamolpein an̄ dilian̄ dop dulon̄ ak mañ Anut san urat tamol mok a. Man dugo, girek an̄ an̄ bubem ilon̄ lo Kristus igitane idu la ya, an lo tamolpein fidian dusuti dop an̄anem nao lalek dile dulon̄ a.

³ Aria, an̄anem kagin naok naok an tamolpein ikubiai dile ya, an̄ Kristus san girek igitane ipalu yak igo ya. An gau nam igitane yak igo tia ya, tia, an Anut a kumaen imado dan san Awan Urgun nam igitane ya. Pat fo na ta igitane na ya, tia, an an̄ ilom lo igitane idu ya.

⁴ Mañ Kristus tinin log Anut tinima mupani da, an lo kagin an an̄ lo ago ilasa wa. An̄ ago amado san iloma dabai a.

⁵ Mañsema man ta idaisuda na ya, agod mel ta mañ tamol sama dabai lo migane ilasa yak ago ta mabol na da. Tia, Anut sen dabai ipanama yan lo ago ka migane wa. Fun amaiak niñen o mi mañ idaisuda ya.

⁶ In̄sen mañ ipilianama go in̄san urat tamol igo milasag, kontrak foun amaiak san urat migane da. Kontrak wagam an pepa roun fo digire ya. Ak gug kontrak foun an pepa roun fo ta digire idu na ya. Tia, an man Urgun san urat a. Kubiaen̄ a digire yan man in̄ tamolpein ifu dumat da. Gug Urgun man in̄ tamolpein kumaen ipidinai da.

⁷ Saen Anut kubiaen̄ Moses ipani man pat fo igitane gug ipani a. Kulob an girager tubun ak da ipalu yan lo, girager an san lilaman, rurek san, an Moses naon fo na yen a. Lilaman an niñen o, gidad an kute ibol dak ago bo man, Isrel adi Moses naon dile san dumoi. Aria, kubiaen̄ man girager da ipalu bo man, kubiaen̄ an tamolpein ifu dumat na ya. Kubiaen̄ san saen in̄ man tamolpein dumat ak san saen mi a.

⁸ Gug Awan Urgun ipalu la ya, amaiak niñen o gamu en man Urgun san saen a, an lo kontrak foun ak san girager an lak na geig yau a. An niñen o an̄ dugo ilom isou di? Dugo, kontrak wagam ak a tamolpein ifu dumat ak in̄san girager an kontrak foun ak san girager irin̄ani i? Man tia geig a.

⁹ Man dugo, kontrak wagam an tamolpein idiraig dideg diau a. Ago bo man in̄san saen lo girager tubun yen na ya. Amaiak niñen o kagin itaot ak san saen e gamu yen den lo, nal en san girager amaiak nal imug ak san girager irin̄ani a, agod lak na geig yau a.

¹⁰ An niñen o id tile yak, kontrak wagam ak girager aman da ya, ago gug gamu in̄san girager an yau itout manon̄ a. Man ata wo?

Kontrak foun ak san girager tubun geig an lo kontrak wagam an imiani da.

¹¹ Man dugo, mel a kute ibol go itout yau amaiak girager da ipalu ya. An rumok tap, mel a pempem mi yen yau an, inſan girager man tubun kasik a.

¹² Amaiak niſen o kontrak foun ak san girager pempem san niſen o mala nouk tumado da, an niſen o maſ tamolpein malad lo matur dop ru mufulale wo ta marer na da.

¹³ Maſ Moses igo tia ya. Tia, inſ yamel naon ibuluwig an lo dop Isrel tamolpein inſ naon fo girager a kute ibol dan ta duloſ na wa.

¹⁴ Yamel an man Isrel tamolpein sad mitilaen igo ya. Gubak mi man Isrel ilod pat igo ya, an niſen o Anut san ru diſane wo dumoi a. Agod inſ gubak mi igom gamu dam naod kisaek mi a. Saen inſ kontrak wagam an san ru dusuti tap, yamel naon kisaek an nam duloſ san kankan ibalfutani da. Inſ gamugo yamel an dupasi a. Man dugo, saen inſ Kristus diſane dop yamel an Kristus ipasi yau a.

¹⁵ Awo, wagam mi agog ipalug gamu en, saen inſ Moses san kubiaenſ dusuti dop man yamel ta tareſ igo woſ inſad uloſ an ibalfutani da, an lo ata mel rumok an duloſ san tia ya.

¹⁶ Ak man saen talpein ibileksap Tubun en san na yau dop man, Tubun en yamel an ipasi yaup lo talpein an abanſ ile wo uyanan a.

¹⁷ Aria, Tubun en inſ Ur, agod aben a Tubun en san Ur yen dan te man inſan tamolpein bigabeg urat tia kawan dumado da.

¹⁸ Agod id ensauta a yamel malad ta ibalfutani na dan, id tig igo woſ Tubun en san girager id naod kapen fo yan isapudade dugo imul yau da. Ago dop girager ta san na tupalu dop girager subuſan taidam san na tau da, nek ago Tubun en idirad pe tibileksa yau oſ da, an lo inſen igo mi ago tilasa wa. Man dugo, kulob en man Tubun ak enti a Ur an, inſan nag ipalu ya.

4

Mel mel siſaokan geig ak bod saiak lo dien da

¹ Amaiak niſen o maſ urat e Anut san ilo muſanek lo mabi den niſen o, iloma ta idu na da.

² Maſ kagin naok naok miai san an fidian gigin na midiri a. Maſ raek kagin lo ta mator na da. Anut san ru dam mukubuli wo mamoi da. Tia, maſ Anut malan lo tamolpein naod na ru rumok ak mi mabol ilasa da. Ago dop lo tamolpein fidian inſ maſ tamol naok dugo yak niſema wo ilo sou digane dop an lo dilep Kristus san urat an itaot mi migane da.

³ Gug maſsama bilaluſ imianuk tap, an tamolpein a dideg diau dan inſad ilo sou lo mi imianuk a.

⁴ Tamolpein an tan en san tubud Satan, inſad ilo sou yabi idu yan lo, tamol malad itau igo woſ dilasa ya. An niſen o lilaman inſad na ipalu dan dile san tia ya. Lilaman an man Kristus san girager, an bilaluſ uyanan ak ilon lo yen da. Agod Kristus man naon Anut naon igo ya, ago gug an dile san tia ya.

⁵ Maſsema niſema wo ru ta mabol na da, tia, maſ Jesus Kristus niſen o mi mabol ilasa da. Agod bilaluſ e mufulale den man, Jesus Kristus inſen mi idsad Tubun a. Agod Jesus niſen o maſ man ananem urat tamol adi, nek an mi a.

⁶ Wagam Anut igo ibol, “Tidom tubun ilon lo lilaman ta ided a.” Anut nek amaiak mi maſ bubema ilon lo lilaman iganeg ided da. Lilaman an man, maſ Anut san girager niſen maſau am da ya. Agod girager an san lilaman Kristus sen naon fo na ided dugo mile ya.

⁷ Rumok, filian siſaokan amaiak maſ mabi da, ak man inſ bod saiak ilon lo yen da. An Anut san ilo girek, an lo dop inſ maſ ikubiai panamap, dabai a tubun kasik an inſan mi, maſsama tia wa.

⁸ Muruan naok sensen dupanama da, gug ta duparfufarama na da. Mel saian wei mi marer san mile da, gug iloma ta idu na da.

⁹ Maſsama ager dukudama da, gug Tubun en ta ibisawama na da. Maſ dufunama dibilama madu da, gug ta dipitiſinama na da.

¹⁰ Maſ saen fidian Jesus san mateſ an tinima lo misini mator da, ago dop man

inſan kumaen an maſ tinima lo tamolpein kuai tem dile wa.

¹¹ Man dugo, saen fidian maſsama tureſ lo Jesus niſen o mateſ lo madu mau o dibilama se ya, an lo dop inſan kumaen an maſ tinima tan en san lo kuai isi wa.

¹² Amaiak niſen o, mateſ maſ lo urat igane dak, gug kumaen man aſ lo urat igane da.

¹³ Tamol ta Isrel sad bar lo igo ibol, “Œai ilog lo rumok a. Amaiak niſen o ſai ru ſabol ilasa ya.” Tamol a ſutun lo ilo rumok yen dan ago mi maſ dam iloma lo rumok an lo ru mabol ilasa ya.

¹⁴ Maſ malon ak Anut a in Jesus Tubun en ifufuni yabisag kumaen ipani an, inſen mi maſ dam ibiamaſap, Jesus da sisem inſiamap, aſ da sisem kumaen panu na tiladu dop, Anut naon na tatur a.

¹⁵ Amaiak niſen o muruan a fidian misini dan man aſ ibinawaſ o misini da. Agod saen Anut san ilo panek ifufurak yau dop tamolpein wei mi ilo panek an diſanep per dupani dop lo inſan girager lak na geig isuda yau a.

Apoſel sad tinid man dabai itout, gug tinid ilon lo dabai foun ak diſane ya

¹⁶ Fun an niſen maſ iloma ta idu na da. Gidad maſ tinima tan san en dabai itout ak, gug tinima ſutun san man nal kiſaek kiſaek atem dabai foun ak inſane ipalu da.

¹⁷ Man dugo, muruan e saen katukan mi yen san ak misini den man, girager tubun kaſik bageu san ikubune panama da. Girager an pempem mi yen a, agod inſanen tubun an tou mupani san maſ ta idaisuda na wa. An niſen o muruan gamu misini den an mel kawan mok a.

¹⁸ Man ata wo? Maſ melmel a kuai isi la yak meil o malama ta yau na da. Tia, melmel a meil san tia yan amaiaſ niſedi wo mi iloma isou da. Man dugo, melmel e meil den man saen katukan mi dien a, ak gug melmel a meil san tia yan man pempem mi dien a.

5

Pol tinik foun ak san ru faſan an ipidinai a

¹ Maſ malon ak tan en san ab gamu lo mumado den saian tap, maſ ab sen ta Anut san na yak ka miſane wa. Ab an tamol banin nam ta igane na ya, tia, ab an Anut sen ikubune panama ya, agod kumaen panu lo pempem yen yau a.

² Tan na maſ tinaſ lo mi mumado da, an niſen maſ tinima foun a kumaen panu lo yen dan miſane wo yaes isofutanama da. An lo nek ibol kulos foun ak ituanama san igo won, maſsama tinik foun an miſanep ilon lo mumado wo yaes ifunama da.

³ Ago dop saen maſ mamat dop maſ ur tinin tia yak igo won ta mator na wa. Tia, maſ tinik foun ak kumaen panu san an mitabug pe lo mumado wa.

⁴ Saen maſ tan en san tinik lo mi mumado dop man, maſ tinaſ migane dop iloma isasau a. Ata wo maſ ago migane di? Dugo, maſ mamat pe ur tinin aman tia yak igo won milasa wo iloma ibol di? Tia. Maſ maſsama tinik foun ak mitabug o iloma ibol da. Ago dop tan san tinik e imat san en itout yau dop lo, tinik a kumaen pempem san an, tan san en, aben inſane wa.

⁵ Mel e maſ miſane san man, Anut inſen mi kubunek lo idirama la ya. Agod inſanen Ur an man, kumaen foun en san satuanek igo ya. Ur a ipanama yan lo maſ rumok malon ak mel en ilasa wa.

⁶ An niſen saen fidian maſ sema iloma musatumani da. Agod maſ malon ak saen maſ tinik en lo mumado den maſ Tubun en san na asau mi mumado da.

⁷ Man dugo, maſ ilo rumok lo mi mator da. Maſ mel mile malon ak lo ta mator na da.

⁸ Œai ſabol, maſ sema iloma musatumani da, ago gug maſsema gidad, tinima mibiſeip Tubun en san panu na ida mumado tap man, an uyanan geig a.

⁹ Kulob naok e maſsama kob igo migane lo mau duman, maſ Tubun ak ilo uyan mupani wa. Gidad maſ tan en lo mumado boi, tia, kumaen panu lo mumado bo man, maſ in ilo uyan mupani wa.

¹⁰ Man dugo, id fidian mi Kristus naon na bitinaek lo tatur a, ago dop id anen anen atem tan na tumado dugo kagin uyan saian tigane na yan atem naon tinane wa.

Mañ Anut san nao ñanek tamolpein

11 Amaiak niñen o mañ mañsama rurek Kristus lo malon uyanan an lo, tamolpein ilod miñane da. Anut mañ dugo yan ilon uyan a, agod ñai ilog ibol dak an dam bubem lo mañ dugo yan an alon uyan a.

12 An naom na fon sema kuai te idirama milasa wo ago ta migane na da, tia, an mañsama yañama asini san fun alon o ru en mabol da. An lo man, an ka tamol a inşigned yañad niñen o mi ilod isou dugo inşaned ilodi niñen o ilo sou ta digane na dan, ru naon uyan ak apidinai a.

13 Ak dugo, mañ niñen burau ak ta miñiñen tap, an Anut o ago migane ya. Gug niñen itaot ak miñiñen tap, an ibinawan san a.

14 Man dugo, Kristus san ilo panek amaiak mañ ititianama da. Mañsama ilo rumok man mel en rumok a, tamol kisaek mi tamolpein fidian sad abed inşane wo imat a. Ago yan niñen o tamolpein fidian sad madok wagam an lo dumat a.

15 Ago dop tamolpein ensauta a kumaen dumado dan fon sed niñedi wo ta dutor na wa, tia, inş Kristus a inş waged lo imat go fon kumaen imasa amaiak o mi dutor a.

16 An niñen o gamu saen e yau den, mañ tamolpein tan en san ilo sou lo ago ta meil na da. Rumok, mañ imug mi Kristus tan en san tamol igo won mile ya, ak man gamu man fon ago ta migane na da.

17 Fun an niñen o talpein ta Kristus lo imado dak ago tap, Anut inş talpein an iganeg foun ilasa ya. Kagin a wagam inşan madok imug ak san an fidian ibisei a. Rumok nuñon, inşan kagin wagam ak ibisei yau itout go inş foun ilasa ya.

18 Kulob an fidian sad fun man Anut mi a. Inşen mi Kristus lo inşan turan muroun idirad a. Agod Anut inşen mañ tamolpein mañal dop inşanen turan muroun midirai san urat migane wan, mañ banima lo igane ya.

19 Nai igo ñabol, Kristus lo Anut inş tamolpein a tan titin fidian lo dumado dan, inşan turan muroun idirai san niñen o urat igane ya. Agod saen ago igane yan, inşad aupasek fidian gigin na idiri dugo an niñen ilon ta isou na ya. Agod inş bilalun e id ka Anut turan muroun tilasa san en mañ

ipanama ya, ago dop mañ awama lo an mabol ilasa wa.

20 An niñen o mañ Kristus wagen lo inşan nao ñanek tamol igo won mumado da. Mañ awama lo Anut tamolpein ilod inşane wo ru ibol da. Amaiak niñen o mañ Kristus wagen lo mududuwan dop, an Anut da nug turan mok alasa wa.

21 Kristus inşen aupasek ta igane na yak bo man, Anut id abed lo iganeg inş aupasek tamol igo won ilasa ya. Ago dop id Kristus da tutumani an lo Anut san kagin itaot mok an id ñutud lo ilasa wa.

6

1 Amaiak niñen o, mañ Anut da sisem urat migane dan niñen o igo mududuwan da, an Anut san ilo panek an mel kawan igo won ta anşane na wa.

2 Man dugo, Anut igo ibol,
“Saen a uyanan an lo ñai on awa ñalon a,
agod patu pasek san nal lo on ñbinawo ya.”

Alon uyan, nal e gamu yen den man saen uyanan a, agod patu pasek san nal an man gamu en mi a.

Muruan funfun Pol isini se ya

3 Mañ talpein ta san dal mufou dop niñen isuep yau idu man mamoi a, an lo aenta mañsama urat ta dile saian na wa.

4 Tia, mañ Anut san urat tamol mok an mi dal funfun en igo mukubiaig dile ya. Muruan lo iloma ta isali na yan lo, madai lo, tinima san melmel niñen katuk ama yan lo, iloma irer dan lo, bu dupanama dan lo,

5 subanek lo, aban daon digane san saen lo dufutanamag dububunşanama yan lo, urat wagai lo, tawan miganeg mumado yan lo, anan o geg migane yan lo,

6 kagin ikokan lo, mañau lo, mos kagin lo, ilo muñanek lo, Awan Urgan lo, ilo panek mok ak lo,

7 ru rumok ak lo, Anut san dabai lo, kagin itaotan ibol wagai san mel banima won ak lo, ñas ak lo dam, mañ Anut san urat tamol mok an kuai tem mukubiaig dile se ya.

8 Mañ dipitianama dak, dibiama madu da. Mañ yañama diabisa dak, mañ yañama dipitiñini da. Mañ sewak tamol ago dubol da, ago gum man mañ tamol nuñon mi a.

⁹ Manj ta dulonj na dak ago dubol da, ago gug manj dulonj uyanan da. Manj mamat manonj a, ago gug kumaen mumado yau onj da. Manj bu dupanama da, ago gug ta mamat na da.

¹⁰ Manj iloma ipapao da, ago gug pem-pem yousai lo mi mumado da. Manj filiama tia ya, ago gug man tamolpein wei mi midirai filian tamol dilasa da. Manj mel amama tia ya, ago gug mel fidian manjsama mi a.

¹¹ O Korint tamolpein, manj bubema awan mupasi pananj go ru kuai tem murupaianj da.

¹² Manjsama ilo panek anj o yen dan ta mabituan na da. Tia, ansem mi anjam ilomi manj ninjem o an abituani da.

¹³ An ninjen o naj nek ibol tamol ta gamu nanuk irupidai dak igo wonj igo njabol da, anj bubem awan apasip manj ninjema wo dam amat a.

Anut san ubou ab

¹⁴ Anj tamolpein ilo rumok tia yan dida ta atumanip, urat agane na wa. En dugo, kagin uyan ak saian ak da sisem nug ka diganuri wak i? En dugo wonj pe tidom inj adian da ka dutumanip nug turan igo wonj dutor ak i?

¹⁵ En dugo wonj pe Kristus inj Satan da ka dutumani wak i? En dugo wonj pe tamol ilon lo rumok ak inj tamol ilon lo ta rumok na yak da awad kisaek ak i?

¹⁶ En dugo wonj pe Anut san ubou ab inj ai pat sad mitilaedi da sisem ka dutumani wak i? Man dugo, id man Anut a kumaen imado dan san ubou ab. Anut sen igo ibol, "Nai inj dadi mumado wak, inj luluwad lo njator a.

Nai man insad Anut, agod inj man njaisag tamolpein."

¹⁷ "An ninjen o anj tamolpein ilod rumok tia yan abisawaip

sen alasa dop asau mi amado wa.

Tubun en ago ibol a. Mel nun anda yak ta abi na wa,

ago dop lo naj njinilianj pe ilog njupananj a.

¹⁸ Nai anjanem Tamam njumado dop anj njaineg nanug pein, nanug muroug amado wa.

Tubun en inj Dabai Geig ak ago ibol a."

7

¹ O naj bubeg mok, id Anut san awak aban a tinjane la yan ninjen o, id tinid lo, njutud lo, mel a iganep nun tilasa dan tusuas yau a. Ago dop idsad rurek Anut lo yan idirad pe idsad kagin gun ak itaotan ilasa wa.

Korint tamolpein ilod ibileksa yan ninjen o Pol uyan isusa ya

² Anj manj ninjema wo bubem awan apasi wa. Manj talpein ta saian mupani man tia yak, manj talpein ta malan musue man tia yak, manj talpein ta mirawip insan mel magam man dam tia ya.

³ Naj ru ago njabol an lo, anj ta saian njupananj na da. Tia, naj gubak mi anj man manjsama bubema buson ago njabol la ya. Gidad manj anj da sisem tamat boi, tia, anj da sisem kumaen tumado bo man, manj anj ninjemi wo tubun mi mamat yau onj da.

⁴ Naj anj ninjem o ilog tubun mi rumok da, aenta naod na njupitananj na ya, naj ilog anj ninjemi wo tubun mi ipasti da. Naj madai fidian lo anj ninjemi wo yousai ilog lo injanefute da.

⁵ Saen manj Masedonia na mupalu yan, manjsama tinima en yaes ta ibal na ya. Aben fidian lo muruan ilasa se ya, tinima patun fo yak wagai mile se yak, agod tinima ilon lo yak rurek tubun mi yen se ya.

⁶ Ak man Anut a tamolpein ilod idu yak dabai ipidinai dan, inj Taitus iganeg ipalu yan lo manj bubema dabai ipani a.

⁷ An man Taitus ipalu dak lo mi tia ya, tia, anj imug Taitus ilo maror apani an lo, inj anj ninjemi wo ilon ipasti a. Inj ibol ak anj naj aliag o ilom ibol da. Anjanem ilo tinanj, anjanem ilo panek naj o dam ninjen ibol dugo njalonj a. An ninjen o anjam kagin an lo naj ilog tubun mok uyanan a.

⁸ Gidad njaisag girek njigire yan ilo muruan ipananj ak, gug naj an ninjen ilog ta saian na da. Rumok, naj imug ilog saian a, gug gamu man tia ya. Man ata wo? Nai kuai te njile yak njaisag girek an anj ilo papao ipananj a, gug man an saen katukan san mi a.

⁹ Ak man gamu naj ilog uyan da, naj anj ilo papao njupananj ak o ilog ta uyan na da, tia, an fun man anj ibinawanj pe ilom abileksa wa. Anut sen ilo papao en anj lo ago igane

ilasa ya, an lo mañ an mel ta lo mala suek mupanan man tia ya.

¹⁰ Man dugo, ilo papao a Anut talpein ta ilon lo igane ilasa dan lo talpein an iduduwp ilon ibileksa wa. Agod an man ilo muruan tia ya. Ak gug ilo papao a tan en san an tamol ta ibinawi na da, tia, in dal saiak lo itor yaup mateñ ile wa.

¹¹ Man dugo, an ale uyanan a, ilo papao e Anut an lo igane ilasa yen man kagin naok dugo yak ananem madok lo iganeg ilasa ya. An kagin uyanan lo atur ak, an yanami akubune wo ilom yen dan, ru dabai lo an “ago tia yak” abol dan, ilo urer ipanan dan, mañ o yaes isofutanan dan, kagin uyan ak dabai lo agane dan, an ansem bu ipanan da. An dal fidian lo mañ akubiai panama yan lo man, kagin naok naok a agane yan man uyanan mi a.

¹² An ninen o gidad nai girek a imug ngireg ngigane ipalu yan man, talpein a saian igane yan ninen o ta ngigane na ya, tia, talpein ta a muruan ile yan ninen o dam tia ya. Tia, girek ngigane yan lo Anut malan lo ananem kagin uyan ak mañ ninema wo dabai lo agane dan kuai te ilasa dop ale wa.

¹³ Amaiak ninen o ansam kagin uyanan an lo mañ ilo maror apanama ya.

Mañ mi ilo maror lo ta mumado na ya, tia, saen Taitus san yousai mile yan mañsama yousai lak na mok yau a. Man dugo, an in san ilo muruan a imug yen an ninen o aganeg ilon pasauman.

¹⁴ Man dugo, Taitus gamugo ilian dugo nai in naon na nupitianan a, an lo an ananem kagin lo miai ta apanag na ya. Mel fidian a murupaian an man ru rumok a, nek ago mi mañsama se pitiano ru an ninemi wo Taitus naon na mabol an dam rumok a.

¹⁵ Taida mi, saen in ananem awa bek kagin agod arut arer san kagin lo in anane yan ninen ilon isou da, an o tubun mi imat da.

¹⁶ Nai yousai lo numado da, man dugo, an nai awag ari apani an nalon fufei a.

¹ Teig taog, mañ an dal dugo lo Anut san ilo panek an Masedonia midaen luluñad lo kuai isi ak alon o iloma ibol da.

² Man dugo, in muruan tubun geig ak lo diladu yan man bubed ibitinae a. In bo filiad tia ya, ago gug in sad yousai bubed lo yan tubun geig go in tamolpein aenta dibinawai o ilod yen a.

³ Nai malag lo nile yak ninen nurupaian da, in in sed ilod nam moni sapta a urat aman tia yan dupani wo dutumani a. Agod moni nen isuk isuda geig dutumani a. Kulob an in sinad ilod ibol ak fo mi digane ya.

⁴ Saen wei mi mañ dalawan mupasi pidinai dop lo, in Jerusalem san Kris tamolpein dibinawai san urat awan ka digane wo, ilo panek lo mañ sumiaek dupanama ya.

⁵ Mañ in ninedi wo marut a, man dugo, in sinad ilo sou uyanan ak mañsama irinani a. An lo malan malan in sed tinidi Tubun en dupani a, ago gug murna Anut ilon yen dan ate iri panim mañ banima lo dupalu ya.

⁶ An ninen o mañ Taitus ru kagin igo murupe a. Wagam in ilo panek urat an an luluñam lo fun igane la yan ninen o, gamu in dam an luluñam lo ipalup urat awan an igane itout a.

⁷ Aria, an mel fidian lo aenta arinanai da, ilo rumok lo, ninen lo, mañau lo, kagin nunon ak lo, agod mañ o amat dan lo dam mi a. Fun an ninen o kagin aganep ilo panek urat en lo dam an aenta arinanai a.

⁸ Nai an ago agane wo ru kagin ta nupanan na da, tia, tamolpein aenta in binawek naon kisaek dupani wo ilod yen da, an ninen o nai ananem ilo panek kagin an mel mok boi, tia yak boi, ago nbitinae nile da.

⁹ Man dugo, an Jesus Kristus idsad Tubun en san ilo panek kagin ale alon la ya. In bo filian tamol a, ago gug man in an ninem o filian tia yak ago ilasa ya. Ago dop in filian tia yak ninen o man an filian tamolpein alasa wa.

¹⁰ Anajar imug ante an imug fun aganeg moni atumani a. An mi tia ya, tia, saen an lo dam kulob an agane wo an ilom bubem fidian imasa ya. Aria, naisag ru kagin nek igo ya, gamu en urat an agane itout a. An ago agane tap, an an o nek uyanan a.

8

Korint adi Kris Judea na yan moni lo dubunawai a

¹¹ An imug mi urat en fun agane san ninen ilom tubun mi imasa ya. Amaiak ninen o anjanem ilo masak imug ak iri panim, gamu nek ago mi maeg agane dop urat an agane itout a. Gidad an filian tubun ak امام tia bo man, an sam filian a yen dan kabelan mi lo ka abinawai a.

¹² Man dugo, an abinawai o tawan agane tap, Anut malan lo uyanan a. Ak dugo, tamol ta in ka filian a ta yabi na dan ate mel ta in anep ipidinai ak i? Man tia ya. Filian nek a yabi dan lo mi ibinawai o Anut uyan ipani wa.

¹³ An muruan tubun mi asini dop an lo tamolpein aenta an sam filian lo dumado uyan o nai ago ta nabol na da.

¹⁴ Tia, igo nabol da. Gamu saen en lo an mel امام da ya, an ninen o an teim taom katuk amadi an abinawai a. Ago dop man saen an katuk amami dop in naon dibinawan a. An lo man dal naon kisaek mi id fidian o ka yen da.

¹⁵ Ru e girek lo yen den igo ibol, “Talpein a anan tubun mi itumani an anan wadan ta yen man tia ya, ago dugo talpein a anan kabelan itumani an in anan lo ta katukan na ya.”

Pol tamol idinaig Korint na diau a

¹⁶ Nai Anut ilo uyan nupani da, man dugo, in sen Taitus ilon yabisa ya. Ago tag, nek ibol nai an ninemi wo ilo sou ngigane dak igo won, ago mi in dam an ninemi wo ilo sou igane da.

¹⁷ In an sam na ipalu da wo musumianig an uyan ibol a. Ak man in sen dam urat en igane wo ilon tubun mi yen a, an ninen in sen ilon ibol ago mi ipalup ilian a.

¹⁸ Man id teid ta mipiliani ak in da dupalu wa. In man kaman tamol, ubou ab fidian lo Anut san ru uyanan ifulale fufei da, an ninen o yan an diabisa da.

¹⁹ Agod an mi tia ya. Tia, in midaen fidian dipilianig man da moni a ilo panek lo dutumani dan minane mitiliani da. Urat migane dan lo Tubun en yan an mabisa da, agod man anema ilo munanek kagin tamolpein malad lo kuai te migane ilasa da.

²⁰ Man tamolpein binawek tubun mi digane yak banima lo yen da. Moni an kagin mupani uyanan ak ninen o talpein ta

patuma fo uf igane man mamoi a. Fun amaiak ninen o man teima en miganeg Taitus ida dupalu wa.

²¹ Man Tubun en malan lo kagin uyan ak mi migane wa, agod Tubun en malan lo mi tia. Tia, tamolpein malad lo dam ago migane wa.

²² Agod man teima taida midini ak in dam dida dupalu da. Saen wei mi in urat fidian lo mibitinaeg mile yak in urat igane wo ilon tubun mi yen da. In binawek kagin e agane den ilon uyanan a, agod in san ilo rumok an o man tubun geig a. An ninen o gamu urat en igane wo ilon tubun mi yen da.

²³ An Taitus alon la ya, in nai turag, in nai da urat naon kisaek migane dan lo an mubunawan da. Man teima uraru en man midaen sad nao nilanjal tamol, in sad urat awan lo dam in girager Kristus dupani da.

²⁴ Fun an ninen o midaen fidian naod na anjanem ilo panek kagin an akubiaip dile wa. Taida mi, man gubak mi tamol en naod na an yan an mabisa ya. Aria, man sama ru an ninemi wo nunon ilasa yan an gamu akubiaip tamol uraru en dile wa.

9

Korint adi Anut san tamolpein ninedi wo binawek digane wa

¹ Nai binawek e Jerusalem tamolpein o atumani den ninen ru milaen mi ta ngigane na wa.

² Man dugo, nai nalon ak an urat en agane wo tawan amado da. An ninen o nai Masedonia tamolpein naod na an yan an nabisa da. Nai igo nurupidai, “Ananar inug ante Akaia tamolpein binawek an digane wo tawan diganeg dumado na ya.” An ninen saen an dam binawek an agane wak ago dulon an, Masedonia wei mi ilod yabisag in dam binawek an digane wo tawan dumado ya.

³ Ak man nai teig taog nidinaig dupalu dan in aban dukubiani dile dop, an lo man awama lo yan an mabisa dan ru kawan igo ta dile na wa. Nai tamol amaiak an urat en agane wo tawan aganeg amado dan ago nurupidai a. Aria, nek ibol nai nabol ago mi an agane wa.

⁴ Kabelan Masedonia aenta n̄ai dadi mupalup an̄ mala nouk ta agane na yak ago dilian̄ dop, an lo mañ miai ifunama banau. Miai tubun mi an̄ sem ipanañ an niñen o, ru ta n̄abol san tia ya.

⁵ An niñen o n̄ai teig muroug en n̄idinaip dunug an̄sam na dupalu wo ago ilo sou n̄igane ya. In̄ an̄ dibinawañ pe binawek agane wo abol la yan, san melmel sisem atumani wa. An lo saen n̄ai n̄upalu dop man tamolpein malad ipalup an̄ ilo uyan lom binawek agane yan dile wa. Kabelan tamolpein an mañ an̄sam filiam atumani wo mududuwañ dak ago dubol banau.

⁶ An niñen an̄ ilo isou agane uyan. Talpein anañ kabelan ipae an nuñon kabelan in̄ane wa, agod talpein anañ tubun mi ipae an nuñon tubun mi in̄ane wa.

⁷ An niñen o an̄ fidian ilo sou agane wo uyan gup, mel dugon binawek agane man ago agane wa. Kabelan talpein ta ilon muruan anda mel igane banau. Tia, kabelan in̄ mel igane wo disisiñanid ibol banau. Man ata wo? Anut in̄ talpein a buben n̄utun fidian lo mel ipani wo ilon yen dan niñen o imat da.

⁸ Anut in̄ an̄ mel naon dugon niñen amat dan fidian ka ipanañ san idaisuda ya, an lo an̄ mel fidian idaisuda wa. An niñen o saen fidian an̄ mel amam da amado wa, an lo urat uyan ak fidian lo binawek tubun mi an̄ ka agane wa.

⁹ Anut san ru girek lo ago ibol,

“Anut san talpein binawek wei mi iwae da, in̄san binawek dufurak go tamolpein filiad tia yan diñane ya;

in̄san kagin itaotan ak pempem mi kuai tem yen yau a.”

¹⁰ Anut in̄ tamol anañ ipae dan anañ kubulan ipae wo ipani da, agod in̄ dam anañ taidam tamolpein diani wo ipidinai da. In̄ iganep an̄anem kubulam wei mi igile wa. Ago dop lo an̄anem kagin itaotan an tubun geig a, nek ibol tamol anañ ipaeg nuñon pempem ifu dak ago mi wa.

¹¹ Anut dal fidian lo filian tubun mi ipanañ a, ago dop man melmel fidian lo nek ibol Anut banin ibiseid ago mi an̄ dam banim abisei wa. Ago dop tamolpein wei mi

an̄sam binawek mañ banima lo diñane dan lo Anut ilo uyan tubun mi dupani wa.

¹² Man dugo, an̄sam binawek urat agane dan lo Anut anen tamolpein abinawai uyanan a. An mi tia ya, tia, an̄anem ilo muñanek kagin dile dan lo ilod yabisap Anut ilo uyan tubun mi dupani wa.

¹³ An̄sam binawek urat Kris adi Jerusalem na dumado dan niñedi wo agane dan lo, tamolpein an̄ dukubianañ dilian̄ a, agop in̄ malad ipalup an̄sam kagin itaot an kuai te ilasa dop dile wa. An lo in̄ dulon̄ ak an̄ bilalun̄ a Kristus niñen ibol dan an̄ane mok a, an lo in̄san ru an aganuri da. An̄sam binawek tubun mi in̄ lo agod tamolpein sen ak lo agane yau dan lo in̄ Anut yan̄an diabisa wa.

¹⁴ An niñen in̄ ilod bubed fidian an̄ dupanañ dop an̄ niñemi wo Anut dugudani wa. Man dugo, in̄ dulon̄ ak Anut san ilo panek senamo geig ak an̄ ilom lo awan isa ya.

¹⁵ Id bubed n̄utud lo Anut ilo uyan tupani wa, man dugo, in̄san lou a kawan ipanad an tubun geig a, an niñen o id tin̄in̄eñ san tia ya.

10

Pol in̄san aposel urat niñen o targiraneñ ru ibol a

¹ Tamol aenta n̄ai ai dupanag go ago dubol, “Saen Pol id da tumado yan in̄sen yabi idu ya, gug saen id ibisawad go asau mi imado yan in̄ ru dabai nam irupaiad da.” Ak gug n̄ai Pol, n̄ai nek ibol Kristus in̄sen yabi idug mos nam kulob igane ago won̄, n̄ai an̄ ru e mos nam n̄urupaian̄ den alon̄ uyan o n̄usumianañ da.

² Saen n̄ai an̄sam na n̄upalu dop, aenta an̄ lulun̄am lo dumado dan ru dabai nam n̄upidai o ago n̄ai ilog ta yen na da. Amaiak niñen o an̄ kagin agane wa, man dugo, n̄ai tamol a in̄ n̄ai tan en san tamol sad ilo sou lo urat n̄iganed dubol dan ru dabai nam n̄urupidai dop dudu diau a. An niñen o n̄ai igo n̄urupaian̄ da, an̄ ru naok ago n̄upanañ o n̄ai ta asodudunag na wa.

³ Man dugo, mañ bo tan en lo mumado mator da, ago gug man mañ tinima tan en san bunun lo ago wagai ta migane na da.

⁴Man ata wo? Man yu dumui nam wagai migane dan tan en san tia ya. Tia, mañsama yu san biouñ man Anut lo mi dabai geig a, ago dop lo mañ ka ager sad abed dabai dabai ak murube wa.

⁵Mañ tamolpein sad ilo sou mibilai dudu da. Ilo sou a sed ibiaisa dop lak na isuda yau dan lo tamolpein Anut dulon san dal dufou dan fidian murube da. Agod mañ tamolpein sad ilo sou fidian mufutanig Kristus mi awan paen na midirai diau a.

⁶Mañ añ malam migane da. Malan malan añ Kristus awan paen na amado mok tap, añsam awa yabek kagin an añ idaisuda wa. Saen ante mi gup mañ tamolpein awa parsisalek digane dan muruan mipidinai o tawan miganeñ mumado wa.

⁷Añ mel nek a kuai te yan mi ale da. Tamol ta añ luluñam lo in Kristus san tamol mok ibol tap, mel en niñen fon ilon isou uyan a. In Kristus san ibol tap man, mañ dam nek in ibol ago mi a.

⁸Tubun en sen mañ añ mupitiñan a yanak ta ipanama na ya, tia, mañ añ dabai mupanan a ago igane ya. Ago dop ñai se pitiano i ru an kitek tubun mi niñin eñ tap, ru an niñen o miai ta ifunag na wa.

⁹Dugo, ñaisag girek e ñigire den lo añ rurek nupanan a ak ago abol di? Tia mok a. Ilo sou ago agane dan ñai ñamoi da.

¹⁰Man dugo, tamolpein aenta igo dubol, “Pol san girek an ru dabai funfun lo igire ya, ago gug saen in sen ipalup id luluñad lo ru ifulale tap, in san ru an dabai aman tia ya, agod in san niñen man kawan a.”

¹¹Talpein ru ago dubol dan in ilo sou ta digane uyan na da. Man dugo, saen mañ asau mi mumado dan, kagin naok a dugo migane san niñen mañsama girek lo mabol dan, saen mañ añ da tumado wan kagin naon kisaek an mi migane wa.

¹²Tamol a añanem leil lo yanad aman da yan niñedi wo, mañ man tamol naok ago yak tia ya. Kabelan mañ yanak ago yak miñane banau o marer da. In dag tamol tutubu boi, man dugo, sed ipitianai dugo sed yanad diabisa da. Ak gug nek in sed yanad diabisa ago mi, mañsema yanama mabisa san tia ya. Tamol naok ago yak dugo won sed ikubianai di? In in sedi lo

nug dukubiani dile da, in in sedi lo dam sed tou amad diabi da. Talpein ago digane dan mañau amad tia mok a.

¹³Ak gug mañ tubun mi sema ipitianamap, lo tom a Anut mañ o igane yan ta mabi-riñani na wa. Tia, tom an ilon lo mi mumado yau a. Agod añsem tom a Anut igane panama yan patun fo ta amado na da, man dugo, Anut sen idiramag in san urat migane wo añsam na mupalu ya.

¹⁴Anut urat awan ipanama yan añ dam ituanan a, an niñen saen mañ añ luluñam lo ru mifulale yan tom a Anut ipanama yan ta mabi-riñani na ya. Tia, mañ mi malan mamug go bilalun uyanan a Kristus niñen ibol dan mifulale wo añsam na mupalu ya.

¹⁵Mañ tamol aenta sad urat awan niñen o sema ta ipitianama na da. Man ata wo? Mañ mañsigama ar ilon lo mi mumado dugo mator se ya. Ago gug mañ iloma igo yen da, saen añsam ilo rumok italbusi dan mañsama urat awan a añ luluñam lo yen dan dam itufolak pe yau a.

¹⁶Mañ tan titin aenta añ patum fo dien dan, ante dam bilalun uyanan Kristus lo yan niñen ka mabol ilasa wa. Mañ tamol sen ak san silali naon niñen o sema ta ipitianama na wa. Tia geig a.

¹⁷“On talpein ta yan an wabisa wo ilo yen tap, Tubun ak mi yan an wabisa wa.”

¹⁸Man dugo, talpein a sen ipitianip sen yan an mi yabisa dan, in Anut malan lo man yan an tia ya. Ak gug Anut talpein ta ipitiani wo tap, aria, talpein nek an mi yan an aman da ya.

11

Pol in aposel sewak dida

¹Ak dugo, ñai gidad aliafunag dop ru burau ta kitek nabol ak i? (Añ ñai aliafunag on dugo ago niñane la ya, ago yak niñen o nek ago mi niñane yau a.)

²Anut turak isusa dan lo man, ñai añ niñemi wo dam turak nususa da. Man dugo, nek ibol ñai pein baras ta in san iwon niñen nupani igo won, ñaiseg mi añ Kristus san ak alasa wo niñilianan a.

³Ñai ilog irer da, kabelan supalek ru lo wagam mi geig mot Ewe irawi igo won, ru sewak ta añ ilo burau ipanan banau. Man

dugo, kabelan tamol tata an ilom dijane dop lo an ikok kagin agod rumok kagin dam a Kristus lo yen dan abiseip, ilo sou kawan ak ari apani wo man naj njamoi geig da.

⁴ Man dugo, tamol ta anjam na dupalug Jesus sen ak ta san ru dufulale ya, ak gug Jesus an man Jesus e injan ru manj mufulale den ago tia ya. Agod insad ru lo an ur naon senamo ak anane ya, gug ur an in Urgan a imug mi anane yan da kisaek mi tia ya. Taida mi, bilalun naon senamo ak dupanan go anane ya, gug bilalun wagam a anane yan ago tia ya. Ak dugo, saen in kagin ago digane yan, an patum apidinai ak i? Man tia ya, an kududom agureg dagom lo in awad paen na sem idiran go amado ya.

⁵ Aposel adi nek a “aposel malan te yak” ago abol dan, naisag leil lo man in naj ta dirinanag na da.

⁶ Gidad, naj ninen lo ta uyan na ya, ago bo man, naisag manau Kristus lo man ta katukan na ya. Saen fidian mansama kagin naok naok dugo migane dan lo mansama manau an mukubiaig ale se ya.

⁷ An alon ak, saen naj Anut san bilalun uyan ak an lulunam lo nufulale se yan lo, naj urat naon ta ninane na ya. Kagin an lo seg ibiag njadu dugo an nibianja ya. Ak dugo, kagin ago njigane yan lo aupasek njigane yak i?

⁸ Naj dam midaen aenta sad moni njagam a. Dal dugo njagam ak i? Saen naj an lulunam lo numado man, midaen aenta sad silali naon ninane se ya. Naj kagin an lo gumagam urat njigane se ya. An igo ya, naj midaen aenta insad moni digane ipalug ninane yan lo naj an nibinawan a.

⁹ Saen naj melmel tiag an lulunam lo tumado yan, naj talpein ta an lulunam lo muruan ta njupani man tia ya. Man dugo, naj teig taog Masedonia dubuseig Korint na dupalu yan in naj mel dugon lo katuk amag an lo dibinawag uyan a. Ata wo? Naj muruan njupanan o ilog ta yen na ya. Gamu naisag ilo sou an naon kisaek en mi, murnap dam nek ago mi wa.

¹⁰ Naj igo njabol, tan Akaia san titin fidian lo man, talpein ta naj urat naon ta ninane na dop lo, seg yanag njabisa dan ninen naisag dal

ifutani san tia ya. Rumok nunon, talpein ta naisag se pitiano ru e njabol den ninen o naj awag igane itau tap man, Kristus san ru rumok an naj lo ta yen na da!

¹¹ Fun ata wo naj urat naon ta ninane man tia yak i? Ata wo, an ninem o ta njamat na di? Tia geig. Anut injan ilon uyan ak, naj an ninemi wo tubun mi njamat da.

¹² Tamol a sed yanad diabisa dan, insad urat an nek ibol mansama ago dubol da. Mel an ilasa san ninen o dal aban dile da. Ak gug naj urat naon tia yak lo ago njbinawan dan, dal an lo in naod njufutani da. Agod naj nek ago mi njigane dop numado wa.

¹³ Tamol naok an man in aposel sewak adi, raek tinadi, agod urat tamol sewak a. Insad naod tinid dibileksa dibilekla dan lo tamolpein dirawai dop in Kristus san aposel mok dubol da.

¹⁴ Gug an insad kagin an ninen ta arut na wa. Man dugo, Satan sen dam ago naon tinin ibileksa ibileklap in enel sinakan ak lilaman lo ided dak igo won kuai isi da.

¹⁵ An ninen Satan san urat tamol insad naod tinid dibileksa dibilekla dop in kagin itaot ak san urat tamol ago dubol tap, an ninen id ta tumasa saian na wa. Murna dop inaned pani naon urat dugo digane yan atem itaot dijane wa.

Pol madai isini ak ninen o se pitiano ru ibol a

¹⁶ Naj fon njabol dak, an naj tamol burau ta abol na wa. Gug an naj burau tamol abol tap, gidad aliafunag dop ru burau njabol yau a, ago dop seg yanag kitek ka njabisa wa.

¹⁷ Naj Tubun en san ilo sou lo ninen ta njigane na da. Tia, naj tamol burau ak njinjen on go se pitiano ru njabol da. O kabel, naj njalon ak seg yanag njabisa dan man ru njineo mi a.

¹⁸ Ago gug tamolpein wei mi in tan san kagin mi diganurig ninen o sed yanad diabisa da, amaiak ninen o naj dam ago njiganep se pitiano ru njurupaian alon a.

¹⁹ Man dugo, an ilo uyan lo eilafu dugo burau tamol sad ru njineo dubol da. Man ata wo? Manau man an Korint midaen tinim lo yen da!

²⁰ Ak dugo, talpein ta an isubanan pe injan urat agane boi, tia, anjanem filiam

igane itout boi, tia, an irawan ifunan boi, tia, inſen mi yaſan anda yak ibol boi, tia, kudanam igufte boi, an ago igane tap, gidad adefunip awan abol dop amado wa.

²¹ O kabel miai ifunag da. Man dugo, kagin naok an migane san maſ dabai ama tia ya.

Ak man talpein ta sen ipitianip sen fun ifulale wo igane tap, ſai dam se pitiano i kagin lo seg fug ka ſifulale wa. Ak man gidad, ſai ſalorſ ak tamol burau igo worſ ſiſiſeſe da.

²² Tamolpein an Hibu i? Aria, ſai dam Hibu tamol. In Isrel i? Aria, ſai dam Isrel san tamol. In Abraham san gugoi lo dupalu i? Aria, ſai dam inſan gugoi lo ſupalu ya.

²³ In Kristus san urat tamol i? Aria, ſaiſag binawek urat inſad iriſani a. (An lo, rumok, ſai tamol burau orſ ſiſiſeſe da.) Saen wei mi ſai subanek ab lo dibilag ſiladug dufunag malag dusue se ya. Saen wei kaſik dufunag se yan mateſ ſumeik ſupani se ya. ſaiſag muruan a ſisini se yan aſoſel ſewak adi ſad muruan naon dugo yak fidian lo ſiriſani a.

²⁴ Juda adi saen 39 ſai rasau* nam dufunag a, agod kagin naok an mi saen 5 ſai tinig lo digane ya.

²⁵ Saen utol ſai bu nam dufunag a. Nal kiſaek pat nam dubal funag o digane se ya. Nal utol wog lo ſator an wog iſariſ a, agog nal kiſaek tidom kiſaek ſai beig aten fo ſafot ſator a.

²⁶ Saen wei mi ſai panu asau mi ſai se ya, ago dop you lo ſiſariſ o ſatorſ se ya. Saen aenta gumagam tamol adi banig na biouſ disini wo digane se ya. ſaiſinag turag muroug diginiag ſaian o digane se ya, gob adi dam diginiag ſaian o digane se ya. Panu tutubun ak lo ſumado dop muruan ſisini se ya, fon tan kawan ak lo ſumado dop dam muruan ago mi ſisini se ya. Beig lo ſadeg o ſumeik se ya. Teig muroug ſewak adi dam banid lo ſamat o ſumeik a.

²⁷ ſai urat naok funfun lo wagai mok ſigane se ya. ſai saen wei mi tidom urat ſigane se yan malag ſioſ tia ya. ſai tiſaeg ananſ tia you o ſamat dop ananſ ta ſiſane uyan se na ya. ſai dog madid ate ſadu dop

yamel kulos ta lo tinig ſutuan i san dam tia ya.

²⁸ Agod ſai muruan taidam tinig lo igo dilasa ya. ſai saen wei mi midaeſ dugo kagin ſupidinai uyan san ilo ſou tubun mi ſigane da, an lo dam muruan tubun mi ipanag orſ da.

²⁹ Saen Kris ta inſan dabai idu tap, ſai dam ſaiſag dabai idu se ya. Talpein ta tinin lo Kris ta aupasek lo yau idu tap, talpein an ſiſen o ſai ilog tubun mi wananan anda ſumado se ya.

³⁰ Aria, an ſai aſodudunag pe se pitiano i ru ſabol tap, ſai ru naok igo yak ſabol a. Kagin naok naok nek a ſai tamol dabai ag tia yak orſ kuai te igane ilasa dan mi, ſiſedi wo seg ipitianag a.

³¹ Anut in Kristus idſad Tubun en san Anut, agod inſan Taman, in yaſan dam pempem per tupani wa. Anut en ilorſ ak ſai ta ſiraek na da.

³² Damaskus na ſumado dugo Kin Aretas san kiap in aikatuk idinaig taun san dalawan ate idiraig dutur se ya, an lo ſai diſiliag pe duſubanag o tawanſ digane ya.

³³ Gug saen an ſai muroug adi udou lo ditiniag go, taun an san mutunuk ta lo duyuwag go ar patun fo ſadug, kiap an san ager adi ſiriſanaig ſaſol go ſai a.

12

Anut Pol dal ikubiai pani a

¹ O kabel, an ſai aſodudunag dugo se pitiano i kagin ſigane yau da. Rumok, kagin naok en ibinawad san tia ya, ak gug gidad, ſaiſag ſioſamin, agod ru mianuk Tubun en ikubiai ſile yan ſabol ilasa wa.

² ſai tamol ta Kristus lo imado dan ſalorſ a. Tamol en ananſar 14 yau la yan lo Anut inaneg, did aben a malmalan an ibiſeig, tinin te yan ibiſeig, aben a lak na geig ante yau a. Ak dugo, tinin aman da imado di? Tia, tinin ibiſei i? An ta ſalorſ na ya. Anut mi in ilorſ a.

³ Agod ſai ſalorſ ak Anut tamol en inaneg kumaen panu lo yau a. In tinin fidian mi yau boi, tia, ſutun mi yau boi, an ſai ta ſalorſ na ya. Anut mi in ilorſ a.

* 11:24: Lubum

⁴ Agod tamol an kumaen panu lo ru nek a in mi kududon ilon go in mi ilon lo yen san ilon a, ru an ibol san in ta ilon na ya. Agod melmel a ninjed ta ibol o Anut ibol an dam kududon ilon a.

⁵ Nai talpein en mi ninjen o se pitiano ru ka nabol ilasa wa, ak gug naiseg ninjeg o seg ta ipitianag na wa. Tia, nai dabai amag tia yak ninjen o mi seg yanag nabisa wa.

⁶ Nai se pitiano ru nabol o ilog yen tap, nai burau tamol tia ya, man dugo, nai ru rumok ak mi nabol da. Ak man nai ago nigan wo man namoi a. Man ata wo? Tamolpein in niasag naok naok dile wak, niasag ru nfulale dan dulon ak, ago dop an lo ilo sou itaot nai lo digane wa. Kabelan in nai tamol senamo geig ak ago dubol banau.

Mel ta si igo won Pol tinin isueg madai ipani na ya

⁷ Anut nai njonamin lo mel uyan uyan ak wei mi ikubiaig nile ya. Ago gug man nai mel en nile nalon an ninjen seg ipitianag o man in imoi a. Amaiak ninjen o in mel ta nek ibol si on iganeg ipalug nai tinig lo yen dugo madai ipanag da. Mel an man Satan san urat pinein, an lo nai muruan ipanag da. Mel an nai ibiag nadu dop seg yanag nabisa namoi o igane da.

⁸ Saen utol Tubun en mel an ipasi yau wo nusumiani a.

⁹ Gug in nai igo irupaiag, “Niasag ilo panek man on o idaisuda ya. Man dugo, niasag dabai en on dabai ama tia yak lo itaotan ilasa da.” Fun an ninjen o nai ilog uyanan dak, nai tamol dabai amag tia yak igo numado da. Ago dop lo Kristus san dabai an mi nai lo ka yen a.

¹⁰ Amaiak ninjen o nai Kristus wagen lo man, gidad nai dabai amag tia yak, dububanag se yak, muruan dupanag ak, tinig dipitini ak, saian funfun lo nisida yak ago tap, nai ilo uyan lo mi numado wa. Man dugo, saen nai tinig dabai an tia dop, ante niasag dabai tubun kasik ilasa da.

Pol in san ilo muruan Korint tamolpein ninjed wo ibol a

¹¹ Nai tamol burau ninjen on da, man dugo, ansem nai ago ninjen o agane da. Ansem mok niasag naok naok uyan an abol ilasa wa, ago gug ago agane man amoi a.

Fun an ninjen nai seg fug nabol ilasa ya. Rumok, nai tamol kawan a, ago gug an sam “apotel malan te yan” ta in nai dirinag man tia ya.

¹² Ata mel nai an lulum lo numado dugo nigan na yan, in itaot nai apotel rumok an ikubiai ale ya. Nai muruan fidian lo natur sakar dugo niasag urat an lo kulob girager funfun, urat dabai dabai ak an lulum lo nigan ilasa na ya. An mi nai Anut san urat mok nigan dan ibol ilasa ya.

¹³ Kagin naok nek a an lulum lo nigan yan ago mi, midaen aenta lo dam nigan ya. Mel kisaek mi an lulum lo ta nigan na ya. Nai an anan ata mel taida lo binawek apanag o ta nududuwan na ya. Kagin an lo nai au nupas tap, gidad niasag aupasek an ilom in on a!

¹⁴ Gamu en niasag nal utol fon an sam na nupalu da wo aban nukubune da. An ninjen saen en dam nai an muruan ta nupan na wa, man dugo, nai an sam biou nisini wo ilog ta yen na da. Tia, nai an mi ninjian a. An alon ak nanuk in anan o aban dilep tinad tamad ta dipidinai na da, tia, tinan taman mi in anan o aban dilep nanuk dipidinai da.

¹⁵ Nai ilo uyan lo mi niasag mel fidian, naiseg tinig dam, an nutum nibinawi wo nupan a. En dugo, nai ilog bubeg fidian an nupan tap, an ninjen o an ilom bubem kitek ka nai apanag ak i?

¹⁶ Gug an sam tamolpein aenta nai ninjeg igo dubol da, “Rumok, in mel kuai te inane san tia ya, ago gug man id irawad dop mi-anuk lo mi mel inane san man ilon uyanan a.”

¹⁷ Ak dugo, nai tamol a nidinaig an sam na dupalug dirawan dugo an sam mel disinig niasag na dupalu yak i? Tia geig a.

¹⁸ Nai Taitus ilo sou nupanig an sam na ipalu ya, ago dugo teima Kris ak ta nipilianig ida dupalu ya. Ak dugo, Taitus irawan dugo ananem melmel igam abol di? Man tia geig a, man dugo, in nai da Ur kisaek lo mator dak, man sama turen naon kisaek ak, man sisem nug nien aban muri mau da.

¹⁹ Ak dugo, an ilom lo man ru fidian e mi-gire yen lo sema itargiranama wo migane dak ago abol di? Man ago ta migane na da.

Tia, mañ Kristus san ak mumado da, agod mañ Anut malan lo ru fidian nek e mabol den man ibinawañ pe atur sakar o mabol da. An mañsama bubema mok.

²⁰ Nai ilog irer da. Kabelan ñai añsam na ñupalu dop, ñaisag ilo sou lo an dugo amado dop ñilian o ilog ibol dan, ago ta ñilian banau. Agod fon, kabelan an dam ñai tamol naog dugo aliag o ilom ibol dan ago ta aliag banau. Kabelan kagin naok igo yak an luluñam lo yen banau. Nug paek kagin, turak susak kagin, tiñae saiak kagin, onse mi wo ilo sou gane san kagin, pilapil ru kagin, uf kagin, kabuñja sakar kagin agod urat kubulek kagin.

²¹ Saen ñai añsam na ñupalu dop Anut ñai an naom na miai ipanag an niñen ilog irer da. Kabelan tamolpein a gubak mi au dupas gug ilod ta dibileksa na yan, kagin saiak saiak lo, jeit kagin lo, kagin nun aman da yak lo, ditor yau na yan niñen patud ta dupani banau. Ñai kagin naok ago yak ñile tap man, ñai miai ifunag dop tinan ñigane wa.

13

Pol Korint adi ru kagin irupidai a

¹ Gamu ñaisag turen saen utol añsam na ñupalu da wa. Saen an talpein ta ru apani wo dan, an imug mi tamol uraru boi, tia, tamol utol boi, inñsed malad lo talpein a muruan igane dugo dile yan anjal pe, bal-sinane ru dubol ilasap alon a.

² Nek ibol ñai ñaisag turen saen uraru tinin te yan lo añsam na ñupalu ante ru kagin ñurupaian an igo won, gamu ñai fon añsam na ñupalu da wo ru naon kisaek en fon ñabol da. Saen ñai ñamul dan, tamolpein a gubak mi aupasek digane na yan, fon gamu ago mi digane yau dan, patud ñupasi san tia ya. Tia, bitinaek lo ñidiraip muruan tubun ak ñupidinai a.

³ Nai ago ñigane yan lo man, Kristus ñai ilog lo irupaian dugo dal ikubiai panag dan ale alon uyan mok a, man dugo, mel ta ñai yanag anda yak ago ikubiai panan san ilom ibol da. Aria, kagin agane wa, saen ñai añsam na ñupalu wan kulob dabai anda yak ñigane wan kuai tem ale wa. Kristus an

luluñam lo dabai an ta tia na ya. Tia. An luluñam lo man in dabai geig a.

⁴ Rumok, wagam in dabai aman tia an lo in aigim fo dubali a, ago gug in maten lo imasag gamu Anut san dabai lo mi kumaen imado da. Nek ago mi mañ Kristus da tinima tan en san an dabai amam tia ya, ago gug man Anut san dabai lo mañ in da sisem dabai amama da ya, an lo mañ in da mumado dop an mibinawañ a.

⁵ An ananem ilo rumok lo sem ibitinian dop alon a, an ilo rumok san dal ari uyanan boi, tia boi, an alon uyan a. An sem ikubianan dop ale wa. Jesus Kristus in an lo imado da, dugo, an ta alon na i? Kabelan saen an sem ibitinian dop man, an ta Kris mok na yan ale banau. An fun man Jesus an lo ta imado na da!

⁶ Nai ilog yen dak man, saen mañsama kulob bitinaek lo adiri dop, añsam leil lo mañsama urat an luluñam lo nuñon anda, an kuai te ale wa.

⁷ Mañ Anut mugudani da, ago dop man an ibinawañ dop kagin saiak ta lo au adu san tia ya. An mañ Kristus san urat tamol igo aliama wo ru igo ta mabol na da. Tia. Gidad mañ urat tamol sewak ak abol a, ago gug man mañsama ilo sou tubun man an ananem kagin itaot ak mi agane wo mamat da.

⁸ Man dugo, mañ kagin ta lo ru rumok ak malan musue wo migane san tia ya. Tia, kagin a ru rumok ak ibalsinani san an mi mañ ka migane wa.

⁹ An niñen o an dabai amam da amado dop mañ dabai amam tia tap, an uyan a. An niñen o an ananem Kris kagin akubunep dabai ilasa san niñen o pempem Anut mugudani da.

¹⁰ Nai ru dabai en saen ñai an giranem na ta ñumado na dugo ñigire ya. Man dugo, saen ñai añsam na ñupalu dop, ru dabai nam ñurupaian dop ananem kagin ñukubune wo ilog ta yen na da. Tubun en sen mi ñai ananem ilo rumok dabai ñupani san urat awan en ipanag a, in ñai an ñibian adu wo urat en ta ipanag na ya.

Pol san ilo uyan ru

¹¹ Teig taog, gamu ñai ru wadan ñufutani dugo ilo uyan ru ñurupaian da. Ananem

kagin naok naok akubune wa. Anj n̄aisag ru kagin alon̄ uyan a. Anj ilom atumanip bubem kisaek amado, maror lo amado wa. Ago dop Anut a in̄ ilo panek san, maror san dam, in̄ an̄ da amado wa.

¹² Anj n̄ugnug lo n̄ug musuk gun ak apani dop n̄ug ilo uyan apani wa.

¹³ Anut san tamolpein fidian etna dumado den an̄ ilo uyan ru durupaian̄ da.

¹⁴ Jesus Kristus idsad Tubun en san ilo maror, Anut san ilo panek, agod ilo tumaneke e Awan Urgan lo yen den an̄ da amado. Rumok.

Galesia

¹ Nai aposel Pol. Nai tamol adi ta didinag go nator na ya. Tamol ta nai bilalun urat lo ta iginiag na ya. Tia, urat en man Jesus Kristus, Bai Tubud enti a mutou lo ifufunig yabisa yan da, in sed nai banig lo digane ya.

² Nai teig muroug Kris ak dadi fidian mumado dugo, nai girek en an tamolpein Galesia distrik san midaen fidian sam na niganeg ipalu da.

³ Idsad Bai Anut, idaned Tubun ak Jesus Kristus da, in sad ilo panek agod ilo maror an lo yen o nugudani da.

⁴ Kristus idsad Tubun ak, idsad aupasek ipasi san ninen o, in anen kumaen an ibisei a. Kagin saiak saiak gamu tan en lo yen den, in san mater an lo id in jiliad go patud ipasi a. Saen in ago igane man, in Bai Anut san ilobol an iri pani a.

⁵ Ak ninen o id nal fidian lo Anut in anen yan an mi pemem tabisap yau a. Rumok.

Bilalun uyan ak man in kisaek mi a

⁶ Nai narut saian da, man dugo, an Anut enti a Kristus san ilo panek lo igian an patum apani kisaek on a. Agog an abileksag malam yang bilalun senamo geig an ale dugo an mi ari apani da.

⁷ Bilalun naon sen ak taida mi ak i? Tia geig a. Ak gug aenta e dumado den maeg diganep an ilom muruan dupanan a. Kristus in anen bilalun uyanan en naon sensen in dubulisa dibilila wo ilod ibol da.

⁸ Alon uyan a. Man boi, tia, en el adi kumaen panu lo yak ta boi, bilalun wagam man imug murupaian an mirinanip, bilalun sen ak ta murupaian tap, aria, man mi misilane ru lo madup Ades lo mumado wa.

⁹ Aria, man ru a wagam murupaian an nai gamu fon nurupaian da. Talpein ta bilalun naon sen ak ibol ilasag, bilalun a an anane la yan ida naon kisaek tia tap, Anut in imisilanip Ades lo yau a.

¹⁰ Ru e gamu nai nabol den lo man, tamol adi nai ninen o ilod uyan panag dak ninen o ilod ninen di? Man tia ya, Anut mi nai ilo uyan ipanag o ilog ibol da. Gug an dag nai tamolpein ilod uyan o mi urat niganen dan

ago ilom isou di? Alon uyanan. Nai kagin an ago mi niganen yau tap man, nai Kristus in anen urat tamol mok tia ya.

Pol san bilalun man Kristus awan lo mi ilasa ya

¹¹ O teig adi, an mel en alon uyan o ilog yen da. Bilalun uyanan a nai imug mi nupitejanan se yan man, tamol adi sad bilalun tia ya.

¹² Nai bilalun en tamol sen ak lo ta ninen na ya. Tamol ensauta adi dam nai ta dukubiai dupanag na ya. Tia, saen Jesus Kristus in sen tinin walal te ilasa dugo nile yan lo, bilalun ru en nai ikubiai ipanag a.

¹³ Aria, Juda sad kagin a nai imug mi niri pani se yan ninen o man an alon la ya. Nai man Anut san midaen fidian sad tamolpein nuparfufai dudu san kagin lo natur sakar na ya. Ilo rumok tamolpein wei mok nai nupitejanan se ya, an lo in anen midaen fidian daon nupidinai o wagai niganen se ya.

¹⁴ Naisag tamolpein lulunad lo Juda adi sad ubou leil kagin lo nai imug mi nau a, agod nai tamol wei mi in anen ananar naisag da naon kisaek mi an niranai a. Man dugo, naisag malag kubulan sad tamol kagin niri wo tubun mi ilog nupani na ya.

¹⁵ Ak man, nai tinag gamugo iginiagsi dugo Anut nai kob ipanag la ya, agog murnag in san ilo panek lo dam nai igiag a.

¹⁶ Saen an lo Anut ilo uyan lom, in anen Nanun nai naog na kuai tem ikubiai panag a. Ago dop lo tamolpein Juda tia yan lulunad lo Kristus ninen o mi ru nufulale wa. Ak gug saen an lo nai tamol aenta tan en san dadi ta mukubiai na ya.

¹⁷ Agod nai gamugo dugo aposel adi a in imug dumado yan, neil san ninen o Jerusalem na ta nau na ya. Tia, nai Arabia adi sad tan an lo nau ante numado ya. Ago gug murnag Damaskus na afon namul nau a.

¹⁸ Anteg ananar utol yau gug, Jerusalem na Pita da mukubiai o nau a. Ante nal 15 mi in da mumado ya.

¹⁹ Saen an lo nai aposel aenta neil man tia ya. Jems, Tubun ak san tein, nek in mi nile ya.

²⁰ (An lo gamu ru e an o njigire den, rumok mi, Anut naon na igo njabol da, naj an ru sewak ta nupanan na da.)

²¹ Aria, naj Siria distrik lo njadug, Silisia distrik lo dam nau a.

²² Saen an lo Kristus san midaen adi Juda na dumado dan in naj naog ta dile na ya.

²³ In njaisag ru tim mi dulong se ya, "Tamol a imug id ifunad tamat o igane se yan, gamu en ilo rumok san ru ibol ilasa da. An lo ilo rumok a imug malan isue san ninen o wagai igane na yan, gamu nek amaiak mi dabai ipani da."

²⁴ Fun an ninen o in naj ninen o Anut yanjan diabisa ya.

2

Aposel aenta Pol dadi ilod kisaek a

¹ Murnag anajar 14 yaug, Barnabas njinaneg fon Jerusalem na mamul a. Taitus dam ida mau a.

² Man dugo, Anut insen naj Jerusalem na nau o ikubiai panag a, an ninen o naj njaug atna njumado ya. Ante naj ubou leil san tamol adi dadi mukubiai dugo, bilalun uyanan a gob adi luluñad lo njabol ilasa se yan naod na njufulaleg dulong a. (Gug mianuk lo mi tamol adi a yanad tubun ak amad da yan dida bilalun awan an san fun dam njufulaleg dulong a.) Kabelan njaisag pitenanek dibitinae dop naj naok naok aenta lo kawan njumaspalu se yak ago dubol banau.

³ Aria, Taitus in naj da mumado ya, in Grik dar bo man, gurman adi Juda sad mulun lo idu san ninen o naj ta disadudunag na ya.

⁴ Gug rumok, teid sewak adi in dimianuk on go, manjsama tumanek lo disadu ya. Id wagam kubiaen san subanek lo tumado na ya, gug gamu patun fo tilasag tumado da. Fun man id Kristus da tutumani an lo mi a. Tamol sewak adi mianuk lo disadu yan san fun man, idsad madok foun ak lo tator dan ninen o aban dikibiani wa. Insad ilobol igo ya, id afon insad subanek an lo tiladu san ninen o disadudunad a.

⁵ Ak man man an ninemi wo, in awad paen na ta mumado na ya. Man tia geig a. Amaiak lo bilalun san ru rumok an luluñam lo itaot mok pempem yen a.

⁶ Tamol adi a midaen san leil lo yanad anda yan, in njaisag ru en awan ta dibate na ya, man dugo, njaisag pitenanek fidian itaot a. (Njaisag ilog lo man, rumok in yanad da i? Tia i? An man mel tusan a. Anut in tamol yanad amad da yak ninedi wo mi ilon ta isou na da.) Aria, tamol a yanad amad da yan insad ru ta njaisag ru ta fo dubate man tia ya.

⁷ Tia geig a. In Anut insen bilalun uyanan njufulale san urat banig lo igane yan dile uyanan a. Nek ibol Anut imug Pita ipilianig Juda tamolpein naod na bilalun uyanan ibol ilasa yak igo won, naj itarpasag go tamolpein Juda tia yan ru njabol dulong san an dam dulong uyanan a.

⁸ (Man dugo, Anut a Pita lo Juda tamolpein bilalun uyanan dulong o urat igane se amaiak naj lo dam gob adi ninedi wo urat kisaek nek an igane se ya.)

⁹ Aria, saen Jems, Pita, Jon da naj awag dulong an, ilod isafulale man Anut naj lo insan ilo panek iganeg insan urat njigane wo ipanag a. (Tamolpein aenta tamol utol an "midaen san bag tamol" igo dubol da.) An ninen o naj Barnabas da in banid won ak duwate dugo banid mabi a. In man da nug tein taon igo won dijiliama ya, man in dida iloma kisaek go awama mutumanig igo mabol, man uraru gob luluñad lo bilalun urat migane wa. Gug in man Juda tamolpein luluñad lo bilalun urat digane wak ago dubol a.

¹⁰ Ru kisaek mi igo durupaiamag dubol, man tamolpein moni amad tia yan iloma isou wa. Naj kagin nek amaiak mi ninen o ilog tubun mi yen na ya.

Pol Pita ibubuñani a

¹¹ Ak man murnag saen Pita Antiok na ipalug ilasa man, naj Kris midaen naod na malak malak njububuñani a. Man ata wo? Kagin a Antiok na igane se yan ta uyan na ya.

¹² Man dugo, tamol aenta Jems san na yak gamugo dupalu dugo, Pita in Kris tamolpein a Juda tia ak dida anan diani se ya. Ak gug saen tamol an dilasa yan lo man, isuk imul go asau mi yau a, in ibol dida nug turan tia yak ago igane ya. Man

dugo, muluŋ lo dudu yak san tamol niŋedi wo irer a.

¹³ Agod Juda aenta a Kris dilasag Antiok na dumado dan in Pita dida sewak kagin digane ya. An lo Barnabas dam in sad kagin sewak an iri panig balek uraru san kagin lo idu ya.

¹⁴ Gug saen ŋai ŋeil ak man in bilaluŋ san ru rumok ta diganuri itaot na ya, amaiak niŋen o ŋai fidian naod na Pita igo ŋurupeig ŋabol a. “On Juda dar lo lasa bo man Juda sad kagin ta uri pani na da. Tia, on gob adi sad kagin lo ago utor da. Ago tap, ata wo on gob adi Juda sad kagin an diri dupani wo susunani dak i?”

¹⁵ On ŋai da Juda sad dar lo tilasa ya, id ‘aupasek san’, nek ibol gob adi igo won, id ago tia ya.

¹⁶ Id igo talon la ya. Talpein ta Moses san kubiaen iri ipani dan lo itaotan ilasa san tia ya, tia, Jesus Kristus lo ilon rumok dan in itaotan ilasa wa. Aria, on ŋai da Anut malan lo itaotan tilasa san niŋen o Jesus Kristus o ilod rumok a. An man kubiaen san kagin naok naok a tigane dan lo man tia ya, man dugo, dal amaiak lo talpein itaotan ilasa san tia geig a.”

¹⁷ “Aria, saen id Kristus lo itaot tilasa wo maeg tigane dugo, id aupasek san dal lo tator tau dan ago tile talon man, on dugo ilo isou di? An fun man dugo, Kristus in sen id iduduwad go aupasek lo tiladu yak i? Man tia geig a!”

¹⁸ Man dugo, ŋai Moses san kubiaen tiri tupani san kagin naok naok amaiak ŋurube la ya. Aria, mel a ŋurube la yak, an afon ŋususe tap man, ŋai kubiaen pilalek tamol igo won ŋilasa da wa.

¹⁹ Man dugo, kubiaen an ifunag ŋamat a, an lo na ŋai afon kubiaen paen na ta numado na wa. Tia, gamu kubiaen an san ar patun fo ŋilasa yan niŋen o, ŋai Anut mi paen na numado da.

²⁰ Nai aigim fo ŋayuk go Kristus in ŋai da sisem mamat ak igo won a. Ago bo man, ŋai kumaen numado da. Ak gug kumaen an naisag tia ya. Tia, Kristus in ŋai lo kumaen imado da. Ago yak niŋen o madok e tan en lo yen den niŋen o, Anut Nanun o ilog rumok san dal an lo mi ŋiri ŋupani da. In ilo

panek ipanag a, agod sen tinin ibisei panag a.

²¹ Man niŋen o, ŋai Anut san ilo panek an mel kawan ak igo won ŋigane ilasa man tia ya. Man dugo, Moses san kubiaen an lo mi id itaotan tilasa tap man, Kristus imat an nunon tia ya.”

3

Ru kubiaen uri panek san kagin, tia, ilo rumok san kagin?

¹ O Galesia, bururau ami enti niŋeo ipanag ak i? Man Jesus Kristus nek mukubiai panag la ya. Ansem malam mok lo aigim fo iyuk dugo ale yak igo won a. Enti iganeg an ilom ibilisa yak i?

² Mel kisaek en niŋen o mi ŋusumianag da. Dal dugo yak lo an Awan Urgun anane yak i? Ru kubiaen san dal lo i? Tia, bilaluŋ uyanan in san ru o an ilom lo rumok ak san dal lo i?

³ Ak dugo, an dag bururau igo yak i? Agog Urgun da fun agane gug tinik san kagin lo mi wadan afutani dak i?

⁴ Dag muruan imug mi an lo ilasa yan, an an sen ka asini ak i? Nai ilog ibol dak man, an sen ka ta asini na ya!

⁵ Anut in Awan Urgun an ipanag dugo kulob girager funfun dam an lulunam lo igane ya. Ata wo in ago igane yak i? Dag in san ilo sou lo man an ru kubiaen ari apanid amaiak niŋen o i? Tia, nag an bilaluŋ uyanan en in san ru alon go ilom lo rumok ak lo ago igane i?

⁶ Ru e girek lo yen igo ibol a. “Abraham in Anut san ru niŋen o ilon rumok a. Ago yak niŋen o Anut sen in niŋen o tamol itaotan ak ago ibol a.”

⁷ Man niŋen o an igo alon uyanan a, tamolpein a ilo rumok amad da yan mi in Abraham nanun muroun mok a.

⁸ Ru e wagam mok Anut san girek ilon lo yen en igo ibol, “On tini lo gup tamolpein tan titin fidian lo dumado dan bar uyanan ak diŋane wa.” Ru an Anut sen Abraham ipani a. An alon ak, bilaluŋ uyanan a gamu tabi dan san fun man, ru a Anut Abraham ipani an ilon lo yen a. An niŋen o id igo talon ak, ru an mel e murnap ilasa san niŋen o ibol man, Anut malan lo gob adi

inaned ilo rumok lo idiraip itaotan dilasa wa.

⁹ Amaiak ninen o ensauta a ilo rumok amad da yan in Abraham da sisem bar diñane wa, man dugo, Abraham in ilo rumok tamol a.

¹⁰ Fidian a kubiaen mi duri dupani dugo, an lo Anut patud ipasi wak o tini ganei digane dan, in misilane ru paen na dumado da. Man dugo, ru e girek lo yen den ibol, “Talpein ta mel fidian a kubiaen san buk lo yen dan lo ta itur sakar na tap, in misilane ru paen na imado wa.”

¹¹ Aria, girek lo ru e yen den igo ibol, “Talpein itaotan man sinanen ilo rumok lo kumaen imado wa.” Amaiak ninen o id kuai tem tile talon ak, talpein ta Moses san kubiaen iri ipani dan lo, Anut malan lo in itaotan ilasa san tia ya.

¹² Gug Kubiaen man ilo rumok san mel tia ya. Man ata wo? Anut san ru igo ibol a. “Talpein enti a kubiaen san kagin naok naok fidian igane mok dan, dal amaiak lo mi kumaen inane wa.”

¹³ Id fidian kubiaen san misilane ru paen na tumado dan, Kristus in ijadi go misilane an patun fo tilasa ya. Dugo won in? In sen man id nined o misilane ru paen na idug imado ya. Man dugo, ru e kubiaen ilon lo yen den igo ibol a. “Talpein a ai fo iyuk dan Anut san misilane ru paen na imado da.”

¹⁴ Amaiak ninen o Kristus in Anut san misilane ru lo ipasad go patud ipasi a. An lo dop Jesus Kristus lo mi bar a Anut Abraham ipani an iganep gob adi diñane wa. Ago dop man id fidian, ilo rumok lo mi, nek ibol Anut san promis irupaia ago won, id Awan Urgan tinane wa.

Moses san kubiaen, agod Anut promis ru ipanad an da

¹⁵ O teig adi, nai gamu tou niganag lo piteñane a nrupaiañ dan san awan nubate wa. Tamol ta in mitep imat ak ninen o ilon isou tap, in melmel nanun muroun lo itarpasip ipidinai san ninen o, roun fo igire da. Aria, girek an igane itout gup girek an dawai anda yen da. Saen an lo gup, talpein ta girek an nunon tia yak ago igane ilasa san man tia ya. Agod in ru kitek ta girek an awan ibatep ipani san dam tia ya.

¹⁶ Aria, Anut in san promis ru an Abraham mi ipani wo man tia ya, tia, Abraham inane kubulan da mi promis an ipidinai a. Alon uyan a. Anut Abraham inane malan kubulan dadi promis an ipidinai o ago ta ibol na ya. Man dugo, Anut tamolpein wei mi ninedi wo ilon ta isou na da, tia, tamol kisaek murnap ilasa wan ninen o mi ilon isou da. Tamol an nek Kristus.

¹⁷ Naisag ru en san fun man igo ya. Anut in san promis Abraham ipani an lo, kontrak igane ya. An lo Kristus, gidad in gamugo ilasa bo man, kontrak an in dam inane yabi a. Aria, Abraham imat la gug, anañar 430 yaug Moses san kubiaen ilasa ya. Ak dugo, kubiaen a murna geig gug ilasa yan, promis a Anut wagam mi Abraham ipani an ipasig, itout go, an lo promis an nunon ta ilasa na wak in? Man tia geig a.

¹⁸ Ak dugo, melmel a promis an lo mitep tinane wan, kubiaen tiganuri dan lom tinane wak in? Ago tap man, promis a Anut Abraham ipani an nunon tia ya. Gug id talon ak, Abraham in Anut san promis an lo mi kontrak an inane ya. Ak dugo, Anut san promis a igane yan nunon tia yak in? Man tia geig a. Amaiak ninen o id talon ak, id melmel uyanan a mitep tinane wan, kubiaen tiri tupani dan lo mi tinane san tia ya.

¹⁹ Ak ninen o ago tap, aria, ata wo Moses san kubiaen ilasa yak in? Anut kubiaen Moses ipani an fun man, tamolpein in inane aupasek san kagin naok naok an dile dulon a. Anut kubiaen igansig yen yaug saen idaisuda amaiak lo, Abraham san kubulan a ninen o Anut promis ibol pan an nunon ilasa ya. Taida mi, kubiaen enel adi lo ipalu yan, agod Moses, Anut san titinae tamol, amaiak san banin lo dam ipalu ya.

²⁰ Aria, nai titinae tamol ta ninen o nabol da, amaiak ninen o ru fanan en naisag ru ilon lo yen da. Moses san kubiaen man Anut san promis a Abraham ipani an idaisuda san tia ya, man dugo, tamol ta banin, enel adi sad banid da kubiaen an diabig, aria, kubiaen an urat isini a. Ak gug Anut in sen kisaek mi promis igane ya, an ninen o mel a Anut in sen kisaek mi igane dan, mel an titinae tamol dadi dutumanig

diganei dan irinani a. Fun amaiak ninjen o Anut san promis man mel malan te ya.

²¹ Ak dugo, Moses san kubiaen man Anut san promis inanen ager i? Man tia ya. Man dugo, Anut in kubiaen naon senamo geig ak ta ipanad pe, an lo kubiaen an idirad pe kumaen tumado tap man, rumok nunon, kubiaen lo mi Anut malan lo id itaotan tilasa wa. Gug ru kubiaen naok ago yak ta yen man tia ya.

²² Amaiak ninjen o Moses san kubiaen ta ibinawad na da. Tia, Anut san ru girek igo ibol, tamolpein fidian in aupasek san subanek lo mi dumado na ya. Anut mel an ile funi dugo ilasa ya. Ago pe tamolpein a Jesus Kristus o ilod rumok dan nek amaiak mi, mel a Anut san promis ru ilo rumok adi ipidinai an, mel an dinane mok a.

²³ Aria, saen ilo rumok san dal gamugo ilasa yan lo, kubiaen man id subanek lo idirad go tumado ya. Subanek an ilon lo mi tumado yang Anut ilo rumok san dal iganeg kuai isi san saen ilasa ya.

²⁴ Kubiaen man idsad titianek tamol igo won a, kubiaen an kagin ipanad yang saen Kristus tan na ipalu yan lo itout a. Gamu saen pempem mi id Anut malan lo itaotan tilasa san dal man igo ya, idsad ilo rumok man Kristus lo mi a.

²⁵ Amaiak ninjen o Kristus ipalu yan lo, id afon kubiaen a titianek igo won an paen na ta tumado na wa.

Anj Anut san nanun muroun

²⁶ Man dugo, an Jesus Kristus da atumani an lo an fidian Anut san nanun muroun mok a. Ananem ilo rumok in lo yan ninjen o mi mel an ilasa ya.

²⁷ Man ata wo? Anj ensauta a Kris adi sad fulanek lo Kristus da atumani an man, Kristus atabub ak igo ya. Nek ibol yamel ta ananem tinim abuluwi igo won a.

²⁸ Fun amaiak ninjen o gamu gup ta in Juda tamol, ta in Juda tia yak, enti in bigabeg urat san subanek lo imado dan, enti in inanen ilobol lo mi itor dan, enti in tamol, enti in pein, yanak an ago ta tipate na wa. Yanak naok ago yan man mel kawan a. Man dugo, gamu an fidian mi man Jesus Kristus lo kisaek a.

²⁹ Amaiak ninjen o an Kristus san tap, an dam Abraham san malan kubulan mok a. An ninjen o an Abraham san malan kubulan tap, Anut san promis ru a Abraham ipani an dam an sam mi a, ago dop inanen bar an dam anane mok a.

4

¹ Naisag ru naok man igo ya. Tamol ta nanuk lo mi taman aben inane san melmel kagin ta ipani na da. Tia, in nanuk lo man nek ibol taman san urat pinein igo won a. Gidad melmel an fidian in muroun, ago bo man imado yaup inanen saen idaisuda gup, melmel an fidian in yan paen na dien a.

² Nal a taman ipate pani an gamugo ilasa dop, in tamolpein paed na imado wa, nanuk an taman in tamolpein ipilianag an lo in nek ibol titianek tamol adi igo won nanuk an kagin dupani wa. Taman in titianek adi dida inaned waged lo mi nanuk an imado se ya.

³ Id dam wagam ago ya. Saen id nanuk on man, id tan, ai, pat, did san tubud adi dabai amad tia yak paed na inaned urat pinein igo won tumado na ya.

⁴ Ak man nal a Anut ipateg ilasa yan ate inanen Nanun igane idu ya. In pein ta tinan lo ilasa ya, Juda adi sad kubiaen an paen na dam imado wo ago ilasa ya.

⁵ Anut ago igane amaiak lo tamolpein a Moses san kubiaen paen na dumado dan iniliaip ipasai imul a. Anut inanen Nanun igane idu yan ninjen o id fidian Anut san nanuk njalan ka tilasa wa.

⁶ Anj Anut inanen nanun igo won amado da. Man ninjen o Anut in Nanun san Awan Ur idinig ipalug, id bubed ilon lo iladu ya. Ago yan lo Awan Ur id ilod yabisa dop, Anut tiwagin pe, "O Bai," ago tabol a.

⁷ Amaiak ninjen o on urat pinein kawan igo tia ya, tia, on Anut san nanun mok a. Aria, on in san nanun mok tap, Kristus lo gup melmel a fidian Anut inanen nanun muroun mok ipidinai an, on dam ipano wa.

Pol Galesia ninedi wo ilon muruan a

⁸ Wagam an Anut mok ak ta alon na ya, saen an lo an ai, pat, tan sad tubud tusadi a anut mok tia yan mi paed na amado dugo,

inaned urat pinein igo wonj biabi ad agane se ya.

⁹ Ak gug gamu anj Anut alonj a, tia gidad naj ka igo njabol a, gamu gug Anut anj ilonj a. An ninen o ata wo fon amul pe tamol kagin an paed na sem idiranj au o di? An anj dibinawanj san tia ya, fun dugo, inj nunon tia ya, agod dabai amad dam tia ya. Ak dugo, anj afon inaned subanek ilon lo amado wan ninen o ilom ibol di?

¹⁰ Naj njile yak man, anj nal fidian anjam ilo sou igo yen da. Anj nal tubun tubun ak mi ninen o mala nouk amado da. Kalam foun ak san nal, ubou tubun ak san nal, anajar foun ak san ubou idu yak san nal, nek an mi ari apani da.

¹¹ Naj anjanem kagin naok an ninen o ilog saian da, kabelan njaineg urat anj lulunjam lo njigane yan kawan banau.

¹² O teig taog, saen naj anj lulunjam lo njumado se yan, muruan ta apanag man tia ya. Tia, nek ibol anj Juda sad kubiaen patun fo amado se yan ago wonj, naj dam, kubiaen patun fo njumado se ya. Amaiak ninen o, naj mel en ninen o njuguduananj da. Kubiaen a njaisag madok wagam akitirni na yan njibisei la ya, anj dam nek ago amado wo ilog ibol da.

¹³ Anj ilom isou dak i? Naj turenj nabi wo dugo subam ta ifunag a, fun an ninen o naj imug mi anjam na njupalug bilalunj uyanan san ru an naom na njufulale ya.

¹⁴ Agod subam a naj tinig lo ilasa yan muruan tubun geig anj ipananj a. Ago bo man anj naom sakar go aliag saian dop abianag man tia ya. Tia, anj naj anjiliag ak nek ibol Anut san enjel igo wonj a, tia, nek ibol Jesus Kristus injen mi ak ago anjiliag go kagin ag agane ya.

¹⁵ Ilo uyan an wagam anj naj da nug lo tigane na yan dugot na yau ak i? An dag ideg yau boi. Rumok, naj anj ninemi wo ru en ka njabol a. Nal an lo mi dal ta yen tap, anj ilo uyan tubun geig lo naj abinawag o sirjanem malami apasip apanag a.

¹⁶ Naj ru rumok ak mi njabol a. Nek amaiak lo, dugo, naj anjam ager igo wonj njilasa yak i?

¹⁷ Teid sewak adi a wagam ninedi wo njurupaianj an inj anj tubun mi dipitiananj na ya. Ak gug inj ilo sou uyan ak lo ago digane

man tia ya. Tia, inj manjsama na anj naom diabiani wo ilod ibol da. Inj ilod igo igire ya, anj inaned ar lo asadu dop lo anj inj mi apitianai a.

¹⁸ Rumok, anj naj apitianag o tap, kagin an saen fidian yen o man uyanan a, ak gug ilo sou uyan mok ak lo mi ago agane wa. Agod saen naj anj da tumado dan mi ago agane boi tia, saen naj asau mi njumado dan dam ago agane wo ilog yen da.

¹⁹ O njaineg nanug adi, naj fon madai njukubiani dak, nek ibol pein nanuk igansi wak san madai igo wonj, maeg njigane yau dop Kristus anj bubem ilon lo fon ilasa wa.

²⁰ O kabel, naj gamu anj da tumado dop ru mos nam njurupaianj o ilog ibol da. Ak gug tia ya, ru dabai mi njupananj da. Man ata wo? Naj anj ninemi wo ilog tinarj anda njumado da.

Hagar inj Sara da sad ru fanan

²¹ Aria, anj ensauta a Moses san kubiaen paen na amado wo ilom ibol dan, naj awag alonj o kududom agure. Ak dugo, anj kubiaen an san fun mok alonj uyan i?

²² Man dugo, kubiaen ilon lo id tusutig talonj ak, Abraham inj nanun tamol ak uraru a. Nanun a imug mi ilasa yan injan urat pein tinjan lo ilasa ya, agog nanun a murnag ilasa yan injinanen iwon mok tinjan lo ilasa ya. Iwon Sara an injan urat pein tia ya, tia, inj kawan imado itor a.

²³ Abraham injinanen ilo sou mi irig an lo urat pein an nanuk igansi. Ak man iwon mok man nanuk ago ta igansi na ya. Tia, inj Anut san promis Abraham ipani an lo nanuk igansi a.

²⁴ Aria, pein uraru en sad am san tou igo ya. Pein uraru en man kontrak uraru Anut igane ilasa amaiak sad mitilaen. Kontrak malan malan an did Sinai san a. Nanuk fidian a kontrak an paen na dilasa yan man bigabeg urat san subanek lo dumado dutor da. Pein Hagar dubol dan kontrak an ate tou ipani a.

²⁵ Aria, did Sinai an tan Arabia ilon lo yen da. Hagar inj did an ate tou ipani a, agod inj dam Jerusalem e gamu yen den ate tou ipani a. Man dugo, Jerusalem inj nanun muroun dadi bigabeg urat san subanek lo dumado da.

²⁶ Ak man Jerusalem lak na san man ago tia ya. Tia, tamolpein ate man bigabeg urat tia kawan dumado da. Id aben an san a. Sara aben an naon inane dan ninen o idsad tinad man Sara, Abraham iwon. Agod pein an kubiaen san subanek ilon lo ta imado na ya.

²⁷ Girek lo igo ibol,
 “O niganig pein enti nanuk ta gansi san tian, onj uya isusa wa.
 Onj enti nanuk gansek san madai ta kubiani na dan, masap ilo uyan lo sasai a.
 Man dugo, onj niganig pein bo man, onsa nanuk dusuti tap,
 onsa nanuk san sutek man, pein a iwon da yan inanen nanuk san sutek irinani geig a.”

²⁸ Aria, naj teig taog, an man ibol Abraham nanun Aisak igo wonj Anut san promis ru lo alasa ya.

²⁹ Ak gug Abraham san saen lo, nanuk a Abraham sinanen ilo sou lo ilasa yan, muruan tubun mok nanuk a Awan Urgun san dabai lo ilasa yan ipani a. Agog kagin an dam nek gamu ago mi yen da.

³⁰ Ak man girek lo ru ta muruan an ninen o dugo ibol ak i? An igo ibol, “Onj gidad urat pein in nanun da sisem kudai a. Man ata wo? Urat pein san nanuk taman san filian ta inane na wa, tia, iwon mok mi san nanun taman san filian an inane wa.”

³¹ Ak ninen o teig taog, id man urat pein an san nanun muroun tia ya, tia, id pein a bigabeg urat tia kawan imado dan san nanun muroun mok a.

5

Kristus lo dop idsiganed aupasek isub-anad san tia ya

¹ Kristus id a Juda sad kubiaen paen na tumado dan ipasad an lo, kubiaen an san subanek fon ta ibiad sakar na wa. Amaiak ninen o an ananem madok foun ak lo atur sakar a. An sem idiran pe fon kubiaen san subanek lo aladu wo ago ta agane na wa.

² Aria, naj Pol ru en itaot jurupaian da. An mulun lo adu tap, an Kristus nunon tia yak ago agane ilasa wa.

³ Naj fon nabol da wo da, talpein a mulun lo idu yan, ru kubiaen a Moses san kubiaen

ilon lo dien dan, gidad wei geig bo man, an fidian iri ipani wa. In ru kubiaen tusan mok ak ta gigin na igane san tia geig a.

⁴ Onj enti Kubiaen lo itaotan lasa wo maeg gane dan, onj Kristus san na se ipaso ya. Agod onj Anut san ilo panek bisei pasik a.

⁵ Ak man id a Urgun lo tator dan, id itaot ad tilasa wo ilod yen da. Agod Kristus lo ilod rumok an lo, id itaot ad tilasa san an ninen o mala nouk tumado dan, nunon tile wa.

⁶ Man dugo, saen talpein ta in Kristus da dutumani dan, gidad mulun lo idu boi, tia, mulun lo ta idu bo man an mel kawan a. Mel kisaek nek en mi in tubun a, id ilo rumok amad da yan lo tamolpein aenta ilod tipidinai da.

⁷ Teig taog, an imug mi man amaspalu uyanan se ya. Enti naom ifutanig, an lo gamu an fon ru rumok an ta ari na di?

⁸ Ilo nanek naok ago yan Anut a an igian an san na ipalu man tia ya.

⁹ Ilo isou, “Yis kitekan an flawa tubun ak da dukubulip, ifurak yaup iganep flawa fidian ikafut isuda wa.”

¹⁰ An naj da Tubun ak lo tutumani an lo man, ananem ilo sou mel an ninen o, nek ibol naisag ago wonj yen yau ak ago nabol da. Gug talpein a iganeg an ilom ibalkaluk dan, gidad in tamol naok dugo yak, Anut bitinaek lo iganep ai wadan dugo igane amaiak naon ka isini wa.

¹¹ Teig taog, naj tamol tinid sunulon dutute ninen o nabol yau dop bunun an naj dabai nupani tap, fun ata wo naj dumisilanag dak i? An ago tap man, aigim san muruan a Juda dukubiani dugo malad lo saian geig dan itout yau a.

¹² Gidad, tamol ensauta a ananem ilo sou dukubuli dan, ininaned nabud dutartip dibiliau tap, an uyanan mok a. Naisag ilo sou nek ago ya.

¹³ Teig taog, Anut an Kubiaen san subanek patun fo alasap amado wak o igian a. Ago dop an kawan amado ator a. Ak gug an kawan amado dan ninen o, ananem tinim san kagin saiak saiak an mi ari apani wo ago ta agane na wa. Tia, an ilo panek lo mi nug abinawi wa, an nek ibol urat pinein ago wonj ilo sou ago agane wa.

¹⁴ Man dugo, kubiaen san ru fidian man itumanig ru kisaek en lo mi ilasa ya. “On sinane tini ninen o umat ago mi, tamolpein aenta dam ninedi wo umat a.”

¹⁵ Ak man an goun kasik igo wonj alasap, aenta afunai dop aniai tap, kagin agane wa. Man dugo, an murnap nug afini dop nug daonj apai dop ago amado wa.

Awan Urgun san ilobol lo mi ator a

¹⁶ Nai igo nrupaianj da, Awan Urgun san ilobol lo mi ator a. An ago agane tap, tinim san ilo masai an ta ari apai na wa.

¹⁷ Man dugo, anjam tinim san ilo masai man Urgun san ilobol injan ager a, agod Urgun san ilobol dam tinim san ilo masai san ager a. Uraru an nug dufuni wonj da. Awan Urgun ago igane yan fun man, onane tini san ilo masai an ilasa wo igane dop san dal ifutani pani wa.

¹⁸ Gug an Awan Urgun paen na amado tap, Moses san kubiaen ka irinananj a.

¹⁹ Aria, kagin naok naok a tinik san ilobol lo dilasa yan kuai isi a. Jeit kagin, kagin ikokan tia yak, kagin funfun nun anda yak,

²⁰ on tubud ai pat sad mitilaed ubou ad ule dak, nawir ganek, siai, nug funek, turak susai, tinj saiak, onse mi wo ilo sou gane dak, ilo kisaek kagin umoi, ru rumok onsa doup lo mi yen dugo aenta sad na tia ubol dak,

²¹ aenta sad filian o mala isi dak, you sakar ak uluk dugo kukok nun anda yak funfun gane dak, agod kagin naok ago yak aenta dam fidian ago mi a. Nai ru dabai anda wagam nupananj la ya, agog gamu fon nupananj da, tamolpein kagin naok ago yak diri tap, in Anut san kagin panek ilon lo diladu san tia geig a.

²² Ak man Awan Urgun san nunon man, ilo panek, yousai, maror, mos ganek, ilo munjanek, kagin uyanan ak gane dak, onane ru ganuri dak,

²³ maror lo mado dak agod se tini titiani uyanan da. Kubiaen ta lo kagin naok ninen o geg ta igane na ya.

²⁴ Agod tamolpein a Jesus Kristus san amaiak insad kagin wagam ak fidian aigim fufo dubalig, an lo tinik san ilobol agod tinik san ilo masa an da sisem dumat a.

²⁵ Teig taog, id Awan Urgun lo tator tap man, injanen ilobol mi tiganuri wa.

²⁶ Talpein ta id lulunad lo se pitiano i kagin ta igane na wa. Anjam lo nug ilo saian apai dop nug ta afuni na wa. Agod an nug san melmel o malam ta isi na wa.

6

Nug san muruan asini

¹ Teig taog, saen tamol ta anjam midaen ilon lo aupasek igane dop an mel an kuai apai tap, talpein a pempem Awan Urgun da ditor dan mos nam dibinawip Anut san dal iri da wa. Anjam dam kagin agane wa, kabelan mel an ilom injanep, an dam aupasek naok an lo adu banau.

² Nug san muruan asini wa, ago dop man an Kristus san kubiaen ibol ago aganuri wa.

³ Talpein a injan yanjan anda ibol, gug Anut malan lo in yanjan tia ya, an lo injan irawi da.

⁴ Ago gug onsigane urat bitinaek lo gane dop urat an naok dugo yak ka kubiani wa. Fun dugo, onse ipitiano wo ilo ibol tap, se pitiano i kagin an san fun in tamol sen ak san silali naon lo se yanja ta wabisa na wa.

⁵ Man dugo, id anen anen atem idsiganed muruan tisini wa.

⁶ Talpein a manau inane dan, injanen mel uyan an fidian iwaep, girek manau a manau ipitenjani dan da sisem mel an dinjane wa.

⁷ Ak dugo, on Anut awan patu pani dop in naon muruan ta ipano na wak ago ubol di? Mel an ninen o se ta irawo na wa. Man dugo, talpein ta ai patun naok dugo yak ipae tap, in murnap ai patun naok an mi nunon mok injane wa.

⁸ Saen talpein ta ai patun a sen tinin mi kagin ipani san an ipae tap, nunon man injanen tinin nutun da malan issue wa. Gug in ai patun a Urgun ilo uyan ipani san an ipae tap, nunon man Urgun in kumaen pempem yen yau san an ipani wa.

⁹ Amaiak ninen o id kulob uyan uyan an mi tigane san kagin lo tatur sakar a. An ago tigane wo ilod ta isali na wa. Man dugo, murnap idaned naon tinjane san saen gamugo idu dop, id ilod ta idu yau na tap, idaned naon sinjok aman an tinjane wa.

¹⁰ An ninen o saen id mel uyan ak ta lo tamolpein aenta tibinawai o dal ta tile tap, ka ago tigane pidinai a. Rumok, tamolpein fidian tibinawai a, ago gug Kris adi tibinawai san man malan te ya.

Onj talpein foun ak lasa wa.

¹¹ Naisag girek en tintinan mi njigire da, ante dop anj alonj ak girek en naj sinag banig mok nam njigireg anjam na ipalu ya.

¹² Tamol ensauta a anj mulunj lo adu wo disadudunanj dan man injsed mi wo ilo sou digane da. Inj anj ninemi wo ilod ta isou na da. Fun dugo, inj Juda aenta muruan dupidinai o dumoi da. Kagin nek an injsad kulob san fun mok. Man ata wo? Juda wei mi Kristus san aigim injsan ager ago dumado dan lo, Juda a mulunj kagin dabai ta dupani na dan muruan dupidinai da.

¹³ Ago bo man, tamol a mulunj lo dudu yan injsed mi Kubiaenj san ru an fidian ta diri dupani na da. Inj disadudunanj dop mulunj lo adu san fun man, anj injsad megeloum igo wonj alasa wa, ago dop Juda aenta malad lo sed ipitianai a.

¹⁴ Ak man naj seg ipitianag dop, nek ibol inj sed ipitianai dak, ago njigane man namoi da. Tia geig a. Kristus san aigim amaiak naj ninen o mi seg ipitianag da. Man dugo, injsan aigim fo naj namat la ya, ago dop tan en san mala bulbal naj ilog injane san tia ya. Agod injsan aigim ninen o naj ilo sou igo njigane da, tan en san dal fidian an nek ibol mel ta imat la yak igo wonj a, agod naj njuri njupani wo namoi da.

¹⁵ Gidad onj mulunj lo udu boi, tia mulunj lo ta udu na boi, an mel kabel mi a. Mel kisaek nek en mi tubun a, Anut mi titiani dop, injsen mi iganep onj talpein foun ak lasa wa.

¹⁶ Tamolpein ensauta a injsad turenj lo naisag pitenjanek duri dupani dop lo dutor dan, Anut injsan maror agod injsan ilo munjanek dam, ipidinaip lo ago dumado wa. Tamolpein amaiak mi inj Anut san Isrel mok.

¹⁷ Saen gamu tumado yau den lo talpein ta naj muruan ta ipanag na wa. Man dugo, naj Jesus ninen o tini madai dupanag an san teb njisinig njumado da.

¹⁸ Teig taog, naj Anut njusumiani dop Jesus Kristus idsad Tubun en injsan ilo panek anj njutumi ilon lo ka yen a. Rumok.

Efesus

¹ Njai Pol, Anut ilon yen ak lo, in Jesus Kristus san aposel ago isikatag a. Njai an Kristus san tamolpein gun a Efesus taun lo amado dugo Kristus mi awan ari apani dan, an sam na girek en ngigane ipalu da.

² Bai Anut mi idsad Tamad, Tubun ak Jesus Kristus lo ilo panek an lo yen dop, ilo maror amam da ka amado wa.

Urgun san na bar uyan uyan ipalu ya

³ Idsad Tubun ak Jesus Kristus in anen Taman, Anut mi in yan an tabisa wa. Man dugo, id Kristus da tutumani kisaek ak ninen o, Awan Urgun san bar uyan uyan ak fidian a lak na yen dan ipanad go tuburou ya.

⁴ Saen Anut tan ta igane ilasa na dugo, id Kristus ida itumanad o kob ipanad a. An lo saen id in naon na tatur dan, id gun tumado dop, in malan lo man id ai wadan amad tiap itaot mi ago ka tumado wa.

⁵ Wagam mi mok, id ninjed o imat an lo, kob ipanad go njalan in jiliad pe in san nanun muroun mok tilasa san man Jesus Kristus lo mi a. In anen ilon yen ak lo mi, id sinjiren na tau san ilo uyan lo ago igane ya.

⁶ Ago dop id in san ilo panek sinjira geig an ninen o per tupani wa. Anut san Nanun man in san buben mok a. Aria, Nanun an lo ilo panek a ipanad an sen kawan naon tia ipanad a.

⁷ Kristus id da tutumani kisaek an ninen o, in anen dar lo in idad in jiliad dugo idaned aupasek fidian ipare idu ya. An in san ilo panek tubun geig ak iri pani a.

⁸ Anut in anen ilo panek id ninjed o tubun geig ipanad a. An lo man au funfun agod ilo safulalek uyan uyan dam ipanad a.

⁹ Mel an wagam mi Anut san ilo sou lo mi yen a. Ak man milaen mok in anen ilo sou an imianuk yen a. Aria, gamu gug in anen ilo sou imianuk an kuai tem igane ilasag id ilod isafulale ya. Kristus lo gup urat an yen a.

¹⁰ In san ilo sou igo ya, in mel fidian un ad yabip yau gup, nal a kob ipani antep, mel an fidian Kristus lo mi itumani wa. Melmel lak na, agod tan na dam, Kristus paen na

mi dien a, agod in mel an fidian sad tamad imado wa.

¹¹ In lo dam Anut id ipilianad go id Kristus san mi a. Man dugo, Anut in mel dugo ilasa san ninen o ilo sou igane dan ago mok mi igane ilasa da. An ninen o Anut mel a id ninjed o ilasa wan wagam mi ilon yen ago mi igane ilasa ya.

¹² Man Juda adi malmalan mi Kristus o iloma rumok a. Aria, Anut kob a ipanama yan san fun man, in san girager tubun geig an per mupani dop lo mator a.

¹³ In lo an dam, ru rumok a patum ipasi san bilalun uyanan alon dugo in o ilom rumok a, an lo in anen kob anane ya. Kob an man in san Awan Urgun nek a id ipanad o promis ru ibol a.

¹⁴ Awan Urgun man mel imug Anut ipanad a, amaiak lo id talon ak, murnap id dam mel aenta fidian uyanan ak Anut bageu iganeg yen dan tinane wa. An nek ago mi yen yau dop Anut mi melmel an ipanad a. Fun an ninen o in san girager an tubun mok per tupani geig a.

Pol Efesus ninjedi wo Anut igudani da

¹⁵⁻¹⁶ Fun nek an ninen o naj Anut naon na an ninjemi wo ilo uyan ru nupani dan, ta njialis na da. An nek saen naj an Tubun ak Jesus Kristus lo ilom rumok an njalon ak, agod ananem ilo panek a Anut san tamolpein gun ak fidian lo agane dan dam ninen o njalon an, saen antem naj fun ngigane ya. An lo naj pempem an ninjemi wo dam ilog isou dugo Anut ngugudani won da.

¹⁷ Idsad Tubun ak Jesus Kristus san Anut, in nek a girager san Taman amaiak naj igo ngugudani da. Ananem man au in lo yan iganep, kankan milaen ak san ur, agod melmel imianuk yen dan kuai ipani san ur dam an ipan an a.

¹⁸ Naisag gadin lo Anut nsumianip an lil-aman ipan an dop ilom isafulale wa. Agod melmel a anane wo igian go mala nouk amado dan san fun mok alon uyan a. Agod Kristus san filian a girager aman da yan in san tamolpein gun ak ipidinai o promis ru ibol an dam alon uyan a.

¹⁹ Taida mi, in san dabai tubun geig ak id ilo rumok tamolpein ilod lo urat igane dan, an dam alon uyanan o naj ilog ago yen da.

Dabai an san tubun man tubun kasik id tou tigane san tia ya. Dabai a id lo yen dan nek dabai amaiak mi Kristus materj lo ifufuni imasa yan da naon kisaek a.

²⁰ Dabai nek an mi Kristus inane isudag, kumaen panu lo kalik malan te yak ate, Anut giranjen won ak lo iganeg imasi a.

²¹ Kristus injen man kinj adi, gabman san nao njanak tamol adi, gurman fidian, ur fidian dabai amad da yan, tamol fidian a tamolpein malad lo in yanad amad da yan dam, an fidian irinjanai a. An saen gamu mi san tia ya, an saen murnap san dam mi a.

²² Anut in mel fidian Kristus paen na iganeg dien da. Agod ipilianig Kris midaen fidian tan en lo sad gurman igane ya. Ago yan lo binawek uyan uyan ak ipidinai a.

²³ Kris tamolpein man Kristus injen tinin. Ago yan lo Kristus injen bunun injen lo awan isag yen dan, Kris midaen fidian ilod lo kuai isip, an lo dop tamolpein fidian dile wa. Man dugo, Kristus injen man mel fidian e tan en lo dumado den tinid inane futeg imado da.

2

Kristus lo id kumaen tumado da

¹ Gubak mi anj aupasek agane dugo kubaen dam arinani se ya. Agog an lo njutum dam imat ak, ago mi amado na ya. Gug saen anj aupasek lo ator se yan lo in iganeg anj kumaen amado ya.

² Nal an lo man anj tan en san kagin saiak lo amado se yak, ago mi ator na ya. Anj ur saian ak sad gurman, timtaen lo itilanig dabai anda itor dak san kagin ari apani se ya. Ur saiak an gamu en in tamolpein ensauta a awa parsisalek tinadi an, tinidi lo urat saian ak igane da. Man dugo, in Anut awan ta diri na da.

³ Wagam id fidian dam nek in dida naon kisaek a, ago dugo ilo masai san kagin an mi tiri se ya. Idaned ilo ibol agod tinid san ilo masai dam lo tumado na yan, an ninjen o idsad madok tan en lo man id Anut san tinjae saiak paen na tumado da. An nek ibol tamolpein fidian tan en lo ditor dak, ago mi a.

⁴⁻⁵ Ak gug, Anut id Kristus da itumanad go kumaen pempem san ipanad a. Man dugo, Anut in ilo murjanek tinin lo man

awan isa geig a, an lo in id o tubun mok imat an ninjen o, gidad, idsad aupasek lo njutum imat yau bo man, kumaen ipanad go njutum kumaen dilasa ya. (Anut san ilo panek lo mi anj patum ipasi a.)

⁶ Agog Anut id enti a Kristus da tutumani an in da materj lo ifufunad go kumaen tilasa ya. Ago dugo in da sisem mi kumaen panu lo taug inanen badim fo tumasi a.

⁷ In ago igane yan san fun man, saen murna murna ilasa san an lo gup injen ilo panek tubun geig an id naod na kuai tem igane ilasa dop pempem tile wa.

⁸ Man dugo, Anut san ilo panek lo mi patum ipasi san man anjam ilo rumok lo mi a. Mel an ansem ta agane na ya. Tia, Anut sen kawan geig anj ipanaj a.

⁹ An man anj urat agane yak san naon tia ya. Kabelan tamol ta an lo na sen yanjan yabisa banau.

¹⁰ Man dugo, id man Anut san banin aban a. In id Jesus Kristus lo idirad go foun tilasa ya. An fun man id kagin uyan uyan ak mi tigane wo wagam mi Anut ikubune panad an mi turi wa.

Id Kristus lo kisaek tilasa ya

¹¹⁻¹² Amaiak ninjen o anj imug mi Kristus lo asau mi amado se yan ilom isou wa. Tamol a mulun san kulob dinane yan, in anj ninjemi wo tamol mulun san tia yak ago dubol da. Gidad ago durupaianj bo man, kagin an tamol sad kagin sed tinid lo digane da, an man banid san mel mi a. Saen an lo man anj Isrel sad tumanek lo naom tarej dufou se ya, agod Anut san promis ru Isrel adi ipidinai an ninjen o anjan a. Rumok, anj mel uyan ak ta ninjen o mala naok aganeg ta amado na ya, tia, anjam madok tan en lo man, Anut tia yak igo wonj amado se ya, an ninjen o dam ilom isou wa.

¹³ Rumok, imug mi anj asau mi amado se ya. Ago gug gamu man Kristus san dar lo anj injilianj go apalu ya. Anj Jesus Kristus ida atumanig, lo gamu en anj Anut sumeikan mok sinjiren na amado da.

¹⁴ Man dugo, Kristus injen man idsad ilo maror. Anj alonj ak, tempel ilon lo tarej ta yen an lo gilek yen a, tarej an Juda adi senamo idirai dugo Juda tia yan dam

senamo idirai a, an lo turen an san siai tu-manek malan uraru an ilod lo yen a. Aria, gamu id ilod kisaek tilasa wo Kristus in siai an san tarej irube yang itout a, ago yan lo tumanek uraru an iganeg afon kisaek tilasa ya.

¹⁵ Insan materj lo Moses san ru kubiaen fidian agod ru kagin fidian ilon lo yen an dam ifini imat pasik a. An lo na Kristus insen Juda tamol in Juda tia yak da injal go itumanaig, an lo tamol foun ak kisaek mi ilasa ya. Dal an lo maror igansi a.

¹⁶ Kristus tinin kisaek amaiak lo, tamol wagam an uraru mi itumanaig, Anut san turan mok on dilasa ya. An san dal man Kristus aigim fo imat amaiak lo mi a. Dal nek kisaek an lo mi siai a nug lo yen an, Kristus igane itout a.

¹⁷ In bilalun inaneg an a asau mi amado dan sam na ipalu ya, agod man Juda e sum-sumeik mumado den dam mi a. Bilalun maror san an id fidian naod na ifulale ya.

¹⁸ Gamu in lo, id fidian geig Awan Urgan kisaek an lo mi dalawan ipasi panad dop Bai sinjiren na tilasa wa.

Id Anut san ab gun ak igo wonj tumado da

¹⁹ Gamu en an tamolpein naom foun ak igo wonj ta amado na ya. Tia, an Anut san tamolpein gun ak dida naom kisaek mi a, agod an insan warou mok ilon lo dam amado da.

²⁰ An Anut inanen ab igo wonj isuse da. Man aposel, profet dida man, Anut ab an san bag igo wonj igunama ya. Jesus Kristus insen man ab an san bag tamol.

²¹ Ab an san tatu fidian man Kristus lo mi isasau a. Ago dop ab isuse yan lo ab kisaek gun ak Anut ilon lo imado san ilasa wa.

²² Kristus lo dam, in injilian go an ab gun an da ibateg kisaek mi an ab an tinin aenta igo wonj amado da. Amaiak ninen o gamu Awan Urgan insen Anut naon inaneg ab ante imado da.

3

Anut san ilo sou imianuk yen an kuai te ifulale ilasa ya

¹ Fun an ninen o, nai Pol, an tamolpein a Juda tia yan ninemi wo Kristus san subanek

tamol numado da. Aria, Anut nugudani wo da, ak gug ru ta jurupaian o da.

² An dag ru en alonj boi. Anut insen inanen ilo panek nai banig lo iganeg nuwae panan o urat njigane da.

³ Nai imug girek en njigireg lo jurupaian a, Anut sen insan ilo sou mianuk an, an nai irupaia g a.

⁴ Saen an ru en asuti dop, igo ale gup, Kristus san ru mianuk ak an nai njalonj fufei a.

⁵ Saen imug imug ipalu se yan lo man, Anut in ru imianuk an tamolpein tan en san naod na kuai te ta igane ilasa na ya. Ak man gamu en Awan Ur lo yak ninen, in man aposel inanen profet adi dam, insen ru imianuk an fun ifulaleg kuai tem ilasa dugo dulong uyanan a.

⁶ Ru mianuk an man igo ya, an gob adi Juda tamolpein dida sisemi Anut san bar uyan uyan ak anane wa. An in dida atumani an lo tinim kisaek alasa ya. Agod melmel a Anut san promis lo tinane wo ibol an, id sisem tinane mok a. An bilalun uyanan Anut Kristus lo ipanad an lo ilasa ya.

⁷ Bilalun uyanan en ninen, Anut ipilianag go insan bilalun tamol njilasa ya. An insan ilo panek a sen kawan naon tia njigane yan iri pani a. Rumok, inanen dabai tubun geig ak lo nai iginiag go tamol naok ago yak njilasa ya.

⁸ Gidad, nai Anut san tamolpein lulunad lo, tamol kawan ak igo wonj numado bo man, in nai ilon ipanag go urat emaiak ipanag a. Urat en man, Kristus san bunun uyanan a talonj san id ta idaisuda na yan ninen o, gob adi naod na kuai te njabol ilasa dop dulong a.

⁹ Anut san ilo sou saen milaen mok imianuk yen se ya. Ak gug Anut a mel fidian igane yan, inanen ilo sou an kuai tem ilasa wo ago ilon yen da. Ago dop tamolpein fidian insan ilo sou imianuk an dile dulong a. Agod in urat an dam nai ipanag a.

¹⁰ Rumok geig, Anut in kulob a insan tamolpein lulunad lo igane ilasa yan lo, inanen manau funfun naon senamo geig an iganeg kuai isi a. Ago igane yan lo, ur sad gurman in ur fidian a dabai amad da yan dida lak na ditilani dutor dan, Anut

san manjau tubun geig ak an ikubiai pidinai dop dile wa.

¹¹ En man inſan ilo sou saen fidian san a. An lo man gamu Jesus Kristus idsad Tubun ak lo Anut san ilo sou an nuſon ilasa ya.

¹² Id Kristus o ilod rumok dop, id tarer san tia ya. Id an lo talon uyanan ak Kristus in mi idsad dal. In lo gup id Bai sirinjen na tilasa wa.

¹³ Ago yak ninjen njai gamu en nſurupaian da, madai e an ninjemi wo nſisini den ninjen o ilom muruan amoi. Man ata wa? Madai en man anjanem girager tubun a.

Pol Efesus tamolpein dutur sakar san ninjedi wo igudani da

¹⁴ Fun an ninjen o njai Bai naon na turug nſusalui a.

¹⁵ In warou fidian lak na yak in tan na yak dida dumado dan sad Tamadi a. Man ninjen mel fidian an inſen mi yanjad ipidinai a.

¹⁶ Njai turug nſusaluwig igo nſugudani da, Anut inſan girager san binawek wei mi an an nſutumi ilon lo ka igane wa. Ago dop an lo inſan Urgun idiran pe tamolpein nſutum dabai tubun mi ak amam da ago amado wa.

¹⁷ Ago dop Kristus sen anjanem ilo rumok an lo nſutumi ilon lo ka imado wa. Njai igo dam nſugudani da, ilo panek kagin an man anjanem kagin naok naok fidian san fun mok a.

¹⁸ An lo an Anut san tamolpein fidian dida sisem, Kristus injanen ilo panek an alon uyanan san, an ikawilami wa. Ago dop man an ka alon uyanan ak, Kristus ilon ipanan san kagin man tubun mok, yaug milaen geig, isida yaug lak na kasik, idu yau geig a.

¹⁹ Rumok, id injanen ilo panek an talon pasik anen ta idaisuda na ya. Gug gidad, njai ninjemi wo Bai nſugudani on da, an inſan ilo panek an alon uyanan a, ago dop man Anut san bunun uyanan fidian ilon lo awa na geig an, an lo dam ka awan isa wa.

²⁰ Anut in mel dugo onsa ilo sou lo yen dan, agod mel dugo ninjen o sumiani dan dam, irinjanip, suguan dam ka ipano wa. Inſen mi injanen dabai id ilod lo urat igane dan lo, urat an fidian igane wo idaisuda geig a.

²¹ Ago yak ninjen o, inſan tamolpein lunjad lo, Kristus lo dam, Anut san girager kuai tem yen a, gamu yen ak, nal pempem nek agom yen yau a. Rumok.

4

Id Kris fidian ilod kisaek a

¹ Njai Pol, Tubun ak san subanek tamol, njai igo nſurupaian da. Madok a Anut ninjen o igian an ari apani wa. Ago dop kagin a inſen ninjen o ilon yen dan lo mi itaot ator o ago ilom nſabisa da.

² An sem ibian adu dop tamolpein maror amami ak igo won amado wa. Saen an ilo muruan dupanan dop ninjedi wo an ilom wananan amoi. An anen anen nug ilon apani wa, ago dop muruan a nugnug lo akubiani dan, gidad asini wa.

³ Anjanem ilo kisaek Awan Urgun lo yan, maror nek a ituanan iso yan lo mi maeg aganep kagin apani wa.

⁴ Id Kris adi tinid kisaek, agod Awan Urgun dam kisaek a. Nek ago mi, mala nouk kisaek nek a Anut ninjen o igian ago mi a.

⁵ Tubun en man kisaek a. Ilo rumok san kagin dam kisaek a, Kris filanek dam kisaek a.

⁶ Anut dam kisaek mi a, id ilo rumok tamolpein fidian idsad Tamad a. In id fidian fufo lak na ya, agod id fidian anen anen ilod lo urat igane da. Agod in id fidian tinid lo imado da.

⁷ Ak man Kristus ilo panek lo mi id anen anen inſan ilon yen ak iri panim, inſan lou funfun id ipanad a.

⁸ Amaiak ninjen o Anut san ru buk lo yak igo ibol,

“Saen in lak na isuda yau man,
tamolpein a wei mi njied banid sub-
anek lo yen se yan iniliai go dida diau
a.

Ago dugo inſan lou panek funfun an
tan san tamolpein ipidinai a.”

⁹ (“In lak na isuda yau” ru an fun dugo yak i? An fun man in imug mi tan en lo ipalu idu ya.

¹⁰ Enti in a tan na idu yau amaiak, in mi did aben fidian dam irinjanaig isuda yau an lo, inſen mi mel fidian ilodi tinidi lo in mi awan isa wa.)

¹¹ Inſan lou panek man igo ya. Ta aposel urat, ta profet urat, ta bilaluſ urat, ta matu urat, aenta girek maſau urat lo iginiaig dumado da.

¹² Anut san tamolpein man Kristus tinin. Aria, lou funfun amaiak ipidinai an lo man, Anut san tamolpein urat digane san dal dukubune wa. An lo man, in anen anen Kristus san urat biabi ka digane wak, agod in Kristus san tinin dabai dupani wa.

¹³ Urat en ka yau woſ dop id fidian sad ilo rumok lo, agod idsad maſau a Anut Nanun niſen o an lo dam, id tamolpein itumanad pe kisaek tilasa wa. An lo dop id Kristus san kagin lo busumak sad tou tiſanep tumado wa. Aria, busumak adi sad bunun a tiſane wo maeg tigane dan san tou man, bunun an fidian Kristus lo mi yen da.

¹⁴ Wagam id nanuk oſ tumado na ya, id wog igo woſ beig san bururuk gidigheid iriad ila iso se ya. Gug id Kristus oſ tilasa wo dop, id afon nanuk oſ ta tumado na wa. Man dugo, imug mi kagin en id Kris tamolpein lulunad lo yen a. Tamol ta supalek ru nam pitejanek foun foun ak dupanad a. Pitejanek an Kris tamolpein iduduwai dugo ilo sou uyan ak san dal ifutani da. Tamol an dal funfun lo dirawai dugo dal saian ak lo didirai diau da. Teig taog, id fon ago ta tilasa na wa.

¹⁵ Tia, id ilo panek san dal tiri dan lo ru rumok ak mi kuai tem tabol ilasa wa. Ago dop id nek ibol nanuk igo woſ titalbusi uyanan a. An lo dop kagin fidian lo titalbusip, id Kristus igo mi tilasa wa. Inſen mi idsad gurman.

¹⁶ Id Kris tamolpein man Kristus san tinin. Kristus itirnad dugo inanen tinin id dabai tupani da. Tinin san boi anen anen man tinin an da isatuanig yabig dabai go kisaek mi dipinig dien da. Tinin an san boi anen anen inſiſaned urat kisaek kisaek atem digane da, an lo tinin fidian italbusip ilo panek lo dabai inane da.

Ananem madok san dal

¹⁷ Tubun en lo ſai ru kagin e ſurupaian den an ari apani wo tubun mok ſududuwan da. An afon gob adi sad dal lo ta ator na wa. Man dugo, inſad ilo sou an kawan mok a.

¹⁸ Inſad duloſ man tidom tubun yafutani a, agod Anut san madok niſen o man in ibol tamol asau ak igo woſ a. Man dugo, diſaon go dumado da. Inſad ilod pat igo woſ dabai geig an lo Anut ta duloſ na ya.

¹⁹ Kagin itaot ak niſen o man kagin ta dupani na ya, an lo ilo masai san kagin an mi diri dupani da. Kagin fidian nun aman da yak lo diladu san niſen o mi yaes isofutanai da.

²⁰ Ak man an dal an lo Kristus niſen o ta aloſ na ya!

²¹ An dag Jesus niſen o dupitejanan dugo ru an kagin ta apani na ya. Taida mi, Jesus ilon lo mi ru rumok yen da. Aria, an rumok tap, ſai gamu ſurupaian da,

²² an ilom wagam ak san turen an abisei wa. An ananem madok wagam ak san mel mi a. Ilo masai san kagin an ilom inane dop, sem ſudum asue dop lo mel fidian a saian ak an mi agane wa. Amaiak niſen o gamu en an kagin wagam an akudip yau a.

²³ Ago dop an lo an ſutum in ananem ilo sou fidian da ka foun dilasa wa.

²⁴ Ananem ilom foun a Anut sen igane ilasa panan an mi ananep an tinim ilon lo agane wa. Ago dop ilom foun ak san bunun in Anut san bunun da naon kisaek a, an lo an ilom ilon lo kagin itaot ak in kagin gun ak da awan isa wa.

²⁵ Amaiak niſen o an rawek kagin an amoi. An fidian ru rumok ak mi Kris aenta naod na arupidai dop duloſ a. Man ata wo, id fidian tinik san boi anen anen amaiak san tinik kisaek ago tumado da.

²⁶ An ka talpein ta niſen o ilom saian a. Ak gug kagin an ale funi dop aupasek lo ta idiran au na wa. Tia, kagin agane wa, saen ad gamugo idiau dop, ananem ilo saian nug niſen o an akubunep itout a.

²⁷ Agod an dal ta Satan ilom inane wo ta apani na wa.

²⁸ Ta in gumagam tamol man fon ta igam na wa, tia, in urat igane wa. In urat uyan ak mi banin lo igane dop, an lo tamolpein a melmel lo katuk ad go dumado dan binawek ka ipidinai a.

²⁹ An ru saiak binawek aman tia yan awam lo ilasa amoi. Tia, ru uyan ak mi abol ilasa wa, ru an ka tamolpein duloſ dop lo dabai ipidinai a. Gidad muruan

dugo dugo tamolpein dile dan, ru a ibi-nawai san an mi abol ilasa wa. Ago dop tamolpein a ru an duloŋ dan, an Anut san nao ŋanek igo woŋ inŋsan ilo panek apidinai a.

³⁰ An Anut san Awan Ur ilo muruan apani amoi. Awan Urgan in man Anut san kob an ilom ilon lo igane ya, amaiak lo Anut inanen tamolpein iniliai san nal an lo an dam sisem iniliaŋ a.

³¹ An ilom lo siai kagin, tinæ saian san kagin, nug abubuŋani adiri san kagin, uf ru san kagin, agod dumadam kagin dam, an fidian akudaip diau itout a.

³² An nug niŋen o bubem kisaek ak lo, tini misek san kagin lo dam atur sakar a. Nek ibol Anut in Kristus log ananem aupasek ipare idu yak ago mi, ansem dam nug niŋen o ago agane dop ator a.

5

Lilaman lo tator da

¹ Ago yak niŋen an gidad kagin a Anut inŋsen igane yan mi ari apani wa, man dugo, an inŋsinanen nanun muroun mok amado da, agod in tubun mi ilon ipanaŋ da.

² An aenta ilom apidinai san turen lo mi ator a, nek ago mi Kristus ilon ipanad an lo inŋsen tinin ibisei panad a. In man nek ibol bilelek a Anut dupani wo yai digane dop inŋsan mumalun iwen siŋaokan pe lak na yaup Anut ilo uyan ipani san igo woŋ a.

³ Aria, an jeit kagin lo, kagin nun anda yak fidian an lo dam aladu amoi. Agod aenta sad melmel niŋedi wo malam isi amoi. Aupasek naok ago yak man Anut san tamolpein luluŋad lo yen san man aben tia ya.

⁴ An ru nun, ru niŋeo, ru kukok a ilo saian igane ilasa yan dam awam lo ta ilasa na wa, man dugo, kagin naok an uyan tia ya. Tia, an gidad Anut per apani wa.

⁵ An mel en aloŋ uyan ak i? Tamolpein ensauta a jeit kagin digane dan, kagin naok naok nun anda yak digane dan, agod tan en san melmel niŋedi wo yaes ifug ditor dan dam, Anut in Kristus da sad kumaen panu lo ta mok diladu na wa. (Talpein a tan en san melmel niŋedi wo yaes ifuni dan, in talpein a tubud sewak sad ubou ad ile dan da naon kisaek mi a.)

⁶ Kagin agane wa, kabelan talpein ta ru kawan ak lo ŋudum dusue dop lo an kagin saiak agane banau. Kagin naok nek an lo dop Anut tinæ saian pe in ai wadan saian geig ak iganep awa parsisalek san tamolpein an sad tinid fo ikulmaek idu dop ka disini wa.

⁷ Ago yak niŋen an tamol naok ago yan dadi nug turan on ta ator na wa.

⁸ Man ata wo? Imug mi an tidom tubun lo amado se ya. Gug gamu en Tubun ak an lilaman lo iginiaŋ a, an niŋen o an lilaman san tamolpein igo mok ator a.

⁹ Man dugo, lilaman in nuŋon uyanan ak mi igane ilasa da, kagin uyan ak, kagin itaot ak, ru rumok ak mi tabol san kagin dam, an mi id tigane wa.

¹⁰ Kagin uyan nek a an agane san niŋen o Anut ilon uyan dan mi ale wo maeg agane wa.

¹¹ Tidom tubun san kagin funfun lo sem ta iginiaŋ aladu na wa. Kagin naok an man in nuŋon ifu uyan san tia ya. Tia, saen tamolpein kagin saiak digane dugo an ale tap, kuai tem abubuŋanai a.

¹² Man dugo, kagin nek a mianuk lo digane dan man saian geig a. Rumok, talpein ta kagin an niŋen o malak malak ibol tap, miai tubun mi ifuni wa. Ago bo man, in gidad malak malak ibol ilasa wa.

¹³ Sul man aban isapudade dop mel ta in sul san lilaman lo ilasa dan tamolpein dile wa. Amaiak niŋen o mel saian ta lilaman lo kuai isip tamolpein dile duloŋ pe “an saian ak” ago dubol a.

¹⁴ Fun an niŋen o ru e ilo rumok adi dubol den taloŋ a,

“On tamol a wen dan, masa.

On mutou lo wen dan masa dop, Kristus in lilaman ipano wa.”

¹⁵ Kagin agane dop ananem turen biti-naek lo aganep ale wa. An tamolpein kankan amad tia yak igo woŋ turen abi amoi, tia, tamolpein kankan amad da yak igo woŋ ago mi ator a.

¹⁶ Saen abidani amoi. Saen gamu e Anut ipanaŋ dak lo, kagin uyan uyan ak mi agane wa, man dugo, saen gamu e id lo tumado den man saen saian a.

¹⁷ Fun an niŋen o an niŋeo kagin lo atur dan amoi. Tia, akubianip ale, Tubun ak

san ilobol an man ata mel aki? An ale aloŋ dop ari apani wa.

¹⁸ Agod aŋ tubun mi aluk dop, aburaaurau banau, man dugo, kagin naon nek an aŋ muruan ipanaŋ a. Tia, Awan Urgun an mi aŋ tinimi ilon lo awan isa wa.

¹⁹ Ago dop aŋ ru girek Isrel bar san buk lo yen dan lo, ubou san bar lo, Urgun san bar lo dam nug lo aŋiŋeŋ a. Aŋanem tinim ŋutum fidian lo Anut ilo uyan apani wo bar abi wa.

²⁰ Agod nal fidian lo, mel fidian niŋedi wo dam, aŋ idaned Tubun ak Jesus Kristus yaŋan lo, Bai Anut per apani dop ilo uyan apani wa.

Pein iwon tamol da

²¹ Aŋ anen anen nug awan paen na amado wa. Aŋ kagin ago agane san fun man, Kristus yaŋan lak na mok asini wo ago ilom yen a.

²² Oŋ pein, oŋane tamol paen na mado wa, nek ibol oŋ dam Tubun ak paen na mado dak igo woŋ a.

²³ Man ata wo? Iwon pein iŋsan gurman man iwon tamol a, nek ibol Kristus iŋ man iŋanen tamolpein fidian sad gurman igo woŋ a. Iŋsan tamolpein man iŋsan tinin, agod iŋ man iŋanen tamolpein sad patu pasek tamol.

²⁴ Amaiak niŋen o, nek ibol Anut san tamolpein iŋ Kristus awan paen na dumado dak ago woŋ, oŋ pein mel fidian lo oŋsigane tamol san awan paen na mi mado wa.

²⁵ Aria oŋ tamol, oŋane pein ilo pani wa, nek ibol Kristus iŋsan tamolpein ilon ipidinai dugo sen tinin ibisei pidinaig mateŋ lo idu yak ago ya.

²⁶ Ago yan lo iŋanen ru nam, nek ibol you igo woŋ, iŋsan tamolpein ifulanaig an lo gun idirai dilasa ya.

²⁷ Iŋ ago igane yan lo dop iŋanen tamolpein siŋiren na girager amad da dupalup naon na dutur a. Girager an tinin tubulak tia yak, mel ta saian nek ago tia yak dam ago mi wa. Tamolpein an man gun ak, agod nun tia yak nek ago mi dumado wa.

²⁸ Ak niŋen o aŋ tamol dam, nek ibol sem tinimi kagin apani dak igo woŋ, aŋsiŋanem iwom ilom apidinai a. Ta iŋsan iwon pein ilon ipani dan, iŋ sen tinin ilon ipani da.

²⁹ Id taloŋ ak, tamol ta iŋsen tinin lo ager ta igane na da. Tia, iŋ sen tinin anaŋ ipani dugo kagin ipani uyanan da, nek ibol Kristus iŋsen iŋanen tamolpein kagin ad igane dak ago woŋ a.

³⁰ Man ata wo, id anen anen man Kristus san ŋien banin malan, mel ago yak iŋsan a.

³¹ Anut san ru girek lo yan igo ibol. “Tamol iŋ tinan taman ibisawaip iwon dam nug dipinip dutor a. An lo uraru an tinid kisaek ak igo woŋ dilasa wa.”

³² Ru an ilon lo ru faŋan tubun mi yen dak taloŋ san ta pasauman na ya. Gug ŋaisag ilo sou lo, ru an Kristus iŋ sinanen tamolpein da niŋedi wo ibol a.

³³ Gug gidad, aŋ tamol anen anen aŋanem iwomi niŋedi wo amat a, nek ibol aŋsem niŋemi wo amat dak ago woŋ a. Pein dam aŋanem tamol kagin ad agane dop paed na amado wa.

6

Nanuk tinan taman da

¹ Nanuk, aŋ aŋanem tinam tamami awad mi ari apani wa. Aŋ Tubun ak san a, an niŋen o kagin an ago agane wa. Man ata wo? Kagin an uyanan mok a.

²⁻³ Ru kubiaen ta promis aman da yak Moses san girek lo yen da. Ru kubiaen an man, kubiaen a malan te amaiak ilon lo promis yen da. Ru kubiaen an igo ibol a, “Oŋ oŋane tina tama sad yaŋadi lak na mok sini wa. Ago gane tap man, oŋ madok uyan ak ŋanep, saen milaen tan en lo mado wa.”

⁴ Bai adi, aŋ aŋanem nanuk abiai dudu saian geig san kagin lo, ilo saian apidinai man amoi. Tia, aŋ gidad piteŋanek uyanan a Tubun ak san dal iri pani dan mi apidinai a, agod iŋ sed tinid diabi idu dop lo Tubun ak san awan paen na dumado san, an dam akubiai pidinai dop duloŋ a.

Urat bigabeg iŋaned tirnek tamol dadi sad ru

⁵ Urat bigabeg adi aŋ aŋanem titianek tamol tan en san awad mi ari apani wa. Aŋ niŋedi wo dam arer a. Aŋ pempem aŋanem urat niŋen o ilo sou kisaek a maeg apani dan lo urat ago mi agane wa, nek ibol aŋ Kristus niŋen o mi urat agane dan igo woŋ a.

⁶ Anj saen injsad leil lo amado dan lo mi, ilod anjane wo sad awad ari apani man amoi. Tia, anj Kristus san urat tamol igo wonj urat a dupananj an agane wa, man dugo, Anut niñemi wo ilon ibol man anj tinim bubem fidian lo ago agane wa.

⁷ Anj ilo uyan lo urat agane pidinai a, urat a agane dan tamol gidad san tia ya, urat an man Kristus san a.

⁸ Man dugo anj alonj uyan ak, talpein ta inj mel ta uyanan ak igane tap, injsan urat naon man mel ta uyanan ak naon kisaek Anut banin lo ipalu dan an mi injane wa. Gidad inj bigabeg boi, tia, injsinanen ilobol lo itor san tamol boi, uraru an sad urat naon man kisaek a.

⁹ Anj titianek tamol, anjanem bigabeg adi kagin uyan ak mi inj lo agane wa. Ilo rer san kagin inj lo agane amoi. Tubun ak inj lak na imado da, inj anjsam Tubun a, agod inj dam injsad Tubun a. Agod injsan leil lo man, id fidian tou kisaek mi a.

Kris adi inj yu tamol igo wonj dumado wa

¹⁰ Aria, naj gamu ru wadan njurupaianj da. Anj Tubun ak san dabai sakar geig ak lo atur sakar a.

¹¹ Biouñ a yu tigane san an fidian Anut id ipanad la ya. An mi anj tinim lo asisi isap Satan san rawek kagin fidian abiani dop wagai aganep atur sakar a.

¹² Man dugo, id tamolpein niñedi wo ager ta tigane na da, tia, ur gurman adi, ur tirnek adi, ur dabai amad da a tidom tubun gamu yen dan lo, tan en san tamolpein ditirnai dak, ur sisaiak kagin saian geig ak san, agod lak na dumado dutor dan dam, amaiak niñedi wo ager tigane da.

¹³ Ago yak niñen o Anut anj yu agane san biouñ fidian ipananj an aburou, saen saian ipalu dop, anj nek an lo dabai pe atur dop yu agane wa. Saen yu itout dop, nek ago anj dabai amam da atur a.

¹⁴ Anj kam lapik galim te afouti wa. Lapik an man ru rumok igo ya. Aenta man, titirem te siot kapa ak agane wa. Siot kapa an man kagin itaotan ak igo wonj a.

¹⁵ Niemi te sendal agane wa. Sendal uraru an san fun, anj ilom tinim imasap maror san bilalunj uyanan an asini ator san ak igo ya.

¹⁶ Kagin fidian an, sad malan te man ilo rumok mi a. Nek an mi dumui igo wonj, abi sakar pe Satan injsan yu malan yai balen anda yak isou ipananj dop atartitanip asou-funip imat a.

¹⁷ Taidam, patu pasek a Anut ipananj an kitikat sakar ak igo wonj anjanep kabunjam fufo agane wa. Agod sabiri a Awan Urgun san an dam abi wa. An man Anut san ru.

¹⁸ Anj saen fidian lo, gidad mel dugo ilasa yan, Awan Urgun san dabai lo agudani wa. Man niñen o nal fidian malam ipuk pe ta ayalis na wa, ago dop Anut san tamolpein fidian niñedi wo agudani wa.

¹⁹ Anj gudanek lo mi Anut asumiani dop naj binawek ipanag a. Naj ilog igo yen da, anj agudani dop, Anut injanen ru naj awag lo igansi wa. Ago dop naj njarer se yan njibiseip, an lo Anut san bilalunj uyanan a imug mi imianuk go inj lo yen gug gamu kuai isi an mi njabol ilasa wa.

²⁰ Injsan bilalunj niñen o naj man Anut san nao njanek tamol, funatek lo njumado da. Anj gudanek lo Anut asumiani dop inj dabai ipanag dop tamolpein naod na ru dabai mok njabol a, man dugo, kagin an njigane wan Anut malan lo man uyanan a.

Ru wadan

²¹ Tikikus urat e njigane den, agod muran dugo ifunag den niñen o anj irupaianj dop alonj a. Inj Anut san urat lo man njaisag urat kisaek a, agod njaisag bubeg mok a.

²² Amaiak niñen o manj mel dugo dugo mile dan niñen o alonj uyan o naj Tikikus njigane sinjirem na ipalu da. An lo anj ilom dabai ipani wa.

²³ O teig taog, naj nek e Anut njugudani den, injsan maror ipananj a, agod ilo panek inj ilo rumok da sisem, Bai Anut san na ipalug, Jesus Kristus san na dam ipalu yan dupananj a.

²⁴ Anut ka injsan ilo panek an iwali idu dop, tamolpein ensauta a injsad ilo panek imat san tia yak Jesus Kristus dupani dan ituanai dop inj lo yen a. Rumok.

Filipai

¹ Nai Pol, Timoti da, man Jesus Kristus san urat tamol. An tamolpein gun ak Jesus Kristus lo yan Filipai na amado dan, agod an matu pastor in diken dam man an sam na girek en migane ipalu da.

² Bai Anut in Jesus Kristus idsad Tubun en da, an ka ilod ipanan pe ilo maror dupanan a.

Ilo panek ru in gudanek da

³ Saen fidian nai an ilog isou dop naisag Anut ilo uyan ru nupani da.

⁴ Naisag gudanek fidian ngigane dan lo Anut an fidian ibinawan o nsumiani da, agod an nai uyasusai lo mi ago ngigane da.

⁵ Nai an ilog uyan panan da. Man dugo, nal malan te man an lulanam lo urat fun miganeg ipalug gamu en, an man da sisem urat kisaek, bilalun uyan ak Jesus Kristus ninen o tabol ilasa dugo tamolpein dulon da.

⁶ Agod nai mel en nalon uyan ak, Enti a an lo urat uyanan mok fun igane yan, urat an igane yaup nal a Jesus Kristus imul ipalu wan te gup itout a.

⁷ Nai an ninemi wo ago ilog isou dan uyan a. Man dugo, an man naisag bubeg buson mok a. Gidad nai subanek lo numado boi, tia, nai bilalun uyan ak dabai nupani boi, tia, nai kulob dabai ate bilalun uyan ak nabol ilasa dan, an ru rumok ago nukubiai dile boi, an fidian dam Anut san ilo panek e nai ipanag den lo atutoug amado da.

⁸ Anut in nai an nlian o ilog tubun mi ibol dan ilon a. Ilo panek a Jesus Kristus an lo igane dan, an nai ilog lo iganeg ate nai an fidian ninemi wo tubun geig njamat da.

⁹ Agod nai igo nugudani da, an ansem nug ilon apanip an lo dop ananem ilo panek isudap tubun a. An lo dop an ananem manau lo, agod ananem ilo tarpasek lo dam, amug alasap mel an uraru mi ilom lo awan isa wa.

¹⁰ An lo an kagin naok naok a Anut malan lo uyanan mok an ninedi wo ilom itarpasi san an idaisuda geig a. An mi tia, an bubem itaot, aenta an ninemi wo ru tia, ago amado yaup Kristus san nal ilasa wa.

¹¹ Agod kagin itaotan san nunon wei mi Jesus Kristus lo ilasa dan, an tinim lo idaisuda wa. An lo tamolpein in Anut yan girager aman da yak diabisa dop ilo uyan dupani wa.

¹² Teig taog, an alon uyan o nai ilog ibol da, muruan ta nai tinig fo digane ya, ago bo man muruan nek an bilalun uyan en ifufurak yau san dal ipasi a.

¹³ Rumok, in nai subanek lo diginiag a, gug kagin an lo tamolpein fidian Rom na dumado dan in dulon ak nai Kristus san urat ngigane damaiak naon nisini da. Agod tamol adi Kaisa san ab dititiani dan, an dam fidian dulon a.

¹⁴ Agod an mi tia ya. Tia, nai Teig taog Tubun en lo dumado dan wei mi dam, nai sein nam dusubanag go numado dan lo, inaned ilo rumok dabai ipanig direr san tia ya, an lo Anut anen ru dabai nam dufulale da.

¹⁵ Rumok, aenta in Kristus san ru dufulale dan fun man, in nai nineg o turak dususa da, agod sed yanad disini da. Gug aenta man in ilo sou uyan ak lo mi ago digane da.

¹⁶ Tamolpein e ilo panek lo digane den nai nineg o dulon a, nai subanek lo numado man fun, nai bilalun uyan an dabai ka nupani wa.

¹⁷ Gug aenta a Kristus san ru dufulale dan man in sed yanad diabisa san urat mi digane da. In sad ilo sou itaot tia ya. Nai subanek lo numado dan ninen o in sad ru fulalek an lo nai tinig te muruan taida digane isuda san kulob mi digane da.

¹⁸ Amaiak ninen o dugo wak i? En mi, gidad in ilod lo ilo sou mianuk ak yen boi, tia, ilo sou uyan mok an lo mi dubol ilasa boi, nai ilog tubun mi igo ibol da, dal fidian lo Kristus san fun dufulalep tamolpein ka dulon a. Kulob nek en ilasa se yan ninen o nai youg isa da.

Awo, yousai pempem ago yen a.

¹⁹ Man dugo, nai nalon ak, an sam gudanek lo, agod binawek a Jesus Kristus anen Ur ipanag dan lo dam, mel saian en nai lo ilasa yen daon ta ipanag na wa, tia, nai patu pasek ninane wa.

²⁰ Nai tini ganei tubun mi ngigane da, agod nai ilog lo igo yen da, dal fidian lo nai miai

ta njanane na wa. Tia, naj ilog dabai go pempem ago njigane se yak ago mi, gamu en dam Kristus inanen yanjan njasag tinig lo imasap yau dop tamolpein fidian ka dile wa, kumaen lo boi, tia, maten lo boi.

²¹ Man dugo, njaineg ilo sou lo man, naj kumaeg numado tap, Kristus in malan te ya, ak man naj njamat tap, an naj tan en lo kumaeg numado dan irinjani geig a.

²² Naj tinig lo kumaeg numado wo tap, naj Anut inanen urat nunon anda yak njigane wa. Ata mel mok npuliani wo yan naj ta nalon na ya.

²³ Mel uraru an naj dupinag go numado da. Naj bubeg ibol, naj tan njubiseip Kristus da mumado wa. An ilasa tap, an mel aenta fidian irinjanaip uyanan mok a.

²⁴ Gug naj tinig lo tan na numado dop man, naj an ka njubinawan a, agod njasag ilo sou lo an an o uyanan a.

²⁵ Fun an ninen o naj ta njamat na wan ilog lo rumok da. An lo igo nalon ak, naj numado dop, an njubinawan pe, ilom lo rumok amam da uyasuai san dal ari dop na wa, an lo mel ta an ibiatuanan san tia ya.

²⁶ Agop naj fon mi an sinirem na nau dop an lo, an naj aliag pe ananem yousai Jesus Kristus lo yan isudap an lo awan isa wa.

²⁷ Muruan dugo ilasa tap, an ananem turen kagin apani uyanan a, kagin naok a bilalun uyan ak Kristus ninen o yanjan tubun ak ipani san idaisuda yan, kagin amaiak mi agane wa. An lo dop gidad, naj anjam na npupalup njilian ak boi, tia, naj naog tia dop awam nalon bo man, an ninemi wo naj nalon ak, an ilom kisaek mi lo atur sakar da. Ilom kankan kisaek lo atumanip dabai agane wa, an lo ilo rumok a bilalun uyan ak igane ilasa dan tamolpein bused lo ilasap yen a.

²⁸ Agod dal ta lo ager adi urer ta dupanan na wa. Kagin a agane dan lo mel en kuai te ilasa ya: Anut murnap ipitinainai ak ago ikubiai dile da, gug ananem kagin an ninemi wo ago ta ibol na da, tia, Anut an patum ipasi wan ago ibol go alon da.

²⁹ Man dugo, Anut bar uyan ak ta ipanan a. An man an Kristus o ilom lo rumok a. An mi tia, an dam in damon lo madai asini wa, bar an dam ipanan a.

³⁰ Fun an ninen o, ager a gubak mi naj lo ilasa dugo ale ya, agod ager an gamugo itout an san ru dam alon a, aria, ager naon kisaek an mi an lo dam ilasap yen da.

2

Kristus sen yabi idu yak ago mi sem ibian adu

¹ Dugo, Kristus an lo imado dan dabai ipanan i? Dugo, injan ilo panek an maror ipanan i? Dugo, Awan Urgan an lo yen dan akubiani dop in da sisem ator di? Dugo, an tamol aenta ninedi wo amat dop ilom imunjanai di?

² Mel an ninedi wo an awok abol tap, naj mel taida agane wo njamat da. An ilom kisaek dop, nug ninen o tubun mi amat a. Ago dop bubem atumanip ur kisaek lo, agod kankan kisaek lo mi urat agane wa. An ago agane dop lo njasag yousai an aganep tubun geig ilasa wa.

³ An yanjak tubun ak anane wo naj-nai kagin ta agane na wa, agod taida mi, an kulob fun tia yak lo sem yanjam ta abisa na wa. Mel ta agane wo dan san fun, sesunoi kagin an lo ilasa wo dan gidad amoi. Tia, an sem ibian adup aenta an dirinanan ak ago eil a.

⁴ An anjanem madok mi kagin apani wo ago ta agane na wa. Tia, an aenta dam sad madok kagin apani wa.

⁵ An igo agane wa. Jesus Kristus ilo sou dugo igane dak, an dam nek ago mi ilo sou agane wa.

⁶ Injen man Anut mok igo imado dugo, in Anut da tou kisaek dumado na ya. Ago bo man yanjan lak na geig an yabi sakar o kankan ta igane na ya.

⁷ Tia, injen yabi idug biabi njilanj tamol igo ilasa ya. In tamol kawan tan en san igo ipalu ya.

⁸ In tan san tamol mok imado ya, an lo injen yabi idu geig a. In Anut awan iri panig mel fidian ibol ago mi igane ya, in ago igane yaug aigim fo dubalig maten ile ya.

⁹ Fun an ninen o Anut in yabisag lak na geig isuda ya, agog yanjak tubun geig an yanjak aenta fidian irinjanai an ipani a.

¹⁰ An ninen o saen yanjak Jesus dupate dop man, mel fidian turud disaluwi wa, did

lo, tan na agod tan paen na dam ago digane wa.

¹¹ Ago dop awak fidian kuai tem Jesus Kristus in Tubun ak ago dubol ilasa wa. An lo man kulob en Bai Anut yanjak tubun ak ipani wa.

An patui ago aban isapudade wa

¹² Nai turag muroug, fun an ninen o, an man nai malag lo naineg awag pempem aganuri da. Nek ago mi gamu dam gidad nai naog tia bo man, kagin naok naok a Anut an lo iganeg dilasa yan, nen maeg mi lo ari yau o ago agane wa. Arut bubuli dan lo ago agane, man dugo, kagin naok an man, patu pasek a Anut ipanaj dan san nujon mok a.

¹³ Man dugo, Anut in sen mi an bubem lo urat igane da, ago dop an lo mel dugon in ilon ibol dan ago an dam ilom ibol a, an lo dop in ilon dugo yen dan aganurip kagin an mi agane wa.

¹⁴ Ansam madok ilon lo urat biabi fidian agane dop ansem nugnug lo anurnur dop nug apei amoi.

¹⁵ Ago agane tap man aenta ananem kagin dile yan lo in ru amad tia wa, agod an ilom lo sunujuk tia, ago ka amado wa. An Anut nanun muroun teb amam tia yak igo, tamolpein a insad turen gidigheid dutor dugo sad ilod ikubili an lulunad lo atur da. An man ibol patui igo tan en lo aban asapudade dak igo won amado da,

¹⁶ ago dugo an tamolpein naod na, ru a kumaen ka ipidinai an dinanep diabi wo abal ilasa dugo dile da. An lo dop Kristus san nal idu dan te nai se pitiano ru igo ka nabol a, naisag maspalu yan, agod naisag urat dam nujon igane ya.

¹⁷ Urat e ananem ilo rumok lo ilasag Anut agane pani dan ibol alta igo won a. Agod naisag dar man ibol wain alta fo duwatik ak igo ya.* In naisag dar an alta fo duwatik idu tap, gidad, nai an ninen o ilog uyan a, agod nai an da sisem uyasusai lo mi tumado wa.

¹⁸ Agod nai ilog ibol dak an dam ilo uyan lo mi nai da sisem uyasusai lo mi tumado wa.

Timoti in Epafrodaitas da naisag urat kisaek

¹⁹ Jesus Tubun en ilon ibol tap, nai Timoti ansam na ririan niganep ipalu wa. In ansam awam aban an inane imul a, ago dop an lo nai ilog yabisa wa.

²⁰ Etna talpein ta in igo mi ak nile man tia ya. In sen kisaek kagin nujon ak lo an ninemi wo ilo sou igane da.

²¹ Tamol aenta man sed ibinawai o mi dumat da, agod in Jesus Kristus dibinawi man in dumoi da.

²² Gug an alon ak Timoti in sen ikubiai tile yak in tamol uyan a. Man dugo, in nek ibol awa yabek nanuk ta taman da urat digane dak igo won, nai sinireg na bilalun uyan ak san urat an migane se ya.

²³ Fun an ninen o milaen tiap ansam na niganep ipalu wa. Ak man gamu nai dugo diginiag ak boi, an malag niganep nile gup a.

²⁴ Nai ilog ibol dak, Tubun en sen nai ilog lo kankan igo ipanag dak, milaen tiap naisag ansam na nupalu wa.

²⁵ Ak man gidad nai teig Epafrodaitas, ansam na ririan niganep imul ak man uyan a. In naisag urat kisaek, agod in nai da sisem yu tamol. In dam ansam urat pinein igo adinag nai ibinawag o ipalu ya.

²⁶ In an fidian ilian o ilon tubun mi yen da. Agod in subam ifuni an san ru alon a, an lo an ninemi wo ilon saian a.

²⁷ Rumok, in subam dabai ak in aneg imat sikalik a. Ak man Anut ilon imunanig ibinawi a. Anut nai dam ilon ipanag a, man dugo, in ta dugo imat mok ak man nai ilo muruan gubak mi an da itumanip muruan tubun mok nisini wa.

²⁸ Fun an ninen o, nai nidinip ansam na ipalu wo ilog tubun mi yen da. An ninen o saen in ale dop an ilom uyan a, ago dop man nai an ninen o ilog tubun mi ta muruan na wa.

²⁹ Ak ninen o saen in ansam na ipalu dop, an yousai lo mi ananep ayunani. Tamol naok ago yak yan abisa wa.

³⁰ Man dugo, in Kristus san urat igane an lo imat sikalik a. In an naomi in aneg nai ibinawag o igane yau an lo in san kumaen ibisei sikalik a.

* **2:17:** An in anen maten san mitilaen mi a.

Tinid sunjalon dutute yak san kagin ibinawad san tia ya

¹ Nai teig taog, naisag ru wadan igo ya. Tubun ak lo uyam isusa wa. Ru nek en mi ilo sou ipanaj san ngire wo ilog ta isali na da. Agod nek an dag ibunawan a.

² Tamol goun kasik on kagin saiak digane dugo tinid sunjalon ditute dan, niñedi wo kagin agane wa.

³ Man dugo, tamol a tinidi sunjalon tutek mok san, an man Juda adi tia ya, tia, an id ilo rumok adi idsed mi a. Id man Awan Urgun lo Anut san ubou tile da, agod Jesus Kristus niñen o sed ipitianad da. Ago dugo id idsad tini ganei an mel ta idsed tinid san lo ta tigane na da.

⁴ Nai naisag tini ganei an tinig sunjalon dutute yan san kagin fo ta ngane na da. Ak man nai tinig san mel ibinawag a, ilog ago ka isou wa, man dugo, fun wei kasik dien da. Amaiak niñen o, tamol sen ak ta inanen tinin san mel niñen o sen yanjan yabisa tap, nai dam nek ago mi ka ngane wa, agod nai in niriñani geig a. Man dugo, kududom agure:

⁵ Nai tinag iginiagsig nal eit (8) numadog tinig sunjalon dutute ya. Nai Isrel tamolpein sad dar lo nilasa ya, Benjamin san gugoi lo, agod nai Hibru tamol mok Hibru sad dar lo nilasa ya. Kubiaen niñen o nai Farisi numado da.

⁶ Nai ilog dabai aman da yak niñen o, nai ilo rumok adi sad midaen lo muruan tubun ak npudinai se ya. Agod kagin itaot ak kubiaen lo ilasa dan niñen o, aenta nai niñeg o ru amad tia ya.

⁷ Ak man nai Kristus nalon uyan san niñen o gamu naineg urat naon dugo niñane yan igo nile dak man, mel an kawan ak igo nai ilog isou da.

⁸ Rumok, nai malag lo urat naon an fidian man mel ideg ak igo wonj nabol da. Man dugo, nai Jesus Kristus naineg Tubun en nalon uyanan mok ak, an san nunon man mel a fidian nunod tia yan iriñanai pasik a. In o nai mel fidian dideg diau an neil a, agod mel an metmet igo nabol da, ago dop an lo nai Kristus niñanep nabi wa.

⁹ An lo nai in lo numado dak ago dile wa. Nai naisag fug itaot man kubiaen wagen lo tia ya, tia, nai Kristus ilog lo rumok an

wagen lo mi a. Anut in sen mi idsad ilo rumok an lo ilod itaot igane ilasa da.

¹⁰ Nai melmel an nunod tia yak metmet igo nabol da, ago dop an lo nai in ka nalon uyan a, agod inanen imasa san dabai dam ka nalon a. Agod in muruan isini ak ago nai dam nisinip, an lo in imat ak ago nai dam mi wa.

¹¹ An lo dop, nai idaisuda tap, nai dam in da mamat a. An lo dop idaisuda tap, nai tamolpein a mater lo dumasap fon kumaen dumado da wan dida mumasa da wa.

Pol dabai nam imaspalug kob fo itaot yau da

¹² Nai mel an fidian ta niñane na ya, agod nai tinig bubeg da gamugo itaot ilasa da. Ago gug kagin an nabi sakar o dabai ngane se ya, man dugo, fun amaiak niñen o Jesus Kristus nai ibiag sakar da.

¹³ Nai teig taog, nai mel en ngane itout ak ago ta nabol da. Ak man nai mel kisaek gamu ngane den man igo ya, naineg madok wagam a patug na yan ilog inajon pe mel a naog na yan mi leil npuni dop dabai niñanep niñane wo nau da.

¹⁴ Nai maeg niñanep Anut in Jesus Kristus lo igiag pe lak na nau naisag ilo uyan san kob an niñane wo numaspalu da.

¹⁵ Tamolpein a id lulanad lo ilod lo rumok dabai an ilo sou ago digane wa. An aenta mel ta niñen o kankan sensen amam da ator tap, Anut inanen ilon yen dan kuai te igane ilasap ikubiai panaj a.

¹⁶ Gug gidad, mel malan te yak man igo ya, id fidian mi kagin uyanan gubak mi tileg tinane yak, nek an mi tabi sakar pe tumado yau a.

Aigim san ager

¹⁷ Teig taog, an naisag turen atutanip amado wa. Tamol a nek man igo dutor dan leil apidinai a, man dugo, in aigim san ager ta dumado na da.

¹⁸ Nai imug mi nurupaian ago mi fon gamu dam malag turon idu dugo nurupaian da. Tamolpein wei mi in ilod lo rumok ak dubol dan inaned kagin naok naok lo man Kristus anen aigim san ager dumado da.

¹⁹ Inaned wadan man daon mi a. Inaned tubud man tinjed mi a. Kagin a niñen sed yanad diabisa san nek an inaned miai mi a.

Injaned kankan lo tan en san melmel ninjen o mi ilo sou digane da.

²⁰ Gug id man kumaen panu san tamolpein mok a. Ante patud ipasi san Tubun ak Jesus Kristus imul ipalu o malan tigane da.

²¹ Inj iganep idsad tinid tan en san dabai an tia yan ibileksap, injsinan tinin kumaen panu san girager aman da ago mi ak ipanad a. Inj idaisuda dop mel fidian idiraig inj paen na dumado yan, an san dabai lo id tinid ibileksap girager panu san tinik tinjane wa.

4

¹ An ninjen o, naj teig taog, dal amaiak lo anj gamu Tubun en lo atur sakar a. Anj naisag turag muroug, naj anj ninjemi wo njamat da, njilianj o ilog yen da, anj naisag yousai san fun, agod njaineg urat naon san nujon.

Ru kagin

² Naj Yuodia inj Sintaki da nug asued amaiak amoi o njusumiananj da. Anj ilom kisaek mi wa, man dugo, anj Tubun ak lo amado da.

³ Awo, onj dam, naisag turag uyanan urat sisem tigane da, naj igo njusumiano, onj pein uraru an binawai a. Man dugo, naj ru uyanan njufulale na yan lo, inj naj dida nug mupinig urat migane se ya. Agod Klement inj naisag urat kisaek aenta dida yanjad kumaen san buk lo yen la yan, urat nek ago mi nug mupinig migane se ya.

⁴ Anj Tubun ak lo pempem uyam isusa wa. Naj fon mi njabol da, uyam isusa!

⁵ Anj kagin mos na mi agane dan agane kuai te ilasap, tamol fidian ka dile wa. Tubun en inj sumeik ipanad la ya.

⁶ Anj melmel o ilom ta gidigheid na wa, tia, mel fidian ninjen o Anut mi asumiani wa. Mel fidian ninjen gudanek agane dan, anjanem ru an Anut arupeip ilonj a, agod ilo uyan ru dam arupeip wa.

⁷ Agod Anut san maror a idsad manjau fidian irinjani geig dan, anjanem bubem kankan da Jesus Kristus lo dumui igo ibalgirananj a.

⁸ Teig taog, ru wadan igo njurupaianj da. En ata mel rumok, uyanan, itaot ak, ikok, sinjaokan, kududod lo uyanan, kagin uyan

ak aenta, mel aenta yanjad tabisa san, an ninjen o mi anj ilom igire wa.

⁹ Anj naisag na manjau anjane da, anj naisag na mel asini da, anj naisag ru alonj da, anj naisag turenj dugo njator dan ale da. Aria, anj dam nek ago agane wa, ago tap maror san Anut anj da amado wa.

Pol Filipai tamolpein ilo uyan ipidinai da

¹⁰ Anj saen milaen mi yau itout dugug, gamu fon naj o ilom isou da. An ninjen o naj Anut ilog tubun mi uyan njupani da. Rumok, anj pempem naj abinawag o ilom yen da, gug saen milaen mok anj dal ta ale man tia ya.

¹¹ Naj mel ta lo katukag ak ninjen o mel apanag o ta njanjurnur na da. Tia, naisag abeg dugon lo njumado dan, naj ilo uyan lo njumado da.

¹² Naj mel tia kawan njumadog tinig ilonj a, agod naj mel amag da njumado yak dam tinig ilonj a. Awo, naj ananj amag da wak, tia, ananj amag tia wak, naj njumatigen ak, tia, luag ipuk ak, melmel fidian lo naj an kagin njupanig, njalonj uyan a.

¹³ Enti inj naj dabai ipanag dan lo naj mel fidian ka njigane san idaisuda ya.

¹⁴ Gug, anj naj da sisem naisag muruan e tisini en lo, anj ilom apanag an uyanan a.

¹⁵ Agod anj Filipai tamolpein ansem alonj ak, saen naj fun njiganeg Tubud ru njufulaleg Masedonia njubiseig njau an midajen taida naj moni lo dibinawag man tia ya, tia, ansem mi naj abinawag a.

¹⁶ Agod saen naj Tesalonaika na njumado yan, anj moni naisag na agane ipalu se ya.

¹⁷ Naj ru igo njabol dop lo anj moni taida apanag o ta njidalel na da. Tia, naj ru e njabol den lo anjanem kagin uyanan a nujon ifu an lo, anjam gubun naj tinig lo yen den ilasap tubun dop Anut ikubune wa.

¹⁸ Mel an agane ipalug Epafrodaitas injaneg naj ipanag a, an lo gamu naj mel ta lo katuk amag san tia ya. Anj lou kawan ak da aganeg ipalu yan lo naj idaisudag njumado da. Lou an Anut malan lo man uyanan a. An nek ibol yai mumalun uyanan ak, Anut ilo uyan ipani igo wonj da.

¹⁹ Agod njaineg Anut inj anj mel ta lo katukam mi dop injsen mi idaisudap ipananj

a. Inŝan filian girager panu lo yen dan Jesus Kristus banin lo binawek an aŝane wa.

²⁰ Id pempem idsad Tamad Anut mi yaŝan tabisap lak na yau a. Rumok.

Ru wadan

²¹ An man gun adi fidian Jesus Kristus lo dumado dan ilo uyan apidinai a. Njai teig taog, űai dida mumado den aŝsam na ilo uyan ru en digane ipalu da.

²² Anut anen tamolpein gun ak etna Rom na dumado den aŝsam na ilo uyan ru dupanaŝ a, agod aenta a Kaisa san ab lo urat digane dan in dam malmalan mi ilo uyan ru dupanaŝ da.

²³ Tubun ak Jesus Kristus inanen ilo panek aŝanem ur da itumanip kisaek mi amado wa.

Kolosi

¹⁻² Nai Pol, Anut sen nai ipilianag go, Jesus Kristus san aposel nilasa ya. Nai anj, Anut anen tamolpein a Kolosi na amado dan, sam na girek en ngane ipalu da. Id teid Timoti inj nai da girek en migire da. Anj Kristus da atumanig lo gun alasa ya. Agod gamu Kristus mi awan ari apanig amado da. Nai igo ngugudani dak, Anut idaned Tamad san ilo panek, agod ilo maror dam, anjsam na ilasa dop yen a.

Madok uyan an lo Anut ilo uyan tupani wa

³ Saen fidian manj Anut idsad Tubun ak Jesus Kristus san Taman mugudani dan, gadij an lo anj ninemi wo musumiani da, agod ilo uyan ru mupani da.

⁴ Man dugo, manj gubak mi ru en malonj a, anj Jesus Kristus o ilom rumok da, agod injanen tamolpein fidian ilom apidina da.

⁵ Anjanem ilo rumok san naon, Anut ikibine la ya, agog kumaen panu lo iganeg yen da. Anj naon an anjane wo mala nouk amado da. Mala nouk an lo, anj tinim ilon lo anjanem ilo rumok, agod tamolpein fidian ninedi wo amat san kagin dilasag tubun a. Gubak mi ru rumok ak anjsam na ipalug alonj a. Ru rumok en man bilalunj uyan ak a Anut san tamolpein dufulale da. Bilalunj uyan an lo, ru mel uyan uyan ak a anj o kumaen panu lo yen dan ninjen o alonj a.

⁶ Tan fidian lo bilalunj uyan en iganeg nujon ifu da, agod ru en ifufurak go panu panu lo yau da. Nek ago mi, anj lulujam lo kagin naon kisaek an mi yen da, saen imug mi anj ru an alonj go, Anut san ilo panek an alonj fufeig ipalug gamu en, ru an ifufurak go tamolpein wei mi sad na yau dugo nujon ifu da.

⁷ Epafras ru an alonj uyanan san manjau ipitejananj a. Inj man mansama urat kisaek, agod inj ninjen o tubun mi mamat da. Inj manj naoma injaneg Kristus san urat kagin ipani uyanan da.

⁸ Injsen anj, Awan Urgun bubem yabisa dugo, lo tamolpein aenta ninedi wo amat dan, ibol go malonj a.

⁹ Fun an ninjen o, saen manj ru anj ninemi wo malonj go ipalug gamu en, manj anj ninemi wo Anut mugudani pananj da. Mansama gadij lo Anut musumiani pananj dak igo ya. Anj Anut ilon dugo ibol dan alonj fufei wa, agod Awan Urgun lo, anj kankan milaen ak, agod manjau dam anj fidian tinim injanefute wa.

¹⁰ Inj anj ibinawanj pe, kagin uyan ak lo ator amado wa, an lo dop tamolpein anjanem kagin dile dop igo dubol, "tamolpein an injaned Tubun ak san tamolpein dilasa san idaisuda mok a." Taida mi, dal fidian lo, Anut san ilo uyan anj o tubun mi yen o, urat wagai agane wa. Urat uyan ak fidian lo nujon agane wa, agod nal fidian anjanem manjau Anut ninjen o yan isap tubun a.

¹¹ Anut san dabai tubun geig a, an ninjen o manj dam, inj mugudani dop injan dabai tubun an fidian ipananj a, ago dop, an lo anj dabai mok a. An lo dop muruan dugo yak fidian anj lo dilasa bo man, anj atur dabai pe, yaes ta ifunanj na wa, agod yousai amam da, ilo uyan ru idaned Tamad apani wa.

¹² Inj anj idaisuda mi ipananj an lo man, anj dam naon a injanen tamolpein gun ak murnap dijanane wan lo atutou wa. Naon an gamu injanen kagin panek aben lilaman anda yak, ante yen da. Agod injanen patu pasek anjane yan lo, naon an anjane san anj idaisuda mok a.

¹³ Man dugo, id gubak mi aben a Satan tidom tubun ak lo tamolpein a Anut san tia yak itirnai dan te tumado se ya. Ak man id Tamad patud ipasig injiliag go taug Nanun a ninjen o imat dan, injanen kagin panek aben lo tiladu ya.

¹⁴ Nanun an lo idad injiliad go, idsad aupasek fidian isuas panad a.

Kristus inj Anut anen tutujanek tamol moka

¹⁵ Anut Nanun man Anut a id malad nam tile san tia yan san mitilaen imado da, injanen mitilaen nujon mok a. Inj Anut anen nanun matu, agod mel fidian a Anut idiri an taman imado da.

¹⁶ Man dugo, Nanun banin log Anut mel fidian idirig dilasag dien da. Mel a kumaen panu lo yen dan, tan na dam yen dan, mel a

malad nam teil san, agod mel a malad nam tile san tia yan dam fidian idiri a. Mel a malad nam tile san tia man, eñel adi, tubud adi, tan keit tuon adi, agod ur naon funfun dabai amad da ya. Awo, rumok, Anut in Nanun banin lo mel fidian idiri a, agod in ninen o mel an idiri a.

¹⁷ Mel fidian gamugo dilasa dugo, in imug mi imado ya. In lo mel fidian inaned abek abek atem dumado dugo, nug lo dutou da.

¹⁸ In mi midaen gurman, agod midaen man inſan tinin. In mi mel fidian Anut idiraig dilasa yan sad malan te ya, in imug mi mater lo kumaen imasa ya, an lo man in mel fidian irinſanai geig go, lak na isuda yaug imasi a. An lo gamu in mi mel fidian sad malan te ya.

¹⁹ Man dugo, Anut sen inanen bunun an fidian, Nanun aman da wo ilon yen a.

²⁰ Nanun lo mi Anut mel a tan na dumado dan, agod a kumaen panu lo yan dam, fidian inſiliaip inanen muroun muroun igo won ſinſiren na dumul pe dupalu wa. An fidian inſan ager on ago mi dumado san tia ya, man dugo, inanen Nanun san dar aigim fo iwatik an lo maror iganeg ilasa ya.

²¹ An imug Anut lo siai aganeg ator se ya, an tamol asau ak igo won, Anut malan patun fo amado ator se ya. Ananem kankan lo man, Anut san ager amado se ya, man dugo, ananem kagin naok naok a agane se yan saian geig a.

²² Ak man Kristus tinin tan en san an imat a. An lo gamu Anut an naom yabig inſan turan mok alasa ya. An lo dop in inſilian pe in naon na igunan dop, an in malan lo gun ak, nun amam tia yak, agod talpein kot ipanan san tia yak, ago atur a.

²³ Ak man an kulob ago ilasa wo urat amam da ya. An ananem ilo rumok abitudanip yau a. Nek ibol kadan duguni dabai go ibuk ila iso san tia yak igo atur dabai a. Agod tamol ta an naom yabip, ananem mala nouk a bilalun uyan ak igane ilasa dan, ante asuk amul amoi. Bilalun uyan en gubak mi alon dugo, ru nek emaiak Anut san urat tamol adi aben fidian lo dubol ilasa se ya. Agod nai Pol, bilalun uyan emaiak san urat tamol njilasag numado da.

Urat a Pol Kristus san midaen ninedi wo igane se ya

²⁴ Nai madai, agod muruan a an ninemi wo nisini se yan ninen o uyag isusa da, agod nai tinig madai dupani dan lo, Kristus tinin madai dupani amaiak san wadan njigane itout a. Kristus tinin man inanen midaen, agod midaen an njibinawai wo, ilo uyan lo muruan an fidian nisini da.

²⁵ Anut nai ipilianag go, inanen midaen en san urat tamol njilasa ya. Naisag urat man, Anut san ru an fidian an njurupaian pe alon a, ru ta kisaek njabituani san tia ya.

²⁶ Idsad tubud baged gamugo dilasa dugo, Anut ru en imianig saen milaen mok imianuk an yen na ya. Ak man gamu Anut ru en inanen tamolpein gun ak kuai tem irupidaig dulon a.

²⁷ Ru mianuk en girager andag awan isa. Agod Anut ilon yen ak igo, ru mianuk en kuai ipanig inanen tamolpein gun ak banid lo igane ya, an lo tamolpein tan fidian lo dumado dan, dulon uyan dop, ru en san girager tubun ak ka dile wa. Ru mianuk girager anda yak man nek en: Kristus an tinim ilon lo imado da. Agod kulob an nunon man, murnap an kumaen a girager anda yan anane wa. An an o ilasa wak ninen o mala nouk amado da.

²⁸ Man ru Kristus ninen o yan tamolpein murupidai dulon da. Man tamolpein fidian ru kagin murupidai dugo, kankan milaen ak lo manau mupitenanai da. Man iloma man, tamolpein fidian minſiliaip, dida Anut naon na maup, itaot adi Kristus lo yak igo mugunaip dutur a.

²⁹ Nai mel an ilasa san ninen o urat wagai njigane da. Dabai tubun geig ak a Kristus nai ilog lo igane ilasa dugo, ilog lo urat tubun mi isini dan, an nunon igane wo maeg njigane da.

2

Pol ilon man midaen Kristus dulon uyanan mok a

¹ Nai an ninemi wo, tamolpein a taun Laodasia na dumado dan dam ninedi wo, agod a fidian naog ta dile na yan dam ninedi wo, njubunawan o maeg njigane dan, alon uyanan ak ago ilog ibol da.

² Njai ilog man, naj anj in dida ilom njabisap, ilom dabai amam da amado wa, agod ilo panek lo atumanip kisaek a. Ago dop an lo anj in dida manau milaen mok an ilom lo ilasap yen a. An lo dop Anut san ru mianuk an alonj pasik a. Ru mianuk a talonj san uyanan man Kristus injen.

³ Inj tinin ilon lo, Anut gubak mi mel fidian naod lak na geig ak manau san, agod kankan milaen ak san dam, imianaig dimianuk go dien da.

⁴ Njai ru ago njurupaianj dan lo, talpein ta ilo njanek ru nam irawanj san tia ya.

⁵ Man dugo, gidad anj lulunjam lo naj naog tia ya, ago bo man njaineg ur lo mi naj anj da tumado da. Ago dugo anjanem ilo rumok Kristus lo yan, anj nug aganuri dugo atur dabai da, an naj njile dugo ilog bulbal da.

Id Kristus tiganuri dan lo id afon kubiaen san urat tamol tilasa san tia ya

⁶ Fun an njinen o, anj Jesus Kristus anjanem anjanem Tubun ak ilasa yan njinen o, inj aganurip sisem ator a.

⁷ Anj aganep anjanem dabim Kristus lo dudu diau geig a. Agod nek ibol ab ta diabig dabai anda itur dak ago wonj, anj dam Kristus lo dabai amam da atur a. Nek ibol imug Epafras ipitenananj ak ago, anjanem ilo rumok an dabai apani wa. Taida mi, anj Anut ilo uyan ru apani san kagin an ilom lo awan isa wa.

⁸ Kagin agane, kabelan talpein ta tamol sad manau lo injinenj, ago dop ru bulbal injinenj dan lo, ilom injane dop ru sewak an san subanek tamol alasa banau. Talpein kulob ago digane dan, inj tubud baged sad na kagin dugo dinjane yan, agod tan en san tan tubud adi sad kagin digam an diri na ya. Ilo sou naok ago yan Kristus san tia ya.

⁹ Man dugo, Anut san bunun fidian an Kristus tinin injanefute ya.

¹⁰ Agod injanen kumaen anj anjaneg, anj ilom injanefute ya. Kristus mi malan te ya, inj mi mel fidian sad gurman imado da, agod tubud sewak adi a tamolpein sad madok ditirni dan irinjanai geig a.

¹¹ Nek ibol Juda adi tinid sunjalon tutek san mulunj lo dudu dak igo wonj, anj Kristus da atumanig kisaek alasa yan lo, anjanem bunum wagam ak aupasek san an atuteg

abibol yau a. Tinik sunjalon tutek naok emaiak tamol banid nam ta digane na ya, tia, kulob an Kristus tuon lo mi ilasa da.

¹² Saen anj Kris lo suguek anjane yan, anj Kristus da sisem amat go tan lo disirianj a. Agog Anut anj Kristus da sisem ibianjsag fon kumaem amasag amado da. An anj Anut san dabai urat isini dan njinen ilom rumok an lo ago ilasa ya, man dugo, Anut Kristus matenj lo yabisag inj fon kumaen imasa da yan alonj la ya.

¹³ Gubak mi anj gob mi a, anj aupasek kagin lo ator dugo, Juda sad mulunj lo adu man tia ya. An njinen o anj njutumi imat ak igo amado ator se ya. Ak man saen Anut Kristus kumaen foun ak ipani man, kumaen foun ak ipananj go an lo anjanem njutumi dam kumaen dilasa ya. Agod idaned aupasek fidian isuas yau a.

¹⁴ Gubak mi Moses san kubiaen an, ager igane panad go ibiad tadu se ya. Kubiaen an san ru kagin wei mi a, inj nek ibol pepa roun ta an fufo gubun fidian a tinid lo dien dan digire yak igo wonj a, agod id gubun an fidian tukubune wo ta idaisuda na ya. Ak man Kristus gubun an fidian itute ya, inj pepa roun an injaneg isini yaug, injan aigim fo ibali a.

¹⁵ Injanen matenj aigim fo yan lo, tubud adi tuon anda yak, agod ur saiak fidian a tamolpein ditirnai dan, injaned dabai igane itout a. Nek ibol yu gurman ta yu igane itout go, injan ager ta dumat na yan banid ifoug, inj patun fo malak malak iraug diau dak igo wonj, Kristus injan matenj lo yu iganeg itout go, mel fidian a dabai ad da yan ibiai dudu go, malak malak miai ipidinai a.

¹⁶ Fun an njinen o talpein ta anj kulob igo yak agane wo ibol da: anj mel dugo ani aluk dan, soubul agane dan, kalam foun ilasa yak san mugurunj agane dan, tia, Sabat nal njinen o yaes abal dan, ago ibol tap, anj awan ta abi na wa. Talpein ta melmel naok an njinedi wo anj bitinaek lo idiranj dop, anj amoi a.

¹⁷ Kagin naok ago yak man, melmel rumok a murnap dupalu an sad mitilaedi mi a, ak man mel a rumok an igo yen la ya, an Kristus sen.

¹⁸ Talpein enti sewak kagin lo sen yabi idu dugo, enjel adi sad ubou leil igane dan ninen o kagin agane wa. Talpein naok an patum apani wa, kabelan ananem naon uyanan an irinanan banau. In njonamin lo manau senamo geig ak inane dak ago ibol da, an ninen o sen ipitiani da. In an naom iguri wo ru dabai anda ru kagin irupaian da, ak man njene an fun an tia ya. Man dugo, in san se pitiano kagin an lo mi injene da, agod inanen kankan an tan en san tamolpein dugo ilod isou dak ago mi iri da.

¹⁹ Talpein naok ago yan idaned gurman Kristus an yabipitili a. An ninen o in Kristus tinin ibiseig yang patun fo ilasa ya. Kristus mi insinanen tinin san gurman, agod tinin anen boi an fidian itirnai da. In lo, tinin san im, tinin san boi aenta fidian disatuaanug nug diabi dan lo italbuni da, ago dop Anut ilon yen dak ago mi tinin fidian isap dabai a.

²⁰ An Kristus da sisem amat a, an lo man an ka tan en san tubud kititik abisawaip kawan ator a. Fun an njene o, ata wo an tan en san tamol amado dak on, sem idiran go tan en san tamol kagin wei mok an paed na amado dak i?

²¹ Tamol kagin an igo dubol, "An mel an ta abi na wa." Tia dubol, "An anan an ta ani ale na wa." Tia dubol, "An mel en ta asupuri na wa."

²² Melmel e njedi wo njabol den, ata mel tani taluk o boi, an id ka saen kisaek mi urat tipidinai wa, ago gup dideg diau a. Mel geg niganag an nunon an tia ya, man dugo, ru kagin naok ago yak san fun mok man, ru kagin sensen ak agod pitejanek funfun a tan en san tamol mi durupaian se ya.

²³ Rumok, ru kagin naok ago yan tamolpein aenta sad leil lo kankan milaen ak anda yak manon a. Man dugo, ru kagin an diri dupani dan lo kagin naok igo dilasa da: in ubou leil digane wo sed isodudunai da, in sed ibiai dudu da, (ak man kagin an sewak a,) agod insed tinid dufu da. Ak man kagin naok naok ago yan inaned tini masai diabituan san in dabai ad tia ya.

3

Idsad madok gun ak san kagin

¹ An Kristus da sisem Anut ibiansa ya. An ninen o an ananem mala nouk an melmel a lak na dien dan fo agane wa. Aben an ate Kristus in Anut banin won ak lo imado da.

² Nal fidian pe an tan en san melmel an mi njedi wo ilo sou ta agane na wa, tia, kumaen panu san melmel amaiak mi ilo sou an agane wa.

³ Man dugo, on umat la ya, agod gamu onane madok mok ak imianuk Kristus da dumado da, agod on an ule san tia ya, man dugo, Anut mi kagin an igane da.

⁴ Kristus insen mi man onane madok mok a. Amaiak njene o saen in fon tan na walal isi dan, on dam in da sisem girager amam da walal asi wa.

⁵ An njene o tan en san kulob saian saian agane dan asare. An jeit kagin ta agane na wak, ilo isou saian saian dam ta agane na wa. An pein njedi wo malam ta isi na wak, an ilom tinim imasap ilo sou saian saian ta agane na wa. Agod ilo sek kagin ta gane na wa, man dugo, Anut malan lo kagin an man nek ibol an tubud sewak adi ubou ad ale dak igo won a.

⁶ Tamolpein kagin naok naok ago yan digane dan lo man, Anut san tinje mumarek ipalu da.

⁷ Gubak mi an dam, kagin naok naok ago yan lo ator dugo, ilo sou sisaiak ananem ulum yabi se ya.

⁸ Ak man kagin naok igo yak patum apani: wagai kagin, tinje saiak kagin, nug ule saian san kagin, agod uf ru. An ru nun ak awam lo ta ilasa na wa.

⁹ An nug ta arawi na wa, man dugo, an ananem bunum wagam ak, agod kagin a bunum wagam ak igane se yan fidian apasi la ya,

¹⁰ agod ananem bunum foun ak anane ya. Anut gamu urat igane dan lo ilom ibileksap manau foun ak anane da. An lo Enti a an foun idiran alasa yan, an lo igo igane da, nek ibol insen imado dak, an dam ago mi alasa da.

¹¹ Fun an lo na id foud tilasa yan lulanad lo tarpalek man tia ya. Grik in Juda dadi, tamol a tinid sunulon dutute yan, a tinid sunulon ta dutute na yan, tamol asau ak, tia, tamol kasik yu gidigheid digane dak, tamol urat bigabeg ak, tia, tamol kawan

imado dan, an fidian kisaek a. Gamu Kristus mi malan te ya, man dugo, in tamol naok an fidian ilod lo imado da.

¹² Fun an ninen o, an gamu Anut anen pilianek tamolpein a, an gun amado dugo in ninemi wo tubun mi imat da. An ninen o nek ibol tamol ta kulos injal go tinin fo idiri dak igo won, kagin en aburoup kulos on nam tinim abuluwi wa: ilo munjanek, ilo panek, sem ibian adu san kagin, mos kagin, agod muruan asini san kagin.

¹³ Nug ale saian amoi dop, muruan dugo yak an nugnug lo yen dan, an anen anen apare idu dop, nek ibol Tubun en anjanem aupasek isuas panan ak igo won, an dam nug san aupasek asuas a.

¹⁴ Agod kagin a kagin aenta fidian irinjanai dan man, an nug ninen o amat a, nek an mi a. Nek ibol let ta, an sam kulos aenta ibiai sakar dak igo won, nug ninen o amat ak san kagin an, in kagin aenta fidian ifou dop an lo sisem urat disini uyanan a.

¹⁵ Kristus san maror an an ulum am yabi wa, ago dop an pilianek agane wo uyan a. Man dugo, Anut an igian go tinik kisaek mi ak alasa ya, an ninen o Anut an fidian maror lo amado wo irupaian a.

¹⁶ Ru a Kristus ninen o alon an anjanep bubem ilon lo aganep idaisuda wa. An bubem lo ru an urat isini wa. Kankan milaen ak nam nug apitenjani dop nug ru kagin arupe wa. Isrel kanam bar an abi, kanam bar aenta dam abi, Awan Urgun bar ikubiai panan an dam abi; ilom bubem tinim fidian lo Anut ninen bar abi wa. An ago agane dop Anut ilo uyan apani wa.

¹⁷ An ru dugo abol dan, kagin dugo agane dan dam, an fidian Tubun en Jesus yan an lo mi agane wa. In yan an lo mi Bai Anut ilo uyan ru arupe.

Nug muroun sad ru kagin sensen ak

¹⁸ Pein, anjanem tamol awad paen na amado wa, man dugo, kagin an mi Anut malan lo itaot a.

¹⁹ Tamol, anjanem pein ninedi wo amat a, agod ru saian nam ta apidai na wa.

²⁰ Nanuk, anjanem tinam tamam mel dugo agane wo dubol tap, in awad kagin apani. Man dugo, kagin naok ago yan, agane dop lo Anut ilo uyan apani wa.

²¹ Tinan taman, an nanuk pempem muruan ta apidinai na wa, kabelan in ilod saian panan pe, kagin uyan ak digane wan dumoi banau.

²² Urat bigabeg adi, anjanem tamam a kagin dupanan dan, mel ta dugo agane wo dubol tap, an pempem awad ari apani wa. In dilian o, tia, in ilod anjanep dipitianan o ago agane amoi. Tia, in malad patun fo bo man, Anut o mi arer dop, tamol nunom ago won, insad urat itaot aganep ilasa wa.

²³ An mel dugo agane dan, ilom nutum nunon amam da agane wa. Man dugo, an tamol sad urat ta agane na da, tia, an Tubun en san urat agane da.

²⁴ Fun an ninen o, an mel en alon uyan ak, Tubun en an dam mel uyanan a Anut san tamolpein ipidinai o iganeg yen dan, anjanem urat naon igo won ipanan a. Tamol nek a insan urat agane dan man Tubun ak Kristus insen mi.

²⁵ Alon uyan ak, talpein enti igane saian dan, insinan kagin saian an naon ka inane wa. Gidad on urat bigabeg, on urat bigabeg taman, naon panek kagin a Anut igane dan kisaek a, man dugo, insan leil lo man, id fidian tou kisaek mi a.

4

¹ On urat bigabeg taman, an kagin itaot ak lo, agod kagin uyan ak lo dam, anjanem urat bigabeg adi kagin apidinai a. Man dugo, an alon ak, an dam tamam am da ya, in kumaen panu na imado da.

Ru kagin aenta

² An saen pempem Anut agudani dop amado wa. Saen agudani dan, ilo sou agane uyan gup, Anut asumiani, agod pempem Anut ilo uyan apani wa.

³ Agod saen an Anut agudani dop, man o dam ilom isou panama wa. Anut asumiani dop, injanen ru mianuk Kristus ninen o yan mabol ilasa san in ka dalawan ipasi panama wa. Nai gubak mi ru mianuk an tamolpein nfulale pidinai se ya. Fun an ninen o nai dsubanag go sein nam njeig banig dufoug subanek ab lo numado da.

⁴ Anut asumiani dop nai ibinawag pe injanen ru en fun kuai tem nabol ilasap, tamolpein dulon uyan a. Ago njigane dop man uyan a.

⁵ Saen aŋ tamolpein ensauta a aŋsam midaeŋ patun fo dumado dan luluŋad lo amado man, aŋ ilo sou uyan ak mi ari apani dop, kagin itaot ak mi agane wa. Taida mi, Anut dal ta ikubiai ale dop, talpein aenta aŋanem ilo rumok ka afulale pidinai dop man, aŋanem ilo rumok afulale pidinai a.

⁶ Saen fidian aŋ ilo uyan san ru, agod ru kududod bulbal san an mi aŋiŋeŋ a. Ago dop lo talpein ta sumiaek igane tap, aŋ ilo sou uyan ak lo mi sumiaek awan abi dop, lo tamolpein fidian duloŋ uyanan a.

Pol turan muroun ilo uyan ru digane ipalu ya

⁷ Tikikas iŋ ŋai kulob dugo ŋigane na yan ka ibol aloŋ a. Iŋ maŋ teima Kristus lo yan niŋen o mamat da, Tubun en san urat lo iŋ ŋaisag urat kisaek, agod maŋ ka iŋ Tubun en san urat igane uyanan o tinima migane pani wa.

⁸ Ŋai iŋ aŋsam na ŋigane yau da. An fun man, iŋ maŋ dugo mumado den san fun fidian ibol aloŋ a, ago dop aŋ ilom pasai ibol a.

⁹ Onesimus iŋ da aŋsam na sisem diau da. Iŋ tamol Kris ak ilasa ya, agod maŋ niŋen o tubun mi mamat da. Gamu iŋ dam aŋanem midaeŋ san tamol kisaek a. Iŋ urarum mel fidian etna ilasa dan ka dubol aloŋ a.

¹⁰ Aristakas, iŋ dam subanek ab lo da mumado yan aŋsam na ilo uyan ru igane ipalu da. Mak dam aŋ ilo uyan ru irupaiaŋ da, iŋ Barnabas nukol. Aŋ Mak niŋen o ru kagin aŋane la ya. Iŋ aŋsam na ipalu tap, aŋanep kagin apani wa.

¹¹ Agod Jesus, iŋ yaŋan aenta Jastas dubol dan dam aŋsam na ilo uyan ru igane ipalu da. Ŋaisag urat kisaek adi a Anut san kagin panek o urat digane dan, luluŋad lo tamol utol en mi Juda tamol a. Iŋ ŋai dubunawag go ilog pasai ibol a.

¹² Epafras, iŋ dam aŋsam tamol kisaek a, agod ilo uyan ru irupaiaŋ da. Iŋ Jesus Kristus san urat tamol mok a. Iŋsan gadiŋ lo aŋ niŋemi wo urat wagai igane dugo, Anut igo isumiani da: Anut ilon dugo ibol dak aloŋ uyan pe, tinim ŋutum fidian lo ari apani wa, agod aŋ mel ta niŋen o, ta katuk

amam na wa, an lo dop aŋanem ilo rumok Kristus lo yan dabai a.

¹³ Ŋai ŋaiseg ŋurupaiaŋ da, iŋ aŋ ibinawaŋ o urat wagai igane da, agod ilo rumok adi Laodosia na yan, Hirapolis na yan dam niŋedi wo urat wagai igane da.

¹⁴ Maŋsam turama mok, Luk, iŋ a dokta tamol amaiak, Dimas da aŋsam na ilo uyan ru digane ipalu da.

¹⁵ Ŋai naog aŋanep ilo uyan ru, ilo rumok adi Laodosia na dumado dan arupidai. Nimfa, agod midaeŋ a iŋsan ab lo dutumani dan dam, ŋaisag ilo uyan ru arupidai.

¹⁶ Girek en asutip ale gup murna Laodosia midaeŋ sad na agane yaup, iŋ dam dusuti dop duloŋ a. Nek ago mi aŋ dam girek taida an Laodosia midaeŋ sad nag ipalu yan asutip ale wa.

¹⁷ Akipas arupeŋ, “Tubun ak iŋanen urat gane wo dipiliano yan urat wagai ganep, gane yau itout a.”

¹⁸ Ŋai Pol, ŋaiseg banig mok nam ru wadan en ŋigire da. Ŋai ilo uyan ru ŋurupaiaŋ da. Aŋ ŋai subanek lo ŋumado dan, ilom ta iŋaŋ na wa. Ŋai ŋugudani da, Anut iŋanen ilo panek aŋ da ka amado wa.

1 Tesalonaika

¹ Pol, Sailas agod Timoti ago girek migire yen an Kris midaen Tesalonaika na yan sam na yau da. An id Tamad Anut in Tubun ak Jesus da sisem amado da. Anut san ilo uyan maror da ka an lo yen yau a.

Tesalonaika tamolpein sad ilo rumok aenta dabai ipidinai da

² Pempem man an ninemi wo Anut ilo uyan mupani dak, saen fidian ibinawan o mugudani da.

³ Ansam ilo rumok an kagin uyan ak an lo igane ilasa da. An nug ninen o amat agog urat dabai mok nug abinawi san agane da. An dam ananem tini ganei idsad Tubun ak Jesus Kristus lo yan ninen o kagin an inginan go muruan naok fidian lo atur dabai da. Ago tag man ansam kagin an ninen o id Tamad Anut ru murupe wo iloma ta isali na da.

⁴ Teig muroug, man malon ak, Anut buben ipanan go ipilianan a.

⁵ Man dugo, saen man ansam na mupalug malama mok nam aban mile ya, ru uyanan mufulale man ru kawan ago tia ya. Tia geig, man Anut san dabai an lo mile agog Awan Urgun dam an lulanam log insan ru ilom tubun mi issue ya. Man tamol dugo yak, agod an ninemi wo mansama kagin an lulanam lo migane se yan an alon uyanan a.

⁶ An mansama kagin agod Tubun ak san kagin da agam go ari a. Gidad muruan tubun mok ansam na ilasa se yak man Awan Urgun an ibiansag an ilo uyan da isuda geig a. Kagin ago yan lo mansama bilalun anane ya.

⁷ Fidian ansam kagin dulon a. An lo ilo rumok tamolpein Masedonia nag Akaia na dam, gamu ananem kagin dututunani da.

⁸ An ru afulale yan lo, bilalun a Tubun ak ninen o yan, nek ibol dou san liliyan yau dak igo won ifufurak yau a. Ru an Masedonia nag Akaia na mi ta yau na ya, tia, aben fidian inane ya. An Anut ninen o ilom rumok dan fidian dulon pasik a. An ninen o mansama ru ta an ninemi wo mabol san urat amama tia ya.

⁹ Tia, insed mi ansam mala parek naok dugo yak apanama yan ninen dininen ilasa da. An bui adi sad tubudi lo adansag, Anut mi ilom apani a. An lo gamu Anut e rumok di kisaek o lian en paen na amado dugo, insan urat tamolpein mok alasa yak, an ninen o dininen da.

¹⁰ Ago dugo an, Anut san Nanun Jesus, kumaen panu ibiseip imul o dan ninen o malam aganeg amado den, an ninen o dam dininen da. In gubak mi imat go Anut mater aben lo ipasi inane ya. Anut san tinane mumarek murna ilasap lo tamolpein daon ipidinai a, ak man Jesus mater log imasa yan lo, id ilo rumok tamolpein daon an lo patud ipasi wa.

2

Pol san urat Tesalonaika na ya

¹ Teig muroug, ansam alon a, wagam ansam na mupalu man mansama urat kawan ta yau na ya.

² Inug mi Filipai na man, man tinima malan dusueg ilo madai minane man an alon a. Ak man idsad Anut man bubema dabai ipani an lo, man dabai minaneg insan bilalun uyan an ansam na mufulale se ya. Man ager tamol adi dida nug mabi midiri se yak man ninedi wo ta marer se na ya.

³ Man ansam na ru mininen den, man mufurfig ru mabol an ta muri na da. Taida mi, man kankan saian ak mianuk lo yen dan lo ta mabol na da, ago dugo an mirawan o ta migane na da.

⁴ Tia, nek ibol tamol a Anut insan bilalun uyan akbanid lo igane wo awok ipidinai ak igo won, man tamol naok ago mi insan ru mininen ilasa da. Man tamol ilod minane wo ta migane na da, tia, Anut ilo uyan mupani wo urat migane da. In mansama bubema ibitinae da, ago yak ninen o in ilon uyan ak man sewak ru ta mabol na ya.

⁵ An alon ak, saen man an lulanam lo mumado se yan, mansama ru lo an ilom ta minane na ya, tia geig a. Agod Anut dam ilon ak, man mala bulbal san kagin minaneg, mansama kagin uyan uyan ak paen na mumiani wo ago ta migane na ya.

⁶ Ago dugo, mañ tamol yañak tubun miñane san urat ta migane na ya. An malam lo, agod aenta malad lo dam tia ya.

Rumok, mañ Kristus san bilaluñ tamol mumado da. Ago yan lo mañ iloma ibol ak man, an mañsama yañama asini wo musumianañ dop sema ilobol lo muruan mupanañ san niñen o mañ idaisuda ya.

⁷ Ak man saen mañ an da tumado se yan, mañ kagin mos anda migane se ya, nek ibol pein inanen nanuk kagin ipani dak igo woñ a.

⁸ Mañ an niñemi o mamat saian a, an niñen o mañ Anut san bilaluñ uyan ak mupanañ o an iloma lo tubun mi bulbal a, an mi tia ya, tia, mañsema tinima an lo mabituanu san tia ya. Man ata wo? An mañsama turama mok alasa ya.

⁹ Teig muroug, saen mañ Anut san bilaluñ uyan ak an luluñam lo mufulale se man, mañ urat dabai mok migane yan an ilom isou. Tidom ad urat migane se yan lo mañ muruan ta kisaek mupanañ man tia ya. Man dugo, tamol ta mañ kagin ipanama san urat mupani san niñen o iloma ta ibol na ya.

¹⁰ Saen mañ an ilo rumok adi luluñam lo mator dan mañsama kagin gun, agod itaot, aupasek aman tia yak, an an ale ya. Anut dam ago mi a.

¹¹ An alon a, mañ kagin dugo an kisaek kisaek lo migane dan, nek ibol nanuk adi tamad kagin ipidinai dak ago mi a.

¹² Mañ tan suek ru mupanañ dugo, ilo maror san ru murupaian se ya. Ago dugo añañem madok tan en lo man, Anut enti an igian go inanen girager alep inñsan kagin panek aben lo aladup fom idaisuda san niñen o musurnañ se ya.

¹³ Taida mi, mañ nal fidian Anut an niñemi wo ilo uyan ru mupani da. Ata wo? Gubak mi saen an Anut san ru mañ awama lo añañe yan, ibol tamol sad ru on ta añañe na ya, tia, ibol Anut sen awan igo woñ añañe ya. Rumok, ru an Anut san, an lo an Anut san ru igo woñ ru an añañe ya. Ago dugo gamu ru an an ilo rumok adi bubem ilon lo urat igane da.

¹⁴ Teig muroug, an nek ibol Kris midaen Judea na dumado dak on alasa ya. In Kristus Jesus niñen o ilod rumok dugo in

lo dumado da. Aria, nek ibol in Juda banid lo madai diñane na yak ago mi, an dam siñañem Tesalonaika tamolpein gob ak banid lo ago añañe ya.

¹⁵ Juda tamolpein in wagam mi profet adi dufu dumat se ya, agog Tubun ak Jesus dam dufuni imat a, agog gamu mañ dam dukudamag mau a. In Anut tiñañe saiak dupani on se ya, ago dugo in tamolpein fidian dil saian da.

¹⁶ Man dugo, in mañsama dal dufutani wo maeg digane da, an lo mañ tamolpein Juda adi tia yak sad na ru mufulale san tia ya. In Anut gob adi patud ipasip inñliai san dumoi da. Dal an lo in pempem aupasek digane dugo sad aupasek tubun geig ilasa ya. Ak man gamu Anut sen yabituanu san tiag an lo inñsan tiñañe mumarek inñsad na igane ilasa ya.

Pol fon Tesalonaika tamolpein yil o da

¹⁷ Teig muroug, saen katukan mi mañ anñsam na dukudama, agog mañ nanuk tinan taman an tia yak mumado woñ se ya. Rumok mañ an naomi ta mile na ya, ak man bubema an lo yen da. An lo mañ urat dabai mok naom mile wo dal aban mabi da, ago dugo bubema tubun mok naom mile wo itata da.

¹⁸ Ago yan lo mañ anñsam na mupalu wo migane se ya, ñai Pol nal wei mok ñibitinae se ya. Ak man Satan mañ naoma dal ifou se ya.

¹⁹ Murna gup, saen idsad Tubun ak Jesus tan na imul dop id naon na tatur an, mañsama mala nouk dugo i? Ago dop mañ ata mel niñen o yousai migane wak i? Ago dop mañsama urat naon miñane wan dugo i? An nek anñsem mi a.

²⁰ Rumok nuñon, anñsem mi mañsama girager, agod mañsama yousai dam mi a.

3

¹ An niñen o mañ malama taida migane san tia ya. An lo mañ uraru mi Atens na mumado wo iloma isou a.

² Agog mañ id teid Timoti mi midinig anñsam na ipalu ya. In bilaluñ uyan ak Kristus niñen o yan ibol ilasa san urat lo, in Anut san urat kisaek a. Ago yan lo mañ miganeg, añañem ilo rumok lo dabai ipanañ o anñsam na ipalu ya.

³ Mañ iloma igo yen, inſan tan suek ru lo, talpein ta añ luluſam lo muruan madai da asini dan niñen o ilon idu dop ta isuk imul na wa. Añ aloñ uyanan la yak, Anut id muruan nek an tisini wo wagam mi ipilianad a.

⁴ Rumok gubak mi saen mañ añ da tumado man, ru en murupaian se ya, murna gup tan en san tamolpein id tinid dusue dutare wa. Agog añsem malam nam ale dugo kagin an nek ago añsam na ilasa se ya.

⁵ Njai añ niñemi wo ilo weiwei ag da ñumado se ya. Kitek milaen go ñai ilo maror amag tia ya, an lo Timoti ñidinig añsam ilo rumok niñen o yen dabai boi, tia boi, an kuai ipani wo añsam na ipalu ya. Naisag rirek man, ur saiak ilo ñanek san ta ilom injaneg mañsama urat an kawan a.

Timoti san urat Pol Sailas da dabai ipidinai a

⁶ Aria Timoti, añ ibisawañ go gamu geig mañsama na ilasag, agog ru uyanan ak irupaiaama ya. Añanem ilom rumok, agod añ tamolpein niñedi wo amat dan niñen o ru irupaiaamag malon a. Agog fon ibol, añ pempem mañ niñema wo ilom isou dak, niñema wo bubem uyan da. Agog irupaiaamag añ mañ aliama wo amat da, nek ibol mañ añ miliañ o mamat dak ago mi a.

⁷ Fun an lo, teig muroug, gidad mañ muruan naok wei mi misini dan bo, saen añsam ilo rumok niñen o ru malon man, bubema imasa, agog iloma maror anda mumado ya.

⁸ Amaiak niñen o gamu mañ ilo maror da ka mumado wa, man dugo, añ Tubun ak lo atur sakar da.

⁹ Mañ añ niñemi wo idsad Anut malan lo iloma uyan mok da. An niñen o mañ dugo migane wak i? Ilo uyan dugo mok migane Anut naon mupani wak i? Mañ ta idaisuda geig na ya.

¹⁰ Tidom ad mañ urat dabai mok naom mile wo mumosiai on da. Ago dop añanem ilo rumok an mel ta lo katukan dop man, mañ mel an ka mupanañ pe añanem ilo rumok idaisuda mi geig ilasa wa.

¹¹ Gamu ñai idsad Bai Anut, idsad Tubun ak Jesus ida igo ñusumianai da, dalawan dupasi gup añsam na mupalu wa.

¹² Tubud en ilo muñanek san kagin anua geig ak iganep, añsam na isuda wa. Ago dop añ ka nug niñen o amat dop teim taomi ilom apidinai ak, tamol fidian dam mi, nek ibol mañ iloma mupanañ dak ago mi a.

¹³ Njai Anut ñusumiani da, añ bubem ñutum ka dabai injane wa. An lo dop, saen idsad Tubun ak Jesus, injanen gun adi dida dumul dupalup, añ idsad Bai Anut naon na atur an, añ gun amado dop in añ niñemi wo ru aman tia wa. Mel an fidian Bai ñugudani dak iganep dilasa panañ a.

4

Kagin a Anut malan lo uyanan a

¹ Teig muroug, gubak mi mañ añ kagin dugo aganep lo Anut ilo uyan apani wan niñen o ru kagin murupaian la ya. Ago dugo añ mañ awama abig gamu kagin an lo mi amado da. Gamu Tubun ak Jesus lo, mañ añ musumianañ dugo mususunañ da, añ aganep kagin nek an añ luluſam lo dabai apanip tubun ilasa wa.

² Añ ru kagin an fidian Tubun ak Jesus wagen lo mupanañ an aloñ pasik a.

³ Anut san ilon man igo ya, in injanian pe gun amado wak, añ jeit kagin patum apani wak,

⁴ añ kisaek kisaek dam aloñ uyan pe tinimi atirni wa. Ago dop saen pein añal dop kagin gun ak mi ari wak, agod kagin naok a tamolpein uyan dubol dan dam ari wa.

⁵ Añ nek ibol gob adi bubed gidigidad imasa dop jeit digane wo ilod irae dak ago ta agane na wa. Tamolpein an Anut ta duloñ na ya.

⁶ Jeit kagin niñen o ñabol da, on tei tao lo aupasek ta gane na wa. Nug ñanek lo, agod dam on tei san iwon ta ugam na wa. Ago dugo onane tei tinik san kagin lo dabai an tia yan ule dop man, gidad inſan madok pitiñini wo ta gane na wa. Mañ kagin naok ago yan fidian niñedi wo ru kagin igo murupaian la ya, Tubun en inſen tamolpein ensauta a aupasek naok ago yan digane dan naon muruan geig ak ipidinai a. Ago yan lo afon murupaian da, kagin agane.

⁷ Man dugo, Anut id kagin dugo dugo nun ipanad dan tiri wo ta igiad na ya, tia, madok gun ak lo mi tumado tator o igiad a.

⁸ Ak ninjen o tamol ta ru en patun ipani ak man, in tamol mi patun ta ipani na da. Tia, in Anut enti a Awan Urgun ipanañ dan patun ipani da.

⁹ An teim muroumi ilom apidinai san kagin ninjen o man, ñai anñsam na ru ta ñgire san tia, man dugo, Anut kagin an ninjen o ipiteñanañ la ya.

¹⁰ Rumok, an teim muroumi aben fidian Masedonia na yan ilom apidinai da. Ak man teig muroug, mañ ru dabai murupaian da, kagin ago agane dan ninjen ilom ta isali na wa, tia, kagin an dabai apanip tubun geig a.

¹¹ Ilo isou dabai mok agane dop ate na pasak nam amado wa. Aenta sad ñineñ o kabuñam ta aduduni ator na wa. Siñanem banimi mok lo urat agane dop amado wa, nek gubak mi murupaian ago mi a. Urat tia kawan amado dop Tubun en imul san atitiani man kagin saian a.

¹² Dal an lo tamolpein Kris tia yan anñsam kagin uyan an dilep yañam diabisa wa. Agod dam, an tamolpein aenta mel ta lo dibinawan o tinim apidinai san urat amantia wa.

Tubun en imul da wa

¹³ Aria teig muroug, an añaon man mañ mamoi a. Ilo rumok tamolpein dumat la yan, ninedi wo tamolpein ilo rumok ad tia yak igo won ilomi ta itata na wa. In tubun mok ditata da, man dugo, saen inñsiganed mok ta imat den afon naon ta dile na wak ago ilod isou da. Tamolpein an Tubun ak lo mala nouk amad tia ya.

¹⁴ Ak man id Jesus imat go imasa da yan ninjen o ilod rumok a, ago yak ninjen o id talon a, Anut san dabai lo gup Kris tamolpein dumat la yan inñal pe Jesus da dumul da wa.

¹⁵ Mañ itaot Tubun ak awan lo malon agog gamu an murupaian da. Saen Tubun ak tan en lo imul dop id tamolpein kumaen tumado den, dumat la yan naod na id ta tamug na wa.

¹⁶ Tia, Tubun ak awan tubun mi ru kagin isasaip, eñel gurman dam iwagin dop, Anut san barag diwip tubun mi ibob gup, Tubun ak inñsen kumaen panu ibiseip idu wa. Ago dop tamolpein ensauta a Jesus lo

ilod rumok go dumat la yan imug dimasa wa.

¹⁷ Saen an lo id inñsan tamolpein kumaen tumado dan, Tubun en inñliad pe keit lo tamolpein imug dumat la yan dida tusudap, lak na Tubun en da timtaen titiñae tutu-maní wa. An lo id Tubun en da pempem tumado wa.

¹⁸ Ak ninjen o an teim muroumi ru en lo ilod dabai apani a.

5

Tubun ak imul ipalu wak o kagin tigane dop tumado wa

¹ Teig muroug, saen dugo boi, nal dugo boi, mel en ilasa san, mañ girek ta migirep murupaian san tia ya.

² Anñsem alon la yak, Tubun ak san nal man id talon san tia ya, nek ibol gumagam tamol tidom ilasa dak ago mi nal an ilasa wa.

³ Saen ilasa dop tamolpein igo dubol a, “Gamu en maror san saen a. Id ka tumado uyan a. Ager ta tarer san tile dak tia geig a.” Ak man saen an lo dop mel ta daon ipidinai san an inñsad na ilasa kisaek on a. Nek ibol pein nanuk digansi wo madai diñane dak ago mi won a. An lo tamolpein inñ nal an san muruan diriñani san tia wa.

⁴ Ak man teig muroug an tidom lo ta amado na da, an lo nal en anñsam na gumagam on ta ilasa na wa, tia geig a.

⁵ Anñ fidian tamol ilalan san agod ad san, id tidom, tidom tubun da san tia ya.

⁶ An ninjen o kabelan taen banau, ibol tamol aenta won. Gidad malad ipuk pe ilo isou amad da kagin tigane dop tumado wa.

⁷ Id talon a, tamol ñion san tidom lo dien da, agod lukluk san tamol, inñ tidom lo mi diluk da.

⁸ Ak man id tamol ago tia ya. Tia, id ad san tamolpein tumado da. Ak ninjen o idsad madok an kagin tupani wa. Id ilo rumok tiñanep ilo muñanek da dumui on tigane wa. Idsad titianek man, mala nouk a Anut inñliad san an yu san katkat kabuñad lo tukudi wak ago mi a.

⁹ Anut inñsan tiñae mumarek tiñane wo ta ipilianad na ya. Tia, id ipilianad man, id idsad Tubun ak Jesus Kristus lo mi patu pasek tiñane wo ipilianad a.

¹⁰ Gubak mi in imat go ate id ibinawad san. Ago yak ninen o id kumaen tumado boi, tia tamat la tap, id in da kumaen tumado wa.

¹¹ Ago yak ninen o an kisaek kisaek an ru uyanan lo teim muroumi ru arupidai dop, nug buben dabai apani wa. Nek gamu agane dak ago mi a.

Ru wadan

¹² Teig muroug, man ru en murupaijan da. An tamol lulujan lo urat digane den paed na amado wa. Ru kagin dupanan an ninen yanad abisa wak kududom dam agure wa. Man dugo, Tubun ak in ipilianaig an sam gurman dilasa ya.

¹³ Ago yak ninen o ilom apidinai a, yanad dam lak na mok abisa wa, fun dugo, urat a digane dan ninen o ago agane wa. An dam anek anek atem maror nug lo apanip amado wa.

¹⁴ Teig muroug, saen tamol ta urat igane wo ilon isali tap, dal an saian ak ago ru kagin arupej wa. Tamol a buben irer dan dabai apani wa, agod tamol a in san ilo rumok dabai amad tia yan abiai sakar a, kabelan dideg diau banau. Nug kagin apani wo ilom ta isali na wa. Man kagin ago agane wo mususujan an da.

¹⁵ Nug ale wo uyanan a, saen tamol ta aenta lo muruan igane tap tamol muruan isini an naon ta igane na wa. Nug kagin apani wak ninen o maeg agane wa, agod tamolpein a ta Kris na yan dam kagin apidinai a.

¹⁶⁻¹⁷ An pempem ilom uyan dop, pempem aguduani wa.

¹⁸ An ata mel uyan boi, saian boi, ilasa dop pempem Anut ilo uyan apani wa. Man dugo, an Jesus Kristus san tamolpein tap ago agane wo Anut ilon ago ibol da.

¹⁹ An Urgun san yai tinimi ilon lo ta agane imat na wa.

²⁰ Profet ta in Anut san awan in anep ninen an ibol ilasa dop man, an ru an ru kawan ak ago ilom ta isou na wa.

²¹ Tia, an mel fidian abitinae gup, mel uyan ak mi abituani wa.

²² Agod kagin dugo dugo saian ak agane san man amoi a.

²³ Anut sen mi in maror san fun. In sen mi iganep an ka gun alasa pasik a. Agod

in ka an sam ur, n utumi agod tinimi tan en san kagin ipidinai a. An lo saen Tubun en Jesus Kristus imul ipalu wak an uyanan geig amado wak tinim aupasek an tia ya.

²⁴ Anut an igian a, in sen pempem mi siganen ru iganuri da, ago yan lo ru dugo ibol ak ago mi, mel an igane ilasa wa.

²⁵ Teig muroug an Anut san na aguduani dop in man ibinawama wa.

²⁶ An teim taom Kris ak fidian musuk gun ak apidinai a.

²⁷ Nai ru dabai en Tubun en yan an lo nabol da, girek en tumanek lo fidian naod na asuti ilasap duloj a.

²⁸ Tubun en Jesus Kristus san ilo maror ka an da amado wa.

2 Tesalonaika

¹ Nai Pol, Sailas agod Timoti, girek e migire yen an Kris midaen a Tesalonaika na yan anjam na migane ipalu da. An Anut idsad Tamad in Tubun ak Jesus Kristus da, sisem amado da.

² Anut idsad Tamad agod Tubun ak Jesus Kristus da insad ilo panek agod ilo maror da dupanan a.

Jesus Kristus imul ipalu san ru

³ Nai teig taog, man pempem an ninemi wo Anut ilo uyan mupani da. Ago migane dan man uyan a, man dugo, anjam ilo rumok Anut lo man tubun mok ilasa da. Agog nug ninen o amat dan dam tubun geig ilasa on da.

⁴ An ninen o saen man Anut san Kris midaen lulunad lo mitililani an, an yanjam mabisa se ya. Ata wo? Fun anjam ilo rumok tubun geig, agod an Tubud san dal lo atur sakar on da. Aenta madai in misilanek da dupanan pe lo au adu o da, ak man mel an an patum apani da.

⁵ Kulob a kuai tem ikibiai panad dan man, Anut san bitinaek itaot mok a. Ru e nabol en fun man, muruan wei mi aleg, an lo Anut malan lo in awok ipanan dop, aben a Anut kagin ipanad san an lo aladu wa. An aben an san a, aben an lo au ak ninen o an madai gamu akubiani da.

⁶ Kagin a Anut an o igane yan nek itaot a. Man dugo, insan ilo sou lo tamolpein a gamu muruan dupanan dan mite gup naon muruan ipidinaip, an lo madai tubun ak dile wan itaot geig a.

⁷ Mel en dam in malan lo itaotan a. In an muruan a ale dan yaes ipanan a, ago dop an man da sisem yaes bilabal lo tiladu wa. Sañetap saen an ilasa wak i? Saen Jesus insen yai balen tubun ak aman da did panu ibisei dan lo, tinin walal te iganep ilasa wa, agod inanen enjel adi dabdabai ak dida dumul dupalu wa.

⁸ Saen an lo, in inanen pani naon insen lo inawai geig ak da imul a. Ago dop tamolpein ensauta a Anut ta dulon na, agod tamolpein ensauta a bilalun Tubun ak Jesus ninen o ilo rumok adi dufuleg dulon

gug ta duri na yan dam, naon saian geig ak ifuli ipidinai a.

⁹ Muruan mitep dile wan man, daon pempem yen yau san, amaiak lo dudu diau a. Naod dam ifutanip an lo Anut san madok an patun fo dilasa dop, insan dabai girager anda yan ta dile na wa.

¹⁰ Nal an lo, in imul ipalup insan tamolpein gun ak lulunad lo ilasa dop, yanak tubun a girager anda yan inane wa. An lo dop, tamolpein ensauta a ilod lo rumok an malad bulbal pe malad ti ibol pe dile wa. Agod an dam lulunad lo amado wa. Man dugo, saen man insan ru mabol ilasa se yan an ilom lo rumok a.

¹¹ Man mel an ninen o pempem an ninemi wo mansama gudanek igo migane da. Anut insen, an inanen wagin anane wo idaisuda an ninen o idiran alasa wa. Ago dop insan dabai lo, ilo isou dugo yak agane dan, agod urat a ilo rumok lo ilasa dan dam, an fidian aganep itout a.

¹² Man ago mugudani dan lo tamolpein aenta an ninemi wo idsad Tubun ak Jesus yanjan diabisa wa, agod in lo yak ninen an dam yanjam diabisa wa. An lo ilasa san dal an man ilo panek a idsad Anut agod Tubun ak Jesus Kristus da dupanan dan, nek an mi a.

2

Kubiaen riñanek tamol

¹⁻² Teig taog, idsad Tubun ak Jesus Kristus imul ipalu san, agod id in da sisem tutumani san dam ninen o kudodom agure wa. Aenkadi Tubun ak san Nal ilasa la yan ninen ago dubol da. Profet ru ta boi, tia, mansama girek ta boi, tia, ru tim man awama lo ilasa ago dubol boi, gidad, ru naok ago yan alon tap, ilom lo ta rumok na wa. Gidad, man ru dabai ak lo igo murupaian den alon a, ririan arut dop ananem kankan ta yau imul na wa.

³ Mel an ninen o tamol ta ale funi dop dal ta lo ta irawan na wa. Tia, nal an ta ilasa na dop, awa bitek san nal imug mi ilasa wa, ago dop kubiaen riñanek tamol dam in walal te ilasa wa. Tamol an man daon san gib lo idu san mi a.

⁴ Tamol an tamolpein sad anut gidigidad adi fidian sad ager, agod melmel fidian a

tubud igo wonj ubou ad dile dan sad ager tamol dam imado da. An lo inſen yaſan yabisa dop, inanen madok aben a Anut san ubou ab lo yan inanep, an fo imasip igo ibol a, “ŋai mi Anut.”

⁵ An ilom inaoŋ boi, saen ŋai imug aŋ da tumado na yan, ŋai mel a niŋen o ŋurupaiaŋ se yan dag ilom inaoŋ i?

⁶ Agod gamu en, mel a tamol an yabituani imul pe walal te ta ilasa na wan aŋ aloŋ uyan a. In ago imado yaup inſan saen fo gup kuai te ilasa wa.

⁷ Man dugo, kubiaen pilalek san dabai en mianuk lo mi tan en lo urat igane la ya. Ak gug, enti in an yabituani imul o ago igane yau dop man, Anut in talpein a dabai saian ak yabituani dan gigin na iganep, an lo dabai saian an ibisei yau a.

⁸ Saen an lo mi kubiaen riŋanek tamol an walal te ilasa wa. Ak gug, Tubun ak Jesus inſan Awan Ur nam tamol an mitep ibili idu wa, kumaen panu lo imul ipalu san lilaman girager an nam, daon ipani wa.

⁹ Kubiaen riŋanek san tamol an Jesus gamugo imul ipalu dop ilasa wa. Tamol an Satan san tuon lo ipalu wa. Satan tamol an patun fo itur pe ibinawip, an lo dabai awan isa yan lo kulob girager sewak ak, agod kulob tini urer san dam tamolpein naod na idiri ilasa wa. Melmel an Satan san Ru Sewak ak san mi a.

¹⁰ Agod kagin itaot tia yan san rawek naok sensen ak lo, tamolpein a daon panek san dal diri dan irawai mok a. In daon panek dile mok a, man ata wo, ru rumok an niŋen o dumat pe an lo Anut patud ipasi wak diŋane san o dumoi da.

¹¹ Nek fun an niŋen o Anut in tubun mi ilod iduduŋanip an lo inſad ilo sou an gidigidad dop Ru Sewak an niŋen o ilod lo rumok a.

¹² Agop an lo fidian a ru rumok ak ilod lo ta rumok nag, kagin saiak an dile dugo ilod siŋaokan go youd isa dan, bitinaek an lo dutur pe dudu diau geig a.

Atur sakar a

¹³ Teim taoma, maŋ nal fidian aŋ e Anut ilon ipanaŋ den niŋemi wo in ilo uyan mu-pani man uyanan a. Man dugo, fun lo mok Anut ipilianaŋ a, ago tag Awan Urgun idiraŋ go gun alasa dan lo, agod ru rumok

a ilom lo rumok dan lo dam, patu pasek ale wa.

¹⁴ Kristus san ru aŋsam na mufulale amaiak lo, Anut aŋ igiaŋ an lo patu pasek ipanaŋ a. An lo idsad Tubun ak Jesus Kristus inſan girager amaiak aŋ dam aŋanep amado wa.

¹⁵ Teim taoma, fun an niŋen o atur sakar a. Agod Kris kagin mipiteŋanaŋ an, awama lo aloŋ se yan, agod a maŋsama girek lo asuti an dam mi abi sakar pe ari uyanan a.

¹⁶ Anut idsad Bai niŋed o imat dugo, inſan ilo panek lo maror bubed lo pempem yen yau san, agod mala nouk mel siŋaokan san da ipanad a. Anut nek an idsad Tubun en Jesus Kristus inſen ida

¹⁷ maror bubem lo digane dop, dabai dupanaŋ dan lo urat fidian uyan ak agane wak, agod niŋen uyan uyan ak abol ilasa wan dam, aŋ idaisuda geig a.

3

Agudani dop Anut ibinawama wa

¹ Ru wadan, ŋai teig taog, maŋ niŋema wo agudani wa. Ago dop Anut maŋ ibinawamap inſan ru imaspalup aben fidian lo yau kisaek oŋ a. Anut asumiani dop panu panu asau ak san tamolpein, luluŋad lo inanen ru tubun mi inſad leil lo ilasa wa, nek ibol aŋsem luluŋam lo ilasa na yak ago mi a.

² Agod taida mi, aŋ agudani dop tamol sa-iaidi, agod tamol a inſad kagin naok senamo geig ak dida, inſad tuod lo maŋ patuma ipasi wa. Man dugo, tamol fidian in ilo rumok amad tia ya.

³ Aloŋ ak, Tubun en in awa yabek tamol mi a. Amaiak niŋen o in aŋ isatunaŋ a. Agod inſen mi dumui igo, Satan muruan ipanaŋ o igane dop, naon dal ifutani wa.

⁴ Agod Tubun en aŋ niŋemi wo mel e rumok en maŋ ikubiai panama ya. Ru kagin dugo gubak mi mupanaŋ an aŋ agane da, agod murna dop nek ago mi agane yau a.

⁵ ŋai Anut ŋugudani dop Tubun en aŋ dal ikubiai panaŋ a, an lo Anut san ilo panek ka bubem lo yen a, agod nek Kristus itur sakar na yak igo, aŋ dam ka ago agane wa.

Ayalis dan niŋen o kagin agane wa

⁶ Mañ teim taom, Tubun ak Jesus Kristus yañan lo mañ ru kagin en mupanañ da. Teid taod Kris adi ensauta a urat digane wo dumoi go, inşad madok an san pitejanek mañ awama lo añane yan ta diri dupani na dan, añ şinired na ta au na wa. Tamol naok ago yak dam dadi ta ator na wa.

⁷ Man dugo, añ añsem mañsama kagin naok dugo woñ ari apani san aloñ uyanan a. Añ ilom isou, saen mañ añ luluñam lo tumado se yan miyalis man tia ya.

⁸ Mañ aenta sad anañ mani se yan, pem-pem madad na ya. Rumok geig, mañ nal fidian tidom ad urat migane da. Fun dugo, mañ tamolpein aenta añ luluñam lo dumado dan mañ kagin dupanama se yan lo muruan mupidinai man mamoi a.

⁹ Rumok geig, mañ tamol yañama tubun ak mi a. Amaiak niñen o iloma ibol tap man, mañ ka añ musumianañ dop kagin apanama wa. Gug ago migane wan mamoi a. Man dugo, mañ añsam tinanou igo woñ mumado da, an lo añsem ale dop mañsama madok en mi ari wa.

¹⁰ Agod saen imug mi mañ añ da tumado se yan mañ ru e dabai en mupanañ a. “Tamol ta urat igane wo imoi tap, aenta sad anañ ta yani na wa.”

¹¹ An niñen o mañ durupaiama ya, tamolpein kadi urat digane wo dumoiğ urat ta digane na da. Kawan dutor dop tamolpein aenta sad muruan lo kabuñad mi disoduduni da.

¹² Tubun ak Jesus Kristus yañan lo, mañ tamolpein naok ago yan dutokubol pe urat digane wo mususunañai dop ru dabai mupidinai da. An lo inş moni diñanep ate inşaned anañ ka didad a.

¹³ Agod añ fidian niñemi wo man mañ igo mabol da. Añ kagin uyan ak agane wo ilom ta isali na wa.

¹⁴ Aria, talpein ta ru kubiañ girek en lo migire idu yen ta ilon na tap, talpein an añ ale wo uyan dop ida ta ator na wa. Man dugo, añ ago agane dop man, inş miai ifuni wa.

¹⁵ Ak man añsam ager tamol igo woñ ta agane na wa. Tia, ru dabai ak arupeñ dop ru kagin dam apani wa. Nek ibol añañem teim mok lo agane dak ago mi agane wa.

¹⁶ Tubun ak inşen maror san fun. Inş nal fidian ka bubem lo maror ipanañ ak, dal funfun lo dam mi a. Anut ka añ fidian da amado wa.

¹⁷ Nai Pol ru wadan naiseğ banig mok nam nigire ya. Nai girek fidian nigire den lo ago nigane da. Ata wo, nai banig mok nam girek e nigire den lo, tamolpein fidian duloñ man, girek en naiseğ na mok ipalu ya.

¹⁸ Idsad Tubun ak Jesus Kristus san ilo panek añ fidian da amado.

1 Timoti

¹ Nai Pol, girek en njigire da. Anut sen idsad patud pasek, agod Jesus Kristus in ninjen o mala nouk tumado da. In njai ru kagin dupanag go aposel njilasa ya.

² O Timoti, onsa ilo rumok lo on njaisag nanuk mok a. Girek en onsa na njigane ipalu da. Ak ninjen o Anut idsad Tamad, in Jesus Kristus da sad ilo panek, ilo munjanek, agod ilo maror an lo ka mado wa.

Pitenjanek sewak ak ninjen o kagin gane wa

³ Saen njai Masedonia na njau o ilog yen an, njai on njurupaog Efesus na mado wo ilog yan a. Man dugo, tamolpein aenta pitenjanek sewak digane dan ru dabai nam padau dop dumoi a.

⁴ Rupidaip am wagam ak, agod tubud tamad yanad lo am dupas dan dumoi. Mel an lo ilo saian igane ilasa da. An man Anut san urat lo ibinawai san tia ya. Tia, Anut san urat man ilo rumok lo mi talon a.

⁵ Kubiaen ru an san fun man an ilom imasap ilo panek an lo ilasap yen a. Ilo panek a bube ikok lo, ilo sou muruan an tia yan lo, agod ilo rumok nunon ak lo ilasa dan ninjen o njabol da.

⁶ Tamolpein aenta kagin uyan an patud dupani an lo kubiaek nunon tia yak digane dugo dal dufurfi da.

⁷ In Anut san ru kubiaen lo girek manau dumado wo ilod ibol da, gug insigane ru dubol dan fun ta dulon na ya. Agod mel a tamolpein dupitenjanai dan sakar diganeg rumok ak dubol da, ago gug insed man ru an san fun ta dulon na ya.

⁸ Aria, id ago talon ak, kubiaen in man uyan a. Ago yak ninjen o id kagin tupani tap, an uyanan a.

⁹ Id ilod inaoon banau, kubiaen niganag an tamolpein uyadi ak sadi tia ya. Tia, an man in tamolpein a kubiaen paen na tia yan, in a inaned gurman paed na tia yan, Anut kagin dumoi, aupasek san, gun tia yan, gob adi, in a tinad tamad dufu dumat dan, in a maten digane ilasa dan,

¹⁰ a jeit kagin digane dan, tamol sed sed lo ulek kagin digane dan, a tamol digam pe urat pinein didirai dilasa dan, sewak adi,

a tumanek lo dutot dan, agod kagin saian aenta a digane dan lo pitenjanek uyan ak san ager yen da.

¹¹ Pitenjanek uyanan e ninjen o njabol man, ru a njaisag bilalun uyan ak lo ibol an san dal iri a. Anut per panek san in bilalun girager anda yan njai kagin njupani wo banig lo igane ya.

Anut inisan ilo panek Pol ipani a

¹² Nai Jesus Kristus idsad Tubun ak in mi per njupani da. Man dugo, in njai ikubianag go njaisag nao lalek an uyanan ile tag inisan urat biabi ipanag a.

¹³ Inug mi man njai Jesus ninjen o naon njufute na yak, njai inisan tamolpein sad ager tamol numadog njuparfutanai na yak, agod ru saian saian nam njupeig numisilani na ya. Ak man Anut njai ilon imunanag a. Man dugo, saen an lo njai ta njalon na dugo ilo rumok amag tia yan lo njai kagin ago njigane se ya.

¹⁴ Ago dugo idsad Tubun ak Jesus Kristus inisan ilo munjanek njai ipanag a. Aria, ilo rumok agod ilo panek a Jesus Kristus insen ilon lo yen dan ipanag go njai idaisuda geig a.

¹⁵ Njinen en rumok a, an lo tinane dop ilod lo rumok a. Jesus Kristus aupasek tamolpein patud ipasi wo tan en lo idu ya. Njaiseg man fidian njirinanaig saiaig geig a.

¹⁶ Ak man njai inisan ilo munjanek njigane san fun man igo ya. Jesus Kristus in iliad funad on dan san kagin in lo man tubun geig a. An ninjen o njai lo imug inisan ilo munjanek kuai tem ikubiai panag a, an lo tamolpein a ilodi rumok dan lo kumaen pempem san dinane wan, njai inisad tinanou igo won njilasa ya.

¹⁷ In man Kin pempem san. In man malad lo tile san tia yak, agod dam dimirirani san tia ya. Insen Anut rumok ak mi imado da. Ago yak ninjen o pempem in yanan tabisa dop tipitiani wa. Rumok.

¹⁸⁻¹⁹ O nanug Timoti, gamu kubiaen njai njupano wo da. Kubiaen e njupano den ru a gubak mi profet adi onse nje wo dubol ilasa yan iri pani a. Wagai uyan ak gane wa, onane ilo rumok an wabi sakar a, agod kagin miai an tia yak mi gane wa, fun dugo, onane ilo sou mel ta ninjen o bube ta issue na wa. Tamolpein aenta man saen inaned

ilo sou bubedi isue dop, patud dupani da. Kagin an san nuñon man igo ya, inaned ilo rumok nek ibol wog gurgor fo dibili isuda yak igo woñ a.

²⁰ Lulunad lo Himeneus in Aleksanda da kagin ago digane tag nusubanaig Satan banin lo nidirai diau a. An ago dop afon Anut o ta dubol saian na wa.

2

Ubou leil san kagin

¹ Ago yak ninen o malmalan nai an nususunanan o da, an tamolpein fidian ninedi wo amosiai, gudanek, kagin panek aenta wo sumiaek, agod per panek an agane wa.

² Gurman adi agod tamol malan te yak ninedi wo dam Anut agudani wa. An lo tamol naok an diliad funad on dop, idsad madok igo ilasa wa. Id tamol nuñon ak igo, maror kagin lo tumado wa. Agod tamolpein malad lo tok tabol tumado wa. Agod dam idsad madok an fidian lo Anut kagin mi tiri tupani wa.

³ Kagin an man uyanan a, an lo Anut idaned patud pasek in malan lo man uyanan agod bulbal mok a.

⁴ Ilon yen an lo in tamolpein fidian patud ipasi wa, agod ru rumok ak san manau dijanep in idaisuda wa.

⁵ Man dugo, Anut man insen kisaek mi a, agod tamol kisaek mi in Anut da, agod tamolpein da, sad tamol titinae yak igo imado da. Tamol an in Jesus Kristus mi a.

⁶ Insen tamolpein fidian o in tinin nam naon iganeg id idad an san ru Anut lo yen da, agod inanen saen fom ilasa ya.

⁷ Man ninen o nai bilalun tamol agod aposel iginiag a. An ninen o nai gob adi in ilo rumok nuñon mi dijane san ninen o insad girek manau nilasa ya. Nai ru rumok ak mi nabol da, nai seg tinig nam ta nusupale na da.

⁸ Amaiak ninen o ubou leil san saen lo tamol a aben fidian lo dumado dan dumosiai o ilog ibol da. In nug lo tiniae saiak tia wak, agod nug paek dam ta digane na wa. Kagin naok an digane itout gup, in Anut naon na banid gun ak diabisap dumosiai o ago digane wa.

⁹ Aria, nai igo nabol da, pein man bioun nuñon mok ak mi didiri wa. Bioun mala sek san ta didiri na wa. Damag a se pitianois san, kululoi, ariy, bioun naod lak tinan an fidian inaned ilo sou lo an mel tubun ak ago dubol a.

¹⁰ Man dugo, bioun dugon a pein adi Anut nanun igo woñ dutor o dubol dan iri panim, an mi didiri wa.

¹¹ Pein man in saen manau dijane dop dutokubol pe tamol fidian paed na dumado wa.

¹² Nai pein neil fu dop tamol ta dipitenanai na wa. Anut wagen lo tamol naod ta dirinani na wa, tia, in dutokubol pe dumado wa.

¹³ Man dugo, Anut in Adam imug iwei a. Murna gug Ewa iwei a.

¹⁴ Adam man in imug rawek lo ta idu na ya. Tia, mot in pein irawig aupasek lo idu ya.

¹⁵ Gug pein in Jesus Kristus ninen o ilon lo rumok nuñon dop, nal fidian ilo panek lo, madok gun ak lo, agod kagin uyan ak lo imado tap, insan nigin lo Anut ibinawi wa.

3

Midaen sad gurman adi

¹ Ru e dubol den rumok a. Ta in midaen gurman urat ninen o yaes ifuni tap, in urat uyanan ak mi igane wo imat da.

² Midaen gurman man in tamol naok igo ya: aenta in ninen o ru dubol san tia ya, in iwon kisaek mi wak, in lukluk san tamol tia wak, insan kankan milaen mi wak, insan urat lo mel fidian ikubune wak, in kagin panek san tamol, agod girek manau uyanan a.

³ In you sakar ak ninen o tubun mi ta imat na wak, in banin wagai an tia wak, in mos kagin mi igane wak, in tamol maror, agod moni o yaes ta ifuni na wa.

⁴ In insinanen samun an injiliai dop itirnai uyanan a, agod nanun muroun inal pe awan paen na dumado dop dal fidian lo in mi awan diri wa.

⁵ Man dugo, tamol a inanen samun inal pe itirnai uyanan an ta ilon na tap, in Anut san midaen dugo kagin ipani wak i?

⁶ Tamol an man in Kris foun ak tia ya. Kabelan in se pitianois san kagin lo idu

banau, ago tap, mitep naon a Satan inane wan ago mi in dam inane wa.

⁷ Agod ta dam, tamolpein a idsad ar patun fo dumado dan in tamol uyanan ak ago dubol a. An tia tap, in ninen o dubol saian dop Satan san dob lo idu wa.

Midaen sad binawek adi

⁸ Tamol a ubou san binawek digane dan ninedi wo dikon tabol dan man, tamol nujon ak mi wa, awad ta raru na wak, lukluk tubun mi ta digane na wak, agod moni ninen o tubun mi ta dumat na wa.

⁹ In ilod lo inaned kankan ilok pe muruan ta yen man tia, kagin an lo gidad idaned ilo rumok, agod an san mel mianuk ak id talon uyan san ta pasauman na yan, an fidian diabi sakar dop kagin dupani wa.

¹⁰ In inug mi dibitiniai pe bitinaek an lo disasau tap, an mi urat an ka digane wa.

¹¹ Binawek pein adi in dam pein nujon ak mi wa, agod uf ta digane na wa. In sad kankan muruan aman tiap itaot mi wa, agod mel fidian lo rawek kagin ta digane na wa.

¹² Midaen sad binawek tamol man in iwod kisaek o lian a, ago dop inaned pein nanuk, ditirnai uyanan a.

¹³ Binawek tamol ensauta a urat digane uyan dan, in midaen malad lo inaned yanad tubun yen da. Agod in Jesus Kristus ilod lo rumok an ninen dubol o man ta direr na da, kagin an lo in ta katukadi na ya.

¹⁴ Nai onsa na kitek an tap nupalu wo ilog isou dugo girek en ngire da.

¹⁵ Ak gug nai nupalup njilio san nal ta ibalsini kisaek na tap, girek en lo dop on id Anut anen midaen ilon lo kagin dugo won lo tanal an san, on ulon a. Midaen an man in Anut a kumaen imado dak san, agod ru rumok ak san bag tamol igo won a.

¹⁶ Id mel en ninen o ilod kisaek ak, idsad ilo rumok ilon lo mel tubun ak pasauman talon san tia yak yen da:

In tamol mok igo ilasag,

Urgun in sen mi walal te tamol itaot ak ibol ilasag,

enel adi dile dulon go,

tan titin fidian lo dubol go yau,

tan tilianek lo in o ilod lo rumok go,

Anut inane in girager anda isida yau a.

4

Pitejanek sewak

¹ Urgun in kuai tem ibol dak man mitep tamolpein aenta in sad ilo rumok dibisei wa. Agop ru sewak ak sad ur an awad mi kagin dupani dop, ur saiak saiak sad pitejanek an ninen o mi kududod dugure wa.

² Tamol naok ago yak in bale uraru san kagin lo ru sewak dubol da, man dugo, inaned kankan uyan ak malan dusue ya, nek ibol mumaned yai inanig ipitini igo won a.

³ In nug nane san kagin man geg sakar digane da, agod anan naon aenta dam diani dumoi o durupidai da. Ak man Anut anan an fidian tani wo igane ya. Agod tamolpein a ilod lo rumok dop ru rumok dulon uyan dan, in Anut o ilo uyan san gudanek digane yan lo anan an ka diani wa.

⁴ Man dugo, melmel a fidian Anut igane yan man in uyanan a. Ago yak ninen o mel a fidian tinane dan ninen ilod uyan dop Anut naon na tugudani tap, dugo yak ta tamoi san man tia ya.

⁵ Man dugo, Anut san ru in gudanek da lo man anan an gun igane ya.

⁶ Ak ninen o on mel an tei tao fidian naod na kubunep fulale dop man, on Jesus Kristus san urat tamol uyanan a. Amaiak lo ilo rumok san ru, agod pitejanek uyan a uri pani dan lo, nek ibol anan uyan ak igo won onse ntu futuwi da.

⁷ Ak gug am burau, nujon tia yak a pein busumak adi dupas dan umoi. Agod Anut kagin mi ninen o maeg gane.

⁸ Fidian talon ak tinid dabai tupani san urat man mel tubun a. Gug san binawek an man tubun an tia ya. Ago gug Anut kagin ninen o maeg gane dan man mel fidian lo ibinawo uyan geig da. An gamu tan en lo ibinawad ak, agod murnap kumaen panu lo dam mi wa.

⁹ Ru en rumok an lo an ananep abi sakar o uyanan a.

¹⁰ Id Anut tinid tigane pani dan lo tau tisasau a. In man tamolpein fidian sad patun pasek a. Agod ensauta a ilod lo

rumok nek an mi a. Kagin nek an ninjen o urat wagai mok tigane dan man fun nek a.

¹¹ Melmel an pitejanai dop ru dabai lo kubiai pidinai.

¹² Onj pinein damag ak ninjen o, onj talpein ta ule funi dop ta ibio udu na wa. Tia, ru lo, onsa turenj lo, ilo panek lo, ilo rumok lo, agod kagin ikok ak lo dam onj inaned tinanou igo wonj mado wa.

¹³ Onj Anut san ru malak malak suti dan, agod ru fulale dan, girek manjau urat an dam kagin panip yau dop naj onj sinjire na nupalu wa.

¹⁴ Saen profet adi ru a dubol an, agod midaen sad gurman adi banid onj tini fo digane yan lo, urat san dabai Anut ipano yan onj ilo lo yen da. An lo onj ta yalis na wa.

¹⁵ Mel an kagin pani, an lo tini njutu fidian pani wa. Dal an lo onsa urat nujon ilasa yau onj dan tamolpein fidian dile dulonj a.

¹⁶ Onj se itirno dop onjane pitejanek dam kagin pani wa. Mel uraru en wabi sakar a, man dugo, onj ago gane tap, ensauta a onjane ru dulonj dan, onjse dam dida patu pasek anjane wa.

5

Pein suos inj gurman adi da sad ru kagin

¹ Onj tamol a onsa busumak adi an ta pidai na wa, tia, inj onj tama igo wonj dabai panek ru lo tan suek ru rupidai a. Agod tamol a onsa bakan ak onj an, onj tei murou igo wonj kaginad gane wa.

² Agod pein busumadi man onj tina igo wonj a. Agod pein baras adi man kagin uyan ak fidian lo mi lu murou igo wonj kaginad gane wa.

³ Pein suos a injsad muroudi tia yan onj kagin pidinai uyanan a, man dugo, inj suos pein mok a.

⁴ Gug pein suos ta inj nanun boi, tia, tubun muroun boi, aman da tap, inj muroun an inug mi kagin dupani wa. Ago tap, inaned tinad tamad tubudi an inaned kagin dupidinai an naon igo wonj a, man dugo, kagin an inj Anut malan lo uyanan a.

⁵ Pein suos a suos mok imado dan inj sen kisaek mok a. Suos naok an Anut lo inanan ilo rumok yau itutou da. Inj pempem

imosiai dop imado da, tidom ad ago Anut san na mi igudani da.

⁶ Ak gug, pein suos a injsen ninjen o mi ilon isou dop imado dan, kumaen imado bo man imat la ya.

⁷ Ru kagin ago rupidai a. An lo tamolpein aenta injsad kagin ninjen o ru ta dupidinai wa.

⁸ Gug enti a inj muroun kagin ta ipidinai na dan, inj ilo rumok san dal ibisei a. Talpein naok an man saian mok a. Injsan kagin man gob adi sad kagin saian an irinjani geig a.

⁹ En man pein suos sad tom. Pein suos a inj anajar 60 irinjani an, agod inj tamol kisaek san iwon an, ninjen o onj suos naok nek an mi inj yanjad gire wa.

¹⁰ Pein suos an inj midaenj malad lo yanjak igo yak da wa. Wagam inj urat uyan uyan ak igane se ya. Inj nanun muroun adi itirnai dugo, ananj melmel tamol gol ak ipidinai na ya. Inj Kris adi njied ifulani dugo, tamolpein muruan amad da yak ibinawai se ya. Onj pein naok ago yak mi yanjan gire wa.

¹¹ Gug pein suos tinid foun an gidad busawai. Man dugo, saen inj Kristus patud dupani man, tamol foun ak dusu wo ilod imasa da.

¹² Injsad promis a imug mi Kristus dupani an gigin na digane ya, ago yan lo Anut san bitinaek an sed tinid lo digane da.

¹³ Kagin taidam igo digane da. Inj yalis san kagin amad da ya, an lo ab ab dudu disida onj da. An mi tia, tia, tamolpein aenta injsiganed mel digane wo dubol dan, inj ninjedi wo patud fo paek ru dubol saian da, agod ru a dubol san tia yan dam dubol da.

¹⁴ Amaiak ninjen o naj ilog ibol dak man, suos tinid foun ak inj tamol ka dijanane wa, nanuk digansi dop, inaned ab, inaned abed ditirni wa. Agop idsad ager Satan dal ta lo ru saian ipidinai san ta ile na wa.

¹⁵ Ule, aenta dal uyan ak diapiltig, Satan san dal duri da.

¹⁶ Ilo rumok pein ta inanan muroun adi lulunjad lo pein suos aenta dumado tap, injsen mi ibinawai a. An lo midaenj inj muruan ta ipani na wa. An lo dop pein

suos adi mok, a muroudi tia yan mi kagin ipidinai a.

¹⁷ Midaen gurman ensauta a midaen tirnek san urat digane uyanan dan, teil dop inaned naon bugagaru dijane wo man uyan a. Tamol adi nek a in ru dufulale dan, agod girek manau urat digane dan mi ninedi wo nabol da.

¹⁸ Anut ru buk lo yen dak ago ibol, “Saen makau kon nunon irni dop, awan fou umoi.” Nek ago mi, “Urat tamol man, inanen urat naon inane mok a.”

¹⁹ Tamol ta gurman a kagin saian igane yak ago ibol dan, ninen o kudo ta gure na wa. Ak gug talpein uraru, tia, tamol utol, nug dususunani tap, insad ru an on ka ulon a.

²⁰ Matu gurman adi au dupas dan, fidian malad lo kuai te rupidai a. An lo dop gurman aenta in dam direr dop aupasek ninen o sen dilasa wa.

²¹ Ulon, Anut, Jesus Kristus, agod enel pilianek adi naod na nai kubiaen en on nupano da. On kubiaen an fidian uri pani wa. Saen on kubiaen an uri dop, talpein enti ninen ilo ta isou na wa, tia, kagin kisaek mi tamolpein fidian pidinai a.

²² On ririan mi tamol ta Anut urat igane wo bani tinin fo ta gane na wa. Moi dop insan madok bitinae ule gup a. On talpein sen ak san aupasek ta lo ladu na wa. Onse tini kagin panip, gun mado wa.

²³ Taida mi, you kawan mi ta uluk na wa. Tia, wain kitek dam uluk dop, an lo onsa tinjae ibinawi dop subam wei mi ifuno dan kute ibol a.

²⁴ Tamolpein aenta sad aupasek walal te yen da, agod aupasek an imug mi Anut san kot lo ilasa wa. Ak man tamolpein aenta sad aupasek imianuk yen dan, murna dop walal te ilasap tile wa.

²⁵ Nek ago mi, kagin uyan uyan ak walal te dien da. Ago gug kagin uyan a gamu dimianuk dien dan, dimianuk dien san tia wa.

6

Urat bigabeg sad ru kagin

¹ Ensauta a urat bigabeg dumado dan inaned urat gurman awan kagin dupani uyanan a. An lo talpein ta Anut yanjan, agod

idsad pitenanek an ninen o ta ibol saian na wa.

² Urat bigabeg adi a inaned gurman ilo rumok amad da yan, in teid taod igo yak ninen o awad duparsisali san tia wa. Tia, urat lak na mok digane wa. Man dugo, gurman a insad urat san nunon dijane dan in ilo rumok adi mok a, ago dop bigabeg adi an inaned gurman o dumat a. On kubiaen an pitenanai dop in an lo duri dupani wo duduwai a.

³ Talpein ta pitenanek sen ak tamolpein irupidai dop, ru uyan ak a idsad Tubun ak Jesus Kristus irupaiad an ninen o, agod pitenanek a Anut kagin iri pani dan ninen o dam, ilon ta kisaek na tap,

⁴ tamol an in se pitiano i san kagin tinin inane fute ya. In mel ta ilon na ya. Insan kankan subam anda ya, sumiaek naon sensen ak, agod ru lo nug funek san kagin an ninen o tubun mi imat geig da. Kagin naok ago yak lo mala sek, nug funek, uf ru, turan ninen o ilo saiak san kagin an dilasa ya.

⁵ Insad ru bilabol an nunon tia yak lo, tamol a in ilod iburkaruk idu dan, agod in lo ru rumok ta yen na dan, nal fidian nug dupei da. Tamol amaiak ilod lo, Anut kagin diri dan lo tan en san filian dijane san dal man nek amaiak ago dubol.

⁶ Gug id melmel a idsad madok san ninedi wo katuk ad tia yak, agod Anut kagin an tiri tupani dak ago tap, an nunon uyanan ak tubun mi idsad madok lo igane ilasa wa.

⁷ Man dugo, tan en lo id mel ta tisinig tilasa man tia ya. Nek ago mi, tan en tibisei wo dop mel ta tisinip tau san tia wa.

⁸ Ak ninen o, id anan bioun amad da tap, man igo tabol, an id o nek idaisuda ya.

⁹ Ak man talpein tan en san filian dijane wo ilod ibol dan, ilo nanek san kagin, dob igo won, lo disidag diau dudu da. In ilod imasap kagin burau wei mi an digane da, an lo insed tini madai sensen ak dupani da. Kagin an lo insed malad dusuep daon panek lo diau dudu wa.

¹⁰ Man dugo, tamolpein moni ilod dupani san kagin man, kagin sisaiak wei mi sad fun. Ago man, aenta moni ninen o yaes ifu dan lo ilo rumok san dal dibiseig dideg

diau a. Dal an lo nek ibol saen wei mi sabiri nam sed tinid dusue dak igo won, inaned bubed madai wei mi nam malan dusue da.

Pol Timoti kubiaen san ru wadan ipani a

¹¹ Ago gug, on man Anut san tamol mok a. An lo dop kagin an fidian on patu pani wa. Kagin itaot, Anut kagin, ilo rumok, ilo panek, utur sakar san kagin, agod mos san kagin, kagin naok an man onsa bube san kob uyanan a.

¹² Idsad ilo rumok san wagai uyan ak gane wo uyanan. On kumaen pempem san nane wo Anut igio ya, agod saen ilo rumok adi wei mi naod na onsa ilo rumok an ubol ilasa dugo dulon an san saen lo, on kumaen an nane ya. Aria, kumaen an wabi sakar a.

¹³ Anut a mel fidian kumaen ipidinai dan naon na, agod Jesus Kristus a Pontius Pailat naon na itur dugo in sen ninen o ru rumok ibol ilasa yan naon na dam,

¹⁴ nai ru dabai nam on kubiaen an kagin pani uyan mok o nabol a. Kabelan mel ta nun anda yak ilasap an lo tamolpein malad lo kubiaen an saian dubol banau. On ago ganep yau dop idsad Tubun ak Jesus Kristus imul ipalu wa.

¹⁵ Kulob an man inanen saen fo mok Anut kuai tem iganep ilasa wa. In sen mi uyanan mok, idsad Gurman kisaek o lian a. In mi kin sad Kin, agod tamol tutubu yak sad Tubun a.

¹⁶ In sen mi ta imat na wa, lilaman a sijiren na id tau san tia yan lo imado da, agod tamol ta in ile man tia ya, ta in ile san dam tia ya. Awo, yanak tubun ak in tupanip, tuon dabai ak pempem san dam in lo imado wa. Rumok

¹⁷ On tamolpein a tan en san filian wei mi amad da yan ru kagin igo rupidai a, in aenta dirinanai ak ago dubol dan san kagin lo dumado dutor man tia wa. In tan en san filian ninen o dam tini ganei ta digane na wak ubol a, man ata wo, in sad filian an pasauman mok ka dideg diau a. Tia, in Anut mi tinid digane pani wak ubol. Man dugo, Anut melmel id malad lo bulbal mok an fidian ilo uyan san wei mi ipanad a, agod an id o idaisuda mi a.

¹⁸ In urat digane uyan ak ubol a. Inaned filian mok man, tan en san biou n tia ya,

tia, kagin naok naok uyan an digane san mi ak ago rupidai a, agod mel uyan uyan wei mi tamolpein a mel ta lo katuk amadi an dipidinai o tawan digane wa.

¹⁹ Dal an lo inaned filiadi bageu san fod lo dutumanig yen da. An man nek ibol saen a sumeik ipani dan san kadan dimirirani san tia yak igo duguni a. Ago dop lo kumaen a kumaen nunon mok an ka diabi wa.

²⁰ O Timoti, mel a gubak mi on bani lo niganen yan kagin pani. Ninen a Anut kagin san ager imado dan, agod ilo sou a pitenanek itaot ak ninen o ipirgini dan man, yan an "manau" ago dubol dan ninen o on sen lasa wa, man dugo, in sad ru an sewak mi a.

²¹ Aenta in manau sewak a lo leil dupani an lo ilod lo rumok san dal diabpilti a.

Anut san ilo panek an fidian da ka amado wa.

2 Timoti

¹ Njai Pol, Anut san ilobol lo Jesus Kristus san aposel njilasa ya. Anut in ru dabai anda ibol panad an man, kumaen a Jesus Kristus banin lo yen dan ipanad a. Agod kumaen an san ru inanen bilalun tamol igo ipilianag a.

² Girek en on Timoti, njaineg nanug ninje wo njamat geig dan, onsa na njigane ipalu da. Ilo panek, ilo munanek, agod ilo maror a Anut idsad Tamad, agod idsad Tubun ak Jesus Kristus da sad na ipalu yan on lo yen a.

Timoti itur sakar san tan suek ru

³ Njaineg ilo sou muruan aman tia yan lo Anut ubou aman njile da, agod dal kisaek ago mi najai tubug muroug dam digane na ya. Ago dugo najai Anut ilo uyan njupani da, tidom ad pempem on o ilog isou dop Anut san na njugudani da.

⁴ Saen onsa mala turon idu yan o afon ilog isou dop njilio wo njamat da, an lo najai tubun mi youg isa wa.

⁵ Onjane ilo rumok man rumok geig a, an ninjen o fon ilog isou da. Ilo rumok an imug onjane tubu pein Lois in lo yen a, agod tina Yunis da mi, agod najai ilog lo rumok ak, ago mi on lo dam gamu yen da.

⁶ Fun an ninjen o, najai ilo njisafulale da. Nek ibol talpein yai iwip balen tubun mi ilasa dak igo won, lou panek a najai banig kabunja fo njidiri an lo Anut ipano yan mi dabai pani wa.

⁷ Man dugo, Anut id tarer kisaek on san ur ta ipanad na ya. Tia, dabai, ilo panek, agod sed ulum ad tabi uyanan san ur ipanad a.

⁸ Amaiak ninjen o, idsad Tubun ak san ru ubol ilasa wo miai ta ifuno na wa. Najai ninjen o dam miai ta ifuno na wa, man dugo, najai subanek ab lo inisan subanek tamol on njumado da. Gug on luag usap bilalun ru san madai an tisini wa, an Anut san dabai lo ago tigane wa.

⁹ Insen patud ipasig madok gun ak lo tumado wo igiad a. An man id kagin uyanan tigane yan ninjen o mi ta igiad na ya, tia, inanen ilo sou agod inanen ilo panek mi irig ate igane ya. Ilo panek an id Jesus Kristus

da tumado dan tinjane san o wagam geig kob an ipanad a, saen nal malan malan gamugo ilasa yan lo in ago igane ya.

¹⁰ Ak gug gamu idsad patu pasek Jesus Kristus in kuai isi an lo ilo panek an ikubiai panad a. Insen amaiak matej ipitinjinig igane itout a. An lo bilalun ru lo kumaen a yen on dugo ta imat na dan walal te igane ilasa dugo tile ya.

¹¹ Agod bilalun ru njabol ilasa san bilalun tamol, aposel, agod girek manjau ago ipilianag a.

¹² Fun amaiak ninjen o najai gamu muruan igo njisini dak gug an o miai ta ifunag na da. Man dugo, Talpein a ninjen o najai ilog rumok dan njalon a. Agod najai dam njalon uyan en man, mel e najai in banin lo njigane yen, in ititiani uyanan san idaisuda ya. An lo najai ilog itarpasi sinjakaan a, an ta ideg yau na wa. Tia, an ago in lo yen dop imul san saen ilasa wa.

¹³ Mel a najai awag lo ulon na yan, an pitejanek uyanan ak san mitilaen igo won kagin pani dop lo pitejanai a. Ilo rumok agod ilo panek a Kristus lo yen dan lo ago gane wa.

¹⁴ Awan Urgan id ilod lo imado dan san dabai lo, mel a on ilo lo igane yan kagin pani uyanan a.

¹⁵ Onj ulon ak, talpein provins Esia lo yan patud dupanag go diau pasik a, Figelus in Hermogenes da dam lulunad lo najai dubusawag a.

¹⁶ Najai Onesiforus inanen samun dida Anut ilon imujanai o ilog yen da. Man dugo, saen wei mi lo in najai bubeg pasai ibol san ipanag da, in najai sein nam dusubanag an ile gug, an ninjen o miai ta ifuni na ya.

¹⁷ Tia, in Rom na imado se yan, najai iliang o urat dabai geig igane ya. Ago iganeg yang najai iliang a.

¹⁸ Amaiak ninjen o, Tubun en imul ipalu san nal lo dop ilo munanek ipani wo najai ilog ibol da. Onj ulon sinjakaan ak saen najai Efesus na njumado se yan, dal wei geig lo najai ibinawag na ya.

2

¹ O Timoti, najai nanug, ilo panek e Jesus Kristus ipanad en lo utur sakar a.

² Pitejanek funfun a tamolpein wei mi naod na nabol ilasa dugo, oñ dida alon na yan, sinip awa bek tamolpein banid lo diri dop, an lo aenta ate dipitejanai a.

³ Nek ibol Jesus Kristus inanen yu tamol sirjaokan ak igo won, oñ luama usap sisem madai a dupanad na yan tisini wa.

⁴ Yu tamol ta tamol gidad sad madok lo ta iladu na wa, man dugo, in inanen urat mok igane dop lo inanen gurman ilo uyan ipani wo ilon yen da.

⁵ Talpein imaspalu san tap, in masapalu san kubiaen an iri ipani wa. Gug in kubiaen an ipitiñini tap, gidad in imug yau bo man kob an san naon inane san tia ya.

⁶ Abi urat san tamol a anañ ipae o wagai igane dan in mi malan malan urat an san nunon inane wa.

⁷ Ru mitilaen utol a njai nurupaio an ilo isou uyanan a. Man dugo, melmel an san fun mok fidian man, Tubun en ibinawo dop lo ilo isofulale wa.

⁸ Jesus Kristus in Kin Dawid san dar lo ilasa ya, agod mater lo imasa yan, ilo ta inañ na wa. Naineg bilalun nabol ilasa dan lo melmel an nfulalale da.

⁹ Nek fun an ninen o gamu njai sein nam tamol saiag ak igo dusubanag a. Rumok, njai sein nam dusubanag a, gug Anut san ru sein nam dusubani san tia ya.

¹⁰ Amaiak ninen o, muruan naok fidian an lo neil funai on dugo numado se ya. Anut san tamolpein pilianek ak nibinawai o ago nigane da, an lo patu pasek a Jesus Kristus lo ipalu dan diñane dop, girager pempem yen san an dam diñane wa.

¹¹ Ninen en uyanan a, agod ka tinid tigane wa.

“Id in da tamat tap,
id dam in da tumado wa.

¹² Id muruan lo tatur sakar tap,
id dam in da gurman igo won tamolpein titirnai a.

Id in ta talon na yak tabol tap,
in dam id ta ilon na yak ibol a.

¹³ Isop idsad ilo rumok ta turi na tap,
inñsan ilo rumok id o man yen on da.
Man dugo, inñsan bunun mok an yabi-
ani san tia ya.”

Urat tamol mok Anut uyan ipani a

¹⁴ Saen fidian lo onane Kris midaen melmel en ninen o ilo sou pidinai a. Anut malan lo ru dabai geig ubol dop, in ru naon sensen lo nug ta dufuni na wa. Kagin en talpein ta ibinawai san tia ya. Tia, ru lo nug diabi dan lo inaned ilo rumok malan dusue da.

¹⁵ On Anut naon na utur pe tamol enti a uyan ipani dak igo won maeg gane wa. Onsigane urat ninen o miai ta ifuno na da, agod Anut san ru rumok a itaot pitejanai dan, on urat tamol naok ago yak lasa wa.

¹⁶ Ninen e Anut san kagin ta iri na den ninen o sen lasa wa. Man dugo, tamolpein kagin a lo diladu dan ate naod iraep, Anut san kagin uyan an dubuseip asau mi diau a.

¹⁷ Pitejanek ago yan, nek ibol baob genjen igo ilasap midaen lulunad lo mudadi yani yau a. Tamol uraru mel naok a dupitejanai dan Himeneus in Filetus da ya.

¹⁸ In ru rumok ak san dal dibiseig asau mi diau a. An lo tamolpein aenta, Jesus imul ipalu san saen ilasa la yak ago dubol se yan lo, inñsad ilo rumok an malan dusue ya.

¹⁹ Ago bo man, Anut bag iguni an yau imul san tia ya. Agog fufo girek en igire ya, “Anut enti inñsan an ilon sirjaokan a.” Agod fon, “Enti in Tubun ak muroun ago ibol tap, kagin saiak saiak fidian patun ipani wa.”

²⁰ Tamol tubun ak san ab ilon lo, bod naon sensen ak daeg dida dien da. Aenta sirjaokan geig a, gol silva da nam digane ya; gug aenta ta sirjaok adi na ya, tan katik agod ai lapan nam digane ya. Sirjaokan an tamolpein ate urat tubun ak digane wa. Aenta ta sirjaokan na yan man metmet disini san mi a.

²¹ Aria, an ninen o talpein ta kagin saiak saiak a ninen o njai imug nabol an ibiseip ikok ilasa tap, in urat tubun ak san daeg itaot igo imado wa. In inanen Tubun ak san urat tamol mok, an lo binawek uyan mok ak ipani da, agod urat fidian uyanan an lo kagin ipani wo tawan iganeg imado da.

²² Amaiak ninen o pinein damag ak sad ilo masa yan fidian patu pani wa. En man onane kob nao na yen da: kagin itaot, ilo rumok, ilo panek, agod maror mi uri wa. On Kris aenta a ilod ikok dop lo Anut

dugudani dan, dida atumani dop, an sisem kagin an mi ari wa.

²³ Gug on tamolpein aenta sad kubiaek burau a njeo lo ilasa dan bisei wa. On ulon uyanan ak kubiaek naok an man tamolpein nug dupei san kagin an mi igane ilasa da.

²⁴ Tubun ak san urat tamol man tamolpein aenta dida nug ta dupei na da. Tia, in tamolpein fidian ilon ipidinai da, tamolpein aenta ipitejanai san ilon uyanan ak, agod a muruan dupani dan dam ta yabianai na wa.

²⁵ Tamolpein ta in awan lo pirginek ru* dubol dan mos lo mi in kududod yabi wa. In ago igane yan nijen o nag Anut ibinawai dop lo ilod ibileksap, ru rumok ak san manau an ilod lo tubun geig ilasa dop dulong fufei wa.

²⁶ An lo dam ilod ipastip kankan itaot ak dijane gup Satan san dob lo dusol pe dilasa wa. Man dugo, Satan insan ilobol diri wo isubanaig dumado na ya, kabelan in pempem ago dumado banau.

3

Anut patud dupani an san kagin saen wadan lo ilasa wa

¹ Ru en ulon o uyan a. Saen wadan lo nal saian geig ak ilasa wa.

² Tamolpein sed ninedi wo, agod moni o dam dumat dan, sed ipitianai dan, sed yanad mi disini dan, aenta dimisilanai dan, tinad tamad awad ta diri na dan, aenta sad binawek lo ilo uyan ta dupidinai na dan, gun tia yan,

³ Ilo panek amad tia yan, aenta sad aupasek ta dupare idu na dan, uf tinadi an, sed ulum ad diabi san tia yan, madai panek san tamolpein, kagin uyan ak san ager adi,

⁴ Inaned turadi ager banin lo didirai dan, silei tamol dilasa kisaek on dan, in nai nai kagin lo man da isuda geig a. In Anut o ta dumat na da, tia, tan en san mala bulbal mi nijen o yaes ifunai da.

⁵ In Anut san kagin duri wo man malak malak patun fo dukubiai da, ak gug kulob naok a digane dan lo id walal te dukubiai panad dan man, inaned ilod lo kagin an san

dabai ta yen na da. Tamolpein naok ago yak patu pidinai a.

⁶ Tamol naok ago yak, pein bubed dabai an tia yan, ilod dijane dop, sad ab lo diaup ditirnai da. Pein naok ago yak aupasek wei kasik disini da, nek ibol mel muruan geig ak disini dan igo won lo inaned bube masak saian an naod irae dop lo aupasek digane da.

⁷ Pein an pempem pitejanek dulong o digane da, ak gug ru rumok ak san manau mok an siniren na dupalu san man in ta idaisuda na ya.

⁸ Nek ibol Janes in Jambres da, Igipta nawir tamol adi, gubak mi in Moses san ru diabianig dumado yak igo won, tamol naok ago yan dam gamu Anut san ru rumok an diabianig dumado da. Aupasek insad kankan malan isue an lo Anut ibitini-aig ile yak man, inaned ilo rumok an sewak mi a.

⁹ Gug kagin an diganep ta milaen mi yen na wa, man dugo, nek ibol wagam Janes in Jambres da sad na ilasa yak ago, in dam sad kagin burau an kuai isi dop fidian dile wa.

Pol Timoti ru kagin ipani da

¹⁰ Gug on naisag pitejanek an fidian ulon sinjakaan a. Agod mel en dam ulon a, urat njigane dak sag turen lo, naisag madok san fun, naisag ilo rumok, muruan lo bubeg maror numado dak, naisag ilo panek, muruan lo natur sakar on dak,

¹¹ muruan dupanag dop lo madai nsini da. Mel dugon Antiok na, Aikoniam na, agod Listra na, naog na ilasa yan ulon a, agod muruan naok dugon ante dam njile se yan ulon a. Ak man Jesus muruan fidian an lo nai patug ipasi a.

¹² Rumok, ta in Jesus Kristus lo Anut san kagin iri wo ilon yen dan, tamolpein muruan funfun madai anda yak dupani wa.

¹³ Gug, tamol saiadi agod Kris sewak adi da inaned naok naok saian an ago mi digane diau on dop tubun geig a. In aenta dirawai dop sed dam irawai da.

¹⁴ Gug, on man mel a dipitejano yan, nijen o ilo lo rumok geig dop, ago mi gane yau a. A dipitejano yan ulon uyanan a, amaiak nijen o awad itaot ka uri wa.

* 2:25: Awa sisalek ru

¹⁵ An niñen o ilo isou, saen oñ pinein tusa madog ipalug gamu en girek gun a Anut ipanad an uloñ la ya. Girek an ka ipiteñanop lo Jesus Kristus o ilo rumok dan lo patu pasek an ñanep idaisuda geig a.

¹⁶ Girek gun an fidian Anut san Awan Ur ilon lo yen da. Amaiak niñen o, dal wei mi lo ibinawad dan igo ya, mel a rumok an ikubiai panad san, kagin saiak tabi idu san, kududod tabi san, agod kagin a Anut malan lo itaot an ikubiai panad san mi a.

¹⁷ An lo Anut anen tamol an inñsan mañau milaen geig a, urat uyan ak fidian igane wan san mañau inñ lo idaisuda ya.

4

¹ O Timoti, Anut inñ Jesus Kristus da naod na, ñai gamu ru dabai ak ñupano da. Jesus Kristus man, inñ tamolpein kumaen dumado dak, agod dumat la yan da kubianek lo idirai a, agod tan en lo idsad Kinñ igo woñ imul ipalu wa. An niñen o ñai itaot ñurupaio da,

² Anut san ru fulale wa, gidad saen saian ak lo, saen uyan ak lo dam, kagin an lo maeg ganep utur sakar a. Saen oñ tamolpein Anut san ru piteñanai dan lo, inñsad kankan kubune dop, ru kagin pidinai dop, tan suek ru dam pidinai a. Gidad aenta muruan dupano bo man, oñ piteñanai san niñen o kabel ta ifuno na wa.

³ Man dugo, saen iparsikawad dan lo, tamolpein piteñanek itaot an duloñ man dumoi a. Gug inñaned tinid san kagin an duri dupani dop lo, girek mañau dutumanaip niñen e duloñ o kududod bulbal den durupidai a.

⁴ Inñ ru rumok niñen o kududod dufutani da. An lo dal dufurfip, dideg diau san am sewak mi duri wo kududod dugure da.

⁵ Gug oñ, mel dugo ilasa bo man ule dop tamol mok igo woñ utur sakar dop ta usuk umul na wa. Tutol urat gane dop, Anut urat a ipano yan fidian gane itout a.

⁶ Man dugo, ñai man wain igo woñ, alta fo Anut ilo uyan dupani wo dukulmaek o digane dak igo, tan en ñubusei san saen sumeik ipanag la ya.

⁷ Id Kris sad turenñ man wagai uyanan ak igo woñ, an lo ñai ñaloñ ak wagai an ñigane uyanan a. Ñai ñumaspalu uyanan go an

ñigane itout a. Ñai idsad ilo rumok ñabituanu uyanan a.

⁸ Amaiak niñen o, kagin itaot an san naon Anut ikubuneg yen da, agod bitinaek san nal lo Tubun a bitinaek tamol itaot an naon ipanag a. Ñai niñeg o mi ago ta igane na da. Tia, tamolpein fidian Kristus kuai isi wo dumat dan anek anek atem naon kisaek ago mi ipidinai a.

Pol aenta niñedi wo ibol a

⁹ O Timoti, ñaisag na palu kisaek oñ o maeg gane wa.

¹⁰ Man dugo, Dimas inñ tan en san mala bulbal buben ipanig lo ñai ibisawag go Tesalonaika na yau a. Go Kresens Tubun ak san urat igane wo Galesia distrik lo yau, ago dugo Taitus dam inñ Dalmatia distrik na yau a.

¹¹ Luk sen mi ñai da mumado da. Saen oñ ñaisag na palu wo dop, Mak ñanep da apalu wa. Man dugo, inñ Tubun en san urat lo ñai ibinawag uyanan da.

¹² Ñai Tikikus ñidinig Efesus na yau a.

¹³ Saen oñ palu wo dop, tini wananan san kulos taun Troas na Karpus san na yan ñanep sini palu wa. Ago mi buk dam sini wa, bilelek sunulon fo ru girek ñigire yan sinip palu wa, an mel malan te yak niñen o ilo ta inñaoñ na wa.

¹⁴ Aleksanda, bras nam melmel igane san tamol, muruan wei mi ipanag a. Muruan naok ñai ipanag an niñen o, Tubun en naon itaot ipani wa.

¹⁵ Inñ niñen o oñ se itirno uyan a, man dugo, inñ ru girek e mabol ilasa den san ager dababai ak imado da.

¹⁶ Saen ñai inug Rom san gurman adi naod na bitinaek lo ñatur man, talpein ta ñai patug fo itur pe ru lo ibinawag man tia ya. Tia, inñ fidian ñai dubusawag go dusol diau a. An niñen o ñai Anut ñusumiani dop, kulob an niñen o ipidaip, diau dudu wo ago ta igane na wa.

¹⁷ Gug, Tubun en inñsen ñai patug fo itur dugo dabai ipanag a. An lo ñai awag lo inñsan ru kuai te ñabol ilasa pasik a, an lo gob adi fidian inñan ru ka duloñ a. Agod inñ ñai patug ipasig matenñ ta ñile na ya.

¹⁸ Rumok, Tubun en ago mi muruan fidian lo ñai patug ipasi wa, agod patug ipasip inñan kagin panek san aben a lak na yen

dan lo ɲau a. Id in yanjan pempem tabisa wa. Rumok.

Ru wadan

¹⁹ Ilo uyan ru rupidai, Prisila in Akwila da, agod Onesiforus inanen muroun adi dam mi wa.

²⁰ Erastus ɲai da ente tia ya, in ɲubiseig Korint na imado da. Trofimius subam anda ya, an lo ɲai in ɲubuseig Miletus na imado da.

²¹ On madid san saen gamugo dop, etna palu wo dabai gane wa. Eubulus in Pudens da agod Linus, Klaudia, Kris aenta etna dumado dan dam on ilo uyan ru durupaio da.

²² Tubun en onane ɲutu da amado. Inanen ilo panek, an fidian da amado.

Taitus

¹ Njai Pol, Anut san urat tamol ipilianag go Jesus Kristus san aposel njilasa ya. Insan pilianek tamolpein sad ilo rumok an ilasa wak, agod manjau a ru rumok san an lo id Anut san kagin turi tupanip tator o ipilianag a.

² Ilo rumok manjau da yan sad fun man, kumaen pempem san tinjane wan san tini ganek an id ilod lo yen da. Anut in sewak tamol tia ya. Saen tan en gamugo ilasa dugo kumaen a ipanad an ninjen o promis igane ya.

³ Agod saen a ipiliani an lo insan ru an kuai isip yen a. An njaisag ru fulalek lo ago igane ilasa ya. Anut idsad binawek tamol insan ru kagin ibol an lo urat an njai banig lo igane ya.

⁴ O Taitus, on njaisag nanug mok igo ya, onsa ilo rumok manjsama da naon kisaek a. Bai Anut in Jesus Kristus idsad binawek an da insad ilo panek, maror da dupanop on da amado wa.

Taitus Krit nui lo urat igane ya

⁵ Saen njai Krit nui na on njibisawo man fun igo ya. Urat awan atna yan muruan anda ya, amaiak kubune itout o njibisawo ya. Ago dop imug njurupaio ago mi midaen ilon lo panu kisaek kisaek atem matu pilianai idu wa.

⁶ Aria, midaen ilon lo matu pilianai man tamol naok igo ya. Tamol in ninjen o ru ta dubol na da, agod in iwon kisaek a. Insan nanun muroun ilod lo rumok ak, agod in tinad tamad awad paen na mi dumado wa. Ago gug insan nanuk silei tinadi dop man, in urat tamol ta imado na wa. Kabelan nanuk fud saian an lo tamad diabi idu banau.

⁷ Man dugo, midaen san kagin panek tamol man sad turen lo tamolpein in lo muruan ta dile na da. Man ata wo, in Anut san urat tamol. Fun an ninjen o in kabunan ta sakar na wak, tinjane ta saian kisaek on na wak, in you sakar ak ta iluk na wak, agod wagai gidigheid ta igane na wa. In dal saiak saiak lo filian inane wo ago ta igane na wa.

⁸ Tia, in kagin uyan ak mi igane wo imat ak, tamol asau ipalu dop kagin ipani uyanan a. In tamol kankan uyanan anda wak, in tamol itaot ak, in tamol gun ak, agod insen ulum an yabi dop sen tinin kagin ipani uyanan an ilon a.

⁹ In ru uyanan a gubak mi dupitejanad go ilod tupani dan mi yabituani wa. An lo pitejanek a uyanan an san manjau ka ipitejanai sinjakaan a, agod tamolpein a insan awan lo dipirgini dan insan pitejanek uyanan an lo awad yafutani wa.

¹⁰ Man dugo, id luluwad lo tamolpein wei mi naok igo ya, in silei digane dak, in ru kawan dinjen da, agod sewak tinadi, nek a mulun san doup ama ya.

¹¹ Tamol naok ago yak on awad wafutani wo uyanan a. Man dugo, insad njineo lo pitejanek saian ak tamolpein dukubiai pidinai dop lo filian dinjane wo ago digane da. An lo in tamolpein sad samun dukubulai da.

¹² Insigned profet ta igo ibol, "Krit tamol man pempem sewak digane da, in bor goun saiadi ak igo ya, agod dam tunjalek tinadi a."

¹³ Agod ru an ru rumok a. Amaiak ninjen o ru dabai anda nam pidai dop lo inaned ilo rumok an dukubunep itaot a.

¹⁴ Kabelan in kududod dugure dop Juda adi sad am rumok tia yan diganuri boi, tia, tamol a ru rumok patud dupani dan sad ru kagin duri banau.

¹⁵ Tamol ikok ak insan ilo sou lo mel an fidian ikok a. Ak man tamol a ilon lo ta ikok na yan, agod ilo rumok an tia yan, in lo mel fidian nun a. Tamol naok an insan kankan, insan manjau lo sen malan isue ya.

¹⁶ In awad lo Anut dulon ago dubol da, ak man insad kagin naok naok lo insigned ru an sewak ru mi kuai te id dukubiai panad da. In saiadi geig a. Awa parsisalek tinadi ak, agod in mel uyan ak ta digane ilasa san dam ta idaisuda na ya.

2

Midaen ilon lo urat tamol urat uyan digane san ru kagin

¹ Aria, Taitus, on melmel uyan a pitejanek itaot ak san dal lo uyan ipani dan mi pitejanaip dulon a.

² Tamol busumak rupidai dulonj dop kagin uyan ak mi digane dop tamol mok onj dumado wa. Injed ulum ad diabi uyan ak, inj ilod lo rumok pe itaot ak, ilo panek amad da dumado wak, agod dam muruan funfun lo dutur sakar a.

³ Nek ago mi pein busumak rupidai dop Anut naon na dumado dak igo wonj kagin uyan ak lo mi dumado dutor a. Inj uf ru ta dubol na wak, agod you sakar an ulum ad ta yabi na wa. Inj kagin uyan an mi tamolpein dupitejanai a.

⁴ Ago dop pein kubakan njed murna an dile dop injaned tamol njedi wo dumat ak, injaned nanuk dam njedi wo dumat a.

⁵ Agod injed kagin ipidinai dop madok gun ak lo mi dumado wa. Inj pein uyadi, injaned ab kagin dupani uyan ak, agod injaned tamol awad paen na dumado wa. Ago dop kagin an lo talpein ta Anut anen ru yabi idu san tia ya.

⁶ Nek ago mi tamol murna yak dam sed tinid kagin dupani uyan ak njen o ru kagin pidinai a.

⁷ Onj onsa madok itaot an gane ilasa, an lo onse mok onjane tura murou mitilaen uyanan an kubiai dile dop inj dam ago digane wa. Anut anen ru ubol itaot dan njen o kagin gane wa, ago dop ru saian ta awa lo ilasa san tia ya.

⁸ Onsa ru man tamolpein ibinawai san mi ubol ilasa wa, ago dop an lo piringek tamolpein miai ifu wa. Inj mel saian ak ta dilep ate id Kris tamolpein dupaiad san tia ya.

⁹ Urat bigabeg adi rupidai, injaned urat fidian digane dan lo, inj tamad awad paen na dumado dop lo ilo uyan dupidinai o maeg digane wa, ago dop tamad awad lo ta dipirgini na wa.

¹⁰ Injaned tamadi an san mel ta digam na wa. Tia, mel fidian lo inj awa yabek kagin mi digane da. An lo injad kagin naok naok a digane na yan lo Anut idsad binawek an san pitejanek bala dupani wa.

¹¹ Onj ago pitejanai a, man dugo, Anut san ilo panek kuai tem tamolpein fidian malad lo igane ilasag dile ya. Injan ilo panek an lo idsad aupasek naon tisini wan lo ipasad injiliad a.

¹² Injan ilo panek an lo manau ipitejanad a, an lo kagin fidian a Anut kagin igo tia yan patud tupani da, agod tan san mala bulbal an fidian “tamoi ak” ago tabol a. Agod dam an iduduwad pe idsjaned ulum ad tabi uyan dop, idsad madok tan en lo tiganep itaot ilasa dop, Anut san kagin turi tupanip ago tator a.

¹³ Ago dugo mel uyanan a ilasa wan njen o mala nouk tumado da, mel an man Tubud Jesus Kristus idsad Tubun, agod idsad Patu Pasek tamol, an injanen girager aman da tan en lo ilasa wa.

¹⁴ Injen id abed lo muruan isini a, an lo idsad aupasek fidian an san naon lo ipasad injiliad tamul a. Agod inj wagen lo idirad go ikok tilasag injan tamolpein mok tumado da. An njen o urat uyan uyan ak mi tigane wo yaes isofutanad a.

¹⁵ Aria, ru an tamolpein pitejanaip dulonj a. Tan suek ru pidinai ak, agod kudo bek ru lo dam pidai dop satuanai a. Talpein enti onj tamol kawan ak ago ibol dop dabai ganep awan wafutani wa.

3

Kagin uyan ak lo tatur sakar a

¹ Onj tamolpein kankan igo pidinai a. Inj gabman san tamol gurman agod tamol yanad anda yak sad awad paen na dumado wa. Inj awa yabek tamolpein ago mi dumado dop, kagin naok naok uyanan mi digane wan san tawanj diganep dumado wa.

² Inj talpein ta patun fo uf ta digane na wak, dida nug ta dupei na wak, aenta njedi wo ilo sou digane wak, agod dam fidian malad lo injad kagin mos an digane ilasa dop dile wa.

³ Imug id dam njeneo tigane na ya. Agog awa parsisalek san kagin lo tumado na ya. Ilo rawek san kagin an lo dal saian ak turi se ya. Ilo imasa san kagin, agod tinid tufutuwi san kagin, an sad urat pinein tumado se ya. Siai kagin lo tumado na ya, agod aenta siganed mel o teil saiadi se ya. Aenta id lo siai digane dugo id dam nug nug lo siai tigane se ya.

⁴ Ak man saen Anut idsad binawek injan ilo panek agod ilo munjanek tan en lo kuai tem ilasa yan,

⁵ id patud ipasi a. Idsad kagin itaot ak ta tiganep lo na in̄ ago igane man tia ya. Tia, in̄siganen ilo mun̄anek lo na id in̄jiliad a. In̄san Awan Urgun iganeg id foud tilasa woŋ an man ibol ifulanad go ikok tilasa yak oŋ a, dal amaiak lo patud ipasi a.

⁶ In̄ Jesus Kristus idsad binawek an lo Awan Urgun tubun mok id lo iwatik idu ya.

⁷ An lo in̄san ilo panek lo iganeg in̄ malan lo itaot tilasa ya. Ago dop an lo id in̄san nanuk mok igo woŋ filian a ikubune panad la yan tin̄ane wa. Id kumaen pempem tumado san tin̄ane wan nin̄en o malan tiganeg tumado da.

⁸ Ru an ru rumok a. Agod n̄aisag ilo sou lo ru an dabai nam ubol ilasa dop, tamolpein a Anut o ilod rumok an kagin diganep mel uyan uyan digane san o tinid dupani wa. Kagin naok ago yan uyanan a, agod an mi tamolpein fidian ilod lo nun̄on iganep ilasa wa.

⁹ Ae tugtog burau ak rin̄ani wa. Agod saruwak san kubiaek, sumiaek sensen dam patu pani wa. Ae tugtog Moses san kubiaen̄ nin̄en o yan fidian dam nek ago mi gane wa. Man dugo, kagin naok ago yan ilo rumok adi ibinawai san tia ya, agod nun̄on tia ya.

¹⁰ Talpein ta midaen̄ lulun̄ad lo gilek gidigidad igane tap, kudon wabi. Gug in̄ nek ago mi igane yau tap, fon kududon wabi da wa. Aria, in̄ imoi go kagin saian an mi igane yau tap, patu pani.

¹¹ Man dugo, oŋ ulon̄ ak tamol naok ago yak sen ikubulig saian idug in̄san aupasek tinin lo awan isa ya. An lo in̄sen yabi idu ya.

Ru wadan

¹² Murnap n̄ai Atemas boi, tia, Tikikas boi oŋsa na n̄igane ipalu wa. Saen in̄ ipalup ilasa tap, oŋ maeg ganep dal ta ulep Gris san taun Nikapolis na wau a. Man dugo, n̄ai ilog ibol dak madid san saen lo n̄ai ante n̄umado wa.

¹³ Aria, oŋ fon Senas kubiaen̄ san man̄au tamol in̄ Apolos da turen̄ fun digane wo dan o kagin pidinai a. In̄ mel ta lo katuk adi tap, oŋ binawai a.

¹⁴ Oŋ Kris tamolpein piten̄anai dop kagin uyan ak wagai an digane wa. An lo saen talpein ta muruan ile tap, in̄ dibinawi uyan

a. Kabelan in̄sad ilo rumok an nun̄on an tia banau.

¹⁵ Tamolpein fidian n̄ai dadi mumado dan oŋsa na ilo uyan ru digane ipalu da. Oŋ ilo rumok adi a nin̄ema wo dumat dan ilo uyan ru in̄sad na gane yau. Anut in̄anen ilo panek an̄ fidian da ka amado wa.

Filemon

¹ Njai Pol Jesus Kristus san subanek tamol girek en njigire da. Id teid Timoti dam naji da mumado da. Girek en manjanema bubema buson di urat kisaek Filemon,

² agod midaen onsa ab lo dutumani na yan dam ansam na njigire da. Apfia idaned lud, agod Akipus in man da sisem Kristus san yu tamol igo won, girek en migane sam na ipalu da.

³ Naisag ilog lo Bai Anut agod Jesus Kristus Tubun en da insad ilo panek agod bube maror an dupanan o ibol da.

Pol san ilo uyan gadin

⁴ O teig Filemon, saen naji Anut nugudani dan lo, on o pempem ilog isou dop, Bai Anut ilo uyan nupani da.

⁵ Man dugo, onane ilo rumok Jesus Tubun ak lo yan, agod inanen tamolpein gun ak fidian ninedi wo umat dan dam, naji nalon a.

⁶ Njai Anut nusumianip, aenta naod na onane ilo rumok kuai tem ubol ilasa dan lo se dabai ipanop, an lo nunon uyan uyan ak a id o Kristus lo yen dan ulon uyanan a.

⁷ O teig, onsa ilo panek an naji ilo uyan tubun kasik, agod tan suek uyanan geig ipanag da. Man dugo, on Anut san gun adi binawaig lo ilod pasa ibol a.

Pol Filemon ilon inane wo ibol da

⁸ Amaiak ninen o naji Kristus lo yak seg isodudunag njilasa dop, mel a on gane san an itaot gane wo ka nusoduduno wa. Ago bo man ru kubiaen naok ago yak jurupaio man namoi da.

⁹ Tia, on naji da nug ilon tupani da, fun an lo man on ilo ninane wo ilog tubun mi yen da. Awo, naji Pol, tamol wagam ag njilasa ya, agod gamu dam Jesus Kristus san subanek tamol numado dan,

¹⁰ Onesimus,* najineg nanuk igo won, on in maror lo nane wo nugudano da. Saen naji sein nam dusubanag an lo, in Jesus Kristus ilon lo rumok a, an lo in naisiganeg nanuk mok igo ilasa ya.

¹¹ Imug mi on mala lo in tamol lou amantia yak igo imado se ya, ak gug gamu man on o, agod naji o dam, tamol lou aman da yak igo ilasa ya.

¹² Gidad najineg bubeg fidian in lo yen dak bo man, gamu naji onsa na nidinig ipalu da.

¹³ Njai nabituanip, saen naji bilalun uyanan ak ninen subanek lo numado dan ninen o, in on wage lo ibinawag o ilog ibol da. Ago bo man,

¹⁴ mel ta a on uyan ta pani na yan njigane san o ilog ta ibol na ya. Ago dop man mel dugon uyan ak gane wo man, onse ilo nam gane wa. Ak gug kagin an ninen naji ta nusoduduno na wa.

¹⁵ Nag saen katukan mi on ibisawog isol yau a, an san fun man, in imul gup pempem mi on da sisem amado wak boi.

¹⁶ Gubak mi in onsa bigabeg urat igane ya. Gug gamu tia ya, tia, gamu man onane tei mok Kristus lo yak igo on ka nane wa. Njai in o bubeg bulbal da, on dam rumok nek ago mi a, in tinin lo agod Tubun en lo dam ibinawo wa.

¹⁷ Amaiak ninen o, on naji onane tura igo won liag tap man, on naji njiliag ak ago mi Onesimus dam nane wa.

¹⁸ Mel ta lo muruan ipano boi, tia, onane gubun ta tinin lo yen tap, naji yanag paen na ganep, an lo gubun an naji tinig lo yen a.

¹⁹ Njai Pol ru en seg banig nam njigire dan lo igo nabol, najineg mi inanen gubun nukubunep itout a. Naisag gubun a on tini lo yen dan man onse mi, kabelan on an ilo inanon banau.

²⁰ Awo teig, on Tubun ak san a, ak ninen o lou uyan ak ta panag o ilog ibol da. Agod Kristus ninen o dam on najineg bubeg maror pani wo ilog yen da.

²¹ Njai awag uri pani san o tinig nupano da. Ak ninen o girek en onsa na njigire den lo nalon ak, mel e ninen nusumiano den on itaot ganep subunan taidam gane panag a.

²² Njai mel kisaek taidam ninen nusumiano da. Galun ta kubune panag a. Man dugo, naji ilog yen dak man, an gudanek wei mi agane dan lo, Anut ansam gudanek awan yabi dop lo fon namul pe naom na njilasa wa.

Ru wadan

* **1:10:** Grik ru lo, Onesimus yan san fun man: lou aman da yak.

²³ Epafras dam in̄ ŋai da Jesus Kristus nin̄en subanek ab lo mumado dan, in̄anen ilo uyan ru an̄sam na iganeg ipalu ya.

²⁴ Nek ago mi ŋaisag urat kisaek adi, Mak, Aristakus, Dimas, agod Luk, in̄aned ilo uyan dam dupanaŋ da.

²⁵ Tubun ak Jesus Kristus san ilo panek an an̄anem ŋutum fidian da itumanip amado.

Hibru

Anut Nanun san yanjan tubun a

¹Wagam na mok profet adi awad lo Anut id tubud baged ru irupidai se ya, saen wei mi agod dal sensen lo in ago igane ya.

²Gug gamu nal wadan en lo man innsinan Nanun awan lo irupaiad a. Insen lo mok Anut mel fidian igane ya, agod Anut sen in murnap mel an fidian taman imado wo ipiliani a.

³Insen in Anut san lilaman in lo yen dan isapudadeg Anut san girager tubun an kuai te ikubiai tile ya. Insan bunun an nek Anut sinan bunun mok igo ya. Agod innsinan ru dabai an nam mel fidian igane ilasag yen yau da. In tamolpein sad aupasek isuas yau san dal ikubuneg itout a, ago gug in kumaen panu lo Anut lak na yak inanen banin won ak lo imasig imado ya.

Nanun san yanjak enjel sad yanjak irinani a

⁴Anut yanjak Nanun ipani an uyanan mok a. Yanjak an enjel adi sad yanjak dam irinani a. Nek ago mi Anut Nanun ipilianig dabai tubun enjel sad dabai irinani ak ipani a.

⁵Anut enjel ta irupeig ibol, “On njaineg nanug, agod gamu nai onjane tama.”

In ta ago ibol na ya. Agod fon enjel ta ninjen ago ibol,

“Nai innsan taman numado dop in njaisag nanuk imado wa.”

An dam ta ibol na ya.

⁶Gug saen Anut Nanun matu an iganeg tan na ipalu an ninjen o ago ibol,

“Anut san enjel adi fidian in ninjen o ubou an dile wa.”

⁷Aria, enjel adi sed ninjedi wo man Anut ibol,

“Anut inanen enjel adi man tim igo won a, inanen urat pinein adi man yai balen imasa dak igo won a.”

⁸Ak man Nanun ninjen o ago ibol,

“O Anut, onsa Kin san kalik an pempem yen yau san a.

Agod Kin san makud bani lo wabi dan an kagin itaot san makud igo won a.

⁹On kagin itaot ak ninjen o mi umat da, agod kagin saian ak umoi geig da.

Fun amaiak ninjen o Anut, in onjane Anut, onjane tura murou sad malan te inginio ya,

agod yousai san guren an on tini fo ikulmaek idu ya.”

¹⁰Anut Nanun irupeig dag ibol,

“O Tubun en, fun lo mok on tan en san kadan guni a,

mel fidian lak na yan dam onse bani lo diri a.

¹¹Mel an fidian dideg diau a, gug on man mado wa,

in yamel wagam ak itout yau igo won a.

¹²On nek ibol yamel dululumip diabi yau ak igo won mel fidian lak na yan, tan en lo dam ago gane wa.

Nek ibol yamel wagam ak dupasip foun ak digane dak igo won, on mel fidian bilisap foun ak dilasa wa.

Gug on man igo pempem mado wa, onsa anajar itout san tia ya.”

¹³En dugo, Anut enjel ta irupeig ago ibol,

“On njaisag aben malan te yak ate mado dop nai onjane ager adi njidiraip paen na dumado wa,”

Anut ru ta ago ibol man tia ya.

¹⁴Enjel adi an enso mel ta i? In man ur, amaiak Anut idinaig tamolpein a patud ipasi san amaiak dibinawai o dudu ya.

2

Anut injiliad an mel tubun a

¹Fun amaiak ninjen o id ru rumok a talon an tabi sakar a, ago dop an lo na id tadeg tau san tia ya.

²Tubud baged adi wagam enjel awad lo kubiaen san ru dinjane ya. Ru dulon an yen sakar da, fun an ninjen o talpein enti aupasek ta igane, tia, awa parsisalek ta igane tap, kulob an san naon atem itaot injane wa.

³Fun amaiak ninjen o id patu pasek uyanan en patud tupani tap, en dugo won id aupasek naon an tabi-rinani wak i? Tubun en innsen malan malan mok patu pasek ninjen o ibol ilasa ya, agod a in awan dulon an id dukubiai tile yak ru an ru rumok a.

⁴ Saen nek an lo mi Anut tamolpein a mel malad nam dile amaiak inşad ru an dabai ipani. In kulob girager agod urat dabai tutubun ak igane na ya, agod inşen ilon ibol ak lo mi Awan Urgun san dabai lo in urat digane san bar funfun iwae pidinai a.

Jesus sen imug injiliad a

⁵ Man dugo, Anut in enel adi tan foun murna ilasa wan kagin dupani wo ta ipilianai na ya. Tan amaiak ninen o njai ru njabol da.

⁶ Gug Anut san girek ta lo ru en igo ibol, “Tamol man nek mel kawan ak igo ya, amaiak ninen o, ata wo in o ilo isou di?”

Tamol nanun man in mel tubun tia ya, an ninen o on ata wo in kagin pani uyan di?”

⁷ On saen katukan mi in enel paed na gane ya,

agod in girager yanak tubun ak da pani a,

⁸ agod mel fidian in taman imado wo tuon lo diri a.”

Aria, saen Anut tamol igane yan, in mel fidian sad taman imado wo ago ibol a, an lo in mel ta ibiseip tamol san kagin panek patun fo yen man tia ya. Ak man gamu saen en lo man tamolpein mel fidian kagin dupani dop id tile man tia ya.

⁹ Gug id Jesus mi tile da, in saen katukan mi Anut in enel paed na imado wo igane ya. Agod ilo munanek Anut ipanad dan ninen o in tamolpein fidian abed inaneg materj ile ya. Materj an lo na in madai ikubiani a, fun an ninen o gamu id tile yak in yanak tubun ak girager da inane ya.

¹⁰ Nek uyan ak Anut in mel fidian idirig ago dien diau dan, Jesus madai isini an lo in iganeg itaot mok ilasa ya. Nek an lo in nanuk wei mi inal ipalup inşan girager an lo in da sisem dumado wa. Man ata wo? Jesus sen in patun pasek san fun.

¹¹ Ta a tamolpein gun dilasa wo igane dan, agod tamolpein a gun dilasa yan, in sisem fudi kisaek a. Fun amaiak ninen o Jesus in tein taon ibol san ninen o miai ta ifuni da.

¹² In Anut ninen o ago ibol da, “Nai onsa yan an teig taog njurupidai dulon a,

inşad tumanek lo njai bar njabo dop on yan njabisa wa.”

¹³ In dam ago ibol,

“Nai Anut tinig nupanig numado da,”

agod in fon ibol,

“Nai ebo Anut nanun muroun ipanag emaiak dida mumado da.”

¹⁴ Inşan nanun muroun en man in tan en san tamolpein mi, fun amaiak ninen o nek in dumado dan ago mi Jesus dam inşan tinin, tan en san tinik igo won ilasa ya. In ago igane yan lo inşan materj lo Satan materj san dabai aman da yan ka ipitinini wa.

¹⁵ Dal emaiak lo in tamolpein inaned materj san rirek lo patud ipasig maror ipidinai a, in fon materj san rirek inaned madok lo kagin ipidinai yau san tia ya.

¹⁶ Id talon ak mel an man rumok a, man dugo, in enel ta ibinawai na ya, tia, in Abraham san sawar ibinawai a.

¹⁷ Ago yak ninen inanen kagin naok naok lo in tein taon dumado dak ago mok ilasa wa. Ago dop an lo na in inaned pris malan te yak ilasap ago imado wa. Inşan urat awan lo Anut ibinawi dan igo ya, in awa yabek tamol agod ilo munanek tamol an lo in tamolpein sad aupasek an ninen Anut ilon igane ibubarum a.

¹⁸ Inşen aupasek san ate suek lo itur go madai ikubiani a, fun amaiak ninen o in gamu tamolpein a aupasek san ate suek dile dan ka ibinawai uyan a.

3

Jesus san yanak tubun an Moses yan an irinani a

¹ An ninen o an naineg teig taog gun ak, an man da Anut san wagin an lo itumanad go tumado dan, an Jesus ninen o mi ilom isou a. In aposel agod in pris malan te yak an ninen o tabol ilasa da.

² In Talpein a ipiliani an awan iri pani a, nek ibol Moses Anut awan kagin ipanig Anut san ab ilon lo urat igane igo ya.

³ Nek ibol tamol ab yabi an yan an tubun dugo ab mok sen man yan an tusan ak ago ya.

⁴ Rumok, ab fidian kisaek kisaek atem tamol diabi da, ak man Anut sen in mel fidian idirai an irinani a.

⁵ Moses in Anut anen ab san tamolpein fidian lulunad lo urat pinein igo Anut awan iri panig urat igane ya. Nek mel amaiak saen murnap ilasa dan te dop ru a in ninen dubol an Moses dam gubak mi ninen o ibol ilasa ya.

⁶ Ak man Kristus in Anut Nanun mok imado ya, an lo in Anut san ab lo tamolpein kagin ipidinai a. Id dabai amad da Anut anen ru tabol dan, id ilo uyan amad da mel a Anut ipanad ak ninen o ilod yen dan tabi sakar tap, id Anut san ab mok a.

⁷ Amaiak ninen o nek ibol Awan Urgun gubak mi ibol ago,

“Nek gamu en, an inisan awan alon tap,

⁸ ananem bubem aganep sakar ilasa amoi. Nek ibol wagam an tubum bagem bitinaek san saen lo tan kawan ak ate Anut patud dupani ago mi, an kagin an ta agane na wa.

⁹ Saen an lo in nai tuog lo bitinaek an diganeg dukubianag se ya.

Ananjar 40 naisag urat dabai fidian ngigane an dile bo man nai patud dupanag se ya.

¹⁰ Fun amaiak ninen nai in ninedi wo tinjaeg saian go ago nabol,

‘Insad bubed lo in pempem dal senamo diau da,

agod in naisag dal dugo won nau dan ta dulon na ya.’

¹¹ Naisag tinjae saiak lo geg sakar ak ngigane yan, ago nabol,

‘Rumok lak na, in naisag yaes bilabal lo ta mok diladu na wa.’ ”

¹² An ninen nai teig taog, kagin agane wa. Kabelan an lulunam lo ta in buben ilo sou saian aman dap, ilon lo rumok tiap, Anut kumaen pempem san an patun ipani banau.

¹³ Tia, nal fidian an tan suek ru nug arupe, nal “gamu” dubol dan lo an ago agane wa. Kabelan aupasek san kagin irawan dop an lulunam lo ta bubem afutani banau.

¹⁴ Ilo rumok malan malan an id fun tiganeg an tabi sakar pe yaup wadan na idu tap, an lo id Kristus da sisem tutumani wa.

¹⁵ Id talon ak ru e Anut Dawid ipani yen yen geig da, an ago ibol, “Nek gamu en, an inisan awan alon tap, ananem bubem aganep sakar ilasa amoi.

Nek ibol wagam an tubum bagem bitinaek san saen lo tan kawan ak ate Anut patud dupani ago mi, an kagin an ta agane na wa.”

¹⁶ En sauta wagam Anut awan dulon gug awa parsisalek digane i? An tamolpein wagam Moses injal go Igipta tan dibiseig diau ama ya.

¹⁷ En sauta ananjar 40 in Anut tinjae saiak dupani se i? An tamolpein a aupasek diganeg dumat go sad susanud tan kawan ak ate dudu ama ya.

¹⁸ Agod en sauta ninedi wo Anut rumok lak na yaes bilabal lo diladu san tia ago ibol irupidai i? An tamolpein a in awan duparsisali ama ya.

¹⁹ An ninen o id tile talon ak in diladu san tia ya, man dugo, in ilod lo ta rumok na ya.

4

Anut san tamolpein inisan yaes bilabal lo diladu wa

¹ Aria, id Anut san yaes bilabal lo tiladu san ru gubak mi yen la ya. Fun amaiak ninen o id man tarut dop tarer a. Kabelan Anut an aenta lulunam lo ta bitinaek lo idiran pe, an inisan yaes bilabal lo aladu san arinani banau.

² Rumok, Anut ru id giraned na ipalu yan, nek gubak mi in giraned na ipalu yak igo mi a. Gug ru a dulon an ta ibinawai na ya. Man dugo, rumok in ru an dulon a, ago gug in ilod lo ta rumok na dan lo ru an nunon ta ifu na ya.

³ Id ilod lo rumok an mi yaes bilabal amaiak lo tiladu wa. Nek ibol in ibol ak igo, “Naisag tinjae saiak lo geg sakar ak ngigane yan, ago nabol, ‘Rumok lak na, in naisag yaes bilabal lo ta mok diladu na wa.’ ”

Saen Anut tan en igane yan lo inisan urat fidian igane itout a. An ninen o id talon ak, Anut san yaes bilabal yen la ya.

⁴ Man dugo, girek ta lo in nal seven ninen o igo ibol,

“Anut nal seven lo inananen urat an fidian ninedi wo yaes ibal a.”

⁵ Agod fon girek kisaek en lo igo ibol, “in naisag yaes bilabal lo ta mok diladu na wa.”

⁶ Amaiak ninen o id tile dak aenta diladu san dal ipasig yen da, ak man aenta a

gubak mi Anut ru diñane yan diladu san dal dirinani da, man dugo, in awa parsisalek tinadi a.

⁷ Fun an ninen o in fon mi nal itaot ipiliani a, “gamu en”, ata wo, Anut tan iganeg saen milaen mok gug Dawid awan lo igo ibol,

“Nek gamu en, an inñsan awan alon tap, ananem bubem aganep sakar ilasa amoi.”

⁸ Rumok, Josua in yaes ka ipidinai tap, Anut murnap fon mi nal sen ak ninen o ibol san tia wa.

⁹ Fun amaiak ninen o yaes bilabal bageu san Anut anen tamolpein ninedi wo yen da, yaes bilabal an nal seven san igo ya.

¹⁰ Man dugo, ensauta Anut san yaes bilabal lo diladu dan inaned urat tan en lo digane yan dibisei da, nek ibol Anut inñsen urat a igane dan ibisei ak igo mi a.

¹¹ An ninen o id yaes bilabal amaiak lo tiladu wo urat wagai tigane wa. Ago dop aenta luluñad lo awa parsisalek kagin naok an lo diau dudu banau.

¹² Anut san ru man kumaen a, agod dabai aman da ago yen da. Nek ibol bubarek kisaek malan uraru aman da yak igo won, an talpein tinin isuep iladu yau geig da, inñsan nñtun ur da ibiatai da, tatu batek dam titinaem igilep sensen dilasa wa. Agod bubed san kankan in ilo girek da ka ikubiani san ilon da.

¹³ Agod in malan lo talpein ta imianuk san tia ya. Tia, enti id ru naon tupani san in malan lo man, mel fidian walal te mi itufolak go dien da.

Jesus sen idsad pris malan te ya

¹⁴ Id pris malan te tutubun ak amad da ya, an ninen o in lak na yaug, id Anut san na tau san dal yabirubeg iladu ya, an man nek Jesus, Anut inñanen Nanun. Amaiak ninen o id ilo rumok san ru tabol ilasa san tabip sakar a.

¹⁵ Dugo, idaned pris malan te tubun ak idsad muruan funfun ninen o ilo munanek ipanad san ta idaisuda na yak i? Tia, in tamol naok ago tia ya. Man dugo, bitinaek naon funfun id lo ipalu dan ago mi in lo dam yau da, ago gug in aupasek ta igane man tia ya.

¹⁶ An ninen o id pempem Anut san kalik giranen na tau a, ante man Anut ilo panek

iwae san aben mi a. Aben an lo saen muruan sumeik ipanad dan, ilo munanek ka tinane wa, agod inñsan ilo panek id ibinawad san tile wa.

5

¹ Pris malan te yan kisaek kisaek tamol luluñad lo Anut ipiliani a. Agod inñsan urat man, tamolpein waged lo lou kawan ak in mel mudan a yai lo dumari san da, inñsad aupasek ipasi yau wo Anut ipani da.

² In tamolpein a ilod tia yan, agod a dal diapitilip sen diau dan dam mos nam kagin ka ipidinai a, man dugo, in dam dabai aman tia yan lo yau idu da.

³ Fun amaiak ninen o, in malan malan man inñsinan aupasek isuas san ninen o yai igane wa. Agop murna man tamolpein sad aupasek ninen o dam yai ka igane wa.

⁴ Pris malan te yak in yan an anda ya, ago gug talpein ta sen ilon nam urat an inñane san tia ya. Tia, Anut talpein an imug iwagin a, nek ibol wagam Moses tein Aron iwagig pris malan te ilasa yak igo mi a.

⁵ Nek ago mi Kristus dam in sen tinin nam pris malan te yak imado wo ta igane na ya. Tia, enti a in irupeig igo ibol,

“On nñaineg Nanuk, agod gamu en nñai onñane Tama nñumado da,” amaiak Kristus ipiliani a.

⁶ Agod girek ta lo fon igo ibol,

“On pris pempem san, on pris naok Melkisedek imado yak igo, on dam mado wa.”

⁷ Saen Jesus tan na imado se yan, inñanen gudanek lo pempem imosiai dugo, awan tubun mi tinañ iganeg Anut o materñ san dabai lo ka patun ipasi wo igudani a. Agod in Anut awan kagin ipani uyan go sen yabi idu ya, an lo Anut inñsan gudanek ilon a.

⁸ In man gidad Anut Nanun bo man, madai isini se yan lo awa yabek kagin ilon uyan a.

⁹ Agod saen in awa yabek kagin a lo itaot mok ilasa yan, in tamolpein ensauta awan kagin dupani dan ninedi wo patun pasek pempem san fun mok ilasa ya.

¹⁰ Agod Anut in pris malan te imado wo kob ipani a, nek ibol Melkisedek igo mi a.

Dutur sakar san ru kagin

¹¹ Mel en niñen o mañ ru mubate wo iloma yen da, ak man mañ fun mabol ilasa wo kitek muruan a. Man dugo, añ aloñ pe añane kisaek san tia ya.

¹² Añ girek mañau alasa san saen idaisuda ya. Ak man talpein ta fon piteñanek pasauman ak lo Anut ru ilon lo yen dan ikubiai panañ san niñen o añ katuk amami da. Añ anañ sakar ak ani san ta idaisuda ya, ago gug añ su mi aluk san niñen o katuk amami da.

¹³ Aloñ uyan, enti in su mi iluk o igane dan, in kagin itaot san ru niñen o inañ da, man dugo, in nanuk mi a.

¹⁴ Ak man anañ sakar man tamol tutubui ak sadi a, en sauta a Anut ru pempem dusuti dan lo, mel uyan ak saian ak da niñen o ilod igire dugo dupilianu uyan san duloñ da.

6

¹ Ago yak niñen o id tamug tilasap, piteñanek pasauman Kristus niñen o yan tibiseip yen dop, tusokalik pe tamol tutubu yak sad piteñanek lo tiladu wa. Id gamu piteñanek pasauman ak tibiseip bag foun ak tugunai wa, kabelan id bag wagam an fon mi tugunai o tigane banau. Ru en igo ya, mateñ san urat fidian lo id ilod ibileksap tadanña san piteñanek, id Anut ilod lo rumok ak san piteñanek da,

² agod fulanek funfun san, tinid fo banim agane san, dumat pe fon dumasa wak, agod Anut id bitinaek lo idirad pe pempem san pani naon ipanad san, an fidian niñedi wo ta tabol na wa.

³ Aria, id gamu en tamug tau a, agod Anut awok ibol tap man, id ka ago tigane wa.

⁴ Ak dugo, tamolpein a in gubak mi Anut san lilaman inñad turen lo isapudade yan, agod kumaen panu san binawek kawan a igane ipalug dukubiani dile yan, agod nug dupinig Awan Urgun da dutor dan,

⁵ agod in Anut san ru a dukubianig dile yan uyanan, agod in madok a sumeik ipanad dan san dabai sensen dile duloñ la bo man,

⁶ murnap Anut patud dupani tap, an dugo ilod isou wak i? Id talpein an ka tañal tamul pe ilod fon ibileksa san dal dile wak i? Man tia geig a! Man dugo, kulob en

igo digane tap, an man in fon Jesus aigim fo dubali da wa, agod in tinin diabisa dop malak malak lo miai dupani wa.

⁷ Tan en lo saen wei mi ui idu den san you iluk da, agod anañ uyanan ak tamolpein a anañ dupae dan niñedi wo igane ilasa tap, Anut san bar uyanan inane wa.

⁸ Gug tan en in ai dudurun anda yak mi, kurkur saiak saiak mi disa tap man, tan an saian a, agod lou aman tia ya. Saen milaen tiap tan muroun bar saiak ipani dop ipitiñini wa. Tan en itout san man dumari wa.

⁹ O mañsama adi, mañ ru an mabol bo man, mañ añ niñem o igo iloma lo rumok. Melmel patun pasek san uyanan ak mi an, añ o ilasa wa.

¹⁰ Man dugo, Anut in kagin itaot tia lo, añanem urat agod añanem ilo panek, saen in yañan lo añ gun adi kagin apidinai se yan, añ akubiai apidinai dan ile pilti san tia wa. Kagin uyanan an añ gamu nek ago mi agane da.

¹¹ Mañsama iloma igo won a. Nek ibol kagin a añ lo atur sakar dan, nek ago mi añ añanem ilo rumok mel a niñen añ tinim agane dan abi awan isap, an lo dam atur sakar a. Añ anek anek atem urat wagai agane dop amado yaup añanem saen wadan ilasa wa.

¹² Dal amaiak lo añ ta ayalis na wa. Tia, añ dam tamolpein a Anut ilod lo rumok go, muruan lo dutur sakar dan lo, Anut san promis diñane dan, inñad kulob an añ agam añane wa.

Anut san promis san nuñon ilasa wa

¹³ Saen Anut Abraham promis ipani wo ilon yen, talpein ta inñan yañan an, Anut yañan iriñani dan imado man tia yan niñen o, Anut sen yañan lo rumok lak na ibol go

¹⁴ ago ibol, “Rumok geig, ñai oñ bar uyanan ñupano wa, oñane mala kubalan wei mi ñiganep ilasa wa.”

¹⁵ Abraham ru an ilon go sen dabai ipanig, mala nouk imado yaug saen milaen gug promis an san nuñon inane ya.

¹⁶ Rumok, tamol adi in talpein sen ak iriñanai dan yañan lo inañed ru dabai dupani wa. Agod saen in ru lo nug dufuni dan, kulob an lo ru digane itout a.

¹⁷ Ago yak niñen o tamolpein a Anut inñsan promis san nuñon diñane wan, inñsan ilobol ibileksa san tia yan, an kuai te ikubiai dile wo ilon yen da. Amaiak niñen o inñ ru rumok lak na ibol an lo inñsan promis ru dabai ipani a.

¹⁸ An lo na mel uraru a tibilsa san tia yan, agod an niñen o Anut sewak ipanad san ta isuda na yan, lo id tan suek tubun ak ipanad a, an lo id a aupasek niñen o tasol man, melmel a naod na iganeg niñedi wo mala naok tumado dan, tiñanep tabi sakar on a.

¹⁹ Id Anut tinid tigane tupanid amaiak anga igo won nitud yabituani da. Tini ganek amaiak dabai aman da ya, an lo iganeg id dalawan san yamel an patun fo taug galun Gun Di, Gun Mok an ilon lo tiladu ya.

²⁰ An lo Jesus id niñed o imug mi iladu ya. Inñ man pris gurman pempem san, naok Melkisedek igo won ilasa ya.

7

Melkisedek yañan tubun a

¹ Melkisedek inñ taun Salem dubol dan san kiñ, agod inñ Anut Naon Tubun Lak Na yan san pris imado ya. Saen Abraham yu iganeg kiñ aenta ifu itout go imul an, Melkisedek Abraham ile wo yaug dal na nug dileg bar ipani a.

² Agog Abraham mel fidian isini an itarpaleg malan 10 itumani, ago gug malan kisaek inñaneg Melkisedek ipani. Aria, yañak Melkisedek man fun igo ya, “kagin itaot ak san kiñ,” agod inñ mi Salem san kiñ, an san fun man “maror san kiñ.”

³ Inñ tinan taman tia, tubun bagen dam tia ya. Tinan igansi ak san nal, imat ak san nal dam ta talon a. Nek ibol Anut Nanun on imado ya, inñ pris pempem san imado da.

⁴ An Melkisedek yañan tubun an ale. Abraham idsad tubud baged malan inug ak, yu san bioun isini an itarpaleg malan 10 gug malan kisaek inñaneg Melkisedek ipani a.

⁵ Ru ta Moses san kubiaen ilon lo yen dan ago ibol, Livai san malan kubulan a pris urat diñane yan tamolpein sad melmel

aenta diñane wa. Tamolpein an inñsad bioun ditarpalep malan 10 gug malan kisaek dipidinai a. Ago dugo gidad teid muroudi agod Abraham tubun muroun bo man dam mi a.

⁶ Ak man tamol Melkisedek an Livai san gugoi lo kisaek tia ya, ago yak bo man Abraham bioun itumanig malan 10 gug itarpaleg malan kisaek Melkisedek ipani a. Melkisedek bioun an inñaneg tamol a Anut san promis yabi dan bar ipani a.

⁷ Id talon uyan ak tamol lak na yan bar tamol paen na yan ipani wa.

⁸ Amaiak niñen o dal ta igo ya, tamol e Livai san gugoi lo dilasa yan binawek diñane bo man inñ dumat da. Ak man dal turan lo, tamol Melkisedek inñ dam binawek inñane ya, gug girek en lo ibol inñ pempem imado yau on da.

⁹ Ru ta dam nap talpein ka igo ibol a, Livai inñsen, tamolpein sad binawek inñane dan, gidad inñ gamugo ilasa bo man binawek Abraham banin lo Melkisedek ipani a.

¹⁰ Man dugo, saen Abraham Melkisedek itumani ante man, Livai inñ bagen Abraham tinin lo imado se ya.

Jesus ibol Melkisedek on a

¹¹ Aria, pris adi a Livai san gugoi lo dilasa yan sad urat man kubiaen a Anut tamolpein ipidinai an san fun. Tamolpein pris an sad urat an lo inñ itaot mok ak dilasa tap, anta wo pris foun ak ta ilasa wo Anut imat di? Pris naok Aron san ago tia ya, tia, Melkisedek san ago mi a.

¹² Aria, pris san urat awan lo bileksak yen tap man kubiaen dam lo bileksak yen a.

¹³ Tamol a man niñen o minñen den man inñ gugoi senamo ak san a. Ak man talpein ta gugoi an san, pris sad urat alta fufu igane man tia ya.

¹⁴ Id kuai tem talon uyanan ak idsad Tubun en man inñ Juda san gugoi lo ilasa ya. Agod gugoi amaiak mi niñen o Moses pris niñedi wo ru ta ibol man tia ya.

¹⁵ Mel man niñen o minñen den ru binawek lo kuai isi geig a. Alon uyan a. Gamu pris naok sen ak Melkisedek on ak ilasa ya.

¹⁶ Inj pris san kob injane ya, kubiaen ta gugoi dugon lo inj ilasa yan lo kob ta injane na ya, tia, kumaen dipitinini san tia yan san dabai lo mi a.

¹⁷ Man dugo, ru en girek lo inj ninen o ago ibol, “Onj pris pempem mado geig a, nek pris naok Melkisedek ago mi onj dam ago wa.”

¹⁸ Dal ta lo, kubiaen malan malan mi an Anut patun fo igane ya, man dugo, kubiaen an dabai an tia yak, agod nunon an dam tia ya.

¹⁹ (Man dugo, kubiaen an mel ta itaot mok ak igane ilasa san tia ya.) Dal turan lo, ilo rumok uyanan nunon anda yak ikubiai panad a, an lo Anut sinjiren na tau a.

²⁰ Saen Anut ago igane yan lo insinanen ru dabai ipani a. Pris an Livai san gugoi lo dilasa yan, talpein ta ru dabai ipani man tia yan lo gidad pris dilasa ya.

²¹ Ak man tamol a ninen o mabol la yan Anut insinanen ru dabai ipani an lo pris ilasa ya. Man dugo, Anut irupeig igo ibol, “Tubud injanen ru dabai ipani la ya, agod inj ilon ta ibilisa na wa. Onj pris pempem mado geig a.”

²² Fun an ninen o Jesus man kontrak foun an san balsinane, agod kontrak an kontrak wagam an irinani a.

²³ Pris wagam san an wei mi a, man dugo, matej yabitanai, an lo urat digane yau san tia ya. Fun an ninen o pris foun ak pris dumat ak sad abed dirjane se ya.

²⁴ Ak gug Jesus man pempem imado yau da. An ninen o pris san urat man nek ago mi igane yau onj a.

²⁵ Ago yak ninen o tamolpein a inj lo Anut sumeik dupani dan patud ipasi pasik anen idaisuda ya. Man dugo, inj pempem imado dan ninen inj waged lo Anut igudani da.

²⁶ Pris gurman naok ago yak id lo uyan a. Inj saian aman tia ya, inj gun, ikok, inj tamolpein aupasek adi an sinjired na dam tia ya, agod Anut yabisag kumaen panu lo lak na isuda geig a.

²⁷ Nal wei mi pris aenkadi Anut yai digane pani da, malan malan insinad aupasek dusuas san yai digane gup tinin te man tamolpein sad yai digane da. Ak man Jesus man inj ago tia ya, inj insen tinin

amaiak ibiseig nal kisaek tamolpein fidian ninedi wo aigim fo imat a.

²⁸ Rumok, kubiaen inj tamol dabai amad tia yak ipilianaip pris gurman dilasa wa. Ak man saen Anut inj ru rumok lak na ibol an kubiaen an patun fo igane ya. An lo Anut ru rumok a ibol an lo, injanen Nanun ipilianig pris gurman ilasa ya. Agod Anut injanen Nanun iganeg itaot geig ilasa ya, nek ago mi pempem imado wa.

8

Jesus idsad pris malan te ya

¹ Man ru mabol dan man mel malan te igo ya: rumok, id pris gurman uyanan ago yak amad da ya. Inj kumaen panu lo Tubun Geig ak san badim sinjiren na banin won ak lo imasig imado da.

² Agod inj Anut san ubou ab rumok ak lo pris san urat igane da. Ubou ab an man tamol ta dususe na ya, tia, Anut sen mi isuse ya.

³ Pris gurman fidian dipilianai dan inj tamolpein aned ilo uyan anan Anut yan an lo mel an dupani da. Agod injaned aupasek dusuas yau san mel mudan man Anut yai digane pani da. Fun amaiak ninen o gamu pris foun ak dam mel ta naon ago mi Anut ipani wa.

⁴ Aria, inj tan en san tamol tap man inj ta pris ilasa na wa. Man dugo, pris wei mi tan en lo dumado la yan, Anut san kubiaen kagin dupani dop yai digane pani se ya.

⁵ Ubou ab a tamol, lo Anut urat digane dupani dan man kumaen panu anen ubou ab san mitilaen igo ya. Fun amaiak ninen Moses Anut san ubou ab isuse wo igane dugo, Anut irupeig igo ibol, “Onj naj did fo na ru kagin njurupaio dugo ilo sou njukubiai pano yan lo, mel fidian gane ilasap itaot a.”

⁶ Gug gamu pris san urat Anut Kristus banin lo igane yan man uyanan geig a. Man dugo, inj kontrak uyanan ak san titinje tamol igo ya, agod kontrak an kontrak wagam ak irinani a. Ata wo, kontrak foun an san bag man Anut anen promis uyanan, an lo wagam an dam san nunon irinani a.

⁷ Kontrak wagam an lo muruan tia yak man kontrak foun ak ta ilasa san tia wa.

⁸ Man dugo, Anut tamolpein ilod lo saian ile ya, amaiak ninjen o,
 “Tubun en ibol, alon ak, saen ipalu dan te dop

njai Isrel tamolpein in Juda tamolpein dadi kontrak foun ak mususe wa.

⁹ Agod kontrak en man najai Isrel tubud baged dadi mususe ago tia ya.

Saen an lo man najai banid te nibiaig njanal go Igipta tan mubiseig mupalu ya.

Man dugo, in naisag kontrak an mi kagin dupanip ta diabi se na ya.

An ninjen o najai patug nipidinai a.

Njai Tubun en ago njabol a.

¹⁰ Saen an ilasa dop, kontrak en najai Isrel tamolpein lo njigane wa.

Naisag kubiaen an kabunad lo njidiri wak, agod bubedi lo dam njigire wa.

Njai man inaned Anut, agod in njaineg tamolpein a.

¹¹ Nal en lo ta lulunad lo turan boi, tia, tein boi, ipitenanip ibol,

“Tubun en ulon,” an ago ta ibol na wa.

Man dugo, in fidian najai dulon uyanan a.

Tamol yanad tia yan, agod tamol yanad anda yan, dam fidian najai dulon a.

¹² Man dugo, najai inaned aupasek an njupasi yau a,

agod najai insad muruan an ilog isou san tia ya.”

¹³ Aria, Anut kontrak foun ta ninjen o inijen dan fun man insan ilo sou lo kontrak malan malan an man wagam san a. Agod mel ta wagam an la yak, an saen katukan mi yen pe itout yau a.

9

Tan en san ubou ab lo ubou leil san kagin

¹ Aria, kontrak malan malan an lo ubou leil san kubiaen yen a, ago dugo tan en san ubou ab ta dam yen a.

² Ubou ab ta dususe ya. Galun malmalan an lo lam ta, badim da, agod badim an fo bret Anut naon na didirig dien dan mi ante dien da. Galun an Aben Gun ak ago dubol da.

³ Aria, galun an patun fo man yamel dalawan te dususe ya. Yamel amaiak patun fo man galun taida yen da, galun an Gun Di, Gun Mok ago dubol da.

⁴ Galun en ilon lo alta ta gol nam diganey yen da. Alta an fo man pawra mumalun bulbal ak sen nam yai digane da. Agod kunup kontrak an dam gol nam dubuluwig yen da. Kunup kontrak an ilon lo, bod gol a mana aman da yan, Aron san makud a balun foun ak idiri an dam, agod Anut san kubiaen pat aten uyan ak uraru fo na igire an dam, kunup an ilon lo dien da.

⁵ Kunup an fufo na Anut san ilo munanek aben yen da, agod an gigin ananaem mi Girager san enel uraru mi mitilaed dututanai an subarid duwate yang Anut tamolpein inaned aupasek ipasi yau ak san aben amaiak dutuanig dutur da. Ak man gamu mel an man fun fidian mabol dop alon san tia ya.

⁶ Mel an fidian ago digane itout a, ago gup murna pris adi galun malan te yan lo diladup inaned urat awan an digane yau on a.

⁷ Ak man pris gurman mi in galun tinin te an ilon lo iladu wa. In anajar kisaek ilon lo nal kisaek atem galun an ilon lo iladu da. In pempem dar inane iladup insinan aupasek agod tamolpein njeno lo kagin sisiaek digane na yan, dam fidian ipasi yau wo Anut ipani da.

⁸⁻⁹ Kulob en fidian lo ru fanan yen da. Mel an lo Awan Urgan kuai tem ikubiai tile ya, saen galun malan te urat anda ago itur se man, galun Gun di, Gun Mok san dalawan an itaug yen se ya. Man dugo, dalawan san yamel amaiak dal ifutani a. Galun malan te man kontrak wagam san saen, an naon inane ya. Ubou leil ab an ilon lo Anut ilo uyan mel dupani dop yai digane pani se ya, ak man mel an talpein njutun ibinawip ikok ilasa san tia ya.

¹⁰ Melmel an man sen kubiaen ibol ago anan nuaen, you lukluk agod fulanek funfun digane dop lo ikok dilasa san mi a. Kulob en man tinik fufo yak san mi a, ago digane yaup melmel foun ak dilasa wan san saen ilasa wa.

Kristus san dar

¹¹ Ak man saen Kristus ilasa yan, in melmel uyan uyan a dilasa la yan, sad pris gurman on ago imado ya. Saen an lo in galun Gun Di, Gun Mok a uyanan geig agod itaot mok a tamol banid nam ta dususe na

yan, ilon lo iladu ya. Galuŋ an tan en san tia ya.

¹² Inj nal kisaek o lian mi galuŋ Gun Di, Gun Mok an ilon lo iladu ya, agod dar a inaneŋ ida iladu yan man bilelek boi, tia makau nanun ta boi san dar tia ya, tia, an inŋinanen dar mok a. An niŋen o id inŋiliad tamul pe inŋsan na pempem tumado yau san dal ipasi a.

¹³ Dugo, pris adi bilelek sad dar, makau nanun tamol sad dar, agod makau nanun pein ak san tatu, an diŋane go tamolpein a, Anut malan lo ilod ta ikok na yan, sad tinidi fufo dufurfi go gun dilasa ya, an lo tinidi ikok ilasa tap,

¹⁴ Kristus san dar sapta taida mip dabai ak i? Ur pempem san dabai lo, Kristus inŋsen inanen tinin a muruan aman tia yan dufuni imat pe mel mudan yai lo digane yak igo woŋ Anut ipani a. Kulob an lo inŋsen mi idsad nŋtud ibinawig ikok tilasa ya, an lo idsad nŋtud lo kagin a sad nuŋon a lo materŋ tile dan ipasi yau a, an lo id Anut kumaen imado dak mi ubou an tile wa.

¹⁵ Fun amaiak niŋen o Kristus inŋ kontrak foun en san tamol titiŋae ak igo imado da. An lo talpein ensauta a Anut ipilianai ak mi, inŋ kumaen pempem san melmel diŋane san ipilianaig yen dan diŋane wa. Man dugo, materŋ a ilasa amaiak lo, tamolpein kontrak a wagam paen na dumado dugo aupasek digane na yan patud ipasi a.

¹⁶ Aria, materŋ kontrak san girek (pepa) ta yen tap, an man urat aman tia ya. Man dugo, tamolpein inŋ girek muroun imat an dile duloŋ gup, girek an urat ka dupani wa.

¹⁷ Kontrak girek an materŋ san saen lo mi dabai anda. Man dugo, saen girek muroun malan kumaen lo imado se yan, girek an kawan igo ya.

¹⁸ Fun an lo na wagam mel mudan dufu na yan sad materŋ san dar amaiak kontrak wagam an dabai ipani na ya.

¹⁹ Saen Moses tamolpein naod na kubiaen an fidian ifulale idug itout an, inŋ makau nanun bilelek da sad dar inaneŋ you da ibileksa ya. Ago gug yaug ai hisop raen ta kam daran ak bilelek fufulun sen nam dufou yan inaneŋ dar lo isamuni, ago gug inaneŋ ifurfi buk fo na isida gug fon tamolpein fidian sad na ifurfi yau a.

²⁰ Inj ago irupidai, “Dar en kontrak dabai ipani san, nek emaiak niŋen o Anut ru kagin ipanaŋ a.”

²¹ Kulob nek a igane ago mi dar an ifurfi ubou ab an fo isudag, ubou leil san mel an dam fidian fo ifurfi isuda ya.

²² Rumok, kubiaen paen na, mel wei mi dar nam ikok digane ilasa ya. Agod dar ta ikulmaek yau na yak man aupasek dam ta isuas yau na wa.

²³ An uyan ak kumaen panu san melmel anen mitilaedi an naok naok ago lo ikok dilasa da. Ak man kumaen panu san melmel inŋsedi, naok naok a aenta iriŋanai dan nam ikok dilasa da.

²⁴ Man dugo, Kristus inŋ tamol banid nam galuŋ gun mok dususe yak lo ta iladu na ya. An man galuŋ mok ak san tutuŋanek mi a. Tia, kumaen panu mok lo iladu ya. Gamu ante id niŋed o Anut naon na imado da.

²⁵ Taida mi, inŋ saen wei mi inŋsen tinin ipani wo igane man tia ya, nek ibol pris gurman galuŋ Gun Di, Gun Mok ak lo anaŋar kisaek kisaek lo dar a inŋsan tia yan da isinip iladu dan ago ta igane na ya.

²⁶ Ago tap, saen Anut tan en igane ilasag ipalu an lo Kristus nal wei mi madai ile wa. Inj ago ta igane na ya, tia, nal kisaek o lian saen wadan lo ilasa ya. Inŋsinanen tinin ipidinai an lo aupasek ipasi yau san igane ya.

²⁷ Anut ibol, tamolpein nal kisaek mi dumat a, ago gup Anut naon na bitinaek lo dutur a.

²⁸ Nek ago mi, Kristus dam nal kisaek dufuni imat a, an lo tamolpein wei mi sad aupasek isini a. Inj ago igane dugup afon imul ipalu da wa. Aupasek isuas yau san ta imul ipalu da, tia, tamolpein a inŋ o mala nouk dumado dan patud ipasi ipidinai o imul ipalu da wa.

10

Yai niganag wagam man aupasek ipasi san tia ya

¹ Kubiaen man mel uyan uyan murna dilasap dupalu wa, amaiak sad mitilaedi mi a. An man mel nuŋon tia ya. An lo tamolpein Anut anaŋar fidian yai naon kisaek anam digane pani dugo siŋiren na

diau dan, kubiaen ikubuniaip itaot mok dilasa san tia ya.

² Dugo, kubiaen tamolpein itaot mok idirai dilasa la tap, Anut yai digane pani se yan afon digane da wak i? Man tia geig a. Fun an ninen o, ubou leil san tamolpein saen kisaek atem ikok mok dilasa pasik tap, ilod lo aupasek ta afon dukubiani san tia ya.

³ Ak man tia, injsad yai niganag en man ananjar fidian ago digane dop lo injaned aupasek an ilod isou da.

⁴ Man dugo, makau tamol ak in bilelek da sad dar man aupasek ipasi yau san tia ya.

⁵ Fun an ninen saen Kristus tan na ipalu yan Taman irupeig ago ibol,

“Inj on yai digane dupano wo, agod lou kawan ak dupano wo do umoi a.

Ak man tinik ta on gubak mi kubuneg naj panag a.

⁶ On tamolpein nao na dilasa san yai niganag,

agod aupasek isuas san mudan dam ninedi wo bube ta uyan na ya.

⁷ Agog naj nabol, ‘O Anut mala ipalu, naj ebo ya,

nek ibol Anut san ru girek buk lo nineg o ibol ago mi a,

nai man onjane ilobol njigane wo njupalu ya.’ ”

⁸ Aria, malan malan inj ago ibol, “Tamolpein inj on nige wo yai niganag, lou kawan an, mudan tinid fidian dimari dan, agod aupasek san yai niganag digane dan ninedi wo fidian umoi da.” (Gug kubiaen ibol kagin naok an tamolpein ago digane wa.)

⁹ Inj ru awan ibate dag ibol, “Nai ebo ya, naj man onjane ilobol njigane wo njupalu ya.” An lo na inj dal wagam an ipasi yau dugo dal foun ak aben lo igane ya.

¹⁰ Agod ilobol an lo, Jesus Kristus saen kisaek o lian injsen tinin dufuni imat san o Anut ipani a, an lo id gun tilasag tumado da.

¹¹ Nal kisaek kisaek atem pris dumasa dutur pe yai ganek aben na injsinad urat awan saen wei mi digane da. Inj mel mudan naon kisaek an mi nal pempem Anut yai digane pani da. Ak man yai ganek naok an tamolpein sad aupasek ipasi yau san tia ya.

¹² Ak man Kristus nal kisaek mi lo sen tinin Anut ipani a. Kulob an nunon pempem yen da. Saen kulob an igane itout man yaug Anut banin won ak lo imasig imado da. Man dugo, injsan urat itout a.

¹³ Gamu inj mala naok imado yaup saen Anut injsan ager adi dabai amad tia yan injal pe njen paen na idiraip dumado wa.

¹⁴ Man dugo, inj saen kisaek mi sen tinin Anut ipani an lo, tamolpein a gun idirai dilasa dan ikubuniaig itaot mok pempem san dilasa ya.

¹⁵ Awan Urgun dam mel an ninen o ikubiai ipanad go ago ibol,

¹⁶ “Saen an ilasa dop, kontrak en naj Isrel tamolpein lo njigane wa.

Naisag kubiaen an bubedi lo njidiri wak, agod kabunjad lo dam njigire wa.”

¹⁷ Agog inj ru awan ibateg ibol,

“Nai injsad aupasek agod injsad kagin saiak saiak dam ilog isou san tia ya.”

¹⁸ Amaiak ninen o, saen kulob an Anut isuas yau tap, aben ante aupasek san yai niganag taida yen man tia wa.

Tatur dabai san ru kagin

¹⁹ Fun an lo na, teig taog, id Jesus san dar lo Anut san galu Gun Di, Gun Mok an ilon lo tiladu wo tarer san tia ya.

²⁰ Dal a tiladu san an foun, agod kumaen yen yau san a. Yamel an id tiladu san dal ifutani a, ak man Jesus lo yamel an isireig dalawan id ipasi panad a. Yamel an injsen tinin amaiak naon injane ya.

²¹ Agod id pris tubun malan te yak amad da ya, inj Anut anen tamolpein an fidian kagin ipidinai da.

²² Fun uraru an ninen o id Anut sinjiren na ilod sinjakaan mi tau a. Agod idsad ilo rumok idaisuda amaiak ninen o injiliad san o tinid tigane wa. Idsad ilo sou saian saian an tinanep injsan na tau, ago gup Kristus san dar ifurfip idsad ilo sou saian saian an isuas yau pasik a. Agod idsad tinid an you uyan ak lo ifulanip ikok ilasa wa.

²³ Id Anut injiliad pe kumaen panu lo, inj da tumado wak san ilo rumok an ninen tamolpein turupidai dulon dan ta tabip ila iso na wa, tia, tabi sakar pe itaot yen a. Man dugo, Enti a ru ibol panad an, injanen promis ru nunon igane ilasa wa.

²⁴ An ninjen id nug ilo sou tupanip nug tisuusani dop nug ninjen tamat dop urat uyan uyan ak tigane ilasa wa.

²⁵ Aenta ubou leil san kagin sisem dutu-
mani san o dumoi da, ago gug id kagin an
ta tagam tinjane na wa. Tia, an tan suek ru
nug apani wa, Tubun en imul ipalu san Nal
sumeik ipanan o ale dugo, kagin naok ago
yan an lulujan lo agane ilasap tubun a.

²⁶ Id Kristus san ru rumok talon la gug
id aupasek tigane ilasa won dan, id o mel
uyan ak taida yen pe lo idaned aupasek
ipasi yau san tia ya.

²⁷ Tia, tarut tarer dop, lo malad tigane
dop tumado wa, man dugo, Anut san bitinaek
agod yai wananan a inisan ager imiriai
inanai yau san idsad na dam ago ilasa wa.

²⁸ Talpein enti Moses san kubiaen patun
ipani dugo tamol uraru boi, tia utol boi,
inisan kagin an malad nam dile tap, tamolpein
fidian dufuni imat a, agod in ilo
munjanek ta dupani na wa.

²⁹ Amaiak ninjen o dugo, talpein Anut
Nanun yan ipare idu dop, kontrak san
dar a iganeg gun ilasa yan mel kawan ago
ile dop, ilo panek san Ur an awan nam
saian ipani a, ago tap, muruan tubun geig
ak sapta taida Anut ipani wak i?

³⁰ Man dugo, id talon uyan ak talpein
a igo ibol, "Naon panek man naineg a,
nai gubun an nukubune wa." Agod afon,
"Tubun en inanen tamolpein bitinaek lo
idirai a."

³¹ Rumok, Anut kumaen pempem san
banin lo tau tadu tap, an tarut tarer san
mok a.

³² An saen gubak mi lilaman ananeg, an
lo atur sakar dugo muruan funfun tinim
fo ipalu dugo asini na yan, an ilom isou
uyanan a.

³³ Saen aenta lo an malak malak dugu-
nan pe naom dufuteg dumisilanan dop
muruan dupanan se ya. Agod saen aenta
man an aenkadi in luad te dida atumanig,
muruan nek ago mi saian geig ak dupidi-
nai se yan, an dida asini na ya.

³⁴ An tamolpein a subanek ab lo dumado
dan sad na au dop ael se ya. Agod saen
ansam filiam dusu diau dop an ilo uyan lo
mi aelafu on se ya. Man dugo, an alon ak

ananem mel uyanan ak man kumaen panu
lo yen da, an mi pempem yen a.

³⁵ Fun an ninjen o ananem tini ganek Kris-
tus lo yan abal yau amoi. Man dugo, Anut
mel an naon tubun ak ipanan a.

³⁶ An atur sakar on amado dan uyan a.
An lo na Anut san ilo ibol ari dop mel a in
ipanan o ibol an anane wa.

³⁷ Man dugo, Anut ru igo ibol,
"Saen katukan en yau dop, talpein ipalu
wo igo yan ipalu ririan a,
agod in saen ibidani san tia ya.

³⁸ Gug naisag tamol itaot an ilo rumok lo mi
imado wa,
gug in isuk imul tap, naisag nutug lo in o
man ilog ta uyan na wa."

³⁹ Ak man id tamolpein a dusuk dumul pe
daon dijane dan sad tia ya. Tia, id man
tamolpein a ilo lo rumok, an lo inaned nutud
dida kisaek mi dumadop lo daon ta dile na
dan nek ama ya.

11

Ilo rumok lo mi a

¹ Aria, ilo rumok man igo ya, mel a ninjen
o tinid tiganeg tumado dan id talon ak an
ilasa wa, agod mel a ta tile na yan ninjen o
ilod rumok a.

² Ilo rumok an lo tamol wagam dumado
na yan malak malak lo Anut per ipidinai a.

³ Ilo rumok lo mi, id talon ak Anut san
wagin lo mel fidian idirai dilasa ya, an lo
mel tile anen tia yan lo Anut iganeg idirai
dilasa ya.

⁴ Ilo rumok lo mi, Abel Anut yai uyanan
igane pani, agog Kein san irinani a. Inisan
ilo rumok amaiak lo Anut in yan yabisag
tamol itaot ak ibol a. Anut inisan yai ganek
an uyan ipani an lo ikubiai panad, in tamol
itaot a. Agod ilo rumok nek an mi lo, gidad
in imat la bo man, gamu id ru irupaiad on
da.

⁵ Ilo rumok lo mi, Anut Inok tan en lo
ipasig kumaen panu na inane yau, an lo
mater ta ile na ya. Agog Enok naon tan en
lo ta dile na ya, man dugo, Anut inane yau
a. Gamugo inane yau se man, Anut in o ilo
uyan yen dan ago irupidai a.

⁶ Rumok, ilo rumok a tia man Anut ilo
uyan pani san ta idaisuda na ya. Man
dugo, talpein enti Anut sinjiren na yau o

dop, malan malan mi Anut imado on dan o ilon rumok a, agod insen amaiak talpein in o aban ile dan naon ipani wa.

⁷ Ilo rumok lo mi, Noa Anut san ru kagin panek ilon a, an lo gidad mel an ta yil na ya, ak man Anut san awan aban an irig kagin ipani dugo wog tubun geig ak ifoug, ate inanen tamolpein ibinawai a. In ago igane an lo tan san tamolpein patud ipidinaig inaned aupasek iganeg walal te ilasa ya, agod ilo itaot an man ilo rumok igane ilasa dan anen muroun ilasa ya.

⁸ Ilo rumok lo mi, Abraham Anut san wagin ilon go inanen panu ibiseig tan foun an san muroun ilasap imado wan ate Anut ikubiai panig yau a. In gidad tan an ta ilon na yak gug Anut awan irig ate yau a.

⁹ Ilo rumok lo mi, in tan a Anut ipani wo irupeie ante yaug san muroudi sinired na dida dumado ya, nek ibol tamol gol imado won a. Aisak in nanun Jakob da nek dal kisaek an mi lo Anut san promis dam diabi a. Agog in Aisak Jakob da sisem sel ab lo dumado na ya.

¹⁰ Man dugo, in ilo isou imug iganeg yau dan, taun tubun ak lo bag ila iso san tia yan te yau o da. Taun an san ab susek tamol man Anut mi a.

¹¹ Ilo rumok lo mi, Abraham gidad tubun bagen dilasa pasik go Sara dam niganig, ak man Anut Abraham nanuk foun ak taman ilasa san o dabai ipani a. Man dugo, Abraham san ilo rumok igo ya, enti a promis ipani an san ninen an kagin ipani wa.

¹² Amaiak ninen o tamol a kisaek lo mi, amaiak imat o igane bo man, in tubun bagen dilasag ibol patui lak na teil dak igo, agod lon na lul igo won a. Ago man tusuti san tia ya.

¹³ Tamol en fidian ilo rumok lo dumado yaug dumat a. In Anut anen promis ru irupidai an nunon ta dinane na ya. Tia, in ibol asau mi dutur dugo malad yaug dile dugo an ninen o ilodi uyanan ak igo ya. Agod tan en lo in nek ibol tamol gol boi, tia, tamol naod senamo boi, igo won dubol dugo dumado na ya.

¹⁴ Tamolpein ru ago dubol man kuai tem dukubiai panad ak insiganed panu foun ta ninen o aban dile da.

¹⁵ In tan a dubusei la yan ninen o ilod isou ak man saen idaisuda yen dan lo in ka dumul diau a.

¹⁶ Ak man tia, in tan senamo ta a dibisei la yan irinani dan ninen o dumat da, an man kumaen panu san mi a. Amaiak ninen o Anut tamolpein a in ninen o insad Anut ago dubol dan, in ninedi wo miai ta ifuni na da. Man dugo, inaned taun tubun ak ta ikubuneg yen da.

¹⁷ Ilo rumok lo mi, Anut Abraham bitinaek lo igane dugo Abraham Anut awan yabig, nanun Aisak yai igane pani a. Tamol en in Anut san promis inane yak gug, in nanun kisaek mok an Anut yai igane pani wo igane da.

¹⁸ Ak man nanuk an ninen o Anut Abraham irupeig ago ibol, "Nai Aisak kob nupani an lo in tinin lo gup, onane bage murou sad dar wei mi dilasa wa."

¹⁹ Abraham in ilon lo Anut Aisak matein lo ifufuni yabisa wak ago ibol a. Ago yak ninen o id mitilaen an ninen ago tabol, Abraham nanun Aisak matein lo inane da ya.

²⁰ Ilo rumok lo mi, mel a murna dilasap dinane wan ninedi wo Aisak bar Jakob in Esau da ipidinai a.

²¹ Ilo rumok lo mi, Jakob imat o dugo Josef nanun muroun kisaek kisaek bar ipidinai a. Insinanen makud fo kabunan isoluwig igudani a.

²² Ilo rumok lo mi, Josef san saen wadan sumeik ipani dugo Isrel tamolpein saen a in Igipta tan dubuseip dilasa san ninen o inanen tatu an dugon te digane wak san ru kagin irupidai a.

²³ Ilo rumok lo mi, Moses ilasag saen katuk imado gug tinan taman dinane diaug dimianig kalam utol imado ya. Man dugo, in dile yak man malad lo uyanan mok a, agod kin san ru dabai anda yan ninen o dam ta direr na ya.

²⁴ Ilo rumok lo mi, Moses saen tamol igane man in Farou nanun pein san nanuk ago dubol man imoi a.

²⁵ In gidad Anut anen tamolpein dadi Igipta paed na muruan isini wo igane ya. In tan na saen katuk an mi aupasek igane dop sen ifutuwi man imoi a.

²⁶ Inj misilanek Kristus yanjan ninjen o ile man Igipta sad bala filian an fidian irinjani pasik an ibol a. Man dugo, injsan ilo isou imug yau an lo injsan urat naon ile ya.

²⁷ Ilo rumok lo mi, kinj san tinjae saiak o ta irer nag Igipta ibiseig yau. Man dugo, enti a id tile wan tia yan inj ile yak igo an lo itur sakar na ya.

²⁸ Ilo rumok lo mi, inj Pasova nal an san kulob an yabituani dugo dar ifurfi a, an lo enjel ager san ta Isrel sad nanuk matu ak irinjani dugo yang Igipta sadi an mi ifu dumat a.

²⁹ Ilo rumok lo mi, Isrel adi beig daran ak titinjaem dudug ibol tan aten igos ak ate diau wonj a, ago gug Igipta adi nek dal kisaek an mi lo digane wo dugo disarir dudu diaug you duluk go dumat a.

³⁰ Ilo rumok lo mi, Jeriko panu san ar pat nam dufou itilani an, nal 7 Isrel adi ditilianig ditor an lo ar an sen ibilani yau idu ya.

³¹ Ilo rumok lo mi, jeit pein Rahab, ilo maror lo abanj leil tamol adi uyan ipidinai an ninjen o, panu an san awa parsisalek adi luad te ta dufuni imat na ya.

³² Agod gamu fon naj dugo njabol ak i? Naj Gidion, Barak, Samson, Jepta, Dawid, Samuel agod profet adi dam ninjedi wo njabol san saen tia ya.

³³ Tamolpein amaiak inj Anut ilod lo rumok a. An lo na inj kinj aenta dibiai dudu dak, aenta tamolpein kagin dipidinai dak, agod aenta inj Anut mel ipidinai o ibol an dijanane da. Aenta injaned ilo rumok an lo na inj laion awad dufutani da.

³⁴ Aenta yai balen tubun mi ided dan digane imat dak, aenta dusol dop sabiri nam dufu dumat san tia ya. Ilo rumok an lo, aenta inj dabai amad tia bo man dabai dijanep, yu lo injaned ager aben senamo ak san an dibiai dudu se ya.

³⁵ Pein injaned nanuk dumat an ilo rumok lo profet injaned nanuk an ifufunai dimasag dijanane ya. Aenta dufu malad dusue yan malak malak sed kuai te idirai dilasa man dumoi a, man dugo, mitep matej aben lo dumasa gup madok uyanan ak injsad turen tan en lo irinjani an dile wa.

³⁶ Aenta kukok ad digane dugo, aenta dusukutai dugo, aenta sein nam banidi dususeg diriai subanek ab lo diau a.

³⁷ Aenta pat nam dufu dumat dugo, aenta soa nam dututeg ananaem dilasa dugo, aenta bainat nam dufu dumat. Ilo rumok tamolpein an bilelek sunjalon an tinid nam dubuluwig dutor da, inj melmel ad tia agog tamolpein saian dupidinai dugo malad dusue na ya.

³⁸ Ilo rumok tamolpein an aben igosan ak lo, did lo gidigidad dutor dugo, gib did fun te agod gib tan ilon lo an lo njonj diabi se ya. Tan en san tamolpein dida dumado san ta idaisuda na ya.

³⁹ Tamolpein an fidian injaned ilo rumok ninjen o Anut per ipidinai a. Ago igane bo man injsad kisaek ta Anut promis ru ibol an lo mel an ta injane man tia ya.

⁴⁰ Man dugo, wagam mok Anut mel ta nen uyanan ak idsad saen an lo ilasa wan ile ya. An man tamolpein an id tia yak man itaot dilasa san tia ya, tia, inj id da sisem itaot tilasa wa.

12

Anut injsan nanun muroun bu ipidinai da

¹ Fun an ninjen o ilo rumok tamolpein adi dumat la yan nek ibol doup malan tubun ak ta dilasap kukok dile dak ago id ditilianad dulubanad go dutur da. An lo id injsad kagin dutur sakar san an tagam a. Fun an ninjen o id muruan inj aupasek da tinid lo ibiagatad go yen dan fidian tabi yau a. Ago dop id ilod kisaek sed dabai ipanad pe dal an fo Anut tom idiri panad an lo mi tumaspalup taup tom wadan an fo tisida wa.

² Id fidian malad yaup Jesus tile, inj mi idsad ilo rumok fun a, agod murnap inj mi idsad ilo rumok an iganep itaot mok ilasa wa. Inj aigim an san muruan ileg an patun ta ipani na ya. Tia, inj murnap Anut ilo uyan tubun mi ipani wan ninjen o aigim san miai an man mel kabelan igo wonj ile ya. Ago yak ninjen o gamu inj Anut banin won ak ate yanjak tubun ak injaneg imado da.

³ Ilom isou uyanan, aupasek adi dumisilani dop muruan funfun tinin fo digane se ya, ago yak man inj itur sakar a. An ninjen o kabelan anj ilom iyalis dop ilom idu banau.

⁴ Rumok, anŝam aupasek an da nug afuni da, ak man wagai agane dan lo anŝam dar an gamugo ikulmaek da.

⁵ Agod en dugo, an Anut ru kagin a irupian na yan lo inŝan nanun muroun ago ibol an ilom injaon di?

“Nai nanug, Tubun en bu ipano dan kabelan mel kawan ubol banau, agod an ninen o on ilo idu umoi.

Man on mel gane saian amaiak ninen o naon bu ipano da.

⁶ Man dugo, Tubun en in talpein ninen o imat mok dan ru kagin irupeidak, agod talpein a in nanun muroun ago won injal dan bu ipidinai da.”

⁷ Kagin ipitenanan san ninen o muruan lo atur sakar a. In ago igane dan lo inŝan nanun muroun ago won kagin ipanan da. En dugo, nanuk ta lulunad lo imado dan inŝan taman bu ta ipani na i? Man tia geiga.

⁸ An ninen an Anut bu ta ipanan dop man, an inŝan nanun muroun tia ya, tia, an man jeit kagin san nanuk mi igo won a.

⁹ Fon taida mi, id fidian tamad muroud bu dupanad da, agod id an ninen o ilod ta saian da. Tia, kulob amaiak ninen o id inaned awadi turi da. Ak an ago tap, id dam idsad ur san Tamad an awan paen na tumado dop an lo kumaen tumado wa.

¹⁰ Inŝed ilod ibol ak lo saen katukan en lo mi bu dupanad da. Ak man Anut id ibinawad uyanan san ninen o mi bu ipanad da, man dugo, nek ibol in gun imado dak ago mi id dam gun tilasa wa.

¹¹ Talpein bu inane dak saen an lo in madai ilon da, an man sinjaoan tia ya. Ak man mite dugup amaiak tamolpein an kagin a lo dal ipitenanai la yan ilod lo nunon igane ilasa da. Nunon an man ilod itaot a, agod ilo maror amad da wa.

¹² Amaiak ninen o an banimi imagor dan abisa wa, agod turumi dabai tia yan dabai apani wa.

¹³ Niemi aten san dal itaot an akubune wa. An lo an niemi akupakip on ator dan san batek an ta ifurati na wa, tia, niemi an uyan ilasa wa.

¹⁴ An tamolpein fidian dadi ilom kisaek san maror lo mi amado ator, an ninen o dabai agane wa. Agod gun alasa wo an dam yaes ifunan a. Talpein enti ago ta igane na tap, Tubun en ile san tia wa.

¹⁵ Kagin agane, kabelan talpein ta an lulunam lo Anut anen ilo panek ipanan an yabigule banau. Kabelan talpein ta, dulun gigen ak igo an lulunam lo isap, an lo talpein fidian bubed igane saian banau.

¹⁶ Talpein ta jeit kagin ta igane na wa. Tia, ta ibol Esau igane ago Anut awan ta iparsisali na wa. In anan kabelan a tein bakan ak san na inane yan ninen o inanen nanuk matu ak san bar ibidani yau a, kabelan an dam nek ago mi Anut patum apani banau.

¹⁷ Man dugo an alon ak, murna gug inanen matu san bar a ibidani yau an fon inane wo igane ya, ak man Anut patun ipani a. Ago dugo in tinar igane bo man ilon ibileksa san dal ta ile man tia ya.

¹⁸ Ak man nek ibol Isrel sad tubud adi did Sinai na dile yak igo won mel naok en an ta sumeik apani na da: did a diabi dile o Anut naod ifutani an, yai balen tubun mi imasa dan, tidom tubun geig an, duwadau ifure dan,

¹⁹ tour ilinan dan, agod awak ta man tamolpein a dulon an ru taida irupidai imoi o ago dumosiai an, mel naok ago yan sad na an ta apalu na da.

²⁰ Man dugo, ru kubiaen a ibol ilasa yan kududod lo madai ipidinai saian mok a. Agod ibol, “Gidad mel mudan ta did en yabi ile tap, pat nam afunip imat a.”

²¹ Rumok, aban a ile yan san naon man urer san mok igo ya, an lo Moses ago ibol, “Nai narut go narer saian mok da.”

²² Gug an did Saion fo na apalu ya, Anut kumaen imado dan san panu Jerusalem o keit lak na yen dan lo apalu ya, agod aben an lo man enel malan tubun pempem yousai lo mi dumado da.

²³ An Anut san nanuk matu matu ak yanad buk lo igireg yen dan sad midan in ilon lo aladu ya. An Anut a tamolpein fidian sad bitinaek tamol an san na apalu ya, agod tamol itaot ak sad ur Anut idiraig itaot mok dilasa yan dam sad na apalu ya.

An Anut awan ta aparsisali san ru kagin

²⁴ Anj dam Jesus san na apalu ya. Injen amaiak kontrak foun ak san titinæ tamol igo ya. Abel san dar in naon panek o Anut iwagin a, ak man Jesus san dar a dufurfi an lo Anut san ilo panek o iwagin da, nek dar amaiak lo injsan na apalu ya.

²⁵ Kagin agane, enti in inijen dop awan ta aparsisali na wa. Tamol a tan en lo ru kagin irupidai dugo awan duparsisali na yan lo, muruan an dirinani man tia ya. Aria, Enti a kumaen panu lo imado dugo ru kagin irupaiad dan, id injsan awan tiparsisali tap, tasol tau san tia geig a.

²⁶ Saen Anut did Sinai fo idu yan lo injsan wagin tan iganeg itugurer a. Ak man gamu in promis ru igo ibol, “Nai afon nal kisaek taida mi tan en nuguri wa, tan mi tia, tia, mel fidian lak na agod tan en dam sisem nuguri wa.”

²⁷ Ru a “afon nal kisaek taida mi” an fun man, mel a iguri an ipasai yau a. An man mel a fidian fun lo idirai dilasa yan itout yau pasik a. An lo melmel a talpein ta iguri san tia yan ibisawaip pempem dien a.

²⁸ Amaiak ninen o id aban a tamol ta iguri san tia yan ilon lo idsad kin kagin ipanad dan tinane ya. An ninen o id ilod uyanan a. Agod id kagin tiganep tarut dop ubou a Anut ilo uyan tupani san an mi tile wa.

²⁹ Man dugo, idsad Anut man ibol yai balen ided pe mel fidian inantiti yau dak igo ya.

13

Ru kagin san wadan

¹ Anj kisaek kisaek pempem teim taom igo wonj nug ninen o amat a.

² Anj tamolpein asau ak anjal ansam ab lo apalu san ta ilom injaon na wa. Man dugo, wagam tamolpein ta kagin an digane dan lo enel injsad ab lo kagin dupidinai uyanan gug ta dulon na ya.

³ Anj ilo rumok tamolpein a, subanek lo dumado dan ilom isou dop amado wa, nek ibol anj dam dadi subanek ab lo amado dak igo wonj a. Tamolpein a aenta saian dupidinai dan, an dam ilom isou wa, nek ibol ansem injsad muruan asini dak igo wonj ago abinawai a.

⁴ Nug iwon njanek lulunam lo man gun ilasa wa, nug iwon njanek san badim an nun aman tia wa. Man dugo, Anut jeit adi in talpein a nug iwon njanek malan dusue dam bitinaek lo idirai a.

⁵ Anjanem turenj lo moni ninen o yaes ta ifunanj na wa. Anj mel dugon am da yan, nek an idaisuda yak igo ilom isou wa. Man dugo, Anut wagam ago ibol, “Onj tini gane panag tap, naj onj patug ta njupano na wa, agod onj nibisawo san tia wa.”

⁶ Fun amaiak ninen o, ru e id tabol ilasa den man ru rumok a,

“Tubun en man naisag binawek, an ninen o mel ta wo naj ta njarer na wa. Dugo, tamol ta mel ta lo dam naj ifunag san idaisuda yak i?”

⁷ Anjanem gurman Anut anen ru durupaijan na yan ilom isou. Injsad kagin naok naok san nunon uyanan kuai isi a, an mi ilom isou wa. Agod injsad ilo rumok anj dam anjanep abi wa.

⁸ Jesus Kristus ta ibiliso ibilila na wa. Tia, wagam mi, gamu en, agod pempem mi dam nek ago mi imado yau a.

⁹ Pitenjanek funfun a, agod pitenjanek naon sen ak san dam lo anj ilom inane dop adeg au banau, an amoi. Mel ta ilod dabai ipani san man Anut anen ilo panek mi a. Id ananj dugon tani san ru kubiaen funfun lo bubed dabai ipanad san tia ya, agod tamolpein a ananj san geg duri dupani dan, inj dam ibinawai san man tia ya.

¹⁰ Id ilo rumok tamolpein alta amad da ya, an fo man talpein a Juda sad ubou ab lo urat digane dan, ananj dinjanep diani san man Anut kob ta ipidinai na ya.

¹¹ Man dugo, nek ibol mel mudan san dar pris gurman banin lo injaneg aupasek isuas yau o galun Gun Di, Gun Mok ak lo iladu yau a, ago gug inanen tinin panu patun fo dumari igo wonj,

¹² nek ago mi Jesus dam, injsinanen dar nam tamolpein gun idirai dilasa wo panu san dalawan patun fo madai ile ya.

¹³ Amaiak ninen o id dam panu en tibi-seip kuai te tilasap misilane in isini an id dam tisini wa.

¹⁴ Man dugo, tan en lo man id panu ta saen milaen mok yen dak tile man tia ya,

an niŋen o id panu a pempem yen amaiak aban an tile dop tumado da.

¹⁵ Amaiak niŋen o Jesus lo, id pempem Anut per tupani wa, an idsad yai ganek Anut tupani dak igo ya. An man awad a inŋsan yaŋan niŋen o tabol ilasa dan san nuŋon rumok ak mi a.

¹⁶ An kulob uyan uyan a agane dan, agod tamolpein aenta abinawai o ilom ta inŋaon na wa. Man ata wo, yai ganek naok ago yak Anut niŋen o imat mok da.

¹⁷ Ananem gurman awad paen na amado dop inŋ dubol ago agane. Inŋ an ŋutumi kagin dupani da, ago dop murnap Anut inŋ urat dugon digane an naon sumiaek lo idiraip nuŋon ile ilon a. An inŋ awad paen na amado tap man, inŋ yousai lo mi urat digane wa. Kabelan an muruan apidinai banau, man dugo, an ta ibinawan na wa.

¹⁸ An maŋ niŋema wo Bai Anut agudani wa. Man ata wo, maŋ mukubiani dak maŋanem ilo girek an Anut malan lo itaot a, agod mel fidian lo kagin uyanan ak mi migane wak ago iloma lo yen da.

¹⁹ Nai an tubun mi ago agane wo ŋususunan an da, an lo Anut ririan ŋai idinag pe anŋsam na ŋupalu da wa.

²⁰ Aria, maror san Anut amaiak, kontrak pempem san an san dar lo, bilelek sad titianek malan te yan, Jesus idsad Tubun en, maten lo ifufunig yabisa da yan,

²¹ yu san bioun uyan uyan ak urat lo dabai ipanan san an fidian ipanan a, an lo na inŋanen ilobol agane itaot a. Ago dop mel dugon inŋsan malan lo ilo uyan ipani dan an ilom lo igane ilasa wa. An man Jesus Kristus san dabai lo igane ilasa wa, inŋanen yaŋan dam id pempem tabisa wa.

²² Teig taog, tok abol pe amado dop kududom agurep ru kagin en alon uyan o ŋusumianan da, man dugo, ru en katukan mi ŋigire ya.

²³ Id teid Timoti subanek lo dupasi amaiak da alon o ŋabol da. An niŋen o inŋ ipalu kisaek dop man niŋanep da mupalup milian a.

²⁴ Maŋanema ilo uyan ru ananem gurman adi, ilo rumok adi aenta dam arupidai dop dulon a. Ago dugo tamol ensauta Itali na

dupalu yan, dam inŋaned ilo uyan ru anŋsam na digane ipalu ya.

²⁵ Bai Anut anen ilo panek an da pempem amado wa. Rumok.

Jems

¹ Nai Jems, Anut inanen urat tamol, agod Tubun en Jesus Kristus san dam mi a. Ilo uyan Anut san gugoi 12 tan gidigheid lo dumado den sad na girek en niganeyau da.

Kubianek id dabai ipanad da

² O teig muroug, muruan naon dugo dugo yak asini dop ilom uyan on a.

³ Man dugo, an alon ak saen an sam ilo rumok kubianek lo digane dan san nunon ilom lo igane ilasa dop lo atur sakar pe muruan asini san a.

⁴ Dabai agane dop an sam kagin uyanan an, nunon uyan uyan ak ilom lo igane ilasa wa, an lo an sam ilo rumok idaisuda geig a. Agop fun an lo an itaot atur ak, Anut san kagin kisaek ta lo adu san tia geig a.

Tamol manau tia dop igudani wa

⁵ An lulunam lo ta in manau uyan ak lo katukan tap, Anut isumiani dop in an ipani wa. Man dugo, Anut tamolpein fidian in dugudani den lo melmel uyanan ak ipidinai da. In dam tamolpein dusumiani dan ta ipidai na da.

⁶ Ak man in buben fidian Anut mi ipani dop igudani wa, man dugo, tamol buben raru raru den in san ilon nek ibol tim beig ifunip beig yau imul on dak igo ya.

⁷ Tamol naok ago man Tubun en mel ipani wak ago ilon ta isou na wa.

⁸ In ilon gidigheid yau dak, in san kagin fidian dam lo, dal kisaek ta iri na da.

Tamol yanad tia, tamol filiad da yak sad ru kagin

⁹ Kris tamol ta in yan an tia man ilon ka uyan a, man dugo, murnap Anut yabisap yanak tubun ak ipani wa.

¹⁰ Kris tamol ta in melmel wei mi aman da man dam ka ilon uyan a, man dugo, murnap in nek ibol tamol yan an tia yak ilasa won a. Anut in tamol filian anda yak aben tan en lo malan te yak ibisei san ago igane wa, nek ibol garan san ai bob an ilasad itapas yau kisaek on dak ago mi a.

¹¹ Id talon ak, ad tubun idu dan ad luon sakar ak ilasa da. Saen an ai rouk fidian imagar yau dop sad bob ad itapas yau pe

leil lo dam uyan tia ya. Nek ago mi tamol in filian aman da yak in san urat fidian igane yan yabi idup yen dop ibisei yau a.

Kubianek san fun

¹² Tamol in itur sakar pe, ate suek lo muruan isini tap in dam ka ilon uyan a. In ate suek an in in an pasik tap, Anut in murnap naon madok pempem san ipani wa, madok an kumaen panu lo yen da. Anut wagam ibol la ya, tamol in ilon ipani mok tap in kumaen imadop milaen a, an itout san tia ya.

¹³ Tamol ta ate suek lo idu dop igo ta ibol na wa, "Anut ateg isue da." Man dugo, aupasek Anut lo ta ipalu na da, agod Anut dam in tamol aupasek lo ta idirai na da.

¹⁴ Tamol kisaek kisaek aupasek lo diau dudu dan san fun man, in siganed ilo saiak an ilod in anep aupasek digane da.

¹⁵ Agop in san buben imasa yan yaup nunon aupasek ilasa da, aupasek an yaup tubun mi ilasa dop maten ile wa.

¹⁶ Ago yak ninen o, nai teig muroug, mel en ale dop ninen o sem ta irawan na wa.

¹⁷ Melmel fidian uyanan in kagin fidian itaot ak da sad fudi man lak na dien da, Tamad in an idirai idsad na dudu ya. Patui keit lo dided dumat da. Ak man id Tamad man ago tia ya, in lilaman san, agog dam ta ibilso ibilila na da. In lo man tidom tia, pempem itaot ago mi imado da.

¹⁸ In sen ilon ibol go, in san ru rumok an lo, id idiradsig in anen nanuk mok tilasa ya. Ago dugo Anut san melmel igane yan lulunad lo id imug tilasa ya. Nek ibol ai ta malan malan nunon ifu dak igo won a.

Ulon dop gane

¹⁹ Nai teig muroug, an ru kagin en alon uyan. An fidian kududom agurep ru alon uyanan, ilo isou agane gup ru abol a, agod tin aem dam ta saian kisaek on na wa.

²⁰ Fun dugo, tamol san tin ae saiak an Anut san kagin uyan ta igane ilasa na da.

²¹ Ago yak ninen o an sam kagin saiak saiak fidian, an sam aupasek san naok naok fidian abiau dop sem ibian adup Anut san ru a bubem lo yen den ilom isoup ari wa, man dugo, ru an in dabai anda, an lo murnap maten san saen lo nutum ka ibinawi wa.

²² Ru an kawan ta alon on na wa, alon dop nunon dam agane kisaek a. An kawan alon on tap, sem irawan da.

²³ Tamol ru ilon on dop ta iri na tap, insen naon tig lo ile igo won a.

²⁴ Insen mitilaen ile wo uyan gup yau a. Ago gug insen naon dugo yan ilon inon kisaek on a.

²⁵ Ak man kubiaen Kristus awan lo ilasa yan itaotan geig, agod kubiaen en subanek lo ipasad tilasag kawan tumado da. Enti kubiaen an tig igo won lo naon ilep lo Kristus awan iri dop man, bar inane wa. Gug in kubiaen an kawan ta iri na wa, tia, Kristus awan ilon gup iri uyanan o maeg igane wa. In Kristus awan ilon pe ilon inon kisaek on san tia ya, tia, in awan ilon gup ilon san nunon an itaot fo mi igane ilasa wa. Tamol naok an Anut san bar inane wa.

²⁶ Tamol in ilo isou lo in Anut san tamol ibol dak pempem igudani dak man awan kagin ta ipani na dan insan ilo rumok an kawan a, an lo insen irawi da. Agog insan ubou leil an dam kawan a.

²⁷ Ubou san kagin ikok agod uyanan da Bai Anut malan lo man igo ya: nanuk bigabeg, pein suos, kaginad tigane dop insad muruan lo tibinawai a, agod tan en san kagin tile dop bubed ta igane saian na wa.

2

Id tamol yan tian na ta tabi idu na wa

¹ Nai teig muroug an idsad Tubun ak Jesus Kristus, kumaen panu san gurman an ilom lo rumok, ago tap man tamolpein yanad anda yak mi kagin ta apidinai na wa, tia, tamol saiak saiak adi dam kagin apidinai a.

² Tamol ta damag uyan uyan ak idirip an sam ubou ab lo ipalu dop, tamol ta bioung saiak saiak ak idirip dam ipalu wa.

³ On tamol bioung uyan uyan ak idiri an kagin pani wo uyan pe in rupei, "Aben uyanan en nanep masi," ago dop tamol neinta an rupei, "Ago ila utur, tia dop igo tan na njeg fun na masi."

⁴ An kagin ago agane tap, an lulum lo biatitek agane da. An gurman on alasag an saganem ilo saiak saiak lo abititai da.

⁵ Alon, nai teig muroug, Anut tamolpein yanad tan en lo tian yan yanad inane wa, agod in ilo rumok lo idaisuda yan ipilianai la ya, an lo Anut dam san madok aben lo filian fidian ipidinai a. Man dugo, fidian enti in ninedi wo imat den, Anut promis ipidinai ak ago igane wa.

⁶ Ak man an tamol melmel ad tian yan abiai dudu da. An alon ak tamol melmel wei mi ad da yan an dibian adu dop muruan dupanan da. Insed mi dinilian pe gurman naod na atur a.

⁷ Insed mi Kristus san yan an uyanan ipanan go, lo digian se yan lo, ru saiak saiak dubol ilasa da.

⁸ Anut san girek lo kubiaen malan te yen dan lo igo ibol, "Onse nina wo umat dak ago mi, tei murou sinire na dam ninedi wo umat a." On an rumok uri tap, an nek uyanan mi a.

⁹ Go an aenta ael saiadi dop, an au apas da, an lo kubiaen ibol ago an kubiaen malan asue ya.

¹⁰ Tamol ta kubiaen fidian iri uyan dugo kisaek ipitini tap in kubiaen fidian ipitini mok a.

¹¹ An san fun man igo won. Anut ibol, "Tamol ta sen turan san iwon da aupasek ta digane na wa." Agog in fon ibol da, "Tamol ta fini imat na wa." On kubiaen kisaek an uri dop, turan ta lo tamol funi imat tap, on kubiaen fidian pitini a. Man dugo, Anut insen kubiaen an fidian ibol dilasa ya.

¹² An dugo aninon dop kagin agane wak i? Alon uyan, saen Anut id bitinaek lo idirad an, in malan ipalug turad bubed tupidinai dop iliad o malan ipalu da. Nek fun an ninen o, onsa madok lo kagin ganep mado tap, ilo panek san dal uri wa.

¹³ Saen Anut bitinaek lo idirad dop, talpein a aenta ilon ta imunanai na yan, Anut talpein an ilon ta imunanai na wa. Ilo munanek an tubun kasik, an ninen o on Anut ibio udu wo umoi tap, aenta ilo imunanai mok a.

Kagin naok naok en ilo rumok san nunon mok

¹⁴ Nai teig muroug, tamol ta in ibol, nai ilog lo rumok a. Ago ibol ak gug, insan ilo rumok an inanen naok naok lo yan nunon

tia ya. Ak dugo, inſan ilo rumok nuſon an tia yan ka ibinawi wak i? Man tia geig a.

¹⁵ Isop tei murou boi, lu murou boi, in tinid san biouſ, tia, agod anan diani san dam tia tap man,

¹⁶ on melmel anan boi, biouſ direk san boi, an in lo tia yak ta pidinai na, ago gug rupidaig ubol, “Awo, an ilom maror anda amado. Ilom isoup kulos wananan san ak adiri gup, anan tubun mok ani wa.” Kagin an ta uyan na, agod nuſon an tia ya.

¹⁷ Nek ago mi, ilo rumok kawan yen dop inanen naok naok lo nuſon tia tap, ilo rumok an imat a.

¹⁸ Ak man tamol ta in igo ibol, “On igo rumok ama da, gug nai kagin naok naok uyan ak amag da ya.”

Naisag ru naon man igo, “Onsa ilo rumok a kagin naok naok an tia yan kubiai dop nile. Ago dop, nai kagin naok naok uyan ak ngigane dan lo naisag ilo rumok nkubiai dop ule wa.”

¹⁹ On Anut kisaek mok an ninen o ilo rumok di? Uyan a, ak man an ta idaisuda na ya. Nek ago mi ur saiak saiak dam ilo rumok lo Anut kisaek dubol go dirut direr da.

²⁰ On burau tamol! On dag nai nkubiai dop ule o boi, ilo rumok naok an nuſon tia kawan i?

²¹ Wagam en dugo won Anut in malan lo id tubud baged Abraham iganeg itaot ilasa yak i? Abraham inſiganen kagin naok naok lo inanen nanun ifuni imat pe utut fo imarip Anut ilo uyan ipani wo ago igane ya.

²² On ule, inſan ilo rumok in kagin naok naok da sisem urat digane kisaek da. Inſan kagin naok naok an lo inſan ilo rumok ilasa sinjaokan a.

²³ Agog dal an lo ru a girek lo yen dan rumok ilasag ibol, “Abraham in Anut mi ilon lo rumok a, agog inſan ilo rumok an Anut ileg ibol, in tamol itaot a.” Ago yak ninen o Anut ibol, “Abraham in naisag turag mok.”

²⁴ On ule yak, an inſiganen kagin naok naok amaiak lo man in Anut malan lo tamol itaot ilasa ya. An inſiganen ilo rumok lo mi tia ya.

²⁵ Nek ago mi dal san pein Rahab in dam Anut malan lo inſiganen kagin naok naok lo itaot ilasa ya. Inſen mi ru sinek san tamol ilo uyan ipidinaig idinaig dal senamo lo dusol go diau a.

²⁶ Ago yak ninen o tinid ur an tia man imat a, nek ago mi, ilo rumok urat an tia yan dam imat a.

3

Bale tirni wo uyan a

¹ Nai teig muroug an wei mi girek manau ta alasa na wa. An alon ak man girek manau man aenta luluſad lo Anut san bitinaek dabai mok ak lo mumado wa.

² Id fidian aupasek funfun tigane da. Tamol ta in ninen lo aupasek ta igane na den, in itaotan, agog inſen tinin fidian dam ka iturni wa.

³ Saen id bafolo nudun lo kam nanun tiganep tirae tap, bafolo tinin fidian mi itilanip njed abad iri wa.

⁴ Tia dop, wog tubun ak ilom isou. Gidad tim tubun ak ifurep wog an ididip yau a, agod wog an dam tubun mok, gug fei nanunan an nam unbek tamol mi, in ka wog dugo yau o imat dan igirip ago yau a.

⁵ Baled dam nek ago mi, sen ka nanunan a, ak man in dabai a, in ka melmel tutubun ak igane ilasa wa. Yai balen nanunan ak ka imasap dagui tubun ak igane inani yau a.

⁶ Id baled dam yai on a, in tinid san boi luluſad lo kagin sisaiak sad gurman imado da. Baled an kagin saiak saiak funfun igane ilasa da. In iganep tinid ilon fidian nun ipani da. Ago iganep tinid san kagin yai wananan on a, agop idsad turen ilasa saian da. Agod Ades san yai amaiak baled lo yai igane ilasa da.

⁷ Tamol in ka melmel funfun itirnai a, agog wei mi kagin ipidinai la ya. Anakanak, bor kasik, goun kasik, kusen funfun agog beig lo fon da mi a.

⁸ Ak man tamol ta inſen balen itirni san tia ya. Balen yaes ta ibal na da, ru saiak saiak ibol yau won da. Inſan balen dam ibol mot wagai ak on, agod inſan dabai tubun mok an lo tamol ka iginiai dumat a.

⁹ Id baled lo idsiganed Bai Tubud tabol dan yanjan tabisa da, ago gug afon idsiganed teid taod tupudai saian da. Gug teid taod an Anut idirai dilasag ibol inſen ago mi woſ a.

¹⁰ Ru ilo uyan san in ru saiak saiak da sisem awak kisaek lo mi dilasa da. Nai teig taog, kagin an ta mok ilasa na wa.

¹¹ Ka you ibanaip dal kisaek lo mi, gigen in bulbal da dilasa wak i?

¹² Nek ago mi papai ka anar lo ilasa wak i? Aria, ka woi lo fud ilasa wak i? Nek ago mi beig lo you mok tinane san tia ya.

Maſau uyan Anut san na idu ya

¹³ Enti an lulunam lo in kankan milaen anda, agod maſau uyan anda yak i? Tamol ago tap, inſan madok uyan ak lo sen ikubiai dop tile wa. Inſan kankan milaen an nuſon tap, san nuſon man mos kagin. Ago tap, mos kagin an lo urat sensen igane dop tile wa.

¹⁴ Ak man an turak lo aenta eil saian dugo, nai-nai kagin lo yanjan tubun ilasa wo agane da. Aria, kagin an bubem inaneſute tap, se pitianoſ ru ta abol na wa. Kabelan sem irawan dop ru rumok san aben lo ru sewak agane banau.

¹⁵ Kankan milaen naok ago yan sewak a. An kumaen panu lo ta idu na ya. Tia, kankan an tan en san, an Urgun san tia, an ur saiak san mi a.

¹⁶ Man dugo, aben a ate turak susai agod nai-nai kagin dien dan, ante dam aban pitiſinek san kagin, agod kagin sisaiak fidian dien da.

¹⁷ Ak man kankan milaen a lak na yak idu yan man igo ya: inſan ilo isou fidian man ikok, in tamol maror igansi san, in tamol mos an, in ilon dabai an tia ya, ilo muſanek tinaſ, inſan kagin nuſon uyan uyan ak mi, in kagin kisaek ak mi iwae dak, agod ru rumok san a.

¹⁸ Tamol a maror digansi dan, maror lo sad ai patun dupae yan, sad urat san nuſon man in tamolpein didiraip Anut malan lo itaot dilasa wa.

4

Anut mi awan wabi wa

¹ Fun ata mel niſen o an lulunam lo wagai agane dugo nug apeſ adiri di? Bube imasa

san kagin an kisaek kisaek ilom lo yen da, agog an tinim ilon fidian lo wagai igane dugo mel ta niſen o amat den dam anane wo da.

² An melmel niſedi wo malam isi dak ta anane na da. An tamol afu dumat agod inſad melmel apasi asini wo ilom tubun mok imasa da, gug ta anane na da. Ago agane dan fun dugo an Anut ta asumiani na da.

³ Agog saen an asumiani dubo man ta ipanjan na wa, fun dugo an asumiani saian da. Melmel anſiganem bubem lo aganeſiganem tinim mi lo urat apani wo da.

⁴ An Anut abisei ak ibol dal dal pein iwon ibisei ak igo woſ a. An ta alon na yak, an tan en niſen o amat tap, an Anut san ager. Agog tamol enti tan en san turan imado wo tap, in Anut patun ipanip Anut san ager igo woſ a.

⁵ Girek an sen kawan ago abol banau, Anut san ru rumok girek lo igo ibol, "Anut in tura susai kagin lo tamol sad ur ilod lo idiri an itargiranig imado da."

⁶ Ak man binawek Anut id ipanad an san dabai idsad aupasek san dabai irinani a. Ago yan lo girek an igo ibol, "Tamol sed yanad disini den Anut patun ipidinai a, gug tamol sed ibiai dudu den in ilon ipidinai a."

⁷ Ago yak niſen o Anut paen na au a. Ago dop Satan patum apani wa. Ago tap in an ibisawan pe isol yau a.

⁸ Anut siſiren na au dop in an siſiren na ipalu wa. An aupasek tinami, banim afulani. An bubem raru raru amami, bubem akubune pasik pe ikok yen a.

⁹ Ilom idup tinaſ aru agane wa. Anſiganem silen an abilisaſ tinaſ on a. Ilo uyan amoi dop ilo muruan agane ilasa wa.

¹⁰ An Anut naon na sem ibian adu wa, ago dop in an ibianſap lak na iginian a.

Tei tao ta biai dudu na wa

¹¹ Awo, nai teig muroug, nug patun fo aninjan amoi. Tamol enti tein patun fo ininjan dop tein bitinaek lo igane tap, an ta igane uyan na da. In kubiaen patun fo ininjan, agog inſen tamol gurman on ilasag, kubiaen bitinaek lo igane ya. On ago gane tap, on kubiaen paen na man tia ya. Kubiaen an on paen na yen o gane da. An lo on tamol kubiaen ta iri na dak igo woſ lasa ya.

¹² Tamol kisaek o lian kubiaen ipanad dak ibitiniad a, Anut inſen mi a. Inſen mi dabai anda, an lo na kagin ipanad dak agod an dam lo malad isue wa. Ak man oſa ilo isou lo oſ tubu ubol di? Oſ urat ta lo oſa tura murou bitinaek lo ta dirai na wa.

Niſen lo se yaſa ta wabiſa na wa

¹³ Aria, ſaiſag ru aloſ, aſ tamolpein igo aſniſen den, “Gamu boi gabulo boi panu ta tubun geig ak lo taup anaſar kisaek tumado wa. Ate tumado dop moni san urat biabi tigane dop sed niſed o moni wei mi tiſane wa.”

¹⁴ Ata wo aſ ago abol dak i? Aſ gabulo san mel ilaſa san an ta aloſ na ya. Anſam madok dugudo, an man nek ibol kakao ilaſap kitekan ka yen dop itout yau kisaek oſ dak igo woſ a.

¹⁵ Tia, aſ igo mi abol a, “Anut inſen mi ſiganen ilo isou lo, maſ mumado dop en migane wo, tia, an migane wo, ago ibol dop migane wa”

¹⁶ Ak man aſ silei kagin lo sem mi abol da, agog yaſam aſini dugo tubun mi aſniſen da. Aſ ago aſniſen dan ſaian geig a.

¹⁷ Tamol enti mel uyan ak igane san ilon, go ta igane na tap, kagin naon ago man aupasek anda ya.

5

Filian tamol adi ſad ru kagin

¹ Agog gamu aſ tamolpein filiam amam da yan ſaiſag ru aloſ. Madai funfun tinim lo ilaſa wan niſen o ilom ſaian dop malam turon idu dop aſaſai a.

² Anſam filian fidian igan yau dop tinim san biouſ ſimirer diani wa.

³ Agop anſam pat fidian dam teirteir lo isuda wa. Teirteir an aſ tamolpein fidian sam kagin ſaiak ſaiak ikubiai dop dile wa. Teirteir an anſam mudam mi yai inani woſ a. Fun dugo, tan en san nal wadan lo anſam filiami an atumani da.

⁴ Aſ tamol a anſam abi urat digane dan arawaig tinid ta adad na ya. Agog ſad padau dam ta aloſ na ya. Aloſ, ſaen dipadaug diwagiſ an aſau mi geig yaug, Anut inſ enſel ſad Gurman an kududon lo ilaſa ya.

⁵ Anſam madok tan en lo man melmel funfun amam da, anſam madok uyanan, agog aſ melmel naod lak lak ak idaiſuda, agod aſ dugo agane wo man ka agane woſ da. Aſ mateſ san nal inſ muruan san ſaen lo dam anſem ifutuwaſ dugo sem tinim bulbal apani uyan da.

⁶ Aſ tamolpein uyadi ak bitinaek lo adirai dak muruan apidinaſ dop kadi dam afu dumat da, man dugo, inſ dabai ad tia yan lo anſam dabai an diabiſani san tia ya. Ago yak niſen o muruan tubun ak anſam na ilaſa wan niſen o aſaſai dop atata wa.

Muruan lo atur ſakar

⁷ Nai teig muroug, muruan lo atur ſakar, ago mi yen yau dop Tubun en ipalu wa. Aſ ale yak, tamol abi lo urat igane dak inſan abi ititiaſip imado yau dop anaſ ibes idu da. Inſ ſaen milaen mok tok ibol imado dop ui san ſaen ititiaſi da.

⁸ Aſ dam tok abol atur ſakar a. Man dugo, Tubun en ipalu wo ſumeik da.

⁹ Nai teig muroug, nug patun fo ta aſurſur na wa, kabelan Anut aſ bitinaek lo idiraſan banau. Ale, Bitinaek Tamol ſumeikan dalawan ate itur da.

¹⁰ Nai teig muroug, Anut san profet ilom isou, inſ Tubun en yaſan lo diſniſen da. Inſ muruan inſ madai dam diſini bo man dile dugo diſini woſ se ya, ago yak niſen o aſ dam dal kisaek an ari wa.

¹¹ Tamol a dutur ſakar go muruan lo ta dibiakik na dan, id talon ak, inſ ilo uyan san tamolpein a. Aſ Job san madok itaot an aloſ a. Job ſaen inſ madai ile dop muruan iſini se man inſ tok ibol imado se ya. Agod inſan wadan a Anut inſ niſen o igane ilaſa yan dam aloſ a. Job Tubun en ilo panek agod ilo muſanek dam tinin inſanefute yan ile ya.

¹² Ak man, nai teig muroug, mel tubun geig man igo, aſ Anut yaſan lo boi, ta tan yaſan lo boi, ta mel gidad gidad ta boi lo ſiſanem ru dabai ta apani na wa. Anſam awok man nek mel nuſon niſen o gup awok abol a, ago dop tia man nek tia mok abol a. Kabelan Anut aſ ibitiaſan dop muruan ipanaſ banau.

Ilo rumok san guduaneſ

¹³ Anj ta lulunjam lo muruan isini di? Ago tap inj Anut san na igudani wa. Dugo, anj ta lulunjam lo ilon uyan di? Ago tap inj Anut yanjan yabisa dop bar yabi wa.

¹⁴ Tamol ta lulunjam lo subam ifuni di? Ago tap midaen sad matu igiaip, dupalup, niñen o dugudani dop Anut yanjan lo gurenj tinin diamisi wa.

¹⁵ Fun an lo gudanek ilo rumok san, an tamol subam anda yan iganep uyan ilasa wa. Agod gubak mi aupasek igane yak tap, Anut tamol an san aupasek ipasi yau pasik dop ilon ipani wa.

¹⁶ Ago yak niñen o nug naon na siñanem aupasek afulale dop nug niñen o agudani wa, ago dop an lo Anut ikubunian a. Tamol itaot aman ak san gudanek dabai tinan, agog dam ka urat dabai ak igane ilasa wa.

¹⁷ Nek ibol Elaija on, Elaija man nek idsed on a. Inj Anut san na ui ta idu na wo igudani, agog nuñon ilasa ya. Ui tan na ananjar utol wadan da, ta isi na ya.

¹⁸ An itout go fon igudani da, agog ui idu dag, tan na anan nuñon idiri ilasa ya.

¹⁹⁻²⁰ Nai teig muroug, tamol ta anj lulunjam lo kagin rumok ak ibisei dop anjam ta injanep dal uyan ak lo imul ipalu tap, tamol uyan an tein san njetun materj lo yak injane imul a. Aria, kagin en ilom isou wa, tamol enti turan dal saian ak lo itor den ibinawi tap, tamol an turan san njetun ta imat na san ago igane ya, agog san aupasek fidian dam imiamai pasik a.

1 Pita

¹ Nai Pita, Jesus Kristus san aposel. An tamolpein Anut ipilianan go ananem panu fun abiseig aug, Pontas na, Galesia, Kapadosia, Esia agod Bitinia na, aben a lulunjad lo tamol gol ak igo won amado dan, an sam na girek en ngire da.

² Bai Anut gubak mi an gamugo alasa yan san saen lo ilian ilon go ipilianan an lo Awan Urgun in san urat lo an in anen tamolpein gun ak alasa ya. Agog an in anen tamolpein awa bek san ago mi amado ator a, agod Jesus Kristus in anen dar ikulmaek an lo an sam aupasek isuas panan a.

Anut in san ilo panek, agod in san ilo maror ipanan pe ilom lo italusip tubun ilasa wan o ngudani da.

Id kumaen foun ak tile wa

³ Id Bai Anut, idsad Tubun en Jesus Kristus san Taman per tupani da. Man dugo, in san ilo munanek tubun an lo, id ibol nanuk foun ak on tilasa ya. Ago yan lo id Anut tile san ninen o patud isa wa, agod tini ganei en ibol mel kumaen imat san tia yak igo won tabi sakar da. Mel en Jesus Kristus maten lo kumaen imasa yan lo ilasa ya.

⁴ Id nanuk foun tilasa yan lo Anut san mel uyan uyan ak lak na yen dan, in ipilianad pe murna gup an fidian tinane wa. Melmel en ta idafur na wa, tamolpein sad aupasek iganep melmel an nun dilasa san tia ya, agod an sad leil sinjakaan an ta saian na wa. Melmel en murna san an Anut kumaen panu na an ninemi wo kagin ipani da.

⁵ An ilom rumok ak lo, Anut san dabai an dumui on ibargiranan da, an lo patu pasek a saen wadan lo Anut iganep ilasa wan ale wa. Patu pasek an Anut ikubune lag yen da, ago yaup saen wadan a Anut ipate yan lo kuai isi wa.

⁶ Ak man gamu saen katukan en lo muruan sensen ak ale da, ago bo man arut amoi. Tia, uyam isusa wa,

⁷ man dugo, muruan asini dan lo fidian dile wak ananem ilo rumok Jesus Kristus lo yan rumok a. Anut malan lo ananem ilo rumok an sinjakaan mok a, agod an gol san

naon irinani da. Rumok, gol san naon an tubun kasik bo man, dibitinae san ninen yai lo diganep dumari dop, sinjak dupasip an lo in anen naon yaup lak na mok a. Ago bo man, murnap gol in tan en da itout yau a. Nek ago mi, Anut ananem ilo rumok ibitinae o ilian funan dugo muruan ale ya, bitinaek an lo Jesus Kristus kuai isi san saen lo an per, girager, agod yanjak tubun ak anane wa.

⁸ An in ta ale na ya, gug in ninen o amat da. Gamu dam an in ale san tia bo man, in o ilom lo rumok a. Agod an yousai anda mi ananefute da, an lo dop ananem ilo uyan an tubun kasik an lo ninen ta anin san tia ya.

⁹ Agod ananem ilo rumok san nunon man an sam njutumi Anut in iliai pe sasau lo idirai a.

¹⁰ Profet adi saen ilo panek a Anut ipanan an ninen dubol ilasa dan lo, patu pasek en san fun dile wo aban an diabi sinjakaan da.

¹¹ Saen Kristus san Ur in ilod lo imado dan Kristus san madai agod in san yanjak tubun ak mitep inane wan ikubiai pidinai dan, in Anut dusumiani ak, mel dugon boi, tia, nal dugon boi, ninen o Urgun inin da.

¹² Gug in mel a dinin ilasa dan sed ibinawai san o ta dinin da, tia, an o dubol ilasa dan Anut ikubiai pidinai a. Melmel an san ninen an alon la ya. Dugo won ak i? Bilalun tamol an Urgun kumaen panu na Anut igane idu yan san dabai lo in san ru uyanan an dufulale an sam na ilasa ya. Enel adi dam maladi lo melmel an san fun dile wo dumat geig da.

Gun amado

¹³ Ago yak ninen o kabunam akubune uyanan pe urat ninen o tawan agane dop, sem ulum am abi uyanan dop, ilo panek san binawek a saen Jesus Kristus kuai isip an sam na ipalu wan mi tinim agane pani wa.

¹⁴ An imug anan dugo amado se ya, ago dugo kagin naok naok a ilo masa igane ilasa se yan ari na ya, gug gamu nek ibol nanuk awa bek san igo won, an kagin an fon mi ta atutanani na wa.

¹⁵ Tia, nek ibol In a an igian an in sen gun imado dak igo won, an sem dam sam urat fidian lo gun amado wa.

¹⁶ Man dugo, Anut san girek ago ibol a, “Nai gun ak ninjen o, anj dam gun amado.”

¹⁷ Agod Anut a titinae tamol igo wonj tamolpein kisaek kisaek sad urat bitinaek lo idiri dan ninjen o anj Bai abol tap, anj saen tan en lo amado dan, ibol tamolpein asau ak igo wonj arer dop anjsam madok an kagin apani uyanan a.

¹⁸ Anj alonj ak, Anut anj tubumi sad kagin nunjon tia man dupanan an lo idad go ipasanj injilianj a. Mel ta itout yau san ibol silva gol da igo wonj ak lo anj ta idad go injilianj na ya.

¹⁹ Tia, Kristus man ibol sipsip nanun nun aman tia, agod baob aman dam tia yak igo wonj, injsan dar naon lak na geig ak lo ipasanj go injilianj a.

²⁰ Tan en gamugo ilasa dugo Anut Inj ipiliani a, gug gamu saen en san wadan lo anj ninjemi wo Anut igane walal te ilasag ale ya.

²¹ Kristus lo anj fun aganeg Anut a inj materj lo ifufunig kumaen yabisag yanjak tubun ak ipani an ilom lo rumok a, ago yan lo gamu anjanem ilo rumok agod anjanem tini ganei dam diaug Anut lo dututou da.

²² Anj ru rumok ari apani na yan lo anj gamu njutumi adiraig gun dilasag, an lo anjanem Kris teim taom ninjedi wo amat dan, an mi nunjon a. Amaiak ninjen o anj ilom njutum rumok amam da nug ninjen o amat a.

²³ Man dugo, ai patun kitekan yen pe itout yau san an lo anj foun ak igo wonj ta alasa na ya. Tia, ai patun a itout yau san tia yan lo tamolpein foun ak alasa ya. Ai patun an man Anut san ru kumaen ak, agod pempem yen yau san an mi a.

²⁴ Man dugo, Anut san girek ago ibol, “Tamolpein tinidi man ibol gafurfur onj a, agod injsad damag fidian an ibol boban onj a.

Gafurfur igos idu da, agod injsan bob dam diau dudu da.

²⁵ Gug Tubun en san ru man pempem yen yau da.”

Ru nek an man bilalunj uyanan ak anjsam na dufulale dugo alonj a.

2

¹ Amaiak ninjen o anj ale saian san kagin

fidian, rawek fidian, balek uraru san kagin, mala sek san tinjae saian, agod uf ru a fidian bubem lo ale dan, anjanep abiliau a.

² Anj ibol nanuk foun ak igo wonj, su ta dukubuli na yan Urgun ipanan an aluk o amat geig a. Anj ago agane dop man ka atalbusi dop an lo sasau a Anut ipanad an anjane wa.

³ Man dugo, anj Tubun en san bulbal akubianig ale alonj la ya, inj mi uyanan mok a.

Pat kumaen yen dak san njinen

⁴ Injsen mi pat kumaen yen da. Ago dugo tamolpein inj diabiani ak gug Anut inj ipiliani a, agod inj malan lo pat an naon lak na geig a. Anj naon na au dan,

⁵ anj dam pat kumaen yen san ago mi Anut itumanan dop injsan njutum san ab onj isuse da. An lo anj pris adi gun ak onj alasa ya. Nek ibol pris wagam ak Anut yai dutuni pani na yak igo wonj, anj dam yai atuni pani da. Gug kulob an man tan en san yai tunek tia, tia, an njutum san yai tunek mi a, agod Kristus lo Anut inj uyan ipananj da.

⁶ Ru girek lo ago ibol, “Ale, naj pat ta Saion na njuguni a.

Sukurun yabituani san pat an pilianek la ya, agod naon lak na geig a, agod tamolpein inj o ilod rumok dan, miai ta ifu na wa.”

⁷ Anj tamolpein ilom lo rumok dan anjsam leil lo pat en naon lak na geig a. Gug aenkadi ilo rumok amad tia yan injsad leil lo,

“Pat a ab susek tamol dibiti an murnag ab sukurun isinig itur a.”

⁸ Agod afon,

“Pat an igane dop tamolpein ate njied dusue dak,

agod igane dop ate diau dudu da.”

Man dugo, inj Anut awan ta diri na da, an lo diau dudu da. Inj ago digane san Anut ipilianai a.

⁹ Gug anj man Anut san tamolpein injsen ipilianan a. Anj man Kinj san pris adi, tamolpein gun ak sad midaen, agod Anut inj muroun a. Anjsam urat man, inj a anj igianj go tidom tubun an abiseig, injsan lilaman sinjaokan ak lo aladu yan lo, injanen bunun uyanan an ninjen abol ilasa wo ago igane ya.

¹⁰ Imug na man an tamolpein warou kisaek tia ya. Gug gamu an Anut san tamolpein alasag amado da. Imug an inſan ilo muſaneſ ta anane na ya. Gug gamu an inſan ilo muſaneſ anane ya.

¹¹ O turag muroug, an man ibol tamolpein panu sen ak san apalug tan en lo tamol gol ak on amado da. Amaiak ninen o, nai nſususunanan pe tinim san ilo masa ari apani wo amoi a. Man dugo, kagin saiak an nſutum san ager imado da.

¹² An gob adi luluſad lo ananem nao lalek pempem uyan an mi yen a. Gidad gamu an agane saian dak dubol a. Gug saen Anut idsad na ipalu wan te gup anſam kagin naok naok a dile la yan ninen o Anut yanjan diabisa dop per dupani wa.

Gurman paed na amado

¹³ Tubun en yanjan o tan en san gurman fidian paed na amado. Rom san kin in malan te yak ago abol a, agod paen na amado wa.

¹⁴ Agod gabman gurman dam paed na amado wa, man dugo, Anut in ipilianai man tamolpein a dugo digane saian dan bu dupidinai san urat digane da, ago dop a digane uyan dan in uyan dupidinai san urat dam digane da.

¹⁵ Man dugo, Anut san ilo ibol igo ya, an uyan agane dan lo tamol burau ak sad ru nſineo dubol dan sad awad afutani da.

¹⁶ Tamol inſen kisaek imado dak igo won, an ago amado wa. Ak gug, an lo amianuk dop kagin saiak saiak ta agane na wa. Tia, nek Anut san urat tamol mok igo amado wa.

¹⁷ Tamolpein fidian yanjad asini wak, teim taom Kris adi ninedi wo dam amat a. Anut ninen o arer dop, Rom san kin dam yanjan abisa wa.

¹⁸ An bigabeg man ananem titianek paed na mok, tok abol amado wa. Titianek tamol uyadi a kagin dupanan dan lo ago agane wa, a muruan dupanan dan lo dam nek ago mi agane wa.

¹⁹ Man dugo, tamol ta san kankan Anut lo yen dop, an lo madai muruan da isini san tia yak isini tap man, mel siſaokan geig a.

²⁰ Ak man on gane saian ak san bu nane dop lo utur sakar tap, an naon Anut dugo

ipitiano wak i? Gug on uyan gane yak lo madai ule dop lo utur sakar tap man, Anut malan lo an ipitiano san mel igo won a.

²¹ Anut ago wo an igian a. Man dugo rumok, Kristus inſen an abemi lo muruan isini a. Saen tan ibisei an lo inſan kagin naok naok man mitilaen igo won ibisei panad an lo tile dop nien aban turi wa.

²² "In aupasek ta kisaek igane man tia ya.

Agod awan lo ru sewak ta ilasa man dam tia ya."

²³ Saen tamolpein in dimisilani se man in ru naon ta ipidai na ya. Saen in madai dupani an in naon igane wo ta ibol na ya. Tia, inſen Tamol a san bitinaek itaot mok an banin lo igane ya.

²⁴ Kristus inſen tinin nam aigim fo idsad aupasek fidian isini a. Ago dop an lo id aupasek san dabai lo ipasad pe, idsad madok lo itaot tumado wa. In tinin dufunig ikafut idiri an lo ikubinian a.

²⁵ Man dugo, an ibol sipsip dal diſaon ak on adeg au a. Ak man gamu ananem Titianek san na amul apalu ya. In mi anſam Kagin Panek Tamol.

3

Nug iwon iwon sad ru

¹ Nek imug bigabeg inaned gurman paed na dumado se ago mi, an pein dam iwom paed na amado wa. Aria, dal an lo aenkadi Anut san ru ta duri na tap, iwodi sad kagin naok naok an dile dop ate ilod diſane dop ilod dibileksa wa. An man ilo naneſ san ru ta pein awad lo ta ilasa na ya.

² Man dugo, an Anut ninen o arer dop anſam kagin gun ak lo amado dan in dile wa.

³ An tinim san damag patun fo yak asinip nam tinim bala apani wo kankan tubun mi ta agane na wa. Dar diturſe idu, kululoi naon tutubun agod biouſ siſaokan adiri dan an mel kawan a.

⁴ Tia, anſam bala man kagin dugon an ilom lo yen dan an mi a. An ilom man mosan, agod dagoman a. Bala naok ago yak man itout yau san tia ya, agod Anut malan lo an man naon lak na geig a.

⁵ Man dugo, wagam dal kisaek an lo mi pein gun ak Anut tinid dupanig dumado se yan inſed damag ipidinai siſaokan a. Ago

dugo iwodi awad paen na mok dumado na ya.

⁶ Nek ago mi Sara dam Abraham awan paen na imado dop ninen o inanen tubun ak ibol se ya. An uyan agane dop mel ta urer ipanañ san ninen o ta arer na tap, an inñsan nanun muroun alasa wa.

⁷ Nek dal kisaek ago mi, an tamol iwom da sisem amado dan, pein in dabai tubun amad tia alon an ninen o yanadi abisa fufei wa. Man dugo, an sisem Anut san ilo muñanek lo kumaen anane wa. An ago agane tap, anñsam gudanek an kawan tia ya.

Melmel uyan ak san madai anane wa

⁸ Naineñ ru kagin wadan igo ya. An fidian kankan kisaek, agod nug ilon imunani wa. Nug tein taon igo won nug ninen o amat a. Nug ninen o bubem apasi wak, sem ibianñ adu dop aenta dirinananñ ak ago ilom isou wa.

⁹ Ta diginiañ saian tap, naon dam ta aginiañ saian na wa. Ru saian nam dupaianñ tap, naon dam ta amisilanañ na wa. Tia, an naon Anut bar uyan ak ipidinañ o agudani wa. Man dugo, Anut ago wo an igan a. Agop an lo, bar uyan ak ka ipanañ a.

¹⁰ Man dugo, Anut san ru ago ibol a, “Talpein ta madok uyan ak lo imado wo imat,
agod melmel uyan ak ile wo imat tap,
ru saian ta ibol na wa,
agod awan lo dam ru rawek ak ta ilasa na wa.

¹¹ Kagin saiak patun ipanip kagin uyan ak mi igane wa.

Maror san dal o abañ yabi dop an ile wo yaes isofutani wa.

¹² Man dugo, Tubun en malan yaug tamol itaot ak yil pasai da,
agod inñsad gudanek lo pempem kududon igure da.

Gug tamolpein a saian digane dan ninen o naon ikafut pidinañ da.”

¹³ Aria, an kagin uyan ak agane wo yaes isofutananñ dop, enti maeg iganep saian ipanañ ak i? Tia geig a.

¹⁴ Gug kagin itaot ak agane san o madai asini dan an rumok tap, gidad, an man bar ñanek tamolpein mok a. A muruan dupananñ dan ninedi wo ta arer dop ilom ta muruan na wa.

¹⁵ Tia, nek anñ bubem lo Kristus aganep anñsam Tubun ak onñ ale wa. Ananem ilo rumok ninen o kankan anane fufei dop man, talpein ananem tini ganei Kristus lo yak a ilom lo yen dan san fun afulale wo isumiananñ tap, ru ilo safulalek san ka apani wa. Gug pasak na mi agod urer amam da ago agane wa.

¹⁶ Ananem kagin naok naok atitiani uyan dop man ananem kankan muruan ta ipanañ na wa. An lo dop tamolpein a anñ kagin uyan uyan Kristus lo agane san ninen o dipirgini dop dimisilananñ dan miai ifunai a.

¹⁷ Man dugo, Anut ilon ibol tap anñ kagin uyan ak ninen o madai asini san man uyan a. Kabelan saian agane san ninen o muruan ale banau.

¹⁸ Man dugo rumok, Kristus inñsen saen kisaek o lian aupasek ninen o mateñ ile ya. Inñ man tamol itaot ak igo won anñ tamolpein ta itaot na yan anñsam abem inane ya, an lo anñ inñlian pe Anut san na au a. Tinin tan san en lo dufuni imat a, gug nñtun lo Anut iganeg kumaen ilasa ya.

¹⁹ Ago dugo nñtun yaug wagam san tamolpein a nñtudi subanek lo dumado se yan naod na ru ifulale ya.

²⁰ Tamolpein an wagam Anut awan diparsisali se ya. An Noa san saen lo Anut ka yil fu onñ dugo yaug Noa wog tubun ak ifoug urat itout a. Nal an lo tamolpein wei tia, 8 mi, wog an ilon lo inñal go, lom tubun ak san you lo patud ipasi a.

²¹ You an man Kris fulanek san mitilaen igo won a. Man dugo, gamu fulanek san you an id patud ipasig tumado da. Fulanek an tinid sad nun ta ifulani yau na da. Tia, fulanek tile dan lo Anut tsumiani dak id ilod ikubunep kankan uyan ak ipanad a. Fulanek an nek Jesus Kristus mateñ lo kumaen imasa yan lo mi dabai inñaneg an lo id patud ipasi da.

²² Inñ kumaen panu na isidag Anut giranen won ak lo imado dugo enñel adi, ur sensen sad gurman adi, agod mel dugon dabai amad da atna dumado dan, an fidian paen na dumado da.

4

Anut san ilobol paen na tumado da

¹ Ago yak niñen o, Kristus tinin tan en san lo madai isini ak niñen o, an dam ilo isou kisaek an mi abi sakar a. Dal an lo madai asini san niñen o an sem dabai ipanañ a, man dugo, talpein enti tinin sen nam madai isini tap, aupasek san kagin an ibisei a.

² Ago yak niñen o inñsan madok tan en lo tamolpein sad ilobol an iri san ilon ta yen na da. Tia, Anut san ilobol an mi iri ipani wo ilon yen da.

³ Inug an saen tubun mi gob adi sad kagin diri wo dumat an an dam ago agane na ya. Agod an kagin an arig yaug idaisida ya. An se pitianoï kagin, ilo masa san kagin, jeit kagin, soubul gidigidad lo, lukluk san nñtanat amado dugo, tubud sewak adi ubou ad tile san Anut geg igane yan ari apani se ya.

⁴ An gamu in luad asap kagin saiak saiak wei mi a digane dan lo dida asourubep, au o afon ta agane na dan niñen o durut saian geig a. An lo an dumisilanañ da.

⁵ Gug Anut mi in tamolpein a kumaen dumado dugo a dumat la yan bitinaek lo idirai san tawañ igane dan, naon na dutur dop in o ru naon dupani wa.

⁶ Nek fun amaiak niñen o Kristus in tamolpein dumat la yan sad na yaug bilalun uyan ak san ru ifulale dugo dulon a. An lo gidad, in tinidi tan en san lo tamol sad bitinaek dile ya, ago bo man in nñtud lo kumaen a Anut da yan, in dam kumaen an lo ka dumado wa.

⁷ Mel fidian itout yau san saen sumeik ipanad da. Ago yak niñen an kabunam ipasti dop sem ulum am abi o uyanan a. Ago dop man ka agudani uyan a.

⁸ Mel malan te man ilom nñtumi fidian nug niñen o amat a. Man dugo, nug niñen o amat dan san kagin aupasek wei mi imianai idu ya.

⁹ Nug kagin apani uyan dop, an o ta anññur na wa.

¹⁰ Dabai dugo aenta abinawai san Anut an kisaek kisaek ipanañ an kagin apani wo uyanan a. Awa yabek tamolpein igo won Anut san ilo panek inñanen dal kisaek kisaek atem urat apani wo uyanan a.

¹¹ Ta in ru ifulale san mañau aman da tap, nek ibol Anut san ru mok mi ifulale dan igo

ru ifulale wa. Ta in binawek urat igane tap, dabai a Anut ipani dan lo urat an igane wa. Ago dop urat fidian lo tamolpein ka Anut per dupani wa, an man Jesus Kristus lo mi a.

Oñ Kris ak niñen o muruan sini

¹² O turag muroug, an bitinaek wananan geig ale dugo amasa saian an mel naok foun ilasa yak igo abol banau.

¹³ Tia, youm isa wa, man dugo, an Kristus da sisem mi muruan asini da. An lo saen Kristus san girager kuai isi wan ate dop ilom uyanan geig a.

¹⁴ An Kristus yan an niñen o saian dupanañ tap man an tamolpein Anut san bar anane ya, man dugo, Ur a Anut san agod girager san an an tinim lo yen da.

¹⁵ Kabelan ta an luluñam lo tamol ifuni imat o boi, tia gumagam o boi, tia kagin saiak saiak funfun igane wo boi, tia, niñen o kabunam isou imug dop, mel naok an fidian niñedi wo madai isini banau.

¹⁶ Gug an Kris igo won muruan asini tap, miai ifunañ amoi. Tia, an Anut yan an abisa wa. Man dugo, in yan an tinim lo yen da.

¹⁷ Anut bitinaek igane san saen ipalu la ya. Agod fun iganeg, ilo rumok tamolpein adi malan malan ibitiniyai da. Aria, id lo fun igane tap, tamolpein a Anut san bilalun uyan ak ta diri na dan sad wadan an dugo won ilasa wak i?

¹⁸ Agod afon, Anut san ru igo ibol, “Tamol itaot ak patu pasek lo iladu san ta pasauman na yan rumok tap, tamolpein a au dupas dan ago Anut san kagin in lo tia yan muruan dugo inñsad na ilasa wak i?”

¹⁹ Amaiak niñen o, ensauta in Anut san ilo ibol lo madai dile dan, sed idiraip Anut banin lo diau dop urat uyan ak mi digane yau a.

5

Gurman in pinein da sad ru kagin

¹ Nai matu gurman an luluñam lo dumado dan, nai dam nek in ago mi nñmado da. Nai dam Kristus madai isini an seg malag mok nam nñle ya. Taida mi nñseg dam inñsan girager murnap kuai isi wan nai

dam an lo n̄umado da. An lo igo n̄usumianaŋ o da.

² An̄ Anut san sipsip atirnai o ipanaŋ an atitianai a. Gurman mok oŋ kagin apidinai a, an̄ talpein a dusou dudunaŋ dan niŋen o ago ta agane na wa, tia, an nek aŋanem ilobol lo mi a, nek ibol Anut an̄ o ilon yen dak ago mi a. An̄ moni aŋane san o malam ta isi na da, ak man urat an agane wo bubem yen da.

³ An̄ sipsip a Anut banim lo idirai an n̄ai-n̄ai kagin lo atirnai amoi. Gug aŋsam kagin an ibol mitilaen igo woŋ Anut san sipsip dile dop duri wa.

⁴ Agod saen sipsip titianek sad gurman ipalu dop, girager san lilit gumuran ta itout yau dan aŋanem urat naon oŋ aŋane wa.

⁵ Aria, an̄ pinein dam tamol busumadi ak paed na amado wa. An̄ fidian nug naon na sem ibiaŋ adu wa. Man dugo, Anut san ru ago ibol a,

“Tamol sed yaŋad diabisa dan Anut naod yabi da.

Gug tamol sen yabi idu dan in̄san ilo panek ipani da.”

⁶ Ago yak niŋen o an̄ sem ibiaŋ adu dop Anut tuon dabai an paen na aladu wa. An lo murnap saen mok fo in̄ ka an̄ ibiaŋsa wa.

⁷ Aŋanem ilo muruan fidian banin lo agane wa. Man dugo, in̄ malan lo an̄ mel tubun an lo in̄ an̄ kagin ipanaŋ da.

⁸ Malam ipuk pe tawaŋ agane dop, sem ulum am abi uyanan a. Man dugo, aŋanem ager Satan ibol laion imatigen ak ibob dugo tamol ta yani itout o aban̄ isueg itor dak igo woŋ a.

⁹ Ago yak niŋen o an̄ naon abi dop aŋanem ilo rumok lo mi atur sakar a. Man dugo, an̄ alon̄ ak aŋanem teim taomi tan titin fidian lo muruan naon kisaek anami disini da.

¹⁰ Agod Anut in̄ mi ilo panek fidian san muroun, in̄sen Kristus lo igiaŋ go in̄san aben a girager anda pempem yen oŋ dan lo aladu wa. Saen katukan mi madai asini gup in̄sen mi aŋsam madok ikubunep lo atur sakar dop dabai ipanaŋ a.

¹¹ In̄ mi dabai pempem yen yau oŋ dan aman da ya. Rumok.

Ru wadan

¹² N̄ai girek katukan en Sailas ibinawag go n̄gire ya. In̄ niŋen o n̄ai ilog rumok ak,

in̄ Kris tamol mok a. Girek en lo n̄ai an̄ tan suek ru n̄upanaŋ, agod ru e n̄urupaiaŋ den man Anut san ilo panek mok a. An lo atur sakar a.

¹³ Midaen̄ Anut ipilianai go Babilon na dumado dan in̄sad ilo uyan ru aŋsam na digane ipalu ya. N̄ai nanug Mak dam ago igane ya.

¹⁴ Kris kagin lo nug banin abi wa.

An̄ fidian Kristus da amado dan ilo maror an̄ lo ka yen yau a.

2 Pita

¹ Njai Saimon Pita, Jesus Kristus san urat tamol agod naj inſan aſoſel. Tamolpein a inſad ilo rumok ſinſaokan, nek maſſama ago mi amaiak, inſad na girek en nſigane ipalu da. Ilo rumok e naj ninen o nſabol den man Tubun en Jesus Kristus, idsad binawek, an inſan na diſane ya. In itaot mok an ninen o ilo rumok an ipidinai a.

² Njai an ninemi wo Anut nſugudani dak, an ilom lo Anut in Jesus idsad Tubun en da alon uyanan, an lo inſan maror inſan ilo panek an bubem lo ka iganep awan isa wa.

An a Anut ipilianan an dabai apani wa

³ Id in talon amaiak ninen o, Anut san dabai tubun ak Kristus lo yen dan ninen o, id an lo ibinawad go mel fidian kumaed san, agod id Anut san kagin tiri san dam ipanad a. Inſinanen yanſak tubun ak lo agod kagin uyanan ak lo melmel an tinane san ninen o igiad a.

⁴ Agod inſan yanſak tubun ak, inſan kagin uyanan ak lo dam, inſan promis lak na igane idu yan ipanad a. Promis an id malad lo naon lak na geig di tubun a. Promis nek amaiak lo an tan en san nun panek ka ariſani wa, man dugo, ilo imasa san kagin an lo tamolpein nun ipidinai da, ak man gamu asol san dal ilasag yen da. Promis an lo dam, inſinanen bunun an ilom lo igane yan lo an dam nek ago amado da.

⁵ Fun an ninen o an maeg aganep kagin uyan uyan en taida an lo aganep dilasa wa, agop ananem ilo rumok da abate wa. Malan malan ananem ilo rumok, an kagin uyanan ak da abate wa. Tinin te kagin uyanan ak, an Anut ulon san maſau da abate wa.

⁶ Agod tinin te Anut ulon uyan san maſau an sem ulum am abi uyan san kagin da abate wa. Tinin te sem ulum am abi uyan san kagin, an atur sakar san kagin da abate wa. Tinin te atur sakar san kagin an, Anut san kagin ari san da abate wa.

⁷ Agod tinin te Anut san kagin ari san an, turam muroum ilom apidinai san kagin da abate wa. Agod wadan man turam muroum ilom apidinai san kagin an, aenta

ninedi wo tubun mi amat dan san kagin da abate wa.

⁸ Man dugo, an Jesus Kristus idsad Tubun en alon uyanan dan san kagin naok igo yak an lo yen dop, in pempem an ilom lo itaibusip tubun tap, an iganep anſam madok lo nunon ifu wa, agod anſam urat in ninen o agane dan mel kawan tia wa.

⁹ Ak man talpein ta kagin an inſan bunun lo tia tap, in ibol tamol mala tia yak igo ya, tia, ibol tamol malan asau mi aban ta ile na dak ago ya. Man dugo, talpein ago man inanen aupasek imug an Jesus ipasi yaug ikok ilasa yan ilon inſan a.

¹⁰ Teig taog, fun amaiak ninen o Anut igian go tamolpein aenta lulunad lo ipilianan an, dabai apani wo urat wagai agane wa. An kagin an fidian ari uyanan tap, au adu san tia ya.

¹¹ Ago dop saen an idsad Tubun en Jesus Kristus idsad patu pasek tamol san kagin panek aben an lo aladu wo dop man, malam dupare uyanan a.

Profet ru, girek lo yen dan san ninen

¹² Aria, gidad an mel fidian alon uyan go, gamu ru rumok en abig atur sakar dak bo man, naj ilog yen dak ago melmel an saen fidian fon nſurupaian da.

¹³ Man dugo, nſaisag ilog lo saen gamu naj tinig tan en lo nſumado den man gidad naj ſafulalek ru igo nſurupaian da, an uyanan a. Ago dop an dam mel en san ilo sou man mi agane wa.

¹⁴ Man ata wo? Naj nſalon ak, milaen tiap naj tinig gigin na nſigane wa. Jesus Kristus, idsad Tubun en mel an ikubiai nſile la ya.

¹⁵ An ninen o naj urat wagai nſiganep an lo saen naj tan en nſibisei dop man, an pempem mel an fidian ninedi wo ilom ka isou dop amado wa.

¹⁶ Saen maſ imug anſam na mupalu yan, maſ Jesus Kristus idsad Tubun en san dabai mukubiai ale ya. Agod nal ta lo gup in fon dabai anda imul tan na ipalu wan ninen o mabol alon a. Saen maſ mel a ninen o murupaian an dugo, maſſiganema ilo sou lo ru sewak ak awan mubate dop lo mirawan o migane di? Tia geig a, man

dugo, manjsema malama nam injsan naon lil-aman, injsan girager tubun an da isapudade dugo mile ya.

¹⁷⁻¹⁸ Man dugo, saen in Bai Anut lo yanjak tubun ak girager da injane yan, man in da did gun an fufo mumado ya, ago dugo in ninjen o Anut awan keit lo iwagin dugo malon a. Awak an san lilijan injsan na ipalug yanjan yabisag yanjak tubun ak ipani a. In ibol, “En man njaineg Nanug mok, njaineg bubeg mok, in ninjen o naj ilog tubun mi uyanan da.” Awak a kumaen panu log ipalu yan man malon a.

¹⁹ Agod taida mi, gamu Anut profet adi sad ru an rumok dabai ipani panad a. An injsad awad kagin apani tap, an uyanan a. Man dugo, injsad ru an man nek ibol lam ta tidom tubun lo ided dugo aban isapudade dak igo won a. Ago agane dop yaup salso idu wa, agod salso idu san boi tinan an bubem lo isida wa.

²⁰ An ru en alon uyan, ru en tubun a. Ru fidian a girek lo profet awan lo ilasa dan man, profet an san ilo sou tia ya.

²¹ Man dugo, ru a profet sad awad lo ilasa dan san fun mok man, tamol san ilo sou igo tia ya. Tia, Urgun injsen profet adi ilod iduduwig ru a Anut san nag ipalu yan mi dubol ilasa ya.

2

Girek manjau sewak adi injsad kubulek

¹ Wagam na profet sewak wei mi Isrel tamolpein luluᅇad lo dilasa ya. Nek ago mi girek manjau sewak ak wei mi an luluᅇam lo dilasa wa. In pitejanek sewak a imianuk an mi dijanep midaen luluᅇam lo diladup dupanan a, an lo anjsam ilo rumok an dukubuli wa. Agod Tubun en injsen girek manjau sewak adi an idad injiliai a, ago bo man in patud dupani wa. Kagin an lo in milaen tiap daon dijane dop diau dudu wa.

² In jeit kagin an ta saian na ago dubol a, an lo ilo rumok tamolpein wei kasik kagin an diganuri wa. Fun an ninjen o tamolpein aenta rumok san dal an saian dupani wa.

³ Tamol naok an injsad ilo sou moni ninjen o man tubun kasik a, an lo ru sewak nam njudum dusue dop anjanem moni dijane wa. Anut injsad naok naok an wagam mi ile ya,

agog injaned muruan an ikubune pidinai la ya. Muruan an dal na ipalu da, ago dugo injsad daon an dam sumeikan mi yen da.

⁴ Alon o uyanan a. Gubak mi enjel aenta au dupas, ago gug Anut injsad aupasek an injaneg gigin na ta igane na ya. Tia, in enjel an tan paen na gib ilon tidom tubun ak lo isubanaig idirai diau a. Ate dumado yaup bitinaek nal ilasa wa.

⁵ Agod taida mi, tamolpein a wagam na Anut san kagin ta duri dupani na yan sad aupasek lo ta yilfu on na ya. Tia, fidian lom tubun geig ak inal dugo Noa mi imado ya. Tamol kisaek an iwon agod mурoun 6 an dida Anut ninjed wo ilon isou a. Man dugo, Noa in kagin itaot ak san bulalun tamol.

⁶ Agod taida mi, Anut Sodom in Gumora da sad tamolpein fidian ifu yau a. Yai ui on iwatik go injsad panu tubun an inani yau itout a, agod tamolpein dam fidian inanai pasik a. An lo injsad mitilaen an tamolpein fidian gamu Anut san kagin ta duri dupani na dan dile dop, in lo dam kulob ago ilasa wa.

⁷ Agod taida mi, Lot in tamol itaot a, agod Anut daon an lo patun ipasi a. In tamolpein kagin saiak saiak digane dan ileg ilon tubun mi muruan a.

⁸ (Man dugo, tamol itaot a luluᅇad lo nal fidian imado dan, in kubiaen dipilali dan san kagin sensen an ile dugo injsad ru saiak saiak an dam ilon se ya. Kagin ago an ilon imoi da.)

⁹ An rumok tap, Anut muruan funfun dugo yak lo tamolpein a Anut san kagin duri dupani dan patud ipasi san ilon a. Nek ago mi in tamolpein saiad muruan lo idiraip dumado wan bu panek an paen na mi dumado dop yaup bitinaek nal ilasa san, an dam ilon a.

¹⁰ Luluᅇad lo tamol a ilo masa san kagin diri dupanig lo sed nun ipidinai dugo, gorman awad paen na dumado wo dumoi na ya, tamol naok ago yak Tubun en ninjed wo tubun geig imoi a.

Tamol naok ago yak silei tinadi agod kabunadi dababai a. In enjel adi kumaen panu lo dumado dan dumisilanai o ta direr na da.

¹¹ Ago gug enjel Anut naon na dutur dan injsad dabai girek manjau sewak tinadi an

irinjanai a, ago bo man in tamol an bitinaek lo dumisilanai san ago ta didirai na da.

¹² Tamol an melmel a ta dulon na yan ninedi wo dinjen saian da. Tamolpein naok ago man nek ibol bor gown on, in kankan amad tia ago dutor da, dilasa san fun man talpein dubrou idup dufu dumat san ago mi a. Girek manau sewak adi an nek ibol bor gown on in dam daon dinjane wa.

¹³ Girek manau sewak adi a muruan aenta dipidinai an lo in dam naon dile wa. Adian in tinid dugo urat dupani man ago digane da, an insad yousai. In baob nun anda yak igo ya. Agod in tamol uyadi on an dida anan ani da. Gug gigin na man kagin saiak saiak an lo dumado da.

¹⁴ In jeit pein adi mi dil o dumat da. Aupasek o mi nal fidian yaes isofutanai da. In pein adi a ilod gidigheid an ilod dinjanep jeit kagin san dal duri da. In mala sek lo man ibilem adi a, agod in pitiñinek a Anut ipidinai an san nanuk adi mok a.

¹⁵ In dal itaot ak dubiseig sen diau geig a, agod in Beor nanun Balaam gubak mi yau ago diau da. In kagin saiak saiak iganep naon moni inane wo mi imat da.

¹⁶ Ak man insan aupasek san kudo bek ru an ilon a. Man dugo, donki injen san tia gug tamol awan lo injen ilasag profet an san njeo kagin an yabituani a.

¹⁷ Tamol naok an sad kagin nunon aman tia ya, nek ibol you igos yau ak on, tia, in ibol ui idu wo tim taen gigin na itumanig yen dugo tim iwi yang ui tia yak igo ya. Anut inaned aben tidom tubun geig ak lo tan paen na ikubuneg yen da.

¹⁸ In awad ru tutubun mi dubol da, ago gug insad ru an nunon aman tia ya. Insad ru lo tamolpein a saen milaen tiag aupasek adi sad na dusol diau an ilod dinjane da, an lo tinid imasa dop lo jeit kagin digane da, agod tinid san kagin saiak saiak aenta dam digane da.

¹⁹ Girek manau sewak an mel ta isubanai san tia ago dutor san ru dubol pidinai a. Ago gug insedi man kagin saian ak san bigabeg dumado da. Man dugo, mel dugon tamol yabituani dan, nek in mel an san bigabeg imado da.

²⁰ Man dugo, in imug Jesus Kristus idsad Tubun en, agod idsad binawek an dulon a, manau an lo tan en san nun kagin san na dusol diau la ya. Ak man in afon dumul kagin saian ak lo diladug isubanai tap, insad wadan gamu en san man saian mok, agod insad naon gubak mi an san irinjanai geig a.

²¹ In kagin itaot an san dal kitek ta dulon na yak man, an uyan a. Man dugo, in insad Tubun en awan lo kubiaen gun ak ibol dulon dugo dinjane, ago gug an patud dupanip dal an dibisei tap, an saian geig a.

²² Ru mitilaen uraru en rumok in ninedi wo ibol da, “goun ilu gug imul yang insinanen ulu an fon yani da,” taida mi, “bor you isug la gug fon yang gigeo lo ibubulam da.”

3

Tubun en imul ipalu san nal

¹ Turag muroug, en nsaisag girek turanein njigireg ansam na njigane ipalu ya. Nai girek uraru njigire en lo ananem kankan itaot nufufunip ilo sou uyanan ak ipanan san a.

² Kankan en igo ya. Ru a profet gun adi wagam mi dubol na yan, agod ru kubiaen a ansam aposel adi awad lo ansam bunawek Tubun en ibol panan an dam ilom isou wa.

³ Mel en inug alon o nmat da. Nal wadan dilasa dan san saen lo dop tamolpein ansam ilo rumok en kukok an digane san dilasa wa. In Tubun en san ru ninen o disel a, agod ilod imasap mel dugo digane wo ilod ibol an mi duri da.

⁴ In igo dubol, “In imul ipalu san ibol panan an san nunon dugon te yen di? Man dugo, gubak mi mansama tamama dumat dugo ipalug gamu en mel fidian ta ibileksa na ya. Tia, fun lo ipalug gamu en nek ago mi yen yau da.”

⁵ In melmel a Anut wagam idirai an ilod inaoñ o digane ya. Melmel an man, Anut anen ru lo keit wagam mi ilasag yen da, agod insan ru lo you inaneg nam tan igane ilasa ya.

⁶ Agod you an lo mi lom tubun ak ilasag tan fidian ituanig saen an san tamolpein fidian itarmunaig ipitiñinai a.

⁷ Ak man ru an lo mi keit in tan da gamu e dien den Anut gigin na idirai a. Ago dien

yaup yai lo idiraip imiriai a. Nal a mel en ilasa wan man Anut san bitinaek nal, saen an lo Anut tamolpein a inanen kagin ta diganuri na yan ipitiñinai a.

⁸ Ak man ñai teig muroug, mel kisaek en ilom ta inañ na wa. Tubud malan lo nal kisaek man ibol anañar wan tausen ak igo ya, agod anañar wan tausen man ibol nal kisaek ak igo ya.

⁹ Aenkadi Tubun en mel igane wo ibol gug saen ibidani dak abol da, gug in tinin saen bidanek an tia ya. Man dugo, in mos nam ilian da, ta añ luluñam lo ideg yau man imoi a. An niñen o añ ilom abileksap in o ilom rumok an niñen o saen ipañan da.

¹⁰ Ak man Tubun en san nal man nek ibol gumagam tamol igo woñ ipalu wa. Nal an lo dop pitiñinek san liliñan tubun geig ak ta ilasa dop keit itout yau a. Agod yai lo mel fidian you oñ ibilip itout yau a. Agod tan en in tamolpein sad kagin naok naok an fidian da kuai te dilasa wa.

¹¹ Aria, Anut kagin an lo mel fidian ipitiñini tap, añ tamolpein naok dugo woñ alasa wak i? Añ kagin gun ak mi agane wa, agod Anut san kagin ari apani dop amado wa.

¹² Dal an lo Anut san nal tubun ak ipalu san niñen o mala nouk amado wa, ago dop anñsam kagin uyan ak lo nal an ilasa kisaek oñ o agane da. Nal an lo Anut yai ituni dop keit inanip itout yau a, agod yai an mi tan en igane imatal pe you oñ ibilip itout yau a.

¹³ Ak man id a ilod lo rumok an promis a Anut ipanad an lo keit foun ak, tan foun ak dam tile wo mala nouk tumado da. Agod tan foun an ilon lo man kagin itaot ak mi ate yen yau a.

¹⁴ Ñai turag muroug, fun an niñen o saen Tubun en ipalu wo mala nouk amado dan, añ baob amam tia, nun amam tia yak, agod nugnug lo ilo maror amado dan lo dam, in ago ilian san niñen o urat wagai agane wa.

¹⁵ Agod idsad Tubun en mos kagin e ipañan den niñen o igo ilom isou, an in patu pasek añane san saen ipañan dak abol a. Idsad turad mok Pol dam in Anut mañau ipani an lo girek naok en taida igireg ipañan a.

¹⁶ Inñsan girek fidian lo ru naon nek ago mi igire idug niñen o mi ibol na ya. Inñsan

girek an lo mel aenta id talon uyan san muruan kitek yen da. A ilod tia yan, ilod gidigheid ak inñsed dideg diau san, ru an dukubuli da, nek ibol girek gun ak aenta lo dam digane dak ago mi a. An lo sed ipitiñinai da.

¹⁷ Turag muroug, añ mel en alon la ya, fun an niñen o añ kagin agane wa. Kabanlan tamol saiadi ak sad aupasek an ilom inañep, añ atur sakar san abi dan banim ibisawaip au adu banau.

¹⁸ Gug añ idsad Tubun ak Jesus Kristus idsad patu pasek an san ilo panek, in alon uyan san añ da atabulsi wa. Id in yañan tabisa dan lo gamu girager anda imado da, ago mi yen yaup kumaen pempem san nal ilasa wa. Rumok.

1 Jon

Kumaen San Ru

¹ Kumaen san ru a fun lo mok yen go ipalu yan, tamol mok igo ilasa ya. Inſen awan lo kumaen san ru ilasa dugo maŋ malon ak, malama lo mok mile yak, agod tinin dam banima nam mabi ak, an mi maŋ niŋen o miŋiŋen da.

² Kumaen an inſen mi kuai tem ikubiai panama dugo mile ya. Rumok, kumaen pempem san an imug mi Bai da dumado na yan kuai isi a. Kumaen an maŋ malama nam mile tag gamu en maŋ an niŋen o mi mabol dop alon a.

³ Mel e maŋ mile dugo malon en murupaian da. An lo aŋ maŋ da sisem idsad madok an kisaek mi yen yau a. Agod maŋsama madok man Bai da, agod inanen Nanun Jesus Kristus da mumado da.

⁴ Maŋ girek e migire panan den lo idsad yousai awan isa wa.

Ilalaŋ lo tator san ru

⁵ Ru a in awan lo malon an mabol alon da. Anut mi in ilalaŋ. In lo tidom tubun ta yen man tia geig a.

⁶ Id igo tabol da, id in da madok kisaek mi tumado da, ak man id tidom tubun lo tator tap, ru raek tabol da, agod idsad madok an ru rumok san dal ta iri na da.

⁷ Gug in ilalaŋ lo itor dak ago mi id dam tator tap, id anek anek sisem ilod kisaek mi tumado wa. Agod inanen Nanun Jesus san dar an mi lo idsad aupasek fidian isasi panad go ikok tilasa ya.

⁸ Id aupasek amad tia yak tabol tap, sed ilod irawad da, agod ru a rumok an id ilod lo ta yen na da.

⁹ Ak man in awa urek san tamol, agod itaot geig a, amaiak niŋen o id idsad aupasek an kuai te tabol ilasa tap, idsad aupasek an fidian isasi yau dop, ilod lo kagin itaot tia yan fidian ipasi dop ikok tilasa wa.

¹⁰ Gug id aupasek ta tigane na yak tabol dop man, id in sewak tamol igo won tigane da, agod inanen ru an id ilod lo aben ta yen man tia ya.

2

Kristus idsad binawek

¹ O ŋai nanug muroug, aŋ au apas amoi o ru en ŋigire da. Gug ta in au ipas tap man, id binawek tamol amad da ya. Tamol an Jesus Kristus itaot mok a. In ibinawad san o Bai naon na itur da.

² Idsad aupasek niŋen o Anut ilon wananan da. Ak man Kristus sen inſan mater lo Anut ilon ago iganeg ibubarum a. Id niŋed o mi tia ya, tia, tamolpein a tan titin fidian lo dumado dugo in niŋen o ilod rumok tap, sad aupasek an dam isasi yau a.

³ Id inſan ru kubiaen ibol talon an mi turi tupani tap, dal an lo na id ka talon ak id rumok mi Anut talon a.

⁴ Gug ta in ibol, “Ŋai Anut ŋalon a,” ago gug inſan awan kagin ta ipani na dan, in sewak tamol, agod Anut san ru rumok ak in lo man tia ya.

⁵⁻⁶ Ak man talpein a Anut san ru a kagin ipani dan, rumok, in lo Anut san ilo panek itabusip tubun geig a. Ta in Anut da dumado dak ibol dan, dal kisaek a Jesus itor an lo mi in dam itor a. Dal an lo mi id talon ak, rumok, id Anut da tumado da.

⁷ O turag muroug, gamu ru kubiaen e ŋigire den man foun tia ya. Tia, ru kubiaen en wagam a, nek a fun lo mok alon ama ya. Ru an man fun aŋ alon la ya.

⁸ Ago bo man ru kubiaen en man ibol foun ak on a. Ru kubiaen an san nuŋon man Kristus lo tile da, agod aŋ lo dam maŋ mile da. Man dugo, tudom tubun itout yau dugo ilalaŋ mok an kuai isi da.

⁹ Ago yak niŋen o talpein ta in ilalaŋ lo itor dak ibol gug turan ta ile saian tap, in tidom tubun lo mi imado da.

¹⁰ Talpein a in turan niŋen o imat dan in ilalaŋ lo imado da. An niŋen o mel saian ak ta lo yau idu san in tinin lo yen man tia ya.

¹¹ Gug tamol ta turan ile saian dan in tudom tubun lo imado itor da. Ago yan lo malan tidom tubun dop dal in aŋon a.

¹² Nanug muroug, in yaŋan o, aŋsam aupasek ipare idu yak niŋen o ŋai aŋsam na girek en ŋigire da.

¹³ O tamag muroug, in fun lo imadog ipalu yan alon uyan ak niŋen o ŋai aŋsam na girek en ŋigire da. O aŋ pinein foumi, Satan

san dabai abi idu yak niñen o ñai girek en ñigire panañ da. O nanug muroug, añ Bai alon ak niñen o anñsam na girek en ñigire da.

¹⁴O tamag muroug, añ man in fun lo mok imadog ipalu yan alon uyanan ak niñen o ru en ñigire da. O añ pinein foumi, girek en anñsam na ñigire den man fun igo ya, añ dabai amam da, Anut san ru añ lo yen da, agod Satan san dabai abi idu ya.

¹⁵Añ tan en san madok inñanen filian da niñen o yaes ifunañ amoi. Ta in tan en san madok niñen o imat tap, Bai niñen o imat dan, in lo man tia ya.

¹⁶Man dugo, kagin fidian tan en lo yen dan igo ya, tinik san ilo imasa san kagin, mala sek san kagin, agod se pitianoï kagin tan en san tamolpein digane dan, fidian Bai san nag ta ipalu na da, tia, an tan en san mel mi a.

¹⁷Tan en in tamolpein sad ilo masa da ditout diau da. Ak man talpein ta in Anut ilon ibol dak ago mi igane dop man, pem-pem imado yau a.

Kristus san ager

¹⁸Nanug muroug, saen wadan ipalug sumeik da. Nek ibol añ ru en dubol dugo alon na yak ago, Kristus san ager ipalu wo da, gamu en Kristus san ager wei kasik dilasa yan lo tile talon a. Amaiak niñen o id talon uyan ak saen wadan sumeik ipanad da.

¹⁹Tamol malan an idsad doup lo dilasag diau a. In dubusawad man fun in id muroud tia ya. Aria id muroud ak man ta dubusawad na wa. Gug id dubusawad an lo kuai tem tile talon ak, an id muroud tia ya.

²⁰Ak man Urgun inñsan dabai añ lo ikulmaek idug yen da, an lo añ fidian Anut san ru rumok an alon a.

²¹Añ ru rumok ta alon na yak niñen o ñai girek en ta ñigire na da. Tia, añ ru rumok alon la ya, an niñen o anñsam na ñigire ipalu da. Añ alon ak ru sewak fidian an ru rumok ak muroun tia ya.

²²Ru sewak an enti awan lo ilasa dak i? Tamol a Jesus in Anut san pilianek tamol yanak "Kristus" dubol dan niñen o "tia yak" ago ibol dan, tamol an Kristus san ager.

Tamol naok ago yak in Bai Nanun da niñedi wo dam imoi a.

²³Ta in Nanun imoi dop man in Bai san tia ya. Gug ta in Nanun niñen o ilon rumok ak ago ibol tap, in Nanun san muroun mi tia ya, tia, Bai dam inñanen muroun a.

²⁴Ru a fun lo alon an ilom lo aganep yen a. Ago agane tap, añ Nanun in Taman da urarum dadi amado wa.

²⁵Agod inñsan promis ipanad en igo ya, kumaen pem-pem yen yau san an ipanad a.

²⁶Tamol dirawan o digane dak niñen o girek en ñigire panañ da.

²⁷Ak man Urgun san dabai ikulmaek idug anane yan, añ lo yen da. An niñen o talpein mel foun ak ta ipiteñanañ san tia ya. Man dugo, Urgun san dabai anane yan manau fidian ipiteñanañ da. An man rumok a, ta sewak na ya, amaiak niñen o nek ibol añ ipiteñanañ igo won Kristus da amado wa.

Enti in Anut nanun muroun

²⁸O nanug muroug, añ in da amado wa. Ago tap, saen in kuai te ilasa dop id in da tinin in o ta tarer na wak, agod miai ifunad dop tasuk tamul san dam tia ya.

²⁹In itaot geig ak an alon tap, mel en dam alon a, tamol a kagin uyan ak mi igane dan in Anut lo foun ilasa ya.

3

¹Alon, Anut dugo mok id niñed o imat di? Inñsan ilo panek id niñed o man tubun geig a! Man dugo, id Anut nanun muroun ago ibol da. Id nek ago mi a. Tan en san tamolpein id ta dulon na yan fun man in Anut ta dulon na ya.

²O turag muroug! Id gamu Anut nanun muroun tumado da. Gug id mitep dugo tilasa wan ta talon uyan na da. Gug id mel en talon ak, saen Kristus kuai isi dan, id tilasap in ago mi wa. Man dugo, in naon tinin tile ago mi tile wa.

³Talpein mel an niñen o Kristus tinin igane pani dan inñsen iganeg gun ilasa ya, nek ibol Kristus inñsen gun ago mi a.

⁴Ta in au ipas tap, in Anut san kubiaen ipilali a. Rumok, aupasek man igo ya, tamol kubiaen paen na ta imado na dak san kagin igo ya.

⁵ An alon ak, Kristus tamolpein sad aupasek ipasi wo ipalu ya. Agod in lo aupasek ta ule san tia geig a.

⁶ Ago yak ninen o talpein enti Jesus Kristus da dumado dan au ta ipas na da. Gug ta in au ipas on dan, in Kristus ta ile na yak, agod dam ta ilon na ya.

⁷ O nanug muroug, mel en ninen o tamolpein eil afu dop dirawan banau! Ta in kagin itaot igane dan, in mi itaot a. Ibol Kristus itaot imado dak ago mi in dam imado da.

⁸ Talpein enti aupasek igane on dop man, in Satan san muroun mi a. Man dugo, Satan in fun lo mok go ipalu yan au ipas na ya. Ak man Anut Nanun kuai isi an fun man, Satan san banin aban isubari idu wo ipalu ya.

⁹ Tamol dugon Anut lo foun ilasa yan in au ta ipas na da, man dugo, Anut san bunun in ilon lo yen da. Rumok, in aupasek ta igane yau on na wa, man dugo, Anut lo foun ilasa ya.

¹⁰ Ru en tamol dugon Anut nanun ago dugo, tamol dugon Satan nanun, an fud ifulaleg kuai tem tile da. Talpein a kagin uyan ak ta igane na yan in Anut san muroun tia ya. Agod ta in tein ninen o ta imat na dan in dam Anut san muroun tia ya.

Nug ninen o amat a

¹¹ Ru en gubak mi mok go ipalu yan alon a, id nug ninen o tamat a.

¹² Id Kein tutunan tamoi a. In man Satan san muroun mi a, an lo in tein Abel ifunig imat a. Ata wo ifuni ak i? An fun man in san kagin naok naok saian a, gug tein san kagin fidian itaot, amaiak ninen o ifunig imat a.

¹³ Teig taog, amaiak ninen o tan en san tamolpein dilian saian geig dan, ninen o yaes ta ifunan na dop bubem ta irut na wa.

¹⁴ Id talon ak mater san dal tibiseig, kumaen san dal lo tiladu ya. Id teid taod ninedi wo tamat an lo talon ak, an rumok a. Agod ta in turan ninedi wo ta imat na dan mater san tuon yabituani on da.

¹⁵ Talpein in turan ile saian tap, tamol an in tamol ifuni imat ak igo won a. Agod an alon ak, talpein a tamol ifuni imat an

kumaen pempem san an ilon lo yen man tia ya.

¹⁶ Kristus id o in tinin kumaen ak gigin na igane yan lo, id nug ninen o tamat san dal an ikubiai panad o igane ya. Fun an ninen o id dam turad muroud o ago mi tigane wa.

¹⁷ Talpein tan en san filian anda yan in san turan mel ta lo katukan dugo ile gug ilon ifutani tap, ilo panek Anut san na ipalu dan in ilon lo yen dak i? Man tia geig a!

¹⁸ Nanug muroug, id nug ninen o tamat dan awad mi ru ibol da, gug an san nunon tia yak ago ta tigane na wa. Tia, idsad kagin kagin lo dam ago tigane mok dop man, nunon ilasa wa.

¹⁹⁻²⁰ Dal an lo id talon ak id man ru rumok ak san muroun a. An ninen o saen id ilod ibiad tadu dan, Anut naon na id ilod san urer an ka kute ibol a. Man dugo, Anut in sen idsad ilod irinani geig a, agod in mel fidian ilon uyanan a.

²¹ Turag muroug, idsiganed ilod ta ibiad tadu na tap, id Anut naon na tugudani wo sumeik ka tupani dop, an lo id ta tarer na wa.

²² Agod mel dugon ninen o tugudani dan, an mi ipanad a. Man dugo, in san ru kubiaen kagin tupani dugo ilon ibol ak ago mi, id iri panim tigane da.

²³ En man in san ru kubiaen, id in Nanun Jesus Kristus in san yan an lo ilod lo rumok a, agod nug ninen o tamat a, nek ibol ru kubiaen ipanad ago mi tigane wa.

²⁴ Talpein a fidian in Anut san ru kubiaen kagin dupani dan, in Anut da dumado da. Agod Anut dam in dida dumado da. In anen Urgun ipanad an lo id talon ak, in id da tumado da.

4

¹ Turag muroug, an ur fidian sad ru ilom lo ta rumok na wa. Tia, ur an sad ru abitinae ale gup a, kabelan ur an Anut san boi, tia, Satan san boi, an an ale alon uyan a. Man dugo, profet sewak wei mi aben fidian lo dufufurak go diau a.

² Ur a Jesus Kristus in tamol mok on tan na ipalu yak ago dubol dan, in Anut san a. Dal an lo mi an Anut san Ur ka ale alon a.

³ Ak man ur a Jesus Kristus in tamol mok on ta ilasa na yak ago dubol dan, in Anut san tia ya. In man tamol a in san yanjak “Kristus san ager” dubol dan san ur mi a. Ur an ipalu wo ru an alon se yan, gamu tan en lo imado la ya.

⁴ O nanug muroug, an Anut san muroun a, agod an profet sewak adi arinanai a. Man dugo, Ur an lo yen dan in san dabai man, ur a profet sewak adi lo yen dan san dabai irinani a.

⁵ Profet sewak adi in tan en san muroun mi a, amaiak ninen o ru a dubol dan, nek tan en san mi a. An lo dop tan en san tamolpein kukudod dugurep in awad dulon da.

⁶ Gug id man Anut san muroun a. Ago yak ninen o talpein a Anut ilon an, id awad ilon da, ak man a in Anut san muroun tia yan, id awad ta ilon na da. Dal an lo dop ur dugon rumok san, agod ur dugon sewak san dam ka kuai tem tile talon a.

Anut imug id ninjed o imat a

⁷ O turag muroug, id nug ninen o pem-pem tamat a, man dugo, Anut in san bunun man ilo panek san fun mok a. Talpein a ilo panek aman da yan, in Anut lo foun ilasa ya, agod in Anut ilon da.

⁸ Gug talpein a ilo panek an tia yan, in Anut ilon man tia ya. Man dugo, Anut man in sen ilo panek mok a.

⁹ Anut in san ilo panek a id lulunad lo kuai tem ikubiai panad an san dal igo ya. In anen Nanun kisaek o lian amaiak tan en lo iganeg ipalu ya, an lo dop in sen tinin lo kumaen tumado san tinane wa.

¹⁰ Ilo panek e nai ninen o nabol den igo ya. Id malan malan Anut ninen o ta tamat na ya, tia, in imug id ninjed o imat a. Agod Taman san ilo wananan a idsad aupasek igane ilasa dan, Nanun in sen yabiani wo iganeg ipalu ya.

¹¹ Turag muroug, Anut id ninjed o ago imat tap, id dam nug ninen o tamat a.

¹² Tamol ta in Anut ile man tia ya. Gug id nug ninen o tamat tap, Anut id da tumado wa, an lo dop in san ilo panek id lo yan itabusip nunon ifu wa.

¹³ Id igo talon a, id in da tumado da, agod in dam id da tumado dan, rumok a. Man

dugo, in anen Urgun titin aenta in aneg id ipanad a.

¹⁴ Agod id malad lo Anut in anen Nanun idinig tan en san tamolpein patud ipasi wo ipalu yan tile ya, agod an ninen o tamolpein aenkadi tabol dulon da.

¹⁵ Talpein a Jesus in Anut Nanun mok ibol ilasa dan, Anut in da dumado da, agod in dam Anut da dumado da.

¹⁶ Dal an lo id Anut san ilo panek ipanad dan talon a, agod id ilod lo rumok a. Anut in mi ilo panek. Ago yak ninen o talpein a ilo panek aman da yan, in ilon lo Anut imado da, agod Anut ilon lo in dam imado da.

¹⁷ Dal an lo ilo panek id lo yen dan itabusip itaot geig a. An lo dop bitinaek san nal lo id Anut naon na tatur san ninen o ta tarer na wa. Man dugo, tan en lo id man, nek in igo mi id dam ago mi a.

¹⁸ Ilo panek man tinin rurek an tia ya. Tia, ilo panek itaot geig an ilo irer ikudip patun fo ilasa da. Man dugo, ilo irer man naon panek san mel mi a, an lo dop talpein a irer dan, ilo panek san kagin lo tamol itaot mok ta ilasa na ya.

¹⁹ Id aenta ninjed wo tamat san fun man in imug id ninjed o imat a.

²⁰ Talpein ta igo ibol, “Nai Anut ninen o njamat da,” gug turan ta ile saian tap, in sewak tamol. Man dugo, in turan a ile yan ninen o ta imat na tap, in Anut a ta ile na dan ninen o imat san tia geig a.

²¹ Agod taida mi, in sen ru kubiaen en ipanad a, ta in Anut ninen o imat dan turan dam ninen o imat da.

5

Id Anut Nanun ninen o ilod rumok a

¹ Tamolpein ensauta a Jesus in mi Kristus an ilod lo rumok tap, in Anut nanun muroun. Agod tamolpein ensauta a taman ninen o dumat dan, in anen nanun dam ninen o dumat da.

² Id dal an lo Anut in anen nanun muroun ninjed wo tamat dan talon da, id Anut ninen o tamat dop in anen ru kubiaen dam turi tupani da.

³ Id Anut ninen o tamat dan nek ema ya, id in san ru kubiaen turi tupani da. Agod

inſan ru kubiaen turi san man pasauman a.

⁴ Man dugo, tamolpein a Anut lo dilasa yan fidian in tan en san kagin saian ak diabi idu da. Agod ata mel ta dabai aman da yak lo id tan en san dabai ka tabi idu wak i? Mel an man idsad ilo rumok mi a.

⁵ Enti tan en san dabai yabi idu san ilon i? Tamol a Jesus in Anut Nanun mok ak ilod lo rumok dan, nek ama ya.

⁶ Tamol e ninen o tininen den, Jesus Kristus, you san dal, agod dar san dal dam lo ipalu ya. Fulanek lo mi ta ipalu na ya, tia, inſan mater san dar lo dam ipalu ya. Agod Urgun sen ru an kuai tem igane ya. Man dugo, mel e uraru en, Urgun in ru rumok ak da, man sisem naod kisaek a.

⁷⁻⁸ Mel utol en Kristus ninen o kuai tem dubol ilasa da: Urgun, you, agod dar. An lo mel utol an dutumanig awad kisaek go ru an dubol ilasa da.

⁹ Ru ta tamol adi kuai tem digane ilasa yan id ilod lo rumok tap, id ru a Anut ibol go talon an dam ilod lo rumok a. Man dugo, Anut san ru an tamol sad ru irinani geig a. Agod Anut inſen ru e irupaiad den, inſen mi inanen Nanun ninen o kuai tem ibol ilasa ya.

¹⁰ Talpein a Anut Nanun ninen o ilon rumok dan, in buben lo ru a Anut ibol ilasa dan yen da. Gug talpein in Anut san ru an ilon lo ta rumok na yan, in Anut sewak tamol igo won igane da. Man dugo, Anut inſen Nanun ninen o ru an ibol a, ak gug talpein an ilon lo ta rumok na ya.

¹¹ Ru a Anut ibol ilasa yan san fun igo ya. Anut id kumaen pempem san ipanad a. Agod kumaen an inanen Nanun san banin lo yen da.

¹² Talpein a Nanun yabituani dan, kumaen pempem san dam yabituani da. Gug ta in Nanun ta yabituani na dan, kumaen an in lo tia ya.

Ru wadan

¹³ An Anut Nanun yan ninen o ilom lo rumok an, girek en njigire panan da. Agop an kumaen pempem san anane la yan alon a.

¹⁴ Id talon ak, saen id in o tini ganei tiganeg tumosiai dan, mel a ninen o in

tusumiani dan inſan ilobol an iri pani tap, id awad ilon mok a.

¹⁵ Agod id mel dugon ninen o in tugudanip awad ilon dak rumok an talon tap, id mel en dam talon a, mel dugo yak ninen o tusumiani dan in ka ipanad a.

¹⁶ Talpein ta inſan turan aupasek naok a njetun igane imat san tia yak an igane on dugo ile tap, in ninen o Anut igudani dop, fon kumaen ipani da wa. Aupasek naok ago yak mi ninen o nabol da. Gug aupasek naon sen ak a njetud ifu dumat ak san dam yen da. Agod naj aupasek naok ago yak ninen o an agudani wo ta nabol na da.

¹⁷ Kagin saiak saiak fidian an man aupasek a. Gug aupasek aenta a njetud ifu dumat san tia yak an dam yen da.

¹⁸ Id talon ak enti a Anut lo ilasa yan au ta ipas na da. Man dugo, Anut Nanun iparfutani da, an lo dop Satan yabi ile san tia ya.

¹⁹ Id mel en dam talon ak id Anut san muroun a, ak gug tamolpein a tan en san muroun mi dumado dan fidian, in man Satan tuon lo dumado da.

²⁰ Id mel en dam talon ak, Anut Nanun ipalug, an lo id Tubud a in Tubud rumok ak talon san ninen o manau ipanad a. Rumok, id a Tubud rumok ak in da tumado dan, inſan Nanun Jesus Kristus dam ida tumado da. Kristus inſen mi man Anut rumok ak, agod in lo dam kumaen an pempem yen yau da.

²¹ O nanug muroug, tubud sewak ak mi-tilaedi ninedi wo asau mi amado wa.

2 Jon

¹ Njai matu gurman, girek en njigireg pein ta pilianek ak inanen nanun, nanun pein dadi sad na njigane yau da. Idaned ilo rumok kisaek an lo mi nai ilog nupanaŋ da, agod an nai mi tia ya. Tia, aenta a ru rumok ak duloŋ dan inŋ dam mi a.

² Ru rumok an id ilod lo yen da, agod an ago id lo pempem yen yau a.

³ Bai Anut, inŋ Jesus Kristus Bai sen Nanun da, inŋsad ilo panek, inŋsad ilo muŋanek agod inŋsad maror id da tumado wa, an man ru rumok lo, agod id niŋed o dumat an lo dam mi wa.

⁴ Njai ilog uyanan mok da, man dugo, oŋsa nanuk aenta ru rumok ak diganuri dan njeil a, an nek ibol Bai sen ru kagin irupaiad ak igo woŋ ago digane da.

⁵ O pein, nai ru foun ak ta njigireg njurupaio na da, tia, ru en o fun lo mok girane na yen an nek amaiak mi fon njurupaio da. Id kisaek kisaek nug ilon tupani san niŋen o njugudano da.

⁶ En man ilo panek, inŋsan awak aban san ru kubiaenŋ an mi turi wa. Agod en man inŋsan ru kubiaenŋ, nek kubaienŋ a fun lo mok alonŋ an ago mi, anŋ ilo panek san kagin an lo mi ator a.

⁷ Man dugo, sewak tamol wei mi dilasag panu panu lo dutor da. Inŋ Jesus Kristus tinin tamol mok igo woŋ ilasa yan uyan ta dupani na da. Tamol naok ago man inŋ sewak tamol, agod Kristus san ager tamol ta igo ya.

⁸ Kagin agane wa. Mel a anŋ luluŋam lo dilasa san niŋen maŋ urat wagai migane na yan ideg yau banau. Tia, mel an naon idaisudam anane wa.

⁹ Talpein a imaspalup imug yau dop, an lo piteŋanek mok Kristus niŋen o yan lo ta itur sakar pe imado na tap, inŋ Anut da tia ya. Gug talpein piteŋanek an lo itur sakar pe imado dan inŋ Bai da, agod inanen Nanun da mi a.

¹⁰ Ak talpein ta anŋsam na ipalu, ago gug inŋ piteŋanek ru en tia tap, anŋ ananem ab lo imado wo ta ananep au na wa. Agod ilo uyan ru ta arupein na wa.

¹¹ Man dugo, talpein a tamol naok ago yak ilo uyan ru irupein dan, kulob an lo inŋsan urat saian an inŋ da sisem disini wa.

¹² Njai ru wei mi njigirep anŋsam na njigane ipalu wa. Ak man nai gau nam pepa roun lo njigirep njigane ipalu man namosi a. Ago gug najsag ilog yen dak, mitep najsag njieg nam njupalup id sisem nug naon tupanip tininŋen a. Ago dop man id sisem ilod uyanan mok a.

¹³ Oŋane lu (pein) a Anut sen ipiliani an, inŋsan nanun muroun oŋsa na ilo uyan ru en digane ipalu ya.

3 Jon

¹ Njai matu gurman, girek en njigireg njaineg turag mok Gaias, onsa na njigane ipalu ya. Idaned ilo rumok kisaek an lo mi njurupaio da, naj onj niñe wo njamat da.

² O turag, naj njalonj ak igo ya, onj onjane njutu lo man mado uyanan da. Amaiak niñen o, dal kisaek en lo mi naj onjane tini subam tia itaot yen dop, onsa turenj lo muruan ama tia san niñen o Anut njugudani da.

³ Gubak mi teid taod ta dupalug onj ru rumok ak lo mado dan, agod lo utur yau dan dubol njalonj go, naj ilog uyanan mok da.

⁴ Njai nanug muroug ru rumok ak lo mi dumado dutor dan njalonj tap, an lo man njaisag yousai tubun geig a, agod mel aenta san yousai fidian an irinjanai a.

⁵ Turag uyanan, saen onj Kris aenta binawai dan, agod tamol asau ak niñedi wo urat gane dan, onj kagin uyan ak uri da.

⁶ Inj midaen naod na onjane ilo panek an dupitiani da. Onj tamol a urat lo diraiğ dumug diau dan, Anut san kagin ibol ak atem ago gane uyan da.

⁷ Inj Anut yanjan lo dumasag dutor da, agod gob adi banid lo mel ta diñane man tia ya.

⁸ Amaiak niñen o id tamol naok ago yak tibinawai a, ago dop man id inj da ru rumok ak san urat sisem ka tisini wa.

⁹ Njai girek ta njigireg Kris midaen lo njigane yau a. Ago gug Diotrefes inñsen tinin isinip malan imug o igane dop njaisag ru ilonj san imoi da.

¹⁰ An niñen saen naj anñsam na njupalu tap, naj inñsan naok naok en njabol dop alonj a. Inj naj patug fo ufigane dop ru saiak saiak ibol da. Agod kagin naok ago yak mi ta igane na da, tia, teid taod an injal pe inñsan ab lo diau o man imoi. Agod aenta diñjal pe inñsad ab lo diau wo digane bo man yabtuanai da, ago dop midaen ilon lo yan ikudaip patun fo dilasa da.

¹¹ Turag uyanan, kagin saian ak ta tutunani na wa, tia, kagin uyan ak mi uri wa. Talpein a kagin uyan ak igane dan inj Anut

san, ago gug talpein a kagin saian ak igane dan Anut ta ile na ya.

¹² Tamolpein wei mi Demetrius san kagin uyanan an niñen diñinjenj da. Agod ru rumok inñsen mi inj niñen o dam ru uyanan ak ibol ilasa da. Njai dam inñsan kagin uyanan ak niñen o niñinjenj da, an niñen o ulonj ak njaineg ru en rumok a.

¹³ Njai ru wei mi njigirep anñsam na njigane ipalu wa, ago yak man naj mel ate gau bilkas ak nam njigirep njigane ipalu man njamoi a.

¹⁴ Ago gug njaisag ilog yen dak, milaen tiap naj onj njiliop id sisem nug naon tupanip tinjenj a.

Maror onj da amado. Turad muroud onsa na ilo uyan ru digane ipalu ya. Onj dam njaineg turag muroug anen anen ilo uyan ru rupidaip dulonj a.

Jud

¹ Nai Jud, Jesus Kristus inanen urat pinein, nai Jems tein.

Anj ensauta a Anut igian an, Bai Anut an ninemi wo imat mok go, Jesus Kristus in sen an kagin ipanaj dan, ninemi wo nai girek en an sam na niganeg ipalu da.

² Anut inanen ilo mujanek, ilo maror agod tamolpein aenta ninedi wo amat san anj lo awan isap yen a.

Tamol a Anut san kagin ta diri dupani na dan sad pitininek

³ Nai turag muroug, patu pasek e anj manj da sisem tabig tumado den san fun njigire wo nai yaes isofutanag da. Gug nai ilog isoug gamu ru senamo njigire wo da. Ilo rumok e id gun adi tabi den, Anut in sen saen kisaek o lian id banid lo igane yan man id ta tibileksa na wa. Fun amaiak ninen o, idsad ilo rumok abalgirani san ninen wagai agane wo ru kagin nupanaj da.

⁴ Man dugo, tamol aenta mianuk lo mi anj Kris adi lulunam lo disadu ya. Tamol amaiak Anut wagam mok, inanen girek lo, daonj panek dinane san o ipilianai a. Inj Anut san kagin ta diri dupani na dan, Anut san ilo mujanek dibilisag mel naon senamo geig ilasa ya. Inanen ilo mujanek ipanad dan san fun man, tinid san ilo masa mi ka turi tupani wak ago dubol da. Ak ninen o inj jeit kagin digane dan Anut uyan ipidinai ak ago dubol da. Agod Jesus Kristus, Tubun en in sen Kinj an inj dumoi da.

⁵ Anj mel en alonj fufei la ya, Anut wagam Isrel injal go Igipta dubiseig diau a. Ago bo man murnag tamolpein sauta a ilod lo ta rumok na yan Anut ipitinjinai a. Ansem alonj la yak gug, kulob naok an anj fon mi ilom isafulale san njabol da.

⁶ Gubak mi enjel sauta, inaned urat malante yan lo dumado san dumoi a. Anut urat an ipidinai a, ago gug digane san dumoi go aben an dubisei tag, Anut sein nam isubanaig nal fidian tidom tubun lo ago dumado wo ibol a. Ante dumado dop yaup nal tubun ak san saen ilasa dop Anut bitinaek lo idirai a.

⁷ Nek ibol Sodom inj Gumora da, agod taun a panu uraru giraned na yan sad tamolpein, enjel adi a jeit kagin digane na yak ago mi inj dam ago digane ya. Pein inj tamol da sad ilo masa san kagin an dibiseig, tamol inj tamol da sad ilo masa san kagin diri se yan lo aupasek an dam digane ya. Amaiak ninen o Anut aupasek an naon yai pempem yen yau san lo imiriaig inandai pasik a, an man mitilaen ru kagin ipanad san ago ya.

⁸ Dal naok an lo mi, tamol an dienamin dop lo sed irawaip tinid dukubuli da, gurman a Anut ipilianai an ninedi wo dumoi da, agod enjel girager amad da yan patud fo uf digane da.

⁹ Ak gug saen enjel gurman Maikel inj Satan da nug dupei, enti Moses san sisanun injane wa, inj se pitiano i kagin lo sen yabisa o irer an lo in sen ilon nam misilane k ru lo ta yabi idu na ya, tia, inj igo ibol, "Tubun en in sen imisilano wa, nai man tia ya."

¹⁰ Gug tamol an mel dugo ta dulonj na yan dumisilani da. Agod tinid san melmel a, ibol mel kasik ilod tia yak igo, inaned ilod iduduwai dop lo dulonj dak igo, tamol nek an dal kisaek an mi lo dulonj dugo digane da. Gug melmel nek a dulonj amaiak daonj ipidinaip ipitinjinai a.

¹¹ Inj kagin digane wa! Man dugo, inj man Kein san njen aban duri da, moni dinane san man Balaam san aupasek lo diladu ya, agod nek ibol Kora wagam Anut awan lo ipirgini tag daonj tubun ak ipani a, nek ago mi tamol an dam daonj naon kisaek an mi dinane wa.

¹² An sam ilo panek san soubul lo inj man ibol lad luon kasik ak igo ya. Kabelan an fo Kris tamolpein dinajonj dop disida banau. Anut ilo sou an ta digane na dop sed ifutuwai da. Inj nek ibol tim ifurep, timtaen isini yau dak igo wonj a, gug ui ta isi na da. Inj ibol ai igo ya, nunodi ifu san saen lo nunon ta ifu na dak igo ya, ai an dam dubulani a, fun an ninen o inj saen uraru imat a.

¹³ Inj ibol beig bururuk anda yak igo ya, in sinaned kagin san miai an ibol beig ibalsunig sabalbal an ilasag kuai isi ak igo ya. Go inj man ibol patui keit lo gidigidad dutor dak igo mi a. Tidom tubun aben a lo

na pempem dumado san an Anut ikubune pidinai la ya.

¹⁴ Enok, in Adam san dar lo ipalug bagen seven lo ilasa ya, in tamol saiadi an ninedi wo profet ru igo ibol, "Ale. Anut inanen enel gun ak tausen wei geig dida dupalu wa.

¹⁵ Amaiak lo, in tamolpein fidian ru lo idiraip inaned naon ipidinai a. In tamolpein fidian a Anut san kagin ta duri dupani na dan, kagin an lo kulob saiak saiak digane na yan ninen boum ipidinai a. Agod aupasek adi a Anut san kagin ta duri dupani na dan, in mi lo misilane ru fidian dusue se yan lo, in dam naon boum ipidinai a."

¹⁶ Tamolpein an nurnur tinadi a, in melmel fidian ilasa dan uyan ta dupani na da. In sad ilodi fidian man nek dal saian an mi duri wo digane da. In sed ipitianai dan lo awad tubun mi dininen da. Agod aenta in sad dal an duri wo ilo nilanal ru dubol da.

An ilo rumok abi sakar a

¹⁷ Ak gug nai turag muroug, ru imug Jesus Kristus inanen aposel adi dubol ilasa yan ilom isou wa.

¹⁸ In ago dubol dugo alon a, "Saen wadan lo dop, tamol dilasap kukok amam digane wa. Tamol naok an in sad ilo masai Anut san kagin ta iri pani na da. In sinaned ilo masai an mi duri da."

¹⁹ Tamolpein nek amaiak in Kris midaen biatitek lo didirai da. In tan en san tamolpein sad kankan mi duri dupani da. An lo Awan Urgan in ilod lo tia ya.

²⁰ Ak man nai turag muroug, saen fidian ananem ilom bubem dabai pe, ananem ilo rumok gun geig an abi sakar. Agod saen fidian an Awan Urgan san dabai lo agudani wa.

²¹ An sem ititinan o uyanan dop Anut san ilo panek ilon lo amado wa. An ago agane dop mala nouk amadop, idsad Tubun ak Jesus Kristus inanen ilo munanek iganep kuai te ilasap, an lo iniliad pe kumaen pempem yen san lo tau a.

²² Ensauta a idsad ilo rumok ninen ilod weiwei dan ilom imunanai a.

²³ Tamolpein aenta yai lo dumado dan, abinawai dop anal saltik on a. Aenta inaned ilo masa lo ilodi nun anda yan, ilom

imunanai dop abinawai a. Gug ninedi wo arer dop, sem kagin ipanan o uyanan a, kabelan in sad dal an lo au banau.

²⁴ Anut an ititinan sinakan dop, au adu san tia ya. In ka an inilian pe aup youm isa dop, muruan tiap in sen naon na girager an lo atur a.

²⁵ Anut kisaek en mi patud ipasi san, Jesus Kristus idsad Tubun ak lo yan tabisa wa. In Kin girager aman da, imug imado ya. Agod dabai tubun ak aman da ya. In melmel fidian sad gurman imado da. In gubak mi imado ipalug, gamu dam mi imado da. Saen murna dop, ago mi imado yau a. Rumok.

Revelsen

Ru kagin

¹ Gubak mi ru en mianuk lo yen a. Ago man Jesus Kristus inſen kuai te iganeg ilasa ya. Anut sen ru en Jesus ikubiai panig an lo in inanen urat tamol adi, melmel murnap ririanan ilasa san, amaiak niſedi wo ikubiai pidinai dop duloſ a. Ago dugo Jesus ru en kuai ipani wo inanen eſel idinig, ru en isini ipalug ſai Jon, Jesus anen urat tamol ipanag a.

² ſai Jon, mel fidian malag ſutun lo ſile amaiak, buk en lo ſigire ya. An man Anut san ru agod ru rumok Jesus Kristus ikubiai panag a. Aria, ſai igo ſabol da, ru en man rumok a.

³ Ru en man profet ru, Anut san nag ipalu ya. Talpein ta in ru en aenta luluſad lo isuti dan, in Anut san bar inane wa. Agod tamolpein a talpein an awan duloſ go duri dupani dan dam, Anut san bar diſane wa. Man dugo, Kristus san ru nuſon ifu san saen sumeik ipalu la ya.

Jon Kris midaeſ seven sad na ru igire ya

⁴ ſai Jon, ſai ru e ſigire yen man aſ Kris tamolpein nek a Kris midaeſ seven, tan Eſia lo amado dan aſſami a.

Anut gamu imado dak, gubak mi imado ya, agod murna dop ipalu wa. In ka ilon ipanaſ dop, ilo maror amado san ipanaſ a. Agod ur seven Anut san kalik naon na dumado dan, in dam ilo panek, agod ilo maror amado san ka dupanaſ a.

⁵ Nek ago mi, Jesus Kristus dam, ilon ipanaſ dop ilo maror amado san ka ipanaſ a. In Anut san ru itaot geig ibol ilasa da. In mi tamol malan te geig mutou* lo imasa ya. Agod in dam kin adi e tan na dumado den sad Tubun a.

In id niſed o tubun mi imat da, agod inanen dar lo idsad aupasek fidian mi isasi panad an lo, muruan tiag kawan tumado da.

⁶ Agod in itumanad go inſan kagin panek paen na tumado da. An lo man Kristus id idirad go inſan Taman Bai san pris adi igo

won gamu tumado da. Aria, id saen fidian lo Jesus yaſan tabisap yau a. In mi saen pempem melmel fidian itirnai san dabai aman da ya. Idsad per panek pempem nek ago yen yau a. Rumok.

⁷ Ale. In keit lo timtaen titiſaem imado dugo ipalu da!

Ago dop tamolpein fidian mi inſed malad lo dile wa.

Tamolpein a gubak mi yu nam in dusue yan dam dile wa.

Gugoi fidian a tan titin fidian lo dumado dan, Kristus ipalu dop dilep, an lo ilod tubun mi saian pe tinaſ tubun mi geig digane wa.

Nek a, rumok!

⁸ Anut igo ibol, “ſai mi imug ſumado dak, agod ſai mi murna ſumado da. ſai gubak mi ſumado yak, ſai gamu ſumado da, agod murna dop ſupalu wa. ſai mi dabai fidian amag da ya.”

Jon in Kristus ile ya

⁹ ſai Jon, ſai aſanem teimi, ſai aſ da Jesus san warou lo tumado da, agod ſai aſ da tutumanig id sisem muruan da madaſ da tisini da. ſai aſ da Kristus san kagin panek lo tumado da, agod id fidian mi tatur dabai dugo muruan tisini na ya. ſai Anut san ru, agod ru rumok a Jesus ikubiai panad an dam ſabol ilasa na ya. An niſen o ſai dukudag go subanek tamol on ſaug, nui ta yaſan Patmos dubol dan te ſumado se ya.

¹⁰ Ubou nal ta lo, Awan Urgun in ſaiſag ilo sou itirni dugo, tamol ta awan dabai geig ak, nek ibol barag san lilaſan igo won, ſai patug na iwagin dugo ſaloſ a.

¹¹ Awan an irupaſag go ago ibol, “Mel fidian e ule den man, buk lo girep, Kris midaeſ seven an sad na ganep yau a. On ka ganep Kris midaeſ o taun Efesus, Smerna, Pergamum, Taiataira, Sardis, Filadelfia, agod Laodisia na yau a.”

¹² Agog ſai tamol enti ſaiſag na ininſen dan ſile wo ſadaſa man, lam gol seven an dutur dugo ſeil a.

¹³ Agod ſai tamol kiſaek lam an luluſad lo itur dugo ſile ya. In nek ibol “tamol nanun on a.” In kulos milaen ak iganeg

* 1:5: Nitou

ņien ibuluwi a, agod in let gol titire na igane ilubani a.

¹⁴ Gumuran roun man milkouk geig a, nek ibol sipsip fufulun oņ, tia, timtaen milkouk ak igo woņ a. In san malan man nek ibol yai ided dak ago mi a.

¹⁵ In san űien man milkouk geig a, nek ibol bras yai tubun ak fo dumarig san ilalaņ ad ided dak igo woņ a. In awan űalona ak san liliņa man, nek ibol dog kuror ak lo you isokalik dop san liliņa tubun geig ak igo mi a.

¹⁶ In patui seven banin won ak ate yabi da. Agod sabiri milaen di malan uraru luon geig a, in awan lo yen dugo ipalug ilasa da. Agod in san naon man ilalaņ geig a, nek ibol ad san ilalaņ dabai ak ago mi a.

¹⁷ űai in űile dugo űien fun na sumeik mi tamol imat ak igo woņ űau űadu ya. Ak man in banin won ak iwateg ibiag dugo irupaiaņ, “Oņ ta urer na wa. űai malan te geig űumado dak, agod murna geig űumado da.

¹⁸ Agod űai tamol kumaen san űumado da. Gubak mi űai űamat la ya, ak gug ule, gamu űai kumaen pempem űumado da. űai mateņ san ki agod tamol dumat la yak sad abedi san ki dam űabi da.

¹⁹ “Ago yak niņen o oņ melmel e ule den, nek melmel gamu e yen den, agod melmel murnap dilasa wak dam, buk lo gire idu wa.

²⁰ Oņ gubak mi patui seven an banig won ak ate dien dugo wil la ya, agod lam gol seven an dam mi a. En man in mel mianuk a, agod fun man igo ya: patui seven en man, Kris midaeņ seven amaiak sad eņel adi, agod lam seven an man Kris midaeņ seven amaiak in sedit a.

2

Ru Efesus Kris midaeņ sad na yau a

¹ “Oņ ru ta girep taun Efesus na Kris midaeņ sad eņel malan te yan san na yau a. Ru man igo ya.

Tamol enti patui seven banin won ak ate yabig, lam gol seven lulunađ lo tureņ yabi dan, ru en an sam na iganeg ipalu da.

² An Kris midaeņ, űai an anem kulob fidian, an anem urat dabai ak, agod muruan lo atur sakar na yan űalona la ya. űai űalona ak,

tamol saiadi ak niņedi wo ayalis da, agod tamol ensauta a in sed aposel ago dubol dak gug in aposel tia yan, bitinaek lo adiraig an lo in kuai te dilasa man in sewak tamol adi mi a.

³ An muruan tubun mi dupanaņ bo man atur dabai dugo, űai yan aņ niņen o madai wei mi asini na ya, agod an lo dam an ta ayalis na ya.

⁴ Ak gug űai an niņemi wo ru igo yak amag da ya, saen an imug ilom rumok an lo an űai o tubun mi amat se ya, ak gug gamu saen en lo man űai o tubun mi ta amat na da.

⁵ An au adu geig an niņen o ilom isou wa. An gidad ilom ibilisa wa, agod kagin naok imug mi agane se yan ago mi fon agane wa. Ak gug an ago ta agane na dop man, űai an sam na űupalup, lam a in anen aben ate itur dan űupasip űabal yau a.

⁶ Ak man an kagin uyan ak kisaek amam da ya. An tamolpein warou a yan ađ Nikolaitan dubol dan sad kagin niņen o ilom tubun mi saian da, an lo an űai da in aned kagin an niņen o ilod kisaek a.

⁷ Aria, talpein enti kududon da dop man, in gidad Awan Ur ru e Kris midaeņ irupidađ den ilona uyanan a. Talpein enti yu igane itout dop, űai dabai űupanip an lo, kumaen san ai ate an an in anep yani wa. Ai an Anut san abi yan an Paradais dubol dan, ante isa da.

Ru Smerna Kris midaeņ sad na yau a

⁸ “Oņ ru ta girep taun Smerna na Kris midaeņ sad eņel malan te yan san na yau a. Ru man igo ya.

Tamol enti gubak mi imado yak, agod murna dam imado wan, agod gubak mi imat ak, gug gamu kumaen imado dan, ru en an sam na iganeg ipalu da.

⁹ űai an sam na muruan di, madai dam ilasa yan űalona a. Agod űai űalona ak man, an filiam tiag amado da. Ago bo man an filiam amam da geig a. Taida mi, tamol aenta dam an niņem o uf ru dubol dan űalona a. Tamol an in Juda sadi ak ago dubol da, ak gug in Juda sad tia geig a. In Satan san midaeņ mi a.

¹⁰ Saen kitekan dap an muruan asini wa, ak gug an niņen o an gidad ilom ta irer na

wa. Njai n̄urupaian da, Satan ago igane dop, in̄ tamol aenta an̄ luluŋam lo subanek lo idirai a, ago dop an lo an̄ ikubianan̄ a. Saen an lo dop an̄ nal 10 muruan in̄ madai da asini wa. Gidad on̄ dufuno umat a, on̄ane ilo rumok n̄ai lo yan wabi dabai dop yaup umat a. Ago dop man, kumaen pempem mi mado san kob n̄upano wa.

¹¹ Aria, talpein enti kududon da dop man, in̄ gidad Awan Ur ru e Kris midaen̄ irupidai den ilon̄ uyanan a. Talpein enti yu igane itout pe, in̄ mateŋ murnai an irin̄ani dop madai an ta ile na wa.

Ru Pergamum Kris midaen̄ sad na yau a

¹² “On̄ ru ta girep taun Pergamum na Kris midaen̄ sad en̄el malan te yan san na yau a. Ru man igo ya.

Tamol enti sabiri milaen di malan uraru luon geig ak yabi dan, ru en an̄sam na iganeg ipalu da.

¹³ Njai aben a an̄ amado dan n̄alon̄ uyanan a. Satan san kalik ante yen da. Ak gug an̄ n̄aisag yan̄ag abi dabai da, agod an̄ n̄ai nin̄eg o ilom lo rumok a, an̄sam ilo rumok an tamolpein naod na ta atot na ya. Tamol Antipas amaiak n̄aisag a, an̄sam panu nek a Satan imado dak ate in̄anen ilo rumok n̄ai o ibol ilasag nin̄en o dufunig imat a. Ak gug saen an lo dam an̄ n̄ai patum ta apanag na ya.

¹⁴ Ak man n̄ai an̄ nin̄emi wo ru aenta amag da ya. An̄ Pergamum na amado dan luluŋam lo, tamolpein aenta in̄ tamol a Balaam dubol dan san kagin diabi da. Balaam san kagin man igo ya. Gubak mi kagin sewak Balak ikubiai panig, an lo Isrel tamolpein irawai dugo, aupasek lo diau dudu ya. An lo Balak Isrel adi iduduwaig, mudan a gob adi tubud sewak yai digane pidinai se yan diani dugo, jeit kagin dam digane se ya.

¹⁵ Nek ago mi, tamolpein naok ago yak ta an̄ luluŋam lo dumado da, in̄ warou a Nikolaitan dubol dan sad piteŋanek duri dupani da.

¹⁶ Ago yak nin̄en o an̄ ilom ibilisa wa. Tia dop, n̄ai gugurut nam an̄sam na n̄upalup, sabiri e awag lo yen den, ate tamolpein an n̄afu wa.

¹⁷ Aria, talpein enti kududon da dop man, in̄ gidad Awan Ur ru e Kris midaen̄ irupidai den ilon̄ uyanan a. Talpein enti yu igane itout dop, n̄ai mana a mianuk lo yen dan kitek in̄ n̄upanip yani wa. Mana an Isrel adi tan kawan ak lo diani se ya, ak gug gamu mianuk lo yen da. Agod n̄ai pat milkouk ak ta dam n̄upani wa. Njai pat ante yan̄ak foun ak ta n̄jigire wa, ak man yan̄ak an tamol sen ak ta fun ilon̄ san tia ya. Tia, talpein a pat in̄ane dan mi yan̄ak an fun ka ilon̄ a.

Ru Taiataira Kris midaen̄ sad na yau a

¹⁸ “On̄ ru ta girep taun Taiataira na Kris midaen̄ sad en̄el malan te yan san na yau a. Ru man igo ya.

Ru en man Anut Nanun an̄sam na iganeg ipalu da. In̄ malan ided dak yai balen igo won̄ a, agod n̄ien dam ided da, nek ibol bras dusosisi uyanan ak igo won̄ a.

¹⁹ Kulob fidian an̄ agane dan, n̄ai n̄alon̄ la ya. Njai n̄alon̄ ak, an̄ tamolpein nin̄edi wo tubun mi amat da. Agod an̄ n̄ai nin̄eg o ilom lo rumok da. An̄ urat naon sensen ak lo aenta abinawai o agane da. An̄ bo muruan wei mi an̄ lo ilasa dugo atur dabai da. Agod n̄ai n̄alon̄ ak, kulob e gamu agane den, kulob a imug mi agane se yan irin̄ani a.

²⁰ Ak man an̄ nin̄emi wo n̄ai ru ta amag da ya. An̄ pein Jesebel alefuni dugo in̄ an̄ da amado da. Pein an in̄ profet ak ibol da. An lo in̄ n̄aineg Kris tamol adi irawai dugo jeit kagin lo diau dudu da. Taida mi, in̄ mudan a tamol aenta tubud sewak adi yai digane pidinai dan ka diani wo man̄au ipiteŋanai da.

²¹ In̄ ilon̄ ibilisa wo n̄ai ilog yen da, amaiak nin̄en o saen subun̄an taidam n̄upani a. Ak gug ilon̄ ibilisap jeit kagin ibisei wo man imoi a.

²² An nin̄en o n̄ai pein an subam lo n̄iganep, madai tubun ak in̄ane wa. Ago dop tamol adi dida jeit digane na yan, pein an san kagin saiak ta dibiseip ilod ta ibilisa na tap, an nin̄en o n̄ai muruan tubun ak, agod madai tubun mi n̄upidinai a.

²³ Agod pein an in̄anen warou adi dam n̄afup dumat a. Ago dop an lo Kris midaen̄ fidian dulon̄ ak, n̄ai man tamol ema ya: n̄ai an̄ ilom ilon lo, agod an̄anem kankan

lo dam njukubianip anjanem bunun mok mi njile uyanan a. An ninjen o kulob dugo agane dan injsan naon naj anj kisaek kisaek njupananj a.

²⁴ Ak gug gamu anj tamolpein aenta, Taiaaira san Kris midaenj lo amado dan, pein an san pitejanek ta ari apani na dugo, Satan san melmel imianuk geig go yen dan dam ta alonj na dan, anjsam na ru en njabol ilasa da. Anj muruan subujan taidam asini wo naj ta njududuwanj na wa.

²⁵ Anj melmel fidian nek a abi dan, gidad abi dabai dop na wa. Ago mi agane dop yaup saen naj njamul njupalu san ilasa wa.

²⁶⁻²⁷ Talpein enti yu igane itout dop njaisag ilobol mi iri ipani dop yaup saen wadan idu wan, naj igo njurupei da. Bai wagen lo dabai njinaneg, an lo tamolpein njitirnai ak ago mi, talpein an naj dabai njupanip an lo inj dam tan en san tamolpein itirnai a. Anut san ru ago ibol,

‘Inj itirnai dabai dop kinj san makud ain nam ifu irubai a, nek ibol tamol bod igufutep kilaken kitiktik ilasa dak igo wonj ago igane wa.’

²⁸ Agod naj patui tidom lom mi mok ilasa dan njupani wa.

²⁹ Aria, talpein enti kududon da dop man, inj gidad Awan Ur ru e Kris midaenj irupidai den ilonj uyanan a.

3

Ru Sardis Kris midaenj sad na yau a

¹ “Onj ru ta girep taun Sardis na Kris midaenj sad enjel malan te yan san na yau a. Ru man igo ya.

Tamol enti Anut san Ur seven aman da dugo patui seven dam iburou dan, ru en anjsam na iganeg ipalu da. Naj anj kulob fidian agane dan njalonj la ya. Tamolpein anj ninjemi wo igo dubol da, ‘midaenj en malad kumaen dumado da,’ ak gug anj amat pasik a.

² Anj gidad kumaemi amasa dop lo anjanem kulob kisaek kisaek dumat o sumeik dan dabai apidinai a. Man dugo, anjanem kulob fidian njukubianig njile la ya, an ninjen o kulob amaiak njaisag Anut malan lo ta itaot na yak ago kuai njupani a.

³ Amaiak ninjen o ru a gubak mi alonj dugo anjane yan, ilom isou wa. An ari apani dop ilom ibilisa wa. Anj njionj mi abi dop ta amasa na tap, naj gumagam tamol igo wonj anjsam na njupalu kisaek onj a, ak gug saen dugon te naj njupalu san man anj ta alonj na wa.

⁴ Ak man anjanem midaenj Sardis na yan lulunjad lo tamolpein kisaek kisaek injaned kulos nun ta dupani na ya. Tamolpein an inj kulos milkouk ak didirip naj dida mator a, man dugo, inj ago digane san man idaisuda ya.

⁵ Talpein enti yu igane itout dop, inj dam ago mi kulos milkouk ak igane wa, agod naj kumaen san buk lo yanjan ta njusuas na wa. Tia, njaisag Bai naon na talpein an yanjan njabol ilasa wa, agod injsan enjel adi naod na dam yanjan njupate wa.

⁶ Aria, talpein enti kududon da dop man, inj gidad Awan Ur ru e Kris midaenj irupidai den ilonj uyanan a.

Ru Filadelfia Kris midaenj sad na yau a

⁷ “Onj ru ta girep taun Filadelfia na Kris midaenj sad enjel malan te yan san na yau a. Ru man igo ya.

Tamol enti a gun an, agod kagin rumok ak aman da yan, ru en anjsam na iganeg ipalu da. Inj Dawid san ki yabi da, an ninjen o dalawan dugon ipasi man, talpein ta ifutani san tia ya, agod dalawan a ifutani dan dam talpein ta ipasi san tia geig a.

⁸ Naj kulob fidian a anj agane dan njalonj la ya. An ninjen o ale, dalawan ta anj naom na naj njupasig ikasap go yen da, amaiak tamol ta ifutani san tia ya. Ak man naj njalonj ak igo ya. Anjanem dabai man tusan a, ago bo man anj njaisag ru ari apani na ya, agod anj tamolpein naod na naj yanjan ta atot na ya.

⁹ Tamolpein a Satan san warou lo dilasa yan, inj Juda sad warou lo yak dubol da, ak gug an rumok tia ya, inj sewak tamol adi. Naj tamolpein an njiririaip anjsam na dupalu dop njem fun na turud dusoluwi wa. Agop naj inj njusodudunaip injsiganed awad lo, naj anj ninjemi wo tubun mi njamat ak ago dubol a.

¹⁰ Gubak mi naj ru en njurupaianj a, anj muruan fidian lo atur dabai a. Anj ru an ari apani na ya, an ninjen o naj anj njubargiranaj

a. Kubianek saian geig ak ipalu da, an lo tamolpein aben titin fidian lo yan ikubianai wo ilasa wa. Ak gug saen an lo nai kagin nupananj dop muruan an irinananj a.

¹¹ Saen nai tan na njamul nupalu wan ipalu sumeik la ya. Melmel fidian anj abi dan man, gidad abi dabaip yen a. Kabelan talpein ta anjanem urat naon igam banau.

¹² Talpein enti yu igane itout dop, naisag Anut san ubou ab lo in bag tamol igo wonj nuguni wa. Ago dop in Anut san ubou ab ibiseip kuai te ta ilasa na wa. Tia geig a. Agod nai naisag Anut san yanak in tinin fo ngire wa. Agod naisag Anut san taun tubun ak man, Jerusalem foun a, amaiak san yanjan dam, agod naisag yanjan foun ak dam, in tinin fo ngire wa.

¹³ Aria, talpein enti kududon da dop man, in gidad Awan Ur ru e Kris midaen irupidai den ilonj uyanan a.

Ru Laodisia Kris midaen sad na yau a

¹⁴ “Onj ru ta girep taun Laodisia na Kris midaen sad enjel malan te yan san na yau a. Ru man igo ya.

Tamol enti yanjan ‘Rumok’ dubol dan ru en anjam na iganeg ipalu da. In mi ru rumok san tamol, pempem Anut san ru an itaot geig ibol ilasa da. Melmel a Anut igane yan tamol enti a yanjan ‘Rumok’ dubol dan mi sad Tirnek Tamol imado da.

¹⁵ Anj kagin fidian a agane dan nai njalonj la ya. Anj ta bubarum na dak, agod anj ta wananan na da. Naisag ilog yen dak man, anj wananan amado wa, tia dop, anj bubarum mok amado wa.

¹⁶ Ak gug anj wananan geig tia ya, agod anj bubarum mok dam tia ya. Anj wananan tusan mi a. Ago yak ninjen o awag lo nai anj nugulananj o da.

¹⁷ Man dugo, anj igo abol da, manj moni wei mi, agod biouj naok fidian dam amam da ya, an lo mel ta lo katuk am man tia ya. Gug naisag leil lo man, anj saiami geig a, tamol fidian anj ninjemi wo ilod ka imunananj a, anj filiam tia ya, agod malam itau di taem kawan amado dan, anj an fidian ta ale alonj na ya.

¹⁸ Amaiak ninjen o nai kankan emaiak nupananj o da. Anj naisag na apalup melmel

ibunawanj san ka adad a. Anj gol yai lo dumarig itaotan ilasa yan adad dop man, anj filiam mok amam da wa. Agod anj kullos milkouk ak tinim atuani san adad dop man, tamol adi anj taem kawan amado dan ta dile na wa, an lo miai ta ifunanj na wa. Taida mi, anj marasin malam te abubuni san adad dop man, abanj ka ale wa.

¹⁹ Tamolpein a nai ilog nupidinai dan man, nai ru lo kududod njabip bu dam nupidinaip lo inaned kagin naok naok njukubune wa. Amaiak ninjen o anj ilom ibilisa dop naisag dal ari apani san ninjen o dabai agane wa.

²⁰ Alonj ak, nai dalawan te njatur dugo njuwaginj da. Ago dop talpein ta nai awag ilonj pe dalawan ipasi tap, nai njiladup in da mumado wa. Ante nai in da ananj mani wa.

²¹ Talpein enti yu igane itout dop, nai in dabai nupanip an lo in nai da naisag kalik fo mumasip mumado wa; nek ibol gubak mi nai dam yu njigane itout go, Bai san kalik fo njumasig in da mumado yak ago mi a.

²² Aria, talpein enti kududon da dop man, in gidad Awan Ur ru e Kris midaen irupidai den ilonj uyanan a.”

4

Kumaen panu lo Sipsip Nanun san ubou leil

¹ Murnag nai malag yau man, kumaen panu na dalawan ta ikasap lag yen dugo njile ya. Ago man tamol en gubak mi, barag igo wonj awan tubun mi ibob dugo njalonj man, gamu igo ibol da, “Onj ente palup sida dop man, nai melmel murnap ilasa san njukubiaip ule wa.”

² Agog Awan Urgun tuon aman da naisag na ilasag malag njutun ile kisaek onj a. Malag yang kumaen panu na kinj san kalik ta itur dugo njile yan fufo, Tamol ta imasig imado dugo njile ya.

³ Tamol en injsan rafulei man kadabog a, nek ibol pat ta yanjan jaspada dubol dan, agod san daran ak dam nek ibol pat ta yanjan konilian dubol dak igo wonj a. Galbaob kisaek kinj san kalik ilubanig, injsan rafulei man mum* mok, nek ibol pat a yanjan emeral dubol dan igo wonj njile ya.

* 4:3: Grin

⁴ Kinj san kalik fun te kalik aenta 24 dutur dulubani a. Matu gurman adi nuḡod 24 kalik an fufo dumasig dumado da. Matu gurman adi an man in kulos milkouk milmilae ak didiri dugo, kitikat gol lilit aman da yak kabunad fo didirig dumado da.

⁵ Kinj san kalik fo na weil irafule dugo ḡile ya, agod liliḡan funfun dilasa dugo weil tubun mi iliḡan dugo ḡalon a. Kalik malan te yan naon na man sul seven dided dugo dutur se ya. Sul seven an man Anut san Ur seven ama ya.

⁶ Agod kalik an naon na man, mel ta ḡaisag leil lo nek ibol beig galas igo woḡ, agod you malin malan siḡaokan ak igo woḡ a.

Ago dugo melmel iwoiwo kumaedi dumado dan, in kinj san kalik dulubanig dutur da. In kalik a sukurun iwoiwo yan da dusatuanig dutur dugo kalik disasunani da. Inḡad maladi man wei mi geig, naod na patud na tinid fidian inḡanefute ya.

⁷ Mel malan te kumaen imado dan man nek laion oḡ a. Mel taida mi kumaen imado dan man, makau tamol ak oḡ a. An tinin te taidam, kumaen imado dan man naon nek tamol oḡ a. Agod mel a murna geig kumaen imado dan man, bog ta irou dak igo woḡ a.

⁸ Melmel iwoiwo e kumaed dumado den, in anen anen subarid 6 amad da ya. Agod maladi man wei mi geig, tinid ibuluwi yaug, subarid paen na dam yen da. Ago dugo in ad tidom bar en pempem igo diabi da.

“Tubud Anut in dabai fidian aman da ya, in ḡun di ḡun agod ḡun geig a.

In ḡubak mi imado yak, gamu imado da, murna dop man ipalu wa.”

In yaes bilabal amad tia ru en dubol da.

⁹ Melmel e kumaed dumado den, Tamol a kinj san kalik fufo imasig kumaen pempem imado dan niḡen o, saen pempem mi uyasusai digane da. An lo na yaḡan diabisa dugo, ilo uyan dam dupani da. Agod nal fidian melmel iwoiwo kumaed dumado dan, ago mi digane da.

¹⁰ Saen ago digane dan lo, matu gurman nuḡod 24 yan, in Tamol e kinj san kalik fo imado den naon na turud dusoluwi da. Agog in Tamol nek a pempem mi kumaen imado dan in ubou an dile da. Ago dugo

inḡiganed kitikat gol aman da yan dupasi dugo, kinj san kalik naon na sumeik mi diabibol idu dugo, bar igo diabi da.

¹¹ “Tubun ak, oḡ maḡsama Anut, oḡ girager ama da yak, oḡ yaḡa lak na geig ak, agod oḡ dabai ama da ya.

An lo tamolpein kagin amaiak niḡen o per dupano wa, agod in ago digane san man oḡ idaisuda mok a.

Man ata wo? Oḡ mel fidian inḡiganen ulon ak lo gane ya,

an lo mel fidian ganeg dilasa yan gamu oḡ tuo lo mi dien da.”

5

Buk dufutani ak Sipsip Nanun awan ipasi a

¹ Tamol en kinj san kalik fo imasig imado dugo, tuon won ak ate buk ta yabi dugo ḡile ya. Buk en man nek ibol pepa milmilae ak dubuleg dufou yak igo woḡ a. Pepa an man girek naon ananae mi dien da. Pepa an dulumu yaug titin seven an lo, kendel san gureḡ nam dufou dababai dugo kendel san gureḡ seven an fidian mi tinid fo na kob ta digane ya.

² Ago man ḡai eḡel ta dabai aman da geig ak, awan tubun mi igo isasaig iwagin dugo ḡile ya. “Tamol idaisuda yak enti, in kendel san gureḡ e lo buk dufoug yen den ka ifulalep ipasi wak i?”

³ Ak gug tamol ta in ka buk en awan ipasip, ilon lo girek isuti san tia ya. Kumaen panu lo, tan na, agod tan paen na dam ate aban an diabi se yak gug tamol ta idaisuda yak dile man tia ya.

⁴ Saen tamol ta in buk en awan ipasip, ilon lo ru isuti san dile man tia dugo ḡai ḡile man, tinan tubun mi ḡigane da.

⁵ Agog matu gurman ta igo irupaiaḡ a, “Oḡ ta tata na wa. Ule, Laion e Juda san dar lo ilasag yen den man, kinj Dawid san tubun muroun sad kubuladi, in yu igane itout dugo inḡsan ager adi ibiai dudu ya. Ago yak niḡen o in ka kendel san gureḡ seven a ate buk dufutani an ipasip ifulale wa.”

⁶ Agog ḡai Sipsip Nanun ta itur dugo ḡile ya. Inḡsan leil man dufunig imat ak igo woḡ a. In kinj san kalik titiḡaem itur dugo, mel iwoiwo a kumaed dumado dan, agod matu

gurman adi dulubanig dutur se ya. Inſan fai an seven, ago dugo malan dam seven. Malan seven nek an Anut san Ur seven ama ya. Malan seven an Anut idinaig tan titin fidian lo dufufurak go diau a.

⁷ Aria, Sipsip Nanun yang Tamol a kiſan san kalik fo imado dan banin won ak ate buk inane ya.

⁸ Saen buk an inane man, mel iwoiwo kumaedi dumado dan, agod matu gurman adi nuſod 24 an dam, Sipsip Nanun nien fun na diau dudu ya. Matu gurman adi anen anen in mel ta gita igo won,* agod gol daeg kisaek diabi se ya, ago dugo yakas mumalun uyanan ak daeg an fidian lo ilasa se ya. Yakas en man nek Anut san tamolpein sad gudanek amaiak touad yabi a.

⁹ In bar foun ak ta igo diabi da,

“On buk nanep kendel san guren ate buk dufutanig dufou yan fidian on pasi san ulon a.

On ago gane san man idaisuda geig a.

Ata wo, in on dufuno umat dugo, onane dar lo tamolpein Anut tuon lo dirai san udad a.

Tamolpein aenta man, warou fidian lo yak, muroun ru fidian lo yak, tinik naon sensen lo yak, agod tan titin fidian lo yan on udad unal a.

¹⁰ On in tumanaig an lo Anut san kagin panek an paen na dumado da, ago dugo in dam Anut san pris adi dilasa ya.

Agod in tan na kiſan igo won dumadop tamolpein ante dumado dan ditir-nai a.”

¹¹ Agog nai malag yang enel wei geig neil dugo sad awad nalon a. Inſad sutek man milion milion geig agod tausen tausen geig a. In mel kumaedi dumado dak, matu gurman adi, agod kiſan san kalik dam dulubanig dutur se ya.

¹² In awad tubun mi bar igo diabi se ya,

“Sipsip Nanun e dufuni imat en,

in dabai, filian, manau, tuon dabai ak, yanlan lak na geig ak, girager agod per dam,

amaiak fidian inane san idaisuda mok a.”

¹³ Ago man nai melmel fidian Anut igane yak sad ru nalon a, melmel nek a kumaen panu lo yak, tan na dumado dak, agod tan paen na dien dan, beig lo da mi a. Mel a fidian aben fidian lo dien dan, igo dubol dugo nai nalon a.

“Tamol e inſinan kiſan san kalik fo imado den, agod Sipsip Nanun dam, in sisem per panek, yanlan lak na yak, girager, agod tuon dabai ak da nek ago mi pempem mi dinane wa.”

¹⁴ An lo mel nuſod iwoiwo kumaedi dumado dan, igo dubol, “Rumok!” Ago dugo matu gurman adi turud dusoluwig, urarum naod na ubou dile se ya.

6

Sipsip Nanun kendel guren buk dufutani an yafuteg ipasi a

¹ Nai leil niganeg Sipsip Nanun in kendel guren malan te yak yafute dugo nile ya. Agog mel iwoiwo kumaedi dumado dan, lulunad lo kisaek in ru ta ibol a. Inſan kulagun man weil ilinan on da, in igo ibol, “Palu!”

² An lo nai malag yau man, tamol ta in hos milkouk ak fufo imasig fui yabi dugo nile ya. In tamol yu iganeg itout ak san kitikat kisaek dupani a. In man tamol yu igane itout ak igo won a, aria, tan na ilasag yu iganep itout san ninen o yau dugo nile ya.

³ Saen Sipsip Nanun kendel guren tinin te buk dufutani an yafute man, nai mel a tinin te kumaen imado dan igo ibol dugo nalon a, “Palu!”

⁴ Agog hos sen ta ilasa yak man daran a, nek ibol yai balen tubun ak igo won a. Tamol a fufo na imado dan dabai dupani a. Dabai an man, tamolpein tan en san inaned maror nugnug lo yan ipasi yau san, an lo tamolpein dumasap nugnug lo yu digane dop lo mater dile wa. An ninen o sabiri tubun ak ta dupani a.

⁵ Saen Sipsip Nanun kendel guren utol buk dufutani an ipasi man, nai mel a tinin te kumaen imado dan igo ibol, dugo nalon a, “Palu!” Ante nai malag yau man, hos bilkas ak kisaek ilasa dugo nile ya. Tamol

* 5:8: Harp * 6:5: Ru en man, muruan ibitinae san.

a fufu na imado dan in skel* kisaek tuon lo yabi se ya.

⁶ Ago man nai mel iwoiwo a kumaed dumado dan, luluḡad lo liliḡan ta nek ibol tamol awan lo ru ibol dak igo woḡ ḡaloḡ a. An lo man awak en igo ibol, “Oḡ waup anan kiskisaek daon pidinai a. Ago dop tamol ta nal kisaek urat igane yan san naon inḡanep ate wit bod nanun ak kisaek ka idad a, tia dop, bali bod kititik utol mi ka idad a. Ak man oḡ ai oliv agod ai wain da daon ta pidinai na wa, an lo dop ai uraru an gureḡ lo ta katuk amadi na wa.”

⁷ Saen Sipsip Nanun kendel gureḡ iwoiwo san buk awan dufutani an ipasi man, nai mel utol an tinin te kumaen imado dan igo ibol dugo ḡaloḡ a, “Palu!”

⁸ Nai foun mi malag yau man, hos tinin materḡ san kitek milkouk ak ta ilasa dugo ḡile ya. Tamol a fufu na imado dan inḡsan yanḡan Materḡ, agod aben a yanḡan Ades dubol dan lo tamolpein dumat la yak dumado dan man, Materḡ patun fo iri ipalu se ya. Nuḡod uraru an tamolpein warou iwoiwo lo ditarpalep, warou kisaek dufu dumat san dabai dupidinai a. Ago dop uraru an kadag† lo, subam naon funfun lo, sabiri nam tamolpein dufup dumat a, ago mi tan san bor goun kasik ak dam dufu dumat a.

⁹ Saen Sipsip Nanun kendel gureḡ kafenda ipasi man, nai tamolpein dumat ak ḡutudi alta paen na dumado dugo ḡeil a. Gubak mi tamolpein nek an man, in Anut san ru diabi dabai dugo inḡsan ru itaot dubol ilasa na ya, an ninḡen o ager adi tuod lo materḡ dile na ya.

¹⁰ Tamolpein ḡutudi an awad tubun mi igo duwagin se ya, “O Tubun en, oḡ Dababai a, oḡ gun di rumok a. Saen sapta yau dop man, oḡ tamolpein tan na dumado den kubianaip inḡaned ai wadan ninḡen o ilo sou gane wak i? Maḡ iloma igo yen da, in dufunama mamat san naon oḡ ririan ka pidinai a.”

¹¹ An ninḡen o kulos milmilae milkouk ak, tamolpein kiskisaek dupidinai dugo, ru igo durupidai a. “An ḡidad yaes kitek abal gup, murna dop man ager adi anḡanem urat kisaek adi Kristus ḡien aban duri dan

dufup dumat a, nek ibol ansem dufunan ak igo mi a. Aria, Anut tamolpein sapta materḡ dile san kob ipidinai la ya. An lo materḡ diḡane yaup inḡaned sutek san kob idaisuda wa, ago dop Anut anḡanem ager adi yu digane yan naon ipidinai a.”

¹² Agog Sipsip Nanun kendel gureḡ siks an ipasi dugo ḡile ya. Nai malag yau man, kanaurig tubun geig ak dam tan na ilasa dugo ḡile ya. An lo man ad bilkas, nek ibol tidom tubun ilasa woḡ a. Kalam dam nek ibol dar igo woḡ daran geig ilasa ya.

¹³ Agod keit san patui man, nek ibol tim tubun ak ifure dop gurab nuḡon ta iluboḡ na yak ikuparip tan na dudu dak igo woḡ, nek ago mi patui an tan na dudu ya.

¹⁴ O lak na keit dam yau itout a, nek ibol taweg dulumi yaug dufou ak oḡ a. An lo na did dam nui dam dusuk diaug inḡsiganed abed dibiseig aben sensen lo diau a.

¹⁵ An lo man tan san kinḡ adi agod tamol yanḡad aman da yak, yu tamol adi sad gurman adi, moni tamol adi, tamol dababai ak, bigabeg adi, tamol kawan dumado dak, fidian mi geig dusol go diau a. Aenta pat tutubun a did lo yan patud fo dimianuk dugo, aenta pat guburan lo dimianuk a.

¹⁶ Agog inḡ disasai dugo did inḡ pat da digiaig igo dubol, “An ḡidad adup maḡ atuanama dop, Tamol e inḡsinan kinḡ san kalik fo imado den, maḡ mile san ninḡen o abtuanama wa, man dugo, inḡanen naon mile wo tubun mi marer da. Agod Sipsip Nanun maḡ ninḡema wo tiḡaen imumari da, amaiak maḡ sinḡrema na ta ilasa san ninḡen o adup atuanama wa.

¹⁷ Enta wo? Nuḡod uraru en sad nal tubun ak ilasa la ya, nal an lo man inḡaned tiḡae mumarek tamolpein ifu wa. Amaiak ninḡen o enti inḡ uraru an sad dabai yabiani dop imado uyan ak i? Tan en lo talpein man tia geig a!”

7

Isrel tamolpein 144 tausen kob diḡane ya

¹ Mel en fidian itout dugo, nai eḡel iwoiwo tan titin iwoiwo ante dutur dan ḡeil a. Inḡ tan titin iwoiwo yan san tim diabituan se yan lo tim ta ifure na ya. Tim

† 6:8: Futol

an tan na, beig lo, agod ai fidian ta iwi na ya.

² Ago man ad ilasa san banen lo enel ta ilasag ipalu dugo n̄ile ya. In̄ banin lo tuod* ta kin̄ san kob aman da yak yabi se ya, an lo mel kob igane san man, Anut a pempem kumaen imado dan in̄san mi a. Enel iwoiwo yan gubak mi Anut dabai ipidinaig, an lo murnap in̄ tan beig da ka dupitin̄inai a. Aria, enel a imug n̄ile yan awan tubun mi lo enel iwoiwo yan igiai a.

³ In̄ igo ibol, “An̄ tan, beig, agod ai da, gugurut nam muruan ta apidinai na wa. Tia, man̄ idsad Anut san kob, in̄san urat tamol adi naod kapen fo migane gup, melmel an malad ka asue wa.”

⁴ Agog tamolpein sapta kob a diñane yan dubol dugo n̄ai n̄aloñ a. Sutek an man tamolpein 144 tausen, sisem kob an diñane ya, tamolpein an Isrel san gugoi anen anen luluñad lo dilasa ya.

⁵ Juda san gugoi lo 12 tausen kob diñane ya. Ruben san gugoi lo 12 tausen, Gad san dam 12 tausen.

⁶ Ago mi urig 12 tausen ta Aser san gugoi, 12 tausen ta Naftali san gugoi, 12 tausen ta Manase san gugoi lo ya.

⁷ Nek ago mi 12 tausen ta Simion san gugoi, 12 tausen ta Lewai san gugoi, 12 tausen ta Isakar san gugoi lo ya.

⁸ Nek ago mi 12 tausen ta Sebulon san gugoi,

12 tausen ta Josef san gugoi,
12 tausen ta Benjamin san gugoi lo ya.
Tamolpein en in̄ Anut san kob diñane ya.

Tumanek tubun ak lo tamolpein kulos milkouk ak didiri da

⁹ An itout dugug n̄ai malag yau man, tumanek tubun mi geig kin̄ san kalik, agod Sipsip Nanun dam, naod na ditilianig dutur se yan n̄eil a. An lo man talpein ta isutai san ta ilon̄ na ya. Tamolpein an man warou fidian lo, tinik naon sensen lo, muroun ru fidian lo yak dupalug dutumani a. In̄ kulos milkouk milmilae ak didiri dugo, banid lo man pator roun duburou se ya.

¹⁰ In̄ awad dabai geig igo duwagin̄ se ya, “Idsad patu pasek an man, Anut a in̄anen kalik fo imado dan,

agod Sipsip Nanun dam, in̄ nuñod urarum patu pasek an san fun mok a.”

¹¹ Ago dugo enel fidian man, kin̄ san kalik, gurman adi, agod mel iwoiwo a kumaed dumado dan dida dulubanaig dutur se yan, ditakoksig naod kapen tan dusueg Anut ubou an dile ya.

¹² In̄ igo dubol,

“Rumok geig, per, girager,
man̄au, ilo uyan panek, yan̄ak tubun,
dabai tubun, agod tuon dabai geig ak dam,
an fidian pempem mi man Anut san mi a.
Rumok!”

¹³ Agog gurman ta tamol gurman adi luluñad lo yak n̄ai igo isumianag a, “Tamolpein nek a kulos milmilae milkouk ak didiri an, en sauta yak i? In̄ aben dugon te dupalu yak i?”

¹⁴ Ago man n̄ai ru naon n̄urupeig n̄abol, “Tamol tubu, on̄ mi ulon̄ a.”

Agog in̄ igo irupaiag a, “Tamolpein en man muruan tubun ak madai da lo, Anut irapasaig kuai te dilasa ya. In̄ gubak mi Sipsip Nanun san dar lo in̄aned kulos dufulanig, kulos an milkouk geig ilasa ya.

¹⁵ Amaiak niñen o,

“In̄ Anut san kalik naon na dutur da.

Ad tidom in̄san ubou ab lo dumado dugo, Anut o biabi digane da.

Tamol a in̄anen kalik fo imado dan, in̄ dida sumeikan dumado dop dumui igo won̄ ibalfutanai a.

¹⁶ In̄ fon kadag ta ibiai na wa, agod in̄ kulagud ta igos na wa.

Ad dam tinid ta inani na wak,
mel ta tinid iganep wananan geig san tia ya.

¹⁷ Ata wo, Sipsip Nanun in̄ kin̄ san kalik titin̄ae mi imado dan, in̄sad titianek tamol imado wa.

In̄ kumaen san you ibanai dan san aben ate diau san niñen o ulum ad yabi wa.

Agod Anut in̄sen mi in̄aned malad turon fidian mi isasi dop tinañ fon digane san tia ya.”

* 7:2: Kin̄ san mitilaen ai fo dusuwari ak

8

Sipsip Nanun kendel gurenj seven an ipasi a

¹ Saen Sipsip Nanun kendel gurenj seven a buk dufutani an ipasi yau man, kumaen panu lo mel ta liliñan igane san tia yak, agod ru taidam ilasa san tia ya. Ago mi yaug auwa wadan mi igo wonj a.

² An itout go ñai eñel seven e Anut naon na pempem dutur den ñeil a, ago dugo barag seven dupidinai a.

³ Agog eñel sen ta ipalug alta fun na itur a. Inj paura san daeg gol yakas mumalun uyan geig igane ilasa dak yabi a. An lo man inj paura naok an wei mi geig dupani dop, inj ate Anut san tamolpein fidian sad gadiñ da itumani wa. Ante Anut san kalik naon na yai niganag san alta gol itur dak ate Anut yai digane dupani wa.

⁴ Aria, yakas an inñsan mumalun uyan ak inj Anut san tamolpein sad gudanek da itumanig, eñel e Anut naon na itur den, banin ibiseig lak na yau a.

⁵ Ago man eñel an alta san yai inañeg, daeg an lo ikulmaek go inawai a. Agog inj daeg an tan na ibildu ya. An lo man, saen wei mi keit iliñan se yak, liliñan funfun dilasa se yak, weil irafule dugo kanaurig dam ilasa ya.

Barag seven eñel adi duwi a

⁶ Agog eñel seven a barag seven duburou dan, inj barag an duwi wo sed ikubianaig mala nouk dumado se ya.

⁷ Agog eñel malan te yak inñsan barag iwi dugo ui ais agod yai inj dar da dilasag eñel an iburoug tan na isuwaraig dudu ya. Aria, tan en ai fidian da itarpaleg malan utol dilasag, lulunjad lo malan kisaek muruan ipani wa. Ui ais agod yai dar anda dudug mel a utol amaiak malan kisaek dufuni a. An lo man tan ai fidian malan kisaek ilon lo yan yai inanai pasi a. Ago dugo gafurfur mum* ak dam fidian mi yai inani yau a.

⁸ Agog eñel tinin te imado dan inñsan barag iwi dugo, mel ta did tubun ak inani dak igo wonj, dubuli beig lo idu ya. Aria, beig itarpaleg malan utol dilasag, lulunjad lo malan kisaek muruan ipani a. Malan kisaek an lo man, beig dar igo wonj ilasa ya.

* 8:7: Grin

⁹ Mel beig lo kumaedi an dam, inj warou ditarpaleg utol dugo, warou kisaek mi dumat pasik a. Nek ago mi, wog fidian beig aten fo weinj diabi dan dam, warou ditarpaleg utol dugo warou kisaek mi daon injane ya.

¹⁰ Agog eñel uraru an tinid te imado dan, inñsan barag iwi dugo patui tubun ak kisaek, sul igo inani fufari ak, keit ibiseig yau idu ya. You bururuk yau dan fidian, warou ditarpaleg utol dugo, patui tubun an idug warou kisaek an mi ifuni a, nek ago mi, you gib lo ibanai dan fidian, warou ditarpaleg utol dugo, patui an you naok an dam ifuni a.

¹¹ Patui en san yañan man “Gigen Geig” ago dubol da. Inj you warou kisaek fufu na idu dugo, you an gigen geig ak ago ilasa ya. You a duluk an lo tamolpein wei kasik matenj dile ya.

¹² Agog eñel a utol an tinid te imado dan, inñsan barag iwi dugo, mel ta ipalug, ad, kalam agod patui muruan ipidinai a. Nunjon igane ilasa man igo ya. Nal anen anen, saen lapan ad ided dak san lilaman ta ilasa na ya, agod saen lapan tidom san lo dam kalam san lilaman ta ilasa na ya. Patui lo dam nek ago mi a. Lilaman lapan fidian ditarpaleg utol dugo, lapan kisaek ta ilasa na ya, ad lo, tidom lo dam nek ago mi a.

¹³ Ñai malag yau dugo bog ta tubun ak keit titiñae mi irou dugo ñile ya. Inj awan tubun mi igo iwagin se ya, “Muruan di muruan agod muruan tubun geig tamolpein a tan na dumado dan sad na ilasa wo da. Eñel wadan nunod utol amaiak inañed barag duwi wo da, saen barag an duwi dop muruan tubun geig ak ilasap tamolpein disini wa.”

9

¹ Agog eñel a eñel iwoiwo tinid te imado dan, inñsan barag iwi dugo patui ta ñile ya. Gubak mi keit ibiseig tan na yau idu ya. Inj gib kuror geig fun tia yan san dalawan san ki dupani a.

² Agog patui an gib kuror an awan ipasi a, agog yakas gib an lo ilasa yan, yai tubun ak san yakas igo wonj a. Agod yakas a gib lo

ilasa yan, ad in keit da ibuluwaig ad in keit da tidom tubun dilasa ya.

³ Agog mel wei mi sad leil man makmaguk igo won, yakas en dibiseig tan fidian lo diau a. In dabai a dinane yan man, nek ibol tan en san buramat ai sukulon lo dumado dan sad dabai igo won a.

⁴ An lo in makmaguk adi ru igo durupidai, “An tan en san gufurfur, garan agod ai fidian dam daon ta mok apidinai na wa. Tia, an tamolpein nek a Anut san kob naod kapen fo tia yan mi madai apidinai a.”

⁵ Anut yilafu on dugo kalam kafenda lo tamolpein madai tubun geig ak dupidinai a. Ak gug dufu dumat san geg ipidinai a. Aria, madai dupidinai na yan man, nek madai a buramat uyun bitinen si anda yak nam talpein isue dak igo mi a.

⁶ Saen en lo, tamolpein mater san dal abanan diabi wa, gug ta dumat na wa. In dumat o ilod tubun mi yen da, ak man mater tamolpein an ibisawaip isol yau a.

⁷ Nai makmaguk en neil duman, in hos yu digane wo tawan digane won da. In sad kabunad fufo mel ta gol kitikat igo won dien da. Naodi man tamol naod isiai a.

⁸ In sad gumurad roun dam, pein adi sad igo mi a. Agod in sad luod dam laion luodi igo won a.

⁹ Nek ago mi in sad titiredi man, mel ta siot kapa igo yak nam dubuluwi a. In sad subarid san liliyan man, hos adi karis wei mi diraug yu lo diau dak ago mi a.

¹⁰ In sad uyudi man buramat igo won a, agod uyudi bitinen san si marasin saian ak lo madai tamolpein dupidinai san yen da. In sad uyudi dabai an ate kalam kafenda tamolpein madai tubun geig ak dupidinai a. Dabai naok ago yan uyudi lo mi yen da.

¹¹ Kin ta kisaek in sad gurman imado da. Kin an man enel a gib kuror ak itirni da. Hibru ru lo enel an yan Abadon dubol da, agod Grik ru lo dam yan Apolion dubol da, fun man “Daon Niganag Tamol.”

¹² Aria, muruan tubun geig ak malmalan itout a. Ak man muruan tubun geig ak taidam uraru mi dilasa wa.

¹³ Agog enel a enel kafenda tinid te imado dan, in san barag iwi dugo, nai tamol ta san awan nalon a. Alta gol a Anut naon na yen dan lo, mel ta nek ibol makau faian

igo won, alta san sukurun iwoiwo ante dugunig dien da. Aria, awak a nai nalon an fai an lo kuai te ilasa se ya.

¹⁴ Awak an enel a barag yabi dan irupeig ibol, “Enel iwoiwo amaiak you tubun ak yan Yufretis dubol dan, ate kam nam dusbanaig mala nouk dumado dan, gamu en ka bisawaip diau a.”

¹⁵ In ru an ilon go enel iwoiwo yan ibisawaig, tamolpein warou ditarpalep utol dop warou kisaek lo tamolpein fidian dufup dumat a. Enel emaiak mi, Anut ru gubak mi igansig in auwa, nal, kalam agod ananar nek en mi ate tamolpein dufu dumat san ninen o tawan dumado wo ago ibol a.

¹⁶ Tan na yu tamol adi a hos fufo na dumado dan, in sad sutek man 200 milion igo yak dubol dugo nai nalon a.

¹⁷ Aria, nai malag nutun lo aban nile dan lo man, hos emaiak, agod tamol adi fufo na dumado dan sad leil man igo ya. Tamol adi titired fo mel ta siot kapa igo won ak didiri dan, sad girager man daran, yedyed di kadabog a. Hos sad kabunadi man laion kabunadi igo won a. Agod yai in yakas da, agod pat salfa inani dak san mumalun saian ak dam, hos adi an awad lo ilasag ifufurak go gidigidad diau a.

¹⁸ Tamolpein fidian tan en lo dumado den warou ditarpaleg utol go, warou kisaek man, muruan a yai, yakas, agod pat salfa inani dan nek amaiak warou an dufunig inanen tamolpein fidian dumat pasik a.

¹⁹ Hos adi sad dabai man, awad lo agod uyud lo dam yen da. Uyudi man mot igo won a, in kabunad da ya. An lo hos uyudi amaiak nam tamolpein tinidi tubun mi madai dupani da.

²⁰ Ak gug tamolpein aenta a muruan amaiak lo mater ta dile na yan, in sed ilod lo mi tubud sewak adi, banid nam dututanai dan ta patud dupidinai na ya. Tia geig, kagin naok naok a gubak mi digane se yan dirig diau a. In bugai adi sad ubou leil digane se ya. Agod tubud sewak mitilaedi, tamol in sed banid nam gol silva bras pat agod ai nam digane yan lo dam gadin diganeg yau se ya. Tubud sewak mitilaedi an gidad aban ta dile na dugo, ru dam ta

dulon na dak, agod in turen dam ta diabi na da. Ago bo man tamolpein an ilod ta ibilisa na ya.

²¹ Taida mi, tamolpein amaiak in, tamol dufu dumat san kagin, aenta lo nawir digane san kagin, inaned jeit kagin, agod inaned gumagam kagin dam, an ninedi wo ilod ibilisag kagin amaiak patud dupani man tia ya.

10

Enjel ta buk nanun ak Jon yani wo ipani a

¹ Agog enjel sen ta dabai geig ak kumaen panu nag idu dugo njile ya. In kabunan fufo galbaob ilubanig yen dugo tinin dam keit san timtaen ibuluwi a. Naon san ilalan man ad igo won a, nek ago mi njen san leil man kadan uraru inani dak igo won a.

² Enjel en man buk kutusan ak kisaek awan ikasap go yen dak yabi se ya. In njen won ak beig fufo ipare dugo, njen nas ak tan ipare da.

³ Ago dugo in awan tubun mi isasai da, nek ibol laion ibob igo won a. In ibob itout a, ago gug weil seven sad liliñan an dam inaned awad lo ru dubol ilasa ya.

⁴ Weil seven an sad liliñan itout a, ago gug nai ru dubol en njigire wo da. Ak man awan kisaek kumaen panu na yak ipalug igo ibol dugo nai nalon a, "On ru e weil seven diliñan en onsga ilo girek lo tuep yen a. Inaned ru on ta gire na wa."

⁵ Agog enjel e tan beig da fufo itur den banin won ak kumaen panu san banen lo yabisa dugo nai njile ya.

⁶ Ago man in Anut yan an lo ru lak na geig ibol ilasa ya. Anut enti kumaen pempem mi imado dak, kumaen panu igane yak, mel fidian ate dumado dan dam igane yak, tan dam iganeg mel fidian ate dien dak, beig dam iganeg mel fidian dam lo dumado dan, inanen yan an lo igo ibol, "Anut saen irinani san tia ya."

⁷ Tia, nek enjel e enjel sukunda tinid ate murna geig imado den, in san barag iwi dop san liliñan ilasa wan, kulob an san saen lo mi, Anut san ilo girek gubak mi mianuk lo yen se yan nuñon ilasa wa. Ilo girek nek amaiak mi imug inanen urat tamol profet adi irupidaigulon a.

⁸ Agog awak a gubak mi kumaen panu nag ipalu dugo nalon amaiak fon igo nai irupaiag go ibol, "On waup enjel a tan beig da fufo itur dugo, banin lo buk awan ikasap go yen dan, san na susap buk amaiak nane wa."

⁹ Ago yak njen o nai enjel an san na njaug njurupei, "On buk kutusan en nai panag a."

Ago man in igo irupaiag a, "On njenep wani wa. In on tinjae lo yu igane wa. Ak man onsa awa lo man guburur taen igo bulbal geig a."

¹⁰ In ru ibol itout dugo, nai buk kutusan an banin lo njenaneg nani a. Nai awag lo man guburur taen igo bulbal a. Gug saen nai nani pasik an lo man tinjaeg lo gigen ifunag a.

¹¹ Agog in igo nai irupaiag a. "On gidad fon mi tamolpein warou wei mi, tamolpein a tan tutubu yak san wei mi, muroun ru amad da yak wei mi, agod kin adi wei mi dam, ninedi wo melmel dilasa san njen o profet ru ubol ilasa wa."

11

Profet uraru ru dubol ilasa ya

¹ Agog nai melmel touad nabi san ai tok dupanag an, nek ibol turen san makud on a. Agog awan ta igo irupaiag, "On masap Anut san tempel Jerusalem na yen da, agod alta tempel ilon lo yen dan dam, tou amad wabi wa. Tamolpein sapta ubou ab an ilon lo ubou dile dugo dumado dan dam on sutai a.

² Ak man on aben e Anut san ubou ab in san ar patun fo ilubani yen man, tou aman ta wabi na wa. An on gidad bisei a. Ata wo? Anut aben en man gob adi in sad tumanek san aben igo won ipidinai a. Gob adi dupalup Jerusalem dupartitale dop ate san tamolpein ditirnaip yaup kalam 42 itout a. (An man nal 1,260 igo ya.)

³ Agod nai najsag ru bilabal tamol, nuñod uraru an profet ru dubol ilasa san dabai njupidinai a. Ago dop in mugun san kulob didirip profet ru dufulale dop yaup nal 1,260 itout a."

⁴ Tamol uraru en man in ai oliv agod lam uraru ninedi wo Sekaraia inanen profet ru lo gubak mi ibol ilasa ya. Tamol uraru en

tan titin fidian sad Tamol Tubun ak naon na dutur da.

⁵ Agod talpein ta tamol uraru an dibilitini-aip malad dusue wo tap man, yai uraru an awad lo ilasap, iwali dop sad ager adi inanai pasi wa. Dal nek amaiak lo talpein enti tamol uraru an ibitini-aip muruan ipidinai o igane dan dufunip imat a.

⁶ Uraru en in keit diabituan san dabai amad da ya, an lo saen in profet ru dubol ilasa dan lo, ui pempem ta idu na wa. Uraru an in you fidian diganep, dar igo woŋ ilasa san dabai amad da ya. Agod inŋigned ilobol lo mi man, daon panek agod subam naon funfun diganep, an lo tan en san tamolpein muruan di madai funfun ifu wa. Uraru an in dabai naok ago yan amad da ya.

⁷ Saen nuŋod uraru an, profet ru dubol ilasa san urat digane itout dop man, mel kasik ak a gib kuror fun tia yak lo imado dan, in gib an ibiseip kuai te isudap, uraru en lo yu igane wa. In uraru an ibiai dudu dop ifup dumat a.

⁸ Ago dop inŋsad tubabudi taun tubun ak san dal tubun ak ate dien a. Taun tubun an san yaŋan man, tou yabek ru lo Sodom in Egipta da ago dubol da, taun tubun nek emaiak ate, Tubun en aigim fo dubali dugo dufunig imat a.

⁹ Tamolpein tinid naon sensen ak, warou wei mi ak, muroun ru lo diŋiŋeŋ na yak wei mi, agod tamolpein tan titin fidian lo dupalu yan, nal utol wadan da lo in malad ti ibol pe, uraru an tubabudi leil dupidinai a. In tamol aenta disiriai san niŋen o dal dufou wa.

¹⁰ An lo tamolpein tan san, uraru dumat an sad mateŋ niŋen o muguruŋ digane wa. In soubul digane dop, lou kawan ak dam wei mi nugnug lo didiri ila iso wa. Man ata wo? Profet uraru an madai in muruan da wei mi tamolpein tan na dumado den dupidinai na ya.

¹¹ Ak man nal utol wadan da itout gug, Anut ur kumaen san an iganeg uraru an ilod lo iladu ya. Saen uraru an dumasag dutur se yan, tamolpein uraru an dil dugo direr saian geig dop sed ibibianai se ya.

¹² Agog tamol uraru an talpein ta kumaen panu na awan tubun mi igiai dugo

irupidaig ibol, “An igo asida!” Ago dugo inŋsad ager adi malad lo mi, tamol nuŋod uraru an, keit san timtaen ilon lo diladug, kumaen panu lo timtaen an da disuda diau a.

¹³ Saen nek amaiak lo mi, kanaurig tubun ak ilasa dugo, taun tubun an titin kisaek daon ipani a, ago gug titin 9 an yen a. An lo man seven tausen tamolpein kanaurig an lo dumat a. Gug tamolpein a dumado yan, tubun mi geig direr dugo, kumaen panu san Anut yaŋan diabisa se ya.

¹⁴ Aria, muruan tubun geig ak uraru itout a. Ak man saen kitekan mip, muruan wadan kisaek tubun geig ak ilasa wo sumeik da.

Enjel warou seven lo yan inŋsan barag iwi a

¹⁵ Agog enjel e enjel sukunda tinid ate murna geig imado den, inŋsan barag iwi dugo, kumaen panu lo awak tubun mi igo duwagin dugo ŋai ŋaloŋ a.

“Anut tan titin fidian en sad kiŋ adi inaned kagin panek iganeg itout a, ago dugo Anut inanen Kristus da sad kagin panek ilasag abed inane ya.

An lo Tubun en inŋsen saen pempem kiŋ igo imado yau a.”

¹⁶ Agog tamol gurman adi nuŋod 24 inŋigned kiŋ san kalik fufo Anut naon na dumado dan, turud dusoluwig naod itakok tan na idug Anut ubou an dile ya.

¹⁷ In ago dubol,

“O Tubun en, maŋ ilo uyan mupano da. On mi Anut, on dabai fidian ama da ya.

On gamu mado dak, gubak mi geig mado ya.

Gamu onane dabai tubun geig ak ŋaneg, an lo fun ganeg on Kiŋ igo woŋ mel fidian tirnai da.

¹⁸ Gob adi tiŋaed imumari se yak gug, onane tiŋae mumarek san saen man ilasag itout a.

Gamu man tamol adi dumat ak onane kot lo dilasa wa.

Onane urat tamol adi naon uyan ak pidinai san saen man gamu.

Awo, onane profet adi, agod onane tamolpein fidian dida, tamolpein fidian a onane yaŋa lak na disini dan, a in yaŋad aman da yan, agod a in

yanjad tia yan dam, gamu onj naon uyan ak pidinai a.

Ago dop onj tamolpein a tan en daonj dupani se yan, gamu daonj pidinai a.”

¹⁹ Agog Anut san ubou ab kumaen panu na yan, injsan dalawan dupasig ikasap go yen da. Ago man Anut san ubou ab lo kontrak san kunup kuai te yen dugo fidian leil dupani a. Saen an lo weil irafuleg gidigheid yau dugo, liliñan tubun mi injur a, agod weil weiwei mi diliñan dugo, tan isuruwor dugo, ui ais da pat igo wonj tubun mi geig dudu ya.

12

Jon inj, mot a yanjan dragon dubol dan pein dayila

¹ Aria, mel ta naon sen geig ak keit lak na ilasa ya. Mel an man igo ya. Pein ta imado dan, inj ad kulos onj igane dugo itur da. Kalam njen aten paen na yen dugo, patui 12 kitikat igo wonj kabuñan fufo dien da.

² Pein en luan aman da ya. Agod nanuk igansi san madai inj lo ilasa ya. Inj nanuk igansi wo dugo, madai tubun geig ikubiani dan ninen o awan tubun mi isasai da.

³ Agog taida mi, mel ta naon sen geig ak keit lak na ilasa ya. An man mot daran di tubun geig a. Inj kabuñan seven, agod fai an 10, kabuñan fufo dilasag dien da. Inj kabuñan seven an fufo, kitikat ta kinj san kitikat igo wonj dien da.

⁴ Inj keit san patui fidian itarpaleg warou utol dilasag, warou kisaek injsen uyun nam irianaig tan na dudu ya. Agod mot an yaug pein a nanuk igansi wo dan naon na itur se ya. Injsan ilon man, pein nanuk igansi wo ititiani da, agod saen nanuk ilasa dop ka yani wa.

⁵ Aria, pein nanuk tamol ak igansi a. Nanuk an murnap kinj san tok ain yabip ate tamolpein fidian itirnai dabai a. Pein nanuk igansi la ya, ago man nanuk an ririan disinig, Anut san na diaug, Anut da injsan kalik fo dumasig dumado ya.

⁶ Ago man pein an isol go, aben kawan ak ate yau a. Aben a pein ate imado san man Anut gubak mi ikubune la ya. Aria, aben

an lo inj pein an ananj dupani dop kagin dupani yaup nal 1,260 itout a.

⁷ Aria, gamu yu tubun ak kumaen panu na imasa ya. Isrel san enjel gurman, yanjan Maikel dubol dan, inj injanen enjel dida mot tubun en lo yu digane se ya. Ago dugo mot tubun an injanen enjel dida yu naon digane se ya.

⁸ Ak man inj yu diganep itout san dabai amad tia ya. Ago yak ninen o kumaen panu lo aben ta ate dumado san tia ya.

⁹ An lo man Maikel injanen enjel dida mot emaiak san dabai kumaen panu lo yan diganeg itout a. Mot en man, inj gubak mi yanjan Uf Ru San Ur, yanjan turan Satan dubol dak, ama ya. Inj tamolpein tan titin fidian lo yan irawai na ya. Aria, inj Satan diñaneg, injanen enjel adi dida sisem dubilai tan na dudu ya.

¹⁰ Agog kumaen panu lo tamol ta awan dabai geig igo iwaginj dugo ñalorj a.

“Gamu mañsama Anut injsan patu pasek, agod injsan tuon dababai ak di kagin panek dam walal isi a, agod Kristus san dabai dam ilasag kuai te yen da.

Man dugo, mot emaiak ad tidom Anut naon na itur dugo

manj teim taom uf ru lo idirai na ya, ak gug gamu tan na dubilig idu ya.

¹¹ Manj teim taom man, Sipsip Nanun san dar nam, agod Anut san ru dufulale na yan lo dam, inj mot en lo yu diganeg itout a.

Injsiganed madok ninen o tubun mi ta dumat na ya, tia geig a.

Amaiak ninen o saen materj sumeik ipidinai bo man, inj ta dusuk dumul na ya.

¹² Amaiak ninen o anj kumaen panu adi, anj warou fidian mi kumaen panu na amado dan, uyasusai agane wa.

Ak man anj a tan na agod beig lo amado dan, kagin agane wa.

Muruan tubun ak anjsam na ilasa wo da. Satan anjsam na idu la ya.

Inj ilon tubun mi imumari da, man dugo, inj ilonj uyanan ak man, injanen saen katukan mi a.”

¹³ Aria, saen mot an dubilig tan na idu dugo ile man, pein a nanuk tamol igansi amaiak yabi wo njen aban irig yau se ya.

¹⁴ Ak gug bog tubun ak subein uraru pein an dupanig, an lo in mot ibiseip iroup, yoitout imado wo aben kawan ak lo yau a. Aben ante kagin dupani uyanan pe, anar dupani yaup anar utol wadan da itout a.

¹⁵ Aria, mot en awan lo you igulani a, you an lom tinan igo wonj imasag yaug, pein en njen aban iri se ya. Mot in san ilon man, you gidad pein in anep iriani yau dop ideg yau a.

¹⁶ Ak gug tan pein an ibinawi a. Tan awan isupanig mot you e igulani emaiak iluk a.

¹⁷ Agog mot in pein en lo ilo wananan tubun mok aman da ya. Amaiak njen o in yaug nanun aenta lo yu igane wo da. Tamolpein nek a Anut san ru kubiaen duri dupani dugo Jesus Kristus san ru rumok diabi dabai dan lo yu igane wo da. Ago dugo mot in lon na lul fufo na itur dugo njile ya.

13

Beig san mel kasik

¹ Agog nai malag yau dugo mel kasik ak ta kabunan seven dugo fai aman 10 an beig lo yak ilasa dugo njile ya. Fai anen anen atem kitikat gol kisaek fufo na yen da. Kabunan anak anak ate dam, yanak ta Anut njen uf ru digireg yen da.

² Nai mel kasik e njile man, nek ibol lepad* igo wonj a. In san njen man bear njen onj a. In san awan dam laion awan onj a. Mot amaiak in sanan dabai mel kasik en tan itirni san njen o ipani a. An lo man mel kasik an, mot an kin san kalik fufo imasi dugo, in anen tuon tubun geig dam in aneg lo tamolpein itirnai na ya.

³ In san kabunan kisaek wagai lo maten san baob in ane manonj a, ak gug kabunan an dukubuneg afon uyan isusa ya. Tamolpein fidian tan tilianek lo yan mel kasik an njen o durut saian geig dugo tinid ntud fidian mi lo njen aban duri na ya.

⁴ Mot en in sanan dabai a lo tamolpein itirnai san an mel kasik an banin lo igane

ya, an lo tamolpein fidian mot an ubou an dile na ya. Agod in mel kasik an dam ubou an dile na ya. Ago dugo in igo dubol, “Enti in mel kasik en igo mi ak i? Enti in lo ka yu igane wak i?”

⁵ Agod mel kasik an awan lo ru in njen san dabai dupani a. An lo Anut imoig, mel kasik an Anut njen o uf ru saian geig mok ibol ilasa se ya. Agod Anut dabai ipanig an lo tamolpein itirnai dop yaup kalam 42 itout a.

⁶ Amaiak njen o mel kasik an awan isupanig, Anut njen o uf ru ibol se ya. In Anut yan an njen o, agod Anut san aben ate imado dan, agod fidian a kumaen panu na dumado dan, njedi wo nao futek ru saian geig ak ibol se ya.

⁷ Taida mi, Anut mel kasik en ilefunig in anen tamolpein lo yu igane dugo ibiai dudu geig a. Agod Anut mel kasik an ilefuni dugo tamolpein warou fidian, tan tutubu yak, muroun ru anen anen, agod tinik naon sensen ak fidian mi itirnai san dabai in ane ya.

⁸ Tamolpein fidian tan en lo emaiak mel kasik en dugudanip ubou an dile wa. Ak man warou kisaek mi ago ta digane na wa. Warou an man, tamolpein fidian nek a, tan en gamugo ilasa dugo, Anut in aned yanadi buk lo igire idu ya. An man Sipsip Nanun dufunig imat ak in anen kumaen san buk nek ama ya. Aria, tamolpein nek an mi mel kasik an san ubou ta dile na wa.

⁹ Talpein ta in kududon aman da dop, in gidad ru en lonj sinjakan a.

¹⁰ Anut talpein ta subanek lo yau wo kob ipani tap,
aria, in gidad subanek lo yau a.
Agod in talpein ta sabiri nam dufunip imat o kob ipani tap,
aria, talpein an sabiri nam ka dufunip imat a.

Kagin en lo man, Anut san tamolpein gidad dumado dabai dop in aned ilo rumok diabi sakar dop dumado yau a.

Mel kasik ak tan log ilasa ya

¹¹ Agog nai mel kasik ak sen ta tan ilon lo yak imasag isuda dugo njile ya. In san kabunan fufo man fai aman uraru dien da,

* 13:2: Pusi tutubu yak.

nek ibol sipsip nanunan ak san fai igo won a. Agod inſan ru man mot tubun ak san ru igo mi a.

¹² Mel kasik a imug ilasa yan malan lo man, mel kasik a murna ilasa yan, in mel kasik a imug ilasa yan wagen lo, san dabai fidian tamolpein itirnai san inane ya. Dabai inane yan lo man, mel kasik a murna ilasa yan tamolpein e tan titin fidian lo dumado den idiraig, mel kasik a imug ilasa dugo inanen mateſ san baob dukubuneg uyan isusa amaiak, ubou an dile se ya.

¹³ Mel kasik murna ilasa yan kulob girager tubun ak iganeg ilasa se ya. In ago iganeg, tamolpein malad lo yai keit lo yan tan na idu ya.

¹⁴ Anut mel kasik emaiak ilefunig kulob girager naon sensen ak, mel kasik a imug ilasa yan malan lo igane se ya. An lo man mel kasik en in tamolpein tan na dumado den irawai pasik a, an ninen o man tamolpein mel kasik a gubak mi sabiri nam dufuni an san mitilaen ditutunanip duguni wo isodudunai a.

¹⁵ Agod Anut imoig mel kasik murna ilasa yan inſinan ur iwig lo mitilaen an kumaen ilasa ya. An lo man mitilaen an ru ka ininene san ilone a, agod dugo tamolpein ensauta a mel kasik an san mitilaen ta ubou an dile na yan fidian idiraig mateſ dile ya.

¹⁶ Taida mi, mel kasik a murna ilasa yan tamolpein fidian nek a yanad amad da yan, yanad tia yan dam, filiad amad da yak, tia yak dam, a kawan dumado dak agod a bigabeg urat digane dan, fidian mi idiraig kob ta naod kapen fo boi, tia dop, banid won ak ate diſane ya.

¹⁷ An lo man, talpein ta in kob aman tia tap, aria, in tamolpein aenta sad na melmel ta idad na wak, agod aenkadi inſan na dam melmel ta didad na wa. Kob an man mel kasik malan te yak san yan an boi, tia dop, sutek amaiak lo mel kasik an yan an tou aman yabi dan, nek ama ya.

¹⁸ Talpein ta in mel en ilone o imat tap, gidad kankan milaen uyan geig ak aman da wa. Enti in kankan milaen tubun ak aman da yan, mel kasik en san sutek kuai ka ipani wa. Sutek en man tamol ta inanen

yan an san tou yabek, agod tamol an yan an san sutek man 6 utol mi a. (666)

14

Sipsip Nanun tamolpein 144 tausen dida dutur go bar diabi da

¹ Agog ſai malag yau man, Sipsip Nanun in Did Saion fufo na itur dugo ſile ya. In 144 tausen tamolpein dida dutur da, inanen yan an, agod Taman yan an dam, tamolpein an naod kapen fo digireg yen da.

² Ago dugo ſai ru awan ta kumaen panu lo ibol ilasa dugo ſalone a. An man nek ibol beig tubun ak imasa san liliſan boi, tia, weil san liliſan tubun ak igo won a. Nek tamolpein wei mi mel ta gita igo yak* dufuni dop san liliſan tubun mi ilasa dak igo won a.

³ Tamolpein 144 tausen kin san kalik naon na dutur se ya, agod mel iwoiwo kumaed dumado dan in matu gurman adi dam, naod na dutur se ya. In bar foun ak diabi se ya, tamolpein aenta bar an diabi san manau ta diſane na ya, 144 tausen amaiak mi bar an diabi san dulong a. Tamolpein amaiak mi tan en lo Anut idad in al a.

⁴ Tamol emaiak pein adi dida sed nun ta ipidinai na ya. Tia, in ikokan mi dumado da. Sipsip Nanun panu fidian lo dugon te yau dan, aria, tamol adi emaiak durig dida diau da. Anut warou nek emaiak, tan san tamolpein lulunad lo idad in al a. Agop in warou malan te Anut in al an, inanen warou lo, agod Sipsip Nanun san warou lo dam dumado wa. Nek ibol abi taman anan malan te ilasa dak inaneſ, Anut yai igane pani dak igo won, tamol an Anut agod Sipsip Nanun da sad ilo rumok adi e tan en lo imug dilasa yen, nek ama ya.

⁵ In ru sewak ta dubol man tia ya. Tia, in mel ta ninen o dam muruan amad tia ya.

Enel utol ru dubol ilasa ya

⁶ Agog ſai enel sen ta keit titiſae mi irou dugo ſile ya. In bilaluſ uyanan pempem san isinig tamolpein tan na dumado den irupidai o da. Tamolpein tinid naod funfun lo, muroun ru naon sensen lo, warou fidian lo, agod aben fidian muroudi lo ibol ilasa wa.

* 14:2: Harp

⁷ In dabai geig igo iwagin go irupidai, “An gidad Anut ninen o arer a! In yan an abisa wa! Ata wo? In tamolpein bitinaek lo idirai san nal ilasa la ya. An Tamol e in keit, tan, beig di you gib lo ibanai dan dam idirai en, in lo mi agudani dop inanen ubou leil lo mi amado wa.”

⁸ Agog enel sen ta, in enel imug ipalu yan irig ipalu da. Enel murna yan igo ibol, “Taun tubun ak Babilon dubilig idu geig go digane itout a. Taun Babilon nek amaiak, in san jeit kagin dabai an ninen o, tamolpein warou fidian duri dupani na ya. Nek ibol wain dabai ak ipidinaig duluk go burau geig dilasa yak igo won a.”

⁹ Enel sen ta enel uraru dupalu dugo patud fo ipalu yan, awan dabai geig iwagin go ibol, “Talpein ta in mel kasik en in san mitilaen da sad ubou leil igane dop, agod in naon fo, tia, banin te, kob inane tap,

¹⁰ aria, in gidad wain naon sen ak ka iluk a. Wain en man Anut san ilo wananan agod Anut in wain en you da ta ibilisa dop, tia, wain an inanen ilo mumarek san gab lo iwali wa. Ago dop talpein en ka iluk a. Ago dugup enel gun ak malad lo, Sipsip Nanun malan lo dam, talpein en in yai lo, agod pat salfa inani dak lo, madai inane ago imado yau a.

¹¹ Ago dugo yai a madai tubun geig ipidina dan san yakas pempem mi lak na isuda yau a. Tamolpein emaiak in mel kasik, in san mitilaen da sad ubou leil digane da, agod in san yan an san kob di inane dop, ad lo tidom lo dam inane madai ninen o yaes bilabal amad tia wa.”

¹² Saen an lo tamolpein gun ak gidad dumado dabai a. Tamolpein a Anut awan paen na dumado dugo inane ilo rumok Jesus lo diabi sakar dan nek an mi a.

¹³ Agog nai talpein ta kumaen panu lo igo iwagin dugo awan nalon a. “On ru igo gire wa. Gamu agod nal murna san dam fidian, tamolpein a Tubun en lo dumado dop dumat tap, in ka uyad isusa wa.”

Ago dugo Awan Urgun ru naon igo ibol, “Rumok geig, in ka uyasusai digane wa. Inanen urat dabai ak dibiseip ka yaes dubal a. Man dugo, ata urat digane yan san nunon imug mi ilasa yan in dida kumaen panu lo diau a.”

Tan en lo anan nianan san nal idu ya

¹⁴ Aria, nai malag yau dugo, naog na timtaen milkouk ak kisaek nile ya. Ago dugo talpein ta tamol nanun igo won an fufo na imasig imado se ya. In kitikat gol aman da yak kabunan fo yen dugo, banin lo man bubarek luon geig ak yabi se ya.

¹⁵ Ago man enel sen ta Anut san ubou ab patun fo ilasa ya. In awan dabai geig talpein timtaen lo imado dan san na iwagin go ibol, “Onane bubarek nane anan tute idu wa. Anan tumanek san saen ilasa la ya, an ninen o tan na anan fidian ibes pasik a.”

¹⁶ An lo man talpein a timtaen fo na imado dan, inanen bubarek yabig, tan na itakoksig abi lo anan ibes ak itute idug itumani dugo isini yau a.

¹⁷ Agog enel taidam bubarek luon geig ak yabi dan, kumaen panu lo Anut san ubou ab patun fo ilasa ya.

¹⁸ Agog enel sen ta alta ibiseig kuai te ilasa ya. In man alta san yai itirni san dabai aman da ya. In awan dabai geig enel bubarek luon ak yabi dan iwagig ibol, “Onane bubarek nane, wain patun abi a tan na yak lo yan tutep tumani wa. Man dugo, wain patun fidian dulubon la ya.”

¹⁹ An lo man enel en inanen bubarek inane, tan na itakoksig, wain kutubuk itartiti idug itumanig dien da. Ago man in wain patun an, pat bod tubun ak ilon lo tamol wain patun niedi nam dupartitale wo isuwari idu ya. En man Anut san ilo mumarek itutan a.

²⁰ Agog Jerusalem san ar patun fo, wain nunon bod lo dupartitale dugo dar bod an lo imaspalug kuai te ilasa ya. Ago dugo dar an imaspalu yau se ya, in san milaen man 300 kilomita igo won, tan fidian ituani a, agod in san kuror man mita kisaek wadan da igo won a.

15

Daeg seven ilod lo muruan murnai san dien da

¹ Aria, nai kulob naon senamo geig ak kumaen panu lo ilasa dugo nile ya. Mel an man tubun a, an ninen o nmasa saian go an lo dam narut saian geig da. Nai enel

seven dutur dugo banid lo muruan seven a murnap tamolpein daon dupidinai san duburou dan neil a. Agod saen kulob saiak saiak en itout dop, sen ta ilasa san tia ya, man dugo, muruan seven emaiak lo Anut san ilo mumarek itout pasik a.

² Nai mel ta nek ibol beig tubun ak galas on, yai lo dukubuli ak nile won da. Tamolpein a yu digane itout an, gubak mi mel kasik ak, inanen mitilaen agod yan san sutek dam dibiai dudu yan dam neil a. Tamolpein amaiak in beig galas on an giranen na dutur dugo, in melmel gita igo won Anut ipidinai an duburou se ya.

³ Tamolpein an Anut san urat tamol Moses, agod Sipsip Nanun da sad bar diabi se ya. Bar an man igo ya.

“O Tubun en, on Anut, dabai fidian ama da ya.

Urut fidian on gane man tubun a. Man mile dugo, iloma weiwei da.

O Anut, on tamol warou fidian sad kin, onane kulob fidian itaot di rumok geig a.

⁴ O Tubun en, enti on yanja ninen o ta irer na wak i?

Enti on yanja yabisa wo imoi ak i?

Man dugo, on mi gun a.

Tamolpein tan titin fidian lo dumado dan dupalup on ubou ama dile wa.

Ata wo, onane kulob naok naok itaot mok an, gamu kuai tem walal isig, tamolpein fidian dile da.”

⁵ Mel an itout go, kumaen panu lo kontrak san ab sel dalawan dupasig yen dan nile ya. Ilon lo galun a yanjan aben gun di gun geig ak dubol dan nile ya.

⁶ Ago dugo enel seven e muruan seven daon panek san duburou dan galun an dibiseig kuai te dilasa ya. In kulos milkouk irafuleg ikokan geig ak dupulau a, agod let gol titired fo diganeg ilubani a.

⁷ Aria, mel iwoiwo a kumaed dumado dan, lunjad lo kisaek in gol daeg seven enel an ipidinai a. Anut e kumaen pempem imado yau den, in san ilo mumarek an daeg a seven an lo inawai a.

⁸ Ago dugo tempel san galun gun di gun geig ante man, Anut san girager di dabai tubun ak yakas igane ilasa dugo yakas an aben an lo awan isa ya. Talpein ta in galun

gun an lo iladu san tia ya. Tia, in enel seven an malad digane dop muruan seven an san urat digane itout gup a.

16

Enel seven muruan daeg seven duwalig idu ya

¹ Aria, nai awan ta ubou ab san galun gun an lo ilasa dugo nalon a. In awan dabai geig enel seven en igiai dugo ibol, “An aup, Anut san ilo mumarek daeg seven lo yan awali tan na idu wa.”

² Ago man enel malan te yan yaug in san daeg iwali tan na idu ya. Agog tamolpein mel kasik ak san kob dijane dugo in san mitilaen ubou an dile dan, baob saian geig ak wei mi sad na ilasa ya.

³ An itout go enel neinta in san daeg iwalig beig lo idu ya. Ago man beig ibilisag, tamol dumat ak sad dar igo won ilasa ya. Ago man melmel fidian beig lo kumaed dumado dan dumat pasik a.

⁴ Enel a enel uraru tinid te imado dan in dam in san daeg iwalig, you fidian dog lo yau dak lo, agod you fidian gib lo ibanai ilasa dan lo dam idu ya. You an fidian dubilisag dar igo won dilasa ya.

⁵ An lo nai enel a tan san you fidian itirnai dan igo ibol dugo nalon a.

“O Tubud Gun, on gubak mi mado yak, agod gamu dam mado da.

Naon saian geig amaiak on tamolpein pidinai an itaot mok a.

⁶ Tamol warou en onane tamolpein agod profet adi dufu dumat dugo, insad dar ikulmaek a.

Amaiak ninen o on talpein a saiadi amaiak dar en duluk o pidinai a.

Dar e duluk den man, insigand kagin saiak saiak san naon itaot ak dijane da.”

⁷ Agog nai alta igo iwagin dugo nalon a.

“Awo Tubud Anut, on dabai fidian ama da ya.

Tamolpein a saiadi an sad urat naon on pidinai man rumok di itaot mok a.”

⁸ Aria, enel a enel utol tinid te yan in san daeg ad fufo ikulmaek a. An lo ad san wananan isida yan, tamolpein e tan na dumado den tinid inani saian geig a.

⁹ Ad san yai tubun an man wananan geig a, an lo tamolpein fidian tinid inani se ya. Ago man tamolpein an Anut yañan lo ru saiak saiak dubol se ya, man dugo, in duloñ uyanan ak man, Anut mi muruan a dile dan itirni se ya. Ago bo man in ilod dibilsag Anut yañan ta diabisa na ya.

¹⁰ Agog enel a enel iwoiwo tinid te yan inñsan daeg ikulmaek go, mel kasik malan te yan san kalik fo idu ya, an man kin san kalik. Ago dugo tamolpein a mel kasik san kagin panek paen na dumado dan, sad na tidom ilasag ituanai a. Agod tamolpein an madai tubun geig ak lo inñsed baled diani se ya.

¹¹ Inñsiganed madai agod baob tinid fufo ilasa yan dam ninen o in kumaen panu san Anut naon dufute dupei na ya. Ak gug in ilod ta ibilisag, kagin saiak saiak digane na yan dam ta dubusei na ya.

¹² Agog enel a enel kafenda tinid te imado dan, inñsan daeg you tubun ak Yufretis fufo iwalig idu yan lo, you an igos yau a. An lo kin adi ad ilasa san banen lo dupalu san dal ikubune ya.

¹³ Agog ñai ur saiak saiak utol gurogurou igo won ñeil a. In mot tubun ak awan lo, mel kasik ak awan lo, agod profet sewak awan lo dilasa ya.

¹⁴ Ur adi emaiak mi in ur saiadi a. In kulob girager naon sensen digane wo, dufurak go tan fidian sad kin sad na diau da. Inñsad urat man, kin fidian inñaned yu tamol adi dutumanai o digane da, an lo dop Anut dabai fidian aman da tamolpein kot ipidinai san nal tubun ak lo, yu diabisa wa.

¹⁵ Agog Jesus igo ibol dugo ñaloñ a, “Ale. Ñai nek ibol gumagam tamol ipalu dak igo won, anñsam na ñupalu wa. Amaiak ninen o talpein in ñioñ ta yabi na dop, inñanen kulos giranen na idirig imado dan, ka uyan isusa wa. Nal a ilasa wan san saen lo, kabelan in nunon kawan itor dop tamolpein inñsan mial dile banau.”

¹⁶ Aria, ur saiak saiak kin adi diñal dupalug aben ente dutumanai a. Aben en Hibru ru lo Armagedon dubol da.

¹⁷ Agog enel a enel sukun tinid te imado dan, inñsan daeg keit lo iwalig idu ya. Ago dugo awak dabai geig in galuñ gun di gun

geig ak Anut san ubou ab ilon lo yen dan lo ilasa dugo igo iwagin, “En man itout a!”

¹⁸ Ago man weil wei mi irafule dugo, liliñan tubun mi dunur a, ago dugo weil diliñan ak, kanaurig tubun ak dam ilasa ya. Kanaurig an man tubun geig a, kanaurig naok igo yak ta, saen tamolpein imug tan na dumado ipalug gamu yen sad na ilasa man tia ya.

¹⁹ Aria, taun tubun ak itarpaleg lapan utol dilasa ya. Agod kanaurig amaiak tamolpein tinidi naon sensen ak sad taun tubun an fidian iratitale yau a. Agod Anut in taun tubun ak Babilon ninen o ilon isoug, an lo gab a ilon lo wain awan isa yan inñaneg Babilon ipani a. Wain an man inñanen ilo mumarek tubun geig an tou ipani da.

²⁰ Ago dugo nui fidian dusol go diau pasik a. Agod did fidian dam talpein ta yil san tia ya.

²¹ Ago dugo ais tubun ak dudu ya. Ais lapan kisaek kisaek sad muruan 50 kilogrem igo won a. Keit lo ais an tamolpein tinid fufo dudu dugo daonñ tinan geig dupidinai a. Amaiak lo Anut o ru saiak saiak dubol se ya, man dugo, kulob an man ilo irer san geig a.

17

Jeit pein tubun an naon saian ak inñane ya

¹ Ago man enel nunod seven daeg seven diabi dan luluñad lo enel kisaek ñai Jon ñaisag na ipalug igo irupaiag a. “On palup, jeit pein a you wei mi fufo imasig imado dan, naon dugo won Anut ipani wan ñukubiaip ule wa.

² Tan san kin adi pein en da jeit kagin saen wei mi digane na ya. Tamol tan en san fidian in dam pein en da jeit kagin digane na ya. An lo man in fidian inñanen jeit kagin san wain duluk na yan lo burau dilasa ya.”

³ Agog enel e ñai da minñen den, ñionamin Urgun igane ilasa yan lo ñai isinag go, in da aben kawan talpein an tia yak ate mau a. Aben an lo ñai pein kisaek mel kasik daran ak fufo imasig imado dugo ñile ya. Mel kasik an yañak wei mi tinin fo anua ya. Girek en lo yañak en fidian man, Anut ninen o uf ru funfun agod ru saiak saiak

dam dien da. Mel kasik an kabuñan seven dugo fai aman 10 kabuñan fufo dilasa ya.

⁴ Pein en kulos a igane yan daran a, agod sad girager daran an naok uraru a, man dugo, girager uraru an kin san a. Inj gol damag naon funfun, agod kululoi naon lak na yak, damag naon uyanan pat nam digane yak dam aman da ya. Inj gab gol aman da banin lo yabi da. Agod kagin naon sensen Anut malan lo iganan geig ak, pein en san jeit kagin nun anda yak gab en lo awan isag yen da.

⁵ Agod pein en naon kapen fo yanak ta digireg yen da. Yanak an man igo ya.

Ru mianuk an.

Babilon tubun a.

Jeit pein sad tinadi mok.

Agod tan san kagin iganan fidian sad muroud imado da.

⁶ Pein en Anut san tamolpein ifug dumat a, tamolpein nek Jesus yanjan ilod lo rumok go, inñsan yanjan dubol ilasa na ya. Pein en gubak mi inñsad dar iluk go, an lo nek ibol tamolpein ayu duluk pe burau digane dak igo won, ago burau imado dugo njile ya.

Saen naj ago njile dugo njumasa saian go ilo sou wei mi njigane se ya.

⁷ Ago man enel an igo irupaiag a, “Ata wo on masa saian aki? Pein an, agod mel kasik ak isini dan, nek a fai aman seven dugo kabuñan 10 aman da yan, sad fudi njupano wa. Mitilaen en fun imianuk a, gug naj ka njfulale pano wa.

⁸ Mel kasik en on ule la ya, gubak mi imado yak, gamu fon ta imado na da. Ak man murnap inj gib e fun tia yen ibiseip isuda wak gug, ideg yau geig a. Tan san tamolpein inj mel kasik en dilep dumasa saian geig a. Nek tamolpein a inñaned yanjadi Anut tan gamugo igane ilasa yan lo, kumaen san buk lo ta igire na yan, inj dumasa saian a. Man dugo, mel kasik en gubak mi imado yak gug, gamu ta imado na da, ago bo man murna dop kumaen fon imul da wa.”

⁹ “Talpein inj kankan milaen aman da tap, inj ka mel en fun ilon uyanan a. Kabuñan seven en man, did seven emaiak fufo na pein a imasig imado dan ate tou ipani da.

¹⁰ Agod taida mi, kabuñan seven en man kin seven ate tou ipani da. Kafen ta gubak mi dumat la ya. Kisaek gamu imado da. Agod kisaek gamugo kin ilasa da. Saen inj ilasa tap, inj saen kitekan mi kin imado wa.

¹¹ Agod mel kasik e gubak mi imado gug gamu tia yen man, kin kisaek taida mi, gamu nuñod seven an luad isa da, ak man inj kin nuñod seven an sad warou lo dam mi a. Agod inj ideg yau a.”

¹² “Agod fai 10 en on gubak mi mel kasik en kabuñan fufo ilasa dugo ule man, inj kin 10 ate tou dupidinai da. Inj gamugo kin sad dabai diñane ya, ak gug murna dop kin sad dabai diñanep auwa kisaek mi mel kasik ak dida tamolpein ditirnai a.

¹³ Kin adi en man inñsad kankan kisaek mi a. Inñsad dabai agod yanjad tubun ak da mel kasik an dupani wa.

¹⁴ Kin adi emaiak inj mel kasik da Sipsip Nanun lo yu digane wa. Ak man Sipsip Nanun agod tamolpein a njen aban duri dupani dan sisem yu lo dirinñanai geig a. Man dugo, Sipsip Nanun man tamol tutubu yak sad Tubun a, agod kin fidian sad Kin, agod tamolpein a inj dida dumado dan man, Anut ipilianaig igiai a, agod inj awan kagin dupani da.”

¹⁵ Ago man enel an foun mi igo irupaiag a, “On you wei mi a gubak mi jeit pein fufo na imasig imado dugo ule yan, inj tamolpein fidian tamol sad warou adi, tinik naon sensen fidian, muroun ru fidian agod warou tutubu geig ak dutumanig dumado dan ate tou dupidinai da.

¹⁶ Mel kasik en, agod fai 10 e ule yen dam, inj sisem jeit pein an lo siai digane wa. Inj pein an san bioun fidian dupasi idup nuñon kawan ilasa wa. Agop inñsan tinin mudan diani dop yai lo dumarip inani yau a.

¹⁷ Man dugo, Anut inñsen mi kin en kankan ipidinaip, an lo kulob a gubak mi Anut ninen o ilon ibol amaiak ka digane ilasa wa. Inj ilo sou kisaek amad da wa. Inj kin dumado san dabai e diñane yen, fidian mi mel kasik en dupani wa. Inj ago mi digane dop yaup ru a Anut gubak mi ibol an fidian nuñon ilasa wa.

¹⁸ Pein gubak mi ule yan man, inj taun tubun e tan en san kin fidian itirnai den ate

tou ipani da.”

18

Babilon saian igane geig a

¹ Murnag naj enel sen ta kumaen panu ibiseig idu dugo nile ya. Insan dabai man dabai geig a, agod ilalan a insan nag irafule ilasa dan, tan ilalan ipani sinjaokan a.

² Inj awan dabai geig igo iwagin go ibol, “Ale, taun Babilon tubun an dibildu ya, awo, Babilon dibili yau idu geig a. Gamu inj man bugai adi sad yaes bilabal aben ago ilasa ya, ur saiak saiak fidian sad wur igo ilasa ya, agod anakanak di yok naok fidian nun amad da yan sad wur igo dam ilasa ya.

³ Ata wo, tamolpein warou fidian inj da inanen jeit kagin dabai ak san wain duluk a. Tan san kinj adi dam inj da jeit kagin digane na ya.

Agod tan san daden tamol adi inj Babilon san ilo masai dabai ak san kagin lo moni wei mi dinjane na ya, an lo inanen jeit kagin an aenta sad irinjanai geig an lo, tamol filiad tubun ak igo dilasa ya.”

⁴ Agog naj kumaen panu lo Anut awan igo ilasag iwagin dugo njalon a. “An njaineg tamolpein adi, an gidad aben an abiseip kuai te alasa wa.

Kabelan aupasek funfun a igane dan lo luan asa banau.

Agod kabelan an insan muruan funfun naj njupani wan ate dam atutou banau.

⁵ Man dugo, insan aupasek itumanig malan tubun go kumaen panu lo isuda yau la ya.

Agod kagin saiak saiak igane na yan fidian ninen o Anut ilo sou igane da.

⁶ Inj aenta ipidinai ak igo Anut dam naon inj ipani wan man babagaru a.

Ayu naok dugo inanen gab lo yak Anut inanep, ikubulip, subunan taidam ililip, urarum iluk san ipani wa.

⁷ Nek ibol inj girager agod mel wei mi sinjaokan ak dam insen ipani se yak igo wonj,

madai tubun geig agod ilo papao a Anut ipani wan da tou kisaek a.

Inj buben ago ibol, naj mi kwin, naj pein suos tia ya, amaiak ninen o naj tinarj aru njigane san tia geig a.

⁸ Amaiak ninen o, nal kisaek ilon lo mi, naon dugo Anut ipani wan ile wa. Naon an man maten, mala turon, agod kadag san saen tubun a.

Yai man Babilon inani yau pasik a.

Man dugo, Tubud Anut e naon ipani den, inj dabai tubun ak aman da ya.

⁹ “Tan san kinj adi e gubak mi inj da jeit kagin digane se yan, agod dida inanen ilo masai san kagin ate dututou se yan, yai a Babilon inani dan san yakas dile wa. Inj ago dile dan lo, taun an ninen o tinarj aru digane dop ilo muruan amad da dumado wa.

¹⁰ Inj madai saian ak injane dan dile dop ninen o direr geig a. Inj asau mi dutur dop igo dubol,

‘Ilog imunjano, Babilon, ilog imunjano geig da.

Onj tubu kasik agod taun dabai geig a.

Ak man auwa kisaek ilon lo mi onjane aupasek naon saian ak onjasa na ilasa ya!’

¹¹ “Daden tamol adi tan fidian san, Babilon ninen o tinarj aru digane dop, ilo muruan amad da dumado wa. Ata wo, injaned biounj didad san talpein tia ya.

¹² Injad biounj wog tubun ak lo digane yau man, gol, silva, pat uyanan ak, kululoi naod lak na geig ak, yamel milkouk sinjaok amadi ak, yamel daran naon funfun agod yamel silika. Agod ai naon funfun sad mumaludi uyanan ak, agod melmel naon aenta elefan san buramat nam digane ya. Mel aenta digane man, ai naod tutubu yak lo, bras, ain, agod pat girager sinjaokan ak nam digane ya.

¹³ Injaned biounj aenta dam dien da. Sina-mon nesnes nuaen san, paura, yakas mumalun uyanan igane ilasa dak, gurenj naon funfun mumalun uyan ak, sanda uyan ak, wain, oliv gurenj, plaua uyan ak, agod wit da, makau, sipsip, hos di hos karis da, agod tamol bigabeg adi dam mi a.

14 “Tamol daden urat digane dan Babilon igo durupe i a. ‘Onane urat san nunon a on nane wo ilo ibol na yan, an fidian on sinjire na tia ya, asau mi geig dien da. Melmel uyadi didaen san naon tutubu yak, agod onane bioun bala sinjira ak an fidian dideg la ya. Ago yak ninen o on melmel en afon ule san tia geig a!’

15 Tamol mel an lo daden digane na yan, in taun an san moni wei mi dinane la ya. In taun an madai tubun mi inane dop dile wa, ago dop in dam tubun mi direr a. In asau mi dutur pe tina aru digane dop, ilo muruan lo dumado wa.

16 In disasaip igo dubol a. ‘Ilo ma saian da, taun tubun an ninen o iloma saian geig da.

Gubak mi in kulos milkouk sinjira amadi ak, yamel daran ak naon funfun tinin fufo idiri na ya.

In gol di pat sinjira, kululoi naon lak na geig ak ate bala yabi se ya.

17 Auwa kisaek an ilon lo mi, moni en in bioun en da fidian mi ideg yau a.’

“Wog tubun ak wei mi sad unbiek adi, agod tamol fidian wein diabi dan, wein tamol wog lo urat digane dugo tan tutubu yak lo dutor dan, agod wog tubun amaiak sad tamadi fidian mi, dutur pe asau mi geig dumado wa.

18 Ago dop in Babilon yai inani dak san yakas dile dop disasaip igo duwagin a, ‘Taun dugomaiak in taun tubun en da naon kisaek i?’

19 In tan san gufgaf duburoup, sed kabunad fo dusuwarip, tina aru digane dop ilo muruan amad da dumado wa. Ago dop in igo duwagin a,

‘Ilo ma imunano, o on taun tubun ak iloma tubun mi imunano da.

Wog tubun ak taman adi beig lo dutor dan, in taun amaiak san moni tutubu yan lo moni tamol dilasa ya. Ilo ma imunano da.

Auwa kisaek ilon lo mi saian gane geig a!’

20 “An kumaen panu san tamolpein, Babilon ninen o gidad uyasusai tubun mi agane wa!

O an gun adi, aposel adi agod profet adi uyam isusa wa.

Man dugo, Anut taun en san kagin ipupig ile yak ninen o naon saian ak ipani a.”

21 Ru an itout go, enel dabai ak kisaek pat tubun ak ta ate wit dufufari idu dak inane ya. In pat en yabisag beig lo ibildu ya. In igo ibol,

“Kagin amaiak lo in Babilon tubun an dinanep dubildu dop in fon ta dile geig na wa.

22 O Babilon, gita san lilijan, dum san lilijan, barag san agod dum wek naon funfun onsa ar lo fon ta ilasa na wa.

On lo tamol adi insad urat pinein adi urat dugomaiak digane san manau dupidinai man, fon ta ilasa na wa.

Pat wit ifufari san ibob dan, in fon on lo ta ilasa na wa.

23 Lam san lilaman onsa na fon ta ilasa na wa.

Pein tamol nug iwon iwon awad onsa na fon ta dulon geig na wa.

Gubak mi onane daden tamol adi, in tamol tutubu geig tamolpein aenta malad lo dumado na ya.

On nawir naon funfun gane dugo, an lo on tamolpein warou fidian rawai na ya.

24 Anut taun en ilon lo aban ile dugo dar tubun mi kuai ipani a.

Dar an man profet adi agod inanen tamolpein gun ak sadi a,

agod taun en ilon lo man tamolpein fidian a gubak mi dufu dumat ak sad dar ikulmaek idu yan dam ante yen da.”

19

Tamolpein Babilon daon inane yan dile yak ninen o uyasusai digane ya

1 Mel en itout go, nai mel ta wagin tubun ak igo won kumaen panu san tamolpein warou tutubu yak dubol dugo nalon a.

“Aleluia,* id Anut per tupani wa!

Patud pasek, girager agod dabai da insan mi a.

2 Man dugo, insan kot man rumok di itaot mok a.

* 19:1: Hibru ru ‘aleluia’ san fun: Yawe per tupani.

In jeit pein tubun en, inanen jeit kagin lo, tamolpein tan san fidian mi inaned madok malan isue dugo nun dilasa yan, yabi idu ya. An lo naon itaot ak ipani a.

Pein en inſan aupasek lo Anut san urat tamol di urat pein ifug dumat an lo aupasek amaiak gamu naon ipani a.”

³ In fon mi igo duwagin a.

“Aleluia!

Taun tubun en yai inani da, amaiak san yakas pempem mi lak na isuda yau da.”

⁴ Matu gurman adi 24 in mel iwoiwo kumaed dumado dan dam, Anut kin san kalik fufo imado dan, naon na turud dusoluwig in ubou an dile ya. In igo dubol a,

“Rumok. Aleluia, man Anut per mupani da!”

⁵ Agog talpein ta awan kin san kalik lo ilasag igo iwagin go ibol,

“An idsad Anut san urat tamolpein, an Anut per apani wa.

An tamolpein kawan ak,
agod tamolpein yanad anda yan,
an fidian mi gamu Anut yan an abisa wa!”

⁶ Agog nai liliſan tubun ak nek ibol tamolpein warou adi dutumanig dumado dugo sad ru ilasa dak igo won nalon a. An man nek ibol you wei mi sad liliſan ilasa da, tia, weil tubun mi iliſan dak igo won a. In igo duwagin da,

“Aleluia, id Anut per tupani wa.

Ata wo, idsad Tubud Anut dababai fidian mi aman da yak, gamu kin rumok imado da.

⁷ Gamu id ilod uyan pe yousai tubun mok tigane wa.

Ata wo, Sipsip Nanun in iwon pein inane san nal idu ya,

agod inſan pein sen bala ipanig malan igane da.

⁸ Anut ilon ibol an lo man, kulos milkouk siſaokan geig ak pein an inane idiri a.

Kulos en ikokan di lilaman geig a.”

(Kulos e milkouk siſaokan en, in Anut san tamolpein sad kagin itaot digane na yan ate tou ipani a.)

⁹ Agog enel an igo irupaiag a, “On ru igo gire wa. Talpein e Sipsip Nanun pein inane san anan tubun ak lo Anut igiaig dupalu yen, uyasusai digane wa.” In fon mi igo irupaiag, “Ru en man Anut san ru rumok a.”

¹⁰ An lo gug nai enel en siſiren na turug nusoluwig in ubou an nile wo da. Ak man in igo irupaiag, “On gidad ago ta gane na wa. Nai man on tei murou nek a Jesus niſen o ru diabi dabai dan dida, id sisem urat kisaek a. On Anut mi ubou an ule wa! Man dugo, idsad ru Jesus niſen o tabol ilasa dan, nek an mi profet adi sad ru fun mok a.”

Jon in tamol hos milkouk ak fo imado dugo ile ya

¹¹ Nai kumaen panu awan ipasig, hos milkouk ak imado dugo nile ya. Tamol a yan an Uyan di Rumok dubol dan hos an fufo imasig imado se ya. In kagin itaot mok an lo mi tamolpein kot lo ibitiniſa dak agod yu igane da.

¹² Inanen malan man yai ided on da, agod in kin san kitikat wei mi kabuſan fo dien da. In tinin fo yanak kisaek girek a, agod inſen kisaek mi yanak an ilon a, tamol aenta man tia ya.

¹³ In kulos igane dan gubak mi dar lo dusomini a. Agod in yan an igo dubol, Anut san Ru.

¹⁴ Kumaen panu san yu tamol adi, agod yu pein adi dam, inſigane hos milkouk ak fo dumasig niſen aban dirig patun fo dida dupalu se ya. In kulos milkouk siſiſaok amadi ikok geig ak didiri a.

¹⁵ Sabiri kisaek luon geig ak ta tamol an awan lo ilasag gidigidad yau se ya. Sabiri an lo in tamolpein warou fidian ibiaidudu wa. In makud ain yabip, an lo tamolpein warou fidian itirnai dabai a. In pat bod tubun ak lo wain patun ipipi wo ipartitale wa. Wain an man Anut dabai fidian aman da yan san tiſae mumarek tubun geig ak ate tou ipani da.

¹⁶ Inſan kulos milaen an fo, agod niſen dam fo yanak en digire ya.

Kin fidian sad Kin,

agod tamol tutubu yak fidian sad Tamol Tubun a.

¹⁷ Agog nai enel kisaek ad malan lo itur dugo nile ya. In awan dabai geig lo

anakanak keit titinjaem durou dan igiaig igo ibol, “Anj apalup atumanip, Anut san ananj tubun en malan agane wa.

¹⁸ Anj kinj adi sad tinidi, yu tamol sad yu gurman dababai ak, hos agod tamol hos fufo dumado dan, tinidi ka ani wa. Anj tamol fidian, tamol sen ka bigabeg dumado dan, tamol kawan dutor dan, tamol gidigheid ak, agod tamol yanjad aman da yak, sad tinid mudan ani wa.”

¹⁹ Agog naj mel kasik en, agod tan san kinj adi agod sad yu tamol dida dupalug dutumani dugo nejil a. Inj dutumanig an lo Tamol e hos milkouk ak fufo imado den, inanen yu tamolpein dida inj lo yu digane wo da.

²⁰ Ak man Tamol e hos milkouk ak fufo imado den, mel kasik an yabig isubani a. Profet sewak an dam yabig isubani a. Profet sewak en mel kasik an naon na kulob girager wei mi idiri ilasa na ya, an lo tamolpein a mel kasik an san kob injane dugo, san mitilaen dam ubou an dile yan, irawai se ya. Agog mel kasik inj profet sewak da, nunod uraru kumaed dumado dugo, gib saltek tubun en lo pat salfa awan isag, inani dak lo diabibol dudu ya.

²¹ Ago dugo Tamol e hos fo imado den, injsan sabiri awan lo yen dan ate, mel kasik san yu tamol ifug dumat pasik a. Agog anakanak adi fidian yu tamol adi sad sisannun dianig, luad ikafut idu ya.

20

Kristus anajar 1,000 tan na tamolpein itirnai a

¹ Ago man naj enjel ta kumaen panu ibiseig tan na idu dugo njile ya. Inj banin lo man gib kuror fun tia yak san ki yabi dugo sein tubun geig ak ta dam yabi a.

² Enjel en tan na ilasa dugo mot tubun en yabi a. Mot en man wagam geig ak san, yanjan Satan dubol da, yanjan taidam Uf Ru San Ur ago dubol da. Aria, enjel en yabig sein nam isubanig, subanek lo anajar 1,000 ago imado wa.

³ Enjel en Satan ibal gib kuror fun tia yak lo idu ya. Inj gib en san dalawan ifutanig lok iganeg dabai geig dugo, Satan kuai te ilasa san tia geig a. An lo Satan fon tamolpein warou fidian dumado dan irawai

san dal tia ya. Satan gidad malan igane dop, anajar 1,000 yau gup, dubuseip kuai te ilasap saen katukan mi gidigheid itor a.

⁴ Naj kalik wei mi nejil a, inj nek ibol kinj adi sad kalik igo wonj a. Ago dugo tamolpein kalik an fufo dumado dak njutudi dam nejil a. Anut inj tuod lo tamolpein bitinaek lo didiri san dabai ipidinai a. Tamolpein en Jesus o ilod lo rumok, injsan ru diabi sakar dugo, dubol ilasa na ya. Inj dam mel kasik an, agod san mitilaen dam ta ubou an dile na ya, agod mel kasik an san kob man, inj banid fo, tia, inj naod kapen fo ta dinjane na ya. Fun amaiak ninjen o ager adi burodi dutute dugo dufu dumat na ya. Tamolpein emaiak fon kumaed dumasag kinj igo wonj Kristus da sisem anajar 1,000 dumado na ya.

⁵ Aria, en man tamolpein mutou lo yak foun dumasa dak sad saen malan te ya. (Tamolpein aenta dumat la yan, inj saen an lo kumaen ta dumasa na ya. Saen anajar 1,000 itout gup, tamolpein an kumaen dumasa wa.)

⁶ Tamolpein malan te mutou lo foun dumasa dan, ka ilod uyanan pe uyasusai tubun mi digane wa. Matenj murnai san man, tamolpein naok amaiak ibiai dudu san dabai an tia ya. Tia, inj Anut Kristus da sad pris adi ago dumado wa. Ago dop inj Kristus da anajar 1,000 en lo tan na tirnek tamol igo dumado yau a.

Anut Satan daonj ipani a

⁷ Aria, saen anajar 1,000 en itout dop, gib kuror fun tia yak ate Satan subanek lo imado dan awan dupasip subanek ibiseip ilasa wa.

⁸ Satan tamolpein a tan titin fidian lo dumado dan irawai o kuai te ilasa wa. Tamolpein an man Gok inj Magok da sad warou adi. Satan itumanaip yu diabisa wa. Injsad yu tamol sad sutek man lonj na lul igo wonj a.

⁹ Yu tamol an tan titin fidian lo dupalup tan aten fo turenj diabip, gun adi sad aben agod taun tubun ak e Anut ninjen o imat den ate dilasap disalti wa. Ak man, yai kumaen panu lo yan idup, yu tamol adi an inandai pasik a.

¹⁰ Agog Satan gubak mi rawek igane se yan diabip, yai saltek a pat salfa ided dan ilon lo dibili idu wa. Ante man mel kasik ak in profet sewak da gubak mi diabibol dudu la ya. Ago dop nunod utol an ad tidom pem-pem mi madai dam muruan dam disini wa.

Kot tubun ak ilasa ya

¹¹ Agog naj kalik tubun milkouk ak, agod Enti in kalik fufo imado dan dam neil a. Tan keit da in naon na dien san ta idaisuda na ya, an ninen o dusol diaug itout yau a.

¹² Ago dugo naj tamolpein yanad aman da yak, tamolpein kawan a dam dumat la yan neil a. In kin san kalik naon na dutur se ya. Kot san buk awad dupasi dugo, buk taidam awan dupasi a. An man kumaen san buk. Gubak mi kulob dugo dugo tamolpein digane na yan, an fidian buk lo digire ya. Aria, gamu Anut in buk an ilod lo ile dugo, ru dugo digireg yen den iri panim, ago mi tamolpein dumat la yan sad kagin naok naok atem, naon atem itaot mok ipidinai se ya.

¹³ Tamolpein ensauta beig lo dumat go ate dumado dan, in dumasag beig dubu-seig kot lo diaug dutur se ya. Tamolpein ensauta a Matej in Ades da lo dien dan, in dam dumasag kot lo dutur se ya. Ago dugo Anut tamolpein an fidian mi sad kagin dugo dugo tan na digane na yan bitinaek lo idirai dugo naon ipidinai a.

¹⁴ Agog Matej Ades da yai saltek an lo diabibol dudu ya. Yai saltek an man matej murnai a.

¹⁵ Tamolpein fidian yanad kumaen san buk ilon lo ta yen na tap, yai saltek lo diabibol dudu diau a.

21

Anut melmel fidian idiraig foun dilasa ya

¹ Nai malag yang keit foun ak in tan foun ak da dien dugo neil a. Tan wagam ak in keit wagam ak da ditout diau la ya, agod beig dam itout yau dugo foun ak ta aben inane man tia ya.

² Nai Anut san taun tubun ak nile dan man, Jerusalem foun a. Nai malag lo Jerusalem foun an Anut san kumaen panu ibiseig idu se ya. Insan bala man uyanan

geig a, nek ibol pein tamol inane wo damag dupani ak igo mi a.

³ Ago dugo kin san kalik fo na talpein ta awan dabai geig ak, igo iwagin dugo nalon a. “Alon ak, gamu Anut inanen tamolpein lulunad lo imado da. In dida sisem turen diabi wa. Tamolpein en man Anut san warou mok a. Anut in sen mi dida dumado wa.”

⁴ In tamolpein an malad turon isasi pidinai dop fon ta dumat na wa. In ilo muruan dam tinaj dam tia wa. In madai fon mi ta dile na wa. Man dugo, melmel wagam ak san man gamu itout geig a.”

⁵ Enti a kin san kalik fo imado dan igo ibol, “Alon ak, naj melmel fidian nidiraig foun ak dilasa wo da.” In fon mi igo ibol, “On ru en gire wa. Ru en man rumok geig a. Tamol fidian ru en ka ilod lo rumok a.”

⁶ Agod in igo naj irupaiaig a, “Melmel fidian dilasa la ya. Nai mi malan te numado dak, ago mi murna dam numado wa. Nai mi fun, agod naj mi wadan. Gidad talpein ta kulagun igos dop, naj you kumaen san e sen ibanai den ninanep, naon tia kawan nupanip iluk a.

⁷ Talpein enti yu igane itout dop mel en fidian insad tamad imado wa. Nai man inanen Anut, agod in dam naineg nanug mok a.

⁸ Ak man, talpein a direr dugo dusuk dumul dan, talpein a inaned ilo rumok patud dupani dan, a kagin saian geig nun anda yak digane dan, talpein a dufu dumat dan, a jeit kagin digane dan, a nawir digane dan, a tubud sewak adi lo dugudani dugo sad ubou leil digane dan, agod tamolpein fidian ru sewak dubol dan, inaned aben man, yai saltek pat salfa lo ided dan ate dumado wa. En man matej murnai a.”

Jon Jerusalem foun ak ile ya

⁹ Enel seven insad daeg lo muruan seven a tamolpein malad isue san awan isa yan diabi da. Aria in lulunad lo enel ta kisaek naisag na ipalug igo irupaiaig, “On palup, naj nug nanek san pein nukubiaip ule wa, an man Sipsip Nanun san pein.”

¹⁰ Ago dugo enel en, nionamin Urgun igane ilasa yan lo naj isinag go, in da did tubun lak na geig ak fo mau a. Ante man

in taun tubun gun ak Jerusalem ikubiaig n̄ai n̄ile ya. An Anut san na kumaen panu ibiseig idu dugo leil n̄upani se ya.

¹¹ Anut san lilaman girager tubun an naon senamo geig taun an lo irafule dugo aban̄ kuai isi a. An nek ibol pat siñaokan yañan jaspā naon lak na geig ak igo woñ a. Pat jaspā san lilaman man pat daran di kadabog, agod mum igo woñ ided da, siñaokan geig man nek galas oñ a.

¹² Taun en man in̄san ar tubun di lak na geig a. In̄san dalawan 12 ar ate dien da. En̄el 12 dalawan an siñired na dutur se ya. Agod Isrel gugoi 12 sad yañadi dam dalawan ate digireg dien da.

¹³ Ar en san titin ad ilasa dak lo man, san dalawan utol a. In̄san titin not lo man dam dalawan utol, saut lo dam utol a. Ar titin ad idu yau dak lo an dam utol a.

¹⁴ Pat 12 taun en san fun dabai dupanig dien da. Sipsip Nanun san aposel 12 an yañadi dam pat en fo na digireg dien da.

¹⁵ Agod en̄el e n̄ai da mukubiai den, makud gol ta lo tou igane san aman da ya. In̄ taun tubun en, agod in̄san ar, agod ar san dalawan dam touad igane wo da.

¹⁶ Taun tubun en san giran̄en iwoiwo yan san tou man naon kisaek a. In̄san milaen in̄san tubun dam tou naon kisaek mi a. En̄el makud an nam taun tou yabig, san tou man 12,000 kilomita igo woñ a. Taun giran̄en iwoiwo yan, san lak na dam fidian sad tou naon kisaek a.

¹⁷ In̄ taun an san ar tou yabig, ar san buban̄an san tou man 144 mita igo woñ a.

¹⁸ Taun an san ar man, Anut gubak mi pat siñaokan daran di tinin mum ak nam igane ya. Taun in̄sen man Anut gol nam igane ya, siñaokan geig di ibol galas oñ a.

¹⁹ Taun an san ar fun man, Anut pat sensen naod lak na yak nam damag ipani a. Pat siñaokan ar fun te man jaspā. Tinin te man pat yedyed ak yañan safaya. Ta man pat girager wei mi dukubuli dan yañan aget. Ta man pat mum ak yañan emeral.

²⁰ Pat kafen ak san girager man daran di milkouk da, yañan onikis. Pat sukun an man daran, yañan konilian. Pat balab man kadabog, yañan krisolait. Pat mum ak ta man naon sen ak ibol beig oñ yañan beril. Ta man pat kadabog ak yañan topas. Ta

yañan krisopres, san girager kitek mum oñ a. Ta yañan aiasin, san girager man daran di kadabog da dukubuli a. Ta yañan ametis, san girager man ibol daran di yedyed da dukubuli igo woñ a.

²¹ Dalawan 12 en man, kululoi milkouk 12, sad naod man lak na geig a. Dalawan kisaek kisaek atem kululoi tubun ak kisaek kisaek nam digane ya. Taun san dal malan te yak gol nam digane ya, agod san leil man nek ibol galas oñ a.

²² N̄ai ubou ab ta taun en lo yen dak n̄ile man tia ya. Tia, Tubud Anut in̄ dabai fidian anda yan, Sipsip Nanun da in̄sed mi ubou ab san aben diñane ya.

²³ Taun en lo ad in̄ kalam da lilaman digane san urat amad tia ya. Tia, Anut san ilalan̄ tubun an mi lilaman ipani da. Agod in̄san lam man Sipsip Nanun mi a.

²⁴ Tamol warou fidian man taun en san lilaman lo dutor a. Ago dop tan san kin̄ adi in̄aned filiadi an disinip in̄san na dupalu wa.

²⁵ Ad lo in̄ ar san dalawan ta dufutani na wa. Tidom fon taun an lo ta ilasa na wa, an lo man ar san dalawan pempem mi ikasap dien a.

²⁶ Tamolpein warou fidian sad melmel girager amad da yak, agod mel uyanan dam disinip taun an lo diladu wa.

²⁷ Mel ta nun anda yak taun an lo ta iladu na wa, tia geig a. Tamolpein a miai kagin, agod rawek kagin digane dan dam ta diladu na wa. Tia, tamolpein a in̄aned yañadi Sipsip Nanun in̄anen kumaen san buk lo digire yan mi ka diladu wa.

22

You kumaen san agod ai kumaen san

¹ Agog en̄el en n̄ai you tubun ak ta ikubiaig n̄ile ya. You en kumaen san, in̄san lilaman nek ibol galas oñ a. You en Anut in̄ Sipsip Nanun da sad kalik paen na ilasa dugo,

² taun titin̄ae mi yau da. You san awan gigin aenta lo agod aenta lo dam ai kumaen san dutur da. In̄ anan̄ar kisaek ilon lo saen 12 nuñod dufu da, kalam kisaek kisaek ate mi. Ai roudi an tamolpein subam ad da yak ikubunia san.

³ Mel ta Anut san misilanek ru paen na yen dan taun en ilon lo ta yen na wa. Anut

in Sipsip Nanun da sad kalik kisaek an mi taun an lo yen a. Ago dop Anut san urat tamol, urat pein dam in lo ubou dile wa.

⁴ Tamolpein en Anut naon ka dile wa, agod in yanan man naod kapen fo igirep yen a.

⁵ Tidom fon ta ilasa na wa. Lam in ad da lilaman digane san urat amad tia wa. Tia, Anut in sen mi insad lilaman. Agod in anen tamolpein an in kin agod kwin dilasap pempem mi ago dumado wa.

⁶ Enjel e nai da mukubiai den igo irupaia g a, “Ru en fidian man rumok geig a, tamol fidian ru en ka ilod lo rumok a. Agod Anut Tubun ak in profet ntudi sad Anut, in anen enjel idinig urat tamol adi agod urat pein dam, mel fidian mitep ririan dilasa san ikubiai pidinai o ipalu ya.”

Jesus ririan imul ipalu wa

⁷ Jesus ibol, “Alon uyan. Nai ansam na npalu san saen sumeik la ya. Aria, talpein ta Anut san ru murnap ilasa san buk en lo yen den iri ipani dan, uyasusai ka igane wa, man dugo, in bar uyanan inane wa.”

⁸ Nai Jon, nai ru en nalon dugo mel fidian dam malag nam nile ya. Agod saen nai nalon dugo nile yan man, nai enjel emaiak mel e fidian ikubiag nile yen, nien fun na turug nusoluwig in lo ubou nile wo da.

⁹ Ak man in nai irupaia g, “On gidad ago ta gane na wa. Nai on da urat kisaek a. Taida mi, onane tei tao profet adi, agod tamolpein a buk en san ru diganuri dan man dida urat kisaek a. Anut mi ubou an ule wa!”

¹⁰ In fon mi nai igo irupaia g a. “Profet ru buk en lo yen den, on ta pirani na wa. Tia geig, man dugo, ru en nunon ilasa san nal man ipalu sumeik a.

¹¹ Saen katukan ak ninen o, talpein kagin saiak saiak digane dan in ago mi ka digane wa. Talpein kagin nun aman da yak digane dan, in dam ago mi digane yau a. Talpein kagin itaot digane dan, kagin nek ago mi ka digane yau a. Agod gun adi dam in aned kagin gun an mi ka digane yau a.”

¹² Jesus igo ibol, “Alon ak, nai npalu san saen sumeik a. Nai tamol fidian in aned urat emaiak san naon npudinai san nisinip

npalu wa. Nai tamol kisaek kisaek urat dugo dugo digane na yan atem itaot in aned urat naon npudinai a.

¹³ Naiseg mi imug numado yak, agod wadan lo dam numado wa. Nai mi malan te numado dak, ago mi murna dam numado wa. Nai mi fun, agod nai mi wadan.

¹⁴ “Tamolpein in aned kulos dufulani la yan, in uyasusai digane wa. In ai kumaen ipidinai san an ate anan ka dinane wa. Agod in taun san dalawan lo ka diladu wa.

¹⁵ Ak man goun adi agod tamol adi a nawir digane dan, tamol jeit kagin digane dan, tamol dufu dumat dan, a tubud sewak lo ubou dile dan, tamol fidian a kagin sewak duri dupani dan, tamol naok amaiak taun san ar patun fo dumado wa.

¹⁶ “Nai Jesus, nai gubak mi naisag enjel nidinig ansam na yau a, an lo ru e an Kris midaen adi alon la yen irupaia g a. Nai man kin Dawid san ai dabin, agod in san malan kubulan. Nai man patui nek a salso idu dop ided dan nek ama ya.”

¹⁷ Awan Ur in Sipsip Nanun san pein da Jesus durupeig ago dubol, “On palu.” Agod talpein enti buk en lo ru ilon dan in dam ka ibol, “On palu.” Talpein enti kulagun igos pe iluk o imat dop, in ka ipalup you kumaen san an naon tia kawan inane wa.

¹⁸ Nai ru dabai nam tamolpein fidian a profet ru buk en lo dulon an nrupidai da. Talpein enti buk en lo ru sen ta ibate dop, aria, buk en lo mel saian geig Anut ninen o ibol en, Anut in sen mi ibatep talpein an san na ilasap isini wa.

¹⁹ Taida mi, talpein ta in profet ru aenta buk en lo yen den ipasi yau dop man, muruan naok en in isini wa. In ai kumaen an lo anan ta inane na wa. Agod Anut san taun ninen o buk en ibol dak, ilon lo ta imado na wa.

²⁰ Tamol mel en fidian ninedi wo ibol ilasa den, gamu igo ibol, “Rumok nunon, nai milaen tiap npalu saltik on a.”

Rumok. O Tubun ak Jesus, on palu!

²¹ Tubun ak Jesus in anen ilo panek an Anut anen tamolpein fidian mi ida ka amado wa. Rumok.